



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

Չորսպրեման
Կարգադրի
Բարեբաղնեղում

Գրախոսներ՝ պատմ. գիտ. դոկտոր, պրոֆեսոր
Լ. Ա. ԽՈՒՐՇՈՒԳՅԱՆ
պատմ. գիտ. դոկտոր, պրոֆեսոր
Հ. Մ. ՊՈՂՈՍՅԱՆ
Խմբագիր՝ պատմ. գիտ. դոկտոր, պրոֆեսոր
Ա. Ս. ՀԱՄԲԱՐՅԱՆ

ԻՆՉՈՒՆ ԵՆ ԿԵՂԾՈՒՄ ՊԱՏՄՈՒԹՅՈՒՆԸ

(Ներածություն և փոխադրեմ)

ՊՈՂՈՍՅԱՆ Ա. Կ.

Պ 797 Գոյատևման պայքարի քառուղիներում (փաստեր, վկայություններ և մեկնարանություններ) Լիմբ.՝ Ա. Ս. Համբարյան. — Եր. և Հայաստան, 1988, 480 էջ:

Աշխատության մեջ համառոտակի բնութագրվում է սովետական և երևաթուրքական կառավարությունների հայտնարած ու հայտնի քաղաքականությունը: Մերկացվում են արևմտաժողովրդի ցեղասպանությունը միտոլոգ պատմության կեղծարարները, բերվում են ԽՍՀՄ-հասցի սերտորոժ քաղաքականությունը անարդանքի սյունիի գամող համալիարհային առաջադեմ հասարակայնության ներկայացուցիչների կարծիքները:

Աշխատությունը պրոպագանդում է սովետական պատմագիտության նվաճումներ և նոր պրոբլեմներ լուսարանելու նպատակ չի հետապնդում: Շրջանառության մեջ են գրվում բազմաթիվ նոր փաստեր և խախտեալված է ընթերցող լայն շրջանների համար:

Թուրքական պաշտոնական պրոպագանդայի գործունեության ամենահարեանցի ուսումնասիրությունն անգամ պարզում է նրա անմիջական կապը Արևմուտքի պրոպագանդիստական կենտրոնների հետ: Այն կրկնում է արևմտյան գաղափարախոսների մըտքերն ու տեսությունները կոմունիզմի ու իրական սոցիալիզմի մասին՝ սկսած ՄՍՀՄ-ում մարդու իրավունքների ոտնահարումից մինչև «սովետական վտանգի» մասին հերյուրանքները:

Թուրքիան դեռ շատ վաղուց Արևմուտքի պետությունների ձեռքին գործիք է եղել՝ սկզբում Ռուսաստանի, ապա Սովետական Միության դեմ պայքարելու համար: Սրանով պես է բացատրել, որ Հայկական հարցի շուրջը ծավալված պայքարում այդ պետությունները մշտապես գտնվել են Օսմանյան կայսրության քաղաքականության պաշտպանության դիրքերում: Դրա վառ վկայությունն էր ստատոս քվոյի քաղաքականությունը՝ եվրոպական պետությունների ջանքերը Օսմանյան կայսրության ամբողջականությունը պաշտպանելու նպատակով:

Ռուսաստանի հետ առձախատման պայմաններում, իհարկե, արևմտյան տերությունների շահերը պահանջում էին, որ ստրատեգիական տեսակետից մի այնպիսի կարևոր տարածք, ինչպիսին Հայկական բարձրավանդակն է, բնակեցված լիներ ոչ թե ռուսական կողմնորոշում ունեցող հայերով, այլ թուրքերով ու մահմեդական այլ տարրերով: Նրանք լավ գիտեին, որ հայերն իսկապես ռուսական կողմնորոշում ունեին և այն ոչ թե ժամանակավոր ու տակտիկական, այլ առհավատ ու ստրատեգիական բնույթ ունեին: Եվ որովհետև հայերի ցեղասպանության սուլթանական ու երիտթուրքական քաղաքականությունը առաջին հեր-

6503020913
701 (01) 88 59—87

Բլն ուղղված էր Ռուսաստանի դեմ, եվրոպական մեծ տերու-
լյունները միայն կեցվածք ընդունեցին, թե դատապարտում են
ցեղասպանությունը, մինչդեռ եղեռնը հետևանք էր նաև նրանց
իմպերիալիստական-գաղութատիրական ձգտումների:

Առաջին համաշխարհային պատերազմի ավարտով քայքայ-
վեց Օսմանյան կայսրությունը: Թուրքիայում ծանր կացություն
ստեղծվեց:

Այս պայմաններում ԱՄՆ-ի կառավարությունը, որ սկսել էր
ակտիվ դեր խաղալ «հին աշխարհում», հանգեց եզրակացու-
թյան՝ Սովետական Ռուսաստանի դեմ օգտագործելու համար
Թուրքիան այլևս պիտանի չէ: Վարչական, ազգային ու քաղա-
քական նոր միավորում էր պետք: ԱՄՆ-ի սյրեզիդենտ Վիլսոնի
կարծիքով, այդպիսի միավորում կարող էր լինել Հայաստանը,
և նա համաձայնեց վերցնել Մեծ Հայաստանի մանդատը:

«Հայերի նկատմամբ գործադրած մեթոդիկ ջարդերը,—
գրում է Վիլսոնը,— մեզ հարկադրում են եվրոպայի սահման-
ներից անհետացնել այդ տգետ և անառողջ... ավազակախմբե-
րին՝ թուրքերին: Հայաստանին պետք է տրվի այն, ինչի նկատ-
մամբ նա պատմական իրավունք ունի: Նա Թուրքիայից ավելի
իրավունք ունի գոյատևելու, որովհետև ինքն իրեն ավելի լավ
կարող է կառավարել»¹:

Սակայն ԱՄՆ-ը առանց երաշխավորված շահի զոհողություն
չէր գնա: Եվ նա իրեն հարց տվեց՝ այդ Հայաստանը, որի մա-
սին խոսում է Վիլսոնը, ստեղծվում է Ռուսաստանի դեմ, թե՞
նրա համար: Այս հարցին պատասխանեց ամերիկյան կոնգրե-
սը, որը մերժեց ընդունել Հայաստանի մանդատը: Դրանով
ԱՄՆ-ը Մերձավոր արևելքի հարցում վերջնականապես որդեգրեց
եվրոպական մեծ տերությունների ավանդական քաղաքականու-
թյունը, այն է՝ հենվել Թուրքիայի վրա, աջակցել նրա ռազմա-
քաղաքական հզորության դարգացմանը և դարձնել ստրատեգիա-
կան հենակետ ընդդեմ Սովետական Միության:

Հենց դրանով էլ պայմանավորված է Թուրքիայի տեղն ու դերը
ժամանակակից միջազգային կյանքում:

Թուրքիան ՆԱՏՕ-ի ռազմական բլոկի անդամ է, այդ բլոկի
հարավարևելյան ռազմական ամրոցը:

Պանթուրքիզմը, որ առաջին հերթին ուղղված էր Ռուսաստանի
դեմ, դարձել է Թուրքիայի պետական քաղաքականությունը, իսկ
այն ամենը, ինչ ուղղված է Սովետական Միության դեմ, խրա-

խուսվում և աջակցություն է ստանում Արևմուտքի իմպերիալիս-
տական շրջանների կողմից:

Դեռ 1947-ին ամերիկյան սենատոր Ռասելը բացահայտեց
Թուրքիային ԱՄՆ-ի կողմից ցույց տրվող օգնության իսկական
նպատակը. «Ես չեմ ասում, թե ուզում եմ օգնել Հունաստանի և
Թուրքիայի դեմոկրատիային: Ես չեմ կարծում, թե այդ երկր-
ների ժողովուրդները դեմոկրատիա ունեն: Բայց ես ցանկանում
եմ օգնել թուրքերին Ռուսաստանի դեմ դինվելու գործում»²:

Տրումենի դոկտրինայով Թուրքիան ԱՄՆ-ից ռազմական օգ-
նություն ստացավ և դրա դիմաց պարտավորվեց իր բանակը
դնել ամերիկյան վերահսկողության տակ: Մարշալի պլանով Թուր-
քիան գործնականում վերածվեց ԱՄՆ-ի տնտեսական կցորդի:
Տարեցտարի աճեցին Թուրքիային ԱՄՆ-ի ցույց տված օգնության
ծավալն ու ընդդրկումները:

Միացյալ Նահանգները թուրքերին համոզում են, որ ՍՍՀՄ-ի
դեմ «պատերազմը անհրաժեշտություն է», և այդ պատերազմում
Թուրքիան պետք է առանձնահատուկ դեր ունենա: Արձագան-
քելով դրան, թուրքական «Տասվիր» թերթը գրեց. «Պետք է ցան-
կանալ, որ այդ պատերազմը տեղի ունենա որքան հնարավոր է
շուտ», իսկ ֆաշիստամետ ժողովուրդի մարշալը ԱՄՆ-ին կոչ է
անում՝ չհապաղել պատերազմ սկսելու սոցիալիստական երկր-
ների դեմ³: Հակասովետական մոլազարությունն այնպիսի ծա-
վալներ ընդունեց, որ ՄԱԿ-ում Սովետական Միության ներկա-
յացուցիչը հարկադրված էր նշել. «... միանգամայն սանձարձակ
և Սովետական Միության դեմ պատերազմ հրահրելու նպա-
տակով մղվող զրպարտիչ ու պրովոկացիոն կամպանիայի ամեն
մի սահմանից դուրս եկող փաստեր, կամպանիա, որ Թուրքիա-
յում մղվում է արդեն երկար ժամանակ»⁴:

Թուրքիայի ռազմականացումն ու Արևմուտքի զավթողական
նպատակադրումներին նրա ենթարկվածությունը հատկապես լայն
թափ ստացան վերջին տարիներին:

Թուրքիայում 1980 թ. սեպտեմբերի 12-ի պետական հերաշքը-
ման իսկական պատճառը ոչ թե ահաբեկչության դեմ պայքարն
էր, այլ իշխանություն ունենալու թուրքական սպայության ձրգ-
տումը: Այսօր թուրքական բանակում հաշվվում է 750 հազար
մարդ, այսինքն՝ ազգաբնակչության 6 տոկոսը: ՆԱՏՕ-ի
անդամ երկրների շարքում թուրքական զինված ուժերը
զիջում են միայն Միացյալ Նահանգներին, որի վերազինման,

վերակառուցման համար հսկայական միջոցներ են հատկացվում: Եթե 1978—1979 թթ. այդ ծախսերը կազմում էին երկրի պետական բյուջեի 22,3 տոկոսը, ապա 1981—82 թթ.¹ 27 տոկոսը: Թուրքիան ՆԱՏՕ-ում առաջին տեղն է գրավում նաև առաջնական ծախսերի աճման տեմպերով: Այսպես, 1955—1985 թթ. ընթացքում այդ ծախսերն աճել են հինգ անգամ:

Թուրքական բանակը ոչ միայն ՆԱՏՕ-ի հարավարևելյան ամբողջն ու հարվածային ուժն է, այլ նաև ԱՄՆ-ի արագ ծավալման ուժերի բազան և Մառդոչյան Արաբիայի, Եգիպտոսի ու Պակիստանի հետ միասին Միջին և Մերձավեր արևելքում առանձնահատուկ դեր ունեցող զինակիցը:

1947-ի համեմատությամբ, 1984-ին Թուրքիային Միացյալ Նահանգների ռազմական օգնությունն աճել է 10 անգամ՝ 100 միլիոնից հասնելով մեկ միլիարդ դոլարի: Միայն 1985-ին այն աճել է 60 տոկոսով: Բայց թուրքական կառավարությունը դա բավարար չի համարում և պահանջում է տարեկան 1,25 միլիարդ դոլար: Այդ էր Թուրքիայի կառավարության ղեկավար Ք. Շալաի 1985 թ. սկզբներին ԱՄՆ կատարած այցի զլխավոր նպատակներից մեկը*:

Հիմնովին վերակառուցվել են Թուրքիայի բոլոր զինատեսակները, ռազմաօդային և ռազմածովային բազաները, երկաթուղային և խճուղային ճանապարհները: Երկրի տարածքում ստեղծվել են ստրատեգիական գոտիներ, որոնք ի վիճակի են ռազմական խոշոր ուժեր ընդունել, հանդերձավորել և մարտական վիճակի բերել: Մտրատեգիական այդ գոտու մեջ են մտնում Սոփիական Միությունը սահմանամերձ շրջանները, ամբողջ Արևմուտյան Հայաստանը: ԱՄՆ-ի օգնությամբ Թուրքիայում ձևավորվեցին ռեակտիվ և տրանսպորտային ինքնաթիռների ռազմական ստորաբաժանումներ, այստրաստվեցին համապատասխան կազմեր:

Բնական է, որ ԱՄՆ-ի ու ՆԱՏՕ-ի կողմից Թուրքիային ցույց

* ԱՄՆ-ի պաշտպանության մինիստրի օգնականը 1985 թ. մարտին Անկարայում հայտարարեց՝ համաձայնություն է կայացվել, որ Թուրքիան ունենա ժամանակակից միջուկային զենք, որովհետև «Թուրքիայի արևելյան սահմանները դժվար պաշտպանելի են, և սովետներն էլ այդ շրջաններում զինվորական ուժեր են կուտակում: Թուրքական սահմանի անմիջապես մյուս կողմում սովետները ռազմական մի ահավոր ուժ են պատրաստ պահում» (Թուրքական հեռուստատեսություն, 2. 04. 1985 թ.):

տրվող ռազմական և տնտեսական առատ օգնությունը չէր կարող ազդեցություն չունենալ նրա արտաքին քաղաքական կուրսի վրա: Թուրքիայի տարածքում ամերիկյան ռազմական բազաները գոյությունը, որոնցում տեղադրված են նաև միջուկային զենքի պաշարներ, ՍՍՀՄ-ին ուղղված հետախուզական համակարգերի ստեղծումն ու այդ նպատակով նույնիսկ սպիտակահեր Արարատի օդաակործանը, սովետա-թուրքական սահմանների երկայնքով պայթյունիկ նյութերով լի խոզովակաշարի, Մուշ քաղաքում ռազմական խոշոր օդանավակայանի կառուցումը և այլն, դրա վերջույններն են: Պատասխանելով «Գյունեշ» թերթի թղթակցի հարցերին, Թուրքիայի պրեմիեր մինիստրը հայտարարեց. «Ուժեղ Թուրքիան կարևոր դեր է խաղում Միջին արևելքում կայունությունն ապահովելու գործում... Մեր հարաբերություններն ԱՄՆ-ի հետ, որոնք կրում են դաշնակցային բնույթ, շատ լավ վիճակում են... Մենք բոհոնակություններ ենք ընկալում մեր անտեսական և ռազմական պահանջներին բավարարելու համար ԱՄՆ-ի ղեկավարների կողմից ցույց տրվող օգնությունը»⁵:

Թուրքիայի և ԱՄՆ-ի ռազմական փոխհարաբերությունները սահմանված են «Պաշտպանության և անտեսական համագործակցության համաձայնագրով», որը ստորագրվել է 1983-ի հունիսի 13-ին: Ըստ այդ պայմանագրի 3500 ամերիկյան ռազմական մասնագետներ (իրականում Թուրքիայում նրանց թիվը հասնում է 7000-ի) աշխատելու են Թուրքիայում գործող էլեկտրոնիկալրտեսական կայաններում, որոնցից մեկը տեղադրված է Սինոպում (Սև ծով), իսկ մյուսը՝ Ինջիրլիկի շրջանում: Կրտեսական կայաններ են տեղադրված նաև Բելրասինում (Անկարայի մոտ) և Մարմարա ծովում⁶:

Իրանում շահի տապալումից հետո Թուրքիային սկսեցին անվանել ԱՄՆ-ի «մեծ ականջ»: Նրա տարածքն ապահովում է ՍՍՀՄ-ի մասին ԱՄՆ-ի ստացած լրտեսական նյութերի 25 տոկոսը:

«Զուժհուրի էսլամի» լրատվական գործակալության հաղորդման համաձայն, Ամերիկայի Միացյալ Նահանգները Թուրքիայում տեղակայած իր ռազմաօդային բազաների ընդարձակման համար հատկացրել է 26,3 միլիոն դոլար: Նախատեսվում է այդ միջոցներով ստեղծել արբանյակային հաղորդման կենտրոններ: Գործակալությունը տեղեկացրել է նաև, որ համաձայնագիր է

ստորագրվել Արևելյան Թուրքիայում ռազմական բազաների ցանցի հետադա գարգացման մասին⁷:

Միջին ու Մերձավոր արևելքի երկրներին հանգստացնելու նպատակով գործակալությունը հայտարարեց, որ Թուրքիայի ռազմական բազաները օդտագործվելու են միայն ՆԱՏՕ-ի կողմից, որ ԱՄՆ-ը Միջին արևելքի գործերին միջամտելու նպատակ չի հետապնդում:

Բայց քիչ անց ամերիկյան «Քրիսչըն Սայնս Մոնիթոր» օրաթերթի թղթակիցը Կ. Պոլսից հաղորդեց՝ Թուրքիայի արտաքին գործերի մինիստրը հայտարարել է, որ ըստ Թուրք-ամերիկյան նոր համաձայնագրի ԱՄՆ-ը նաև խաղաղ պայմաններում կարող է օդտագործել Թուրքիայի բազաները՝ ռազմական զանազան նպատակներով սպառազինություններ ամբարելու համար, իսկ ճգնաժամային իրավիճակների դեպքում այնտեղ կստեղծվեն ամերիկյան ռազմական համալիրներ:

«Չուրիեթ» օրաթերթի խոստովանությանը, Թուրքիան, Միջին արևելքում ստանձնելով ԱՄՆ-ի շահերի պաշտպանի դերը, փնտմ է դեպի կատարյալ մեկուսացում:

Թուրքիան արտաքին պարտքերն ու դրանց տոկոսները վճարելու համար իր անտեսությունն ու ֆինանսական գործունեությունը գրավ է դրել: Նա մտել է ԱՄՆ-Սաուդյան Արաբիա առանցքի մեջ և պատրաստվում է ստանձնել Միջին արևելքում Վաշինգտոնի ոստիկան զինվորի դերը, գրեց «Ջումհուրիեթ» թերթը 1985-ին, մի բան, որ ոչ միայն չի խոչընդոտի մեր երկրի շուրջ պաշարման օդակի ստեղծմանը, այլ, ընդհակառակը, կծնի նորանոր վտանգներ: «Ոչ ոք թող կասկած չունենա այն մասին, — զգուշացնում է թերթը, — որ որքան խորանա ամերիկյան ազդեցությունը Թուրքիայում, հակառակ մեր կամքի, այնքան ավելի մեծ արագություն պետք է մղվենք դեպի խոր բախումների անդունդը: Ինչպես ապրիլի 24-ից մեկ շաբաթ առաջ, երբ Լիբիայի նախագահ Քադաֆին այնքան անվայել և անպատշաճ հայտարարություն կատարեց Թուրքիայի հասցեին: Դրանից առաջ Բուլղարիայում տեղի ունեցած դեպքերը, ապա նաև «Պրավդայի» ելույթը: Այս բոլորը ամենևին էլ պարզ զուգահեռություններ չեն»:

Եվ ապա՝ «Վարչապետ Թ. Օզալի ամերիկյան ուղևորությունը և այդ շփումների ընթացքում նրա ցուցաբերած հանձնվճարական վարքագիծը, այսինքն՝ իրադարձությունների ընթացքը ի

հայտ է բերել այն իրողությունը, որ հասել ենք մի շրջադարձային կետի: Մոտ ժամանակներս անխուսափելիորեն տեսնելու ենք նաև իսլամական աշխարհի արմատական շրջանների հակազդեցությունը...»⁸:

Այս ողբը կեղծ է, որովհետև Արևմուտքը շատ հաճախ է կուլ գնում իր «շփացած որդու»՝ Թուրքիայի կամակորություններին: Օրինակները բազմաթիվ են:

Մի ժամանակ եվրոպական երկրները «մարդու իրավունքները ոտնահարելու» մեղադրանքներով տպավորություն էին ստեղծում, թե իբր ուզում են Թուրքիային հեռացնել եվրոպական պատվամենտից: Մինչդեռ վերջերս նրան ընտրեցին այդ պատվամենտի փոխնազախահ, քանի որ Թուրքիայում «հաջողությամբ է ընթանում վերադարձը դեպի ժողովրդավարություն»: Իրականում այդ վերադարձը բնութագրվում է խոշտանգումներով, զնդակահարություններով, քուրդ ժողովրդի նկատմամբ իրականացվող ցեղասպանությանը, մյուս փոքրամասնությունների հանդեպ գործադրվող ճնշումներով ու սահմանափակումներով, բազմաթիվ քաղաքներում արտակարգ դրության հաստատումով, թուրքական բանակի միջոցով Կիպրոսի մեծ մասի գրավմամբ, հայկական ցեղասպանության մերժմամբ*:

Պաշտոնական եվրոպան շողորթում է Թուրքիային: Ըզալի պատվին կազմակերպված ճաշկերույթի ժամանակ Մեծ Բրիտանիայի կառավարության նախագահ Մ. Թետչերը հայտարարեց. «Անգլիական թերթերը նույնիսկ գրում են, որ իմ քաղաքականությունն օգալյան է, ու ես դա որպես գովեստ եմ ընդունում»⁹:

Իսկ երբ Արևմուտքի հետ հարաբերություններում հակասություններ կամ չլուծված խնդիրներ են առաջանում, թուրքական կառավարությունը դիմում է «ճոճանակի» փորձված քաղաքականությանը: Երբ Թուրք-ամերիկյան նոր երկարաժամկետ պայմանագիր կնքելու գործում դժվարություններ առաջացան, Օզալը ԱՄՆ-ին սպառնաց. «Մենք պետք է... հարաբերությունները լավացնենք Սովետական Միության և արևելյան բլոկի երկրների

* 1987 թ. հունիսի 18-ին եվրոպական պատվամենտը բանաձև ընդունեց, որը Թուրքիային կոչ էր անում ճանաչել հայ ժողովրդի նկատմամբ 1915 թ. կատարված ցեղասպանության փաստը և ապրիլի 24-ը նշել որպես ցեղասպանության դեմ պայքարի միջազգային օր:

հետ: Եվ ապա՝ «Միացյալ Նահանգներից մեր ստացած դրամը ծառայում է Ատլանտյան դաշինքի՝ Արևմտաքի պաշտպանությանը: Մենք այդ դաշինքի պաշտպանության ծախսերը պատվարն ենք: Եթե մեր տնտեսական աղբյուրները կրճատվեն, ո՞վ է լինելու շահողը»¹⁰:

«Մենք ՆԱՏՕ-ի ամենահզոր երկիրն ենք. հայտնի է մեր աշխարհագրական և ռազմական կարևոր նշանակությունը. մեր դիմաց ուսաներն են, մեր շուրջը կրակներ կան... մենք գտնվում ենք մի շատ վտանգավոր աշխարհագրական գոտում...», «սոցիալիստական երկրների հետ մեր սահմանի ընդհանուր երկարությունը հասնում է 1200 կիլոմետրի, Թուրքիայի դիմված ուժերը պետք է հզոր լինեն»¹¹: Սակայն ԱՄՆ-ի և Թուրքիայի հարաբերություններին բնորոշը ոչ թե դեպքից դեպք երևան եկող այս հակասություններն են, այլ լիակատար համերաշխությունը:

Ամերիկայի Միացյալ Նահանգների պետական քարտուղար Շուպին են պատկանում հետևյալ խոսքերը. «Բավական է մի հայացք ձգել քաբակին, հասկանալու, թե Թուրքիան որքան կարևոր է ԱՄՆ-ի ստրատեգիական շահերի համար: Այն ՍՍՀՄ-ի, Մերձավոր արևելքի երկրների և պարսկական նավթահանքերի արևմտյան թևի մեջ խրված վահան է հիշեցնում»¹²: Իսկ ԱՄՆ-ի պաշտպանության մինիստրի օգնական Ռ. Փեյլը «Հուրիեթ» թերթի թղթակցի հետ ունեցած հարցազրույցի ժամանակ հայտարարեց. Թուրքիան և Իսրայելը «ամուր դեմոկրատիայով միակ երկրներն են, որոնք կայունության գործոն են հանդիսանում Մերձավոր արևելքում»¹³:

ԳՖՂ-ի կանցլեր Է. Կոլը 1985 թ. հունիսի 12-ին Անկարայում ասաց. «Թուրքիայի անդամակցությունը ՆԱՏՕ-ի համար կենսական նշանակություն ունի»¹⁴: Իսկ հոկտեմբերի 18-ին Թուրքական հեռուստատեսությունը հայտնեց, որ ԳՖՂ-ն Թուրքիա է ուղարկում «Լեոպարդ—1» մականիշի տանկեր»¹⁵:

ՆԱՏՕ-ի զորքերի գլխավոր հրամանատար գեներալ Ռոջերսը 1982 թ. եղավ ՍՍՀՄ-ի սահմանի երկայնքով տեղակայված Թուրքական երրորդ բանակում և նրա հրամանատարությունն առջև խնդիր դրեց նախապաշարասովել աշխատես, որ կարողանալ «իր վրա վերցնել հնարավոր հարձակման առաջին հարվածը»¹⁶: Ինչպես տեղեկացնում է «Դյուելեշ» թերթը, Ռոջերսը Թուրքական բանակը գերարդիական զենքով զինելու նպատակով հատուկ ծրագիր էր մշակել: Մասնավորապես նախատեսվում էր

վերակառուցել Թուրքիայում գտնվող միջուկային զենքի բազաները:

Հյուսիսատլանտյան բլոկի մեկ այլ ղեկավար՝ լորդ Քարինգտոնը, 1985 թ. նոյեմբերի սկզբին Անկարայի համալսարանում մ հայտարարեց, որ Թուրքիայի աշխարհագրական դիրքն ու ՍՍՀՄ-ին սահմանակից լինելը մեծացնում է նրա ստրատեգիական նշանակությունը: Քարինգտոնը այցելեց Կարսի, Կարինի, Արդվինի և Տրապիզոնի շրջանները, եղավ Թուրքական ղրամասեքում և «շատ գոհ է նրանց վիճակից»¹⁷:

Թուրքիան առաջին տեղն է դրավում ԱՄՆ-ից զենք գնող երկրների շարքում: Միայն 1984 թ. Թուրքիան ԱՄՆ-ից գնել է 4,4 միլիարդ դոլարի սպառազինություն: Այդ օգնության շնորհիվ է, որ Թուրքիան ձևանամուխ եղավ նաև միջուկային դինամի քաղաքականության իրականացմանը: Միջերկրական ծովի ափերին կառուցվել են ութանի արտադրության երկու հզոր հնոցներ, որոնց միջոցով մշակվում են 10—15 հազար տոննա հզորություն ունեի հանքեր:

ՆԱՏՕ-ն զործնական քայլեր է կատարում Սովետական Միության տարածքին անմիջականորեն հարող որոշ շրջաններ պորձեղության միջին շատավրի հրթիռների թախքադաշտ դարձնելու համար:

Թուրքիայում ստեղծվել են հզորություններ «Ջենեռալ էլեկտրիկ» մականիշի ավիացիոն շարժիչներ արտադրելու համար: Արդիականացվում են Վանի, Մալաթիայի, Կարինի, Աֆիոնի, Դալամանի, Ռաշակի, Զարդակի, Մուշի, Բաթեանի ռազմաօդային և ռազմածովային բազաները: Աքսադի շրջանում սկսվել է ՆԱՏՕ-ի ռազմական ուժերի համար նախատեսված սուզանավերի հզոր բազայի կառուցումը՝ 2,8 միլիարդ Թուրքական լիրա նախադժային արժեքով: Ինջիրլիկի բազայում տեղավորված են ոմբակուճիչներ, որոնք կարող են միջուկային զենք կրել: ԱՄՆ-ը Թուրքիայում ունի 60 ռազմական օբյեկտներ: Ռազմատրանսպորտային ինքնաթիռների արտադրություն կազմակերպելու համար բանակցություններ են վարվում Իսպանիայի, Կանադայի և Իտալիայի հետ: Ստեղծվել է նաև սեփական ռազմարդյունաբերական համայիր, որի գործունեության մեջ ընդգրկված են Թուրքական ինքնաթիռաշինական, ամերիկյան «Ջենեռալ մոտորս», Թուրքիայի ռազմաօդային ուժերին աջակցող ընկերությունները և այլն:

Ամերիկյան ֆիրմաների հետ համաձայնագիր է կնքված «Թուու» հակատանկային կառավարող հրթիռների և մարտական ուղղաթիռների գնման և համատեղ արտադրության համար: Կառուցվում է «Ռասպիրա» շարժական զենիթահրթիռային համակարգը, 1987 թ. ավարտվեց ամերիկյան «Փ—16» նորագույն կործանիչ-նախկոծիչների հավաքման ձեռնարկության շինարարությունը:

Թուրքիան Արևմուտքին անհրաժեշտ է նաև Իրանի դեմ ռազմական ուժ ունենալու, Սիրիային շեղաբացնելու, իր գերիշխանությունը Մերձավոր արևելքում ապահովելու համար: Դա հնարավոր է դարձնում Բաղդադի պակտի նման մի նոր ռազմական բլոկի ծնունդը, որ, մի կողմից, ուղղված կլինի Սովետական Միության, իսկ, մյուս կողմից, հնարավորություն կտա տիրելու այդ աշխարհամասի նավթահանքերին և ռազմաստրատեգիական ուղիներին: Թուրքիան հաճույքով է ընդառաջ գնում Արևմուտքի այդ ծրագրերին:

«Օզալի կառավարության միջոցառումների նպատակն է,— գրում է «Լոս Անջելես Քայմս» թերթը,— քննություն բռնել և ծանր բեռից վերածվել լիիրավ և որոշակի պարտականություններ ունեցող ոստիկանի:

... Թուրքիան Պարսից ծոցի մի շարք երկրների հետ պայմանագրեր է կնքել՝ պարտավորվելով անհրաժեշտ ռազմական օգնություն ցույց տալ այն դեպքում, երբ նրանց «անվտանգությունը» ենթարկվի որևէ վտանգի:

Այս բոլորը խոսում են այն մասին, որ Թուրքիային հատկացվել և հատկացվում է մի կեղտոտ դեր, որով նա վեր է ածվում արաբական հյուսիսային շրջանների ոստիկանի, ձգում այդ շրջաններում ուժեղացող ազատագրական շարժումների վզին փաթաթվող օղակը և արաբական ռեակցիոն ուժերին հավաստիացնում է, որ նրանց կողքին կանգնած է մի աշալուրջ պահակ...»

Իսկ Կիպրոսում արաբերեն լույս տեսնող «Ալ Հուրիա» թերթը 1985 թ. մայիսի 25-ին գրել է. «Ոստիկանը՝ թուրք... փողերը՝ նավթային, զենքերը՝ Ատլանտյան բլոկի... նոր վարչակարգը, որ փորձում է երկրում կարգ ու կանոն հաստատել տեղորի ու ճնշման պողպատյա ավելով, ներարկումներ է կատարում արաբական նավթի փողերով, որպեսզի վերակենդանացնի թուրքական օրգանիզմը, որին քայքայում է տնտեսական խեղդող ճրգ-

նաժամը: Մյուս կողմից, ՆԱՏՕ-ն և Սպիտակ տունը իրենց վրա են վերցրել նոր վարչակարգի զինման հոգսը, որպեսզի նա առույգ ծանդարմի նման մեր վրա պրծնի և այդպիսով շատանա այն ռեակցիոն ուժերի թիվը, որոնք Մերձավոր արևելքում պաշտպանում են իմպերիալիզմի շահերը»:

Իմպերիալիստները փորձից գիտեն՝ յուրաքանչյուր երկիր, որից պահանջվում է ոստիկանի դեր խաղալ, պետք է հասարակական, քաղաքական և տնտեսական տեսակետից ներքին կայունությունը ունենա, սոցիալական ցնցումների ու պայթյունի վտանգից զերծ լինի, որպեսզի նրա տերերի պլանները չձախուղվեն: Դրա համար էլ նրանք Թուրքիայի իշխող դասակարգերին բազմակողմանի օգնություն են ցույց տալիս՝ աշխատավորական զանգվածներին և դեմոկրատական տարրերին հնազանդության մեջ պահելու համար:

Թուրքիան անմասն չի մնում իմպերիալիստական բոլոր ագրեսիվ միջոցառումներից: ՄԱԿ-ի, միջազգային մյուս կազմակերպությունների նստաշրջաններում ամերիկյան «քվեարկության մեքենայի» թուրքական կոճակը գործում է անխափան:

Թուրքիայի ամերիկյան գաղութում հաշվվում է 25 հազար մարդ: Պետական ապարատում մեծ թվով բարձրագույն պաշտոններ զբաղեցնում են օտարերկրացիները: 18 մինիստրություններից միայն շոքսում է, ուր շիան ամերիկյան խորհրդականները: Վերջիններս Թուրքիայում իրենց զգում են ինչպես սեփական տանը, ունեն իրենց խանութները, 11 ռադիոկայան, սեփական փոստային կապ: Ամերիկացիներն օգտվում են էքստերիտորիալ (արտաերկրյա) իրավունքներից:

Թուրքիայում տեղակայված ամերիկյան «բազաններից», առանց կառավարության գիտության, թուրքում էին լրտես ինքնաթիռները,— գրել է Թուրքիայի բանվորական կուսակցության լիդեր Մ. Այբարը: Վաղը նույն այդ բազաններից, և դարձյալ առանց մեր գիտության, կարող է բարձրանալ միջուկային մարտազխիկ ունեցող ինքնաթիռ: Այլ խոսքով ասած, օտարի աչքերը, օտարի ականջներն ու օտարի ձեռքերը երկնքի նման տարածվել են մեր յուրաքանչյուր հողակտորի վրա¹⁸:

Ինչո՞վ բացատրել Թուրքիայի այդ վարքագիծը, Արևմուտքի իմպերիալիստական շրջաններին նրա հնազանդությունը: Դրա համար երեք հիմնական պատճառ կա:

Առաջին. իշխող դասակարգերի ատելությունը կոմունիզմի նկատմամբ:

1985 թ. հոկտեմբերի 17-ին, հանդես գալով Կաստամոնու քաղաքում, պրեզիդենտ Ք. էվրենը հայտարարեց. «Թուրքիայի համար գոյություն ունի երեք սպառնալիք: Դրանցից առաջինը կոմունիզմի վտանգն է, որը երկար ժամանակ կախված է Թուրքիայի վրա»: Մեկ օր անց Չանքրում պրեզիդենտը հայտարարեց. «... հենց այդ կոմունիստներն են, որ երազում են բնակչությանը իրենց կողմը գրավելով երկիրը մասնատելու մասին և չեն խուսափում անգամ հայերի հետ համագործակցելուց»¹⁹:

Թուրքիայում այսօր դրություն տեղը խոշոր բուրժուազիայի դրածոներն են, և նրանց անասական ատելությունը սոցիալիզմի ու կոմունիզմի նկատմամբ միանգամայն հասկանալի է: Բայց պրեզիդենտ էվրենը նենգափոխում է իրողությունը, երբ գործը հանգեցնում է կոմունիզմի սպառնալիքին: Նա քաջ գիտե, որ Սովետական Միությունը ամեն ինչ անում է Թուրքիայի հետ բարիդրացիական հարաբերություններ հաստատելու համար:

Հարցն այստեղ կոմունիզմի կամ, ինչպես այսօր Արևմուտքում մոգաչիկ դարձած, «սովետական վտանգի» մասին չէ, այլ այն, որ իմպերիալիստական պետությունների ագրեսիվ պլանները համընկնում են Թուրքիայում իշխող դասակարգերի շովինիստական պանթուրքական ծրագրերի հետ: Թուրքիան իր այդ ծրագրերի իրականացման գլխավոր պայմանն է համարում ՆԱՏՕ-ի և, առաջին հերթին, ԱՄՆ-ի հետ ռազմաքաղաքական համագործակցությունը, նրանց ռազմատնտեսական օգնությունը:

Չանքրում ունեցած իր ելույթում Ք. էվրեն, հարձակվելով օպոզիցիայի վրա, ասաց. «Նրանց համար հայրենասիրություն ասած բանը գոյություն չունի: Նրանք ասում են, թե ինչո՞ւ ենք զենք գնում, ինչո՞ւ ենք ինքնաթիռաշինական գործարաններ հիմնում, ինչո՞ւ ենք ռազմանավեր, տանկեր գնում: Նրանք ամեն ինչին հակառակ են... Նրանց համար արյունն անգամ նշանակություն չունի, չեն ընդունում «թուրքական արյուն» հասկացությունը: Նրանք ասում են, որ արյունը համամարդկային է, ի՞նչ է նշանակում «թուրքական արյուն»²⁰: Այո, այսօր թուրքական պաշտոնական քաղաքականության մեջ նորից հնչում է պանթուրքական արյան պաշտամունքը, այսինքն՝ վերադարձ գեպի երիտթուրքերի շովինիստական-նասիստական մտորատյաց քաղաքականություն: Թուրքական բանա-

կի 1986 թ. ձմեռային ռազմախաղերի ավարտին նվիրված արտաբերության ժամանակ էվրենն ասաց, որ, ի տարբերություն առաջին համաշխարհային պատերազմի, «այսօր մեր բանակը կարող է ճեղքել այս լեռը (Արարատը) և մյուս կողմն անցնել... որովհետև այսօր այն համալրված է ղինվորական վազույն միավորումներով և լավ վարժեցված է»²¹:

Թուրքական կառավարությունը աշխատում է նաև գիտական հիմնավորում տալ իր տարածապաշտական ձգտումներին: Այդ նպատակն էր հետապնդում 1986 թ. հոկտեմբերին կազմակերպված «Թուրքագիտական հետազոտությունները և Թուրքիան» միջազգային գիտաժողովը: Հոկտեմբերի 13-ին գիտաժողովի աշխատանքի արդյունքներն ամփոփվեցին թուրքական հեռուստատեսության կազմակերպած «Կլոր սեղանի» ժամանակ: Գիտաժողովի մասնակիցների վկայությամբ քննարկման հիմնական նյութը «Թուրքաբնակ սեղանի արևելյան» ձառվածում, այսինքն Սովետական Միությունում, բնակվող թուրքական ծագում ունեցող ժողովուրդներն էին: Նրանց կարծիքով ՍՍՀՄ-ում թուրքալեզու անձանց թիվը կազմում է շուրջ 50 միլիոն: Իսկ «Մարայլոսնայից մինչև Չինաստան և Ցեկուսիա տարածքում այն անցնում է 140 միլիոնից: Եկող դարի սկզբներին այդ բնակչության թիվը կհասնի մոտավորապես 200 մլն-ի: Հետևվաբար, նշում էին նրանք, մենք զբաղվում ենք շատ կարևոր և բազմամարդ մի էթնիկական խմբավորման ուսումնասիրությամբ: Անշուշտ, դրա կարևորությունը չի բացատրվում միայն պատմական, կուլտուրական, հոգևոր և քաղաքական տեսակետներից: Այս շրջանը աշխարհի ապագայում կարևոր դեր է դրողեցնելու: Մարդկության ճակատագիրն այստեղ է որոշվելու նման աշխարհագրական դիրքի պատճառով առաջիկա 10 տարում... Թուրքերը ակտիվ դեր են կատարելու մարդկության պատմության զարգացման մեջ»²²:

Պանթուրքիզմը Թուրքիայի քաղաքականության համար ժամանակավոր և անցողիկ նպատակադրում չէ, այլ ստրատեգիական նշանակություն ունեցող դիրքորոշում: Երիտթուրքերն այն պետական քաղաքականություն դարձրին և մինչև օրս էլ պանթուրքիզմը մնում է Թուրքիայի իշխող դասակարգերի առաջին քաղաքական կուրսի շարժիչ ուժը: Սովթանների, երիտթուրքերի, քեմալների և էվրենների քաղաքականության մեջ հիմ-

նարար նշանակութիւն ունեն մարտնչող պանթուրքիզմն ու պանթուրանիզմը, որոնց նպատակներն ու զավթողական դիտավորութիւնները, առաջին հերթին, ուղղված են ՍՄՇՄ-ի դեմ, քանի որ թուրանը և դեպի այն տանող ուղիները ընկած են Սովետական Միութեան տարածքում:

Այսպիսով, Թուրքիային իմպերիալիզմի ագրեսիվ շրջանների հետ միավորող երկրորդ գործոնը պանթուրքիզմն է:

* * *

Աբդուլ Համիդի կարծիքով, իր գահի անսասանութիւնը հնարավոր էր ապահովել միայն կայսրութեան իսլամացումով և խալիֆայութեան քաղաքական տիրապետութեան շրջանակների մեծացմամբ:

Այն բանից հետո, երբ Եվրոպայում տարածքային զգալի կորուստներ տվեց, նա ուշադրութիւնն ամբողջապես բեռեց դեպի Արևելք: Այդ ժամանակ սկսեց ձևավորվել Բալկաններից մինչև Մոնղոլիա ձգվող թուրանական կայսրութիւն ստեղծելու գաղափարը, որը և հանդիսացավ բռնի թուրքացման քաղաքականութեան գլխավոր պատճառը: Պլաններ մշակվեցին Աղբրբեջանն ու Թուրքեստանը զբաղելու համար, ծրագրվում էր նվաճել նաև Հնդկաստանը, որտեղ «100 միլիոն մահմեդականներ կդիմավորեն թուրքական բանակին»: Համիդը շատ ջանքեր թափեց, որպեսզի արաբներն իրեն խալիֆա ճանաչեն: Այդ նպատակով նա բոլոր միջոցներով սիրաշահում էր արաբական ցեղերի առաջնորդներին և ազդեցիկ անձանց: Սակայն նրա ջանքերն իզուր անցան: Արաբները ատում էին օսմանյան տիրապետութիւնը և պայքարում էին նրա դեմ: Գերմանական զորավար Հինդենբուրգը դրոշմ էր. «Համախալիֆական շարժումը իր հարատևութեամբ սպառնալիք էր... թուրքերը որոշեցին ծավալվել դեպի Կովկաս: Երազեցին ծավալվել նույնիսկ Կասպից ծովից այն կողմ, հետո Կենտրոնական Ասիայի ընդարձակ տարածութիւններին մեջ մխրձվել այն հույսով, որպեսզի Օսմանյան կայսրութեանը միանային բոլոր այն ցեղերը, որոնք նույն հավատն ու իսլամական նույն մշակույթն ունենին»²³:

«Իմ խալիֆայական մի խոսքը, — գրել է Համիդը, — բավական է սրբազան պատերազմ սկսելու համար... կգա մի օր և բոլոր հավատացյալները մեկ մարդու պես ոտքի կկանգնեն փշը-

րելու անհավատների շղթաները: Անգլիական տիրապետութեան մեջ գտնվող 85 միլիոն, հուլանդական գաղութներում գտնվող 30 միլիոն և Ռուսաստանում ապրող 10 միլիոն մահմեդականները բոլորն էլ այն ժամանակ կմիանան: Զգիտե՛ն, որ 250 միլիոն մահմեդականներ ամեն օր աղոթում են այլահին՝ իրենց աչքերը դեպի խալիֆան դարձնելով, որ մարգարեի ժառանգն է»²⁴: Աբդուլ Համիդի կարծիքով, փոքր ազգերին բարենորոգումներ շնորհելը նշանակում է «կայսրութիւնը կործանել» և «հնքը ուխտում է իրեն հաջորդող սուլթաններին, որ նրանք պատերազմեն հայերի անկախութեան դեմ»:

Սուլթանին ու նրա քաղաքականութեանը փոխարինելու եկան երիտթուրքերը: Նրանք թուրքական բուրժուազիայի ներկայացուցիչներն էին և համառորեն իշխանութեան էին ձգտում, իշխանութիւն, որը պետք է դառնար նրանց տնտեսական ու քաղաքական շահերի իրականացման միջոց: Բայց քանի որ այդ բուրժուազիան թույլ էր, իսկ երկրի տնտեսական կյանքը գտնվում էր հույների, հայերի ու հրեաների ձեռքին, այդ պայմաններում ձևավորվեց ոչ թե թուրքական բուրժուական նացիոնալիզմը, այլ թուրքական մեծապետական շովինիզմը, թուրքերի ազգային բացառիկութեան հոգեբանութիւնը: Երիտթուրքերը սիրում էին ասել, որ թուրքերը 400 ձիավորով կարողացան հիմնել աշխարհածավալ կայսրութիւն: Եթե հավատանք երիտթուրքական պարագլուխներին, նրանք ձգտում էին տապալել «անաղնիվ, ազահ և ստոր միապետին՝ Աբդուլ Համիդին, որովհետև նա «ոտը ոտին չէր դնում մեծ Թուրքեստան ստեղծելու համար»²⁵:

Երիտթուրքերի կուսակցութեան հիմնադիրներից Թեմոն քըննադատում էր սուլթանին, որովհետև նա «թուրք ժողովրդին չէր հրավիրում պատժելու հայերին»²⁶:

Նոր վարչակարգի գաղափարախոսները հետապնդում էին մի նպատակ, այն է՝ թուրքացնել կայսրութեան տիրապետութեան տակ գտնվող բոլոր ժողովուրդներին, նրանց պարտադրելով թուրքերենն ու թուրքական մշակույթը: Առաջին իսկ օրից նրանց գլխավոր խնդիրը դարձավ «տիրապետող ազգին», այ ինքն թուրքալեզու ժողովուրդներին մահմեդական դրոշի տակ միավորելու գործը: Այդ միավորումն ուղղված պետք է լիներ ոչ թուրք ժողովուրդների դեմ: Ահա թե ինչու նրանք հայերին բարենորոգումներ շնորհելը համարում էին կայսրութեան ամբողջականու-

Քյան խախտում և ուղղակի հայտարարում էին. «Թուրքիան կկործանվի, եթե Հայաստանում բարենորոգումներ մտցվեն Էնոլինի դաշնագրի պահանջի համաձայն»²⁷: Այդ նկատի ունեք Արփ. Արփիարյանը, երբ գրում էր. «Հայը շքացնելու համար ոչ հին թուրք կա, ոչ նոր թուրք, ոչ երիտասարդ թուրք, ոչ ծեր թուրք, այլ՝ թուրք կա միայն»²⁸: Ե. Օտյանին էն պատկանում հետևյալ խոսքերը. «Կան բաներ ալ՝ որոնք որքան ալ իրարոցմե հեռու մնան, միշտ հեշտով կզոզվին իրարու, ինչպես օրինակի համար «Ահմեդ Ռիզա» և «սուլթան Համիդ» անունները»²⁹:

Երիտթուրքական ղեկավարներն անվերապահորեն պաշտպանում էին 1894—1895 թթ. հայկական կոտորածները, մերժում կայսրության ժողովուրդների ազատագրական շարժումները: Զրանսիացի հրատարակատես Ծ. Պրեսանսեն նրանց մասին գրել է. «Նրանց ով լինելը ես շատ լավ գիտեմ, համոզված եմ, որ նրանցից ամեն մեկը մի-մի սուլթան Համիդ էր... Նրանք բոլորը եվրոպատյաց, քաղաքակրթության թշնամի արյունախում մարդիկ են, ոչ նրանց ծերերին պետք է հավատալ, ոչ էլ երիտասարդներին»³⁰:

Երիտթուրքական գործիչ Աղաևը Փարիզում հայտարարեց, թե Կովկասյան լեռնաշղթայից մինչև Պարսից ծոց, Ալթայան լեռներից մինչև Միջերկրական ծով ընկած տարածությունները պետք է միավորել և ստեղծել թուրքական մի ամբողջական պետություն:

Կուսակցության դադավարախոս Զիա Գյոքալփը հայտարարեց. «Թուրքերի հայրենիքը ոչ Թուրքեստանն է և ոչ էլ Թուրքիան... Այլ մի հավերժական երկիր է՝ անունը Թուրան... Անհրաժեշտ է յուրաքանչյուրին թուրք համարել»³¹: Թուրք ազգությունը ավելի առաջնային է, քան իսլամը, և զխավորը ուսսայական հպարտությունն է: Սա արդեն անցում էր պանիսլամիզմից պանթուրքիզմ: Երիտթուրքերն իրենց նշանաբան դարձրին «Մեկ հայրենիք, մեկ ժողովուրդ, մեկ մշակույթ» խոսքերը:

1908 թ. երիտթուրքական լրագրերից մեկը գրեց. «Թուրքերն իրենց աշխարհակալ դրույթամբ ունեն որոշ իրավունքներ և միևնաշխարհներ. կարիք չկա մյուս ցեղերի համար ճանաչել նույն քաղաքական հավասարությունը»³²:

1905 թ. երիտթուրքերի Սալոնիկի կոմիտեն առանձին կոչով սպառնալիք կարդաց հայերի գլխին: Այդ կոչում ասված էր.

«Մենք ձեզ չենք ճանաչում հայ հեղափոխականներ, այդ պատճառով այսուհետ մենք հեղափոխական ենք համարելու 15—70 տարեկան արական սեռի ամեն մի հայի... անխնա կոտորելու ենք ձեզ ամբողջ երկրագնդի երեսին, որտեղ որ հայը պատահի մահանդակահին»³³:

Իսկ «Մեշվերեթ» թերթը իր ունկնդիրներին համոզում էր, որ հայկական մշակույթ գոյություն չունի, կա միայն թուրքական մշակույթ: Երիտթուրքերը, բացի կրոնից ու հայոց լեզվից, հայ ժողովրդի բոլոր հոգևոր արժեքներն իրենց էին վերագրում: Օրինակ, ըստ նրանց հայկական ազգագրական երգը թուրքականից է փոխառնված կամ նրա մի տարբերակն է: Երիտթուրքական «Միզան» թերթի խմբագիր Մուրադ բեյի կարծիքով, «բացի թուրքին ծառայելուց հայը այլ առավելություն ունենալ չի կարող»³⁴:

Նրանք սիրում էին կրկնել համիդյան վարչակարգի Մեծ վեզիր Սայիդ փաշայի 1881 թ. արտասանած խոսքերը. «Հայկական հարցը լուծելու համար պետք է ոչնչացնել հայերին»³⁵ և այդ անել ոչ միայն թուրքացման, այլ նաև ֆիզիկական բնաջնջման միջոցով:

Ժուռնալիստ-գիտնական Լ. Գիպլեկին 1916 թ. գրել է. «Աղանայի ջարդը առաջին փորձն էր նրանց կողմից, որոնք յուրացրին Աբդուլ Համիդի քաղաքականությունն ու միջոցառումները, երբ նրանք հափշտակեցին հայերին բնաջնջելու նրա առաջնությունը: Այդ օրերին ես մեկից ավելի երիտթուրքերից լսել եմ, որ Հայկական հարցին վերջ տալու լավագույն ձևը հայության ոչնչացումն է»³⁶:

Երիտթուրքերը, — գրել է Զո. Լեփսիուսը, — 1913 թ. հայերին սպառնում էին. «Եթե դուք, հայերդ, բարենորոգումներից ձեռք չբռնեք, մի բան կկատարվի, որի համեմատությամբ Աբդուլ Համիդի ջարդերը երեսայական խաղալիք էին»³⁷:

«Թալեաթը», — գրել է Ֆրանսիական «Դեբա» թերթը 1921 թ. մարտին, — մարմնավորում էր որոշակի վարչաձև և մեթոդ, բայց հավատարիմ լինելով համիդյան բռնակալությանը... որոշել էր կայսրությունից ջնջել Հայկական հարցը, բնաջնջելով հայերին»:

Նման հայտարարությունների հետևում կանգնած էր ուսսայական պանթուրքիզմը: «Թուրքիան թուրքերին» լոզունգի իմաստըն այն էր, որ Անատոլիան ու Հայկական լեռնաշխարհը պետք է դառնային թուրքական երկիր, իսկ գրա համար հայերի ոչնչ-

չացումը անհրաժեշտություն էր: Անդրիական գորա-
վար Մոնտգոմերին գրում էր, որ «հայերի ոչնչացման պլանը
գծվել և դեկրետավորվել էր Իթթիհատի կենտրոնական կոմիտեի
կողմից»: Իր հայրենիքն ունենալու հայերի ձգտումը հակասում
էր երիտթուրքերի շովինիստական պլաններին³⁸:

Երիտթուրքերի կուսակցությունը, — գրում է այդ կուսակցու-
թյան նախկին գործիչներից մեկը՝ Մ. Ռիֆաթը, — ձգտում էր
«թուրք տարրին օսմանցի մյուս տարրերի նկատմամբ տիրապե-
տող դարձնել, նրա համար բացառիկ դիրք ապահովել, մնացած
տարրերին ձուլելով կամ բնաջնջելու միջոցով Օսմանյան միու-
թյունը քանդել և նրա տեղը նոր թուրքական պետություն հիմ-
նել...»³⁹:

Սալոնիկի երիտթուրքական կենտրոնը մի կոչ հրապարակեց,
որում ասված էր. «Մահմեդականներ, բարձրացնե՛ք մեր ձայ-
նը և թուրն աջ ձեռքում, հրացանը ձախ ձեռքում, ոտմբերը զըր-
պանում և ալլահի անունը շրթնձրիս, լույս հավատը սրտերումս
հռչակենք հետևյալ պահանջները.

... Օսմանյան կայսրությունը՝ օսման մահմեդականների
համար,

Եգիպտոսը՝ Եգիպտոսի մահմեդականների համար,
Պարսկաստանը՝ Պարսկաստանի մահմեդականների հա-
մար,

Թուրանը՝ Թուրանի մահմեդականների համար,
Բուխարան՝ Բուխարայի մահմեդականների համար,
Կովկասը՝ Կովկասի մահմեդականների համար»⁴⁰:

«Ես, — գրում է Զեմալ փաշան, — նախ և առաջ օսմանցի
եմ, իսկ դրանից հետո ես երբեք չպետք է մոռանամ, որ նաև
թուրք եմ: Իմ հաստատ համոզմունքն է, որ թուրքն օսմանյան
պետության հիմնաքարն է. Օսմանյան միությունն է, որ ամ-
րացնում և հիմնավորում է թուրքական քաղաքակրթության և
մշակույթի զարգացումը»⁴¹:

Ուրեմն, Օսմանյան միություն ստեղծելու համար պայքարը
գլխավորն էր երիտթուրքերի քաղաքականության մեջ: Իսկ բո-
լոր նրանք, ովքեր այդ միությունն ստեղծել էին ուզում, նրանց
«ուշադրությունը պետք է ուղղված լինի թուրքերին բարձրաց-
նելու, նրանց թիվը ավելացնելու և նրանց գոյության հնարա-
վորություն ապահովելու մեծ պարտականության վրա»⁴²:

Երիտթուրքերի Սալոնիկի կազմակերպությունը 1911 թ. հոկ-
տեմբերին ընդունեց հետևյալ հակամարդկային բանաձևը.

1. Համաձայն բնության օրենքների ստորադաս ցեղերը պետք
է գերադաս ցեղերի կեր դառնան:

2. Կոտորելը ազնվականության ցասումն է ստոր ցեղերի
դեմ, որոնք դիտվել են որպես անարգ թշնամի:

3. Եթե որոշվել է շարդերի ծրագիրը, այն պետք է գործադը-
րել ամբողջությամբ՝ առանց որևէ մեկից զազվելու և առանց
տարվելու զգացմունքային ազդեցություններով: Սա անգթու-
թյուն չէ, այլ գերադաս տարրի ոգու արտահայտություն:

4. Ռազմական անհրաժեշտություն է ժողովուրդների կոտո-
րածը՝ առանց տարիքի ու սեռի խտրության:

5. Թշնամի ցեղի երեխաներին կոտորելն ազգային պաշտ-
պանության կանխարգելիչ միջոց է:

6. Իրենց մայրերի արգանդներում իսկ այդ երեխաները ապ-
րելու անարժան են՝ որպես աստվածամեծ շառավիղներ:

7. Կայսրության գոյությունը կախված է երիտթուրք կուսակ-
ցության ուժից՝ և բոլոր հակամարտ գաղափարների ճնշումից»⁴³:

Թալեաթը երիտթուրքերի 1911 թվի համագումարում հայ-
տարարեց, որ մահմեդականների ու քրիստոնյաների միջև հա-
վասարությունը անհնար է, որովհետև «անիրականալի իդեալ է»:
«Շարիաթը, մեր անցյալ ամբողջ պատմությունը և հարյուր հա-
զարավոր մահմեդականների զգացումները, և նույնիսկ քրիս-
տոնյաների զգացումները, որոնք համատրեն դիմադրում են
օսմանցիների բոլոր փորձերին, արդար հավասարության հաս-
տատման դեմ անհաղթահարելի պատվար են հանդիսանում»:

«Քրիստոնյաներին օրինական օսմանցի դարձնելու անհաջող
փորձ կատարել ենք... Ուրեմն հավասարություն չի կարող լինել,
մինչև որ շհաջողացնենք կայսրության օսմանականացումը՝ եր-
կար ու դժվարին մի աշխատանք, որում, համարձակվում եմ հու-
սալ, վերջապես պետք է հաջողության հասնենք»⁴⁴:

Սալոնիկը դարձավ երիտթուրքերի կենտրոնը, որտեղից բխում
էին կայսրության վաղվա օրվա բոլոր խոշոր վճիռները: Այստեղ
ձևավորվեց «Թուրքիան միայն թուրքերին» սկզբունքը: Այստեղ
վճռվեց արևմտահայերի ճակատագիրը: Այստեղ որոշվեց ար-
յան ու սրի միջոցով բոլոր փոքրամասնություններին թուրքաց-
նելու քաղաքականությունը: Այստեղ էր, որ երիտթուրքերի հա-
մագումարը որոշեց. «Մակեդոնիայի քրիստոնյաները պետք է

գինսթափվեն, իսկ մահմեդականները պետք է պահեն իրենց գնեքերը... Պետք է կասկածելիները տեղահանվեն և ոստիկանությանն ու բանակին ազատություն տրվի... Կովկասից և Քրղըստանից ներգաղթը պետք է քաշվերել, ներգաղթածներին հող հայթայթել և քրիստոնյաների եկամուտները արգելել... պետք է արգելել նոր խմբակցությունների ձևավորումը...» և նոր «ազատագրական գաղափարների» տարածումը: Թուրքիան հիմնականում մահմեդական երկիր պետք է դարձնել: Կրոնական ամեն աեսակի քարոզություն պետք է ճնշել⁴⁵:

Համագումարը նպատակահարմար՝ գտավ, որ բոլոր կարևոր պաշտոնները զբաղեցնեն մահմեդական երիտթուրքերը, իսկ քրիստոնյաները կարող են զբաղեցնել միայն երկրորդական պաշտոններ: Մահմեդականությունը պետական կրոն է և հարկ եղած դեպքում պետք է այն պարտադրել նույնիսկ ազմական ուժով, որպեսզի կայսրությունը մահմեդական նկարագիր ունենա: Կայսրության լեզուն թուրքերենն է: Փոքրամասնությունները, ծայրահեղ դեպքում, իրենց կրոնը կառուցեն պանթանել, բայց ոչ լեզուն, որովհետև «թուրքերեն լեզվի տարածումը հիանալի միջոց է մահմեդական գերիշխանություն հաստատելու և ոչ թուրք հավաքականությունները թրջացնելու համար»⁴⁶:

«Կայսրության կազմի մեջ մտնող ոչ մի ժողովուրդ կազմակերպվելու իրավունք չունի...»⁴⁷:

Երիտթուրքերն ալբաներին ասում էին. «Դուք և ձեր ազգը պետք է գիտակցեք, որ թուրքեր եք և չկա արարի հայրենիք»: Պատահական չէ, որ արար ժողովրդի ազատագրական շարժումը Չեմալ փաշան արյան մեջ խնդրեց և ստացավ «արաբների դահիճ» մականունը:

Հետագայում այս բոլորի հիման վրա Քեմալ Աթաթուրքը ձևակերպեց «Թուրքացման 10 պատվիրանները»՝ թուրքացրուրնտանիքից անդամների անունները, խոսիթ թուրքերեն, աղթիթ թուրքերեն, երեխաներից թուրքական դպրոց ուղարկիր, բարեկամություն արա թուրքերի հետ և այլն:

«Թուրքական Թուրքիայի» ստեղծումը, որ տարածվելու էր Վուդայի ափերից մինչև Թուրքեստան, ընդգրկելու էր Թաթարիան ու Սիբիրը, Անատոլիայի վերածումը մաքուր Թուրքական երկրի, դնում էր հայերի վերացման խնդիրը: Գերմանացի գրող Ա. Վեգները 1919 թ. գրում էր, որ համաձայն երիտթուրքերի պանթուրքիս-

տական պլանների, համաթուրքական ճանապարհներից հայկական սեպը պետք է վերացվեր:

«Վերցրեք Թուրքիայի քարտեզը, — գրել է Հ. Թումանյանը, — և մտիկ արեք: Դա մի նոր պետություն է, որ դրսից եկել է ու կուպիտ ուժով նստել հին կուլտուրական ազգերի ու նրանց հայրենիքների վրա: Եվ էդ երկրներից մինը թե կա, որ նա համարում է ու դարձել է իր հայրենիքը, ոչ Բալկանյան թերակղզին է, ոչ Աֆրիկայի հյուսիսը, այլ Անատոլիան, Փոքր Ասիան, էն երկիրը, ուր հայ ժողովուրդն էլ հնագույն ժամանակներից, նստած սլաշտում է իր մեծ Հայաստանը, իր ազգային նվիրական վայրերն ու սրբությունները ու էն հողի վրա էլ հարուցում ու զարգացնում է հայկական հարցը: Էս տեսակետից էլ հայկական հարցը Տաճկաստանը հուղող ամենածանր ցավերից մինն է, և հետզհետե թերևս դառնա ավելի ու ավելի ծանր, քանի թուրքը ստիպված լինի սեղմվել դեպի էս կողմերը: Եվ ահա էս հարցից ազատվելու հնարը էսպես է վճռել թուրքի պետական հանձարը՝ հայերին կոտորել կամ հալածել, թշել, գաղթեցնել: Այո, վայրագ ու անօրեն է էս ճանապարհը, այլև խելագար, սակայն հաստատ»⁴⁸:

Այսպիսով, պանթուրքիզմի գաղափարախոսները առաջարկեցին նոր ծրագիր, նոր լուծում, նրանք ծրագրեցին արհեստական միջոցներով ստեղծել թուրք մեծ ժողովուրդ: Այս ծրագրի մեջ նրանք միաձուլեցին պանիսլամիզմն ու թուրքիզմը: Հայտարարվեց, որ ամբողջ կայսրության մեջ ապրողները մեկ ժողովուրդ են՝ թուրքեր և հպատակ մահմեդականներ: Նրանք ձգտում էին մահմեդականացման ճանապարհով թուրքացնել բոլոր հպատակ ժողովուրդներին: Առաջ քաշվեց այն թեզը, որ մահմեդականության գլխավոր ուժը, գլխավոր պաշտպանը, գլխավոր ներկայացուցիչը օսմանյան Թուրքիան է և այդ դավանանքը կարելի է պաշտպանել թուրքիզմի միջոցով: Այս նպատակն էր հետապնդում արաբների, պարսիկների, քրդերի, կովկասյան տարբեր ցեղերի, թաթարների և այլոց թուրքացումը:

Քրիստոնյա հպատակների նկատմամբ կիրառվեց ավելի բացահայտ և դաժան քաղաքականություն:

Մեծապետական սին երազներով տարված պանթուրքիստները ձեռնամուխ եղան հպատակ քրիստոնյա ազգերի ոչնչացման քաղաքականությանը: Ահա մի քանի քաղվածքներ նրանց ներկայացուցիչների ելույթներից:

1918 թ. սեպտեմբերին Խան Խոյսկին բռնել է. «Աղբրեջանը վերջապես հասել է իր նպատակին և թուրքական ժողովուրդների մեկդարյա իդեալը՝ միութուն սուլթանի դրոշի տակ, իրականություն է դարձել: Վուզայի թաթալները, Անդրկասպյան սարթերը, ուզբեկները, կիրգիզները և Խիվայի ու Բուխարայի բնակիչները Կենտրոնական Ասիայում մեծ հույսով են սպասում թուրքական ազատագրական բանակին»⁴⁹:

Բաթումի բանակցությունների ժամանակ Վեհիբ փաշան հայկական պատվիրակությանը հայտարարեց. «Դուք տեսնում եք, որ ճակատագիրը Թուրքիային արևմուտքից արևելք է թշում: Մենք հեռացանք Բալկաններից, կհեռանանք նաև Աֆրիկայից, բայց մենք պիտի տարածվենք դեպի արևելք, այնտեղ է մեր արյունը, մեր կրոնն ու լեզուն: Եվ սա տարերային ձգողություն ունի. մեր եղբայրները Բաքվում են, Դաղստանում, Թուրքեստանում և Աղբրեջանում: Մենք պետք է ճանապարհ ունենանք դեպի այնտեղ: Եվ դուք՝ հայերդ, կանգնած եք մեր ճանապարհին: Պահանջելով Վանը՝ դուք կփակեք մեր ճանապարհը դեպի Պարսկաստան, պահանջելով Նախիջևանն ու Ջանգեզուրը՝ դուք մեզ համար արգելք կհանդիսանաք իջնելու Քուռի հովիտը և Բաքոս Կարսն ու Ախալքալաքը կփակի մեր ճամփան դեպի Ղազախ և Գանձակ: Դուք պետք է մի կողմ քաշվեք և մեզ ճանապարհ տաք: Ահա թե որտեղ է մեր հիմնական վեճը: Մեզ պետք է երկու ճանապարհ, որոնք մեր բանակներին հնարավորություն կտան առաջ շարժվելու և պաշտպանվելու: Մի ճանապարհը՝ Կարս-Ախալքալաք-Բորչալու-Ղազախն է, որն անցնում է դեպի Գանձակ, մյուսը գնում է Շարուր-Նախիջևան-Ջանգեզուրով Քուռի հովիտ: Դուք կարող եք մնալ դրանց մեջտեղում, այսինքն նոր Բայազետի և էջմիածնի շուրջը»⁵⁰:

Իսկ էնվերը գտնում էր, որ «հայերը միշտ էլ եղել են և քանի դեռ կան, կլինեն մեր թշնամիները, հանգիստ չեն թողնելու մեր անատոլիական նահանգները և ավելի լավ է նրանց հիմնովին բնաջնջել նաև Կովկասում, ինչպես այդ արվեց Թուրքիայում: Կովկասում փոքրիկ Հայաստանը պատճառ է դառնալու, որ միշտ ձգտի ընդարձակել իր սահմանները և դառնալ հավիտենական վտանգ Թուրքիայի համար»:

Եվ ապա՝ «Կայսրությունը պետք է մաքրել հայերից ու լիբանանցիներից: Առաջիններին մենք կոչնչացնենք սրով, երկրորդներին՝ սովով»⁵¹:

Առաջին աշխարհամարտի նախօրյակին նա նշեց. «Պողպատյա բանակների տեր Գերմանիան մեզ թիկունք կկանգնի ոչ միայն Մակեդոնիան, այլև Կովկասն ու Եգիպտոսն էլ երիտթուրքերի տիրապետության տակ առնելու և Թուրքիան աշխարհի ամենահզոր կայսրության վերածելու»⁵²:

«Մենք մի աբառ ունենք, որ պիտի մաքրենք»՝ դա «հայերից Թուրանի ճանապարհի մաքրումն ու թուրքական միության ապահովումն է»⁵³:

Իսկ Ջեմալ փաշան հայերին հայտարարել է. «Մենք վերացնում ենք մեր ճանապարհից այն ամենը, ինչ խանգարում է մեր նպատակին հասնելուն: Դուք միշտ ուռանների հետ եք, դոք նրանց առաջապահն եք, իսկ ուռանները մեր ռիսերիմ թշնամիներն են»⁵⁴:

Այդ նույն օրերին դուկտ. Նազըմը բացականչեց. «Մ՛վ թուրք, տեսնում եմ, որ բախտիդ արևը պիտի ծագի. Թուրանի ճամփան բացվելով լույսերն աչքեր պիտի շլացնեն»⁵⁵:

Երիտթուրքերի այս ցնորամիտ երազանքները տարածվում էին ամենուր և հայտնի էին շատերին: Այդ մասին օտարերկրյա դեսպաններն իրենց կառավարություններին զեկուցագրեր էին գրում: Այսպես, օրինակ, Շվեյցարիայում Ֆրանսիայի դեսպանը 1918 թ. ապրիլի 18-ին գրել է իր կառավարությանը. «Մենք ձեզ արդեն հայտնել ենք այն մեծ հույսերի մասին, որ տածում է Օսմանյան կայսրությունը Ռուսաստանի ժառանգությունների նկատմամբ և այն փորձերի մասին, որպեսզի նախկինում ցարական տիրապետության տակ ապրող թուրք ժողովուրդներին միացնի Կ. Պոլսին: Ռուսաստանում, 1918 թ. փետրվարի 20-ի համարում գրել է «Թերզուման վի հակիբաթ» թերթը, գոյություն ունի թուրանական աշխարհը, որ տարածվում է մինչև Չինաստանի և Աֆղանստանի սահմանները, ընդգրկելով Կասպից ծովը, և որի ազգաբնակչության 90 տոկոսը մերձենում է թուրքական ուսսային:

Այս պլանները տվյալ փուլում ավելի կոնկրետ վերաբերում են Կովկասին և Ղրիմին: Թուրքիային Կարսի, Արդահանի և Բաթումի շրջանների զիջումը նրա համար դարձավ առաջին քայլը իր նպատակների իրականացման ճանապարհին, և այս իրական հաջողությունը ոգևորել է նրան իր եսասիրական պլանների հետագա զարգացման համար...

Արդեն երկու ամիս է ինչ թուրքական մամուլը ակտիվորեն

լուսարանում է այս հարցը: Բայց այդ բոլոր հողվածներում պարզ նշված է թուրքական կառավարության հաստատ վճռականությունը ապացուցելու, որ Կովկասի ժողովուրդների մեծամասնությունը մահմեդականներ են, որ նրանք հիմնականում պատկանում են թուրքական ռասային, և որ այդ հիմքի վրա Օսմանյան կայսրությունը ունի բոլոր իրավունքները միջամտելու այդ շրջանների գործերին...»⁵⁶:

Նման զեկուցագիր էր ուղարկում իր կառավարությանը նաև Բեռնում ֆրանսիական ներկայացուցիչը: Նա հայտնում էր, որ, Տուադ Սելիմ բեյի հայտարարության համաձայն, թուրքական կառավարությունը ձգտում է Կովկասի լայն ինքնավարության, նրա, Ղրիմի և Օսմանյան կայսրության կոնֆեդերացիայի ստեղծման և Սև ծովը թուրքական ներքին ծով դարձնելուն⁵⁷:

Իսկ Կովկասում Ֆրանսիայի ներկայացուցիչ Շարդինիեն 1918 թ. ապրիլի 29-ին հաղորդում էր, որ թուրքերը գերմանացիների հետ նախապատրաստվում են զորքերը ցամաք հանել Կրասնովոդսկում, Թուրքեստանում, Մերվում՝ իրենց պանթուրքական պլաններն իրականացնելու համար⁵⁸:

Հինգենբուրգը, որ տարիներ շարունակ բնակվել էր Թուրքիայում, ղեկավարել թուրքական բանակի վերակառուցման, վերագինման և վարժեցման աշխատանքները, մտերիմ հարաբերություններ էր հաստատել Թուրքիայի ղեկավար գործիչների հետ և բաշ գիտեր թե՛ այդ գործիչներին և թե՛ նրանց կուսակցության քաղաքական նպատակները, գրում է. «Հայկական հարցը... պատկանում է պանթուրքիզմի և պանիսլամիզմի գաղափարախոսության ընդգրկած հարցերին»⁵⁹: Կ. Պոլսում գերմանական ղեկավար Մետերնիխի կարծիքով, հայերի բնաջնջման մտադրությունը որոշիչ դեր խաղաց առաջին աշխարհամարտի մեջ Թուրքիայի ներգրավման համար: Նպատակը մեկն էր՝ Թուրքիան վերստեղծել «զուտ մահմեդական» համաթուրանական հիմքի վրա: «Բոլոր ոչ մահմեդական և ոչ թուրքական բնակչությունը պետք է բռնությամբ մահմեդականացվեր և թուրքացվեր, իսկ այնտեղ, որտեղ այդ հնարավոր չէր՝ ոչնչացվեր»⁶⁰:

* Էնզեկից ֆրանսիական ռազմական ներկայացուցիչը 1918 թ. հոկտեմբերի 5-ին հայտնում է Կլեմանսոյին, որ Բաբուն գրավելուց հետո թուրքերը Անդրկովկասի հայ ազգաբնակչության հետ վարվում են այնպես, ինչպես Օսմանյան կայսրությունում 1915 թվին (ՀՍՍՀ ԳԱ ինֆորմացիոն բյուրոսին, 1985, էջ 42):

Մուդրոսի համաձայնագրով, հեռանալով Արևելյան Հայաստանից, թուրքական հրամանատարությունը Օլթիի, Կարսի, Արդահանի, Զրլզրի, Աղբաբայի, Վեդի-Բասարի, Զանգիբասարի և Հայաստանի այլ վայրերում կազմակերպեց թուրք աղաներից ու զինվորներից բաղկացած հետախուզական, սլանթուրքական հրոսակախմբեր, որոնք հայ-թուրքական պատերազմի ընթացքում (1920 թ.) գործում էին հայկական բանակի թիկունքում և նրան մեծ վնասներ պատճառում:

Այդ աշխատանքները ղեկավարում էին թուրքական զավթիչների այնպիսի փորձված ղեկավարներ, ինչպիսիք էին Նուրի և Խալիլ փաշաները, որոնք հեղափոխական սքեմ հազնելով ստեղծեցին «Թուրքական շտաբ» հակահեղափոխական միավորումը: Նրանց հաջողվեց անցնել Դաղստան և քողարկվելով պարտիզանական շարժման թիկնոցի տակ պանթուրքական պրոպագանդա և հակասովետական աշխատանք ծավալել: Դաղստանից դուրս վճռվելուց հետո Նուրի փաշան հակասովետական էլույթներ կազմակերպեց Լենքորանում, Գանձակում ու Նարբաղում:

Ս. Մ. Կիրովի վկայությամբ, Խալիլ փաշան 1920 թ. դարնանը դիմել էր 11-րդ կարմիր բանակի հրամանատարությանը, առաջարկելով թուրքական բանակի հետ միասին օկուպացնել Հայաստանը: Բնական է, որ նրա առաջարկը մերժվեց: Սովետական կառավարությունը վճռական հակահարված տվեց թուրքերի ագրեսիվ դիտավորություններին և հայտարարեց, որ հայ-թուրքական վիճելի հարցերը պետք է լուծվեն միայն բանակցությունների միջոցով:

Սովետական Ռուսաստանի արտաքին գործերի ժողովրդական կոմիսար Գ. Չիչերինը 1920 թ. հուլիսի 19-ին Հայաստանի կառավարությանը գրեց. «Սովետական կառավարության բացարձակապես խաղաղասիրական ձգտումների ազդեցության տակ թուրք ազգայնամոլները զաղարեցրին զորակոչը, որը նպատակ ունի նոր հարված հասցնել հայ ժողովրդին»⁶¹:

1920 թ. օգոստոսի 14-ին, հանդես գալով ազգային ժողովում, Քեմալ փաշան ասաց. «Մենք Հայաստանի վրա արշավելու որոշում ընդունեցինք. 1920 թ. հունիսին մենք հրամայեցինք արևելյան շրջաններում նախնական զորահավաք անցկացնել: 15-րդ կորպուսի հրամանատար Քյազըմ Կարաբեքիր փաշան նշանակվեց արևելյան ճակատի հրամանատար»⁶²:

1920 թ. Հայաստանի վրա Թուրքիայի հարձակումը նպատակ ունեւր նաև հեշտացնել Անտանտի գործը: Գրավելով Բաքուն, հնարավոր կլինեն մի նոր ուղղաճակատ բացել Սովետական Ռուսաստանի դեմ՝ դրանով իսկ կարմիր բանակի զորամիավորումների մի մասի ուշադրութունը բեկեղելով այդ նոր ուղղաճակատում ծավալվող գործողութունների վրա: 1920 թ. նոյեմբերի 9-ին Վ. Ի. Լենինը ասաց. «Վերջերս Թուրքերը սկսեցին հարձակում Հայաստանի վրա, պատակ ունենալով գրավել Բաթումը, իսկ այնուհետև, հնարավոր է, և Բաքուն»⁶³:

Հարձակման թիկունքում կանգնած էին իմպերիալիստական պետութունները: Կ. Պոլսում դաշնակից զորքերի հրամանատար դը Բուրգոն այդ օրերին առաջարկում էր Թուրքիային վերադարձնել Զմյուռնիան և Թրակիան: «Ես կարծում եմ, — գրում էր նա, — դա ոչ թանկ հատուցում կլինի մի բանակի համար, որը բոլշևիզմի դեմ կովելու միակ ընդունակ բանակն է ամբողջ աշխարհում»⁶⁴:

Իմպերիալիստները Թուրքերին ուղղեցին Սովետական Ռուսաստանի դեմ: Նախատեսված էր Հայաստանը գրավելուց հետո հարձակվել Սովետական Ադրբեջանի վրա, որը, բնականաբար, կոնֆլիկտի մեջ կներքաշեց Սովետական Ռուսաստանին: Սովետական Ադրբեջանում Լենքորանի և Գանձակի խռովութունները, Թուրքական բանակի հակասովետական գործունեութունը Հայաստանում, Բաթումում, Ախալքալաքում, Ախլցխայում և Նախիչևանում, Թուրքերի մասնակցութունը դաշնակների կազմակերպած փետրվարյան խռովությանը և այլն, այդ նպատակն էին հետապնդում:

Անգլիական «Դեյլի Զերալդ» թերթը 1920 թ. նոյեմբերի 13-ին հաղորդում է. «Անտանտի նախնական պլանն այն էր, որ Հայաստանին և Վրաստանին օգտագործի Բաքուն գրավելու համար, բայց Քեմալը, սպասածին հակառակ, իրեն ցույց տվեց ավելի ուժեղ: Թուրքական բանակը խրվեց Հայաստանի սիրտը... Սրանով վերջանում է հին քաղաքականութունը: Պարզ է, որ թույլ Հայաստանը չէր կարող Բաքվից դուրս քշել կարմիրներին: Ո՞վ կարող էր անել այդ: Ինչո՞ւ ոչ Քեմալը: Հարկավոր էր ճանաչել Քեմալին, նրան փոխհատուցում տալ..., և նա կհամաձայնվի դուրս քշել կարմիրներին Բաքվից»⁶⁵:

Բ. Լեգրանը, նկատի ունենալով այդ դիտավորութունները, գրում է. «Թուրքերի այդ ձգտումների բավարարումը քեմալա-

կանների իմպերիալիստական միտումների ուժեղացման վտանգ կստեղծի... Կարսը Հայաստանի ձեռքում՝ Հայաստանին չի դարձնի իմպերիալիստական երկիր, իսկ Կարսը Թուրքիայի ձեռքում՝ քեմալականների փոփոխված տրամադրության պայմաններում, կարող է բազայի դեր խաղալ: Միանգամայն ակներև է, որ այդպիսի բազայի ստեղծումը Ռուսաստանի համար որոշակի սպառնալիք է ներկայացնում, դա Սովետական Ռուսաստանի շահերին դեմ է»⁶⁶:

Սովետական Ռուսաստանը դաշնակցականների կառավարությանը իր օգնութունն առաջարկեց, բայց մերժում ստացավ: Նրանց օրգան «Հառաչը» 1920 թ. նոյեմբերի 20-ին գրեց. «Իր փրկության համար Հայաստանն ունի միայն մի ճանապարհ, անմիջապես գտնել ընդհանուր լեզու իր հարևան Թուրքի հետ: Հայ ժողովուրդը կամենում է ապրել և ապահովել իր պետական ու ֆիզիկական գոյութունը հարատևորեն: Նա պետք է ունենա ոչ թե ուսական, այլ Թուրքական օրինատացիա»:

Այդ «օրինատացիայի» ծնունդն էր Ալեքսանդրապոլի 1920 թ. դեկտեմբերի 2-ի հակաժողովրդական պայմանագիրը: Նշենք նաև, որ Ալեքսանդրապոլում և նրա գավառներում Թուրքերը սպանեցին և գերեվարեցին շուրջ 150 հազ. հայ: Միայն Հայաստանում սովետական կարգերի հաղթանակը փականք դրեց Թուրքիայի կառավարողների հայաջինջ ախորժակի վրա:

Սակայն Անկարան իր զավթողական նկրտումներից չէր հրաժարվում:

Քաջատեղյակ Թուրքական կառավարության ձգտումներին, Կ. Պոլսի գերմանական դեսպան Վանգենհեյմը դեռ պատերազմի նախօրյակին Թուրքիայի կառավարության ղեկավար Սալիդ Հալիմ փաշային խոստումներ էր տալիս, որպեսզի Օսմանյան կայսրութունը, առանց ժամանակ կորցնելու, պատերազմի մեջ ներգրավվի: «Կովկասը ձեզ տալով, — ասում էր նա, — ձեր առաջ ուզում ենք Թուրանի ճամփան բացել»⁶⁷:

Այսպիսով, պանթուրքիստական ծրագրերի իրականացումը հանգեցնելու էր հայ ժողովրդի բնաջնջմանը: Այդ նկատի ունենալով Զ. Բրայսը Լորդերի պալատում հայտարարեց. «Կոտորածները քրիստոնյա հայերի դեմ մուսուլմանների ատելության պոռթկում չէր: Ամեն ինչ իրականացվում էր համաձայնեցնելով կառավարության հետ և հետևանք էր ոչ թե կրոնական մոլագարության, այլ քաղաքական նկատառումների: Կառավարությանն

ազդում էր ազատվել ոչ մահմեդական ժողովուրդներից, որոնք խանգարում էին կայսրության միատարրությանը...»⁶⁸;

Պակաս կարևոր չէր նաև հետևյալ գործոնի նշանակությունը. կայսրությունում թուրքերը փոքրամասնություն էին կազմում, ամբողջ ազգաբնակչության միայն 1/3-ը, իսկ «պետության միության համար» անհրաժեշտ էր, որ նրանք մեծամասնություն կազմեին: Սրբ թուրքերի մեջ զարթնեց ազգայնության գաղափարը, նրանք դառնություն ստան, որ թուրքիայում կամ գեթ նրա արևելյան մասում իսկական թուրք գրեթե չկա: Ասիական թուրքիայում քրդերը, հայերը, հույները, արաբները, սիրիացիները և մյուս ժողովուրդները կազմում էին ազգաբնակչության ավելի քան 2/3-ը:

Քրիստոնյա և մահմեդական մյուս ժողովուրդների թրջացումը կամ բնաջնջումը նպատակ ունեւր ապահովելու թուրքերի տեսակարար կշռի վճռական մեծացում:

Երիտթուրքերը, կազմակերպելով հայերի ցեղասպանությունը, միաժամանակ նպատակ ունեին տիրանալու նրանց ունեցվածքին և օգտագործելու այն ինչպես ռազմական ծախսերը, այնպես էլ մահմեդական քաղցած բնակչությանը բավարարելու համար: Երիտթուրք գործիչ նախիմ բելը գրում էր. պատերազմը նոր էր սկսվել, երբ «Թուրքիայում ծայր առան քաղցն ու թըշվառությունը: Այս թշվառներին (թուրքերին) խաբել, կշտացնել էր պետք, և այդ կարող էին անել հայերի թողնելիք ապրանքներն ու դրամը: Էրզրումի, Բիթլիսի, Դիարբեքիի, Մամուրեթ ու Ազիզի, Սվազի նահանգներում հայերի շարդ ու կողոպուտ սկսվեց: Այս զբաղմունքը ժողովրդին ամեն ինչ մոռացնել էր տալիս»⁶⁹:

Գերմանացի էմիր Լենկիբելը գրում է. «Պատերազմը շարունակելու համար օսմանյան կառավարությունը դրամի կարիք ունեւր: Նա Գերմանիայի դաշնակիցն էր, սակայն ռեյսը ինքը դրամի կարիք ունեւր: Հայերը հայտնի էին որպես Օսմանյան կայսրության դրամատերեր: Նրանցից շատերը հարուստ էին, և գերմանացիները համոզվեցին, որ նրանց հարստությունը թուրքերին պետք է պատերազմի առաջին երկու տարիներին իրենց նյութապես ապահովելու»⁷⁰:

Պարտվելով Բալկանյան պատերազմում, «երիտթուրքերը,

ինչպես իրավամբ նշում է Ա. Ալպոյաճյանը,— փոխանակ պարտության պատճառներն իրեն հնացած քաղաքական համակարգի և տնտեսական ապրելակերպի ու անհիմն ներքին ու արտաքին քաղաքականության մեջ փնտրելու, այն վերագրեցին հպատակ ժողովուրդների «զավաճանությունը», ավելի ճիշտ նրանց ազգային ազատագրական պայքարին... ոչ թուրք ժողովուրդների նկատմամբ ատելությունը կատաղության վերածվեց...»: «Ռոտշվեց ներքին խնդիրները լուծելու ամենադաժան և ամենաանմարդկային եղանակը՝ ազգերի բնաջնջումը...»⁷¹:

Հայերի բնաջնջման հարցում գերմանական իմպերիալիստների և թուրքական բուրժուազիայի շահերը համընկնում էին: Եթե առաջինների համար այդ նշանակում էր շարքից հանել իր մրցակցին՝ հայ բուրժուազիային, ապա երկրորդը դրանով ձգտում էր օսմանյան շուկայի միահեծան տերը դառնալ: Դրա համար էլ երիտթուրքերի հայաջինջ քաղաքականությունն արժանանում էր կայզերական Գերմանիայի հավանությանն ու աջակցությանը:

Գերմանական իմպերիալիզմի քաղաքագետներից մեկը՝ Պաուլ Ռոհրբախը, առաջին համաշխարհային պատերազմը սկսվելուց դեռ շատ առաջ, հանդես գալով գերմանական սպաների ժողովում, ասել է, որ Գերմանիան դեմ է Արևմտյան Հայաստանում ռեֆորմների անցկացմանը, որ հայերին պետք է ռեզահահանել և փոխադրել Բաղդադի երկաթուղու շրջանը, իսկ Արևմտյան Հայաստանը բնակեցնել թուրքերով ու մահմեդական այլևայլ ցեղերով՝ որպես հուսալի պատնեջ Ռուսաստանի դեմ: Ռոհրբախի կարծիքով, Թուրքիայում անկարգությունների ծնողը հայերն են, և «հրդեհը կանխելու համար պետք է օգտագործել բրդերին»⁷²:

Յրանսիական «Լա ռեվյու» թերթը 1916 թ. հոկտեմբերի 26-ին գրել է. «Գերմանիան Փոքր Ասիայում իր ծրագրերը հայերի միջոցով իրականացնել չկարողանալով..., պարզապես վճռեց նրանց դիակների վրայով հասնել իր նպատակներին»: Յրանսիացի Ռենն Պինոն հայկական եղեռնը անվանեց «գերմանական մեթոդ և թուրքական գործելակերպ»:

Փաստ է նաև այն, որ հայկական կոտորածների առաջին տարելիցի օրերին կայզերը Թալեաթին պարգևատրեց «Ան արծիվ» շքանշանով:

Ուսումնասիրում քաղաքացիական պատերազմի ավարտից և օտարերկրյա ինտերվենցիայի ջախջախումից հետո նորաստեղծ սովետական պետությունը դարձավ մի այնպիսի ուժ ու գործոն, որը Թուրքիայի կառավարող շրջաններին հարկադրեց ժամանակավորապես օրակարգից հանել իրենց պանթուրքիստական պլանները: Բայց միայն ժամանակավորապես: Իսկ երբ Գերմանիայում իշխանություն գլուխ անցան նացիոնալ-սոցիալիստները, պանթուրքիզմի գաղափարներով սնված թուրքական կառավարող այդ նույն շրջանները զգացին, որ աշխարհում առաջատար տեղ են գրավում հոգեհարազատ ուժերը: Եվ նրանք մեծադույն եռանդով լծվեցին ֆաշիզմի մարդատյաց ռասիստական քաղաքականության կառուցման: Ինչպես ֆաշիստներն էին փառաբանում գերմանական ազգը, այնպես էլ թուրք կառավարիչները՝ թուրքական ազգը: Թուրքիայում երկար տարիներ կառավարության ղեկը ստանձնած ժողովրդահանրապետական կուսակցության ծրագրում ուղղակի ասված էր. «Թուրք ազգը մյուս ազգերից բարձր է նա ունի մի շարք հատուկ որակներ, որոնք փոխանցվում են ժառանգաբար»⁷³:

Համբուրգյան «Բի Ցայտունգ» շաբաթաթերթը 1984 թ. դեկտեմբերի 7-ին գրեց, որ հայկական ցեղասպանության մասին Հիտլերը քաջատեղյակ էր, որովհետև նրա մերձավոր աշխատակիցներից մեկը... դոկտոր Մաքս էրուին ֆոն Շոյբներ-Ռիխտերն էր, Գերմանիայի նախկին հյուպատոսը էրզրումում, որի զեկուցագրերը հայերի սարսափելի կոտորածների մասին պահպանվել են: Թերթն այն միտքն է արտահայտում, որ հայկական կոտորածները Հիտլերի համար օրինակ են ծառայել հրեաների զանգվածային ջարդերը կազմակերպելու համար: «Բռնազաղթի պատերազմի ժամանակ, ոչնչացում աշխատանքի միջոցով, մահվան երթեր, հետապնդվողներին կոտորելու նպատակով ուրիշ ժողովուրդների գրգռում», կլիմայի քմահաճույքների, սովի ու համաճարակի օգտագործում, «համակենտրոնացման ճամբարների ստեղծում և բռնազաղթվածների սեփականության (յուրացման միջոցով) անամոթ հարստացում»:

Հիտլերը հիացմունքով էր խոսում երիտթուրքերի ղեկավարների մասին: Նա փառաբանում էր էնվերին: 1943 թ. նա Թուրքիային նվիրեց Թալեաթի աճյունը, որը նույն տարվա փետրվարի 25-ին մեծ շուքով երկրորդ անգամ հողին հանձնվեց

Յուրիեթի էպետիե բլրի վրա, թուրք ազգային հերոսների կողքին: Գերեզմանաթմբին դրված պատկերից մեկի վրա կար հետևյալ մակագրությունը. «Պետական մեծ մարդուն և հավատարիմ բարեկամին: Թուրքիայի կառավարությունից»:

Հայտնի է, որ 1918 թ. Թալեաթն ու իր զինակիցները ճողոպրեցին Կ. Պոլսից՝ դատաստանից խուսափելու համար:

Թուրք հասարակական գործիչ, հետագայում կառավարության անդամ Ռ. Խալիտը այդ օրերին հրապարակած «Պարոններ, դեպի ո՛ւր» հոդվածում, նկատի ունենալով երիտթուրքերի լիդերների այդ փախուստը, գրում էր.

«... Անառակ որդիներ, դեպի ո՛ւր:

Ջարկին, կոտորեցին, քանդեցին, սպանեցին, այրեցին և մեր դիակները մեջտեղ գցելով օձերի պես փախան...

Ընդդիմադի՛ր է՝ վայր գցեք, հրապարակագի՛ր է՝ խփեք զլիխն, թո՛ւրք է՝ դեպի մահ առաջնորդեք, հո՛ւյն է՝ դրամ ուզեք, հա՛յ է՝ գլուխը կտրեք, արա՛ր է՝ կախաղան հանեք...

Մարդկանց խմբերով լեռները տանելով սրի քաշեցին, անմեղ հայրեր և որդիներ սպանեցին, Անատոլիայում այրի կանանցից ու երեխաներից բացի մարդ չթողեցին...

... Խանութները քանդելով կախաղաններ պատրաստեցին, օջախներ մարեցին, քաղաքներ քանդեցին... ոչ ծերին խնայեցին, ոչ մանուկին... ոչ գութ ունեցան և ոչ խիղճ»⁷⁴:

Հետաքրքիր է նաև նշել, որ երբ Թալեաթը Բեռլինում սպանվեց, նրա դիակը հինգ օր անթաղ մնաց, որովհետև Կ. Պոլսի կառավարությունը չհամաձայնվեց այդ շարագործին Թուրքիայում թաղել:

Անգլիացի գիտնական Ք. Ուոկերը ևս շատ ընդհանուր գծեր է տեսնում պանթուրքիզմի ու ֆաշիզմի միջև՝ նրանք երկուսն էլ պաշտպանում են բարձր ռասայի գաղափարը և գտնում են, որ պետք է ոչնչացնել բոլոր նրանց, ովքեր այդ ռասային չեն պատկանում⁷⁵:

Հատկանշական է, որ երկրորդ համաշխարհային պատերազմի տարիներին վերևում հիշատակված Ռոհրբախը նշանակված էր ռազմագերի հայերի շրջանում լրտեսական գործունեությանը զբաղվող ծառայության պետ: Օսվենցիմի մահվան ճամբարի պետ Ռ. Հեսը առաջին համաշխարհային պատերազմի տարիներին կռվել էր Թուրքիայում, ականատես եղել հայերի

կոտորածներին և հետագայում օգտագործեց մարդկանց զանգվածային ոչնչացման երիտթուրքական փորձը:

«Նոյն ժամանակ» պարբերականը 1984 թ. դեկտեմբերի 4-ին գրել է.

«Հրեաների ջարդերի (դեմ բողոքելու) համար Արմին Վեգները ձերբակալվեց: «Ինձ ձերբակալեցին այն պահին, — գրեց նա, — երբ ես նոր էի ավարտել հայերի մասին իմ վեպի այն մասը, որտեղ նկարագրվում էր թուրքական բանտում հայերի կրած տանջանքները: Շուտով այդ բոլորը ես ինձ վրա զգացի»»:

Նշենք նաև, որ թուրքական ֆաշիզմի կազմակերպությունը՝ «Գորշ գայլերը», սկզբնավորվել է էնվերի կողմից ստեղծված երիտասարդական կազմակերպությունից, որի տարբերանշանը գորշ գայլն էր:

Սովետական Միության վրա ֆաշիստական Գերմանիայի ուխտադրուժ հարձակման նախօրյակին՝ 1941 թ. հունիսի 18-ին, Թուրքիան Գերմանիայի հետ կնքեց բարեկամության և չհարձակվելու պայմանագիր: Սակայն հենց պատերազմի սկզբից «չեզոք» Թուրքիան աջակցում էր ֆաշիստներին, թշնամական կեցվածք ընդունում ՍՍՀՄ-ի նկատմամբ: Նա ձգտում էր ֆաշիզմի օգնությամբ Սովետական Միությունից խլել Ղրիմը, Կովկասը, Անդրկովկասը, Աստրախանը, Կազանը, Սիբիրը:

ՄԱԿ-ի գլխավոր ասամբլեայի 1947 թ. հոկտեմբերի 27-ի նստաշրջանում սովետական ներկայացուցիչը հայտարարեց, որ պատերազմի տարիներին Թուրքիան «պահում էր իր, այսպես կոչված, չեզոքությունը, շահավետ առևտուր անելով Գերմանիայի հետ և սպասելով այն պահին, թե երբ ինքը կկարողանա հաջողության դեպքում, առյուծից իր բաժինը թոցնել»⁷⁶:

Սևաստոպոլի անկումից հետո թուրքերը սկսեցին զորքեր կենտրոնացնել Անդրկովկասի սահմանին: Հապճեպ զորահավաք կատարվեց, ձևավորվեցին նոր զորամիավորումներ: Սովետական Միության մարշալ Ա. Գրեչկոն գրել է. «Գերմանական զբլխավոր հրամանատարությունը հույս ուներ, որ Անդրկովկաս դուրս գալուն պես Թուրքիան հարված է հասցնելու Սովետական Կովկասին հարավից»⁷⁷:

«1942 թ. կեսերին, — գրում է բանակի գեներալ Ս. Շտեմենկոն, — ոչ ոք չէր կարող երաշխավորել, որ նա (Թուրքիան) հանդես չի գա Գերմանիային դաշնակցած: Իզուր չէ, որ այն ժամա-

նակ Սովետական Անդրկովկասի սահմանի վրա կենտրոնացվել էր թուրքական 26 դիվիզիա»⁷⁸:

1942 թ. մարտի 23-ին «Ժողովրդի ձայն» թերթը, նկատի ունենալով «Նի Սաբահ» թերթում տպված մի հայտարարություն, զգուշացնում էր, որ Թուրքիային իր կողմը գրավելու համար Գերմանիան նրան խոստացել է Սիրիան, Իրաքը և Կովկասը⁷⁹:

Ֆաշիստական ռադիոկայանը Հիտլերի անունից թուրքերին հրավիրում էր, օգտվելով առիթից, հարձակվել Հայաստանի վրա: Սովետական Միության վրա հարձակման ժամկետ նշանակված էր 1942 թ. նոյեմբերը՝ Ստալինգրադը ֆաշիստների կողմից գրավելուց անմիջապես հետո: Բայց Ստալինգրադը կանգուն մնաց, և այդ պլանը ձախողվեց: Այն ժամանակ Թուրքիայի արտաքին գործերի մինիստր Սարաջօղլուն գերմանական դեսպան ֆոն Պապենին հայտարարեց. «Որպես թուրք տենչում եմ Ռուսաստանի ոչնչացմանը, դա թուրք ժողովրդի նվիրական երազանքն է... Ռուսական հարցը կարող է լուծվել Գերմանիայի միջոցով միայն, եթե սպանվի Ռուսաստանում բնակվող բոլոր ռուսների մոտ կեսը»⁸⁰:

Թուրքական ֆաշիստ Բեֆիկ Քեմալը 1942 թ. սեպտեմբերի 26-ին «Սոնտելեգրաֆ» թերթում գրել է. «Վոլգան մեր գետն է, որի մեջ մեր նախնիները դարեր շարունակ ջրում էին իրենց ձիերը»:

1941 թ. հուլիսին «Բոզգուրդ» թուրքական ամսագրում տպագրվեց «Թուրքիզմը սպասում է» հոդվածը՝ «Մեծ Թուրքիայի» քարտեզի հետ միասին, ուր Թուրքիայի տարածքի մեջ ընդգրկվել էին Անդրկովկասի և Միջին Ասիայի սովետական հանրապետությունները: Թուրքերն ակնկալում էին տիրանալ ՍՍՀՄ-ի տարածքի մոտ 50 տոկոսին: Շուտով հրատարակվեց «Մեծ Թուրքիայի» մի նոր քարտեզ, որով Թուրքիայի սահմանները ձգվում էին Նեղոսից մինչև Սախալին⁸¹:

Մեծ Թուրանը, ըստ թուրքական զինվորական քայլերգի, հետևյալն է.

«Եյբ, արշավանքը սկսվեց,
Տղեր, Կովկասի վրա ենք հարձակվում մենք,
Թուրանն է սպասում մեզ:
Մի կողմից՝ Կասիբ,
Մյուսից՝ Բաթում, Կարս,

Մի կողմից՝ Հինդ, Աֆղանստան,
Մյուսից՝ Մարոկկոն է սպասում մեզ»⁸²։

4. Պոլսի «Բող քուրդ» թերթը 1942 թվականի մարտի 5-ին գրել է. «Ո՞վ ենք մենք: Մենք գորշ գայլեր ենք: Ո՞րն է մեր գաղափարախոսությունը: Գորշ գայլի թուրքիզմը: Ո՞րն է գորշ գայլերի (թուրքերի) հավատամբը: Նրանք հավատում են, որ թուրք ցեղը և թուրք ազգը ուրիշ ցեղերից կամ ազգերից առաջ էլ են: Ո՞րն է նրանց գերազանցության աղբյուրը. թուրքական արյունը: Արդյո՞ք թուրքն ի ծնե գերազանց է: Թուրքը գերազանց է ի ծնե»: «... Գորշ գայլերը պանթուրքիստ են: Այո: Գորշ գայլ թուրքերի սրբազան նպատակն է տեսնել թուրքական պետությունը 60 միլիոնանոց ազգ դարձած: Ի՞նչ պետք է լինի քո արդարացումը (խնդիրը) դրա համար: Գորշ գայլերը վաղուց են հռչակել «արդարությունը չի տրվում, այլ բռնագրավվում է» սկզբունքը: Պատերազմ: Այո, պատերազմ, եթե անհրաժեշտ է...»⁸³։

4. Պոլսում լույս տեսած «Իսլամական հանրագիտարանում» կարդում ենք. «Երևանի հայերը և շրջակայքի հայությունը օտարամուտ են: Բնիկ տեղացին թուրքն է, որը տեղահանված ու փոխադրված է: Հետևաբար, երևանը Թուրքիայի մի մասն է կազմում»⁸⁴։

Հարկ է նաև նշել, որ թուրքական շովինիզմն ու ռասիզմը համակողմանի շարունակություն և զարգացում ստացան երկրորդ համաշխարհային պատերազմին հաջորդած տասնամյակներին: Պատերազմի ավարտից հետո «Բոյուկ Տոդու» թերթը թուրքերին կոչ էր անում Արաքսի արևելյան ափին խրախճանք սարքել։

1960 թ. լույս տեսած «Թուրք ջիլիյե Գիրիշ» գրքում կարդում ենք. «Թուրքիայի 20 միլիոնանոց դինամիկ համախրմբումը և հյուսիսի ու արևելքի 30 միլիոններին (թուրքական ցեղերին) երկար զսպել հնարավոր չէ: Եթե թուրքիզմն ու Թուրքիան պիտի ապրեն, ապա պետք է առանց ժամանակ կորցնելու միանան և կազմեն 60 միլիոնանոց թուրք ազգ»⁸⁵։

1966 թ. «Նյու Յորք Թայմսը» տպագրեց «Ռուսաստան, Չինաստան և Թուրքիա» հոդվածը, որտեղ կան հետևյալ տողերը. «Եթե ցեղասպանության մի նոր շարժում ծնվի, ապա ասիա-

կան երկրների միակ իրավատերն է դառնալու Թուրքիան և ոչ թե Սովետները կամ Չինաստանը»։

«Թուրքիան տեր է դառնալու ոչ միայն ռուսական Ասիային, այլև Չինաստանի մի շարք հողերին: Փոքր Ասիան պատկանում է թուրքերին, և նրանք աշխարհում ասիական շարժման առաջապահն են»⁸⁶։

Ամերիկյան լրագիրը նկատի ունի մեր օրերում պանթուրքիզմի նոր բռնկումը, որի ընդգրկումները պետական սահմաններ չեն ճանաչում: Երբ համաթուրանականության հիմնադիր, սալոնիկցի հրեա Մոջիս Քոհենը, վարդապույն ապագայի հույսերով գծում էր թուրանական աշխարհակալ պետության տասնյակ հազարավոր կիլոմետրեր ձգվող սահմանները, այն ժամանակ, շնաչափ թուլացած ու ստորացած, դեռևս կանգուն էր Օսմանյան կայսրությունը: Մեր օրերում այդ կայսրությունը այլևս գոյություն չունի, կա միայն մի կիսանկախ պետություն, որն իր ինքնուրույնությունը կարողանում է քարշ տալ տխրահռչակ «ճոճանակի» քաղաքականության շնորհիվ: Այդուհանդերձ, թուրքական իշխող դասակարգերն այդպես էլ չեն հրաժարվում աշխարհակալ պետություն ստեղծելու ցնորքից։

* * *

Թուրք-ամերիկյան համագործակցության երրորդ պատճառը Հայկական հարցն է: Ըստ որում, եթե Թուրքիան ձգտում է ԱՄՆ-ի միջոցով վերջնականապես թաղել այդ հարցը, ապա Միացյալ Նահանգները Հայկական հարցն օգտագործում են Թուրքիային հնազանդության մեջ պահելու համար: Պատահական չէ, որ վերջին տարիներին թուրք-ամերիկյան հարաբերություններում ու բանակցություններում միշտ առկա է Հայկական հարցը՝ իր զանազան դրսևորումներով։

Երկու պետությունների համագործակցության զարգացման նշանաբանով, 1985 թ. փետրվարին Վաշինգտոնում անցկացվեց «Թուրքիայի ամերիկացի բարեկամները» ընկերության համաժողովը: Ռեյզանի հղած ողջույնի հեռագրում ասված էր, որ Թուրքիան ԱՄՆ-ի ամենահավատարիմ բարեկամներից մեկն է: Պրեզիդենտին հետևեց ԱՄՆ-ի պետական քարտուղարը. «Դնալով երկու երկրների միջև զարգանում է երկար տարիներ շա-

րունակվող բարեկամությունն ու փոխադարձ վստահությունը, որն այժմ ձեռք է բերում ավելի մեծ կարևորություն»⁸⁷։

ԱՄՆ-ի ղեկավարները հավաստիացրին թուրքիային, որ իրենք ամեն ինչ կանեն, որպեսզի «Հայկական հարցը» շխանագարի երկու պետությունների դաշնակցային հարաբերություններին։

1985 թ. ապրիլի սկզբներին պաշտոնական այցով Վաշինգտոն ժամանեց թուրքիայի կառավարության նախագահ Թ. Օզալը։ Այդ այցելության նպատակներից մեկը Հայկական հարցի շուրջ ԱՄՆ-ում ծավալված շարժումների ու քննարկումների խափանումն էր։ Եվ դա Օզալին հաջողվեց։ Այցելության ժամանակ նա հանդիպումներ ունեցավ Ռեյզանի, Շուլցի, Բուշի, Ուայներգերի և այլ պաշտոնական անձանց հետ։ Նրանք բոլորը Օզալին հավաստիացրին, որ «հայերի հարցի վերաբերյալ կոնգրեսի վերջին ժամանակների ընդունած որոշումների առթիվ թուրքիայի անհանգստությունը հասկանալի է։ Մենք ամեն ինչ կանենք այդ որոշումները վերանայելու համար»⁸⁸։

«ՆԱՏՕ-ին հակառակորդ դաշնակցային կազմակերպության ուժերն,— ասաց Ռեյզանը,— օրեցօր վտանգավոր շափերով աճում են։ Ուստի հարկավոր է զարգացնել թուրքիայի և ԱՄՆ-ի բազմական համագործակցությունը... (Ես) կոնգրեսից կպահանջեմ 1986 թ. ավելացնել թուրքիային տրամադրվող օգնության չափը»⁸⁹։

Պրեզիդենտի խոստովանությամբ թուրքիան Ամերիկայի դաշնակիցն է, իսկ «դաշնակիցների հարաբերությունները կարևոր են։ Եթե Ամերիկան օգնում է թուրքիային, հասկանում է, որ իրականում դրանով ինքն իրեն է օգնում։ Այդ պատճառով էլ ամերիկյան կոնգրեսի կողմից հայերի ցեղասպանության մասին օրենքի վավերացման ջանքերը չեն համապատասխանում Ամերիկայի շահերին»⁹⁰։

Ըստ Կ. Ուայներգերի, թուրք-ամերիկյան հարաբերությունները «զանվում են իրենց ոսկեդարում»⁹¹։

Ամերիկյան երկդիմի քաղաքականության համար բնորոշ են հետևյալ փաստերը։

1980 թ. ապրիլի 15-ին Ռեյզանը նամակ ուղարկեց Բոստոնի հայկական թերթերից մեկին, որտեղ գրում է, թե «65 տարի առաջ պատմության տարեգրքում գրվեց ամենամեծագույն սղբերգություններից մեկը, երբ 1,5 միլիոն անմեղ հայեր՝ տղա-

մարդիկ, կանայք և երեխաներ ոչնչացվեցին Արարատի հովանու տակ... 80-ական թվականները,— շարունակում է Ռեյզանը,— պետք է դառնան մի ժամանակաշրջան, երբ ամերիկահայերի ձայնը հասնի մինչև կառավարությանը, և ամերիկացիներն ու «ազատ աշխարհի» իր դաշնակիցները որոշում ընդունեն, որ 1915 թ. ողբերգությունը երբևք չպետք է կրկնվի։

Ես միանում եմ ամերիկյան հայկական համայնքին, 1915 թ. զոհերի հիշատակը հանդիսավորությամբ նշելու համար»⁹²։

Իսկ 1985 թ. հունիսի 3-ին, երբ ներկայացուցիչների պալատը ձայների 2/3-ը շապահովելու հետևանքով շնորհունեց «Հայկական բանաձևը», թուրքական «Հուրիեթ» թերթի կազմակերպած հարցազրույցում Ռ. Ռեյզանը միանշանակ հայտարարեց՝ կոնգրեսը ճիշտ վարվեց, որ այդ բանաձևը շնորհունեց։

Բնութագրական է, որ ԱՄՆ-ի կոնգրեսում «Հայկական բանաձևը» (այդպիսի անուն է ստացել «Ապրիլի 24-ը ցեղասպանության զոհերի հիշատակի ազգային օր հռչակելու մասին» բանաձևի նախագիծը) քննարկման առնչությամբ Օզալը հայտարարեց, որ հազիվ թե Միացյալ Նահանգները ցանկանան հանուն ամերիկահայերի մի քանի հարյուր ձայների կորցնել բարեկամությունը 50 միլիոն թուրքերի հետ»⁹³։

Օզալն իրավացի էր. նա լավ է ճանաչում ԱՄՆ-ի քաղաքական լիդերներին։ Եվ իսկապես, երբ 1985 թ. դեկտեմբերի 10-ին կոնգրեսում նորից քննարկման դրվեց «Հայկական բանաձևը», Շուլցը կոնգրեսին մի նամակ հղեց, որով հիշեցնում էր, թե ինչ ծանր հետևանքներ կունենա այդ բանաձևի ընդունումը, իսկ Ռեյզանը կոնգրեսմեններին հավատացնում էր, որ այդ բանաձևի ընդունումը կվնասի Արևմուտքի անվտանգությանը⁹⁴։

Ահա ԱՄՆ-ի ղեկավարների այս երկդիմի վարքագիծը նկատի ունենալով «Բոստոն գլոբ» թերթը, երբ 1985 թ. մայիսի 18-ին գրեց, թե ամերիկյան ժողովուրդը պետք է ներողություն խնդրի հայ ժողովրդից՝ ամերիկյան պաշտոնատար անձանց տգեղ գործողությունների համար։

Այսպիսով, մեր օրերում ևս Հայկական հարցը դարձել է քաղաքական առևտրի առարկա. կշեռքի մի նժարին դրված են հումանիզմն ու հասարակական կարծիքը, իսկ մյուսին՝ սոցիալիստական երկրների դեմ ընդհանուր պայքարում իմպերիալիստական խմբավորումների ստրատեգիական շահերը։

Սկսած 1983 թ. ԱՄՆ-ում Հայկական հարցը նկատելի ակ-

տիվությամբ քննարկվում է հասարակության ամենատարբեր խավերում: Մեծ արձագանք գտավ պետական դեպարտամենտի «Բյուլետենում» «Հայկական ահաբեկչության էսքիզներ» հոդվածի տպագրումը, որի ծանոթագրություններում նշված էր՝ պետական դեպարտամենտը չի պնդում, որ թուրքական կառավարությունը հայ ժողովրդի նկատմամբ ցեղասպանություն է իրականացրել: Այդ առթիվ Ռեյզանի ու Շուլցի հասցեով ստացվեցին բողոքի բազմաթիվ նամակներ: Նամակագիրները գտնում էին, որ «չնայած Թուրքիայի հետ բարեկամության, շպետք է մոռանալ հայերի գենոցիդի մասին, քանի որ բոլոր և ամեն տնտեսկի նկատառումներով գենոցիդի ժխտումը բռնություն է ոչ միայն հասարակական խղճի, այլ նաև պատմական իրականության նկատմամբ»⁹⁵:

1984—1987 թթ. ԱՄՆ-ի կոնգրեսում բուռն քննարկումներ տեղի ունեցան «Ապրիլի 24-ը գենոցիդի զոհերի հիշատակի ազգային օր» հայտարարելու շուրջը:

Պետական դեպարտամենտը այդ որոշման ընդունումը համարում էր «անպատասխանատու» քայլ, որովհետև այն «ունենալու էր նեգատիվ հետևանքներ» և վնաս էր հասցնելու թուրքամերիկյան հարաբերություններին:

Այնուամենայնիվ, 1984 թ. հոկտեմբերին բանաձևն ընդունվեց ներկայացուցիչների պալատի կողմից: Սակայն կոնգրեսի որոշումը պրեզիդենտը չվավերացրեց:

Օգալը կոնգրեսի նման դիրքորոշումը բնութագրեց որպես «անմիտ քայլ», որը կարող էր խանգարել մեծ ջանքերով ձեռք բերված թուրք-ամերիկյան հարաբերություններին:

Ամերիկյան հասարակայնության կարծիքը փոխելու նպատակով Թուրքիան անցավ լայնածավալ պրոպագանդայի: Ութի հանվեցին «գիտական» ողջ պոտենցիալը, պրոպագանդայի բոլոր միջոցները, որոնք փորձում էին աշխարհին համոզել, թե ոչ Արևմտյան Հայաստան է եղել, ոչ գենոցիդ և ոչ էլ Հայկական հարց: Հայկական հարցը նենգափոխվում է ահաբեկչության, իսկ վերջինս օգտագործվում է որպես հակասովետական գեներ:

Թուրքական և Արևմուտքի թուրքամետ, հակահայկական արոպագանդայի հիմքում ընկած է հակասովետիզմը: Այդ պրոպագանդան Հայկական հարցի առաջ քաշումը դիտում է որպես

Թուրքիայի վիճակի անկայունացման և ՆԱՏՕ-ի կազմալուծման գործոն: Դրա համար էլ Ռեյզանի վարչակազմը ոչ միայն չի արգելում, այլ նաև խրախուսում է թուրքական և թուրքամետ պրոպագանդան: Այս գործում մեծ է «ԱՄՆ-ում թուրքական համայնքների ասոցիացիայի» դերը, որ միավորում է 57 միություն ու կազմակերպություն: Միայն նյու Յորքում առկա են թուրքական 17 միություններ: Ասոցիացիան գործում է Թուրքիայի դեսպանության օգնությամբ և ղեկավարությամբ: Նա է նյութեր մատակարարում ամերիկյան մամուլին, կազմակերպում հակահայկական, հակահունական և հակասովետական ելույթներ, ցույցեր և սիմպոզիումներ:

«Արևմուտքի շատ պետություններ, — գրում է սփյուռքահայ առաջադեմ գործիչ Հ. Մադեյանը, — որոնք անցյալում այնքան անգամ և անմարդկային ձևով շարաշահել են հայության հորդահոս արյունը, ուրացել իրենց հանդիսավոր խոստումները, այսօր էլ ուրանում են մեր հայկական դատը և ղինակիցներ ու պաշտպաններ են դարձել ցեղասպան ֆաշիստ թուրքական պետությանը՝ ընդդեմ մեր ազգային դատի»:

Հայկական հարցում ԱՄՆ-ի դիրքորոշումը նա բնութագրում է հետևյալ կերպ. «Հայության նոր ցեղասպանություն երազող ֆաշիստ և ցեղապաշտ Թուրքիայի ղինակից և պաշտպան, նրան ֆինանսավորող և ղինող, նրան թուրանական իր ծրագրերի գործադրմանը մղող, մեր բռնագրավված հողերի վրա, առաջին հերթին, մեր Մայր հայրենիքի դեմ ուղղված ատոմային զենքի բազաններ ստեղծող, հայության դեմ գործած թուրքական ցեղասպանությունն ուրացող, մեր հայկական ազգային արդար դատի դեմ թշնամական վերաբերմունք որդեգրած և, վերջապես, իր կայսերապաշտ ծրագրի համար աշխարհի խաղաղությանը սպառնացող»⁹⁶:

Այնուամենայնիվ, ԱՄՆ-ի առաջադեմ մարդիկ դատապարտեցին Ռեյզանի կառավարության շահամուլ քաղաքականությունը: Ամերիկյան մի խումբ դասախոսներ, հանդես գալով Հայկական հարցում վաշինգտոնի պաշտոնական վարքագծի դեմ, գրում էին. «Ամերիկայի կառավարությանը ձեռնադրել է հայերի պահանջների պաշտպանությունը: Նա միայն ձգտում է իր թուրք դաշնակիցներին ազատել դժվարություններից: ԱՄՆ-ի դերը հայ ժողովրդի պատմության լուսաբանման գործում կարելի է հա-

մարել, եթե ոչ լրիվ սև, ապա լավագույն դեպքում՝ գորշագույն, «... հայկական ահաբեկչության մասին» թուրքական կառավարության առաջ քաշած փաստարկները և ձեռք (ԱՄՆ-ի կառավարության) կողմից գրանց կրկնումը, թե դրանում Սովետական Միությունը մասնակցություն ունի, հերյուրանք է և շատ է նման նեոնացիստների այն պնդմանը, թե հրեաների ոչնչացումը երբեք չի եղել:

Դուք հայկական պորբլեմներին մոտենում եք լոկ որպես գեոպոլիտիկական խնդիր, չնայած այստեղ կա նաև ընդգծված բարոյական խնդիր:

Պարզապես հայերի շահերը ձեռք շահերին չեն համընկնում»⁹⁷:

Սա միանգամայն ճիշտ և սպառնիչ գնահատական է:

Սակայն ամերիկյան որոշ վաճառված գիտնականներ վերջին տարիներին մեծ ջանքեր են թափում հայկական ցեղասպանության գործում մեղադրելու Ռուսաստանին: Նրանք նշում են, որ հայերը, իբր, Օսմանյան կայսրությունում երջանիկ կյանքով էին ապրում, բայց ահա դեպի «տաք ջրեր» ձգտող Ռուսաստանը հայերին պայթարի հանեց Թուրքիայի դեմ, որի ուղղակի հետեւյալները եղավ ցեղասպանությունը:

Մինչդեռ, անկախ ցարիզմի գաղութատիրական ձգտումների, Ռուսաստանը միակ գործոնն էր, որի շնորհիվ հնարավոր եղավ հայերի գոնե մի մասի փրկությունը:

«Մտածում եմ և ազգովին պետք է մտածենք, — գրում է սփյուռքահայ գրող Ս. Միմոնյանը, — 1945 թ. Մայիսի 9-ի մեծագույն հաղթանակի մասին, երբ մեր փոքր, բայց շատ թանկագին հայրենիքը՝ Սովետական Հայաստանը, փրկվեց հայկական վերջին ցեղասպանությունից՝ թուրքական անխուսափելի արշավանքից, եթե հաղթեր Ֆաշիզմը...»

... առաջարկում եմ, որ արտասահմանի բոլոր հայերը՝ իրենց բոլոր կազմակերպություններով, մի ընդհանուր հանրագրով շնորհավորեն Սովետական Միության՝ Հայրենական պատերազմի Մեծ հաղթանակի 40-ամյակը և այդ առիթով խնդրեն... ժողովուրդների արդար գատերի պաշտպան Սովետական մեծ Միությունից՝ կանգնել պաշտպան հայ ժողովրդի բոլոր իրավունքների՝ հայ ժողովրդի ամբողջությունը իր կողքին ունենալու մինչև հավերժություն»⁹⁸:

Այսպիսին է պատմական իրողությունը, իրողություն, որ թուրքական ռեակցիոն պատմագրությունը միտումնաբար գլխավայր է շուռ տալիս, որովհետև այդ պատմագրությունն արտահայտում է Թուրքիայի ամենառեակցիոն և շովինիստական խավերի շահերը: Իսկ այդ խավերը ձգտում են արտաքին վտանգի սպառնալիքի, շովինիզմի ու ռասիզմի խարույկի վրա այրել դասակարգային ընդվզումները:

Այդպես է այժմ և միշտ այդպես է եղել. երբ երկրի ներսում սրվել են դասակարգային ներհակությունները, աշխատավորական լայն զանգվածների դժգոհությունն իրենցից վանելու համար իշխող դասակարգերն ու նրանց ձայնափողերը թուրքերին հրահրել են քրիստոնյաների և, առաջին հերթին, հայերի դեմ:

Արդեն ավելի քան երկու տարի է, ինչ արտասահմանյան հայերը թուրք դիվանագետների նկատմամբ ահաբեկչական գործողություններ չեն կատարում, բայց թուրքական պաշտոնական շրջանների կողմից հակահայկական պրոպագանդան ոչ միայն չի դադարում, այլև ավելի սանձարձակ ու լկտի է դառնում: Պատճառը նույնն է՝ պրոպագանդիստական այդ արշավը իշխող շրջաններն օգտագործում են հասարակության լայն խավերի ուշադրությունը ներքին խնդիրներից շեղելու, շովինիստական կրթերի բորբոքման միջոցով ազգային միասնության հասնելու համար:

Նրանք այդ չեն էլ թաքցնում: Այդաբայցությունում 1986 թ. հունիսի 2-ին արտասահման ճառում էվրենը մի քանի անգամ ընդգծեց այդ միտքը և, որպես ընդհանրացում ու պատգամ, հայտարարեց. «Ես միշտ շեշտում եմ ազգի միասնության ու համերաշխության անհրաժեշտությունը, որովհետև միշտ, երբ երկրում գլուխ են բարձրացրել անարիսիան, տեռորն ու խլրտումները, մեր առաջ միշտ էլ ծագել են նման (հայկական) հարցեր: Այդպիսի հարցեր ծագել են ՄԱԿ-ում և այլ համաժողովներում: Եթե մենք կարողանանք լինել կուռ ամբողջականություն, ապա մեզ համար սարսափելի չի լինի ոչ մի բան, նրանք ոչինչ անել չեն կարող»:

Սա քաղաքական պրագմատիզմ է: Ասում են, քաղաքական գործիչներն ու դիվանագետները պատմաբաններ չեն և չեն էլ կարող պատմություն ստեղծել: Բայց նրանք կարող են կեղծել պատմությունը, այն խեղաթյուրելու միջոցով հարմարեցնել ի-

րենց շահերին ու սկզբունքներին: Այդպես է վարվում նաև պրո-
գրիզները:

Բայց արդյո՞ք պրեզիդենտի նման վարքագիծը Թուրքիայի
համար շահեկան է:

Հազիվ թե:

Հայը և Թուրքը հարևաններ են, հարևաններ են այն օրից,
երբ Փոքր Ասիայում երևացին սելջուկյան առաջին հրոսակա-
խմբերը: Այդ հարևանության պատմության մեջ, դժբախտաբար,
քիչ տեղ չեն գրավում սև էջերը, Թուրքական իշխող խավերի
կողմից հայերին ճնշելու, հարստահարելու, ուծացնելու, կրոնա-
փոխելու, ֆիզիկապես ոչնչացնելու և, նույնիսկ, որպես ժողո-
վուրդ բնաջնջելու փաստերն ու իրադարձությունները: Սակայն
այդ երկու ժողովուրդները, անկախ իրենց ցանկությունից, շա-
րունակելու են ապրել կողք կողքի: Մինչդեռ նրանց միջև եղած
թշնամությունը ծանր է անդրադառնում երկուստեք թե՛ քաղա-
քական, թե՛ տնտեսական և թե՛ հոգեբանական առումով: Հին
ճշմարտություն է՝ թշնամանքը լավ բան ծնել չի կարող, թշնա-
մությամբ համակված ժողովուրդը նման է հիվանդի, որը, եթե
չի բուժվում, իրեն մահվան է դատապարտում:

Դժբախտաբար, այդ թշնամության հետևանքները տարեց-
տարի ավելի ակնբախ են դառնում: Բացարձակապես իրար թըշ-
նամի, ավելի ճիշտ, տևականորեն թշնամի ժողովուրդներ չկան:
Այդ թշնամության աղբյուրը ինքը՝ Թուրք ժողովուրդը չէ, այլ
նրա տիրապետող վերնախավերը: Ելնելով իրենց դասակար-
գային շահերից, նրանց հաջողվում է ատելություն ներարկել
հասարակության լայն խավերի շրջանում և այն օգտագործել իրենց
շովինիստական ու ռասայական ծրագրերի իրականացման հա-
մար: Հայը լավ է հասկանում, որ Թուրքիայի այսօրվա քա-
ղաքացիներից և ոչ մեկը, այդ թվում իշխանության գլուխ կանգ-
նած անձինք, պատասխանատվություն չեն կրում տասնամյակ-
ներ առաջ կատարված ոճրագործությունների համար:

Սակայն Թուրքական կառավարող շրջանները ոչ միայն չեն
դատապարտում, այլև չեն ընդունում հայկական ցեղասպանու-
թյան փաստը: Դրանով իսկ նրանք կիսում են տասնամյակներ
առաջ կատարված ոճրագործության պատասխանատվությունը,
դառնում մեղսակից դրանց իրականացնողների հետ:

Եվ այդ արվում է Թուրք ժողովրդի պատմի անաղարտության
պաշտպանության դրոշի ներքո: Իրականում այդ արվում է

Թուրքական կառավարողների ներկայիս քաղաքականությունը
արդարացնելու համար: Նրանք ձգտում են Հայկական հարցում
նախաձեռնությունը վերցնել իրենց ձեռքը, ամբողջ ճակատով
հարձակման անցնել, օգտագործելով պաշքարի ոչ միայն քա-
ղաքական, դիվանագիտական և գաղափարախոսական, այլև
ուստիկանական ու դիվերսիոն միջոցները, ամբողջ թափով գոր-
ծի դնելով նաև պետական տեռորը:

Քաղաքական ասպարեզում էվրենի վարչակարգը ձգտում է
Արևմուտքի պետությունների հետ համագործակցված արտա-
սահմանյան երկրներում խեղդել հայկական հայրենասիրական,
առաջադեմ շարժումները, քայքայել Սփյուռքը, կազմալուծել
նրա ուժերը: Թուրքական գործակալները մոտիկից հետևում են
Սփյուռքում կատարվող իրադարձություններին ու շարժումներին,
լրտեսում ու միջոցառումներ ձեռնարկում դրանք ձախողելու
համար:

Գաղափարախոսության և պրոպագանդայի մարզում գործի
են դրվել բոլոր միջոցները՝ մամուլը, ռադիոն ու հեռուստատե-
սությունը, կազմակերպվում են դասախոսություններ, գիտաժո-
ղովներ և այլն: 1984 թ. Անկարայի ռադիոծրագրերի յուրա-
քանչյուր ժամի ավելի քան 3 րոպեն հատկացվում էր Հայկական
հարցին:

Հրատարակվում են բառարաններ, «պատմագրական աշխա-
տություններ», քարտեզներ, որոնց նպատակն է ապացուցել, որ
Հայաստան չկա և չի էլ եղել, որ այն հայերի երևակայության
արդյունք է: Մեծ աշխատանք է կատարվում Հայկական հարցով
զբաղվող հաստատություններ, ամբիոններ ստեղծելու, այդ ա-
պարեզում «գիտական վստահելի անձինք պատրաստելու»
համար⁹⁹:

«Հուրիեթը» 1985 թ. մայիսի 5-ին տպագրված մի հոդվա-
ծում փորձում է «բաց անել ամերիկացիները աշքերը»: «Կալի-
ֆոռնիայի Կահանգապետ Զ. Դոքմեչյանը, — գրում է թերթը, —
թույլ է տալիս, որ փոքրաթիվ հայկական հավաքականությու-
նը «Ցեղասպանության օր», «Թուրքերի հետ թշնամության շա-
բաթ» անցկացնելով՝ ռադիոյով, հեռուստատեսությամբ, հնար-
ված ժապավեններով տարածի հայկական ստերը և խաբի խեղճ
ամերիկացիներին:

Ամերիկյան գաղթականների երկիր է, իսկ լայնածավալ
Կալիֆոռնիայում միայն մի քանի հարյուր հազար հայ է ապ-

րում... ճիշտ այնպես, ինչպես մի ժամանակ մեր Արևելյան Անատոլիայում: Ամերիկացիները պարտավոր են հայերին լավ ճանաչել և պետք է իմանան, որ նրանց չի կարելի վստահել»:

Թուրքիայի քաղաքագետներն ու իրավագետները, գրողներն ու արվեստագետները, պատմաբաններն ու լեզվաբանները, մամուլըն ու ինֆորմացիայի միջոցները, հետևելով իրենց կառավարողների հակահայկական տեսակետին, կեղծիքի ու ստի միջոցով ճգնում են խաբել թուրք ժողովրդի աշխատավորական և դեմոկրատական լայն շրջաններին, թյուրիմացության մեջ գցել համաշխարհային հասարակական կարծիքը:

Այս ջանքերը նպատակ ունեն թուրք աշխատավորությունից թաքցնել պատմական իրողություններն ու փաստերը, Օսմանյան կայսրության մարդատյաց ու ազգասպան քաղաքականությունը, նրա վզին փաթաթել պանթուրքիզմի ֆաշիստական նկրտումները:

Համաշխարհային հասարակական կարծիքը թյուրիմացության մեջ գցելու նպատակով օգտագործվում են նաև պետական մեխանիզմի համապատասխան օղակները, այդ թվում արտասահմանյան երկրներում Թուրքիայի դեսպանությունները: Հսկայական միջոցներ են հատկացվում արտասահմանյան ռադիոկայաններով ու հեռուստակենտրոններով, թերթերով ու ամսագրերով հակահայկական պրոպագանդա ծավալելու համար:

Իրենց նպատակներն իրականացնելու համար միջոցների մեջ խտրություն չեն դնում: Կաշառվում են ոչ միայն օտարերկրացի պատմաբաններն ու հասարակական գործիչները, այլ նաև պրոպագանդայի ու զանգվածային ինֆորմացիայի միջոցները: Այդ նպատակի համար տրամադրվում են խոշոր գումարներ: Թուրքիա են հրավիրվում Եվրոպայից ու ԱՄՆ-ից «գիտնականներ», քաղաքական գործիչներ, նրանց հյուրընկալում, «նվերներ» տալիս և, օգտագործելով նրանցից յուրաքանչյուրի մարդկային թուլությունները, լծում իրենց պրոպագանդիստական գործունեության կառքին:

Թուրքիա հրավիրվեցին Միացյալ Նահանգների կոնգրեսի 300 անդամներ: Խորհրդանշական է, որ ԱՄՆ-ի կոնգրեսում «Ապրիլի 24-ը ցեղասպանության զոհերի հիշատակի օր հռչակելու մասին» նախագծի տապալման պատճառներից մեկը «Թերզուման» թերթը համարում է ներկայացուցիչների պալատի մի շարք ան-

դամների, առավելապես սպառազինությունների արտադրությամբ զբաղվողների այցելությունը Թուրքիա¹⁰⁰:

Եվրոպական պառլամենտում ստեղծվել է «Թուրքիայի բարեկամների մասնաճյուղ», որն իր մեջ միավորում է պառլամենտի բոլոր այն անդամներին, ովքեր «տրամադիր են ավելի լավ ու ճիշտ հասկանալու Թուրքիայի իրականությունը, որպեսզի հնարավոր լինի բարվոք և նպաստավոր դարձնել Թուրքիայի հարաբերությունները եվրոպական երկրների հետ»¹⁰¹:

Արևմուտքի շատ երկրներում, և ամենից առաջ ԱՄՆ-ում, հրատարակվում են բազմաթիվ գրքեր ու հոդվածներ, որոնց զգալի մասը, հենվելով միայն թուրքական պաշտոնական շրջանների ու «գիտնականների» մատակարարած նյութերի վրա և, անտեսելով դրանք հերքող մեծ քանակությամբ արխիվային վկայությունները, կեղծում են պատմությունը, արդարացնում հպատակ ժողովուրդների նկատմամբ օսմանյան տիրակալների բարբարոս քաղաքականությունը:

Թուրքական կառավարությունն անընդհատ կատարելագործում է հակահայկական գործունեության ձևերն ու մեթոդները: Նա համակողմանիորեն օգտագործում է աշխարհի տարբեր երկրներում հաստատված թուրքական համայնքները: Կանադայում, օրինակ, վերջին տարիներս մեկը մյուսի հետևից ստեղծվեցին թուրք-կանադական մի քանի կազմակերպություններ: Գրանցից մեկը զբաղված է հակահայկական գրականության տպագրությամբ:

Այդ կազմակերպությունների գործունեությունը ղեկավարում են թուրքական դեսպանությունները:

Թուրքիայում ստեղծվել է «Ահաբեկչության դեմ պայքարի կոմիտե», որի աշխատանքը ղեկավարում են անվտանգության մարմինները: Այդ կազմակերպության խնդիրն է հետևել ոչ միայն Թուրքիայում, այլ նաև արտասահմանում Թուրքիայի ազգային փոքրամասնությունների ներկայացուցիչների հակաթուրքական գործողություններին և քայլեղ ձեռնարկել այդ գործողությունները չեղոքացնելու համար: Գործնականում ձևավորվել է արտասահմանյան երկրներում ահաբեկչությամբ զբաղվող մի օրգան: Այս տեսակետից ամենևին էլ պատահական չէ Թեհրանում Օզալի արտահայտած հետևյալ միտքը՝ պարսկահայերի թիվը 300 հազարից չի պակասում, իսկ դա «միշտ առկա սպառնալիք է»¹⁰²:

Հակահայկական պայքարում օգտագործվում են նաև այլ պետությունների լրտեսական ծառայությունները: Այսպես, ԱՄՆ-ի լրտեսական ծառայություններին հայերի դեմ ուղղելու համար թուրքական կառավարությունը հատկացրել է 50 միլիոն դոլար:

«Այսուհետև ԱՄՆ-ում, — 1958 թ. սեպտեմբերի 5-ին գրել է «Նոր կյանք» թերթը, — հօգուտ Թուրքիայի գործունեությունը կոորդինացնելու է «Գրեյ-Բենդ-Քամփնի» ընկերությունը, որի հետ 600 միլիոն դոլարի համաձայնություն է կնքված»:

Անկարայի կառավարությունը հրահանգել է արտասահմանյան իր դեսպանություններին ու ներկայացուցիչներին, արգելել եղեռնի զոհերի հիշատակը հավերժացնող հուշարձանների վրա ցեղասպանությունը հիշատակող արձանագրությունները, խափանել այդ թեմայով հրատարակություններն ու կինոժապավենների ցուցադրումը: Միաժամանակ Անկարան ճնշում է գործադրում հայկական մեծ գաղթօջախներ ունեցող երկրների կառավարությունների վրա, որպեսզի նրանք հայերին թույլ չտան ապրիլի 24-ին ցույցեր և այլ միջոցառումներ կազմակերպել:

* * *

Այժմ այն մասին, թե Թուրքիայում ինչպես է կեղծվում պատմությունը, և այդ կեղծարարությունը ինչ բնույթ ունի:

Թուրքիայի արդի պաշտոնական պրոպագանդայի բնորոշ գծերից մեկն այն է, որ նա ամբողջությամբ կրկնում է երիտթուրք լիզերների հարցադրումներն ու հիմնավորումները, օգտագործում նրանց «փաստարկները» և, նույնիսկ, արտահայտյաձեվերը: Դրանում համոզվելու համար բավական է թերթել այդ պարագլուխներից մեկի՝ Զեմալ փաշայի «Հուշերը», մասնավորապես «Հայկական հարցը» գլուխը, որը 1923 թ. առանձին գրքով լույս է տեսել Երևանում:

Զեմալը հայտարարում է, թե իբր հայերը մինչև 1877—1878 թթ. ռուս-թուրքական պատերազմը ապրել են հանգիստ ու խաղաղ կյանքով, թուրքական կառավարության կամ մահմեդական բնակչության կողմից հալածանքների չեն ենթարկվել, իբր նրանց անդորրը խանգարել է Ռուսաստանը, որ, ձգտելով նվաճել թուրքական հողերը, ոտքի է հանել հայերին սուլթանական իշխանությունների դեմ՝ պատճառ դառնալով կոտորածների: Ապա Զեմալ փաշան կեղծում է 1915 թ. հայկական ցեղասպանության

պատմությունը, հայտարարելով, որ իբր հայերը պատրաստվում էին թուրքական բանակի թիկունքում ապստամբել հօգուտ Ռուսաստանի, որի համար երիտթուրքական կառավարությունը հարկադրված էր տեղահանել նրանց, տարագրելով կայսրության խորքերը: Ավելորդ ենք համարում բերել հեղինակի նաև մյուս անհիմն պնդումները, քանի որ նրա բոլոր թեզերը հիմնավորապես քննադատված ու ջախջախված են սովետական պատմագրության կողմից:

1986 թ. հուլիսի 9-ին Թուրքիայի պրեզիդենտ Ք. Էվրենը, էրզրումի մոտ գտնվող Ալաշաբոյու բնակավայրում, հանդիսավորությամբ բացեց 1918 թ. «Հայ ավազակների» կողմից բարբարոսաբար սպանված 278 թուրքերի հիշատակը հավերժացնող հուշարձանը: Թուրքական հեռուստատեսության կարծիքով, այդ թուրքերը «սպանվել են ղոկտոր Ազարևի, գնդապետ Մորեյի և Անդրանիկի հրամանատարության ներքո գտնվող ավազակների կողմից... Սպանված թուրքերի հագուստներն այրված են, լաթերը՝ կպած կմախքներին, դրանց կողքին հայտնաբերվել են Ղուրաններ, թուրքերի կողմից օգտագործվող զարդեր, գլխաշորեր, արծաթյա դրամներ և կանացի հյուսած մազեր»:

Դեռ նախորդ օրը, հանդես գալով Իզդիրում, պրեզիդենտն ասաց. «Իզդիրի շրջանի բնակչությունը տարբեր ժամանակներում բազմիցս ենթարկվել է հայերի կազմակերպած ջարդերին: Հայերն այդքան կոտորածներ են կազմակերպել և հիմա վեր են կացել ու այնպիսի աղմուկ են բարձրացնում և այնպես են ներկայացնում աշխարհին, թե ոչ թե մենք՝ թուրքերս ենք կոտորվել, այլ մենք ենք նրանց կոտորել: Բռնություններ ու ջարդեր կատարողները հենց հայերն են: Դրանով հանդերձ, թուրք աղջ լուսկյաց տարել է այդ բոլորը, ջարդերի շուրջ աղմուկ չի բարձրացրել և կարիք էլ չի զգացել աշխարհով մեկ այդ մասին գոռալու: Զարդերը գրքերում են մնացել: Բայց քանի որ հայերն այլ երկրներում հուշարձաններ են կառուցում՝ նվիրված թուրքերի կողմից կոտորված հայերին, հետևաբար մենք կկառուցենք ավելի մեծ հուշարձաններ, քան հայերն են կառուցում»¹⁰³:

Ալաշաբոյուում էվրենը հայտարարեց. «Թուրքերը պատմության ընթացքում երբեք չեն միջամտել տվյալ վայրի բնակչության կրոնին, լեզվին և սովորույթներին, իրենց հետ այդ վայրերն են տարել մարդասիրություն, արդարություն, լուսավո-

րություն և գիտություն: Թուրք ազգը ոչ մի ժամանակ չարդ չի կատարել...

Թուրքերը պատմության ընթացքում լավ հարաբերություններ են ունեցել հայերի հետ, սակայն հայերը միշտ էլ դավաճանական նպատակներ են հետապնդել Թուրքերի նկատմամբ՝ ընդմիշտ վառ պահելով այդ ստոր նպատակները... Հայերը, օգտվելով այն հանգամանքից, որ Թուրքական զորքերը պարտության մատնվեցին առաջին համաշխարհային պատերազմում, ոտքի ելան, պնդելով, թե այս հողերը իրենց են պատկանում, փորձեցին տիրանալ տվյալ տարածքին... Սակայն, երբ դա հայերին չհաջողվեց, նրանք սկսեցին կոտորածներ կազմակերպել...»¹⁰⁴,

Հաջորդ օրը էվրենը, ելույթ ունենալով էրզրումում, ասաց. «Նրբ Թուրքիան ընկնում է ընդվզումների մեջ, երբ խախտվում է ազգի միասնությունն ու համերաշխությունը, զուգահեռաբար նկատելի է նաև հայերի հողային պահանջների աճը: Սակայն ազատագրական պատերազմից հետո հազարավոր զոհերի արյան գնով ձեռք բերված մեր սահմանների ներսում մենք չենք կարող թույլ տալ մեկ այլ պետության կազմավորում: Եթե նրանք կարող են, ապա թող գան և հողերը վերցնեն»¹⁰⁵,

Թուրքիայի ղեկավարներն ահա այսպես, իրականությունը հիշտ հակառակ են ներկայացնում Օսմանյան կայսրությունում հայերի վիճակն ու 1915 թ. ցեղասպանությունը:

Հայ ժողովրդի, նրա պատմության և մշակույթի վրա զանգվածային հարձակումը արդի Թուրքիայում, իրոք, դարձել է պետական քաղաքականություն: Այն խնդիր ունի ոչ միայն ժխտելու հանրահայտ փաստը, որ Արևմտյան Հայաստանն է եղել հայերի բնօրրանը, այլև մերժելու, որպես էթնիկական միավոր, հայ ժողովրդի գոյությունը:

1982 թ. Անկարայում, պրեզիդենտ էվրենի հովանավորությամբ, լույս տեսավ արտաքին քաղաքականության ինստիտուտի պատրաստած «Հայկական հարց. ինը հարց, ինը պատասխան» դրբույկը, որ Արևմուտքի գրեթե բոլոր լեզուներով տպագրվեց ու տարածվեց աշխարհի շատ երկրներում¹⁰⁶: Այն նախադասված է հարցին անտեղյակ ընթերցող լայն շրջանների համար և կառուցված է փաստերի կամայական ընտրության ու մեկնաբանության վրա:

Գրքույկում երրորդ հարցը ձևակերպված է հետևյալ կերպ.

«Թուրքերը դարերի ընթացքում ձգտել են հայերին հավատափոխել և հարստահարել»: Հետևում է կեղծիքներով լի պատասխանը.

«Հաստատելու համար Օսմանյան կայսրության դեմ ցեղասպանության իրենց մեղադրանքը, հայ պրոպագանդիստները հայտարարում են, որ Թուրքերը միշտ վառ են տրամադրված եղել ոչ մահամեղապանների և, հատկապես, հայերի նկատմամբ... Դեռ ավելին. հայերը փորձում են աղճատել Թուրքական ինքնությունը՝ ստեղծելով տպավորություն, որ իսլամի և քրիստոնեության միջև պայքար միշտ եղել է, որպեսզի ժամանակակից քրիստոնյա աշխարհին հեշտությամբ ընդունել տան հակաթուրքական պրոպագանդան»: Մինչդեռ օսմանցիները «վերացրին հայ եկեղեցիների, վանքերի վրա բյուզանդացիների դրած բոլոր հարկերը: Դրա փոխարեն սելջուկները հայ փոքրամասնությունը հնարավորություն տվեցին, որ հայերը համայնքի ներքին գործերը ղեկավարեն իրենց հայեցողությամբ, ներառյալ կրոնական և կրթական գործը: Եվ երբեք հայերն ու ոչ մահամեղապան մյուս փոքրամասնությունները իսլամի դեմ չեն գործել: Ավելին, հայ հոգևոր առաջնորդները միշտ էլ շնորհակալություն են հայտնել...

Հայ համայնքը զարգանում և բարգավաճում էր շնորհիվ այն ազատության, որ տալիս էր նրան սուլթանը: Նրանք շահեցին սուլթանների վստահությունը ու դասվեցին կայսրության «հավատարիմ համայնքների» շարքը»¹⁰⁷:

Թուրքական «Թերզուման» թերթը նույն միտքը հետևյալ կերպ է հրամցնում. «Մերձավոր արևելքի և Բալկանյան ժողովուրդները հիշում են, թե ինչով վերջացավ արդարության ու հավասարության մարմնացում հանդիսացող Թուրք օսմանների դեմ պայքարը: Նրանցից շատերը մինչև օրս դեռ չեն ազատվել ոստիկանությունից, դաժան բռնությունից և սովետական բռնացքից... իր 600-ամյա պատմության ընթացքում Օսմանյան կայսրությունը երբեք մայրցամաքների ժողովուրդներին ապահովել է խաղաղ կյանք և նրանց պաշտպանել արտաքին թշնամուց: Այս պատմական ճշմարտությունը թող հիշեն հայերը, հույները, հրեաները, սիրիացիները, պաղեստինցիները, Միջին արևելքի, Բալկանների ժողովուրդները և արդի Թուրքիայի սխալ դաստիարակված Թուրքերը»¹⁰⁸:

Թուրքական պրոպագանդան համառ ջանքեր է գործադրում նաև ապացուցելու, որ օսմանյան տիրապետության տակ գտնվող բոլոր ժողովուրդները, նույնիսկ զուլուսի տարիներին, ունեցել են տնտեսական ու քաղաքական լիիրավ վիճակ, «ավելի մեծ իրավունքներ, քան իրենք՝ թուրքերը»: 1985 թ. մարտի 21-ին թուրքական հեռուստատեսությունը ի լուր ամենքի հայտարարեց. «Թուրքերը իրենց տիրապետության տակ գտնվող ազգային փոքրամասնությունների նկատմամբ մեծահոգություն էին ցուցաբերում»:

1971 թ. Կ. Պոլսում լույս տեսավ Քեմալ Օզկայայի «Հայ ժողովուրդը և թուրք ժողովրդին ստրկացնելու փորձերը» գիրքը, որտեղ կարդում ենք. «Ծրբեք որևէ պարտված, հնազանդ ժողովուրդ, որևէ էթնիկական կամ կրոնական փոքրամասնություն աշխարհի արտոնություն չի ունեցել աշխարհի որևէ երկրում»: Որպես փաստարկ նա վկայակոչում է այն, որ Աբդուլ Համիդ II-ը իր առողջությունը «վստահում էր հայ բժիշկներին»: Հեղինակի կարծիքով հայերն ավելի լավ վիճակում էին, քան թուրքերը և «բարենորոգումներն ավելի շատ թուրքերին էին անհրաժեշտ, քան հայերին»*:

* Մի քանի մեջբերումներ կատարենք նաև թուրքական ռադիոհաղորդումներից, մասնավորապես «Հայկական թղթապանակ» արաբերեն հաղորդաշարից: «Թուրքիայում ամենարտոնյալ ազգային փոքրամասնությունը, — ասված է այդ հաղորդաշարում, — երկար ժամանակ եղել են հայերը... բոլոր հայերը առանց բացառության ապրում էին բարեկեցիկ կյանքով և առանցքային պաշտոններ էին գրավում առևտրում ու արվեստում... Բացի այդ, հայերը թուրքերին անգնահատելի ծառայություն են մատուցել ազգային՝ երաժշտության, թատրոնի և նույնիսկ թուրքական լեզվագիտության ստեղծման գործում» (ՀՍՍՀ ԳԱ ինֆորմացիոն բյուրոն, 1984, № 5, էջ 25):

«Հայերի հասարակական և տնտեսական վիճակը, համեմատած թուրք բնակչության վիճակի հետ, — ասված է հաղորդաշարի 1984 թ. ապրիլի 8-ի թողարկման մեջ, — շատ ավելի լավ էր: Բայց գաղութատիրական պետությունները, որոնք հարմար առիթ էին փնտրում օսմանյան պետության ներքին գործերին միջամտելու համար, հրուսարակ նետեցին Հայկական հարցը: «Հայկական հարցը արհեստականորեն առաջ քաշեցին օսմանյան պետության նկատմամբ գաղութատիրական նպատակներ ունեցող պետությունները» (ապրիլի 22-ի թողարկումից):

«Հայերն օգտվում էին բոլոր իրավունքներից, որոնք նախատեսված էին մահմեդականների համար, դրան գումարած որոշ այլ առավելություններ...

Ա. Գելիորմանի «Հայկական կոմիտեականները ընդդեմ թուրքերի» գրքում կարելի է կարդալ հետևյալը. սուլթան Համիդը համիդիե գնդերը ստեղծեց Սասունի «15 հազար մահմեդական բնակչությունը հայ կոմիտեականներից» պաշտպանելու համար: Նա «մեղմ քաղաքականություն» էր վարում, որի հետևանքով հայերի հարձակումներից տուժում էին «խեղճ թուրքերը»:

Արևմտյան Հայաստանին ինքնավարություն տալու գաղափարը ռուսների դիտավորությունն էր՝ իրականացնելու Օսմանյան կայսրությունը քրիստոնյա պետություններով շրջապատելու և նրան «ռուսների ճնշման տակ գտնվող մահմեդականներից կտրելու» քաղաքականությունը¹⁰⁹:

Հակառակ պատմական իրականության, թուրքական մի պաշտոնական փաստաթղթում, սևով սպիտակի վրա գրված է. «Այն ժամանակվա մեծ կայսրություններից միայն Օսմանյան կայսրությունն էր, որ հպատակների նկատմամբ ճնշումներ չէր գործադրում: Ավելին, նա ճանաչում էր կրոնական համայնքների լրիվ ինքնավարությունը... արդյո՞ք ծիծաղելի չէ մեղադրել օսմանցիներին, որ իբր նրանք ճնշում էին հրեաներին, հույներին և հայերին, այն ժամանակ, երբ օսմանցիները ճանաչել էին նրանց ինքնորոշման, սեփական լեզվի և մշակույթի օգտագործման, սեփական դպրոց և մանկապարտեզ ունենալու իրավունքը և երբեք չեն միջամտել նրանց գործերին: Օսմանյան կայսրությունը չէր ճնշում ոչ մուսուլմանական փոքրամասնությանը և չէր աշխատում հարկադրել նրանց ընդունելու իսլամը... Մինչև իր անկումը Օսմանյան կայսրությունը եղել է այն անկյունը, ուր օթևան են գտել աշխարհի բոլոր հալածվածները»¹¹⁰:

Ոչ ավելի, ոչ պակաս: Օսմանյան կայսրությունը եղել է աշ- (հայկական) համայնքը, ընդունելով օսմանյան մշակույթն ու կյանքի ձևը, «հավատարիմ ազգ» կոչվել ստացավ... Մինչև 1877—1878 թթ. ռուս-թուրքական պատերազմը Հայկական հարցը զուլուսյուն չի ունեցել» (ապրիլի 29-ի թողարկումից):

«Ռուսաստանի հրահրումները պատճառ դարձան, որ թուրքիայում բնակվող հայերի մեջ զավթողական ոգի առաչանա... հայկական շարժումների նպատակն էր Արևելյան Անատոլիան (Արևմտյան Հայաստանը) միացնել Ռուսաստանին» (մայիսի 27-ի թողարկումից):

Հայերը, եթե հասկանալին, թե թուրքիան իրենց համար ինչպիսի դրախտ է, «ասպ ամեն օր իրենց աղոթքներում կփառաբանեն թուրքերին, որովհետև այնպիսի ազատություն ու հանգիստ կյանք, ինչպիսին նրանք ունեցել են և ունեն թուրքիայում, աշխարհում ոչ մի տեղ գտնել չեն կարող (սեպտեմբերի 26, 1927 թ.):

խարհի մեղավորն ու հալածված զանգվածների օթևան: Բայց պատմական փաստերը, որոնք կրեթվեն ստորև, ճիշտ դրա հակառակն են ապացուցում: Նրանք ցույց են տալիս, որ Օսմանյան կայսրության տիրապետության տակ տառապող ժողովուրդները գտնվում էին շահագանց ծանր վիճակի մեջ: Ինչ վերաբերում է քրիստոնյա ժողովուրդներին, ապա նրանք գործնականում օրենքից դուրս էին հայտարարված և զուրկ էին քաղաքական տարրական իրավունքներից, այդ թվում նաև անձի անվտանգության իրավունքից: Թուրքիայում փոքր ժողովուրդների բռնի հավատափոխությունը, ձուլումն ու բնաջնջումը հուշակված էր պետական քաղաքականություն և իրականացվում էր պարբերաբար՝ օսմանյան պետականության ստեղծման առաջին իսկ օրերից: Իսկ 1870-ական թվականներին ձևավորվեց մի հրեշավոր ծրագիր՝ արևմտահայությանը գլխովին ոչնչացնելու ծրագիր:

«Հայկական թղթապանակ» հաղորդաշարի 1986 թ. հունիսի 10-ի թողարկման մեջ ուղղակի ասվում է. «Հայկական ավազակախմբերի շարժումների հիմքում ընկած էր ոչ թե աղքատության ու ճնշումների դեմ բարենորոգումների պրոպագանդան, այլ Արևմտյան Եվրոպայի և Ռուսաստանի համագործակցությունը՝ ավազակախմբերի և հայկական եկեղեցականների հետ օսմանյան պետության տարածությունները բաժանելու համար»:

Օսմանյան հայաչինջ քաղաքականության դեմ հայ ժողովրդի օրհասական պայքարը մեծ պետությունների ձեռքի գործ համարելը բացարձակ հերյուրանք ու կեղծիք է:

Հայ ժողովուրդը բռնությունների, ոչնչացման, ավազակությունների օսմանյան ծովում կործանման եզրին էր և խեղդվողի նման ձեռքը մեկնում էր փրփուրին, բոլոր այն ուժերին, ովքեր ի վիճակի էին իրեն փրկել: Մինչդեռ այդ ուժերը հայ ժողովրդի օգնության կանչն օգտագործում էին իրենց շահագիտական նպատակների համար և, ի վերջո, դավաճանեցին նրան՝ անօգնական շարտելով օսմանյան տիրակալների երախը: 1915 թիվը նաև այդ իմպերիալիստական քաղաքականության արդյունքն էր:

Հայ ժողովրդի դարավոր փորձն ու իմաստությունը դեռևս XVIII դարում հանգեցրին այն մտքին, որ միակ իրական ուժը, որ կարող է օգնության ձեռք մեկնել և փրկել հայերին, Ռուսաստանն է, շնայած ցարական ինքնակալությունը ևս բազմիցս Հայկական հարցն օգտագործել է իր գաղութատիրական քաղաքականության համար: Ռուսաստանին և առաջին հերթին

նրանում բարձրացող դեմոկրատական ուժերին էր վիճակված փրկելու հայ ժողովրդին:

«... հայերը, — գրում է Մ. Նալբանդյանը, — ամբողջ Թուրքիայում տրամադրված են Ռուսաստանի օգտին...»¹¹¹:

Կոմիտասը 1912 թ. դեկտեմբերի 25-ին Ա. Չոպանյանին գրել է. «Ուրեմն չիք փրկություն արտաքո Ռուսիո: Պետք է նախ բոլոր հայերը խմբվեն մեկ տերություն, մեկ օրենքի տակ, աճեն ու զարգանան բարոյապես ու նյութապես և ապա ժամանակն ինքն է, որ պիտի բերե մեծ ազատությունը, շտապելով, առաջինը շառած երկրորդ քայլի դիմելով, բոլորովին պիտի կորչինք. տաճիկեն ոչ մի հույս մի ունենաք, մի սպասեք. նորա ուղեղը քարե ժայռից է...»

Չպետք է բաժանվինք, չպետք է խաբվինք Եվրոպայի գանազան խոստումնալից խաբկանքներին, միանալու ենք և գործնական ճամփան բռնելու՝ ըստ իս, առաջին քայլն է բոլոր հայությունն ամփոփել ռուսի իշխանության տակ, երկրորդ քայլն է տնտեսապես և բարոյապես զուտ ազգային, առանց օտար ու մեզ անմարս գաղափարներով առաջնորդվելու՝ զարգանալ. երրորդ քայլն արդեն ինքը՝ ռուս հեղափոխությունն է, որ պիտի անե, ոչ թե մենք. իսկ մենք օգտվելու ենք այդ քայլեն, սակայն պատրաստվելով... Եվրոպական մարդկային գաղափարները, որքան որ ընտիր են ու փափագելի, բայց մեզ անպետք են. պաղ երկրի բույսերի մեր ջերմ արևի տակ կկիզվեն»¹¹²:

* * *

Ընթերցողի ուշադրությունը ներկայացվող սույն գրքում մեր նպատակն է, հենվելով կոնկրետ փաստերի և սովետական պատմագրության նվաճումների վրա, մերկացնել Թուրքիայում ու Արևմուտքի մի շարք երկրներում ծավալված հակահայկական պրոպագանդան, ցույց տալ նրա իմպերիալիստական-ոստիստական, գաղութատիրական-շովինիստական բնույթը և պաշտպանել պատմական ճշմարտությունը: Աշխատության բանավիճակին բնույթը հարկադրում է մեզ կատարել բազմաթիվ հակիրճ ու ընդարձակ մեջբերումներ: Եվ նկատի ունենալով, որ այն հասցեագրված է ընթերցող լայն շրջաններին, նպատակահարմար ենք գտել արևմտահայերեն աղբյուրներից կատարված վկայակոչումների հիմնական մասը ներկայացնել ժամանակակից գրական լեզվով:

1. Գր. Կալցույան, Красная книга, Ростов-на-Дону, 1919, с. 184.
2. Գ. Հակոբյան, Թուրքական ռեակցիան ամերիկյան իմպերիալիզմի ծառայության մեջ, Ե., 1951, էջ 6:
3. Նույն տեղը, էջ 17:
4. Պրավդա, 20 սեպտեմբերի 1947 թ.:
5. Գյունեջ, 13 մայիսի 1982 թ.:
6. Ալիբ, 16 սեպտեմբերի 1985 թ.:
7. Ալիբ, 7 մայիսի 1985 թ.:
8. Հառաջ, 11—12 մայիսի 1985 թ.:
9. Արարատ, 17 հունիսի 1986 թ.:
10. Հուրիեթ, 20 օգոստոսի 1985 թ.:
11. Ալիբ, 17 սեպտեմբերի 1985 թ.:
12. Սովետական Հայաստան, օրաթերթ, 5 հունիսի 1985 թ.:
13. «Ամերիկայի ձայն» ռադիոկայան, 12 օգոստոսի 1985 թ.:
14. «Ամերիկայի ձայն» ռադիոկայան, 3 սեպտեմբերի 1985 թ.:
15. Թուրքական հեռուստատեսություն, 18 հոկտեմբերի 1985 թ.:
16. Թուրքական հեռուստատեսություն, 25 սեպտեմբերի 1985 թ.:
17. Նոր աշխարհ, 5 փետրվարի 1985 թ.:
18. Ք. Պոզանսկա, Հին ու նոր Թուրքիա, Ե., 1985, էջ 201:
19. Թուրքական հեռուստատեսություն, 18 հոկտեմբերի 1985 թ.:
20. Թուրքական հեռուստատեսություն, 19 հոկտեմբերի 1985 թ.:
21. Արմենիա, 1 մարտի 1986 թ.:
22. Թուրքական հեռուստատեսություն, 13 հոկտեմբերի 1986 թ.:
23. Գ. Նազճյան, Արդու Համիդ II Կարմիր Սուլթան, Բեյրութ, 1980, էջ 571:
24. Նույն տեղը, էջ 820:
25. Ю. Петросян, Младотурецкое движение, М., 1971, с. 183—184.
26. Զ. Կիրակոսյան, Երիտթուրքերը պատմության դատաստանի առաջ, գիրք 1, Ե., 1980, էջ 120:
27. Նոր դար, 1895, № 79:
28. Նոր կյանք, 1900, № 16:
29. Ե. Օռյան, Եժ, հ. 4, Ե., 1962, էջ 676:
30. Սապահ Գուլյան, Պատասխանատուները, Կահիրե, 1916, էջ 214:
31. Զ. Կիրակոսյան, Երիտթուրքերը պատմության դատաստանի առաջ, գիրք 2, Ե., 1983, էջ 6:
32. Գ. Նազճյան, Արդու Համիդ II Կարմիր Սուլթան, էջ 663:
33. Մուրճ, 1905, № 9:
34. Նոր կյանք, 1900, № 21:
35. ՀՍՍՀ ԳԱ ինֆորմացիոն բյուրոն, «Документы французских архивов», 1985, էջ 5 կամ 2. Նազլյան, Հուշեր, Բեյրութ, 1960, էջ 104:
36. Ապագա, 10 ապրիլի 1985 թ.:
37. Հուշամատեն Մեծ եղևոնի (1915—1965), Բեյրութ, 1965, էջ 94:
38. Յո. Լեփսիուս, Հայաստանի ջարդերը, Կ. Պոլիս, 1919, էջ 247:
39. Մ. Ռիֆաթ, Օսմանյան հեղափոխության մուրթ ծալքերը և Իթթիհատի հայաչինջ ծրագրերը, Բեյրութ, 1968, էջ 103:

40. Հուշամատեն Մեծ եղևոնի (1915—1965), էջ 29:
41. Զեմալ Փաշա, Հայկական հարցը, Ե., 1927, էջ 17:
42. Նույն տեղը, էջ 18:
43. «Հիլալը Ահմեդի» 1911, հոկտեմբեր:
44. Նույն տեղը:
45. Յո. Լեփսիուս, Հայաստանի ջարդերը, էջ 250:
46. Ս. Զենկովսկի, Իսլամական Թուրքիան և Ռուսաստանը, Քեմերիջ, 1960, էջ 38—39:
47. С. Бугаев, Проблемы Турции, Ленинград, 1925, с. 114.
48. 2. Փումանյան, Եժ, հ. 4, Ե., 1969, էջ 149—150:
49. Գ. Ահարոնյան, հոհեր 50-ամյակի ավարտին, Բեյրութ, 1966, էջ 172:
50. Ա. Խատիսյան, Հայաստանի հանրապետության ծագումն ու զարգացումը, Աթենք, 1930, էջ 70:
51. Շարժում, 7 հունիսի 1985 թ.:
52. ՀՍՍՀ ԳԱ ինֆորմացիոն բյուրոն, 1985, էջ 13:
53. Դե Օրինետ, 21 հոկտեմբերի 1914 թ.:
54. Գ. Ահարոնյան, հոհեր 50-ամյակի ավարտին, էջ 175:
55. Մ. Ռիֆաթ, Օսմանյան հեղափոխության..., էջ 22:
56. ՀՍՍՀ ԳԱ ինֆորմացիոն բյուրոն, 1985, էջ 40—41:
57. Նույն տեղը, էջ 41:
58. Նույն տեղը, էջ 42:
59. Գ. Նազճյան, Արդու Համիդ II..., էջ 571:
60. 2. Տաշեան, Հայ ազգային տարագրությունը գերմանական վավերագրերի համեմատ, մաս Ա, Վենետիկ, 1921, էջ 52:
61. Документы внешней политики СССР. т. 1, М., 1957, с. 730.
62. М. Кемаль, Путь новой Турции. т. 3, М., 1934, с. 117.
63. Վ. Ի. Լենին, Եժ, հ. 45, Ե., 1983, էջ 240:
64. История дипломатии, т. 3, М., 1965, с. 97.
65. Д. Завриев. К новой истории Северо-Восточных вилайетов Турции. Тбилиси, 1947, с. 100.
66. Ս. Կարապետյան, 1920 թ. հայ-թուրքական պատերազմը և Սովետական Ռուսաստանը, Ե., 1965, էջ 38—39:
67. Մ. Ռիֆաթ, Օսմանյան հեղափոխության..., էջ 18:
68. Геноцид армян в Османской империи, Е., 1932, с. 446.
69. Ա. Անտոնյան, Մեծ ոհմիցը, Բեյրութ, 1977, էջ 240:
70. Է. Լենկիթի, Թուրքերը, Նյու Յորք, 1941, էջ 195:
71. Ա. Ալպոլյաճևան, Պատմություն եվրոպո հայոց, Կահիրե, 1953, էջ 1212—1219:
72. Լեո, Անցյալից, Քիֆլիս, 1925, էջ 261—262:
73. Գ. Հակոբյան, Թուրքական ռեակցիան ամերիկյան իմպերիալիզմի ծառայության մեջ, էջ 8:
74. Մ. Ռիֆաթ, Օսմանյան հեղափոխության..., էջ 188—190:
75. ՀՍՍՀ ԳԱ ինֆորմացիոն բյուրոն, 1983, № 5, էջ 16:
76. Պրավդա, 28 հոկտեմբերի 1947 թ.:
77. Ա. Գրեչկո, Ճակատամարտ Կովկասի համար, Ե., 1969, էջ 68:

78. С. Штеменко, Генеральный штаб в годы войны, М., 1967, с. 51.
79. ժողովրդի ձայն, 23 մարտի 1924 Մ.:
80. Սովետական Հայաստան, ամսագիր, 1984, № 12:
81. Նույն տեղը:
82. Նույն տեղը:
83. Գ. Ահարոնյան, Խոհեր 50-ամյակի..., էջ 177—178:
84. Նույն տեղը, էջ 177:
85. Նույն տեղը, էջ 178:
86. Նույն տեղը, էջ 179—180:
87. Թուրքական հեռուստատեսություն, 19 հոկտեմբերի 1985 թ.:
88. Նույն տեղը:
89. Սովետական Հայաստան, օրաթերթ, 5 մարտի 1985 թ.:
90. Լրագիր, 8 մայիսի 1985 թ.:
91. Արև, 20 հոկտեմբերի 1985 թ.:
92. Զարթոնք, 24 ապրիլի 1985 թ.:
93. Մարմարա, 6 դեկտեմբերի 1985 թ.:
94. Մարմարա, 11 դեկտեմբերի 1985 թ.:
95. Զարթոնք, 23 ապրիլի 1983 թ.:
96. Ազգային մշակույթ, 28 ապրիլի 1985 թ.:
97. ՀՍՄՀ ԳԱ Ինֆորմացիոն բյուրոն, 1982, № 5, էջ 13—14:
98. Ազգային մշակույթ, 28 ապրիլի 1985 թ.:
99. «Միլիտեթ», 8 մարտի 1985 թ.:
100. Հատաչ, 7 հունիսի 1985 թ.:
101. Մարմարա, 31 հունվարի 1985 թ.:
102. Ալիք, 24 սեպտեմբերի 1985 թ.:
103. Թուրքական հեռուստատեսություն, 8 հուլիսի 1986 թ.:
104. Թուրքական հեռուստատեսություն, 9 հուլիսի 1986 թ.:
105. Թուրքական հեռուստատեսություն, 10 հուլիսի 1986 թ.:
106. Institut de Politique Efranger le problem Armenian: neuf questions, neuf reponses, Ankara, 1982, p. 6—10.
107. Նույն տեղը, էջ 6—10:
108. Թերջուման, 12 օգոստոսի 1982 թ.:
109. ՀՍՄՀ ԳԱ Ինֆորմացիոն բյուրոն, 1977, № 3, էջ 8:
110. ՀՍՄՀ ԳԱ Ինֆորմացիոն բյուրոն, 1982, № 5, էջ 30:
111. Մ. Նալբանդյան, ԵԼժ, հ. 2, Ե., 1948, էջ 357:
112. էջմիածին, ամսագիր, 1965, № 2—4:

**ՕՍՄԱՆՅԱՆ ԿԱՌԱՎԱՐՈՒԹՅԱՆ ՀԱՅՍՀԱՎԱԾ
ՔԱՂԱՔԱԿԱՆՈՒԹՅԱՆ ՍԱՍՏԿԱՑՈՒՄԸ**

**ՀԱՅԿԱԿԱՆ ՀԱՎԱԾԱՆՔՆԵՐԸ ՕՍՄԱՆՅԱՆ ԿԱՅՄՐՈՒԹՅՈՒՆՈՒՄ
ՄԻՆՉԵՎ 1877—1878 թթ.**

Պատմության թուրք կեղծարարները Օսմանյան կայսրությունում հայերի նկատմամբ իրականացված հալածանքների ու բնաջնջման պատճառը համարում են մեծ տերությունների քաղաքականությունը: Այդ քաղաքականությունը պատճառ դարձավ նաև Հայկական հարցի առաջացման համար:

Լիբանանում լույս տեսնող «Դը Դեյլի Սթար» օրաթերթը 1985 թ. մայիսի 3-ի համարում տպագրեց Հայկական հարցի վերաբերյալ թուրքական դեսպանատան պատրաստած մի հոդված, որտեղ դժգոհությամբ է խոսվում այն մասին, որ մի շարք պատմաբաններ փորձում են Հայկական հարցը ներկայացնել որպես Օսմանյան կայսրության ներքին հարց, նսեմացնելով մեծ պետությունների քաղաքականության դերը, «որի նպատակն էր բաժանման ենթարկել կայսրությունը՝ քաղաքական, տնտեսական և ռազմագիտական հաշիվներով»:

Այդ հոդվածում ասվում է, որ Հայկական հարցը «սկսվեց 1877—1878 թթ. ռուս-թուրքական պատերազմով ու Բալկանների անկախության մասին հայերը, որոնք թուրքերի հետ ամբողջ ութ դար խաղաղ գոյակցել էին... աստիճանաբար փոխեցին իրենց կեցվածքը, դարձան օտար ուժերի ձեռքի գործիք՝ դեպի «տաք ջրերը» ռուսական առաջխաղացման և դրան հակադրելու բրիտանական քաղաքականության համար:

1975 թ. Ստամբուլում լույս տեսավ Այհան Յալչինի «Թուրք-հայկական հարցի էությունը» գիրքը, որտեղ նշվում է, թե հայերը Օսմանյան կայսրությունում ... իրենց տրված իրավունքի

շնորհիվ, ոչ մասնեղական մյուս տարրերի նկատմամբ նյութա-
կան ու քաղաքական առավելություններ էին ձեռք բերել: Երբ
նրանց ապագան արդեն իսկ ապահովված էր, խանգարեցին խա-
ղաղությունն ու անդորրությունը և անկախ Հայաստան ստեղ-
ծելու համար կամենում էին թուրքիան մասնատել¹:

Թուրքական պրոպագանդայի այս մտածելակերպը նորություն
չէ: Դեռ 1870-ական թվականներին օսմանյան պաշտոնական
ընթացակարգը հայտարարում էին՝ հայերը «գավաճան» ժողովուրդ
են: Վերջիններս դրան պատասխանում էին. «Ինչպե՞ս կարելի
է միլիոնավոր հայերից պահանջել, որ իրենց կրած տանջանք-
ների, բռնության և հալածանքների մասին չգանգատվեն, չտր-
տընջան, թե ինչ է իրենց միջից մի քանի հակոբներ, նուբար-
ներ, արթիններ և այլ մեծամեծներ պաշտոն են վարում, շնորհ-
ներ, պատիվներ են վայելում»²: Մինչդեռ «հայ էֆենդիները հայ
ժողովրդի հետ ոչ հոգեկան և ոչ էլ մտավոր հաղորդակցություն չու-
նեն: Այս վերջին 20 տարվա ընթացքում նրանց կարելի է ազգից
լրիվ մեկուսացված համարել: Միշտ ահուղողի մեջ, զգույշ են
ապրում, հայ լինելը նրանց համար ոճիր է: Հանցագործների
են նմանվում, որոնք մինչև իրենց մահը հարկադրված են ու-
տիկանական խիստ հսկողության ներքո ապրել»³:

«Պոլսահայ լուսավորական համայնք» հոդվածում Մ. Նալ-
բանդյանը գրել է. «Այս մարդիկ հասնելով պետական պաշտոն-
ների և հետևաբար մոտիկ հարաբերություններ ունենալով թուրք
կառավարության ազդեցիկ դեմքերի հետ, յուրացրել են իրա-
վունք՝ խառնվելու հայկական բոլոր գործերին... Դրան առաջ
իսկ խաղալու հայ ժողովուրդը ներկայացնողների դերը»⁴:

Նալբանդյանը նշում է, որ հայերի վրա վաղուց ի վեր թուր-
քիայում ծանրացած աղաղակող անկարգությունները Արևելյան
պատերազմից հետո ժայրահեղության հասան: Դրա պատճառ-
ներից մեկը նա համարում է հայ ամիրաների եսասիրական վար-
քագիծը:

«Արդարև, (հայ) գյուղացիները, — գրում է թուրք պատմա-
բան Օ. Նուրին, — տանջվում էին, ողբում, սակայն խաղաղու-
թյան, հանգստավետության և առևտրի վարժված մարդիկ, հատ-
կապես պետական պաշտոնական տների բազմաթիվ ծառայող-
ներն ու պաշտոնատարները, հրեք չեն գանգատվում»⁵:

Ռուս լրագրող Գ. Ն. Դիկը, 1891 թ. դիմելով իր թուրք գործ-
ընկերոջը, գրել է. «Հայկական հարցում ճիշտ կողմնորոշվելու

համար, ամենից առաջ, երևակայական գրգռողների մասին հե-
քիաթի փոխարեն, պետք է գլխից դուրս շարտել հայ ուսույցի
նկատմամբ օսմանցիների կարծեցյալ «մեծահոգությունը» և
հայերի ահավոր «սև երախտամոռությունը»:

Եվ իսկապես, ի՞նչ հիմքով դուք կարող եք ակնկալել հայ ժո-
ղովրդի արտակարգ շնորհակալությունն ու սերը: Ձեզնում սո-
վորաբար ընտելացել են վկայակոչել մի քանի միլիոնատերերի
և Բ. Դրան մի քանի բարձրաստիճան շինվելիկների, որպես
հայերի բարեկեցության անառարկելի ապացույց: Բայց Հայաս-
տանի բազմաթիվ բնիկ հողագործ հայ ազգաբնակչությունը, որը
և կազմում է Հայկական հարցի գլխավոր հետաքրքրությունն ու
ծանրության կենտրոնը, և որը տրված է քրդերին ու շերքեզ-
ներին անպատիժ թալանելու, ինչպես նաև անգրագետ վարչա-
կազմին, չի կարող երանություն ապրել նրանից, որ Ստամբու-
լի մի քանի հայերի, շնորհիվ բախշիչի, հաջողվում է պետա-
կան մատակարարումներից կուտակել միլիոններ, կամ այն բա-
նից, որ Ֆինանսների մինիստրը Հակոբ փաշան է, որը ստանալով
իր պաշտոնը ամենևին էլ շնորհակալ չէր իր հայկական ծա-
գումից, իր «կեղտոտ» (գյավուրի) ծագումից: Ինչ վերա-
բերում է «պատմական» շնորհակալությանը, ապա այստեղ ևս
հազիվ թե ձեր ակնկալությունները ավելի հիմնավոր են, և
«Թայմսի» կարծիքով պետք է շնորհակալություն հայտնել նրա
համար, որ դուք, եթե ս. Սոֆիա չեք կառուցել, ապա չհամար-
ձակվեցիք այն քանդել: Հայը ինչո՞ւ ձեզ շնորհակալություն
ասի: Եթե դուք նրան չոչնչացրիք, ապա այդ դեպքում դուք
հետևեցիք ոչ թե մեծահոգությանն ու մարդասիրությանը, այլ ինք-
նապաշտպանության՝ եսասիրական զգացմունքներին, որը խորթ
չէ նույնիսկ բարձրակարգ կենդանիներին: Դուք հայկական «հո-
տը» (ուսույցին) թողեցիք պարզապես... որպես «ցեղ»: Ո՞վ ձեզ
կկերակրեց, եթե չլինեք հայկական և այլ «ուսույց»⁶:

«1829 թվին, — շարունակում է Գ. Դիկը, — երբ էրզրումի
հայերը հեռացան Ռուսաստան, քաղաքում նույնիսկ ջրատար
վերանորոգել չէին կարողանում»⁷:

* «Ավելի քան 600 տարի, Փոքր Ասիայում թուրքական տիրապետու-
թյան հաստատումից հետո, բազմաշարքար հայ ժողովուրդը..., այդ իսկապես
որ ժողովուրդը, գտնվել է թուրքերի իշխանության տակ, բոլոր հուսահատու-
թյամբ տանելով կոտորած, բռնություն և հարստահարություն, որի համար

իրողութիւնն էր, որ Օսմանյան կայսրութեան տնտեսական և մշակութային կյանքում հույների ու հրեաների հետ հայերը առաջնակարգ տեղ էին գրավում:

«Թուրքիայի հայերը սովորաբար կրթութիւն էին ստանում,— գրում է Ն. Ադոնցը,— արտասահմանյան հայկական դպրոցներում և տուն էին վերադառնում գիտելիքներով հարստացած, պատրաստ ձեռնամուխ լինելու ցանկացած հասարակական-քաղաքական գործունեության: Ահա թե ինչու բոլիշկները, փաստաբանները, գրողները, հրապարակախոսները միայն հայերն ու հույներն էին: Զարմանալի չէ, որ կառավարութիւնը ստիպված դեկավար պաշտոնների էր հրավիրում կրթված ու գործունյա հայերի»:

Դարի կեսերին հայկական արտադրական ընկերութիւնները միավորում էին ավելի քան 70 տարբեր մասնագիտութիւններ, դրանց մի մասին նրանք տիրապետում էին կատարելապես: Հայերի տեխնիկական նվաճումները Արևմտյան Ասիայում լայնորեն էին հայտնի: Արվեստում նույնպես գերիշխում էին քրիստոնյաները: Առանձնապես կարևոր դեր էին կատարում հայերը: Բավական է նշել, որ «Ստամբուլի անտիկ արվեստի ամենաակնառու հուշարձանները՝ Բեյլեր-բեյի, Չերազանի, Դոլմա-բախչեի պալատները, Բոսֆորի այդ մարգարիտները, կառուցել են հայ ճարտարապետները: Նրանք ակտիվորեն էին մասնակցում մեծ ճաշակով աչքի ընկնող մյուս պալատների ձևավորմանը: Նույնիսկ Թոփ-խանա մզկիթը ստեղծել է հայ գլխավորը»⁸:

Այս ամենը թուրքական պրոպագանդայի կողմից ներկայացվում է ոչ թե որպես վաստակ, այլ հայերին ընձեռած հնարավորութիւն:

Մեր օրերում թուրքական պրոպագանդայի պնդումներն իրենց ուղղակի արձագանքն են գտնում ամերիկյան մի շարք

հաճախ նրան նախատում են պատմութեան կողմից երես տված ժողովուրդները: Հետագայում ոռոգելով հողը, որտեղ հանգում են իր անթիվ նախնիների աճյունները, ծանր հառաչելով իր անդրջրհեղեղյան շուրթի վրա, որի քնապատկերը կարելի է տեսնել եգիպտական վանքերի զարդաքանդակներում, հայերը ազալում էին թուրքերին միայն մի բան, որպեսզի փաշաներն ու վայրենի գազանները ձեռք չտային իրենց կանանց ու երեխաներին, իրենց ողորմելի փշրանքներին, որ ձեռք էր բերվել հողագործի ծանր աշխատանքով» («Положение армян в Турция до вмешательства держав в 1895 году», М., 1896, с. 387):

պատմաբանների աշխատութիւններում, որոնք ի հեճուկս գիտութեան և հօգուտ իմպերիալիզմի կեղծում են պատմութիւնը, արդարացնում Օսմանյան կայսրութեան բարբարոսական քաղաքականութիւնը հպատակ ժողովուրդների նկատմամբ: Այդպիսի մոտեցման օրինակ են Ս. Ջ. Շոուի և Ե. Կ. Շոուի աշխատութիւնները, որոնք Օսմանյան կայսրութեան պատմութիւնը քննում են ԱՄՆ-ի այսօրվա շահերի տեսակետից:

Նրանք կրկնում են թուրքական պատմաբանների այն թեզը, թե մինչև 1877 թ. Հայկական հարց չի եղել, որովհետև հայերը կայսրութեան մեջ ապրել են ազատ և լիիրավ կյանքով: «Հայերը,— կարդում ենք նրանց գրքում,— ազատ էին տնօրինելու իրենց սեփական կյանքը, ինչպես սուլթանի մյուս բոլոր հպատակները: Հայերն ունեին փաստական ինքնուրույնութիւն: Թուրքերի և քրդերի վիճակը ավելի լավ չէր, քան հայերինը: Եվ եթե կային տնտեսական ու սոցիալական պրոբլեմներ, ապա դրանք ոչ թե հետևանք էին հայահալած քաղաքականութեան, այլ առաջ էին զալիս բյուրոկրատիայի և խոշոր հողատերերի ինքնազիխութիւնից»⁹:

Այդ դեպքում հարց է առաջանում, ապա ինչու՞ հայը գենթ կրելու իրավունք չունի, իսկ մահմեդականը՝ ունի, հայը դատարանում ցուցմունք տալու իրավունք չունի, իսկ մահմեդականը՝ ունի, հայի կաշքի ու կյանքի անվտանգութիւնը իշխանութիւնների կողմից երաշխավորված չէր, իսկ մահմեդականներինը երաշխավորված էր և այլն և այլն:

Բայց ամերիկացի հեղինակները իրենց առաջ այդ և նման բազմաթիվ հարցեր ոչ դնում են և ոչ էլ դրանց պատասխանում: Նրանք միայն պնդում են, թե Հայկական հարցը արդյունք է «հայ ազգային արկածախնդիրների և ռուսական պրոպագանդիստների գործունեութեան»:

Այս տեսակետը սովետական պատմագրութեան կողմից հիմնավորապես ժխտվել է ոչ միայն հայկական և ռուսական ազբյուրների, այլ նաև եվրոպական և ամերիկյան արխիվներում եղած նյութերի վկայութիւններով:

Հարկ է իրարից սահմանազատել Հայկական հարցը և օսմանյան բռնապետութեան լծից ազատագրվելու համար հայ ժողովրդի պայքարը: Եթե առաջինը, որպես միջազգային դիվանագիտութեան քննարկման առարկա, առաջացավ 1877—1878 թթ. ռուս-թուրքական պատերազմի հետևանքով, ապա երկրոր-

դը, որպես հայ ժողովրդի սոցիալական և ազգային ազատագրութեան հարց, գոյութիւն ունեւր դրանից շատ վաղ: Եվ չնայած պատմագրութեան մեջ առաջինին շատ ավելի մեծ տեղ է տրււմ, քան երկրորդին, ապացուցելու կարիք չկա, որ Հայկական հարցը, որպես միջազգային դիվանագիտութեան հարց, ածանցիկ է և, առաջին հերթին, հետեանք Օսմանյան կայսրութեան ներքին կացութեան, այդ կայսրութեան մեջ բնակվող ժողովուրդների ազատագրական ձգտումների ու պայքարի:

«Հայկական հարցը շատ է հին,— գրել է Հ. Թումանյանը,— ... Հայկական հարցը վայրենի կոտորածների և կեղեքումների հարց է... նա գերազանցորեն ֆիզիկական գոյութեան խնդիր է»¹⁰:

Իրավացի էր Գ. Սրվանձտյանցը, երբ գրում էր. «Հայաստանում է բուն հայկական խնդիրը, և մենք այն Բեռլինում ենք փնտրում»¹¹:

Հետևաբար մեղ, առաջին հերթին, պետք է հետաքրքրի Հայկական հարցի ազգային և սոցիալ-քաղաքական բովանդակութիւնը: Այդ բովանդակութիւնն էր որոշում արևմտահայութեան ոչ միայն վիճակը, այլև նրա լինել-չլինելու հարցը:

Օսմանյան տիրակալութեան տակ հայ ժողովրդի վիճակը քննարկելիս պետք է նկատի ունենալ երկու հանգամանք. առաջին՝ հայ ժողովրդի ծանր դրութիւնը, որպես հետեանք այդ տիրակալութեան ռազմաֆեոդալական բնույթի, որը հավասարապես էր անդրադառնում կայսրութեան կազմում եղած բոլոր ժողովուրդների, այդ թվում նաև թուրք աշխատավորական լայն զանգվածների վրա, երկրորդ՝ հայ ժողովրդին տնտեսապես ու ֆիզիկապես հյուծելու, նրան որպես էթնիկական միավորում ոչնչացնելու թուրքական իշխող շրջանների շովինիստական, պանօսմանական քաղաքականութիւնը:

Համառոտակի անդրադառնանք արևմտահայութեան վիճակին մինչև Հայկական հարցի ծնունդը, այսինքն՝ մինչև 1877--1878 թթ. ռուս-թուրքական պատերազմն ու Բեռլինի կոնգրեսը: XVIII դարի հեղինակ Հ. Գիբբոնը, ընդհանրացնելով հայերի դարավոր թշուառ վիճակը, գրել է. «Այս ժողովրդին թույլ չեն տվել օգտվելու նույնիսկ ստրկական վիճակի խաղաղութիւնից»¹²:

Մ. Նալբանդյանը գրում է. «Մենք սարսափում ենք, երբ աչք ենք ձգում այն անշքացած, անզգայացած աշխարհի վրա...»

ուր այժմ մեր խեղճ, անտեր և անօգնական ժողովուրդը միլիոնավոր բազմութեամբ, թշվառութեան և հուսահատութեան մինչև հնարավոր ծայրը հասած, փոխանակ արտասուքի, արյուն է քամում աչքերից, երբ լաց է լինում»¹³:

Հույն քաղաքական գործիչ Սալիդիս էֆենդին գրել է. «Ինչ զեղծումներ, որ կատարվեցին Ռումելիում և Բուլղարիայում, նույնը երկար ժամանակից ի վեր կատարվում է Հայաստանում... Սակայն հույներն ու բուլղարները, եվրոպայում տեսրակներ հրապարակելով և բողոքի ձայն բարձրացնելով, Եվրոպայի հայացքը իրենց տառապանքների վրա հրավիրեցին. մինչդեռ հայերը, այդ միջոցից զուրկ լինելով, լուռությամբ տարան ու հանդուրժեցին իրենց կրած տառապանքները: Բայց մի՞թե արդարութիւնն է, որ հայը... այսպես շարժարկի ու կեղեքվի...»¹⁴:

Անգլիացի գիտնական Մ. Մակերլը գրում է. «Չնայած անվերջ անարդարութիւններին, հայերը սուլթանի ամենահավատարիմ հպատակները կլինեին, եթե նրանց տրվեր շատ թե քիչ տանելի կյանք: Նրանք կարող է հեռավոր ապագայում ազատութեան մասին երազներ ունենան, բայց այժմ գերադասում են մնալ սուլթանի իշխանութեան տակ և միայն պահանջում են, որպեսզի ապահով լինի իրենց կյանքը, պատիվը, կրօնն ու սեփականութիւնը»¹⁵:

Թուրք և թուրքամետ պատմաբանները սիրում են կրկնել. «Օսմանյան պետութեան պատմութեան մեջ երբևիցե, այսպես ասած, ոչնչացում կամ եղեռն չի եղել»: Բայց չէ որ օսմանյան պետութիւնը ծնվեց հենց այդ միջոցներով՝ քաղաքակիրթ ժողովուրդներին բնաջնջելու և կոտորելու միջոցով: Զէ որ օսմանյան տիրակալները բնաջնջման քաղաքականութիւն իրականացրել են ոչ միայն հայերի, այլ նաև հույների, բուլղարների, արաբների, հրեաների և կայսրութեան մեջ բնակվող մյուս ժողովուրդների նկատմամբ: Եվ դա վկայում են ոչ միայն հայկական աղբյուրներն ու հայերը, այլև համաշխարհային պատմագրութեան կողմից վաղուց ապացուցված և հանրաճանաչ փաստերն ու փաստաթղթերը:

Ահա մի քանի վկայութիւններ: 1822 թ. կոտորածների ենթարկվեցին հույները՝ 50 հազար մարդ, 1850 թ. նեստորականները՝ 10 հազար մարդ, 1860 թ. սիրիացիները՝ 11 հազար մարդ, 1876 թ. բուլղարները՝ 10 հազար մարդ, 1892 թ.՝ եզ-

գինները: Հստ ամերիկյան պատմարան Գրինի, օսմանյան պետության պատմության մեջ 10 հազարից քիչ զոհ տված կոտորածները շատ են, և դրանց բոլորի ակունքին կանգնած են եղել զորքն ու քաղաքացիական իշխանությունները¹⁶:

Ա. Գալֆայանը «Համառոտ պատմություն միջին դարում» գրքում նկարագրում է XVII դարում թուրքական սուլթանների զազանային արարքներն ու վայրագությունները: Սուլթան Մուրադ IV-ը պարսիկների դեմ պատերազմ սկսեց և Բաղդադ քաղաքին տիրեց... 30 հազար պարսիկ գերիներ սպանել տվեց... 17 տարվա թագավորության ընթացքում հարյուր հազարից ավելի մարդ սպանել տվեց և իրեն սազող մի առած էլ ունեի, որ ասում էր. «Վրեժխնդրությունը մեծանում է, բայց երբեք չի ծերանում»:

Սուլթան Բայազետի հրոսակների կողմից Հունգարիան նվաճելու ժամանակ 150 հազարանոց հունգարական բանակից կենդանի մնացին միայն Սիգիզմունդ թագավորն ու մի քանի զինվորներ: Բայազետը «10 հազար գերու իր աչքի առաջ սպանել տվեց»¹⁷:

Սվրոպացի մի ուսումնասիրող հեղինակ էր, որ նեջիբ, Խուրշուդ, Շեվքեդ, Զեքի փաշաներն ու Բեդիրխանը 1850—1894 թթ. ընթացքում կայսրությունը թեթևացնում էին քրիստոնյա բնակչության ավելցուկից¹⁸:

Կ. Պոլսում Անգլիայի դեսպան, թուրքամուլ Հենրի Լեյարդը քրիստոնյաների կոտորածներից մեկի մասին պատմում է. «Շուտով մենք տեսանք կոտորածների հետքերը: Սկզբում կրի հետ միասին կուտակված գանգեր, ապա սպիտակին տվող ոսկորների շեղչեր, փտած լաթերի կտորներ: Առաջ շարժվելուն զուգընթաց սկսեցին հաճախակի հանդիպել նման մնացորդներ, գրեթե լրիվ պահպանված ողնաշարերը դեռ կախված էին ցածու մացառներից:

Սա շուտով հրաժարվեցի դրանք հաշվելու փորձից: Երբ մտեցանք ժայռի բացվածքին, այն լրիվ ծածկված էր ոսկորներով, իրար փաթաթված կանացի երկար հյուսված մազերով, իր նախնական գույնը կորցրած սպիտակեղենով, մաշված կոշիկներով: Այնտեղ կային բոլոր տարիքի գանգեր՝ սկսած դեռ չծրնված երեխայից մինչև ծերը»¹⁹:

Շարունակելով այդ սահմոկեցուցիչ տեսարանի նկարագրու-

թյունը, Հ. Լեյարդը նշում է, որ իրենք որքան հնարավոր էր առաջ շարժվեցին և անցքից տեսան անդունդում լցված մարդկային մարմինների մնացորդներ: Այստեղ, հերթական շարդերից մեկի ժամանակ, թաքնվել էր փախստականների մի ստվար խումբ, բաղկացած ոչ միայն տղամարդկանցից, այլ նաև կանանցից ու երեխաներից: Նրանք թաքնվել էին այնպիսի տեղերում, ուր նույնիսկ լեռնային այծերը դժվարությամբ էին հասնում: Բեդիրխան բեկը հայտնաբերում է նրանց թաքստոցը և, չկարողանալով այն գրավել, շրջապատում է: Սղանակը շոգ էր ու հեղձուցիչ, պաշարվածները բավարար ջանակությամբ շուր և ուտելիք չէին վերցրել: Բեդիրխանը Ղուրանի վրա երդվեց, որ, եթե շրջապատվածները դուրս գան թաքստոցից և հանձնեն իրենց մոտ եղած զենքը, ապա կխնայի նրանց կյանքը: Բայց, երբ շրջապատվածները համաձայնվեցին ու մահմեդականներին ներս թողեցին, նրանք սկսեցին բոլորին սպանել, իսկ «երբ հոգնեցին զենքով սպանելուց, շատերին ժայռից ցած գլորեցին Զաբ գետը»: Հազար մարդուց ազատվեց միայն մեկը: Սերսպեստո գյուղի մի խումբ աղջիկներ իրենց ուղեկցող քրդերի աչքի առաջ նետվեցին գետը, խայտառակությունից ազատվելու համար:

1860 թ. սիրիական կոտորածներն ուսումնասիրած անգլիացի Կ. Գրազամը նկատում է, որ թուրքերը չէին խնայում նույնիսկ 5 տարեկան տղաներին, նրանց խլում էին մայրերից ու խփում գետնին և կամ մասերի բաժանում, իսկ եթե մայրերը նրանց ամուր էին պահում իրենց գրկում, երեխաներին սպանում էին մոր ձեռքերի մեջ, երբեմն մայրն ու երեխան սպանվում էին միասին: Կանանց զգալի մասը հավատացնում էր, որ թուրքական զինվորները բռնում էին իրենց երեխաների ոտքերից ու նրանց մարմինները բաժանում երկու մասի²⁰:

Ինչպես ամենուրեք, Լիբանանում ևս նահանգապետը սկզբում զինաթափում էր քրիստոնյաներին, և ապա նրանց տալիս իր զորքերին՝ հռոտելու: Կ. Գրազամը գրում է, որ կանայք պատմում էին, թե ինչպես էին իրենց ամուսիններին, հայրերին, եղբայրներին և երեխաներին մանր մասերի բաժանում և «այդ կտորները շարտում մեք դեմքերին»: Դեհրուկամար քաղաքում, մի գիշերվա ընթացքում 1100—1200 տղամարդ սպանվեց: Շատ գիակներ մերկ էին և այլանդակված ա-

մենատարբեր միջոցներով. «Ըստ տեսա անգլուխ մարմիններ և մարմնից անչատված գլուխներ: Եվ այս բոլորը առանց թաղելու: Թողել էին, որ գազանները հոշոտեն»²¹:

Բուլղարացիների կոտորածները տեղում ուսումնասիրելուց հետո, Կ. Պոլսում ԱՄՆ-ի ներկայացուցիչ Սկայլերը գրեց, որ Բուլղարիայի միայն մեկ մարզում ոչնչացվել է 15 հազար մարդ: Սկայլերը, վճռականապես հերքելով թուրքական իշխանությունների պատճառաբանությունը, որ իբր ոչնչացվածները ապստամբներ էին, նկարագրում է, թե ինչպես Ադրիանապոլսի կուսակալը նախապես զինեց բոլոր մահմեդականներին, կազմակերպեց մարդասպանների ու թալանչիների խմբեր, որոնք «ապստամբությունը ճնշելու պատրվակով... իրականացրին ստորագույն հանցագործություն, որ կեղտոտեց ներկա հարյուրամյակի պատմությունը»²²:

Մեջբերումները ցույց են տալիս, որ հպատակ ժողովուրդներին զազրելի մեթոդներով սպանելը օսմանյան տիրակալների համար եղել է քաղաքական որոշակի ու տևական գիծ, որ նպատակ է հետապնդել ոչ միայն ֆիզիկապես ոչնչացնել, այլև այլանդակ բռնությունների միջոցով բնիկներին դուրս թշել կայսրությունից և մեծացնել թուրքերի տեսակարար կշիռը: Իր գոյություն բոլոր ժամանակներում,— գրում է հայտնի պատմաբան Ե. Ա. Ֆիրմանը,— «թուրքական տիրապետությունը եղել է օտարների տիրապետություն ճնշված ժողովուրդների հայրենիքում: Այդ եղել է դաժանություն, ուխտադրժության և կոպիտ կրքերի տիրապետություն: Դա ոչ թե կառավարում էր, այլ կազմակերպված թալան»²³:

Սովետական զիտնականների ուսումնասիրություններով ապացուցված է, որ XIV—XVIII դարերի ընթացքում Օսմանյան կայսրության հպատակության տակ գտնվող հայերի, հույների, քրդերի, արաբների և այլ ժողովուրդների զգալի մասը բնաջնջվեց կամ թուրքացվեց²⁴ և ձուլվեց օսմանյան թուրքերին:

Օսմանյան ցեղերի երևան գալու առաջին իսկ օրից օսմանիզմը եղել է նրանց իշխող խավերի քաղաքականությունը, որի նպատակն էր տեղական ազգաբնակչության ձուլման միջոցով թուրքերի թվի մեծացումը:

XV դարի հայտնի բյուզանդագետներ Դուկլը, Ֆրանդուկինը, Խալիսոկոսդիլը, Կրիտովուլը վավերագրական նյութերի հիման վրա ցույց են տվել բնիկ ժողովուրդներին դաժան մեթոդներով թուր-

քացնելու, նրանց մշակույթը ոչնչացնելու և թուրքական բարքերը բռնի տարածելու օսմանցիների քաղաքականությունը:

Օսմանյան ամենախայտառակ վայրագություններից էր ենիչերիների հավաքագրումը: Քրիստոնյաների երեխաներին խլում էին ծնողներից, դարձնում մահմեդական, դաստիարակում մուսուլմանական մոլեռանդության ոգով և օգտագործում որպես հարվածային ուժ՝ հպատակներին ճնշելու և նոր երկրներ նվաճելու համար:

Օսմանյան տիրապետությունը նաև բարոյական այլասերում ու խոշտանգում էր:

Մ. Մակքոլը գրել է. «Քրիստոնեական գյուղերում գեղեցիկ տղային կամ պատանուն շատ ավելի վտանգավոր է թուրքի աչքին երևալ, քան լավ աղջկան... Եվ թուրքերն ամենևին չեն ամաչում այդ մասին միանգամայն բացահայտ խոսել»²⁵:

«Հարուստ և ազդեցիկ մի մարդ (օրինակ նահանգապետ, դատավոր կամ մուֆտի) բարեսեւ տղա ունեցող քրիստոնյայի մոտ է ուղարկում մեկին և հրամայում, որպեսզի նրա որդին իր մոտ գա: Եվ քրիստոնյան, որ դարերի ընթացքում կեղտոտ ու դաժան ճնշումների միջոցով հասցվել է արհամարհելի վախկոտի ու նվաստացածի վիճակի, չի համարձակվում մերժել, որովհետև այդ դեպքում այս կամ այն պատրվակով ամբողջ ընտանիքը կարող է քայքայվել կամ ոչնչացվել»²⁶:

Ղ. Ինճիճյանը նկարագրում է, թե թուրքական իշխող վերնախավը ինչպես էր կռվկասյան ժողովուրդների պատանիներին ու աղջիկներին վաճառքի հանում օսմանյան շուկաներում:

Կ. Պոլսից, գրում է նա, Ախալցխայի փաշային հանձնարարվեց լեզիկներին հրաման ուղարկել, որպեսզի «այս երկրներն աճապարեն և վաճառելու նպատակով իրենց համար աղջիկ և տղա փախցնեն»²⁷:

ԱՄՆ-ի նախկին պրեզիդենտ Վ. Վիլսոնը թուրքերին անվանել է «Կենտրոնական Ասիայից եկած ավազակախումբ»:

Իր ճառերից մեկում Գլադստոնը ասել է, թե ամենուրեք, ուր թուրքերը երևում են, նրանց հետևում մնում է արյան մեծ հետք և նրանց տիրապետության ամբողջ տարածքից անհետանում է քաղաքակրթությունը: Նրանց կյանքի ղեկավարը անշեղ ֆատալիզմն է:

«Մենք կարող ենք թերթել աշխարհի տարեգրությունը, բայց ես չգիտեմ, թե ինչպիսի որոնումը մեզ կարող է տալ իշխա-

նության հանցագործ շահագործման ավելի սարսափելի օրինակ... Ոչ մի կառավարություն, ոչ մի ժամանակ այդքան շարագործություն չի կատարել և չի եղել այդքան անուղղելի»²⁸,

Հայտնի իրավաբան-միջազգայնագետ Լ. Ա. Կամարովսկին թուրքական վարչակարգն անվանել է «ամեն տեսակ ստի և բռնության խորհրդանիշ»²⁹: «Կ. Պոլսի գրավումից հետո, — գրել է «Լը Նորդ» թերթը 1892 թ. հունիսին, — անցել է 4,5 հարյուրամյակ, քաղաքակրթության փոքրագույն իսկ հետք չթողնելով ասիական քոչվորների ժառանգների վրա: Ինչպիսին նրանք եղել են 6 դար սրանից առաջ, երբ թուրքեստանի լեռներում ու հարթավայրերում իրենց գոյությունը պահպանում էին թալանի միջոցով, այդպիսին էլ նրանք մնացին մինչև օրս, երբ կոտորում ու խեղդում են հազարավոր քրիստոնյաների, որպեսզի տիրանան նրանց ունեցվածքին»:

«Արտասահմանյան երկրներից, — շարունակում է թերթը, — միայն Ռուսաստանը ճիշտ պատկերացում ուներ այդ հանցագործ պետության մասին. նախկին քոչվորների դաժանությունն ու զազանությունների մասին նա իմացավ իր կրոնակից եղբայրներից, որոնք թուրքական շարագործություններից փախել էին նրա պաշտպանության տակ... Թուրքիան չի փոխվել և հարսգատ է մնացել իր նախկին բարբարոս ավանդներին... Թուրքիան 19-րդ հարյուրամյակի այս վերջին տարիներին մնացել է այն նույն սոցիալական, բարոյական, մտավոր և կառավարող վիճակում, որը նա ձեռք բերեց 1300 թվին, երբ... բարբարոս հորդան հիմնավորվեց Կարա-Կիսատի մոտ...»³⁰,

Բացի դա, թուրքերը, գալով դոսից և ժառանգելով Բյուզանդական կայսրությունը, դարերի ընթացքում անկարող եղան յուրացնելու այդ ժառանգությունը, նրանք չկարողացան ոչ ենթարկել, ոչ ձուլել հպատակ ժողովուրդներին և ոչ էլ յուրացնել նրանց քաղաքակրթությունը, նվաճողն ու նվաճվածը ներքին կյանքում դարձան անհաշտ, նրանց միջև բացված անջրպետը հետզհետե խորացավ:

Թուրքերը ոչ միայն իրենք շտեղծեցին, այլև անտիկ քաղաքակրթությունից ոչինչ չսովորեցին: Չսովորեցին, որովհետև այդ քաղաքակրթությունը խանգարում էր նրանց վաղակատուն ապրելակերպին: Նրանք ճարտարապետական-մահմեդական հուշարձաններ ստեղծելու փոխարեն գերադասեցին եղած քրիստոնեական հուշարձանները, լավագույն դեպքում,

գարձնել մզկիթներ, ծեփի տակ առնելով այդ շինությունների հմայքը կազմող զարդաքանդակներն ու նախշերը: Այդպես վարվեցին ս. Փրկիչ եկեղեցու հետ: Երբ Օսմանյան կայսրություն այցելեց գերմանական կայսեր Վիլհելմ II-ը, եկեղեցին ծեփերից ազատեցին, որպեսզի կայսերը հիանա 1511 թ. կառուցված ճարտարապետական այդ կոթողով: Իսկ միապետի մեկնումից հետո եկեղեցու պատերը նորից ծեփեցին:

Թուրքերն ավերեցին իրենց զավթած բոլոր տարածքների վրա եղած շինություններն ու մշակույթի օջախները: Այդպես անհետացան 6—8 մետր լայնությամբ բյուզանդական դարաշրջանում կառուցված հիանալի մայրուղիները, որոնց տեղը մնացին նեղիկ արահետները, քանդվեցին բյուզանդական կամուրջները, ի չիք դարձան հուշակավոր մղոնանիշները, որոնցից յուրաքանչյուրը արվեստի գլուխգործոց էր: Մղոնաքարերը թուրքերն օգտագործեցին որպես գերեզմանաքար, մարմարյա ջրավազանները՝ մտուր կամ անասունների ջրելու աման, իսկ ժայռափոր շիրիմները՝ լվացարան:

Ա. Մանդելշտամը օսմանյան կառավարումը բնորոշում է որպես «կոռուպուտի ու թալանի ընդարձակ կազմակերպություն»³¹:

* * *

Այժմ մի քանի փաստերով ցույց տանք հատկապես հայ ժողովրդի ծանր վիճակը Օսմանյան կայսրությունում:

XVI դարի օսման պատմագիր Փեչեվի Իբրահիմը նկարագրել է թուրքական զազանությունները Արևելյան Հայաստանում 1551—1554 թթ.: Երբ թուրքական բանակը առաջ շարժվեց Նախիջևան և Սյունիք, գրում է Փեչեվին, նրա անցած ճանապարհը ավերակի վերածվեց: «Ինակչություն այն աստիճանի էր ցրվել ու ուշաացել, որ մարդու հետք անգամ չէր մնացել»³²,

«Անսահման էր նաև թալանված ու կոռուպուված բազմատեսակ թանկագին ապրանքների քանակը: Արտաքինից արծաթի նման մարմին ունեցող նորաբողբոջ սիրեկան տղաների, նորահաս և վարդանման երես ունեցող քնքուշ ու մատղաշ աղջիկների, աննման և շքնաղ, գեղատեսիլ ու մանկամարդ հարսների թիվը հորինող գրիչս անգամ անկարող է արտահայտել...»³³,

Թուրք մի այլ պատմիչ՝ Սելանիկին (XVI դարի վերջ, XVII

գարի սկիզբ) նկարագրում է, թե ինչպես մահմեդականները հայե-
թին ստիպել են անտառից փայտ կտրել, խարույկ սարքել և նույն
«այդ բնակիչները (հայերը) այրվեցին խարույկի վրա»³⁴: Պատ-
միչը նկարագրում է 1579 թ. թուրքերի կողմից Երևանի գրա-
վումը: Նա պատմում է «հասվոր և անասելի կողոպուտի, թալա-
նի և հրկիզման ենթարկված Երևանի բնակիչների» ողբի մա-
տին: «Ինչպես գայլն է հարձակվում ոչխարի հոտի վրա, այն-
պես էլ նրանք էին ագահորեն հարձակվում երկրի ոռայանների
վրա...»

Փեշեվին գրում է, որ 1578 թ. օսմանցիները Երևանից ու
նրա շրջակա բնակավայրերից գերեվարեցին 20 հազար կին և
երեխա, որոնց բոլորին մահմեդականացրին կամ ոչնչացրին:
Նմանօրինակ ոճրագործությունների մասին հաղորդում է նաև Ք.
Չելեբին, որը նշում է, թե 1579 թ. պատերազմի մի քանի օրվա
ընթացքում Հայաստանում թուրքերը 15 հազար մարդու սրա-
խողխող արեցին: Կենդանի էին մնում միայն նրանք, ովքեր մահ-
մեդականություն էին ընդունում:

Իսկ Ե. Չելեբին պատմում է, որ 1662 թ. հրաման եղավ քան-
գել Կ. Պոլսի բոլոր եկեղեցիները: Շուտով այդ հրամանն ու-
ղարկվեց գավառները: Եկեղեցիներ քանդեցին Կարսում, Ակ-
նում, Շապին-Գարահիսարում, Կարինում և այլ տեղերում³⁵:

XVII դարի պետական գործիչ Կոչի բեյը սուլթան Մուրադ
IV-ին գրում է, որ այնպիսի բռնություններ ու ճնշումներ,
ինչպես նա է գործադրում աղքատ ոռայանների նկատմամբ, տե-
ղի շեն ունեցել ոչ մի ժամանակ և ոչ մի տեղում: Այդ «ուժեղ
բռնությունը գերդաստաններ է ոչնչացնում և վշտաբեկ մարդ-
կանց արտասուքի մեջ խեղդում է աշխարհը»³⁶:

Ուլազբավ է, որ, նկատի ունենալով հայերի բռնի մահմե-
դականացման ու երեխաների զանգվածային հափշտակություն-
ների փաստերը, հայ պատմիչ Թաղևոս Սեբաստացին հատուկ
աշխատություն գրեց՝ «Ողբ Ստամբուլ գերի տարված մանուկ-
ների վրա» վերնագրով:

Օսմանյան կայսրությունում ոռայանի իրավագուրկ վիճակը
հասցրել էր նրան, որ, ինչպես վկայում է Ե. Չելեբին, «Կ. Պոլ-
սում սուլթանը՝ փողոցում տեղնուտեղը գլխատել ավելց մի հա-
յի, որը համարձակվել էր իր ոտներին դեղին մետ (մոյս)
հագնել»³⁷:

Ինչպես ամենուր, այնպես էլ Հայաստանում օսմանյան բռնա-
կալները թուրքացնում էին նաև տեղանունները: Եթե XVII դարի
թուրք պատմիչ Ք. Չելեբին Հայաստանը ներկայացնում է ոչ թե
թուրքական, այլ հայկական տեղանուններով (Մեծ Արմե-
նիա՝ Վանի և Կարինի նահանգներ, Փոքր Արմենիա՝
Ադանայի և Մարաշի նահանգներ), ապա շուտով պատ-
կերն ամբողջապես փոխվում է: Բարոյնք քաղաքը վերանվան-
վեց Բայազետ, Ալաշկերտը՝ Թոփրակալե, Սեբաստիան՝
Սվազ, էջմիածինը՝ Ուլքիլ, Արմանի գետը՝ Մուրադաջ,
Ախուրյանը՝ Արփաշայ, Սևանը՝ Գյուկչա և այլն և այլն:

Բռնությունները, հալածանքները, ապօրինությունները հատ-
կապես լայն տարածում ու վայրագ տեսք ունեին արևելյան նա-
հանգներում*:

Անգլիացի զինվորական Վ. Ուլյամը (հետագայում սըր
Տնուիքը) Ղբիմի պատերազմն ավարտվելուց հետո բնակություն
է հաստատում Կարինում: Նա 1855 թ. փետրվարին մի գեկու-
ցագիր է ուղարկում Անգլիայի արտաքին գործերի մինիստրին,
որում թուրք և քուրդ հարկահավաքների մասին գրում է, որ
այդ խավազների ամբողջ դասակարգը, սկսած մայրաքաղաքից,
քաղաքներից ու գյուղաքաղաքներից մինչև գավառների խուր-
բերը, որտեղ օգտագործվում էին որպես ոստիկան զինվոր կամ
հարկահավաք, աշխարհում նմանը չունեցող բռնակալությա-
ն դժոխային մեքենա է: Այդ մարդիկ՝ նախկին սպասավորներ,
զինվորականներ, հացկատակներ էին այն փաշաների, որոնք Պոլսի
հայ սեղանավորների կամ թուրք միջնորդների շնորհիվ գավա-
ռային որևէ պաշտոն գնելուց հետո, մայրաքաղաքից մեկնում
էին՝ իրենց հետ ունենալով այս աղքատ և վերին աստիճանի
դաժան խավազների խումբը, որը քաջ գիտեր, թե նախորդ փա-
շաների կողմից հարստահարված ամեն մի գյուղացու մոտ կո-
ղոպտման արժանի ինչ գույք էր մնացել:

Իսկ փաշան գալով գավառ, անմիջապես գործի էր անցնում՝
«նախ իր պաշտոնի համար վճարած գումարը ձեռք գցել և ապա
իր սնդուկները ոսկով լցնել»: «Ավելորդ եմ համարում ձեր գ

* 1825 թ. գրված մի նամակում կարդում ենք, որ հայերը «հասցվել են
իրենց վերին շունը փշելու» վիճակին: Վանից գրում են, թե 1840-ական
թվականներին տեղի հայության վիճակն այնքան ծանր էր, որ շատ վանե-
ցիներ որոշել էին «բնաշրջով հանդերձ խույս տալ և գաղթել Ռուսաստան»:

վանութեանն հավատացնել, որ այս մարդկանց կյանքի և նկարագրի զազրելի և զարհուրելի կողմերը լեզվով ներկայացնելը կարելիութեան սահմաններից դուրս է: Իրենց շահատակութունները կենտրոնացնում են մասնավորապես քրիստոնեական գյուղերում, թեև պետք է խոստովանել, որ մահմեդական գյուղացին ևս լրիվ գերծ չէ նրանց հարստահարութուններից: Այս ոստիկանները միայն իրենց փաշայի առաջ են պատասխանատու, եթե «պատասխանատու» բառը երբևիցե կարելի է նրանց առնչութեամբ օգտագործել: Փաշան աշխատանքի է կանչում և պաշտոնանկ անում նրանց «արժանիքին» համապատասխան... (իսկ) այս «արժանիքը» չափվում է բնակալութեան և ավազակութեան մեջ նրանց ցույց տված ընդունակութեան աստիճանով: Այս կայսրութեան լայնածավալ տարածքով ճամփորդելիս ցավով համոզվեցի, որ արդեն քայքայված գյուղերին ավերման վերջին հարվածը հարկահավաքի ձեռքն է հասցրել: Մահմեդական գյուղացիները կարող են դիմադրել և, թեև ևս, դիմադրում են, բայց վա՛յ այն քրիստոնյա ստրուկին, ով կհամարձակվի բերան բացել հարկահավաք բռնակալի՝ խավալի առաջ»³⁸:

1862 թ. Մ. Խրիմյանը շրջագայում է Արևմտյան Հայաստանում և ականատես լինում հայ գեղջուկի անտանելի վիճակին՝ «կիսամերկ ու ոտաբոբիկ մայրեր ու զավակներ... տանջված դեմքերով ծերունիներ ու երիտասարդներ, որոնք սիրով ընդունում էին այդ անկոչ հյուրին և պատմում իրենց ահավոր վյանքի սև ու արյունոտ պատմությունները... ժողովուրդը... ստրուկ և գերի էր, որքան ցանկանային (նրան) կճնշեին ու կկեղեքեին, չկար մի փրկիչ, որ նրան ազատեր... ճնշված ու անճար ժողովրդի վերջին ճիգն ու հույսը մնացել է փախչելը...», իսկ չգաղթած գյուղացիները «գնացած գաղթականների ծանր բեռի տակ են ճնշվում, նրանք այնքան ջքավոր են, որ իրենց բաժին հարկը վճարել չեն կարող, ինչպե՞ս կարելի է և ի՞նչ իրավունքով ուրիշի բաժին տուրքն էլ պիտի վճարեն»³⁹:

1868 թ. Տարոնից Կ. Պոլիս պատրիարքարանին գրում էին. «Ազգային ապահովություն բացարձակապես չկա... հայերը մահվան սպառնալիքների մեջ են:

Ազգը արդեն հարստահարութունից երես դարձրած փախչում է Ռուսաստան, որովհետև խեղճերի վիճակն անտանելի է...»⁴⁰:

1869 թ. Մուշի և Վասպուրականի հայութեան վիճակի մա-

սին մի հանրագրում ասված է. «... մեր ստացվածքները հափշտակվում են, մեր տները, վանքերն ու եկեղեցիները կողտավում են, մեր կանայք և աղջիկները բռնաբարվում են...»⁴¹:

1874 թ. Կ. Պոլսի պատրիարքը Բ. Դոանը բողոքագիր է ներկայացնում, որում գրված էր, որ քուրդ բեյերը շարժարում և հարստահարում են հայ ժողովրդին, նրանից հարկ են գանձում, քանդում են եկեղեցիները, հրկիզում են անասնակերը, գյուղերից հայ բնակիչներին քշում և տիրանում են նրանց հողերին: Հաջորդ տարի ներկայացրած մի այլ բողոքագրում պատրիարքը ներկայացնում է 276 գյուղերի ցուցակը, որոնց հայ բնակչության հողերը զավթել էին⁴²:

1867 թ. Չարսանջակի հայերը կաթողիկոսին գրում էին, որ աղջիկը կամ պատանին ամուսնանալու իրավունք ստանալու համար 500—1500 դուրուշ կանխիկ դրամ պետք է վճարեին գյուղի աղային:

«Թուրք հաղթողները, — գրում է Ռ. Ժեկմենը, — չհապաղեցին հասկանալ, որ պարտվածներին փոխանակ սպանելու, ավելի լավ է նրանց թույլ տան ապրելու ինչպես (անասունների) հոտ, որ որոշակի եկամուտ է բերում:

Չցանկանալով իմանալ և արհամարհելով այն ամենը, ինչով զբաղվում էին այդ անհավատ շները՝ հույները, հայերը և հրեաները, օսմանցիները բավարարվեցին նրանով, որ նրանցից ծծեցին ողջ հյուսիսը, գանձելով գլխահարկ, որ կոչվում էր «խարաջ»՝ իրենց հարեմների համար փախցնելով նրանց պատանեկության ծաղիկը...»⁴³:

Պատերազմն ու քաղաքականությունը նվաճողների սեփականությունը դարձան, իսկ այն ամենը, ինչ ճնշված ոստային մնաց ազգային ինքնագիտակցությունից, բացառապես կենտրոնացվեց կրոնական կյանքում: Աստիճանաբար կրոնական համայնքները (ինչպես քրիստոնեական, այնպես էլ հրեական) իրենց եկեղեցիների, դպրոցների, հիվանդանոցների, բարեգործական հիմնարկների վարչությունների նկատմամբ ստացան իրավական և, նույնիսկ, քաղաքական լիազորություններ:

1871 թ. Հայկական ազգային ժողովը ստեղծեց մի հանձնաժողով՝ ուսումնասիրելու գավառներից ստացված բողոքներին ընթացք տալու վիճակը: Բ. Դոանը 20 տարվա ընթացքում ներկայացվել էր 479 բողոք, որոնց առնչությամբ Բ. Դոանը հրամաններ էր ուղարկել կայսրության նահանգական իշխանու-

Յյուններին, բայց այդ հրամանները գործնական ոչ մի ընթացք չեն ունեցել⁴⁴:

Ահա մի մեջբերում այդ բողոքներից.

«Քրդերն ու մյուս լեռնային ռասաները, որոնց վերջին ժամանակները միացել են և շերբեզները, իրենցից ներկայացնում են իսկական աղետ ազգաբնակչության համար... Միշտ գինված, ոչ մի հարկ չվճարող, զինվորական ծառայությունից ազատ այս բարբարոսները գրեթե միշտ գտնվում են ապստամբ վիճակում: Հայերը ծանր հարկեր պետք է վճարեն ոչ միայն թուրքական կառավարությանը, այլ նաև պարտավոր են քայքայիչ ծանրության տուրքեր վճարել հոգևոր այս վայրենիների»⁴⁵:

Համաձայն 1876 թ. գրված մի հաշվեկալության, պետական ծառայության մեջ գանձող օտրինազանց բռնակալը բացառապես մի ինչ-որ օկրուգի կամ գյուղի սեփականությունը չէ: Նա որպես ճակատագրական հետևանք թուլություն, ինչպես նաև բարձրագույն վարչական շրջանների փշացածության, առթածվում է ամբողջ Հայաստանով... և գրեթե ամբողջ Փոքր Ասիայով՝ բացառությամբ մեծ քաղաքների»⁴⁶:

«Մասիս» թերթը 1877 թ. հունիսի 21-ին գրում է սուս-թուրքական պատերազմի ժամանակ ազգամահաբա մեկնող թուրքական զորքերի կազմից Բերդի գավառում կառարած խժոճությունների մասին. «Անկաշտություն, բարբարոսություն չի մնացել, որ չբարձրագրեն: Այլուր գյուղում բռնությունը ներս են մտել բուրս տները, ազամարդիանց ձեռք, կանանց սպանածացել... տներում ինչ գանձ՝ կերել են, հափշտակել, փշացրել և նույնիսկ չրնգրիմացողներին են գանձախոծել»:

Թերթը նկարագրում է, թե ինչպես զինվորները գվարձանաբու համար ստիպում էին գյուղացիներին վազել գաշտում. նրանց հետևից փախտ էին նետում այնպես, որ նրք փախտը այդ գրավախտների տարձրին կաշնդով նրանց գետին էր պարտում. իսկույն վազում էին և նույն փախտով ծնծում: Ծնծան վաղաբարություններով զինվորներն այնպիսի սարսափ էին ստարածել, որ գյուղերում, կր մտանցող մարդիկ էին տեսնում (կարծեցով թե

զորքեր էին գալիս), կանայք սարսափելի վայնասունով և լաց ու կոծով լեղապատառ փախչում էին:

«Մոկս գավառից քուրդ բեկը,— շարունակում է հողվածագիրը,— 500-ի շափ քրդերով եկավ Վան, շեյխ Զալալեղդինն էլ 1200-ի շափ քրդերով ու մեծ շուքով քաղաք մտավ շաբաթ օրը՝ մայիսի 7-ին: Գրեթե 2000-ի մոտ քուրդ բաշիրոզուկները... թրթուրի պես իջան այս քաղաքի վրա, արդեն կողոպտված և վնասված Վանը լրիվ շորացնելու... որ գյուղերից անցել են, հայերին շարաշար գանակոծել են և սոսկալի անգթություններ են արել: Արտամետի խեղճ հայ գյուղացիների մեջքին բարձել են իրենց բոլոր սննդամթերքն ու ռազմամթերքը. այդպես Վան մտան շեյխ Զալալեղդինի մարդիկ...»^{*}:

1850-ական թվականներին Արևմտյան Հայաստանում եղած ռուս զեներալ Լիխուտինը հայերի մասին գրում է. «Նրանք իրավունք չունեն զենք կրել, մինչդեռ բոլոր մուսուլմանները զինված են և այդ պատճառով վերջիններս նրանց գրեթե միշտ անպատիժ վիրավորում են. Ծս տեսա մի քանի հայեր՝ կտրված ականջներով և քթերով, մի բան, որ արված էր ոչ թե դատարանով, այլ կամայականորեն, այս կամ այն ազդեցիկ ու

* Ա. Տեկանցը երեք ամիս շրջագայել է Վանում, Բիթլիսում, Տարոնում և գրել իր «Այցելություն ի Հայաստան, 1878 թ.» նոթագրական. բնույթ ունեցող տեղեկատուն: Նա պատմում է. մայիսի 21-ին անցնում էին բարձր Հայքով. «...կարծես դար ու դաշտ, ձոր ու սարեր դեռ ծխում էին վրեժի ծխով ու հրով, ձյուն-ձմեռնոցով հապշտապ թաղված մեռելների և վիրավորվածներից ոմանց ձեռները, ոմանց ոտները, ոմանց գլուխները դուրս էին ընկած, կարծես, նույնիսկ, հողի տակ հանդարտվել չէին ուղում...»

«...մարդիկ պատերազմի աղետներից լքված ու բեկված, պատրանք էին համարում... ամեն մի հավաստիք, ռամիկ ասածի նման՝ հոգու պատանքից կախված հուսահատներ էին... ընդհանուր սև ու սրտամեռ մի սարսափ էր տիրել նրանց սրտերին, քրդերի ու զորքերի հասցրած շարիքը պատմում էին ու լաց լինում դառնորեն, վստահությունն ու անվտանգությունը լրիվ վերցված էր և ինչպես կտիր ոչխար ամենի արջերի կամ կատաղի գայլերի ձեռքն էին մատնված: Դժբախտ մշեցիք, ավեր, ավար և սպանություն էր այնտեղ տիրում, ժողովուրդն անկարեկից էր մնացել...» (Ա. Տեկանց, «Այցելություն ի Հայաստան, 1878 թ.», Ե., 1985, էջ 31, 40, 41): «Ես կը կարծեմ,— ժաղրում է Հ. Պարոնյանը,— թե կուսակալն Սեբաստիոն բոլոր հայերը բանտարկված է և, հետևապես, դուրս մարդ չի մնացած, որ անոնց բանտարկվելիս հեռագրով իմացունեն մեզ Տաճկաստանի մեջ բանտ... բանտին մեջ բանտ...» (Հ. Պարոնյան, Նժձ Գ, Ե., 1965, էջ 476):

հարուստ գյուղապետի (մուսուլման) կամ տեղական դատա-
րանի անդամի կողմից»⁴⁷։

Կարինի անգլիական հյուպատոս Կ. Լյուդը գրում է. «Սուլ-
թանի հայ հպատակները տառացիորեն անպաշտպան են այն-
պես, ինչպես գայլերով շրջապատված ոչխարի հոտը»⁴⁸։

Օսմանյան կայսրության պատմության մասնագետներից մե-
կը՝ Ռայտը, 1877 թ. գրել է. «Թուրքերը ավերում են ոչ միայն
վայրենի կատաղության պահին, այլև լրիվ սառնասրտու-
թյամբ և իր իրավունքներին, օրենքին ու հավատին լրիվ համապա-
տասխան։ Թուրքական տիրապետության միտումն այն է, որ-
պեսզի իրականացվի բարոյական փշացում, տանջանք և ավեր-
վածություն... Թուրքական կայսրությունում հազիվ թե գտնվի
մի գյուղ, որ չունենա իր ողբերգական պատմությունը։ Հազիվ
թե գտնվի մի քրիստոնյա ընտանիք, որ չունենա սարսափելի
հուշեր, այնքան սարսափելի, որ անհնար է նրանց մասին մտա-
ծել կամ խոսել»⁴⁹։

Թուրքական իշխանությունները կազմակերպում էին հայերի
ունեցվածքի հրկիզում ու ոչնչացում։ Այդպես վարվեցին,
օրինակ, Վանում։ 1876 թ. Վան քաղաքից «Մշակին» գրում
են. «1876 թ. դեկտեմբերի 13-ը դարձավ Վան քաղաքի տա-
րեգրության սև էջը... քաղաքը մի գիշերվա ընթացքում հրդեհ-
վեց, թալանի և հարստահարության ենթարկվեց...»

Գիշերը ժամը 2-ին մոտ հայերը զարմանքով տեսան, որ
«պահակային ծառայության զորքերը, ոստիկանությունն ու
խուժանը միավորվելով, ձեռներին ջահեր ու կացիններ,
չարդում ու ավերում են իրենց խանութներն ու տները, թալա-
նում ու այրում են դրանք»։ Դեպքի վայրում գտնվող պաշտո-
նատար անձանց մի մասը ցույց տվեց, թե անզոր է զսպելու
թալանչիների զայրույթը և հանդես եկավ դիտողի դերում,
իսկ մյուսները նույնիսկ ոգևորում էին թալանչիներին։

«Հայերից ոմանք զոհվեցին, ոմանք վիրավորվեցին»⁵⁰։

Այդ գիշեր այրվեց հայերին պատկանող 1000 խանութ ու
կրպակ, որ տարիներ շարունակ իր բացասական կնիքը դրեց
քաղաքի տնտեսական կյանքի վրա։

Արդեն ասվեց, որ բնակչության անձն ու գույքը ապահովված
չէր։ Ամենուրեք վխտում էին բազմաթիվ ավազակային
խմբեր, որոնք թալանում էին, սպանում, ոչնչացնում։ Այդ ավա-
զակախմբերի հարձակումներից ամենաշատը տուժում էին

հայերը, որոնք անգն էին և օրենքի պաշտպանությունից
զրկված։ Դիարբեքի Վիլայեթի Բալու գավառի 17 գյու-
ղերում 1877 թ. ընթացքում հարստահարություններից ու ավա-
զակություններից տուժել էր 4 հազար մարդ։

Արևմտյան Հայաստանում շրջագայած Ի. Բիշոպը գրում է,
որ Հայաստանի զգալի մասում ընդհանուր ապօրինություն է
թագավորում։ «Ավազակները կանգնեցնում են քարավանները
և կողոպտում։ Հայերի համար երկրում ճանապարհորդելը ան-
պայման վտանգավոր է, ոչխարները քշում տանում են, մշտա-
պես կատարվում են այնպիսի բռնություններ, որոնց մասին
պատմելը պատշաճ չէ։ Գրեթե բոլոր գյուղերը հասցված են ծայ-
րահեղ չհավորության։ Մինչդեռ նրանցից հարկ են քամում այն
ժամանակ, երբ վճարելու համար քրդերը նրանց մոտ միջոց
չեն թողել... զենք խլելը, քրդերի կողոպուտները, քուրդ բեյերի
ճնշումները, որոնք իրենց բռնությունները պատճառաբանում
են կառավարության սանկցիայով, կանանց համար անվտան-
գության բացակայությունը և առավել ևս վատ ապագայի սար-
սափը՝ այս ամենը բնակչությանը հասցրել է խղճալի վի-
ճակի»⁵¹։

Այս փաստերը ցույց են տալիս, թե որքան ծանր էր հայերի
գրությունը 1877—1878 թթ. ուս-թուրքական պատերազմից
կամ Հայկական հարցի երևան գալուց առաջ։ Նրանք միաժա-
մանակ հերքում են թուրք և թուրքամետ պատմաբանների
պնդումները հայերի, այսպես կոչված, բարվոք վիճակի մասին։

Եվ պատահական չէ, որ հայ աշխատավորությունը, չկա-
րողանալով տանել այդ անլուր ճնշումներն ու հալածանքները,
ընդդիմանում էր, առանձին դեպքերում՝ զենքի դիմում։

Օսմանյան տիրապետության հայաչինջ քաղաքականության
դեմ հայ ժողովրդի պայքարի ամենապայծառ էջերից մեկը դար-
ձավ Զեյթունի 1862 թ. ապստամբությունը։

Դարեր շարունակ Զեյթունը կիսանկախ է եղել։ Գավառն
ունի ներքին ինքնավարություն և միշտ չէ, որ կառավարությա-
նը հարկ էր վճարում։ Այդ պատճառով զեյթունցիների ու թուր-
քական զորքերի միջև հաճախ էին ընդհարումներ տեղի ունե-
նում։

XIX դարի կեսերին սուլթանական կառավարության հա-

Մար այլևս անհանդուրժելի դարձավ Զեյթունի այդ կիսանկախ վիճակը: 1860 թ. հունիսին, երբ զեյթունցիները փախուստի մատնեցին Մարաշի կառավարիչ Խուրշիդ փաշային (որ փորձում էր զենքի ուժով հարկ հավաքել), Բ. Դուռը որոշեց վճռական քայլերի դիմել՝ գրավել ու ավերել Զեյթունը, իսկ նրա բնակչությանը՝ ոչնչացնել:

Մարաշի նոր կուսակալ Ազիզ փաշան, ունենալով գործնականում անսահմանափակ իրավասություններ, սկսեց նախապատրաստական լայն աշխատանքներ ծավալել Զեյթունի վրա արշավելու համար: Նրա հանձնարարություններ մեծ թվով շեյխեր, դերվիշներ և մուլաներ շրջում էին Կիլիկիայի բնակավայրերով և մահմեդական ազգաբնակչությանը հայերի դեմ պատերազմի հանում: Հայերին ոչնչացնելու միջոցով նրանց ունեցվածքին տիրանալու հեռանկարը Ազիզ փաշայի բանակատեղի բերեցին մեծ թվով մուսուլմանների: Արշավանքի նախօրյակին այդ հրոսակների թիվը հասավ 40—50 հազարի, որոնց կովի էին առաջնորդում 150 շեյխ և մուլա:

1862 թ. մայիսի 27-ին թուրքերն անցան Ջահան գետը և շարժվեցին լեռնաշխարհի խորքերը:

Թիֆլիսում լույս տեսնող «Կոունկ Հայոց աշխարհին» պարբերականի 1863 թ. մարտի համարում զեյթունցիների հերոսական գոյամարտը հետևյալ ձևով է ներկայացվում. «... պատերազմը բորբոքվել էր բոլոր կողմերում, Զեյթունի զանգերի հնչումը բոլոր հայերին զենքի դիմելու նշան էր տվել: Կոիվը խիստ կատաղի եղավ: Հայերն ամուր դիրքեր գրավելով, այլազգիներին լավ ջարդ տվին ու նրանց հետ քշեցին և մինչև Ազիզ փաշայի բանակատեղին հասան, որը հազիվ կարողացավ մազապուրծ լինել: Սրա նման մի ջարդ կերավ նաև Աստվածածնի վանքի կողմը եղած այլազգի գունդը: Զեյթունցիները լեռների կիրճերում և նեղ անցքերում ամրացած լինելով, մեծ վնաս հասցրեցին այլազգիների բանակին: Կոիվը առավոտից մինչև կեսօր տևեց, և Ազիզ փաշայի զորքերը դրանից հետո սկսեցին ցիր ու ցան փախչել: Զեյթունցիք մինչև երեկո նրանց հետևից ընկան և շատ մարդ ջարդելով նրանց հալածեցին: Այս զորքերի մի մասը Մարաշի ճամփան էր բռնել և իր փախուստի ժամանակ մեծ կորուստներ տալուց հետո, գիշերը հազիվհազ կարողացավ Մարաշ մտնել: Մյուս մասը ավելի կարճ ճանապարհ անցնելով... լեռների, ձորերի ու կիրճերի մեջ ջարդ-

վեց, մի մեծ մաս էլ գետի մեջ թափվելով խեղդվեց: Այսպիսով այլազգիների կորուստները վեց կամ ութ հազարի շարք է հաշվվում... Հաջորդ օրը, օգոստոսի 3-ին, զեյթունցիները զբաղված էին այլազգիների դիակները փոսերի մեջ գցելով»:

Սուլթանը, երբ իմանում է թուրքական բանակի պարտության մասին, Աշիր փաշային հրամայում է 150 հազարանոց զորք հավաքել և գրավել ու հիմնահատակ կործանել Զեյթունը: Սակայն այս նոր արշավանքը տեղի չունեցավ, որովհետև սուլթան Աբդուլ Ազիզը վախեցավ, որ Նապոլեոն III-ը կօգտագործի այդ առիթը՝ կայսրությունից տարածքներ կորզելու համար:

Նա բանակցություններ սկսեց զեյթունցիների հետ: Կընքվեց համաձայնություն. Բ. Դուռը հրաժարվեց Զեյթունի վրա հարձակվելուց, իսկ զեյթունցիները համաձայնվեցին հարկեր վճարել և ընդունել կառավարության կողմից նշանակված կայմակամին:

Եթե նկատի առնենք, որ այդ համաձայնագրից հետո էլ Զեյթունը պահեց իր կիսանկախ վիճակը, որ միայն 1865 թ. լեռնաշխարհ եկած կայմակամի իշխանությունը ձևական էր, ապա իրավամբ կարելի է արձանագրել՝ 1862 թ. իրադարձություններից Զեյթունը հաղթող դուրս եկավ:

Աննախադեպ էին Զեյթունի հերոսապատման արձագանքները: Դրանք գործնականում համազգային բնույթ ստացան և իրենց ազդեցությունն ունեցան ոչ միայն արևմտահայության, այլև արևելահայության, ինչպես նաև աշխարհի տարբեր երկրներում բնակվող հայերի շրջանում: 1862 թ. օգոստոսի 1-ին, այսինքն Զեյթունի վրա թուրքերի հարձակման օրը, Կ. Պոլսի հայ աշխատավորական տարրերը ցույց կազմակերպեցին: Ցուցարարները պահանջում էին գործադրել արևմտահայերին խոստացած սահմանադրությունը, վերջ տալ հայերի նկատմամբ կիրառվող ճնշումներին ու հալածանքներին, դադարեցնել արյունահեղությունը Կիլիկիայում: Ցույցը ճնշվեց զենքի ուժով:

Ինչպես Կ. Պոլսում, այնպես էլ Թուրքիայի ու Ռուսաստանի շատ քաղաքներում ու բնակավայրերում կազմակերպվեցին հանգանակություններ՝ զեյթունահայերին օգնելու նպատակով:

«Այն տարին,— գրում էր Սրբուհի Երեցյանը,— Զեյթունի անցքերը մեծ ազդեցություն ունեցան Պոլսո և այլ տեղերի հա-

յոց վրա. յուրաքանչյուրի շրթներին կիլիկիան էր, ամեն ոք մասնակից էր դրամական հանգանակություններին...»⁵²,

Զեյթունի իրադարձությունները լայն արձագանք գտան նաև հայ մամուլի հրապարակումներում, դրանք ամենուրեք ոգևորություն առաջացրին, իրենց կնիքը դրեցին օսմանյան բռնատիրության դեմ հայ ժողովրդի հետագա շրջանի պայքարի վրա:

1860-ական թվականներին բողոքի ցույցեր ու զինված ելույթներ տեղի ունեցան Մուշում, Վանում, Կարինում, Դերսիմում: Ի պատասխան ազգային ճնշումների ու հալածանքների սաստկացման, 1862 թ. զինված ելույթի ղուրս եկան Վանի հայերը: Նրանք, ինչպես 1862 թ. փետրվարի 28-ին գրեց «Փարիզ» պարբերականը, գրավեցին Միջնաբերդը: «Երկու կողմերի սպանվածների ու վիրավորների թիվը հասնում էր 1000-ի»:

1863 թ. Մուշի բեկերի անարդարությունների դեմ բարձրացավ քաղաքի հայ ազգաբնակչությունը: Ականատեսներից մեկը այդ զինված ընդհարումն անվանեց «բացահայտ ապստամբություն»:

Կարինի վիլայեթի Քղի գավառի 1868 թ. զինված ընդհարումը լայն արձագանք գտավ Կ. Պոլսի կառավարական և հասարակական շրջաններում:

1860—1874 թթ. բողոքի բազմաթիվ ընդվզումներ եղան Դիարբեքրի վիլայեթի: Չարսանչակի գավառում, որտեք ուղղված էին մահմեդական աղաների կողմից հայերի հողերի հափշտակությունների դեմ⁵³:

Սակայն արևմտահայության այս և նման մյուս բոլոր ելույթները հաջողություն չունեցան: 70-ական թվականները բևեռված են ազգային և սոցիալական ճնշումների ու հալածանքների սաստկացմամբ ու դրանց աննախադեպ ծավալումներով:

1. ՉՍՄ ԳԱ ինֆորմացիոն բյուլետեն, 1977, № 3, էջ 17—18:
2. Նոր կյանք, 1986, № 86:
3. Նոր դար, 1899, № 21:
4. Մ. Նալբանդյան, ԵՎՏ, հ. 2, Ե., 1948, էջ 352:
5. Ս. Սաֆրաստյան, Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. 7., Ե., 1972, էջ 172:
6. Положение армян в Турции до вмешательства держав в 1896 году, М., 1896, с. 385—386.
7. Նույն տեղը, էջ 393:

8. ՉՍՄ ԳԱ ինֆորմացիոն բյուլետեն, 1984, № 7, էջ 46—47:
9. ՉՍՄ ԳԱ ինֆորմացիոն բյուլետեն, 1983, № 3, էջ 21:
10. Զ. Թումանյան, ԵՎՏ, հ. 4, Ե., 1969, էջ 162 և 167:
11. Գ. Սրվանձությանց, Թորոս Աղբար Հայաստանի ճամփորդ, մաս Ա, Կ. Պոլիս, 1879, էջ 269:
12. Положение армян в Турции ..., с. 5.
13. Մ. Նալբանդյան, ԵՎՏ, հ. 3, Ե., 1941, էջ 103:
14. Մասիս, 1897, էջ 1885:
15. Положение армян в Турции ..., с. 177.
16. Նույն տեղը, էջ 285:
17. Ա. Գալֆայան, Համառոտ պատմություն միջին դարու, Վենետիկ, 1880, էջ 481:
18. Положение армян в Турции... с. 288.
19. Նույն տեղը, էջ 180—181:
20. Նույն տեղը, էջ 184:
21. Նույն տեղը, էջ 184:
22. Նույն տեղը, էջ 186:
23. Նույն տեղը, էջ 300:
24. Большая советская энциклопедия, т. 43, М., 1956, с. 442.
25. Положение армян в Турции..., с. 177.
26. Նույն տեղը, էջ 178:
27. Ղ. Ինճիճյան, Դարապատում, Վենետիկ, 1925, էջ 254—255:
28. Положение армян в Турции..., с. 303, 305—306.
29. Նույն տեղը, Предисловие, с. 8.
30. Братская помощь пострадавшим в Турции армянам, М., 1897, с. 126—127.
31. Ա. Մանգելչում, Օսմանյան կայսրության ճակատագիրը, Կ. Պոլիս, 1919, էջ 18:
32. Ս. Սաֆրաստյան, Թուրքական աղբյուրներ..., հ. Ա., Ե., 1961, էջ 34:
33. Նույն տեղը, էջ 34—35:
34. Նույն տեղը, հ. 2, էջ 120:
35. Հուլամատեան Մեծ եղեռնի (1915—1965), Բեյրութ, 1965, էջ 16:
36. Նույն տեղը, էջ 17:
37. Նույն տեղը, էջ 18:
38. Պատմություն Ս. Դ. Հնչակյան կուսակցության, Բեյրութ, 1962, էջ 14—16:
39. Զ. Պողոսյան, Սասունի պատմությունը, Ե., 1985, էջ 57—60:
40. Վ. Պարսամյան, Ե. Հարությունյան, Հայ ժողովրդի պատմություն, Ե., 1979, էջ 238:
41. Զ. Պողոսյան, Սասունի պատմությունը, էջ 69:
42. Գ. Տեր-Կարապետյան, Լողային հարցը հայաբնակ նահանգներում մեջ, Կ. Պոլիս, 1911, էջ 44:
43. Положение армян в Турции..., с. 17.
44. Նույն տեղը, էջ 24:
45. Նույն տեղը, էջ 26—27:
46. Զ. Ղազարյան, Ցեղասպան թուրք, Բեյրութ, 1968, էջ 319 և 2. Կիրա-

կոսյան, Երևանի քաղաքի պատմության դատաստանի առաջ, գիրք 1, Ե., 1982, էջ 219—220:

47. М. Лихутин, Русские в Азиатской Турции в 1854—1855 годах, СПб, 1863. с. 168.

48. Положение армян в Турции..., с. 139.

49. Նոյն տեղը, էջ 142:

50. Մշակ, 24 փետրվարի 1877:

51. Положение армян в Турции..., с. 264.

52. Փորձ, 1877, № 4:

53. 1862 թ. Զեյթունի և 1860—1870-ական թվականներին Արևելյան Հայաստանի մի շարք վայրերի հայերի ելույթների մասին հանգամանորեն տե՛ս Մ. Գ. Ներսիսյան, Հայ ժողովրդի ազատագրական պայքարը թուրքական բռնապետության դեմ, Ե., 1955, Վ. Մելիքսեթյան, Զեյթունի հերոսամարտը, Ե., 1960, Զ. Մ. Պողոսյան, Զեյթունի պատմությունը 1409—1921, Ե., 1962, Հայ ժողովրդի պատմություն, հ. 5, Ե., 1974:

ԲԵՆՈՒՆԻ ԿՈՆԳՐԵՍԸ ԵՎ ՀԱՅԿԱԿԱՆ ՀԱՐՅԸ

1877 թ. ապրիլի 24-ին Ալեքսանդր II-ը Քիշնևում մանիֆեստ ստորագրեց՝ Օսմանյան կայսրությանը պատերազմ հայտարարելու մասին: Բալկանյան ռազմաճակատում ռուսական բանակները սրընթաց առաջ շարժվելով հայտնվեցին Կ. Պոլսի պատերի տակ, իսկ Կովկասյան ռազմաճակատում գրավեցին Կարսը, Արդահանը, Բայազետը, Ալաշկերտի հովիտը, Սուխուժը: 1878 թ. փետրվարին, առանց կռվի, ռուսներին հանձնվեց նաև Կարինը:

Արդու Համիդը խուճապի մեջ էր: Նա թախանձագին դիմում հղեց Ալեքսանդր II-ին՝ «խնայել իր գահն ու կայսրությունը»:

1878 թ. մարտի 3-ին, Կ. Պոլսից 12 կմ հեռավորության վրա գտնվող Սան Ստեֆանո ծովափնյա ավանում, հայ մեծահարուստ Ա. Տառյանի ամառանոցում կնքվեց ռուս-թուրքական համաձայնագիր: Ըստ այդ համաձայնագրի անկախ էին հռչակվում Սեբաստիան, Զեոնոպոլիս, Ռումիլիան, ինքնավարություն էր տրվում Բուլղարիային, Բոսնիային և Հերցեգովինային: Բոսֆորն ու Դարդանեղը հայտարարվում էին բաց նեղուցներ: Ռուսաստանը հետ էր ստանում Բեսարաբիան, Արևմտյան Հայաստանի տարածքից ստանում էր 35 հազ. քառ. կիլոմետր, որի մեջ մտնում էին Կարսը, Արդահանը, Բայազետը: Ռուսաստանին էր անցնում նաև Բաթումը:

Սան Ստեֆանոյի պայմանագրի 16-րդ հոդվածը վերաբերում էր Արևմտյան Հայաստանում բարենորոգումների անցկացմանը և ձևակերպված էր հետևյալ կերպ. «Նկատի ունենալով, որ ռուսական զորքերի կողմից Հայաստանում գրավված վայրերի մաքրումը, որոնք պետք է վերագործվեն Թուրքիային, կարող է այնտեղ ընդհարումների ու բարդությունների առիթ տալ, որոնք կարող են վնասակար անդրադառնալ երկու պետությունների բարեկամական հարաբերությունների վրա, Բ. Գուլը պարտավորվում է անհապաղ իրագործել բարվոքումներ և բարենորոգումներ, որոնք կծագեն հայաբնակ գավառների տեղական պահանջներից և ապահովել հայերի անվտանգությունը քրդերից ու չերքեզներից»:

Այս պայմանագրով Հայկական հարցը ձևակերպվեց որպես Արևելյան, այսինքն՝ Օսմանյան կայսրության ընդհանուր հարցի բաղկացուցիչ մաս և դարձավ միջազգային դիվանագիտության քննարկման առարկա: Սուլթանական կառավարությունը հրապարակավ ընդունեց, որ կայսրության կազմում կա Հայաստան, և այնտեղ ապրում է հայ ժողովուրդը: Պայմանագրում դրական էր նաև այն, որ բարեփոխությունների վերահսկողությունը իրականացնելու էր Ռուսաստանը, և ռուսական բանակն այդ ընթացքում մնալու էր Արևմտյան Հայաստանի գրավված տարածքներում:

Ռուսական զենքի փառավոր հաղթանակը մեծ հզորություն էր առաջացրել հայկական շրջաններում, մանավանդ, որ Ռուսաստանը այդ պատերազմի նպատակն էր հռչակել օսմանյան տիրապետության տակ գտնվող քրիստոնյաների ազատագրումը:

«Մեծ հույսով,— գրում է Յու. Վեսելովսկին,— և ռուսական զենքի հաջողության ցանկություններով հայոց աշխարհի համար սկսվեց 1877—1878 թթ. պատերազմը: Թուրքական բանակի յուրաքանչյուր պարտության հետ միասին, հայ հայրենասերների գիտակցության մեջ ավելի ամուր և որոշակի էր արմատավորվում շուտով ազատագրվելու հույսը»:

«Մենք միշտ մեր հույսը դրել ու դնում ենք Ռուսաստանի վրա»³,— գրեց Գ. Արծրունին:

Չնայած դրան, Կ. Պոլսի հայ լիդերները և պատրիարք Ն. Վարժապետյանը ղգույշ գիծ էին վարում: Ըստ «Մասիս» թերթի, ռեֆորմներն առաջին հերթին պետք են ոչ թե ապստամբող ազ-

գերին, այլ նրանց, ուլբեր կողմնակից են օրինականությանը, կարգուկանոնին և խաղաղությանը: Այս զգուշությունը նպատակ ունի խուսանավել և թուրքական շովինիստների համար պատրվակ չստեղծել «ռուսական կողմնորոշման համար» հայերին պատժելու:

Բայց դա «Մասիսին» շխանգարեց 1878 թ. մարտի 7-ին գրելու, որ 16-րդ հոգվածն «արժանի է բոլոր հայ հայրենասերների աջակցությանը», որովհետև այն Հայաստանին հնարավորություն կտա Ռուսաստանի օգնությամբ շունչ քաշել: Ն. Վարժապետյանն ավելացրեց, որ շնորհիվ այդ հոգվածի, «մեր ազգային հարցը ընդհանուր Արևելյան հարցի հետ միասին ձեռք բերեց նոր ձև և բովանդակություն»⁴:

Ռուսական զենքի ու դիվանագիտության այդ հաղթանակը, սակայն, կատաղության բռնկում առաջացրեց եվրոպական խոշոր պետությունների կառավարություններում, հատկապես Անգլիայում: Նրանք միավորվեցին Ռուսաստանի դեմ:

Պահանջվեց հրավիրել միջազգային կոնգրես, որտեղ պետք է քննարկվեր Սան Ստեֆանոյի պայմանագիրը: Ռուսաստանը հարկադրված էր համաձայնվել նման կոնգրեսի գումարման հետ, որովհետև նա ռուս-թուրքական պատերազմում ռազմական և նյութական առումով շատ էր թուլացել և ի վիճակի չէր պատերազմելու եվրոպական երկրների միացյալ ուժերի դեմ: Անգլիացի պատմաբան Մ. Անդերսոնի վկայությամբ, 1878 թ. գարնանը անգլո-ռուսական պատերազմը գրեթե իրողություն էր դարձել: Ալեքսանդր II-ի կարծիքով, Անգլիան պատրվակ էր փնտրում՝ Ռուսաստանին պատերազմ հայտարարելու⁵:

Ցարական կառավարությունը հարկադրված էր դիմելու Բիսմարկին՝ «Բեռլինում հրավիրել կոնգրես, այն հաշվով, որ Ռուսաստանը փրկվի երկրնտրանքից՝ կամ պատերազմել Անգլիայի և Ավստրիայի հետ, կամ անվերապահ նահանջել»⁶: Շուվալովին կոնգրես ճանապարհհելիս Ալեքսանդր II-ը նրան սպառնաց. «Կոմս Շուվալով, հիշե՛ք, խաղաղության համար դուք ինձ գլխով պատասխան կտաք»⁷: Իսկ ռազմական մինիստր Գ. Ա. Միլյուտինը ասաց. «Դուք վիճակը գիտեք: Մենք այլևս կովել չենք կարող... Պնդեք այն կետերի վրա, որ դուք գրտնում եք ու հնարավոր է անցկացնել և զիջեք բոլոր մյուսները, միայն թե կոնգրեսը չձախողվի»⁸:

Մինչ այդ Ռուսաստանն արդեն համաձայնվել էր վերանա-

յելու Սան Ստեֆանոյի համաձայնագրի մի քանի կարևոր կետեր:

1878 թ. մայիսի 30-ին Ռուսաստանի և Անգլիայի միջև (Սոսրբերի-Շուվալով) կնքված համաձայնագրով, Օսմանյան կայսրությանն էին մնում Բայազետն ու Ալաշկերտը իրենց խիտ հայկական բնակչությամբ, որովհետև, ինչպես գրված էր համաձայնագրի 10-րդ կետում, «Այդ դաշտավայրերը Պարսկաստան տանող խոշոր տրանզիտային ուղիներ են և հսկայական նշանակություն ունեն թուրքերի աչքում»: Համաձայնագրի 7-րդ հոգվածում ասված էր. «Սան Ստեֆանոյի պայմանագրով Հայաստանի նկատմամբ որոշված պարտավորությունները պետք է վերաբերվեն ոչ միայն Ռուսաստանին, այլ նաև Անգլիային»⁹: Այդ նույն ժամանակ Անգլիան գաղտնի բանակցություններ էր վարում Բ. Դոան հետ:

Ռուսական զորքերի ներկայությունը զրավված տարածքներում, բնականաբար, շատ էր մտահոգում Աբդուլ Համիդին: Նա պատրաստ էր նույնիսկ մեծ զոհողությունների, միայն թե «անիծյալ ռուսները» դուրս գային իր կայսրության սահմաններից:

Անգլիան, որ միշտ էլ պատերազմների ժամանակ հնոցին փայտ լցնողի դեր է կատարել, որպեսզի հաշտության բանակցությունների սեղանների շուրջ կարողանար վայելել իր մեքենայությունների պտուղները, իսկույն հասկացավ սուլթանի տրամադրությունը և Աբդուլ Համիդին հավաստիացրեց, որ պատրաստ է պաշտպանելու Թուրքիայի շահերը, եթե սուլթանը Անգլիային զիջի Կիպրոսը: Համիդը համաձայնվեց, ու հունիսի 4-ին կնքվեց գաղտնի համաձայնագիր: Եվ երբ հուլիսի 8-ին անգլիական ծովակալ Հեյի զորքերը Կիպրոսում ափ իջան և կղզու վրա պարզեցին անգլիական դրոշը, տերությունների ղեկավարները շփոթվեցին:

Դրա փոխարեն, եթե Ռուսաստանը «այսուհետև երբևիցե փորձ անի տիրելու Ասիայում՝ նորին կայսերական մեծություն սուլթանի ունեցած երկրներից որևէ մի մասին, որը խաղաղության վերջնական դաշնագրով պիտի որոշվի, այն ժամանակ Անգլիան պարտավորվում է միանալ նորին կայսերական մեծություն սուլթանի հետ, զենքի ուժով այդ երկրները պաշտպանելու համար»¹⁰:

Ինչ վերաբերում է Արևմտյան Հայաստանում ռեֆորմների

անցկացմանը, ապա դրանք «պետք է լինեն Անգլիայի և Բ. Դոան համաձայնության առարկան»:

Բայց մեծ տերություններից յուրաքանչյուրն էր ձգտում Օսմանյան կայսրությունից համեղ պատառ փախցնել:

«Հրացանների փողերը,— գրում է Ն. Ադոնցը,— վաղուց արդեն ուղղված էին մահվան դատապարտված «հիվանդի» հարուստ ժառանգությանը: Թուրքիան Պեննելոպի նման գրեթե մի ամբողջ հարյուրամյակ շրջապատված էր նրա հմայքներին ձրգտող երկրպագուների ամբոխով: Այն շունենալով որևէ բարեթար, սիրով էր իրեն առաջարկում բոլոր նրանց, ովքեր կարող էին ապահովել իր գոյությունը և անվտանգությունը:

Հակառակ բոլոր լավատեսական սպասումների, Թուրքիայի ճակատագիրը նախապատրաստել էր հենց ինքը: Այն կախված էր երկու հիմնական գործոններից՝ ներքին տրոհումից և արտաքին ճնշումից»¹¹:

Բեռլինի կոնգրեսի նախօրյակին խոշոր պետությունների իրարամերժ շահերը հրապարակավ բխվեցին: Ավստրո-Հունգարիան գտնում էր, որ Արևելյան հարցում իրեն պետք է պատկանի վճռական խոսքը: Գեռ Մետերնիխն էր ասում՝ «Արևելքը Վիեննայի արվարձաններից է սկսվում»: Այդ օրերին էր, որ Ավստրո-Հունգարիայի թագաժառանգ Ռուդոլֆը հայտարարեց. «Սալոնիկը մեզ պետք է ինչպես հացը»: Մի անգամ մատը դնելով Կ. Պոլսի քարտեզի վրա, նա իր դստերն ասաց. «Դու այստեղ ես թագուհի ձեռնադրվելու»¹²: Եվ պատահական չէ, որ Բեռլինի կոնգրես հրավիրելու պաշտոնական առաջարկության հեղինակը դարձավ Վիեննան: Բայց որովհետև տվյալ ժամանակաշրջանում այդ զավթողական պլանների իրականացումը գործնականում անհնար էր և շատ ավելի հավանական, որ Ռուսաստանը կարող էր դառնալ ոչ միայն Կ. Պոլսի ու նեղուցների, այլև Օսմանյան կայսրության արևելյան նահանգների տերը, Ավստրո-Հունգարիան, ինչպես նաև Եվրոպայի մյուս մեծ տերությունները առաջ քաշեցին Թուրքիայի «ստատուս քվոյի» պահանջ և շարքներից փոքրագույնը համարեցին պահպանել սուլթանի տիրապետությունը և նրան դարձնել նեղուցների «դոնապահ»:

Իտալացիների վարքագիծը Բիսմարկը բնութագրեց հետևյալ կերպ. «Շնագայլերի նման հետևում են առյուծին, որն իր գոհի հետ կովի մեջ է, սպասողական և դարանակալ դիրքում դի-

տում են իմանալու համար, թե ով է հաղթողը, որպեսզի ճզմեն պարտվողին»¹³: Ֆրանսիան դժոհ էր անգլիացիների դիվանագիտական ակտիվությունից, մասնավորապես չէր կարողանում ներել, որ Անգլիային հաջողվեց ձեռք գցել Կիպրոսը: Անգլիական կառավարությանը Ֆրանսիայի նման դիրքորոշումը վտանգավոր թվաց, և նա շտապեց հավաստիացնել, որ ինքը ճանաչում է սուրբ վայրերի նկատմամբ Ֆրանսիայի մենաշնորհը և համաձայն է, որ նա տիրանա Թունիսին: Համեղ պատառ էր, և Ֆրանսիան գերադասեց Բեռլինի կոնգրեսում կանգնել Անգլիայի կողքին:

Գերմանիայի շահերը Բիսմարկից պահանջում էին երկդիմի քաղաքականություն վարել: Ուստի նա հայտարարեց, որ Արևելքում Գերմանիան ոչ մի շահադիտական նպատակներ չունի և ստանձնեց միջնորդի դեր: Իրականում նա ձգտում էր, մի կողմից, Եվրոպային (մասնավորապես Ֆրանսիային) ներքաշել Օսմանյան կայսրությունից պատառներ պոկելու գզվըտոցի մեջ, որպեսզի մեջտեղ չբերվեին եվրոպական խնդիրներն ու Ֆրանսիան չդներ էլզասի և Լոթարինգիայի հարցը, իսկ, մյուս կողմից, հետ մղել Ռուսաստանի առաջխաղացումը և Գերմանիայի ապագա էքսպանսիայի համար գաղութատիրությունից ազատ տարածքներ թողնել:

Բիսմարկը Ռուսաստանից վախենում էր և իր հետնորդներին ավանդեց «Ռուսաստանի հետ երբեք չժնշամանալ»: Իրականում նա ատում էր Ռուսաստանը և ամեն ինչ անում էր նրա հզորացման առաջն առնելու համար: «Ռուսները,— հայտարարեց Բիսմարկը,— իրենց մարտողությունից ավելին կու տվին, պետք է որ Բեռլինի վեհաժողովը նրանց ստամոքսը թեթևացնի»¹⁴:

Բնորոշ է նրա հետևյալ հայտարարությունը Անգլիայի և Ռուսաստանի հակամարտությունում իր խաղացած դերի մասին. «Երկու կատաղի գազանների պարանոցից բռնել եմ, նախ՝ նրանց բաժանում եմ իրարից և ապա հսկում եմ, որ իրար հետ համաձայնվելով, ինձ չհոշոտեն»¹⁵:

Անգլիայի նենգ նպատակներից արտաքնապես սահմանազատվելու դիտավորությամբ, Բիսմարկը հայտարարեց, թե չի ցանկանում Անգլիայի կողմից հրահրվող շան դեր կատարել: Սակայն վեհաժողովում նա շատ ավելի Անգլիայի կողմն էր, քան Ռուսաստանի: Ինչ վերաբերում է Գերմանիայի շահերին,

ապա Բիսմարկը դրանք պաշտպանեց փայլուն ձևով: Այդ ժամանակից գործածություն մեջ մտավ «Այսուհետև Պոլսի ճանապարհը Բեռլինով է անցնելու» արտահայտությունը: Ըստ էության այդ օրերին լուծվեց Բաղդադի երկաթուղու կառուցման հարցը:

Բեռլինում գլխավոր հակամարտ ուժերը Անգլիան ու Ռուսաստանն էին: Քուրքիայի և Ռուսաստանի միջև դեռ պատերազմը շարունակվում էր, երբ Անգլիան աշխարհով մեկ ազմուկ բարձրացրեց, թե գրավելով Հայաստանը, Ռուսաստանը փակում է Անգլիայի առևտրական ճանապարհները: Անգլիայի կառավարության ղեկավար Դիզրայելին Ռուսաստանից պահանջեց Ղարաբեցնել հարձակողական գործողությունները, այլապես նա պատերազմի մեջ 300 հազարանոց բանակ կմտցնի: Իսկ որպեսզի ուսաները չհամարձակվեն Կ. Պոլիս մտնել, 1878 թ. փետրվարին բրիտանական նավատորմը խարխսի գցեց Իշխանաց կղզիներում:

Պատերազմի ժամանակ Անգլիան Քուրքիային ռազմական ու ֆինանսական օգնություն էր ցույց տալիս, տրամադրում ռազմական տեխնիկա, ինչպես նաև ռազմական մասնագետներ: Անգլիացիները քայքայիչ աշխատանք էին տանում ռուսական բանակի թիկունքում՝ Կովկասում:

Ֆ. էնգելսը գրում է. «Երկար պայքարից հետո 1878 թ. հունվարին ռուսական զորքերը մոտեցան թուրքական մայրաքաղաքի դարպասներին, երբ հանկարծ Բոսֆորում հայտնվեցին անգլիական շորս զրահապատ և հարկադրեցին ռուսներին, որոնք արդեն տեսնում էին Սոֆիայի տաճարի գմբեթները, կանգ առնել և Սան Ստեֆանոյի պայմանագրի իրենց նախագիծը տալ Եվրոպական կոնգրեսի քննարկմանը»¹⁶:

Դիզրայելին հայտարարեց, որ Միջերկրական ծովում գտնվող անգլիական նավատորմին հրամայված է պաշտպանել ոչ թե քրիստոնյաների կամ թուրքերի, այլ Բրիտանական կայսրության շահերը:

Սուլթերին 1878 թ. ապրիլի 1-ին արտասահմանյան երկրորդում Անգլիայի ներկայացուցիչներին ուղարկած շրջաբերականում գրեց. «Հայաստանի բերդերի գրավումը այդ մարզի բնակչությանը կղնի այն տերության ազդեցության տակ, որը դրանց կտիրանա և դա այն ժամանակ, երբ եվրոպական լայնածավալ առևտուրը, որն այժմ ընթանում է Տրապիզոնի միջո-

ցով Պարսկաստան, Քուրդստանի որոշ տարածքներ Ռուսաստանին զիջելու հետևանքով, ամեն անգամ ենթակա է խոչընդոտելու»¹⁷:

Միջազգային իրավունքի հանրաճանաչ մասնագետ Մ. Գ. Ռուլեն Ժեկմենը գրում է. «... այդ ընդարձակ թերակղզուն հանգիստ տիրանալու և, ինչպես Միջագետքի հարթավայրի, այնպես էլ Պարսկաստանի և Վերին Ասիայի հետ հարաբերություններ ունենալու համար, չպետք է թշնամիներ ունենալ լեռնային տեղանքում, որը Կովկասը միացնելով Տավրոսի հետ, իր մեջ է ներառում Տիգրիսի, Եփրատի, Արաքսի, Քուռի, Ճորոխի ակունքները և առաջնակարգ ստրատեգիական կետեր, որոնցով պաշտպանվում են անմասն բերրի հարթավայրերը»¹⁸:

Անգլիան Բեռլինի կոնգրես եկավ ռուս-թուրքական պատերազմի արդյունքները «լրիվ ոչնչացնելու» մտադրությամբ: Պահպանողական կառավարությունը հանդես եկավ Օսմանյան կայսրության փրկչի դերում:

Վիկտորյա թագուհին նույնիսկ հայտարարեց. «Որքան կուզենայի տղամարդ լինել և ուսաների դեմ կովել»: Դիզրայելին փառաբանում էր թուրքերի բարեմասնությունները. ի նշան իր այդ վերաբերմունքի նա տանը ֆևս էր կրում:

Բեռլինի վեհաժողովը բացվեց 1878 թ. հունիսի 13-ին, Ռատդելիի կամարակապ պալատում: Բացելով կոնգրեսը, Բիսմարկն ասաց. «Մենք հավաքվել ենք յայտեղ, որպեսզի Սան Ստեֆանոյի տրակտատը ենթարկենք ազատ քննարկման»: Անգլիան վեհաժողով էր ուղարկել պահպանողական կուսակցության դիվանագիտության ուղեղներին: Պատվիրակությունը ղեկավարում էր կառավարության նախագահ, 74-ամյա Դիզրայելին: Պատվիրակության կազմում էին արտաքին գործերի մինիստր Սուլթերին և Բեռլինում անգլիական դեսպան Օ. Բիսվելը:

Ռուսական պատվիրակությունը ղեկավարում էր արտաքին գործերի մինիստր, ծերուկ Ա. Գորչակովը: Պատվիրակության կազմում էր կոմս Շուալովը:

Անգլիական պատվիրակության առաջարկությունները վեհաժողովում ծայրահեղ հակառուսական էին և փաստորեն ի չիք էին դարձնում ռուսական զենքի հաղթանակները: Երբ Բիսմարկը Դիզրայելիին հարցրեց՝ նրա առաջարկները վերջնազի՞ր են, վերջինս պատասխանեց. «Անտարակույս», և եթե դրանք չընդունվեն, Անգլիան պատերազմ է սկսելու: Անգլիայի արևելյան

քաղաքականության համար ամենաշահեկան վիճակն այն էր, որ «Բուսֆորի ափին ամեն ինչ վատ ընթանար»:

Եվրոպական հեղինակներից մեկը Բեռլինի կոնգրեսն անվանեց «օձաձկների ժողով»: Ոչ միայն Անգլիայի, այլև վեհաժողովի մասնակից մյուս պետությունների ներկայացուցիչները մարդասիրական նպատակների, փոքր ու ճնշված ժողովուրդների շահերը պաշտպանելու մասին ճառեր ասելու և խոստումներ տալու գործում չէին գլանում, իսկ գործնականում զբաղված էին միայն իրենց պետությունների գաղութատիրական-եսասիրական շահերն առաջ տանելով:

Անգլիական պատվիրակությունը դեմ արտահայտվեց Բուլղարիայի և Հայաստանի ինքնավարությանը, պատճառաբանելով, թե այդ երկու երկրները ինքնուրույն գոյություն ունենալ չեն կարող և կընկնեն Ռուսաստանի ազդեցության տակ: Դեռ ավելին, որպեսզի արդարացնի այդ ժողովուրդների վրա օսմանյան տիրապետությունը, Դիզրայլին նույնիսկ փորձեց կեղծել պատմական իրադարձությունները: Ըստ նրա, ոչ թե «խաղաղասեր և հանգիստ թուրքերը», այլ «բաշխեղզուն է գործադրել ծայրահեղություններ» բուլղար և հայ բնակչության նկատմամբ: Չբավարարվելով դրանով, նա ավելացրեց, որ հայ և բուլղար «ապստամբներն էլ իրենց հերթին թուրքերից հետ մնացած չպետք է լինեն»¹⁹:

Գերմանացի դիվանագետ Հոհենլոհեի վկայությամբ, կոնգրեսում Դիզրայլիի ամենակատաղի ու կրքոտ ճառը վերաբերում էր Հայկական հարցին: Նա պահանջում էր թուրքիային վերադարձնել ոչ միայն Ալաշկերտը, Բայազետն ու էրզրումը, այլև Բաթումը, Կարսն ու Արդահանը: Տեղեկանալով այդ մասին, Ն. Վարժապետյանը Կ. Պոլսում Մեծ Բրիտանիայի դեսպան Լեյարդին ասաց. «Համենայն դեպս դուք մեզ մի արդելք հոգով լինելու ուսուների հետ, որովհետև միայն Ռուսաստանին և Սան Ստեֆանոյի պայմանագրին ենք մենք պարտական այն բանի համար, ինչ մենք սպասում ենք կոնգրեսից: Դո՛ւք, անգլիացիները, համակրում եք թուրքերին և արևելյան քրիստոնյաների վիճակը ձեզ համար ոչ մի նշանակություն չունի»²⁰:

Հարկ է նշել, որ երբ մեծ տերություններն իրենց շահերից բխող հարցերը լուծելուց հետո անցան փոքր ժողովուրդներին հուզող խնդիրների քննարկմանը, վեհաժողովի մասնակից-

ների հետաքրքրությունը բեկվեց անտարբերության: Լազերին վերաբերող հարցի քննարկման ժամանակ Բիսմարկը բացականչեց. «Պարոն՝ յք, այս շոգին արժե՞», որ լազերի խնդիրը ավելի շատ քննարկենք»:

Փոքր ժողովուրդների ներկայացուցիչներին, այդ թվում հայկական պատվիրակությանը, թույլ չտվեցին մասնակցել կոնգրեսի նույնիսկ այն նիստերին, որոնցում քննարկվում էր տվյալ ժողովրդին վերաբերող հարցը: Խրիմյանը դառնությամբ բացականչեց. «Եվրոպացիները մեզ մարդ չհաշվեցին»: Հայկական պատվիրակության ներկայացրած փաստաթուղթը կոնգրեսի կողմից ուշադրության չարժանացավ:

* * *

Գորշակովը Ալեքսանդր II-ին գրեց. «Բեռլինի կոնգրեսը իմ ծառայության կարիերայի ամենասև էջն է կազմում»²¹:

Բեռլինում կատարվեց պատմության մեջ հազվագեղ հանդիպող մի երևույթ, երբ պատերազմող ազգերի աթոռները զբաղեցրել էին պատերազմին մասնակցություն չունեցած երկրների ներկայացուցիչները, որոնցից ոմանք, առանց մի կաթիլ արյուն թափելու, կարկանդակի ամենախոշոր պատանները ստացան:

Ռուսական զենքի հաղթանակի արդյունքն ի վերջո եղավ այն, որ Ավստրո-Հունգարիան ստացավ 1093 քառ. միլ, Անգլիան՝ Կիպրոսը, իսկ Ռուսաստանը՝ ընդամենը 636 քառ. միլ:

Կոնգրեսի վերջում, 1878 թ. հուլիսի 17-ին, լորդ Սոլսբերին առաջարկեց զբաղվել Սան Ստեֆանոյի տրակտատի 16-րդ հոդվածով: Իսկ հուլիսի 22-ին նրա առաջարկությամբ կոնգրեսը ընդունեց 61-րդ հոդվածի ձևակերպումը, որն իրար հետ համաձայնեցրել էին Անգլիան ու թուրքիան:

Կոնգրեսի 61-րդ հոդվածում խոսքն արդեն ոչ թե Հայաստանի, այլ «հայաբնակ շրջանների» մասին էր: Ահա այն. «Ք. Դուռը պարտավորվում է, առանց հետագա հապաղման, հայաբնակ շրջաններում իրագործել տեղական կարիքներից ելնող բարվոքումներ ու բարենորոգումներ և ապահովել հայերի անվտանգությունը շերքեզներից ու քրդերից: Այդ նպատակով ձեռնարկված միջոցառումների մասին Ք. Դուռը պարբերաբար պետք է հաղորդի տերություններին, որոնք կհետևեն դրանց իրագործմանը»²²:

Սա այն էր, ինչ երազում էր Արդույ Համիդը: Իսկ արյունարբու սուլթանը երազում էր ազատվել ռուսական բանակի ներկայությունից, որովհետև միայն այդ դեպքում էր նա դառնում դրություն տերը և հնարավորություն ստանում իրականացնելու իր դիվային ծրագրերը:

Հատկանշական մի մանրուք: Վեհաժողովի ավարտին Բիսմարկը օսմանյան պատվիրակությանն ասաց. «Հիմա գոհ պետք է լինեք, ձեզ 20 տարվա խաղաղություն ապահովեցինք: Այդ ժամանակաշրջանը պետք է օգտագործեք ձեր ստանձնած բարենորոգումները իրականացնելու համար»: Ապա նա քմծիծաղով ավելացրեց. «Ոչ թե հավատացած, այլ վստահ եմ, որ ոչ մի բան չեք անելու»²³: Նա դրանում համոզված էր, չէ որ «իրավունքը հզորինն է»:

Սուլթան Համիդն ու Բիսմարկը իրար լավ էին հասկանում: Բեռլինի կոնգրեսում օսմանյան դիվանագիտության խոշոր հաջողությունը պետք է համարել ոչ միայն այն, որ նա, օգտագործելով մեծ տերությունների միջև եղած հակասությունները, խափանեց Սան Ստեֆանոյի պայմանագրի շատ կետեր, այլև, խաղալով հայ հասարակական ու հոգևոր գործիչների քաղաքական միամտության, դիվանագիտական անփորձության և անհեռատեսության վրա, կոնգրեսում տպավորություն ստեղծեց, թե հայերը ապստամբական տրամադրություններ, Օսմանյան կայսրության կազմից դուրս գալու դիտավորություններ ունեն: Հայը հռչակվեց որպես «ապերախտ» ազգ:

Բայց այդ ապերախտության՝ հայկական ինքնավարության գաղափարի հեղինակը ոչ այլ ոք էր, քան հենց ինքը՝ Արդույ Համիդը: Բանն այն է, որ Բեռլինի կոնգրեսի նախօրյակին սուլթան Համիդը ռուսների առաջխաղացումը կասեցնելու և հայկական հողերն իր ձեռքում պահելու նպատակով առաջարկեց Կ. Պոլսի հայ հոգևոր ղեկավարներին, որ նրանք բանակցությունների ժամանակ պահանջեն հայկական ինքնավարություն՝ Թուրքիայի կազմում: Դրանով նա, ինչպես իրավացիորեն նշում է Գր. Զոհրապը, ուզում էր Ռուսաստանի դեմ ստեղծել «տեսակ մը պատենչ պետություն»:

Բայց, երբ Բեռլինի կոնգրեսը հարցերը լուծեց Թուրքիայի օգտին, սուլթանը հետ կանչեց հայկական պատվիրակությանը Բեռլինից և հրաժարվեց հայկական ինքնավարության ստեղծումից:

Արդույ Համիդի այս վարքագիծը ուներ նաև մի այլ պատճառ: Նա մտադիր էր ոչնչացնել հայերին, և հայկական պատվիրակության առաջարկությունները հարմար առիթ էին կոտորածների քաղաքականությունը դրսի աշխարհին ներկայացնելու որպես հայերի ապստամբությունները սանձահարող պատժողական միջոցառում: Նույն այդ նպատակով Համիդը կեղծեց կայսրության բնակչության ազգային կազմն արտահայտող թվերը և մեծ տերություններին համոզում էր, որ «հայերը վեց նահանգներից ոչ մեկում մեծամասնություն չեն կազմում և ինքնուրույն իշխանության կորիզ լինել չեն կարող»: Նա դիմանական դեսպանին անկեղծորեն խոստովանեց. «Գերադասում եմ մեռնել, քան թե նման (բարենորոգումների) պահանջներին ընթացք տալ»:

Հունգարացի արևելագետ Ա. Վամբերին 1889 թ. հոկտեմբերի 22-ին հաղորդում է Լոնդոն, թե սուլթանը զրույցի ժամանակ իրեն ասել է. «Պատմիր քո անգլիացի բարեկամներին, մասնավորապես լորդ Սոլսբերիին, որի նկատմամբ մեծ հարգանք ունեմ, որ ես... ավելի շուտ թույլ կտամ գլուխս մարմնիցս պոկեն (այստեղ նա ավելի գրգռված դարձավ), քան թույլ կտամ ստեղծելու անկախ Հայաստան»²⁴:

Այդ նկատի ունենալով, սովետական պատմաբան Գ. Կ. Երեմենը իր «Թուրքերի ծագումը» գրքում գրում է. «Քրիստոնեական փոքրամասնության նկատմամբ Արդույ Համիդը իրականացնում էր սանձարձակ շովինիստական քաղաքականություն», որոշելով «Հայկական հարցին վերջ դնել հայերին ոչնչացնելու միջոցով»²⁵:

Իզուր չեն ասել՝ «Կեղծել գիտենալը արքայի հատուկությունն է»:

Դեռ 1877 թ. Համիդը, ընդունելով Կ. Պոլսի հայոց պատրիարքին, ասում է. «Իմ հայ ազգի որդիներից շատ գոհ եմ և նրանցից (հայերից) շատ շնորհակալ եմ: Խնդրում եմ, որ ազգին հաղորդես իմ շնորհակալություններն ու սերը... Գիտեմ, որ հայ ազգը այս պատերազմի պատճառով շատ նեղություններ է կրել, բայց պետք է հաստատ իմանա, որ այս բոլոր տառապանքների փոխարեն շատ լավ օրեր է տեսնելու և իր հավատարմության պտուղը պիտի վայելի և բախտավոր լինիս Բուրբ հպատակներիս սիրում եմ, մանավանդ հայ ազգին...»²⁶:

Համիդը հավատարիմ է իրեն: Նա առանց կարմրելու ստում.

էր: Չէ որ «ճանճերին միայն մեղրով կարելի է բռնել» (Աբղու շամիդ):

Հայկական գործերում բացասական լուրջ դեր խաղաց հատկապես Կ. Պոլսում Անգլիայի դեսպան Հենրի Լեյարդը, որ մեծ ազդեցություն ուներ թուրքական կառավարական շրջանների վրա և այդ պատճառով էլ ստացել էր «վիցե-սուլթան» անունը: Սա այն Լեյարդն է, որ նաև մի այլ մասնագիտություն ուներ: Նա շրջագայում էր Արևմտյան Հայաստանով, կողոպտում հայ մշակույթի արժեքները և դրանք վաճառում քրիստոնեական թանգարանին:

Լեյարդը Աբղու շամիդին ներկայացնում է որպես «երբևիցե իր տեսած ամենահաճելի մարդկանցից մեկը, բարի բռնկումների անձնավորություն»:

Գեսպանը Ռուսաստանի առաջխաղացման մոլի թշնամին էր, նա ձգտում էր Հայաստանը պահել Օսմանյան կայսրության կազմում և նրան ինքնավարություն տալ Անգլիայի հովանավորության ներքո, որ «կիսակեր ուսական առաջխաղացման» ճանապարհը: Իսկ ինչ վերաբերում էր Ռուսաստանի հովանու տակ Հայաստանի ինքնավարությանը, նա այն անվանում էր «աբսուրդ»՝ ուսանների բանասարկություն», որ կհարկադրեր Անգլիային Հնդկաստանի հետ կապ պահպանել միայն Հյուսիսային Սիրիայի միջոցով²⁷:

Լեյարդը պատրիարքին հավաստիացնում էր, որ Անգլիան որոշել է ստեղծել Հայաստանի բուֆեր պետություն՝ թե՛ հայերի բարեկեցության, թե՛ Հնդկաստան տանող ճանապարհի ապահովության համար²⁸:

Դրան ն. վարժապետյանը պատասխանեց. «Ոչ, ոչ, անգլիացիներն ու թուրքերն այժմ մեզ համար նույն բանն են, իսկ թուրքերից հայերը ոչ մի լավ բան սպասել չեն կարող»²⁹:

Եվ իրոք, վիցե-սուլթանը մի կողմից քաջալերում էր պատրիարքի ձեռնարկումները, իսկ մյուս կողմից՝ Սուլթանի ղեկավարում. «Հայերի համար ինքնավարությունը արտառոցություն է»³⁰: Պետերբուրգի «Գոլոսը» մեջ է բերել Լեյարդի խոսքերը. «Անգլիան երբեք չի համաձայնվի Հայաստանին ինքնավարություն տալ՝ դա կնշանակեր հայերին վերածել Ռուսաստանի զենքի»³¹:

Իսկ Սուլթանին ցինիկաբար հայտարարեց. «Հանուն քրիստոնեական

տոնյանների փրկության, մարդասիրական նկատառումներով իմ ձեռքը կանգ չի առնի ուսանների հետագա առաջխաղացումը կասեցնելու համար»³²:

Անգլիական կառավարությունը բացարձակապես չէր թաքցնում իր մարտնչող թուրքասիրությունը և հայտարարում էր. «Սուլթանի թշնամիները մեր թշնամիներն են, նրա բարեկամները՝ մեր բարեկամները»³³: Բանն, իհարկե, Անգլիայի թուրքասիրությունը չէր: Այդ թուրքասիրությունը նրան պետք էր կանխելու Ռուսաստանին, Հայկական բարձրավանդակը դարձնելով պլացդարմ նրա դեմ: Անգլիան հայերին պաշտպանելու վարագույրի հետևում, «Շնչացնելով Սան Ստեֆանոյի դաշնագիրը», այդ նույն հայերին հանձնեց թուրքերին՝ հոշոտելու «Անգլիացիները կեղտոտ ձեռքերով ու կեղտոտ նպատակներով իրենց ձեռքն առնելով օգնության սուրբ գործը, հայերին մատնեցին դառնագույն դժբախտության և եվրոպայի աչքում կեղտոտեցին այդ ազգի մաքուր գործը...»³⁴:

Հետագայում Լ. Ջորջը խոստովանեց. «Հայաստանը ողջակիզվեց մեր կառուցած հաղթանակի զոհասեղանի վրա: Բրիտանական կառավարության քաղաքականությունը ճակատագրական անխուսափելիությամբ հանգեցրեց 1895—1897 թթ., 1909 թ. սոսկալի շարժերին և 1915 թ. ամենասարսափելի կոտորածին»³⁵: «Անգլիական պատվիրակությունը Հայկական հարցը օգտագործեց սոսկ Ռուսաստանի դեմ թուրքիայում իր դիրքերն ամրապնդելու համար»³⁶: Եթե չլիներ Անգլիայի միջամտությունը, — շարունակում է Լ. Ջորջը, — ապա հայերի մեծամասնությունը կանցներ ուսական դրոշի պաշտպանության տակ³⁷:

Իրավացի էր լորդ Շերբուրկը, երբ 1878 թ. հայտարարեց՝ անգլիական քաղաքականությունը թուրքիայի քրիստոնյանների առաջ «իսկեց դժոխքից դուրս գալու ելքը»³⁸:

Ռուս հրապարակախոս Վ. Ա. Գոլյատրեմը գրում է. «Այժմ մենք՝ ուսաներս, պարտավոր ենք հայկական սուրբ գործը առանձնացնել Անգլիայի կեղտոտ նպատակներից, պետք է օգնության (հայերի) այդ ճիշին արձագանքենք, պետք է մեր պաշտպանության տակ առնենք մեր տառապյալ եղբայրներին...»³⁹:

Հատկանշական էր, որ Բեռլինի կոնգրեսի նախօրյակին եվրոպական բոլոր մեծ տերությունների պալատներում հայկական պատվիրակությանն ընդունելով առատ խոստումներ

տվեցին: Գերմանիայի կայսրուհին, լսելով հայերի տանջանքները մասին, նույնիսկ լաց եղավ և կայսեր անունից հուսադրեց հայերին:

Ճրանսիայի արտաքին գործերի մինիստր Վ. Հ. Վագդինդտոնը խոստացավ ոչ միայն պաշտպանել հայերի խնդրանքները, այլև միջնորդել մյուս պատվիրակությունների առաջ քվեարկելու դրանց օգտին: Բայց հետագայում, երբ կոնգրեսի արձանագրությունները հրապարակվեցին, պարզվեց, որ նա կոնգրեսում հայերի օգտին ոչ մի խոսք չէր ասել:

Իտալիայի արտաքին գործերի մինիստր Կորտին նույնիսկ գաղափար չուներ, թե հայերը Օսմանյան կայսրության եվրոպական, թե ասիական մասում են ուզում ինքնավարություն ունենալ:

Բեռլինում հայկական պատվիրակությունը հարկադրված էր հանդես գալ ոչ թե մարտիկի, այլ մուրեղի դերում: Այդ նկատի ունենալով էր, որ Բիսմարկը հրիմյանին ասաց, որ որևէ քաղաքական իրավունք պահանջելու համար կոնգրեսին պետք է ներկայանալ ոչ թե որպես հաշտվողական մուրափող, այլ այնպես, ինչպես Չեռնոգորիայի ներկայացուցիչը՝ հաղթական սրով:

Եվրոպական տերությունների մասին Գ. Սրվանձտյանցը գրել է. «Այդ կեղծ բարեկամները ոչ հայի հորեղբայրն էին, ոչ հայի քեռին, այլ ավելի ճարպիկ որսորդներ ու մսագործներ, որ մեզ էրիվայրի (գրաստի), պատրաստ ոչխարների և պարարակ (կթու) կովերի տեղ դնելով ուզում են մեր փարափից խրտնացնել-հեռացնել և իրենց՝ ձեռքը ձգելով սպանդի մատնել...»⁴⁰:

Տարիներ անց Արշակ Չոպանյանը գրեց. «Հարկ է ընդունել, որ անգլիական դիվանագիտությունը հայերի սրբազան իղձերի թշնամին է, մինչդեռ Ռուսաստանը իր շահերով հայերի դաշնակիցն էր և համաձայն էր ստեղծելու բարենպաստ պայմաններ Հայաստանում իսկական խաղաղություն ապահովելու համար»⁴¹:

Է. Դիլոնը նշում է, որ Մեծ Բրիտանիայի կառավարությունը հրաժարվեց ճանաչել Սան Ստեֆանոյի պայմանագիրը և սուլթանի քրիստոնյա հպատակներին թույլ չտվեց օգտվել ռուսական քաղաքականության բարյացակամությունից: Նա փաստորեն պնդում էր, որ հայ ժողովուրդը վերստին մնա իր «կուտազի թշնամիների» ձեռքում: Դիլոնը անգլիական կառավարու-

թյան քաղաքականությունը համեմատում է այն վիրաբույժի հետ, որը վտանգավոր վիրահատությունից առաջ հիվանդի վրա դժվար փորձ է դնում՝ «տառապյալի կյանքի փրկության անհրաժեշտության» նպատակով, իսկ ինքը շուտ գալով հեռուում է՝ «նրան թողնելով արյունաքամ, մահվան ճանկերում»:

«...1878 թ. մեր (Անգլիայի) միջատմության հետևանքով... հայկական հինգ նահանգներում հաստատվեց կառավարման գազանային համակարգ, որի համեմատությամբ հարավային շտատների դաժան ստրկատիրական համակարգը սոսկ անշան շարաշահում էր: Մենք հանդիսավոր կերպով ոչնչացրինք քավարանը և էն գլխից նպաստեցինք դժոխքի ստեղծմանը... Թույլ տվեցինք, որպեսզի հիմար կառավարման անկարգ համակարգը աստիճանաբար վերածվեր անխնա ոչնչացման սատանայական քաղաքականության»⁴²:

Ռուս ճանապարհորդ Ա. Էլիսեն Բեռլինի կոնգրեսի 61-րդ հոդվածի կապակցությամբ սրամտել է. «Այդ հոդվածը իսկապես հայերի շրթունքները թրջեց, առանց նրանց ծարավը հագեցնելու»⁴³:

Պատկերավոր ու ճիշտ է ասված՝ եվրոպական պետությունները «հայերի արյունով իրենց մանածը ներկողներ էին»⁴⁴:

Իրավացի են սովետական պատմաբանները, երբ գրում են. «Բեռլինի կոնգրեսը հայ ժողովրդի զգալի մասին թողեց թուրքերի ճնշման տակ: Պատմությունը ցույց տվեց, որ կապիտալիստական տերությունների որոշումը ճակատագրական եղավ թուրքահայերի համար: Այն թուրքահայերին մատնեց ֆիզիկական ոչնչացման»⁴⁵:

61-րդ հոդվածը հայերի շրջանում խուճապ առաջացրեց: Սկսվեց զանգվածային արտագաղթը: Այդ օրերին «Մշակի» թղթակիցը Կարինից գրեց, որ քաղաքը թուրքերին վերադարձնելու լուրն իմանալուց հետո, «ինչ աղմուկ, շփոթմունք և հուսահատություն էր, որ տիրեց բոլորին... սուր ու մահ աչքերի առաջ, բոլոր գյուղացիք ահա պատրաստվում են, այլևս ոչնչի մասին չմտածելով, «փախի-փախչենք» ասելով ճանապարհ ընկնելու մեր հետևից՝ քաղցած, անոթի, մերկ ու տկլոր»: Եվ ապա՝ «Թող միայն տեսնեն, թե ինչ հուսահատության ու տագնապի մեջ է տարաբախտ ժողովուրդը, որի ականջը միայն մի սպառնալիք է լսում, իսկ աչքը փախուստի վատ օրինակներ է տեսնում, որին

անգնն գտնելով՝ ամեն կողմից կրկնում են, թե մոտ է արդեն այն օրը: Երբ հայի արյունով պիտի ցեխ շաղախեն, իսկ մարմիններից սարեր կառուցեն»⁴⁶:

Զ. Բրայսը Բեռլինի կոնգրեսին հաջորդած տարիները բնութագրեց որպես «թշվառության, շարդի, մարտիրոսության, հոգեվարքի, հուսահատության տարիներ»:

Բեռլինի կոնգրեսի որոշումները սաստկացրին Արդուլ Համիդի հակահայկական գործունեությունը: Կոնգրեսն ազատություն տվեց սուլթանի ձեռքերին:

Կոնգրեսից հետո թուրք կառավարության միակ նպատակը դարձավ ամեն կերպ գաղտնի և բացահայտ միջոցներով բնաջնջել հայ ազգաբնակչությանը, որով, ինքնըստինքյան և առանց արտաքին միջամտության, վճռված կլինեի Հայկական հարցը:

Գ. Օտյանը դառնություններ գրեց, որ հաջողվեց 61-րդ հոգվածը դնել, և հազիվ թե հաջողվի այն ջնջել⁴⁷: Խրիմյան Հայրիկն ասաց. «Այդ հողվածը հայերի գլխին փորձանք պիտի դառնա»⁴⁸: Հետագայում Ց. Նանսենը բացականչեց. «Վա՛յ հայ ժողովրդին, որ մտավ եվրոպական քաղաքականության մեջ: Հայ ազգի համար շահեկան կլինեի, եթե իր անունը եվրոպական ոչ մի դիվանագետի շուրթերին չլինեի»⁴⁹:

«Մշակ» թերթը գրեց. «Ազատություն ստանալու համար զենք պետք է գործածվի... եթե Հայաստանը չփրկվի, գոնե ավելի լավ կյանք կունենա»⁵⁰:

Այսպես միջազգային քաղաքականության ասպարեզ նետվեց Արևելյան հարցի բաղկացուցիչ մասը կազմող Հայկական հարցը:

Այսպիսով, XIX դարի երկրորդ կեսին, մի կողմից, Օսմանյան կայսրության ներքին ճգնաժամի, իսկ մյուս կողմից, Մերձավոր արևելքում մեծ տերությունների գաղութատիրական, դավթողական քաղաքականության հետևանքով թուրքական տիրապետության տակ գտնվող ժողովուրդների, մասնավորապես հայ ժողովրդի համար սկսվեց սոցիալական և ազգային ճնշումների ու հալածանքների նոր ժամանակաշրջան:

Սկսվեցին զուլումի տարիները:

1. Собрание договоров России с другими государствами, 1896—1917 гг. М., 1952, с. 168—169 կամ Հայ ժողովրդի պատմություն, հ. 6, Ե., 1981, էջ 110—111:

2. Ю. Веселовский, Очерки армянской литературы, истории и культуры, Е., 1972, с. 417.

3. Մշակ, 1878, № 23:

4. Մերձավոր և Միջին արևելքի երկրներ, պրակ 10, Թուրքիա, Ե., 1979, էջ 63:

5. Նույն տեղը, էջ 101:

6. А. Ротштейн, Международные отношения в конце 19-го века, М., 1960, с. 86.

7. Русская старина, 1906, январь.

8. Собрание договоров России с другими..., с. 176—180.

9. Նույն տեղը, էջ 178:

10. Н. Кравченко, Очерки истории международных отношений конца 19-го и начала 20-го веков. Саратов, 1925, с. 22.

11. ՀՍՄՀ ԳԱ ինֆորմացիոն բյուլետեն, 1984, № 7, էջ 26:

12. Գ. Եազեյան, Արդուլ Համիդ II կարմիր Սուլթան, Բեյրութ, 1980, էջ 180:

13. Նույն տեղը, էջ 229:

14. Նույն տեղը, էջ 210:

15. Նույն տեղը:

16. К. Маркс и Ф. Энгельс, Сочинения, т. 16, ч. 2, М., 1960, с. 32:

17. С. Жигарев, Русская политика в восточном вопросе, т. 2, М., 1896, с. 183.

18. Положение армян в Турции до вмешательства держав в 1895 году, М., 1896, с. 3.

19. Մերձավոր և Միջին արևելքի երկրներ, պրակ 10, էջ 106:

20. Մշակ, 1878, № 127:

21. Н. Кравченко. Очерки истории международных отношений..., с. 22.

22. Հայ ժողովրդի պատմություն, հ. 6, Ե., 1981, էջ 121:

23. Գ. Եազեյան, Արդուլ Համիդ..., էջ 232—233:

24. ՀՍՄՀ ԳԱ ինֆորմացիոն բյուլետեն, 1982, էջ 11:

25. Д. Еремеев, Этногенез турков, М., 1971, с. 198—199.

26. Հ. Երամյան, Նուշարձան Վան-Վասպուրականի, հ. Ա, Ալեքսանդրոպոլ, 1929, էջ 99:

27. Մերձավոր և Միջին արևելքի երկրներ, պրակ 10, էջ 102:

28. Լեո, Թուրքահայ հեղափոխության գաղափարաբանությունը, հ. Ա. Փարիզ, 1934, էջ 81:

29. Մշակ, 1878, № 127:

30. Գ. Եազեյան, Արդուլ Համիդ..., էջ 245:

31. Մերձավոր և Միջին արևելքի երկրներ, պրակ 10, էջ 107:

32. Նույն տեղը, էջ 102:

33. Մ. Ներսիսյան, Հայ ժողովրդի ազատագրական պայքարը թուրքական բռնակալության դեմ 1850—1870 թթ. Ե., 1955, էջ 313:

34. Братская помощь пострадавшим в Турции армянам. Введение, М., 1897, с. 9.

35. Л. Джордж, Правда о мирных договорах, т. 2, М., 1957, с. 390.
 36. Նույն տեղը, էջ 390:
 37. Նույն տեղը, էջ 332:
 38. Լեո, Գլադատոն, Քիֆլիս, 1899, էջ 201:
 39. Братская помощь..., Введение, с. 9.
 40. Գ. Սրվանձտյանց, Քորոս Աղբար Հայաստանի ճամփորդ, մասն Բ, Կ. Պոլիս, 1884, էջ ԺԷ:
 41. Մշակ, 1878, № 127:
 42. Братская помощь..., ч. 2, с. 12.
 43. Գ. Եազճյան, Արդու Համիդ..., էջ 267:
 44. Նույն տեղը, էջ 276:
 45. История дипломатии, т. 2, М., 1963, с. 333.
 46. Մշակ, 1878, № № 137, 151:
 47. Ա. Ալպոյաճեան, Պատմություն Մալաթիոյ հայոց, Ինչորթ, 1961, էջ 836:
 48. Գ. Եազճյան, Արդու Համիդ..., էջ 271:
 49. Նույն տեղը:
 50. Նույն տեղը, էջ 273:

ՉՈՒՆՈՒՄԻ ՏԱՐԻՆԵՐ

Վ. Ի. Լենինը օսմանյան տիրապետությունը բնութագրել է որպես «բռնապետական» և «զարհուրելի ուժով», որը Կ. Մարքսի խոսքերով «լուրջ արգելք է եվրոպական առաջադիմության համար»¹: Եվ իսկապես, մոտ 600 տարի գոյատևած Օսմանյան կայսրությունն արգելակեց իր տիրապետության տակ գտնվող ժողովուրդների զարգացումը: Զենքի ուժով ստեղծված այդ տերությունը երբեք ներքնապես չամրապնդվեց, ապրեց ճգնաժամի և անկման երկարատև պրոցես:

Մինչև XVII դարը օսմանյան պետության և ֆեոդալների եկամտի գլխավոր աղբյուրը պատերազմն էր: Տիրապետողը թիմարական և զիսմեթական հողատիրությունն էր, որոնց ծնունդը կապված էր նոր հողերի նվաճման հետ: Զինվորական ծառայության դիմաց բանակի հրամանատարական կազմին տրվում էր հողամաս, որը կոչվում էր թիմար ու զիսմեթ: Այդ նոր գրավված հողերից հատկացվում էին նաև արքունիքին ու բարձրաստիճան պաշտոնյաներին, որոնք անվանվում էին խաս և հոգևորականությանը՝ վակֆ: Այսպիսով, կայսրությունում հողատիրության և հողօգտագործման ձևերը ծնվում և հաստատվում էին նվաճումների միջոցով ու նրանց զուգընթաց: Հենց

այդ էլ հանդիսանում էր ռազմակալվածատիրական հողատիրության ձևավորման ու զարգացման հիմքը:

XIX դարում այդ հողատիրությունը ճգնաժամ էր ապրում և գլխավոր պատճառներից մեկն այն էր, որ Օսմանյան թուլացած կայսրությունը այլևս անկարող էր նոր զավթումներ կատարել: Եկել էր ժամանակը, երբ նա հարկադրված էր մեկը մյուսի հետևից կորցնել նախկինում նվաճված երկրները:

Բացի դա, կայսրությունը այդպես էլ չթոթափեց ֆեոդալիզմի հետամնաց գործոնների ազդեցությունը: Այդ գործոններից մեկը վաչկատուն ցեղերի շղաղարող տեղաշարժերն էին, որոնց հետևանքը եղավ տնտեսական քայքայումն ու սոցիալական հետադիմությունը:

Սոցիալ-տնտեսական ու քաղաքական ճգնաժամերի զարգացումն ու խորացումը հետևանք էին նաև հողի պետական սեփականության և հարկերի գանձման կապալային ձևերի: Պակաս կարևոր չէր նաև այն, որ մահմեդական վերնախավի մենաշնորհն էին դարձել պետական, վարչական, ռազմական գործը, երկրի կառավարումը, իսկ տնտեսական կյանքը վստահվել էր ռայային, այսինքն ոչ մահմեդական ժողովուրդներին:

Կայսրության ռազմակալվածատիրական համակարգը կասեցնում, խոչընդոտում էր արտադրողական ուժերի ու կապիտալիստական արտադրահարաբերությունների զարգացումը:

Յ. Էնգելսը նշում է. «Թուրքական, ինչպես և արևելյան ցանկացած բռնատիրություն անհամատեղելի է կապիտալիստական հասարակության հետ. քամած հավելյալ արժեքը ոչնչով երաշխավորված չէ սատրապների ու փաշաների գիշատիչ ձեռքերից: Բացակայում էր բուրժուական ձեռներեցության համար առաջին և գլխավոր պայմանը՝ առևտրականի անձի ու նրա սեփականության անվտանգությունը»²:

Մյուս կողմից, Օսմանյան կայսրությունում ռազմաֆեոդալական հարաբերությունները խճճված էին ներքին և արտաքին հակասությունների մեջ, որոնք XIX դարի երկրորդ կեսին արտահայտվեցին սոցիալական ու քաղաքական խոր ճգնաժամով: Հասարակության մի բևեռում ստվարանում էր օսմանյան պորտաբույծ ու կաշառակեր վերնախավը, իսկ մյուս բևեռում՝ թուրք, արաբ, հայ, քուրդ ու մյուս ազգերի, շահագործման միջնադարյան մեթոդների տակ կռացած, խավարի ու տգիտու-

Յյան մեջ ընկղմված գյուղացիական զանգվածները, քաղաքային պրոլետարական ու լյուսպենպրոլետարական տարրերը:

Հասարակական այս երկու հակոտնյա խմբավորումների միջև, հայացքը վերնախավին հառած, վեր էին բարձրանում գյուղացիական տնտեսություններից, առևտրականներից, վաշխատուներից ու արհեստավորներից շահույթներ կորզելու միջոցով հարստացած բուրժուական տարրերը և կալվածատիրական ծագում ունեցող առևտրավաշխատուական բուրժուազիան:

Իսկ ահա կայսրության հասարակական բոլոր խավերը, գրվածապես աշխատավորական զանգվածները, կթված էին սուլթանական արքունիքի անհազ շտաբայությունների տակ: Թե ինչ ծավալներ ունեին դրանք, բերենք միայն մի քանի օրինակներ: Սուլթան Ազիզը իր դստեր ամուսնության համար ծախսեց 40 միլիոն ֆրանկ: Սուլթանի պալատին բավարարելու նպատակով ամեն օր մորթվում էր 500 ոչխար, օգտագործվում 1500—2000 օխա կարագ: Պոլսի ամբողջ ազգաբնակչությունը մեկ ամսում ավելի քիչ սուրճ էր օգտագործում, քան պալատը սպառում էր մեկ օրվա ընթացքում: Պալատական ձիերի մեկ օրվա դարու պաշարը շաբաթներով կբավարարեր մի քանի հեծելազորային գնդի:

Սուլթանական պալատում ծառայողների թիվը հասնում էր 15 հազարի, որից 7000-ը սուլթանի թիկնապահ զորքն էր:

Աբդուլ Համիդ II-ը, որպես աշխատավարձ, պետական քանձարանից տարեկան ստանում էր 25 միլիոն ֆրանկ: Այս գումարի մեջ շէին մտնում սուլթանի ստացած մեծաքանակ նվերները, քյոշքերի, մզկիթների և այլնի շինարարության ծախսերը:

Սուլթանը միաժամանակ երկրի խոշոր կալվածատերն էր. նա կայսրության տարբեր մասերում ուներ լայնածավալ և բերքի ցանքատարածություններ, այգիներ ու արոտավայրեր: Նա և երկրի ազգաբնակչության միայն 5 տոկոսը կազմող խոշոր հողատերերը իրենց ձեռքում էին պահում մշակելի հողերի 2/3-ը, իսկ գյուղացիական տնտեսությունների 87 տոկոսին պատկանում էր հողերի միայն 30 տոկոսը:

Կայսրությունը Աբդուլ Համիդի սեփականությունն էր, իսկ նրա ազգաբնակչության գլխավոր հոգսը՝ սուլթանի պահանջ-մունքների բավարարումը: Ծվ նա կողոպտում էր երկիրը, կողոպտում բռնագրավումների, կաշառքների, զանազան խարդախ

գործարքների, ինչպես նաև աշտոններ վաճառելու միջոցով: Կեղեքել հասարակությանը, ապրել պերճանքի ու ճոխության մեջ՝ սա էր երկրակալի ու նրա ընտրյալների գլխավոր ու միակ հոգսը: Ուստի պատահական չէր, որ գնալով արքունիքի ծախսերը մեծանում էին:

Այսպես, միայն 1891 թ. սուլթանի պալատը իր կարիքների համար ծախսեց ավելի քան 200 միլիոն ֆրանկ, որից կահույք ու կահկարասի գնելու համար՝ 7 միլիոն, սննդամթերքի ծախսերը կազմեցին 80 միլիոն, պալատի կենդանիների ու ձիերի խնամքը՝ 3 միլիոն, հարեմին հատկացվեց 49 միլիոն, ժամանցների ու խրախճանքների համար՝ 30 միլիոն: Հստ որում, այս գումարներից միայն աշխատավարձի ու պարգևատրությունների վրա ծախսվում էր 35 միլիոն, իսկ հարեմից թողակի անցած կանանց վրա՝ 28 միլիոն ֆրանկ: Սուլթանի ու նրա պալատի ծախսերը կազմեցին կայսրության եկամուտների 1/7 մասը:

Արքունիքում կար 1000 մատուցող, 800 խոհարար, 400 կրածիշտ, իսկ հարեմի համար՝ 300 ներքինի: Պալատը տարեկան խժռում էր մեկ միլիոն գառ ու ոչխար:

Պատահական չէ, որ այս պայմաններում զանձատունը միշտ դատարկ էր ու պետությունը՝ պարտքերի մեջ խրված: Հստ որում, կառավարությունը պարտքեր էր վերցնում ոչ միայն երկրի փողատեր հարուստներից, այլև եվրոպական երկրներից: Սկսած XIX դարի 50-ական թվականներից, օսմանյան պետության արտաքին պարտքերը ոչ մի տարի չիջան 200 միլիոն ֆրանկից: Օգտվելով այդ վիճակից, օտարերկրյա կապիտալիստական ընկերությունները ստեղծեցին Օսմանյան պարտքերի վարչություն, որն իր բաժանմունքներն ուներ վիլայեթներում ու կազաններում և վերահսկողության տակ էր վերցրել կայսրության էկոնոմիկան: 1913 թ. այս վարչության ձեռքում էր Թուրքիայի ամբողջ եկամուտի 1/3-ը: Դա Թուրքիայի կիսագաղութացման ուղու սկիզբն էր:

Անընդհատ ուռճանում էր պետական ապարատը: Եթե 1790-ական թվականներին կառավարության գրասենյակներում աշխատում էր 1000—1500 մարդ, ապա 1890-ական թվականներին դրանց թիվը հասավ 100 հազարի:

Վարչական ապարատի ամենաբազմանդամ օղակը լրտեսների բանակն էր: Աբդուլ Համիդի լրտեսների թիվը հասնում էր 43 հազարի, որոնց վարձատրման համար ծախսվում էր 8

միլիոն ոսկի: Միայն սուլթանական պալատում նա պահում էր 3000 լրտես: Ստեղծվել էր համընդհանուր լրտեսություն մի վիճակ, երբ «ծառան մատնում էր իր տիրոջը, որդին՝ հորը, տերը ծախում էր իր ծառաներին, իսկ հայրը՝ որդիներին»: Լրտեսական հսկողության տակ էին բոլոր մեծ ու փոքր պաշտոնավորները, մտավորականությունը՝ թե՛ երկրի ներսում, թե՛ արտասահմանում⁴:

Գործնականում ինքը՝ Համիդն էր ոստիկանության և լրտեսության անմիջական պետը, որոնցից նա պահանջում էր կույր հնազանդություն: Սուլթանը լրտեսների գործունեությունը հրկում էր անձամբ, նախանձախնդրությամբ կարգում նրանց զեկուցագրերը և տեղյակ էր ոչ միայն երկրի ներսում, այլ նաև արտասահմանում կատարվող քիչ թե՛ շատ կարևոր բոլոր իրադարձություններին: Լրտեսների վրա լրտեսներ էին նշանակված, լրտեսում էին բոլոր մինիստրությունների ու գերատեսչությունների ղեկավարներին: Վարչապետն ու նախարարները խուսափում էին կարծիք հայտնելուց, որովհետև, եթե նրանց կարծիքները համընկնում էին, սուլթանը դրա մեջ դավադրություն էր տեսնում: Մինիստրներին արգելված էր աշխատավայրից դուրս որևէ մեկի հետ հանդիպել:

Անգլիացի հրապարակախոս Ռիչարդ Դեյվիսն նկատում է, որ Աբդուլ Համիդ II-ը, իր ձեռքում կենտրոնացնելով բացարձակ իշխանությունը, երկրում իրականացրեց «երկու սարսափելի քաղաքականություն»՝ լրտեսության համակարգի ստեղծումը, որ նույնիսկ քաղաքականության հետ ամենահեռավոր կապ ունեցող մարդկանց կյանքն էր դարձրել անտանելի, և գրաքննությունը, որի հիմարությունները նույնիսկ անհնար է նկարագրել: «Լրտեսության համակարգը երկրում անկարգությունների ու ապօրինությունների պատճառներից մեկն էր: Երբ մարդուն վճարում են, որպեսզի նա լրտեսի իր հարևաններին, եթե անգամ հայտնելու ոչինչ չունենա, ապա ինքը ինչ-որ բան կհնարի»:

Լրտեսների ցանցը սարգոստայնի նման իր մեջ էր առել ամբողջ կայսրությունը: Լրտեսները հեղինակ էին բազմաթիվ դիվերսիաների, ապօրինությունների ու բռնությունների: Ստեղծվել էր մի շնչահեղձ մթնոլորտ: Կարմիր ֆեսավորները սովերի նման մայրաքաղաքի պողոտաներն էին շափում՝ նորանոր զոհեր որսալու նպատակով:

Համիդը հաճախ էր կրկնում. «Ուզում եմ, որ այսինչ անձը գոյություն չունենա իմ կայսրության մեջ»: Այս խոսքերը իրականում մահվան յուրատեսակ վճիռ էին, և սուլթան անձը ոչընչացվում էր: Սուլթանին կից գործում էր վարձկան մարդասպանների մի խումբ: Երբեմն դատավարությունները կազմակերպվում էին պալատում, դրանց, վարագույրի հետևում ծալոված, մասնակցում էր նաև սուլթանը: Այդ դատավարությունների ժամանակ մեծ տեղ էին հատկացվում խոշտանգումներին: Սուլթանին հրճվանք էին պատճառում դատապարտյալների աղիողորմ կանչերը, խալիֆան, կատաղության փրփուրը բերանին, իր վրեժն էր ծամում ատամներով՝ արբենալով դատապարտյալի արձակած խուլ աղաղակներից և ամենայն սառնասրտությամբ ու դիվային ծաղրով իր անողոք ոխի հեշտանքն էր վայելում:

Ձգացմունքներից զուրկ ոճրագործը սիրում էր կրկնել՝ «վրեժխնդրությունը մի կերակուր է, որը պետք է սառը-սառը ճաշակել»:

Կաշառակերությունը, այլասերումն ու քայքայումը բռնկ էին Օսմանյան կայսրության կոկորդից և, ինչպես Աթաթուրքն էր ասում՝ «դրանք մեր մեծ երկրին և մեր մեծ ժողովրդին կորստի հասցնող հիմնական գործոններն էին»⁵:

Ինքը՝ Աբդուլ Համիդ II-ը, խոստովանում էր. «Ես գիտեմ, որ իմ շուրջը բոլորը թալանում են և նույնիսկ հսկայական հարստություններ են դիզում՝ շորթումներով ու կաշառքով: Բայց թուրքիայում չկան մարդիկ, որոնք, եթե հանգամանքները նրանց թույլ տան, չեն թալանի: Ես նախընտրում եմ իշխանության ղեկին թողնել հին թալանչիներին: Նրանք արդեն հարուստ են, դիզել են իրենց հարստությունը և եթե շարունակում են թալանել, ապա այնպիսի շափերով, որոնք ինձ հայտնի են: Փոքր կաշառք նրանք չեն վերցնի: Իսկ նոր անձնավորությունները քաղցած են, չբավարարված ախորժակով և, իհարկե, թալանելու են ավելի շատ, մինչև որ կշտանան... հենցին ևս իմ ձեռքում եմ պահում... իրենց կամքից անկախ նրանք ինձ հավատարիմ են, նոր մարդկանց հավատարմությանը, եթե նրանք կորցնելու բան չունեն, ևս չեմ հավատում:

Մեր անբախտ ելումուտի պատճառով, — շարունակում է Համիդը, — երբեմն վճարումները հետաձգվում էին: Ընտանի-

քը քաղցած է, հետևաբար բախշիչը (կաշառքը) կարող էր օգտակար լինել... Մեզ մոտ ամեն մի պաշտոնյա իրավունք ունի բախշիչ պահանջելու»⁶:

Սուլթանի անձնական քարտուղար Իսմեթ փաշան, պետական գանձարանից օտարերկրյա մի ֆիրմայի տուգանք վճարելու համար, գրպանում է 650 հազ. ֆրանկ, պետությանը հասցնելով 2,2 միլիոնի վնաս: Երբ սուլթանին այս փաստը հայտնի դարձավ, նա իր հիացմունքը հայտնեց Իսմեթ փաշային այդ ճարպկության համար: Հետագայում, երբ Իսմեթը Թուրքիայից փախավ, իր հետ տարավ մեքենայությունների ու զանազան խարդախությունների միջոցով դիզած 15 միլիոն ֆրանկ հարստություն: Գանձարանից 10 միլիոն ֆրանկ էր կողոպտել պետական դուլքերի մինիստր Մելհամմեհ:

Ֆինանսների և հասարակական աշխատանքների մինիստր Զիհնի փաշան կաշառքի նվազագույն չափ էր սահմանել՝ 500 հազ. ֆրանկ: Միայն Բաղդատի երկաթուղու շինարարությունից նա կորզել էր մեկ միլիոն ֆրանկ:

Սուլային նախարարության աշխատողները զբաղված էին նավատորմի թալանով ու սպեկուլյացիայով: Վաճառքի էր հանվում ամեն ինչ՝ սկսած «կոշումներից, պաշտոններից, հումքից, վերջացրած շոգենավերի ծխնելույզներով»: Գնումներ կատարելու և պատվերներ տալու համար մինիստրությանը հատկացված միջոցների ⁹/₁₀-ը յուրացվում էր⁷:

Կաշառակերությունից հատկապես տուժում էր բանակի մատակարարումն ու սպասարկումը: Իսկ բանակը կայսրության կյանքում վճռական գործոն էր: Զինված ուժերին ամեն տարի հատկացվում էր 100 միլիոն ոսկի, բայց, չնայած դրան, զինվորը թշվառ վիճակում էր: Այդպես էլ չհաջողվեց բանակը վերակառուցել: «Թուրքական բանակը,— գրում է գերմանական ռազմական մասնագետ Մոլթկեն,— այդ ռուսական պարեգոտն էր, Ֆրանսիական կանոնադրությունը, բելգիական զենքը, հունգարական թամբը, անգլիական սուրը, բացի ձլխարկից, որ թուրքական էր»:

Մոլթկեն բերում է բանակի վերակացուի օրինակը, որը Եղեպիսյում միայն մի քանի ամիս աշխատեց, բայց պաշտոնավարության այդ կարճ ժամանակը բավարար էր մեծ հարստություն դիզելու համար: Երբ նա այլ վայր աշխատանքի մեկնեց,

ապա 1000 ձիու կարիք ուներ այդ հարստությունները տեղափոխելու համար:

«Կաշառքը,— շարունակում է Մոլթկեն,— սովորություններից ավելի օրինական դարձավ: Ստորագաս պաշտոնյան չէր կարող մոտենալ վերագաս պաշտոնյային առանց որևէ նվեր տալու: Դատարանում դատախազի նվիրական պարտականությունը վճիռ արձակելը չէր, այլ նրա անձնական կամքը, անշուշտ, միշտ օրենքին և արդարությունը հակառակ... բայց կայսրության ամենամեծ կաշառակերը սուլթանն էր: Կուսակալության (պաշտոնի) վաճառքը, թեև սուլթանի համար եկամուտ էր, սակայն ինքնին անմարդկային էր: Կուսակալության (պաշտոնը) գնող փաշան այն հարյուրապատիկ տոկոսով վճարել էր տալիս խեղճ ժողովրդին... գանձած հարկերի հարյուրից միայն տասն էր կառավարության դրամարկղը մտնում»⁸:

Զուլումի տարիների ականատես գրող Խ. Ուշազըլզիզը գրում է. «Ամբողջ երկիրը, վիլայեթներից մինչև կազաներ, ներսից ու դրսից ուտում էին որդերը: Երկրի բոլոր հարստությունները կառավարությունը ուղղում էր պալատի անկուշտ երախը: Ծառաներն ընտրվում էին դավաճաններից, մինիստրները՝ գողերից, ստոր մարդկանց ու սրիկաներին շնորհվում էին բարձր պաշտոններ, շքանշաններ էին կախվում համազգեստներից, որոնց ներսում կեղտից բացի ոչինչ չկա...»⁹:

Չարաշահումների, անիրավությունների, ազգաբնակչության կեղեքումների զանգվածային բնույթ ստացած երևույթների առյուծի բաժնի հեղինակները պաշտոնատար անձինք էին: Պետական ապարատը զուրկ էր պատասխանատվության զգացումից ու կարգապահությունից: Ծաղկում էր պրոտեկցիոնիզմը:

Մի զինվորական բարձրաստիճան ծառայող մեղադրվում էր խոշոր շարաշահումների մեջ: Մեղադրանքը հաստատվում էր Բայց, որովհետև նա պալատում ուներ հովանավորող, պատժվեցին ստորագաս ծառայողները: Այդ նույն ժամանակ սուլթանի անձնական նավը Տրապիզոնի նավահանգստում սպասում էր այդ բարձրաստիճան պետին, որ նրան տանի մայրաքաղաք՝ պալատում ավելի բարձր պաշտոն զբաղեցնելու համար:

Պաշտոնյաների, մանավանդ կայմակալների կազմը հաճախ էր փոխվում:

Այսպես, Միդիայի օկրուգում 2 տարվա ընթացքում փոխվեց 5 կայմակամ, նրանցից ոչ մեկը իր պաշտոնը հեշտությամբ

չէր զիջում, մինչև որ մեկ անգամ ևս շրջեր իրեն վստահված օկրուզում՝ ամենատարբեր պատրվակներով շորթելով դրամներ: Ի՞նչավացի է վամբերին, երբ նշում է, որ կայմակամները գնում էին գավառները ոչ թե պաշտոնավարելու, այլ իրենց քսակները լցնելու և նորից կենտրոն վերադառնալու նպատակով¹⁰:

Կայսրության պաշտոնական անձանց նման վարքագծի պատճառներից մեկն այն էր, որ նրանք կանոնավոր աշխատավարձ չէին ստանում:

«Թուրքական կառավարությանը, — գրում է Լեյարզը, — ոչ մի փրկություն չկա, քանի դեռ նա չի վճարել այն աշխատավարձերը, որ նրանից պետք է ստանան զինվորները շորս տարվա իսկ զափթիները՝ երկու տարվա համար: Միծաղելի է խոսել ժանդարմերիայի վերակառուցման մասին, առանց նրան վճարելու»¹¹:

Սուլթանի քաղաքականությունը, իր ձեռքում կենտրոնացնելով պետական ողջ իշխանությունը, հանգեցրել էր երկակի կառավարության՝ պալատի և Բ. Դուան ստեղծմանը: Կառավարական ամբողջ մեքենան կենտրոնացված էր Բ. Դուան շրջանակներում: Այն բաղկացած էր մինիստրություններից և լրիվ կազմակերպված գերատեսչություններից, պետական խորհրդից և մինիստրների խորհրդից: Սակայն իրականում գոյություն ունեւր մի այլ կառավարություն Ելտզի պալատում, որն ավելի հզոր էր, քան պաշտոնական կառավարությունը: Այն կազմված էր հարեմի կանանցից, պալատականներից, մուլաններից, ներքինիներից, աստղագետներից, մյուս տարրերից և աջակցություն էր ստանում զազանի ոստիկանությունից, որը սկսած մեծ վեզիրից ոչ ոքի չէր խնայում: Կայսրության ընդհանուր քաղաքականությունը որոշում էր այս կառավարությունը, և կարևորագույն պետական խնդիրները հաճախ քննարկվում էին առանց Բ. Դուան բարձրաստիճան գործիչների: Հազիվ թե հարկ լինի ապացուցել, որ Բ. Դուաը և պալատը լարված հարաբերությունների մեջ էին և մեկը մյուսին խոչընդոտում էին գործելու:

Սուլթանը իրեն անկախ էր համարում այդ երկու կառավարություններից և միանձնյա էր լուծում բոլոր՝ թե մեծ և թե փոքր հարցերը: Ձեռնարկներն նա գործում էր ինքնուրույն, բայց իրականության մեջ ոչ մի մարդ չի կարող կախված չլինել այն

աղբյուրներից, որոնցից քաղում է իր տեղեկությունները և իրեն շրջապատողների անձական ազդեցությունից:

«Պալատի ֆավորիտների ազդեցությունը, — գրում է Փ. Դ. Գրինը, — ավելի քան մեծ է, և Աբդուլ Համիդը պատմության մեջ հանդես չի գա որպես կայսրության փրկիչ, սակայն կհամարվի մի սուլթան, որը կարող էր փրկել կայսրությունը, բայց չփրկեց»¹²:

* * *

Օսմանյան կայսրության ներքին կյանքի վրա փոքր չէր սուլթան Համիդ II-ի բնավորության ու վարքագծի ազդեցությունը: Համիդի, որպես անձնավորության, տարօրինակությունների մասին շատ է գրվել: Ավելորդ չենք համարում բերել նաև հետևյալ փաստերը. պատմում են, որ երբ թութակը նմանօրինակում էր սուլթանին, վերջինս կատաղության ջղաձուլություն էր ունենում: Մի անգամ նա բռնեց թռչնի վիզը և ուլտրելով խեղդեց՝ բղավելով. «Այս պալատում հրամայող միայն մեկ ձայն կարող է լինել՝ իմ ձայնը»:

Համիդը չափազանց վախկոտ էր, նրան ամեն բոպե թվում էր, թե ինչ-որ մեկը այդ պահին ջանք է թափում իրեն սպանելու: Այստեղ տեղին են Պալատի խոսքերը. «Իսկական բռնակալը իսկական գերի է»: Եվ իսկապես, ժամանակակիցները ստում էին, որ Համիդի «իմաստության և խոհեմության սկիզբը երկյուղն էր»: Այդ երկյուղն էր նաև նրա անմարդկային դատարանության ծնողը: Որպեսզի համոզվի, որ իր եղբայրը իսկապես մահացել է և այլևս վտանգ չի ներկայացնում, նա պալատ է բերել տալիս Մուրադի դիակը: Արքայի կակածները փարատելու համար պալատականները նրա մազերից բռնած մի քանի անգամ վեր են բարձրացնում ու շարտում գետնին:

Բռնակալը «մերթ ընդ մերթ, փոփոխաբար բարյացակամ է կամ դաժան, ազահ կամ առատաձեռն, փոքրասիրտ կամ գթաբարո, զառանցող մուրյալի տեսք ունի: Համիդը գորովի հանդեպ անզգա է, սիրտը փակ վեհ զգացմունքների համար... 25 տարիներ ի վեր ամբացված դրյակի նմանվող Ելտզի մեջ առանձնացել է՝ խզելով կապը իր ժողովրդի և նույնիսկ իր ազգակից հարազատների հետ... Նա նախանձ է, ստոր, ստախս, չհանդուրժող, շարկամ, մեղրամոմի գույն ունեցող այտերը փո-

խանակ կարմրելու ժանգի կամ մաղձի գույն էին ստանում, ցատումի այդ րուպեններին կիրքը տիրապետում էր դատողությանը և անընդունակ էր դառնում տրամաբանելու... իրեն ասված էր կարծում՝ խաբվելով միշտ խալիֆայության տիեզերականության և իր գահի անսասանության վրա... ավելի վատ էր նայվածքը՝ տարտամ և անբացատրելի, որի ազդեցությունը խուսափել անհնար էր... ընչասեր էր ու ընչաբաղջ, փառասեր ու եսասեր, շահամուլ ու մատնիչ, դավասեր ու դավադիր, երզմանազանց ու խոստումնադրուժ... Երբ թշնամիները զորավոր էին, նա իրեն հնազանդ էր ցուցադրում, քծնում էր, համակերպվում բոլոր տեսակի ստորացումներին, բայց երբ ինքն իրեն զորավոր զգար, սահման չկար նրա վայրագությանը»:

Համիդը, Նիցզեի խոսքերով ասած, հավատաց ոչ թե իրավունքի ուժին, այլ ուժի իրավունքին, իր շրջապատից վերացրեց խելամիտ անձանց, իրեն շրջապատեց տգետ ու անազնիվ մարդկանցով: «Բռնապետը ժողովրդին է աղքատացնում, որպեսզի ինքը հարստանա» (Մոնտեսքյո): Համիդը տարրակից արյունախում էր: Տղուկը, երբ արյունից արբում է, դադար է առնում, իսկ Համիդը շարունակեց կախված մնալ իր հպատակների կենսատու երակներից:

Կորցնելով վստահությունը շրջապատի նկատմամբ, սուլթանը անձամբ էր հետևում իր անձի անվտանգությանը: Բացի զինված շինովիկներից, պալատում միշտ էլ կային տասնյակ ժամապահներ:

Երբեք չէին իմանում, թե սուլթանը տվյալ օրը որտեղ է քնելու. նա ուներ ավելի քան 50 ննջասենյակ տարբեր շենքերում ու հարեմներում: Ննջասենյակները հարկաբաժիններից բաժանված էին երկաթյա դռներով և կրում էին բարդ մտահղացումներով ստեղծված կողպեքներ: Սենյակների պատերն ունեին գաղտնարաններ, որոնք կառուցել էին Եվրոպայից բերված վարպետները և հայտնի էին միայն սուլթանին: «Ննջարանների դռների մոտ, բացի սուլթանի հրաձիգներից, կային երկուական վարժեցրած շներ, որոնք փոքր իսկ ազմուկից հաչում էին»¹³,

Սուլթանին ներկայացող կամ ընդունելության եկած անձը իրավունք չուներ ձեռքերը շարժել, դրանք պետք է անշարժ մնային այցելուի կրծքին, իսկ սուլթանի գրպաններում մի քանի ատրճանակներ կային և ընդունելությունների ընթացքում նրա

ձեռքը դրանցից մեկի ձգանին էր: Նա կասկածում էր, որ իրեն ներկայացվող զեկուցագրերն ու տեղեկագրերը թունավորված են, և պահանջում էր դրանք իրեն տալ ափսեի վրա դրված՝ թունազերծման միջոցառումների իրականացումից հետո: Նա վախից հանել տվեց շանթարգելը, սարսափում էր ռադիոյից, «դինամո» բառը լսել չէր ուզում, որովհետև նման էր դինամիտ բառին, արգելեց փոստային աղա՛վելիները, դրանք համարելով եվրոպական լրտեսների լրասարներ: Եթե երազում տեսնում էր, որ որևէ պաշտոնյա սպառնում է իր կյանքին, այդ պաշտոնյան իսկույն հրապարակից հանվում, ոչնչացվում էր: Արդու Համիդը արգելեց ընդհանուր պատմության և քիմիական շատ բանաձևերի ուսուցումը: Օրինակ, արգելվեցին բոլոր այն բանաձևերը, որոնց միջոցով հնարավոր էր սինթեզել պայթուցիկ նյութ: Դասադրերից հանվեցին «դժգոհ ենք», «ազատ չենք» և նման այլ «վտանգավոր» բառեր:

Նշենք նաև, որ ժամանակակից Թուրքիայում պրոպագանդիստական մեծ աշխատանք է ծավալվել Արդու Համիդին արդարացնելու, նրան որպես բարոթյան, արգարության և մեղմության տիպար ներկայացնելու ուղղությամբ: Թուրքիայում այսօր աստվածացնում են մեկին, որի մասին նույնիսկ երիտթուրքերն են ասել. «Մարդկության պատմությունը չգիտի ավելի անազնիվ, ազահ և ստոր միապետի»¹⁴:

Ահա թե ինչ հրեշ էր նստած Օսմանյան կայսրության գահին, ահա թե ով էր որոշում նրա ներքին ու արտաքին քաղաքականությունը:

* * *

Օսմանյան կայսրությունը Ղուրանի սկզբունքների վրա հիմնված կրոնական, ռազմական պետություն էր, և հպատակ ժողովուրդների հետ նրա միակ կապը կողոպուտն ու բռնի ուժով նրանց ստրկական հնազանդության մեջ պահելն էր:

«Ղուրանը և նրա վրա հիմնված մահմեդական օրենսդրությունը,— գրում է Կ. Մարքսը,— ամբողջ աշխարհի աշխատավորությանն ու ազգությանը վեր է ածում երկու կեսի բաժանվող պարզ ու հարմար ֆորմուլայի՝ հավատացյալների ու անհավատների: Անհավատը «գյավուրն» է, թշնամի է: Իսլամը անիժում է անհավատների ազգությունը և ընդհանուր

թշնամության վիճակ է ստեղծում մահամեղականների ու անհավատների միջև»¹⁵: Ռազմական օկուպանտների այդ դասակարգը իր ձեռքում միավորում է պետական բոլոր ֆունկցիաները՝ ռազմական, քաղաքացիական ու դատական¹⁶:

Ըստ այդմ էլ օսմանյան պետական քաղաքականության համար բնորոշն անսանձ շովինիզմն էր: Օսմանյան կայսրությունը եթե ժողովուրդների բանտ էր, ապա քրիստոնյա ժողովուրդների համար՝ իսկական դժոխք: Մահամեղական թուրքերը, — գրում է Ֆ. Էնգելսը, — «ինչպիսի սոցիալական վիճակ էլ նրանք ունենան, պատկանում էին արտոնյալ կրոնին ու ազգությունը. միայն նա իրավունք ուներ զենք կրելու, և ամենաբարձր դիրք ունեցող քրիստոնյան պարտավոր էր հանդիպելիս ճանապարհը զիջել հասարակության ամենացածր խավին՝ պատկանող մահամեղականին»¹⁷:

Ճիշտ է, մահամեղական ազգաբնակչությունը նույնպես ենթարկվում էր ճնշման ու հարստահարության, նա ևս դառը թասը խմում էր գրեթե մինչև վերջ, սակայն այդ թասի դառնագույն մասը մնում էր բացառապես քրիստոնյաների համար՝ «կրոնական հետապնդման տեսքով»:

Ֆրանսիացի պատմաբան Պոլ Ժանտիզոն կայսրության թուլության գլխավոր պատճառը համարում էր քրիստոնյաների իրավազրկությունը, որ, իր հերթին, բացասաբար էր անդրադառնում թուրքերի մտավոր զարգացման և գործարարության վրա:

Սուլթանի մահամեղական հպատակների ընկճված վիճակը, նրանց անշարժությունը և իսլամին անառարկելիորեն ենթադրվելը, որի հիմնական սկզբունքը կույր հնազանդությունն էր, պարզում են, թե ինչու նրանք կայսրության տնտեսական ու հասարակական-քաղաքական կյանքի վրա նկատելի ազդեցություն չէին գործում:

Ոչ թե քրիստոնյա ժողովուրդների ազատությամբ, այլ օսմանցիների վաշկատուն հոգեբանությամբ ու խավարամտությամբ պետք է բացատրել այն վիճակը, որ կայսրության ազգաբնակչության միայն տասնհինգ տոկոսը կազմող հայերի ձեռքում էին գտնվում երկրի ներմուծող առևտրի 50 տոկոսը, արտածող առևտրի 40 տոկոսը և ներքին առևտրի 80 տոկոսը¹⁸:

Անդրիական հյուպատոսներից մեկը նկատել է, որ Օսման-

յան կայսրությունում «ժողովրդին բացարձակ կողպատելը հանցանք չի համարվում»¹⁹:

«Մեր քաղաքական իմաստուններին, — նշում է թուրք քաղաքական գործիչ Ահմեդ Ռամզի էֆենդին, — ալլահը չի պարգևել ոչ խելք, ոչ փորձ... Դրա համար էլ նրանք համոզված են, որ մուսուլմանների հիմնական և սրբազան պարտականությունն է ոչնչացնել անհավատներին ամբողջ աշխարհում»²⁰:

Դրա համար էլ օսմանյան կառավարողները խրախուսեցին կրոնական անտագոնիզմը և այն միջոց դարձրեցին տեռորի ենթարկելու և ստրկացնելու նրանց, ովքեր չէին ցանկանում ուրանալ իրենց հավատը, և ում դիմադրությունը սպառնալիք էր իսլամին՝ նրա աստվածակենտրոն համակարգին: Թուրքական կառավարությունը այդ երկու կրոնական աշխարհների հակամարտության մեջ կատարեց հրահրիչի դեր: Դրա հետևանքով այդ երկու ճամբարները դարերի ի վեր մնացին թշնամիներ, ուղղահավատներ և գյավուրներ, կառավարողներ և կառավարվողներ, զինվածներ և անզեններ, տերեր և ստրուկներ, շահագործողներ և շահագործվողներ, ավերիչներ և ստեղծողներ, նրանք, ովքեր վայելում էին առանց աշխատանքի և նրանք, ովքեր աշխատում էին առանց վայելելու: Առաջինները հայրենիքի իսկական զավակներն էին, իսկ երկրորդները՝ նրա խորթ որդիները: Մուսուլմանները կոչված են սուր վերցնել հանուն իսլամի, իսկ «քրիստոնյաները ընդամենը բեռնակիր անասուններ են, կոչված՝ լուելյայն կրելու իրենց բեռը հանուն իսլամի», «փափուկ գորգ» լինելու փաղիշահի գահի աստիճանների վրա²¹:

Ռայան պարտավոր էր մշակել հողը, զբաղվել արհեստներով ու առևտրով և մյուս «սև աշխատանքներով», ժամանակին ու պահանջված չափով մուծել պետական ու մնացած տասնյակ տուրքերն ու հարկերը, ստրկական հպատակությամբ տանել թուրքերի քմահաճույթները: Այն, որ թուրքը թույլատրելի էր համարում քրիստոնյայի ապրելու իրավունքը, դա արդեն գերագույն զիջում էր: Չէ որ Ղուրանը պահանջում է «Կովեցեք նրանց դեմ, ովքեր չեն հավատում ալլահին... մինչև այն ժամանակ, քանի նրանք թուլացած ու ոչնչացած չեն տալիս փրկագին իրենց կյանքի համար». և մահամեղականին ստրկական հնազանդությամբ ծառայելը քրիստոնյայի այդ փրկագինն է: Իսկ եթե քրիստոնյան կփորձի խույս տալ

հնազանդությունից, — թելադրում է Ղուրանը, — «ապա բռնեցիր նրան և սպանեցեք, որտեղ որ նրան գտնեք»²²:

Համաձայն Ղուրանի, «Թուրքիայի բոլոր ոչ մահմեդականները օրենքից դուրս են դրված: Երկրի միլիոնավոր բնիկ հին բնակիչներ՝ հույները, հայերը, նեստորականները, հակոբականները, հրեաները, սիրիացիները համարվում են օտարերկրացիներ: Իրենց իրավական վիճակով նրանք ռազմական գերիներ են՝ համապատասխան իրավունքներով ու պարտականություններով»²³:

«Հիրավի, կարելի է զարմանալ Թուրքիայի քրիստոնյաների կենսունակությամբ: Նրանք, չնայած ամենադաժան ճնշմանն ու հետապնդումներին, կուլտուրական զարգացմամբ և առաջընթացով միշտ գերազանցում էին մուսուլմաններին»²⁴:

Թուրքիայում աշխարհիկ և հոգևոր իշխանությունները կազմում էին մի ամբողջություն: Կայսրության սուլթանը միաժամանակ հանդիսանում էր մահմեդական աշխարհի խալիֆը:

Թուրքական բանակը բացառապես մահմեդական էր, ազգային տոնակատարությունները՝ մահմեդական, պաշտոնական օրացույցը (ամսական թե տարեկան)՝ մահմեդական, օրենքները հիմնված էին Ղուրանի և մահմեդական սովորությունների վրա, օրենքների մեկնիչները մահմեդական դատավորներն էին և դատարանում նույնիսկ վկայությունը հանդիսանում էր կրոնական ակտ:

Անգլիայի գլխավոր հյուպատոս Վիլսոնը գրում է. «Այն բանի հետևանքով, որ առանձնահատուկ նշանակություն է տրվում մահմեդականի վկայություններին, բոլոր կեղծ վկաները մահմեդականներ են»²⁵:

Ահա թե ինչու Թուրքիայում միլիոնավոր քրիստոնյաներ պետության քաղաքացիներ չէին համարվում պարզապես նրա համար, որ նրանք չէին պատկանում իրենց վրա իշխող նվաճողների կրոնին: Քրիստոնյաները օրենքի առաջ, իրենց սեփական շահերի տեսակետից, զտնվում էին օտարերկրացու վիճակում, իսկ մահմեդականների շահերի տեսակետից ստրուկի վիճակում էին²⁶:

Պատմական գրականության մեջ կարելի է հանդիպել կարծիքի, թե Թուրք իշխողները աչքի էին ընկնում այլ կրոնների նկատմամբ հանդուրժողականությամբ: Սա ճիշտ է այնքանով, որ-

բանով կարելի է ասել, որ ստամբուլ «հանդուրժողական է» սննդի հեշտ մարավող տեսակների նկատմամբ:

Մինչև այն ժամանակ, քանի դեռ քրիստոնյաները հնազանդվում էին Թուրքերի բոլոր տեսակի ճնշումներին և իրենց համար իրավունք չէին պահանջում, նրանց հանդուրժում էին, բայց հենց դիմագրավեցին՝ ենթակա էին բնաջնջման:

Ուսումնասիրողներից մեկը նշում է, որ «պաշտոնական կրոնից հրաժարվող մահմեդականները անմիջապես զրկվում էին իրենց հատուկ արտոնություններից և նույնիսկ պատժվում էին որպես հանցագործ: Մահմեդականությունից հրաժարվելը համարվում էր դավաճանություն սուլթանին»²⁷:

Բայց բանը միայն կրոնական պատկանելությունը չէր: Օսմանցիները իրենց ստեղծած կայսրության ընդհանուր բնակչության միայն 1/5-րդն էին կազմում: Սուլթանական կառավարությունը լավ էր հասկանում, որ նոր ժամանակաշրջանում Թուրքերի փոքրաթիվ լինելը կարող է ճակատագրական դեր խաղալ կայսրության բախտի համար: Իսկ իսլամը ուժացման ամենահզոր միջոցն էր:

* * *

1844 թ. նիկոլայ I-ը Լոնդոնում հայտարարեց. «Թուրքիան հիվանդ մարդ է»: Ահա այդ հիվանդ մարդը իրեն ներշնչեց, որ գոյատևելու համար պետք է ձուլել կայսրության ժողովուրդներին, նրանց թուրքացնել:

Օսմանյան կառավարության նախկին Մեծ վեզիր Ֆուադ փաշան 1869 թ. սուլթան Աբդուլ Ազիզին հասցեագրված կտակում գրում էր. «Ներքին գործերի մասին մեր բոլոր ջանքերը պետք է ձգտեն մի նպատակի միայն, այն է՝ մեր ցեղերի համաձուլում: Առանց դրա մեր կայսրության միությունը անկարելի է թվում»²⁸:

Ֆ. էնգելսը նշում էր, որ Թուրքերը, օգտագործելով «քաղաքացիական և ռազմական պաշտոնի իրենց մոնոպոլիան», ձրգտում էին ոչ միայն խեղդել հպատակ ժողովուրդների ինքնուրույնության տենչերը, այլև աշխատում էին նրանց տնտեսապես քայքայել, քաղաքականապես բարոյալքել²⁹, կայսրությունում ազգային ճնշումներն ուժեղանում էին արտադրողական ուժերի զարգացմանը զուգահեռ, որովհետև քաղաքակրթության պրոցեսի կրողները ոչ թե Թուրքերն էին, այլ հպատակ ազգությունները:

Սակայն, եթե կայսրության քրիստոնյա ժողովուրդների համար զուլումի տարիները նշանավորվեցին սոցիալական, քաղաքական, ազգային և կրոնական հայածանքների ու ճնշումների աննախադեպ ուժեղացումով, ապա հայ ժողովրդի համար այդ տարիները, բառի ամենալայն առումով, նշանավորեցին մի այնպիսի աղետալի վիճակ, որի նմանը մարդկության պատմության մեջ հազվագեպ կարելի է հանդիպել, մանավանդ, երբ Աբդուլ Համիդ II-ը սկսեց գործադրել կայսրությունը հայերից դատարկելու իր հրեշավոր քաղաքականությունը:

Զուլումի տարիներին պետության կողմից հայ ժողովուրդը ոչ միայն օրենքից դուրս դրվեց, այլ նաև լայն ճակատով իրականացվեց իր ծավալներով նախադեպը չունեցող, ընդգրկումներով համապարփակ, մեթոդներով սադիստական արշավ մի ամբողջ ժողովրդի վրա: Իշխանությունները մահմեդականներին քաջալերում, հանձնարարում ու կազմակերպում էին հայերի նկատմամբ բռնություններ կատարելու, ոչնչացնելու, նրանց շարժական գույքը թալանելու, իսկ անշարժ ունեցվածքը՝ ցանքատարածությունները, այգիները, արոտավայրերը, բնակելի տները, անասնազոմները, խանութներն ու արհեստանոցները զավթելու համար:

Անզլիացի մասնագետ Ֆիցմորիսը միանգամայն ճիշտ է նկատել, որ «Բեռլինի պայմանագրից հետո թուրքական կառավարությունը գիտենալով, որ ազգային գիտակցությունը չի կարող անկաշկանդ զարգանալ առանց գյուղացիության և ստածելով, որ եթե հաջողվի արմատախիլ անել գյուղացուն, հեռացնել նրան դեպի քաղաքներ ու երկրից դուրս, ապա հնարավոր կլինի ազատվել հայերից և Հայկական հարցից, քաջալերեց քրդական հարձակումները հայկական գյուղերի վրա»³⁰:

Փորձենք զուլումի տարիներին Օսմանյան կայսրությունում, մասնավորապես Արևմտյան Հայաստանում, հայերի վիճակը համառոտակի ներկայացնել, հենվելով հայ մեծ վիպասան և պատմաբան Բաֆֆու գրական ժառանգության վրա: Հանձինս Բաֆֆու մենք զործ ունենք արևմտահայության վիճակը գիտական ամենայն բարեխղճությամբ և օբյեկտիվությամբ ուսումնասիրողի հետ:

Բաֆֆու ոչ միայն ազատասիրական գաղափարների, նրա տաղանդի հմայքի, այլ նաև իրականությունը հարադատորեն

արտացոլելու, այն ճշմարտացի ներկայացնելու շնորհիվ էր, որ նրա ստեղծագործությունները անմիջապես ժողովրդայնություն էին ստանում, տիրապետում լայն զանգվածների զգացմունքներին ու մտքերին, դառնում ազնվության, արդարության և ազատության համար պայքարի դրոշ:

Արդեն նշվեց, որ թուրքական պատմագրությունը միտումնավոր ձևով հայ ժողովրդի վիճակը ներկայացնում է Կ. Պոլսի և ծովափնյա մի քանի այլ քաղաքներում բնակվող հարուստ ապագայնացված, սուլթանական կեղեքողների հետ մերված հայերի օրինակով, շնայած նրանք ընդհանուր ոչինչ չունեին իրավազուրկ, թշվառ, սոցիալական և քաղաքական հարստահարությունների ու ճնշումների ենթակա հայ աշխատավոր զանգվածների դրության հետ:

Այդ կապակցությամբ Բաֆֆին գրում է.

«... ամիրա սեղանավորները... նույնպիսի ավազակներ են... Այժմ ինչ հույս կարող ենք ունենալ նրանցից, — մեր արյունը ծծողներից, մեր աշխատության վաստակը մեր ձեռքից խլողներից... Նրանց համար միշտ ձեռնտու է մի անկարգ և բռնակալ կառավարություն, որի պողատարության մեջ կարողանում են ստանալ իրենց շահերը: Հայի արտասուքը և թափած արյունը նրանց չի ազդում, նրանք իրենց քսակը հարստացնելու համար են միայն մտածում...»³¹:

Բաֆֆին նշում է. «Բ. Դուռը անազնիվ գործարքներ էր որոնում, և նրա նպատակներին կատարելապես համապատասխանում էին հայ ծառայողները... որոնք «իրենց անձնական շահերը պահպանելու համար, հայտնի բան է... կցանկանային միշտ կանգուն տեսնել Թուրքիան իր կառավարության անկարգ այլանդակության մեջ: Եվ այս տեսակ մարդկանցից, հասկանալի է, որ չէր կարելի սպասել, որ նրանք բողոք բարձրացնեին և հայ ժողովրդի հառաչանքներին թարգման լինեին»³²:

«Հավատարիմ հպատակությունը մի այնպիսի պետության վերաբերությամբ, — շարունակում է Բաֆֆին, — որպես Թուրքիան է, նշանակում է կույր հեռագանդություն, այսինքն՝ անտրտունջ տանել բռնակալի բոլոր բարբարոսությունները: Եվ հայերը մինչև այսօր իրենց հավատարիմ հպատակությամբ ոչինչ չշահեցին, միայն ծանրացրին իրենց ստրկության շղթաները: Ով ծանոթ է Թուրքիային, գիտե, որ այդ երկրում ան-

կարելի է ապրել և իր գոյութունը պահպանել առանց զենքի³³:

Նշելով, որ 800 տարի շարունակ հայը տեսել և զգացել է, թե թուրքը իր հետ որքան դաժան է վարվել, որ այդ տարիների պատմության ամեն մի տող արյունով ու արտասուքով է գրված, Բաֆֆին հարց է տալիս.

«Մի՞թե երեկվա գազանը կարող է այսօր հրեշտակ դառնալ: Մինչև նրա հրեշտակ դառնալը, Թուրքիայում հայի անունը միայն մնացած կլինի»³⁴:

Այնուհետև նա գրում է. «Զի կարելի մտածել, թե հայերը գո՞հ լինեն իրենց վիճակից, որովհետև անկարելի է գոհ լինել մի այնպիսի վիճակից, որտեղ կյանքի, կայքի և ընտանիքի ապահովություն չկա, որտեղ մարդու աշխատության արդյունքը հափըշտակվում է բռնի ձեռքով, որտեղ նրա պատիվը շների հետ է հավասարեցված, որտեղ ամեն ինչ, որ նրա համար սուրբ է և նվիրական, հալածվում է, պղծվում է և կույր մոլեռանդության գոհ դառնում»³⁵:

Գրուշն ավելի կոնկրետացնելով հարցը, նշում է. «Մշեցի, բաղնիշի կամ վանեցի հային մի վաշխառու քրդից կամ տաճիկից, հարյուր դուրուշ փոխ առնել և շուտով մի քանի հարյուր դուրուշ պարտական մնալ, այնուհետև յուր կինը, ընտանիքը գրավ թողնել, Պոլսի սոխախներում տարիներով փտել և մաշվել,— այդ երևույթները նրան (Պոլսի հայ մամուլին) չի գրավում... Որովհետև նա շատ պարապված է նորանով, որ գիտենա դեռևս ինչ երազներ է տեսնում Բիսմարկը յուր անկողնի մեջ»³⁶:

Բաֆֆին իրավացիորեն նկատում է, որ բուն Հայաստանում հայը անգամ XIX դարի 2-րդ կեսին հողն այնպես էր հերկում, ինչպես հերկել են իր պապի՝ Արամի օրերում, կարծես հայ ժողովուրդը մի քաջ անգամ առաջ չէր դրել: «... Ինձ պատահել է տեսնել Հայաստանում հին փլատակների տակից դուրս եկած խեցեղեն ամաններ,— նույնը այսօր շինում է հայ բրուտը առանց որևիցե զանազանություն: Ինձ պատահել է տեսնել Հայաստանում ամբողջ ժողովուրդը, որ պարապվում է խաշնարածությունը: Այս հովիվ ժողովուրդը դեռ ապրում է յուր նախնական կյանքով, նրա հազուատը ոտքից գլուխ կազմված է բուրդից, բուրդը նահապետական են պարզ ձևով: Նորա ոտնամանները (տրեխները) մինչև անգամ հյուսած են այժի մազից...»

Ես առիթ եմ ունեցել մտնել նոցա գետնափոր խրճիթների մեջ, որոնք ավելի գազանների որջերի են նման, որոնց մեջ տերը և յուր շորքոտանին միասին և մի հարկի տակն են ապրում:— Ես տեսել եմ նոցա կիսավայրենի նահապետական կյանքը և համաձայնվել եմ Քսենոփոնի հետ, մտածելով, եթե այդ հույն պատմաբանը նորից անցնելու լիներ Հայաստանի միջով, նորից նկարագրելու լիներ նորա ընտանեկան կյանքը, դարձյալ նույնը պիտի գտներ, ինչ որ տեսել է 24 և կես դար առաջ...»³⁷:

Անդրադառնալով Հայաստանում ռեֆորմներ անցկացնելու մասին սուլթանի խոստումներին, Բաֆֆին գրում է, որ սուլթանը դրանով ժամանակ է շահում, որի ընթացքում նա Հայաստան կուղարկի հանձնաժողովներ, ցույց կտա, թե աշխատում է բարեփոխումներ մտցնել, բայց «միևնույն ժամանակ քրդերին, թուրքերին և ամբողջ մահմեդական ամբոխը դադունի կերպով կզրզոի հայերի դեմ, և փոխանակ բարեկարգությունների, արյուն, կոտորած, ավերմունք կտարածե Հայաստանում»:

Եվ, երբ Հայաստանը կծխի արյան և կրակի մեջ, նա կպատասխանե Եվրոպային... Հայաստանում վերանորոգություններ մտցնելը առայժմ անհնար է, որովհետև մահմեդական ամբոխի կրոնական զգացմունքը, թուրքերի ազդային հպարտությունը վերավորվում է հայերին առանձնաշնորհումներ տալու պատճառով»:

Այնուհետև Բաֆֆին եզրափակում է. «Խոստանալ և չկատարել,— այդ Թուրքիայի վաղեմի սովորությունն է: Իսկ բարիք խոստանալ և չարիք գործադրել, այդ պահանջում է նրա այժմյան ամենախարդախ քաղաքականությունը»:

«Հայաստան» բառը խիստ անախորժ տպավորություն է գործում Թուրքիայի շղերի վրա: Բ. Դուռը բացարձակ կերպով հայտնեց հայոց պատրիարքին, թե յուր պետության մեջ Հայաստան անունով երկիր չէ ճանաչում»³⁸:

Վիպասանը ճիշտ է նկատում, որ Թուրքիան աշխատում է Հայկական հարցը խեղդելու նպատակով ոչնչացնել հայ տարրը, ձգտում է Հայաստանը լցնել քրդերով, շերքեզներով, լազերով, աջարացիներով և այդ բոլոր ցեղերին գրգռել հայերի դեմ³⁹: «Նշանները արդեն երևում են Վասպուրականի մեջ... նկատվում է քրդերի կատաղի հուզմունքը, այրվում են դյուղեր, սպանվում են մարդիկ, և ասպատակությունը օրըստօրի ավելի ընդարձակվում է, ավելի սպառնական ձև է ստանում: Տարոնի նահան-

գում և ունիպես արյուն է հոսում: Սովուդ-Քուլախի գավառում շէյխ Իբրահիմը, յուր գլխին հավաքած ավելի քան 10 հազար ավազակներ, վտանգ է սպառնում Ատրպատականի հայերին: Հեքարիի կողմերում Բահրի բեկը յուր ցեղի գլուխն անցած ավերմունքներ է գործում: Հին Բայազետի կողմերում Հեյդարաշի քրդերը կողոպտում են հայերին: Ամեն տեղ նկատվում են միևնույն շարագործությունները, որոնց կեղևի տակ թաքնված է թուրք կառավարության պաշտոնատարների նենգավոր ձեռքը: Իսկ Կ. Պոլսի մահմեդական մամուլը այդ բոլոր բարբարոսությունները բացատրում է քրդական միություն անունով...

Թուրքիան խոստանում է վճռել հայոց հարցը շորս ամսվա մեջ: Գուցե վճիռը նրանով կվերջանա, որ շորս ամիս հետո էլ Հայաստանում հայ չի մնա...»⁴⁰,

Այնուհետև տաղանդավոր գրողը նշում է. «Տիրում էր ընդհանուր վհատություն ընդհանուր թախծության հետ: Ոչինչ մխիթարական չկար, ոչինչ չէր զորացնում բեկված սրտերը... Կարծես օդի մեջ շարժվում էր մի դիվական շունչ, որ բոլորի վրա սարսափ էր ազդում...»

Գիշերները մարդիկ տանից դուրս չէին գալիս: Ցերեկը շինականները խմբերով էին գնում իրանց դաշտային մշակությունները անելու: Անասունները գյուղերից շատ հեռու չէին քշում արածացնելու համար: Աղքատը դժգոհ էր, որ ոչինչ չունի, հարուստը դժգոհ էր, թե ինչպես պահե ունեցածը: Ճանապարհները դատարկվել էին, քարավանների երթևեկություն չկար: Լեռների մեջ ամեն քար, ամեն ժայռ ավազակ էր դարձել: Անցնելու հնար չկար:

Ինքը բնությունը զայրացել էր, պատժում էր մարդիկներին: Երեք տարի շարունակ երաշտից հետո սկսվեց կատաղի սով... Շունը, կատուն արժեք ունի, բայց մարդկանց որդիները արժեք չունեին: Փողոցները ծածկված էին նվաղած, գունատված սովալուկներով:

Ամեն կողմից վատ լուրեր էին լսվում»⁴¹:

«Տեղ-տեղ պատահում էին ներքին կոիվներ, ներքին ընդհարումներ: Ավազակախմբերը ոչնչացնում էին ամբողջ գյուղեր և ուրվականների նման աներևույթ էին լինում: Բանտերը լցվել էին կալանավորներով, սպանությունները թիվ ու շափ չունեին: Մարդիկ գիշերը սարսափով էին գլուխը դնում բարձի

վրա, առանց հույս ունենալու, թե առավոտյան կենդանի կվերկենան: Կյանքի և կայքի ապահովությունը վտանգի մեջ էր: Հաճախ տարածվում էին զանազան լեզուներով տպված թերթիկներ: Թե դրանք ի՞նչ էին ուզում, ի՞նչ էին պահանջում, ոչ որի հասկանալի չէր: Թե մեջդիներում և թե եկեղեցիներում աղոթում էին, որ մի հանգստություն լինի... Բայց Ձեթունից ապստամբության ձայն էր լսվում: Արզրումի մեջ որոնում էին մի ինչ-որ դավադրություն: Իսկ Կ. Պոլսում այդ միջոցին զբաղված էին երկու հանելուկային թվերով—16 և 61»⁴²:

«Ես գիտեմ հարյուրավոր և հազարավոր օրինակներ,— գրում էր Բաֆֆին,— թե ինչպես հայ կինը, հայ աղջիկը զոհվում էր մահմեդականի անբարոյական կրքերին... Մի քաղաքում, երբ խանի սպասավորները եկան իրանց տիրոջ համար տանելու մի աղջիկ, հայրը երկար աղաչում էր, որ շխեն իր աղջիկը: Երբ հոր արտասուքը չկարողացավ շարժել նրանց գուլթը, նա առեց մի դանակ, և խրելով իր դատեր կուրծքի մեջ, ասաց՝ «Հիմա տարեք այս դիակը»: Նույն օրը խեղճի տունը հրդեհեցին և ինքը մեռավ բանտի մեջ: Մի օրիորդի խանի որդին գաշտում հանդիպելով, ասում է. «Աղջիկ, ինչ լավ են քո աչքերը»: Մյուս օրը, երբ գալիս են այդ աղջկան տանելու խանի որդու համար, նրան կուրացած գտան: Օրիորդն ինքն էր կուրացրել իր աչքերը:

Հարեմ տարված հայ կնոջը այնտեղից դուրս չէին թողնում: Խանը իր հաճությունը կատարելուց հետո ամուսնացնում էր նրան իր սպասավորներից մեկի հետ, ինչպես «նա իր հնացած հագուստը պարզում էր այս և այն ծառային որպես խալաք»⁴³:

Շարիաթի օրենքով, մահմեդականություն ընդունած մարդը կրկին իր նախկին կրոնին վերադառնալ չէր կարող: Եթե տղամարդ էր, ամեն մի մահմեդական հանդիպելիս իրավունք ուներ նրան սպանելու, իսկ եթե կին էր, բանտ էին գցում և այնքան տանջում, մինչև նա կրկին խոստովաներ, թե ընդունում է իսլամը:

* * *

Ձուլումի տարիներին արևմտահայության սոցիալ-տնտեսական կեղեքումների ու ազգային-կրոնական հալածանքների մասին կան մեծ քանակությամբ արխիվային նյութեր, վկայություններ և ուսումնասիրություններ:

Մասնավորապես հարուստ նյութեր կան օսմանյան պետութիւն
կողմից Արևմտյան Հայաստանում կիրառած հարկային քաղաքա-
կանութիւն մասին, որի նպատակն էր տնտեսապես հալումաշ
անել քրիստոնյա տարրը, քայքայել նրա նյութականը և դրա-
նով ստիպել կամ հավատափոխվելու կամ զրկվելու հողից և
վերցնելու պանդխտութիւն ցուպը:

Հայերը տասնյակ հարկեր էին վճարում: Հարկ էին վճարում
նույնիսկ ամուսնութիւն ու թաղման համար: Կար նաև ատամի
տուրք:

Գյուղացին թալանվում էր, կորցնում իր ունեցվածքը, ընկ-
նում պարտքի տակ: Բիթլիսի Զրհոր գյուղն ունեւր 60 տուն,
որից միայն 5-ը պարտք չունեւր: 30 ընտանիքներ պարտքի դի-
մաց կորցրել էին իրենց հողերի կեսը, իսկ 25 ընտանիք ամ-
բողջապես հողազուրկ էր դարձել: Գյուղացու թալանին ամե-
նաեռանդուն մասնակցութիւն ունեին վաշխառուները, իսկ վաշ-
խառութիւնը տարիների ընթացքում դարձել էր մահմեդական-
ների մենաշնորհը⁴⁴:

Մ. Մակբուրը նշում էր, որ բոլորի համար պարտադիր հար-
կերից բացի քրիստոնյան պետք է մուծեր նաև հետևյալ լրա-
ցուցիչ տուրքերը.

— գլխահարկ, որը կոչվում էր «ստորացնող» և գանձվում
էր տվյալ տարին ապրելու (գոյութիւն ունենալու) իրավունքի
համար:

— հատուկ հարկ զինվորական ծառայութիւն դիմաց... Այս
հարկը գանձվում էր արակապ սեռի երեք ամսականից բարձր
բոլոր հպատակներից:

— ժամանակավոր նպատակների համար հատուկ հարկեր,
որոնք, սակայն, այլևս երբեք չէին վերացվում: Օրինակ, 1867 թ.
քրիստոնյաների վրա հատուկ հարկ դրվեց, որպեսզի վճար-
վի Անգլիայում սուլթանի ուղևորութիւն ծախսերը: Մեկ տարի
ժամանակով նշանակված այդ հարկը 90-ական թվականներին
գեռ գոյութիւն ունեւր.

— երբեմն քրիստոնյաներին հարկադրում էին նախապես
վճարել 1—2 տարվա հարկերը, խոստանալով, որ տվյալ տա-
րիների համար այլևս հարկ չեն հավաքի: Սակայն այս խոս-
տումները երբեք չէին կատարվում⁴⁵:

Էրզրումում Անգլիայի հյուպատոս Կ. Լյուրը 1890 թ. հոկ-
տեմբերի 2-ին գրում է. «Հայ ազգաբնակչութիւնը ներկա ժա-

մանակում հարկ վճարել չի կարող քրդերի կողմից թալանվելու
պատճառով...

... Քրիստոնյաները հարևան քրդերի գործողութիւնների հե-
տևանքով հասցվել են աղքատութիւն, որոնք թալանել և այրել
են նրանց հունձքը, և չեն կարող մուծել իրենց հարկերը... Սա
զարմանալի չէ, եթե նկատի ունենանք, որ կառավարական հար-
կերը վճարելուց հետո գյուղացուն բաժին է մնում իր հունձքի
միայն 30 տոկոսը»⁴⁶:

«Մեղու Հայաստանի» թերթը 1876 թ. նոյեմբերի 6-ին տպա-
գրեց մի հոդված՝ Տրապիզոնի հայերի նկատմամբ թուրքական
իշխանութիւնների գործադրած բռնութիւնների մասին՝ «այն-
պիսի մի բարբարոսութիւն, որ միայն փարավոնների ժամա-
նակներում է գոյութիւն ունեցել»:

Վարչական պաշտոնների վաճառքը, պաշտոնատար անձանց
առանց աշխատավարձի թողնելը, հարկերի հավաքումը կապա-
լով տալը, հարկերի գանձման բարբարոս մեթոդներն ու նրանց
չափերի կամայական փոփոխութիւնները, հատկապես հայ ազ-
գաբնակչութիւն համար, ստեղծել էին արտակարգ ծանր վիճակ:
Բայց, ինչպես նշում են մասնագետները, պետութիւն կողմից
օրինականացված հարկերը միայն աննշան մասն էին կազմում
կամայական հարկումների, որոնցով «տեղական իշխանութիւն-
ները սխտեմատիկաբար հարկադրում են բնակիչներին»:

Կարինում անգլիական հյուպատոս էվերստը գրում է. «Միայն
համբերութիւնամբ, վախով և բնակչութիւն տարբեր խավերի մի-
ջև սերտ կապերի բացակայութիւնամբ կարելի է բացատրել, որ
արևելյան սանջակներն անցյալ տարի հարկերը գանձելիս մի
մարդու պես շապստամբեցին կառավարութիւն դեմ... այդ
դժբախտներին ամենամեծագույն կերպով հետապնդում էին հար-
կահանները՝ նրանց բանտ էին նետում, երբ նրանք ի վիճակի
չէին լինում հարկեր վճարել...»

Մի շարք կազաններում հարկերի գանձման իրավունքը գնած
ընկերութիւնը «մտադիր է այս տարի ևս, անցյալ տարվա պես,
հացահատիկը ձմռանը վաճառել աներևակայի բարձր գնե-
րով... Անասնակեր շինելու պատճառով մեծ քանակութիւնամբ
ոշխարներ սատկեցին: Չնայած դրան, սատկած ոշխարների ա-
ռաջիկա տարվա հարկը անխնայորեն գանձվում է»⁴⁷:

1879—1880 թթ. ձմռանը սով սկսվեց. ժողովուրդը բույսե-
րով էր սնվում: Վրա հասավ համաճարակը: Մահացութիւնը

հասնում էր սարսափելի շափերի: Սկզբում «հյուծվածությունից մեռածներին հաշվում էին հարյուրներով, իսկ ապա՝ հազարներով»: Շատերը մեռնում էին ճանապարհների, և ճանապարհորդները շատ անգամ են տեսել նրանց լիարզված և շների կողմից կիսով չափ կերած դիակները⁴⁸:

1880 թ. հոկտեմբերի 2-ին թվագրված հյուպատոսական մի զեկուցագրում նշված էր, որ Բաշկալայի օկրուգում սովից զոհվել է 10 հազար մարդ, Բայազետի և Ալաշկերտի շրջաններում՝ 2—3 հազար և այլն⁴⁹:

Օրհասական այս ծանր պահին թուրքական վարչակազմը որոշում է պատերազմից տուժած օկրուգներում երեք տարվա հարկերը գանձել միաժամանակ:

«Եթե այժմ այդ միջոցառումները համեմատենք այն հովանավորության հետ, որ ցուցաբերվում է կիսավայրենի շերտերի կործանարար արշավների նկատմամբ և, վերջապես, թրոգերի թալանին ցույց տրվող տարօրինակ հանդուրժողականության հետ, ապա կամա թե ակամա այս բոլորի մեջ միայն բթության և ագահության ապացույցներ չէ, որ տեսնում եմ: Արդյո՞ք համոզմունք չի առաջանում, որ գոյություն ունի մահմեդականների օգտին քրիստոնյա տարբերի ոչնչացման պլան»⁵⁰:

«Հարկերի այդպիսի անարդար գանձման մեղքը, — գրում է է. Դիլոնը, — ընկնում է գլխավորապես բարձրագույն կառավարության վրա»: Բ. Դուռը անընդհատ փող էր պահանջում վալիներից, սրանք իրենց հերթին՝ մուֆեսարիֆներից: Հարկահավաքները, որոնց հայտնի են այդ գործի գաղտնիքները, բոլոր հնարավորություններն ունեին հարստանալու ինչպես ժողովրդի, այնպես էլ կառավարության հաշվին:

1880 թ. սկզբներին էրզրում հեռագիր ստացվեց՝ զորքի կարիքների համար շտապ հավաքել 330 հազար ֆրանկ: Փողը հավաքվեց և ուղարկվեց արքունիք: Ապա Տրապիզոնից հրաման ստացվեց արքունիքի համար հավաքել ևս 220 հազար, իսկ ներքնապետի համար՝ 11 հազար ֆրանկ⁵¹:

Մուշ քաղաքի բնակիչների գանգատագրերից մեկում կարդում ենք. «...Հայ և քուրդ գյուղացիների համար շարիք են գարձել տասանորդ հավաքելու նպատակով կառավարության կողմից նշանակված պաշտոնյաները՝ անտանելի գարձանելով նրանց վիճակը: Նրանք կալատեղում են որոշում առնելիք հարկի չափը՝ առանց որևէ հաշվի, և պահանջում են ավելին, քան

նշանակված քանակն է, որպեսզի ստանան իրենց անձնական բաժինը»⁵²:

Հարկի դիմաց հաճախ վերցնում էին գյուղատնտեսական մթերքներ, որոնց գները որոշում էին հարկահավաքները: Գյուղացիներից նրանք, ովքեր վճարելու հնարավորություն չունեին, բառացիորեն կողոպտվում էին, նրանց շարժական և անշարժ գույքը բռնագրավվում էր և ցածր գներով վաճառվում: Գյուղացիներից խլված անասուններն ու գույքը իրենց արժեքի 50 տոկոսով վաճառելը սովորական էր դարձել⁵³:

Երբ գյուղացին հացահատիկը կալում էր, այն օգտագործելու իրավունք չունեի մինչև չվճարեր հարկերը: Գյուղացու տանջանքով ու շարշարանքով ստեղծված բարիքները թալանում էին պետութունն ու կալվածատերը, վաշխառուն ու հոգևորականը: Բերքի 70—80 տոկոսին տեր էր դառնում հողատերը, իսկ եթե գյուղացին ուզում էր գոնե բերքի 50 տոկոսը ստանալ, պետք է «ամբողջ ընտանիքով, 10—15 հոգով» աշխատեր աղայի հողի վրա:

Գ. Պոլսում լույս տեսնող «Մասիս» թերթը 1880 թ. գրել է. հայ գյուղացին հաճախ հարկադրված էր «վաշխառուին դիմել, որ սովորաբար այլազգի մի բեյ էր կամ աղա: Ահա այստեղ է հայ երկրագործի ամենամեծ դժբախտություններից մեկը՝ դրամ է պարտք վերցնում, բայց ինչ տոկոսով՝ հարյուրին 50 կամ 60 (տոկոս) սովորական բաներ են. նույնիսկ 100-ին 200 շահ, բայց գյուղացին ուրիշ ճար չունի, ուստի այս ծանր պայմանով փոխառություն է վերցնում և, եթե նույնիսկ այսքանով ազատվի, կրկին զոհ կլինի: Վաշխառուն խեղճ գյուղացու հունձքը արգելքի տակ կղնի, և եթե մեծ գումար է փոխ առել, նրա արտը գրավ կղնի...»

Հնձի ժամանակ վաշխառուն գյուղացուն ներկայանում է անմիջապես և տված դրամի դիմաց որպես միայն տոկոս պահանջում է այնքան, որքանով գուցե հնարավոր էր ամբողջ պարտքը վճարել: Մյուս կողմից, տոկոսի վրա տոկոս էր կուտակվում և գյուղացու պարտքը ամեն տարի (թեև իր բերքի մեծ մասը պարտատիրոջն էր տալիս) աննկատ մեծանում էր: Վաշխառուն մուրհակը նորոգելու պատրվակով գրավ էր դնում պարտապանի հողերն ու ունեցվածքը, որոնք գործնականում դառնում էին վաշխառուի սեփականությունը: Այսպիսով, եթե գյուղացին «փոքրիկ մանուկ ունի, պարտքը այդ մանկան հետ

մեծանում է», իսկ երբ մանուկը տղամարդ է դառնում, պարտքը նրա վրա է ընկնում. և ահա այս հայրական պարտքն է, որ հազարավոր գյուղացիների նյութական վիճակն անտանելի էր դարձնում: Եվ, չկարողանալով իրենց հասույթով վճարել այդ անվերջանալի պարտքը, գյուղացիները բռնում են գաղթի ճանապարհը:

«Բայց անգուժ վաշխառուն այնտեղ էլ նրանց հետևից հասնում էր. արտն արդեն իր ձեռքում էր, բայց դրանով չէր բավարարվում, տոկոս էր պահանջում: Այնպես որ մի անգամ 3000 ղուրուշ պարտքի դիմաց մի գյուղացի և նրա որդին 123 հազար ղուրուշ են վճարել, բայց նրանց հողը շարունակում էր գրավի տակ մնալ»⁵⁴:

«Արաքս» ամսագիրը 1889 թ. գրում էր. «Ամբողջ վիլայեթները հազարներով դատարկվում էին երիտասարդ աշխույժ ուժերից, որոնք թշվառ վիճակի մեջ թողնելով իրենց ընտանիքը, երկիրը, նրա արդյունաբերությունը ցրվում են հեռավոր վայրեր ու նրանց վերջ ի վերջո կորուստ է սպառնում»: Պանդուխտությունը դարձել էր համընդհանուր երևույթ՝ «Կեսարիայից սկսած մինչև Բայազետի» վերջին գյուղը: Մշո Խաս գյուղից պանդխտության էին գնացել 400, նորջենից՝ 300, Բերդակից՝ 300 մարդ: Պանդուխտ զավակներ ունեին գրեթե բոլոր հայ ընտանիքները: Օտարության մեջ դեգերողների թիվը անընդհատ աճում էր: Եթե 80-ական թվականների սկզբներին Մշո զավառից տարագնացների թիվը 500-ից չէր անցնում, ապա 90-ական թվականների սկզբներին այն հասաւ 2—3 հազարի: Միայն 4. Պոլիս մշակության մեկնած հայերի թիվը անցնում էր 80 հազարից: Պանդուխտը օրենքից ու հասարակությունից լքված մարդ էր և գոհ էր, որ կարողանում էր որևէ, թեկուզ ամենաժանր աշխատանք ձաբել»⁵⁵: «Ով ուզում է մշեցի հայի թշվառ վիճակը տեսնել,— գրում է Մերենցը,— ոչ թե Մուշ... այլ այստեղ, Պոլիս Գասմ փաշայի խան կոչվող որջերը թող գնա և տեսնի մշեցի ընտանիք՝ տղամարդ, կին, տղա, գրեթե մերկ, հոգնաբեկ, անխոս, առանց կայքի, միշտ ծանր աշխատանքի և քաղցածության, գաղչ օդի մեջ: Ով որ հայի թշվառ վիճակը ուզում է տեսնել, թող գնա Վանանդ, Ախուրյան գետի ափերի մոտ, տեսնի մշեցուն դառնադեմ դեմքով տղայի ձեռքը բռնած, հյուծված կին՝ գրկի երեխայով, մի հատ կով, մի պարկ ցորեն

բարձած և առջևը գցած, աչքերը գետնին սեեռած, գլուխը գյուղ թափառական...»⁵⁶:

«Ամբողջ Վանի մեջ,— գրում է Բաֆֆին,— չկա մի ընտանիք, որի մի քանի անդամներ պանդխտության մեջ չլինեին: Առաջ գնում էին միայն տղամարդիկ, իսկ այժմ կանայք նույնպես սկսել են օտար երկրներում բախտ որոնել»⁵⁷:

Գյուղացին լքում էր հողը, հեռանում հողագործությունից, իսկ դաշտերը մնում էին խոպան: Կայսրության օգտագործելի հողերի մեծ մասն անմշակ էր: Էրզրումի նահանգում մշակվում էր օգտագործելի հողերի միայն 10 տոկոսը, այն էլ շատ վատ»⁵⁸:

Ուժեղացավ արտագաղթը նաև քաղաքական պատճառներով: 1870—1913 թվականների ընթացքում Արևմտյան Հայաստանից ու Կիլիկիայից հեռացավ 250 հազար մարդ:

Բազմաթիվ հայ գյուղացիներ զոհվեցին իրենց կնոջ, դստեր և որդիների պատիվը պաշտպանելու համար: Ստեղծվել էր մի վիճակ, երբ հային արգելվում էր պաշտպանել իր անձն ու պատիվը, որովհետև եթե հայը կամ որևէ այլ քրիստոնյա պաշտպանվում էր, դրանով վիրավորում էր մահմեդականին և անպայման պատժվում էր:

Անգլիական փոխհյուպատոս Լիկիարդուպուլոն 1892 թ. գրել է. «Եթե մահմեդականը ցանկանում էր քրիստոնյայից վրեժ լուծել, դրա համար բավական էր ներկայացնել երկու վկա, որոնք հաստատեն, որ քրիստոնյան վիրավորել է մահմեդական կրոնը: Սրա համար «քրիստոնյային իսկույն բանտ էին նետում»: Շատ թուրքեր, օգտվելով դրանից, բացելիքաց ուպառնում էին հայերին և տեր դառնում նրանց ունեցվածքին»⁵⁹: Իսկ «եթե դատարանում թուրքը հանդես է գալիս որպես հայցվոր կամ պատասխանող, ապա քրիստոնյայի վկայությունը չի ընդունվում»: Մահմեդականների համար երկու գործողություն բացարձակապես անընդունելի էին՝ քրիստոնյայի առաջ ոտքի կանգնել և քրիստոնյային թույլ տալ դատարանում մահմեդականների դեմ վկա լինել»⁶⁰:

* Ժամանակակիցներից մեկը գրում է, որ Մշո դաշտում 25 տարեկանից բարձր տղամարդ չմնաց, դարբերությունը ավերում էր հայոց աշխարհը, և եթե «այդպես շարունակվի, այդ բարեբեր դաշտը բուրբի վայր դարձած տեսնելու գծախտություն ենք ունենալու»:

(«Հանդես գրական-պատմական» 1883 թ., գիրք Ա., էջ 223):

«Ստեղծված վիճակը,— գրում է Կ. Պոլսի պատրիարքը Օսմանյան կայսրության արդարադատության մինիստր Ռիզա փաշային,— հանգեցրել է կառավարական մի շարք բնությունների, այնպես որ հայերով բնակեցված նահանգներում կյանքը, պատիվն ու բարեկեցությունը շարունակում են մնալ բացարձակապես անապահով... Երբեմն թալանը ավարտում է զատական անարդար վճիռը... Գյուղացիները մնում են առանց օւնեցվածքի, առանց պաշտպանության ընդդեմ բնության, որը իրականացվում է օրենքի անունից: Օրինական պաշտպանության յուրաքանչյուր փորձ դիտվում է որպես հանցագործություն և բռնություններ է ծնում: Այսպիսով գյուղացին դառնում է բեյերի ու աղաների ստրուկը, նրանց առևտրական գործարքների առարկան»⁶¹:

Օսմանյան կայսրությունում մահմեդականի ու հայի հարաբերությունները, իրոք, մոտենում էին ստրկատիրոջ ու ստրուկի հարաբերություններին: Հայը պարտավոր էր օթեան տալ գյուղեկած մահմեդականին, կերակրել նրան ու նրա ձիուն:

«Ցուրաքանչյուր քրիստոնյա տանտեր պարտավոր է, որպես սուլթանի հպատակ, համաձայն օրենքի, երեք օր առանց փոխհատուցման պահել մահմեդական ճանապարհորդին կամ շինովնիկին, եթե վերջինները այդ են պահանջում՝ սկսած փաշայից և վերջացրած աղքատներով: Այսպիսով խեղճ քրիստոնյան հազիվ թե երբևէ ազատ էր լինում այդ անկոչ հյուրերից, սրտնք ընտրում են քաղաքի կամ գյուղի լավագույն տները, զբաղեցնում տան լավագույն սենյակները և վերցնում են լավագույն ուտելիքը, այդ նույն ժամանակ տան տիրոջ ու նրա ընտանիքի հետ վարվելով ինչպես ստրուկների հետ... (և որովհետև) մահմեդականը ատելի գյավուրի վրա նայում է որպես իր բնական ավարի, ասլա սովորաբար կանայք մտնում են շքեղության առարկաների ցուցակի մեջ, որի վրա տարածվում էին այս հարկադրյալ հյուրընկալության պահանջները»⁶²:

Մի գեղեցկուհի հայ կին դիմադրում և արհամարհանքով հետ է մղում շուտեին աղային: «Այդ վիրավորանք էր, որ կարող էր սրբվել միայն երիտասարդ գեղեցիկ կնոջն անմիջապես

մեղքներով... մահմեդականը... չի ընդունում, որ ուսյան մարդկային նույն ցեղին է պատկանում, ինչ ինքը: Նա ուսյայի սեփականության, նրա կյանքի ու կանանց վրա նայում է որպես իր օրինավոր ավարի և քրիստոնյայի կողմից ամեն մի դիմադրություն նա համարում է հանդուգն խոտվություն, որը պետք է տեղն ու տեղը պատժվի...»⁶³:

Ահա թե ինչ է գրում «Թալմա» թերթը. «1877 թ. Նոր տարվա օրը գյուղեկավ մի հարկահավաք և ցանկացավ օթեանել գյուղացիներից մեկի տանը, որը երկու սիրունիկ աղջիկ ուներ: Գյուղի տանուտերը... առաջարկեց օթեանել մի ուրիշ ընտանիքում: Այդ վիրավորանքի համար ոստիկանը տանուտերին անողոք ծեծի ենթարկեց: Այնուհետև... նա հանեց ձիու սանձը, հագցրեց տանուտերին...»: Հետո նա «այդ մարդ-ձիուն» սանձով կապեց դռան օղակից և մտրակի հարվածներով ստիպում էր նրան խոտ ուտել»⁶⁴:

Քանի որ, նույնիսկ, ինքնապաշտպանության համար հայը մահմեդականի վրա զենք բարձրացնելու իրավունք չուներ, ապա մահմեդականները հայի հետ վարվում էին այնպես, ինչպես կցանկանային ու կկարողանային: Ինքնապաշտպանության նպատակով զենք օգտագործելու դեպքում ուսյան դիտվում էր որպես խոտվարար, պետական հանցագործ:

Իշխանությունները քաջ գիտեին, որ քոչվոր մահմեդականները ապրում են հայերին կողոպտելով ու թալանելով, բայց ոչինչ չէին ձեռնարկում վերջիններին զինաթափելու կամ հայերին պաշտպանելու համար: «Մինչդեռ այն օրենքը, որով քրիստոնյաներին արգելվում է զենք ունենալ և կրել, խստորեն պահանջվում է»⁶⁵:

Ի. Գոլոբորովիկոն իր «Հին ու նոր Թուրքիա» գրքում գրում է. «Թուրքերին հարստահարում էին վաղիշահն ու նրա կուսակալները, բայց Թուրքերի անձը, սեփականությունն ու կյանքը անձեռնմխելի էին բոլոր կողմնակի ոտնձգություններից... Իսկ հայերին կարող էին ձնշել ու կողոպտել բոլոր նրանք, ովքեր դրա համար բավականին ուժ ունեին»⁶⁵:

* «Տաճկաստանում,— գրում են Մշո Սրակոն գյուղից,— մասնավորապես Սասունի և Մուշի կողմերում, ոչ մի հայ ապահովություն չունի իր կյանքի համար: Ոչ ոք չի կարողանում իր տնից դուրս գալ առանց Թուրքերին ու քրդերին զոհ գառնալու»:

1880 թ. Բ. Դոան հրամանով արգելվեց «Հայաստան» բառի օգտագործումը: Մեկ տարի անց ցուցում տրվեց «արմատախիլ անել աղգային գրգռման արմատները», բռնագրավել ու ոչընչացնել Վարդան զորավարի և Հայաստանի ավերակների վրա: Երկու կմոջ նկարները: Բանտ էին նետվում միայն այն բանի համար, որ համարձակվել էին վաճառել հայ թագավորների գերեզմանների նկարները: Բռնագրավվում էին և այրվում այն գրքերը, որոնցում կար «Հայաստան» բառը, արգելվեցին հայկական օրացույցը, հայկական ներկայացումները, հայերեն դաստիարակությունները: Նույնիսկ «սուրհանդակ» բառը հապավվում էր սուր-հան-դակ և կասկածելի էր թվում: Արգելվեց նաև Կիլիկիա և մի շարք այլ հայկական տեղանունների օգտագործումը: Հայկական նոր դպրոցներ, եկեղեցիներ և այլ հաստատություններ բացելու համար պահանջվում էր սուլթանի հրովարտակը, որին սովորաբար հարկ էր լինում սպասել 5—10 տարի:

Օտարերկրյա մի լրագրող Կ. Պոլիս է գալիս և անմիջապես այցելում ոստիկանատուն: Նա ոստիկանին խնդրում է ասել, թե Թուրքիայում ինչը կարելի է գրել և ինչը՝ չի կարելի: Ոստիկանը պատասխանում է. «Ամեն ինչի մասին կարող եք գրել՝ օգի, ջրի, նույնիսկ Պոլսի շների մասին կարող եք ճառել, բայց միայն մի պայմանով, որ նրանց հավաքել շառաշարկեք: Անջուշտ, նորին վսեմության մասին կարող եք ներբողներ հյուսել... Արգելված է, սակայն, նոր վարդապետության մասին խոսել և օգտագործել այն մատնանշող բառեր... զգուշանալ մանավանդ «Մակեդոնիա», «Հայաստան» բառերից...»⁶⁶:

Կազմակերպվեցին խուզարկու ոստիկանների ջոկատներ, որոնք, եթե մեկին որոշել էին ձերբակալել, նրա սուներ խուզարկելու ժամանակ անկյուններից մեկում աննկատ երգարան էին գցում, և դա բավական էր տանտիրոջը ձերբակալելու համար: Հայ մամուլին հազվադեպ էին թույլ տալիս օգտագործելու զենք, զինվոր, բանակ, ազատություն, բռնակալություն, ուժ, զորություն, իրավունք, արդարություն, ընկերություն, հավասարություն, միություն և նման շատ այլ բառեր:

Փրաքննիչներից մեկը «Հայրմերից» ջնջեց «Եկեցեք արքայություն թո՛ւրք» բառերը՝ համարելով այն ինքնուրույն թագավորություն ունենալու հայերի ձգտման արտահայտություն:

«Սուլթանը հայ մամուլի դեմ արշավանք սկսեց գավառական վալիների անմիջական մասնակցությամբ, որոնց հախուռն

հերքումները հակադրեցին գավառական թղթակցություններին՝ երեսպաշտոտներն բարբառելով իրենց կառավարմանը ենթակա հայաբնակ գավառներում տիրող «կարգի և օրինականության» մասին և մամուլին մեղադրելով զրպարտության մեջ»⁶⁷:

1880 թ. բանտարկվեց «Թերջուման էֆրեյար» հայաստա թերթի տնօրենը, թերթ, որ մեծ տեղ էր հատկացնում արևմտահայության ներքին կյանքին: 1882 թ. ցմահ բանտարկության դատապարտվեց «Մամուլի» խմբագիր Գ. Այվազյանը: 1883 թ. երկու անգամ փակվեց «Մասիսը», դարձյալ գավառում կատարվող հարստահարումները բացահայտելու համար: Մամուլին հարկադրեցին գավառների մասին տալ միայն պաշտոնական հաղորդագրություններ և կամ կառավարությանը հաճո նյութեր: Այդ նպատակով հայ մամուլի համար 1883 թ. մտցրվեց նախնական գրաքննություն: 1888 թ. նոյեմբերի 26-ին «Մշակը» տպեց մամուլին վերաբերող թուրքական կանոնադրությունը: Այդ կանոնադրությունը պահանջում էր.

1. Առավելություն տվեք այն լուրերին, որոնք վերաբերում են սուլթանի թանկագին կյանքին, հունձի դրությունը, առևտրի ու արդյունաբերության զարգացմանը Թուրքիայում:
2. Մի տպագրեք այնպիսի ֆելիետոններ, որոնք չեն ստացել ժողովրդական լուսավորության մինիստրի առանձին հավանությունը:
3. Մի տպագրեք գիտական և գրական այնպիսի հոդվածներ, որոնք չեն կարող տեղավորվել մի համարում...
4. Միանգամայն խույս տվեք հոդվածների մեջ կտորներ բաց թողնելուց և տողերի մեջ բազմակետեր դնելուց, որովհետև այդ անհաճո ենթադրությունների տեղիք է տալիս և խանգարում է հոգու հանգստությանը:
6. Ոչ մի տեսակետով մի տպեք մասնավոր անձերի, համայնքների կամ նահանգների խնդրագրերը, որոնք զանգառվում են իշխանության կեղծումների դեմ և այդ մասին տեղեկացնում են ի գիտություն սուլթանի:
7. Տեղեկություններ մի տպեք օտար թագավորների անձերի դեմ արած փորձերի մասին, նույնպես և ոչինչ մի տպեք արտասահմանում տեղի ունեցող ցույցերի մասին: Ըստ որում, լավ չէ, որ այդ բաների մասին տեղեկանա մեր խաղաղ ազգաբնակչությունը⁶⁸:

Սուլթանի վախն ու նրա դաժան վերաբերմունքը հայ մա-
թուի նկատմամբ պատահական չէր:

60—70-ական թվականներին պոլսահայ մամուլը լայն տեղ
էր տալիս գավառներում կատարվող հարստահարություններին
ու բռնություններին, օգտագործելով լրագրային ժանրերի հնա-
բավորությունները՝ հասարակական կարծիք էր ստեղծում դրանց
շուրջը*:

Սուլթանը առանձնապես դաժան վերաբերմունք էր դրսևորում
ազգային դպրոցների և ուսուցիչների նկատմամբ:

Մ. Մակբուլը գրում է.

«Ոչինչ սուլթաններին այնքան չէր սարսափեցնում, որքան
նրանց քրիստոնյա հպատակների շրջանում կրթության տարա-
ժամը, որովհետև նրանց հայտնի էր, որ գիտելիքը ուժ է և այդ

* «Հայաստանն հասած լուրերն վերջապես կը հայտնեն, թե հարստա-
հարությունը Մշո կուսակալ կարգված է, թե՛ հարստահարությունն է Մաշը
կառավարողը:

Չկա հոն ո՛չ ստացվածքի ապահովություն, ո՛չ կենաց և ո՛չ ալ պատվո
ծրաշխարհություն, այլ կա հոն հափշտակություն, մարդասպանություն,
պատվո բռնաբարում և վերջապես այն ամեն շարիքներն, որ կառավարույուն
չունեցող քաղաքի մը մեջ միայն կրնան գործվիլ:

Փառաքս հասած լուրերն և մասնավոր տեղեկություններն զՄուշ մեծ
հուզման և վտանգի մեջ կը նկարագրեն, անխուսափելի և ծանրահիշո վտան-
գի ենթարկված է հոն տեղի ազգայնոց վիճակը, եկած զերերն անստորագր
են, որ միայն կը ծանուցանեն, թե հեռագիրն ու վտարան մեկ համար ար-
գելված են, թե այդիները կը կտրեն, կը ճմլեն, կոշնչացուցանեն, և եթե հոն
անձ մը դիմացնին ելնե՞ գանակով կը զարնեն, թե հնձանները, զեզերն ու
մարագները կ'արվին, թե ուր որ հայ մը տեսնվի, խաշ և հավատք կը հայ-
հոյն, թե մանուկ տղաքներն մինչև ծեր, այր և կին, առհասարակ կը զա-
նակոծվին տաճիկներեն, թե հայ աղաները կառավարության ժողովքները
երթալն դադրած են և այլն. կարծես կառավարություն չկա Մշո մեջ... Մու-
շեն և գեղերեն 300—400 տնվոր հանրադրություն կազմեր են տաճիկալու
համար... և այլն, և այլն, և այլն:

Հայերն ամեն վիշտ ու տառապանք, արսոր ու հայածանք կրելն ետքը,
այսօր ամենայն հոժարությամբ և հավատարմությամբ կը տանին հպա-
տակության լուծը, և ասոր փոխարեն կը բռնաբարվին թե՛ ստացվածքի,
թե՛ կրոնի և թե՛ պատվո կողմանի: Այս լուծն հպատակության ըլլալն դադ-
րած՝ գերության լուծ եղած է, ու այնքան ծանրացած, որ անբերելի ըլլա-
րով՝ Մշո հայերն ալ անկարող կըլլան զայն կրելու և հարստահարութեն
խայտելու հույսով կրոնափոխության դիմել կ'որոշեն» (Ղ. Պարոնյան, ԾԺ,
հ. 10, Ե., 1929, էջ 67—68):

գծոխային պայմաններում անխուսափելիորեն տանելու է դեպի
գծագրություն ու թշնամություն և ծնելու է ազատության ան-
հաղթահարելի ձգտում»⁶⁹:

Անգլիական հյուպատոս Լյույզը 1890 թ. փետրվարի 19-ին
էրզրումից գրել է, որ տեղական կրոնական դպրոցի վարիչը
«կրթական նպատակներով դուրս էր գրել մի քանի քարտեզներ,
որոնք այլ գրքերի հետ միասին տեղական վարչության կողմից
բռնագրավվել են... որովհետև Փոքր Ասիայի քարտեզի վրա
նշված էր Հայաստան նահանգը: Նա գտնում էր, որ այդ (քար-
տեզը) դպրոցներում օգտագործվել չի կարող...»

Այս շաբաթ էրզրումի հայկական դպրոցների տեսուչները
նախատեսել էին սիրողական ներկայացում տալ, բայց... տե-
ղական իշխանություններից մերժում ստացվեց այն հիմնավոր-
մամբ, որ ներկայացումը նախատեսվում էր հայերեն լեզ-
վով⁷⁰:

Աբղոլ Համիզը ակտիվորեն ներխուժեց հայկական դպրոց-
ները, փոխեց նրանց ուսումնական ծրագրերը: Բոլոր դպրոց-
ները դրվեցին լուսավորության մինիստրության հսկողության
տակ: Արգելվեցին այն դասագրքերի հրատարակումը, որոնցում
օգտագործված էին հետապնդում, ազատություն, ուժ, հավա-
սարություն, զինք, աստղ և այլ բառեր: Դպրոցական ձեռնարկ-
ներից ջնջվեցին «Հայաստան», «հայկական մարզ», «հայկա-
կան եկեղեցի», «հայկական թագավոր», «հայկական թագա-
վորություն», «իշխանություն» բառերը: 1880 թ. դասավանդու-
մից հանվեց հայ ժողովրդի պատմությունը և մտցվեց Օսման-
յան կայսրության պատմությունը, որպեսզի «աշակերտների ու-
ղեղները չաղտոտվեն Հայաստանի անցյալով»: 1886 թ. լրիվ
արգելվեց հայ ժողովրդի պատմության վերաբերյալ գրքերի
հրատարակությունը: Արգելվեց նաև ընդհանուր պատմու-
թյան՝ ֆրանսիական հեղափոխությունից հետո ընկած ժամա-
նակաշրջանի դասավանդումը⁷¹:

Վարելով շովինիստական քաղաքականություն, իշխանություն-
ները, միայն կասկածներով, ձերբակալում էին ուսուցիչներին,
բռնագրավում դպրոցական գույքը, փակում դպրոցներն ու գրա-
դարանները: Դաժան հսկողության տակ էին Վանի Կեղրոնական
և Հողագործական վարժարանները: 1885 թ. Կեղրոնական վար-
ժարանը փակվեց: 1886 թ. Վանի վալին հրամայեց ձերբակա-
լել Այգեհատանի կիրականորյա դպրոցի ուսուցիչներին սոսկ նրա

համար, որ այդ դպրոցում անցնում էին ռազմական գործ, այսինքն «աշակերտներին նախապատրաստում էին ապստամբելու»: 1884 թ. Մուշում ձերբակալվեց վարժարանի տեսուչ Մկրտիչ Սարրյանը: Վայրենի հալածանքների պայմաններում էր աշխատում Կարինի Սանասարյան դպրոցը: Հայկական դպրոցներում թուրքերենի դասատուները, որպես կանոն, այդ պաշտոնին նշանակվում էին լրտեսությամբ դբադվելու համար⁷²:

Խարբերդի «Արմենիա» կոլեջում արգելվեց ֆիզկուլտուրայի դասերի ժամանակ փայտիկներով վարժությունների կատարումը, որովհետև դրանք ընկալվում էին որպես հրացաններով վարժություններ: Փոխվեց այդ դպրոցի անունը. «Արմենիայի» փոխարեն՝ «Նփրատ»: Շատ դպրոցներում ֆիզկուլտուրան ընդհանրապես արգելվեց⁷³:

Կառավարությունը իբր իբ հովանավորության տակ էր վերցնում բոլոր տարրական դպրոցների խնամքը և այդ նպատակով 1883 թ. մացվեց հատուկ հարկ: Այն հիմնականում վճարում էին քրիստոնյաները, իսկ հավաքված գումարը ծախսվում էր միայն թուրքական դպրոցների վրա:

Սուլթան Համիդը արգելեց քրիստոնյա երեխաներին սովորել սեփական դպրոցներում:

Թուրքական ֆեսերի փոխարեն Մուշի գլխարկների օգտագործումն իսկ ընկալվեց որպես բողոք իշխանությունների դեմ:

Ճրանսիական խոշոր իսլամադեա Ա. Մասեն գրում է. «Նրանք (ոչ մահմեդականները) պարտավոր էին կրկնու հատուկ տարբերանշան ունեցող հագուստ: Նրանց արգելված էր ձի նրստել և զենք ունենալ, կառուցել կրոնական նոր հաստատություններ և հրապարակավ կրոնական ծեսեր կատարել, նրանց վկայությունը մահմեդական դատարանում չէր անցնում»: Նրանց նույնիսկ արգելված էր լայն գոտի կապել և կարմիր կոշիկ հագնել⁷⁴:

Կ. Պոլսի Խորենյան մանկապարտեզի երեխաների գոզնույների վրա գրված էին այդ մանկապարտեզի անվան առաջին տառերը՝ «Ն. Մ.»: Այդ մասին հայտնեցին սուլթանին՝ որպես թե այդ «Ն. Մ.»-ն նշանակում է «Նեղձ Մանուկ», «որ կոտորածի հիշատակները նորոգելու համար կառավարության դեմ ցույց է»: Հայ կանանց և աղջիկներին արգելեցին կարմիր բաճկոն կրել, որովհետև կարմիրը հեղափոխություն խորհրդանշող գույն է:

Ամիդում քրիստոնյայի առանձնանշանը կապույտ կտավից կարված հագուստն էր: Նրա գլուխը պետք է անպայման փաթթոցով փակվեր, «որպեսզի մահմեդականը գյավուրի մազերը չտեսներ»: Զէ որ մազերի ցուցադրումը գյավուրի «հպարտության» և թուրքին վիրավորելու նշան էր:

1. К. Маркс и Ф. Энгельс, Соч. т. 9, М., 1957, с. 239.
2. К. Маркс и Ф. Энгельс, Соч. т. 22, М., 1961, с. 33.
3. Жизнь замечательных людей, Назим Хикмет, М., 1968. с. 11.
4. Մուրճ, 1905, № 9.
5. М. Кемаль. Путь новой Турции, М., 1934, с. 56.
6. Գ. Եազճյան, Արդու Համիդ II կարմիր սուլթան, Բելուք, 1980, էջ 834.
7. Երկրի ձայն, 1906, № 10.
8. Գ. Եազճյան, Արդու Համիդ II ..., էջ 283.
9. Р. Фиш, Турецкие дневники, М., 1977, с. 46.
10. Положение армян в Турции до вмешательства держав в 1895 году, М., 1896, с. 54.
11. Նույն տեղը, էջ 54—55.
12. Նույն տեղը, էջ 282—283.
13. Գ. Եազճյան, Արդու Համիդ II ..., էջ 361, 369, 386, 390.
14. Ю. Петросян, Младотурецкое движение, М., 1971, с. 183—184.
15. К. Маркс и Ф. Энгельс, Соч. т. 10, М., 1958, с. 167.
16. К. Маркс и Ф. Энгельс, Соч. т. 9, с. 35.
17. Նույն տեղը, էջ 6.
18. Յո. Լեփսուս, Հայաստանի շարժերը, Կ. Պոլիս, 1919, էջ 265.
19. Положение армян ... с. 73.
20. ՀՍՍՀ ԳԱ ինֆորմացիոն բյուրոսեն, 1984, № 7, էջ 38.
21. Նույն տեղը, էջ 38—39.
22. А. Массэ, Ислам, М., 1961, с. 30.
23. Положение армян ..., с. 281.
24. ՀՍՍՀ ԳԱ ինֆորմացիոն բյուրոսեն, 1984, № 7, էջ 44.
25. Положение армян ..., с. 296.
26. Նույն տեղը, էջ 296—297.
27. Նույն տեղը, էջ 297.
28. Մշակ, 1886, № 143.
29. К. Маркс и Ф. Энгельс, Соч. т. 9, с. 25.
30. A. Nasibian, "Britain and the Armenian Questions 1915—1923, London, 1985, p. 25.
31. Բաֆֆի, ԵԺ, հ. 4, Ե., 1956, էջ 482.
32. Բաֆֆի, ԵԺ, հ. 9, Ե., 1958, էջ 307.
33. Նույն տեղը, էջ 311.
34. Նույն տեղը, էջ 277.

35. Նույն տեղը, էջ 302—303:
36. Նույն տեղը, էջ 48—49:
37. Նույն տեղը, էջ 195—196:
38. Բաֆֆի, Եժ, հ. 10, Ե., 1957, էջ 37—39:
39. Նույն տեղը, էջ 39:
40. Նույն տեղը, էջ 40:
41. Բաֆֆի, Եժ, հ. 3, Ե., 1956, էջ 476:
42. Նույն տեղը, էջ 477:
43. Բաֆֆի, Եժ, հ. 4, էջ 384:
44. Նոր հասանք, 1914, № 6:
45. Положение армян ..., с. 132—133.
46. Նույն տեղը, էջ 133:
47. Նույն տեղը, էջ 72:
48. Նույն տեղը, էջ 74:
49. Նույն տեղը, էջ 75:
50. Նույն տեղը, էջ 76:
51. Նույն տեղը, էջ 78:
52. ՀՍՍՀ ԳԱ ինֆորմացիոն բյուլետեն, 1983, № 8, էջ 10:
53. Երկրի ձայն, 1907, № 18:
54. Մասիս, 1880, № 2637:
55. Մ. և Ս. Բղեյան, Հարազատ պատմություն Տարնոս, խմբագրից Աղան Տարնոսցին, Կահիրե, 1962, էջ 27:
56. Լեո, Քուրբահայ հեղափոխության գաղափարաբանությունը, հ. Ա, Փարիզ, 1934, էջ 66:
57. Բաֆֆի, Եժ, հ. 5, էջ 41:
58. И. Голобородько, Старая и новая Турция, М., 1908, с. 123.
59. Геноцид армян в Османской империи, Е., 1982, с. 21.
60. Положение армян ..., с. 136.
61. Геноцид армян ..., с. 63.
62. Положение армян ..., с. 139—140.
63. Նույն տեղը, էջ 145:
64. Քայմա, 7 փետրվարի 1877 թ.:
65. И. Голобородько, Старая и новая Турция, с. 222.
66. А. Массэ, Ислам, с. 30.
67. ՀՍՍՀ ԳԱ ինֆորմացիոն բյուլետեն, «Օսմանյան գրաբանությունը և հայ մամուլը 1838—1896 թթ.», 1984, էջ 13:
68. Նույն տեղը, էջ 31:
69. Положение армян ..., с. 175.
70. Նույն տեղը, էջ 176:
71. Երկրագունդ, 1886, № 10:
72. Արձագանք, 1883, № 1:
73. Վ. Հայկ, Խարբերող և անոր ոսկեղեն դաշառը, Նյու Յորք, 1959, էջ 331:
74. А. Массэ. Ислам, с. 30.

Մինչև XIX դարի 30-ական թվականները Արևմտյան Հայաստանում գործադիր իշխանությունը գրեթե ամբողջությամբ գտնվում էր քուրդ փաշաների ու աղաների ձեռքում, որոնք կառավարության նկատմամբ երկու հիմնական պարտականություն ունեին՝ հարկ էին վճարում և պատերազմի ժամանակ իրենց զինված ուժերը տրամադրում էին թուրքական բանակին: Օրինակ, Տարնոսի տերն ու տնօրենը Ալեդին քրդական ֆեոդալական տունն էր, որը կիսանկախ քաղաքականություն էր վարում: Ալեդինի տունը առանձին ղեկավարում հաջող կոնվենտ էր ձգում նույնիսկ էրզրումի թուրքական փաշայության դեմ:

Վիճակն այդպես էր ոչ միայն Տարնոսում, այլ նաև մյուս շրջաններում: Ունենալով զինված ուժեր, քուրդ աշիրեթապետները ամենուրեք ինքնուրույնություն և կենտրոնախույս տրամադրություններ էին դրսևորում (Ուրֆայում, Գիարբեքիրում, Մարդինում, Մոսուլում, Բաղդադում և այլն): Միշտ չէ, որ օսմանյան կառավարությանը հաջողվում էր դրանք զենքի ուժով հնազանդեցնել և հաճախ գործի էր դրվում խորամանկությունը, կաշառքը, նրանց իբար դեմ գրգռելը: Կ. Պոխար յուրաքանչյուր նման դեպքում տեղական իշխանություններից պահանջում էր բրդերի դեմ գործել ոչ թե զենքով, այլ խաղաղ միջոցներով և նրանց չգրգռել:

Այս միտքը ապացուցող բնորոշ օրինակ է սիպիկ ցեղի ցեղապետ Մուհամմեդ փաշայի հետ կատարվածը: Փաշան ինքնուրույն քաղաքականություն էր վարում: Ոչ միայն իր ցեղին, այլ նաև հայերին թույլ չէր տալիս կառավարությանը հարկ վճարել: Երբ ուժի միջոցով Մուհամմեդ փաշային հնազանդեցնելու կառավարության ջանքերն արդյունք չտվին, նրան նշանակեցին Ալաշկերտի մուդիր և ուղարկեցին եղդիներից հարկեր գանձելու: Հետագայում Մուհամմեդ փաշան դարձավ Բայազետի դիտատոր, մինչև որ սպանվեց քրդերի ձեռքով՝ «կառավարության շահերին ծառայելու համար»:

Քուրդ աշխատավորությունը ևս տառապում էր անիրախություններից, զրկանքներից, հալածանքներից, արստրներից ու խոշտանգումներից, բայց, ի տարբերություն հայերի, նա ընդհանուր ջարդերի, կրոնական հալածանքների չէր ենթարկվում: Ավատատիրական հարաբերությունները բնորոշ էին ոչ միայն

պետութեան հետ փոխհարաբերութիւններին, այլ նաև քուրդ ցեղապետերի ու հայերի միջև եղած հարաբերութիւններին: Հայը առաջ էր և նրա ճնշող մեծամասնութիւնը ֆեոդալական կախման մեջ էր գտնվում քուրդ ավատատիրոջից:

Չնայած դրան, մինչև XIX դարի կեսը քրդերի և հայերի միջև լուրջ ընդհարումներ չեն եղել:

Մերձավոր արևելքում թուրքերը եկվորներ էին, իսկ հայերն ու քրդերը՝ բնիկներ, որոնք դարեր շարունակ ապրել են կողք կողքի, շնչել նույն օդը, իրար հետ կիսել ուրախութիւնն ու տխրութիւնը: Քուրդ ու հայ շատ ընտանիքների միջև ստեղծվել էին ավանդական դարձած բարեկամական հարաբերութիւններ: Գրեթե ամեն հայ ունեւոր իր «բիրվո» քուրդը, որը հարգատ մարդ էր հայի ընտանիքում:

Բաֆֆին իր հերոսներից մեկի բերանով ասում է. «Մեր երկիրը վատ չէր... հողն ընդարձակ էր, իսկ ջուրը՝ առատ, ցանում էինք, որքան կամենում էինք և վարում էինք, որքան կարող էինք: Մենք մեր հողի տերն էինք: Մեր սարերը խոտավետ էին, իսկ մեր անասունները՝ կուշտ ու պարարտ: Մեր հարևան քրդերը չէին վնասում մեզ, մենք սիրով էինք ապրում միմյանց հետ...»¹:

Քրդերը ևս, — գրում է Անդրանիկը, — «կառավարութիւնից ցավ են տեսել, կամ (նրանց) հայրերը կամ մեծ պապերն են արտրված: Կան նաև անհատներ, որոնք գիտակցութիւն են եկել, տեսնում են կառավարութեան գաղանթութիւնները և մտածում են իրենց ապագայի մասին...»²:

«Մահմեդական քրդերի հետ ևս սասունցիների հարաբերութիւնները առաջներում լավ էին, բարեկամական, մտերմական: Միայն այս վերջին 10—12 տարվա ընթացքում քրդերի մեջ սկսեցին երևալ քարոզիչներ, որոնք նրանց մեջ վառում էին կրոնամոլութիւնը, շիրմեռանդութիւնը և սերմանում ատելութիւն դեպի այլակրոններ...»³:

Արևմտահայ հասարակական գործիչներից շատերը հասկանում ու շանքեր էին գործադրում հայ-քրդական համագործակցութիւնը զարգացնելու համար: 1880 թ. սեպտեմբերի 1-ին Բ. Նորատուճկյանը Գ. Սրվանձտյանցին գրեց. «Քրդերը միասնութիւն են կազմում ցեղով և զինքով, հայերն էլ՝ ազգով ու լույսով: Իրար հետ բախվելուց առաջ պետք է արժեքավորենք

այն օգուտները, որ կարելի է քաղել նրանց հաղորդակցութիւնից ու միաբանութիւնից»⁴:

Քրդերի առաջադեմ խավերի զգացմունքների արտահայտիչը դարձավ բանաստեղծ Ահմեդ Հանին, որ քրդերին կոչ էր անում հաղթահարել մասնատվածութիւնը և միավորվել ընդհանուր թշնամու՝ օսմանյան բռնատիրութեան դեմ:

Կան բազմաթիվ փաստեր, երբ հայերն ու քրդերը միմյանց փրկութեան ձեռք են մեկնել ընդդեմ օսմանյան յաթաղանի:

Ելապես, օրինակ, 1864 թ., երբ թուրքական զորքերը ներխուժեցին Սասուն, նրա կիսանկախ վիճակը վերացնելու, լեռնաշխարհի հայերն ու քրդերը միավորվեցին և Տալվորիկի կամուրջի մոտ պարտութեան մասնելով թուրքերին՝ դուրս բռնեցին:

Հայերի ու քրդերի միջև եղած այս բարիդրացիական հարաբերութիւններն էին, որ հանգիստ չէին տալիս օսմանյան իշխանութիւններին, որովհետև հայ-քրդական դաշինքը այն ուժն էր, որ արևելյան նահանգներում վտանգի տակ էր դնում օսմանյան տիրապետութիւնը:

«Նման դաշնագրութեան տարածումը, — գրում է Կարինում ուսուսական գլխավոր հյուպատոս Մաքսիմովը, — թուրքական կառավարութեանը հիրավի խիստ երկյուղ էր պատճառում»⁵:

Եվ ահա օսմանյան պալատում աստիճանաբար հասունանում էր այն միտքը, որ հայերի ու քրդերի դաշինքի ձևավորման առաջն առնելու համար անհրաժեշտ էր նախ թուլացնել քրդերին, ապա ոչնչացնել հայերին:

1847—1848 թթ. թուրքական բանակը, Օսման փաշայի ղեկավարութեամբ, գլխովին շախջախեց քրդական ազդեցիկ աշիրեթութիւններին: Քրդերը դաժան կոտորածի ենթարկվեցին: Նրանց ղեկավարներից շատերը ցցերի վրա հանվեցին ու կախաղան բարձրացվեցին:

Քուրդ ցեղապետերի անբաժան տիրապետութեան շրջանն ավարտվեց: Սակայն այդ չի նշանակում, թե դրանով նրանք ընդհանրապես զրկվեցին իշխանութիւնից:

Օսմանյան կառավարութիւնը, հայերին հարկադրելով սիտութեանը հարկեր վճարել, նրանց շագատեց քուրդ աղաների գանձած հարկերից: Աշիրեթապետներից յուրաքանչյուրն ուներ իր գյուղերն ու նույնիսկ շրջանները, որտեղ նրանք միահեծան տեր ու տիրակալներ էին: Նրանցից շատերը միաժամանակ կատարում էին թե՛ աշխարհիկ, թե՛ հոգևոր առաջնորդի դեր:

«Ամենաաղքատ դերբեյը տեր է 3—4 գյուղի: Կան դերբեյներ, որոնք ունեն 30—40 գյուղ և հավաքում են այդ գյուղերի համարյա ամբողջ եկամուտը: Գյուղացին աշխատում է մի կտոր շոր հացի համար»⁶:

Արդու Համիդ II-ի գահակալության տարիներին քրդական դերբեյները ձեռք բերեցին ընդարձակ հողատարածություններ: Նա նաև թուլյատրեց Արևմտյան Հայաստան վերագրանալ այն դերբեյներին կամ նրանց ժառանգներին, որոնք արտաքսվել էին նախկին սուլթանների կողմից:

Սուլթանի քաղաքականությունը գործնականում ուժեղացրեց քուրդ աշիրեթապետերի կողմից հայ գյուղացիության քաղաքական ճնշումն ու տնտեսական շահագործումը: Հայ գյուղացին սուրբեր ու հարկեր մուծելուց բացի պարտավոր էր մշակել քուրդ աղայի հողը, խնամել նրա անասունները, կատարել տան ծառայի պարտականություններ: Վանի հորթենց գյուղը, որն ուներ 25 ծուխ, քուրդ աշիրեթապետին ամեն տարի տալիս էր 50 ուլխար, 625 թխած հաց, 5 փութ յուղ, 120 զույգ գուլպա: Ցուրաքանչյուր հայ ընտանիք իր նորածին արու զավակի համար պարտավոր էր հարկ վճարել: Դրա հետևանքով շատ արու զավակներ ունեցող ընտանիքներն ավելի արագ էին սնանկանում ու պարտքի տակ ընկնում:

Այս ամենի պատճառով հայ գյուղը քայքայվում էր, իսկ գյուղացին հարկադրված կամ պանդխտության ցուպն էր վերցնում և կամ դառնում մարաբա՝ լրիվ ընշագուրկ կամ միայն քաշող անասուն և գյուղատնտեսական գործիքներ ունեցող մշակ:

Մարաբայության էությունը հանգամանորեն բնութագրված է Ա. Ս. Համբարյանի աշխատություններում:

«Հողը,— գրում է Բաֆֆին,— որի վրա նա (հայ գյուղացին) ապրում է, թեև մի ժամանակ իր նախնիներին էր պատկանում, բայց այժմ դարձել է օտար աղաների սեփականությունը: Նա մշակում է օտարի հողը: Իսկ աղայի պայմանները մշակի հետ այնքան ծանր են և անշահավետ, որ նրա երկրագործության բերքը և նրա վաստակը մեծ մասամբ վայելում է կարվածատերը, մշակի համար մնում է այնքան, որով չի կարողանում յուր կենսական ամենաանհրաժեշտ պիտույքներին անգամ բավարարություն տալ:

Նրա խրճիթը գրած է աղայի հողի վրա, նրա համար հարկ

է վճարում: Նրա անասուններն արածում են աղայի արտաներում, նրանց համար հարկ է վճարում: Ինքը գյուղացին, նրա ընտանիքը ապրում են աղայի հողի վրա, այնտեղ ման են գալիս, նրա ջուրն են խմում, և իրենց գույնները պահպանելու համար հարկ են վճարում: Մի խոսքով գյուղացին, բացի իր աշխատող ձեռքերից, ուրիշ ոչինչ չունի, նրան շրջապատող ամբողջ բնությունը պատկանում է աղային, և նրա մեջ գործելու համար նաև պետք է զոհեն իր աշխատության ամենամեծ մասը»⁷:

Վանի վիլայեթում հողատիրության մասին Վրթ. Փափագյանը գրում է. «... քիչ չի պատահում, որ քուրդ աղաներից մեկը կաշառեր «թափու դայիրեսի» կոչվող հողային վարչության անդամներին և սեփականացներ մի քանի գյուղի հողերն ու հանկարծ ամբողջ գյուղացիներին, որոնք տերեր էին, մաքաբաների փոխեր»: «... Մի քանի ոսկու համար գյուղացու հողը հանկարծ դառնում է սեփականություն մի վաշխառուի, մի տաճիկի և կամ մի որևիցե քուրդ աղա, հանկարծ «թափու դայիրեսից» մի թուղթ ձեռքը՝ կգա վունդելու գյուղացիներին իրանց հողերից և եթե գութ ունենա՝ դոնե հողատիրոջ մարաբա կշինե»: Այսպես նա շարունակում է. «Վասպուրականի հողերի ³/₄ մասը պատկանում է քաղաքացիներին՝ տաճիկների և քուրդ աղաների, որոնց մշակող մարաբաններն են գյուղի բնակիչները, այն պայմանով, որ բերքի տասանորդը կառավարությանը տալուց հետո՝ մնացյալը կիսվի տիրոջ և մարաբայի մեջ: Այս երկուսից առաջինը տալիս է հողը, իսկ երկրորդը՝ գործիքները, եզն ու աշխատանքը»⁸:

Սոցիալ-տնտեսական դաժան կեղեքումներն ու ազգային հալածանքները դատապարտել էին գյուղացիներին լիակատար աղքատության և թշվառության: Նրանք հնարավորություն չունեին քիչ թեև շատ բարելավելու իրենց գրությունը: Այդ պատճառով էլ ապրում էին խիստ հետամնաց պայմաններում:

Ռուսական բանակի գնդապետ Պուտյատն Արևմտյան Հայաստանում կատարած իր շրջագայությունից հետո գրեց. «Ամենուրեք նկատվում է կեղտ, տարրական հարմարությունների բացակայություն, գյուղական տները քարերի կույտեր են, իսկ գյուղերը հիշեցնում են հնագիտական բլուրների խմբեր, բնակչությունը ցնցոտիների մեջ է և բնում է անասունների հետ միասին: Այստեղ նույնիսկ երկրագործական գործիքները, ծանրու-

թյուն կրելու սայիբը, կալսելու եղանակը պահպանվել են այնպես, ինչպես նրանք նկարագրված են Աստվածաշնչում»⁹։
Քաղաքներում ևս տիրապետողը հետամնացությունն էր. արհեստավորները տառապում էին աղքատության ճիրաններում, իսկ արհեստները կազմալուծված էին և դուրս էին մղվում արտասահմանից ներմուծվող ապրանքների կողմից։

Չնայած սուլթանական կառավարության գործադրած բռնություններին, այնուամենայնիվ, քուրդ ցեղապետերը ձգտում էին վերականգնել իրենց նախկին կիսանկախ վիճակը։

1880-ական թվականներին Օբեյդուլլան «Ազատ Քրդստան» լողունգով ապստամբության դրոշ պարզեց։ Բարձր Դուռը ամեն ինչ արեց այդ շարժումը հայերի ու Պարսկաստանի դեմ ուղղելու համար։ Բայց ցեղապետը դեմ էր հայերին ոչնչացնելու նւտղի պահանջին։

1880 թվականի հուլիսին շեյխերի ժողովում Օբեյդուլլան հայտարարեց, որ մինչև օրս Բ. Դուռը օգնում էր քրդերին, որպեսզի նրանք ոչնչացնեն քրիստոնյաներին։ Եթե վաղը կայսրությունում այլևս հայեր չմնան, քրդերը թուրքական կառավարության աչքում կկորցնեն իրենց նշանակությունը։ Ժողովը դեմ քվեարկեց հայերին ջարդելու Բ. Դուռն պահանջին։

Օսմանյան կառավարությունը դիմեց ամեն տեսակ միջոցների՝ Օբեյդուլլային Կ. Պոլիս բերելու համար։ 1881 թ. հուլիսին դա նրան հաջողվեց։ Օբեյդուլլային մայրաքաղաքում արժանավայել ընդունեցին։ Մեկ տարի նա մնաց օսմանյան մայրաքաղաքում՝ արժանանալով մեծամեծ պատիվների։ Միաժամանակ նրան մանրամասն հրահանգավորեցին հայերի ջարդերը կազմակերպելու համար Բ. Դուռը կազմակերպեց նրա «փախուստը» Կ. Պոլիսից։ Բայց երբ Օբեյդուլլան Վասպուրական հասավ, քրդերին հանձնարարեց, որ նրանք հայերի հետ լավ վարվեն, քանի որ թշնամությունը հայերի հետ սխալ քաղաքականություն է։

Դրա համար օսմանյան կառավարությունը Օբեյդուլլային շնորհեց, նրան ձերբակալեց և 1883 թ. աքսորի ճանապարհին սպանեց։

Այս պայմաններում օսմանյան իշխանությունները ձգտում են

սրել հայ-քրդական հակասությունները։ Այդ նպատակով սիրաշահում են քրդական վերնախավին և օգտագործում քրդերի կրոնական մոլեռանդությունը հայերի դեմ։ Եվ քրդական ցեղապետերն ու ազանները, հովանավորվելով իշխանություններից, սկսում են ուժեղացնել հայերի կեղեքումները։ Հայկական գյուղերի վրա հարձակումները, հայ գյուղացու կայքի ու անասունների թալանը առօրյա երևույթ են դառնում։ Աղաները խստացրեցին՝ հարկային հարստահարումները, զանգվածային բնույթ կրեց հայերի հողերի հափշտակությունը։

Օսմանյան կայսրությունում հողի գերագույն սեփականատերը պետությունն էր, բայց 1858 թ. հունիսի 6-ի օրենքով զգալիորեն հեշտացավ նրա անցումը մասնավոր մարդկանց ձեռքը։ Թուրք և քուրդ ֆեոդալները չհապաղեցին օգտվելու այդ օրենքից և զանազան ճանապարհներով տեր դարձան ընդարձակ տարածությունների։ Բացի այդ «օրինական» միջոցներից, նրանք շատ հաճախ ուղղակի բռնագրավում էին հայերի հողերը։

«Մասիս» թերթը 1879 թ. մայիսի 30-ին գրեց, որ միայն Բիթլիսի վիլայեթում հայերից բռնագրավվել է 252 հազար հեկտար հողատարածություն։

Կ. Պոլիսի պատրիարքարանի տվյալներով, XIX դարի վերջին և XX դարի առաջին տասնամյակին հայերից խլվել են 26 հազար արտ, 2,6 հազար տուն, 2 հազար կալվածք, 200 հազար այգի, իսկ ընդհանուր առմամբ հայերից բռնագրավված հողատարածությունները հասան 741 հազար հեկտարի։

Կառավարությունն ընդունեց նաև մի օրենք, համաձայն որի, եթե մեկը տասը և ավելի տարիներ, թեկուզ բռնի ուժով, օգտագործել է ուրիշի հողը, ապա այդ հողը մնում է նրան։ Հետևանքը եղավ այն, որ հայերի հողերի, մասնավորապես արոտավայրերի զգալի մասն անցավ քրդերին։

Այդ քաղաքականությունը հանգեցրեց նրան, որ 80-ական թվականներին հայերը 10 անգամ ավելի քիչ ցանքատարածություն ունեին, քան մահմեդականները։ Իսկ հայերից հարկ հինգ անգամ ավելի էին գանձում, քան մահմեդականներից։ XIX դարի 70—90-ական թվականներին Կարինի վիլայեթի 8000 տուն մահմեդականները վճարում էին 395 հազար, իսկ 2000 տուն քրիստոնյաները 430 հազար զուրուշ հարկ։

«Հայկական և սիրիական նահանգները, — գրում է Ն. Ադուն-

քը.— միասին վերցրած Փոքր Ասիայում թուրքական տիրույթ-
ների 1/3-ն էլ չէին կազմում: Նրանց ընդհանուր տարածքը հա-
վասար է Միջագետքի նահանգի տարածքին: Չնայած դրան,
երանք վճարում էին ավելի ծանր հարկեր, քան մուսուլմանա-
կան նահանգները»: Հայկական նահանգները վճարում էին շուրջ
84 միլիոն, որից 25 միլիոնը՝ վանք և Մուշը, նահանգներ,
որոնք կազմված էին հիմնականում հայկական բնակչությունից:
Այլ կերպ ասած, քրիստոնեական նահանգները, որոնք զբա-
ղեցնում էին մուսուլմանական նահանգներից երեք անգամ քիչ
տարածք, վճարում էին նրանցից երկու անգամ ավելի¹⁰:

Հայերը պարտավոր էին բազմաթիվ հարկեր ու տուրքեր
վճարել նաև քուրդ աղաներին*:

1872 թ. Մուշից Կ. Պոլսի հայկական պատրիարքարանին
գրում են, որ Բոնաշեն, Խութ, Սասուն և Շատախ գավառներում,
որտեղ քրդերի հետ հայերը խառն են բնակվում, քուրդ աղա-
ները, որոնց «խաֆիր» են անվանում, հայերի համար ստեղծել
են ծանր վիճակ: Հայերը խումբ-խումբ նրանց բաժին դառած,
յուրաքանչյուրը որպես հպատակ և սեփականություն, տարե-
կան տուրք են տալիս խաֆիրներին ու բաժանված են երեք
կարգի: Առաջին կարգը, որ «համբա» են անվանում, յոթ բեռ ցո-
բեն էր տալիս, հինգ ուղիսր, երկու լիտր յուղ, երկու օխա ծխա-
խոտ, մեկ լիտր շորթան, շորս լիտր աղ, մեկ շալվար, մեկ զույգ
զանկապան, մեկ զույգ զուլպա, մեկ զույգ գոգնոցի ծապավեն,
երկու ունկի վառոդ, երկու ունկի կապար, երկու ունկի կանևի,
հինգ ունկի ձեթ, երկու շերեփ, երեսուն դդալ, շորս թի, երկու
կողով, վեց ցախավել, մեկ դանակ, շորս հավ, երկու աքաղաղ,
տասը աղավնի, վեց ալոր, 1242 դուրուշ դրամ և այլն: Երկ-

* Քուրդ աղաները հաճախ հայերից տուրքերի դանձման երավունքն իրար
էին վաճառում. որոշ դեպքերում այնպես էր ստացվում, որ գյուղացուց հո-
ղատիրություն իրավունքի համար հարկը՝ պեշը, պատկանում էր մի ֆեոդալի:
Իսկ գլխահարկը՝ աղայությունը, մի այլ ֆեոդալի Դա շարիք էր հայ գյու-
ղացու համար, որովհետև գործնականում այդ ֆեոդալներից յուրաքանչյուրը
գանձում էր թե՛ գլխահարկը, թե՛ հողային հարկը:

Նույնիսկ ամուսնանալիս հայ աղիկը պարտավոր էր իր օժիտի մի մա-
սը տալ քուրդ աղային:

Արդու Համիդի անձնական քարտուղար Մուստաֆա Նեղիմը իր «Հայ
եղեռներ» (Կահիրե, 1925 թ.) գրքում գրում է, որ թուրք և քուրդ ֆեոդալ-
ները հայ գյուղացիներից հավաքում էին անգամ կարպետ, թաղիք, շերեփ,
դդալ, կողով և, նույնիսկ, պարան:

քուրդ կարգը, որ «կիսահամբա» էր կոչվում, վճարում էր վերո-
հիշյալի 2/3 մասը, իսկ երկրորդը՝ պեշը, 1/3 մասը¹¹:

Նկատվել են շատ դեպքեր, երբ խաֆիրները իրենցից ճոր-
տային կախման մեջ գտնվող հայերին՝ կանանցով և երեխա-
ներով, շարժական և անշարժ ունեցվածքներով վաճառում էին
ուրիշ աղաների: Կ. Պոլսի պատրիարքարանի մի բողոքագրում
ասված է. «Սուլեյ ավանի (Մոկս, Վանի վիլայեթ) քուրդ բեյլը
գյուղացի հայերին որպես գերի իրար էին վաճառում»¹²:

Խաֆիրները, երբ իրար հետ թշնամանում էին, յուրաքան-
չյուրն իր հպատակ հայերին բռնություններ ատաղը գցելով իրօր
տարածքներն էին ասպատակում, մանավանդ հայկական գյու-
ղերի վրա հարձակվելով կողոպտում էին, վերավորում, սպա-
նում և վերադառնում իրենց տեղերը: Պարտվածը վրեժ լուծե-
լու համար զորք էր հավաքում և հարձակվում հակառակորդին
պատկանող հայկական գյուղերի վրա՝ կողոպտում, քանդում,
ավերում, վերավորում, սպանում և հետ դառնում:

* * *

Թուրքական իշխանությունները առիթը բաց չէին թողնում
հայերին հավաստիացնելու, որ պատրաստ են խստորեն պատ-
ժելու այն քրդերին, ովքեր ոտնձգություններ կկատարեն
հայերի նկատմամբ: Հայերը, իհարկե, այդ հավաստիացումնե-
րին միշտ չէ, որ հավատում էին, բայց այլ ելք չունեին և հար-
կադրված իշխանություններին գանգատներ էին ներկայացնում:

Այդ իր հերթին դժգոհություն էր ծնում քրդական շրջան-
ներում և աշիրեթապետերին պատրվակ ծառայում դիմելու նոր
հարստահարությունների ու բռնությունների: Գործնականում օս-
մանյան կառավարությունը ամեն ինչ անում էր քրդերի ձեռքով
հայերի հետ հաշվհարդար տեսնելու, Հայկական հարցը այդ
միջոցով լուծելու համար:

1878 թ. Բեռլինի կոնգրեսում օսմանյան պատվիրակություն-

* «Հայ ազդիկները... խաֆիրների տներում հարսի նման օրերով ձավար,
կորկոտ պատրաստելով, լաթեր լվանալով ու կարկատելով սպասարկույուն
են կատարում՝ լուռ արտասվելով, եվ նրանց զլլի արտերը քաղհանելու հա-
մար շաքաթներ են աշխատում...»

Այն հայ կանայք, որոնք չբեր են կամ ուղա երեխա չեն ծնում, խա-
ֆիրները հարկադրում են երկրորդ կինը առնել, որպեսզի զավակ ծնելով տա-
րեկան տուրքը վճարեն» (Լեո, «Թուրքահայ հեղափոխության գաղափարաբա-
նությունը», Կ. Ա. Փարիզ, 1934, էջ 42—43):

նը ամեն կերպ աշխատում էր հայերի նկատմամբ գործադրվող կեղեքումների ու ճնշումների մեղքը բարդել քրդերի վրա: Եվ նրան, Արևմուտքի պետությունների աջակցությամբ, այդ հաշտողվեց, որ բնական է, ավելի սրեց քուրդ-հայնական հարաբերությունները:

Միաժամանակ օսմանյան իշխանությունները գրեթե դադարեցրին հալածանքները քրդերի նկատմամբ: Նրանց նույնիսկ թույլատրվեց ստեղծելու շեյխություններ: Կայսրության հարավային շրջաններից Տարոն բերվեցին քրդական նորանոր ցեղախմբեր:

Քրդական առաջադիմական շրջանները հասկանում էին սուլթանի դիվային խաղերի իմաստը:

Ավելի ուշ, 1901 թ. «Քուրդիստան» թերթում տպագրվեց մի կոչ՝ ուղղված քրդերին. «Քրդե՛ր, բավական չէ՞ արդյոք ծառայել պաշտոնավոր նոքարներին և Աբդուլ Համիդին, որը ձեզ գրկում է քաղաքակրթության և առաջադիմության բարիքներից, լուսավորության պտուղներից, ազատության երջանկությունից, պղծելով ձեր պատիվն ամբողջ աշխարհի առաջ՝ նենգամտորեն ոճրագործությունների դրդելով ձեզ և տգեղ համբավ ստեղծելով ձեր անվան շուրջ:

Հայկական կոտորածների միջոցով նա ստիպեց ձեզ ոտնակոխ անել դարավոր ու այնքան բնական հարաբերությունները հայերի հետ, կատարված շարագործությունների պատասխանատվությունը գնելով ձեր ուսերին՝ բողբոջելով աշխարհից: Սակայն իմացեք, որ դուք էլ Աբդուլ Համիդի կողմից անպատիժ չեք մնա»:

Բայց այդ շրջանների ազդեցությունը թույլ էր, նրանք չկարողացան դիմակայել շեյխերի գլխավորած իսլամական գրողի տակ իրականացվող հայաջինջ քաղաքականությանը և ցեղապետերի ընչաքաղցությանը:

Հայերի դրությունը օրեցօր վատանում էր: Նրանք զրկվել էին քաղաքական ամենատարրական իրավունքներից: Հայերի բռնի հավատափոխությունը, ձուլումն ու բնաջնջումը դարձել էր օսմանցիների պետական քաղաքականությունը և իրականացվում էր պարբերաբար:

Մի մշեցի՝ Միկիշ անունով, գրեց. «Հայը գերի էր, մենք՝ մեր տան ու տեղի տեր չէինք, ոչ էլ մեր մուլքի ու կայքի, ոչ էլ մեր կնոջ ու զավակի...»¹²։

Հայերի վիճակը առավել անտանելի դարձավ, երբ Կովկասից ու Բալկաններից բերվեցին ու նրանց հողերի վրա բնակեցվեցին ավելի քան 250 հազ. շերքեզներ ու այլ մուսուլմաններ: Վերջիններիս կառավարությունը ապրելու որևէ միջոց չտվեց, բայց բոլորին զինեց: Նրանց ապրուստը պետք է հայ գյուղացին հոգար: Չերքեզը զինված, իսկ հայը գեներ կրելու իրավունքից զուրկ, շերքեզին տվեցին ոստիկանական վարչական իրավունքներ, իսկ հայը գործնականում օրենքից դուրս էր դրված:

Այս պայմաններում պատահական չէ, որ կողոպուտն ու առևանգումն աննախադեպ չափերի հասան: Չերքեզներին կանգնեցնելով դաժան երկընտրանքի առաջ՝ սովից մեռնել կամ ապրել թալանով ու կողոպուտով, սուլթանը նույն նպատակն էր հետապնդում՝ նրանց միջոցով քայքայել հայ գյուղը, հայ գյուղացուն հարկադրել հեռանալ այլ վայրեր ու երկրներ: Անգլիական մի դիվանագետ գրում է. «Ոչ մի բան չի կարող արդարացնել այն, ինչ... ձեռնարկեց թուրքական կառավարությունը, զինված մարդկանց ամբոխը լցնելով այն երկիրը, որի անմեղ բնակչությունը նույնիսկ սովոր չէր գեներ կրելու»¹³:

Անգլիական մի այլ դիվանագետ պատմում է, թե ինչպես ինքը հանդիպել է հայկական շրջաններ գաղթող մահմեդականների: Ըստ նրա, այդ մահմեդականները ցնցուտիների մեջ էին, տառապում էին ջերմախտով, մեռնում էին սովից: Գաղթականների մեծ մասը ապրում էր բաց երկնքի տակ, սնվում միայն հատապտուղներով: Այն հարցին, թե նրանք ինչու են թողել Կովկասը՝ մուլաներից մեկը ցույց է տալիս օսմանյան կառավարությունից ստացված խոստումներով լի թուղթը՝ մի տարի նրանք պետության կողմից հացով կապահովվեին, նրանց կտրամադրվեն ամենալավ հողերը՝ գյուղատնտեսական գործիքներ, անասուններ, ինչպես նաև դրամ՝ տներ, մզկիթներ, դպրոցներ կառուցելու, ուսուցիչներ վարձելու համար¹⁴:

Վանի ճանապարհին տեսնելով հայաբնակ շրջանների շարժվող շերքեզներին, որոնց «տղամարդիկ ոտքից գլուխ զինված էին», ականատեսներից մեկը գրեց. «Կարելի է կարծել, որ մենք վերադարձել ենք ժողովուրդների մեծ գաղթի դարաշրջանը»¹⁵:

Միայն Կարինի մի կազայում, որն ուներ ընդամենը 30 հազար բնակիչ, վերաբնակեցվեց 25 հազար զինված շերքեզ:

Չերքեզներն «անսպասիժ կողոպտում են... նրանք տերերին թշում են իրենց սեփական հողից, հափշտակում բերքը... մինչդեռ հողի տերերը պետք է հողային հարկ վճարեն պետությանը, կառավարությանը այն հողերի համար, որ իրենք օգտագործել չեն կարող...»

Մի շարք գյուղերի բնակիչներ հայտարարում են, որ իրենց գյուղացիները պարզապես անհնարին է...»¹⁶,

Ռուլեն Ժեկմենը գրում է. «Ստրուկներ, մանավանդ հաճույքի առարկա ծառայող ստրուկներ ունենալը և գնելը թուրքիստանում հաճախ է պատահում և այդ նպատակով աղջիկների ու պատանիների գրեթե բացարձակ հափշտակումներ են կատարվում»: Միայն Ազիզի կազայում չերքեզներն ունեին 2000 ստրուկ, որոնք վաճառվում էին Կ. Պոլսի հարեմներին: Պատանիների գինը 20—30 լիրա էր, իսկ կանանց գինը՝ 20—120 լիրա, նայած ստրուկուհու գեղեցկության:

Ամասիայում աղջիկների առևտրի մի դեպքի քննության ժամանակ պարզվեց, որ դատարանի նախագահը ևս մեղադրվող բեկից մի կին և մի աղջիկ էր գնել¹⁷:

«Ծս չգիտեմ,— գրում է Ռուլեն Ժեկմենը,— կարելի՞ է արդյոք մի այլ երկիր տեսնել, որի կառավարությունը այդպես ձգտեր իր սեփական նահանգները լցնել վայրի հորդաններով, և ինքը նրանց առաջ այդպիսի երկրներում դնե՞ր՝ կամ ապրի՞ր թալանով ու կողոպուտով կամ աղբատությունից ոչնչացի՞ր: Թուրքիայի իշխանությունների վարքը ստիպում է մտածել, որ նրանց մեջ միտք է հղացել քայքայել ու ոչնչացնել քրիստոնյա բնակչությանը, շտալով նորեկներին գոյության այլ միջոց, բացի թալանից... Սրանից հետո մի՞թե կարելի է զարմանալ, որ Թուրքահայաստանը, որ բնությունից օժտված է ամենահարուստ երկրներից մեկը լինելու, դարձել է ամենաղժբախտ և աղբատ երկիրը»¹⁸,

Հյուսիսայտասիական զեկուցագրերից մեկում կարդում ենք. «Եթե մի տարի առաջ շկար ոչ կյանքի, ոչ գույքի ապահովություն, ապա այժմ ավելի քիչ է: Եթե առաջ աղբատություն էր, այժմ դա ավելի է մեծացել, արդարագատության մասին հիշողություն իսկ չկա, իսկ ոճիրները, կաշառակերությունը և բռնությունները ավելի են բազմացել, ամբողջ բնակչությունը լիակատար հուսահատության մեջ է, և այժմ ավելի հաճախ,

քան առաջ, նույնիսկ առանց փոխադարձ համաձայնության և կանխատեսության, խղճուկ ուսայի մեջ, որը համբերությամբ տանում էր բազմադարյան բռնության լուծը, առանձնապես վրդովեցուցիչ փաստերն առաջ են բերում անկարգություններ ու տեղական խռովություններ: Կառավարությունը, հեռու լինելով այդ դժբախտությունների առաջն առնելու միջոցների փնտրելուց, մտահոգված է միայն մեկ ցանկությամբ՝ հայերին սանձահարել նրանց դեմ գրգռելով քրդերին: Նա այս վերջիններիս բաժանում է մարտիկ հրացաններ, շարունակելով հայերին արգելել զենք կրել նույնիսկ սեփական պաշտպանության համար»¹⁹:

Արևմտյան Հայաստան մահմեդական տարրերի ներմուծումը հեշտացնելուն և հայերին ամենուրեք ազգային փոքրամասնություն դարձնելուն էին նպատակաուղղված 1864—1880 և 1886 թ. վարչական ռեֆորմները: Համաձայն այդ ռեֆորմների, օրինակ, Սասունը բաժանվեց չորս գավառների. Խուսի ու Մտականը մտան Բիթլիսի, Շատախն ու Բոնաշենը՝ Մուշի, Խուլբը, Տալվորիկը և Խիանքը՝ Կենճի, Փսանքը և Ռնդուանը՝ Սղբրդի գավառակների մեջ: Խուլբից անջատեցին Լճենը, իսկ Ֆարդինը, որ Խուլբի ու Խիանքի կենտրոնն էր, կցվեց Դիարբեքիին:

Վերածնվեց Արևմտյան Հայաստանի նաև մյուս մասերի վարչական քարտեզը, հայաբնակ շատ վայրեր մտցվեցին Քրդաստան կոչվող վարչական միավորի մեջ: Խարբերող միացվեց Դերսիմին, իսկ Հեքիարը՝ Վանին: Կիլիկիան մնաց Հալեպի և Ադանայի նահանգների մեջ բաժանված:

Այսպիսով, կայսրության տարածքում բնակվող հայերի բնակավայրերը բաժանվեցին մահմեդականներով բնակեցված վարչական միավորների վրա:

Իուլանդացի պրոֆեսոր էմիլ Դիլոնը գրում է. «Հայերի ոչնչացման ծրագիրը ակնհայտորեն հաջող ու կանոնավոր է գործում, քրիստոնյա բնակչությունը ոչնչացվում է, գյուղերն ուրիշների ձեռքն են անցնում այնքան արագ, որքան զավեշտական օպերայի գեկորները»: Է. Դիլոնը բերում է Ալաշկերտի հինգ գյուղերի օրինակը, ուր նախկինում ապրում էին երեք հազար հայ ընտանիք: Քուրդ ցեղապետերի կողմից այդ գյուղերին տիրանալուց մի քանի տարի անց դրանցում ոչ մի հայ չէր

ապրում: Բուլանըխի հաշ հայկական գյուղին տիրանալով, քեղապետ Մ. Հմինը բոլոր հայերին գյուղից քշեց և այնտեղ մահմեդականների բնակեցրեց²⁰:

* * *

Իշխանությունները աշիրեթապետերին ուղղակի հասկացրին, որ հայերի նկատմամբ նրանց ոչ մի գործողություն, այդ թվում կոտորած ու հարստահարություն, որպես հանցագործություն չի դիտվի: Հետևաբար, կարող են անպատիժ թալանել ու սպանել: Կ. Պոլսի հոգևոր առաջնորդները, դիմելով մահմեդականներին, կոչ էին անում. «Բոլոր նրանք, ովքեր Մահմեդի որդիներ են, այժմ պետք է կատարեն իրենց պարտականությունները և սպանեն հայերին, այրեն ու հողին հավասարեցնեն նրանց տները: Ոչ մի հայի շպետք է խնայել, այդպիսին է սուլթանի հրամանը»²¹:

Իհարկե, բանն այստեղ կրոնը չէ, այլ «բաժանիր և տիրիր» քաղաքականությունը:

Իրավացի էր Կ. Պոլսում Ռուսաստանի ռազմական կցորդ Ա. Զելյոնինը, երբ գրում էր. «Արևելքում շարժումների մեծ մասը սկսվում է ժողովուրդների նյութական անտանելի վիճակից: Նույն ձևով ճնշվում են թե՛ քրիստոնյան և թե՛ մահմեդականը: Սկսվում են շարժումներ, որոնց մասնակցում են թե մեկը և թե մյուսը, սակայն կառավարությունը իր փրկության համար կրոնական թշնամանք է բորբոքում, իրար դեմ դուրս բերում մահմեդականներին ու քրիստոնյաներին, և, ի վերջո, տևտեսական հարցը փոխում է իր բնույթը և դառնում իսլամի ու խաչի կռիվ»²²:

Բացի դա, արդեն ասվեց, որ 70-ական թվականների վերջերին ամբողջական տեսք ստացավ հայերին ոչնչացնելու սուլթանական քաղաքականությունը: Այդ քաղաքականությունը գործնական հողի վրա դրվեց հատկապես այն բանից հետո, երբ սուլթան Համիդը տապալեց Բեռլինի կոնգրեսի 61-րդ հոդվածի կատարումը, և մեծ պետությունները լուծվածք անցան դրա կողքից:

Համիդը հասկացավ, որ այդ պետությունների միջև հակասություններն այնքան խորն են, որ անհնար են դարձնում

նրանց միացյալ գործողությունները: Հետևաբար, ինքն ազատ է գործելու սեփական հայեցողությամբ:

Սուլթանը ճիշտ էր գնահատել իրավիճակը: Մասնավորապես Անգլիան իր «չերմեռանդ թուրքասիրությունը» սուլթանի համար ազատ գործելու անսահմանափակ հնարավորություններ ստեղծեց: Հասարակական կարծիքը խաբելու նպատակով, Բեռլինի կոնգրեսից հետո Սուլթանին մշակեց Արևմտյան Հայաստանում անցկացվելիք ռեֆորմի նախագիծ: Սուլթանը «համաձայնվեց» այն իրագործել, պահանջելով վեց միլիոն լիրա փոխառություն: Համիդը լավ գիտեր, որ անգլիական բանակը, որոնց Օսմանյան կայսրությունը մեծ գումարներ էր սլարաք, հրաժարվելու էին նոր փոխառություններ տալուց և հարցը դրանով կփակվեր: Այդպես էլ եղավ:

Երբ հայերը իրենց հողերի վրա մուհաջիրներ բնակեցնելու դեմ բողոքեցին «իրենց հովանավոր» Անգլիայի կառավարությանը, Կ. Պոլսում Անգլիայի դեսպան Լեյարդը հայերի բողոքին պատասխանեց՝ Թուրքիան ապաստան է տալիս իր կրոնակից փախստականներին և դրա դեմ անհնար է որևէ բան անել: Անգլիան նաև օգնում էր սուլթանին հայերին ու քրդերին իրար դեմ գրգռելու գործում: Բրիտանական կառավարությունը Քրդստանում հյուպատոս նշանակեց Տրոտրին և նրա համար նրստավայր որոշեց Կարինը: Այսինքն՝ կրկնվում էր այն կեղծիքը, որ Հայաստան չկա, կա միայն Քրդստան:

Մեր օրերում թուրքական պատմագրությունը ամեն միջոց գործադրում է արդարացնելու այդ քայլերը: «Հայկական թղթապանակի» 1984 թ. հուլիսի 15-ի թողարկման մեջ արտահայտված է այն միտքը, որ բրիտանական դեսպանատան աշխատակից Ուիլանը, ներկայացնելով հայերի «բնավորության վատ գծերը», գրում է. «Անատոլիայի բնակչությունը մտովի հասունացած չէ բարեփոխումների համար: Ազգաբնակչության մեծամասնությունը զարգացած չէ և անգրագետ է»: Բնորոշ գաղութատիրական տրամաբանություն, որը մեր օրերում էլ նեոգաղութատերերն օգտագործում են ուրիշ ժողովուրդների վրա իրենց տիրապետությունը երկարաձգելու համար:

Ո՞վ դարմանք. թուրքերը ընդունակ են ոչ միայն ինքնուրույն քաղաքական կյանքի, այլ նաև ունենալու աշխարհակալ կայսրություն, իսկ հայը ոչ միայն անընդունակ է անկախության,

այլև Օսմանյան կայսրության շրջանակներում բարեփոխ պայմաններում ապրելու:

Անգլիայն կանգնած էր հայերի բնաջնջման և «Համիդակա-նություն» անունը կրող ծրագրի խանձարուրի մոտ:

Անգլիական քաղաքականության համար բնորոշ են Քեամիլ փաշայի հետևյալ խոսքերը (1879). «... Այսօր գոնե Անգլիայի ջահերը պահանջում են, որ Փոքր Ասիայի (մենք և Անգլիան «Հայաստան» բառը ոչ միայն չենք ճանաչում, այլ այդ անունը արտասանողների կղակները պետք է ջախջախենք) մեր ունեցած երկրները ազատ մնան օտարի միջամտությունից և միջամտության ամեն առիթներից, ուստի այդ սուրբ նպատակի համար պետք է և պետական իրավունքը պահանջում է, որ անհետացնենք ամեն մի կասկածելի տարր, որպեսզի ապագան ապահովենք, ուրեմն այդ հայ կոչված ազգը պետք է վերացնենք, անհետացնենք, ճզմենք...»

... Եվ եթե այդ հայ ազգը բնաջինջ լինի և քրիստոնյա եվրոպան տաճկական Ասիայի մեջ կրոնակից փնտրի, բայց չգտնի, այն դեպքում մեզ կթողնի հանգիստ և մենք հնարավորություն կունենանք զբաղվելու մեր ներքին գործերով և բարեկարգություններով... Այն ժամանակ մենք կունենանք ամեն ինչ և փոխանակ ուրիշներից դաս առնելու, մենք ինքներս դաս կտանք Եվրոպային և կվերականգնենք մեր նախկին փառքը»²³:

1879 թ. Վան է ուղարկվում մի բարձրաստիճան գինվորական՝ Սամի փաշան, որին տված հանձնարարությունը շնայած գաղտնի էր, բայց ինչպես «Մշակի» թղթակիցն էր գրում, Սամի փաշայի առաջ խնդիր էր դրված «Հայոց ազգությունը ճնշելու, Հայաստանի կարևորությունը և ողջ հայության ապագա ակնկալությունները ոչնչացնելու մի նոր հնարագետ, արտաքուստ չերևացող և արագ գործադրելի նախադիժ մշակելու և իսկույն գործի դնելու Բնաջնջման գործիքները պետք է դառնային քրդերը»: Փոխվել էր վերաբերմունքը քրդերի նկատմամբ: Համիդը արդեն քրդական շարժումներից չէր վախենում, «բնդհակառակը, խրախուսում էր, որովհետև կարծում էր այդպիսով կարող է ստեղծել քրդական մի միություն, որ իր ձեռքին քաղաքական ուժեղ գործիք կդառնար, իսկ անկախության գաղափարը հեշտ կարելի էր մոռացության տալ՝ գրգռելով բոլորդիրին հայերի դեմ»:

Ահա թե ինչու «Սամի փաշան Վան մտած-չմտած, — ջարու-

նակում է «Մշակը», — սկսեց բոլոր կողմերից քրդերին հավաքել և Վան քաղաքը լցնել՝ հակակշռելու համար քուրդ տարրը հայկական տարրին: Մտադիր է նույնիսկ քուրդ պաշտոնյաներ նշանակել կառավարական զանազան ատյաններում... Կարինի ճանապարհի վրա մինչև Վան հանդիպած բոլոր ավազակապետ քրդերին փոխանակ ձերբակալելու, մեծ պատվով քաջալերեց և նրանց խրախուսեց իրենց գործունեության մեջ...»²⁴:

1880-ական թվականներին արդեն իրողություն էր թուրք հրապարակախոսության միաբան թշնամությունը անխտիր բոլոր հայերի դեմ, որոնց թուրքերը մեղադրում էին պետական դավաճանության մեջ, որովհետև «նրանք, հենված օտար պետությունների վրա, արագացնում էին նրանց միջամտությունը թուրքիայի ներքին գործերին և պատրաստում բուլղարների նման ապստամբություն: Օրվա հերոսները այդ լրագրերի համար դառնում էին քրդերը, որոնք և պիտի լինեին հայոց հարցի կործանողները: Գոյվում և փառաբանում էին քրդական բառեմասնությունները, ժխտում էին, որ նրանք առհասարակ որևէ վնաս հասցնում էին հայերին և պնդում էին, թե, ընդհակառակը, հայերն են նրանց նեղում ու վնասում...»²⁵:

Այսպիսով, սոցիալական առումով հայ գյուղացին «բնկալ երկու կրակի մեջ, — մինչդեռ, մի կողմից, քուրդ կալվածատերն իրենն էր համարում հայի մշակած հողը և պահանջում էր, որ այդ հողի վրա հաստատվեն նախկին կալվածատիրական իրավունքները, մյուս կողմից՝ կառավարությունը նույն այդ հողերը համարում էր իրենը և պահանջում էր վարձագինը: Այսինքն, երկու կեղեքիչներ դաշտում կանգնած էին՝ գյուղական մի հատ արորի վրա»²⁶:

Իսկ քաղաքական առումով «Այլևս կասկած չկա, — 1880 թ. հուլիսի 2-ին Վանից գրեց երիմյան Հայրիկը, — քրդական մի միություն է կազմակերպվում կենտրոնական կառավարության դրամամբ, որը ուզում է անգամալուծել հայոց հարցը, նրան հակադրելով մի նոր հարց՝ քրդականը...»

Որքան էլ... աննշան լինի այս միություն քաղաքական կարևորությունը, նա կարող է, սակայն, շարագուշակ հետևանքներ ունենալ, հանկարծակիի բերելով հայ ազգաբնակչությանը, որի ոչ միայն գույքը, այլև կյանքը այսօր վտանգի մեջ է»²⁷:

Սովետական պատմաբան Ա. Ֆ. Միլլեյ չ գրում է. «Գրաված ամբողջ տարածութեան վրա, բացի Անատոլիայից ու Ստամբուլին հարած Ռումելիայի մասից, թուրքերը ըստ էութեան շարունակում էին մնալ որպես ռազմական օկուպանտներ»²⁸:

Իսկ օկուպանտների համար բնորոշ են տեղական հարբստութունների յուրացումը, հպատակ ազգաբնակչության թալանը, օրինական և անօրինական հարկերի գանձումը: Օսմանյան կայսրութիւնում այս ամենը բազմապատկված ծավալներով կիրառվում էր հայերի նկատմամբ:

«Թայմս» թերթը 1877 թ. օգոստոսի 24-ին գրել է. «Հայերի վիճակը այն երկրներում, որով անցել Իսմայիլ փաշայի բանակը, ծայրաստիճան ողբերգական է: Ալաշկերտի հայութեան բոլոր 122 գյուղերը, բացի 9-ից, լրիվ ոչնչացվել են: Տեղում մնացած բոլոր քրիստոնյաները գազանաբար սպանված են: Մի շարք գյուղեր ամբողջովին այրված են: Մուշի օկրուզում որոշ գյուղեր կործանվել են, շատ բնակիչներ սրախողխող են արվել: Բայազետ քաղաքն ու շրջանը նույն բախտին արժանացան: Այդ վայրերի տղամարդկանց, կանանց ու երեխաների մեծ մասը սպանվեցին ամենադաժան ձևով»:

Մուսա անունով մի բեկ 80-ական թվականների Տարոնի հայ բնակչության համար իսկական շարիք էր դարձել: Նրա տրամադրութեան տակ կար 4,5 հազարանոց մի զինված ջոկատ, որը զբաղված էր միայն կողոպուտներով ու սպանութիւններով: Մուսա բեկը իրեն Տարոնի տերն էր համարում և գազանային հաշվեհարգար էր տեսնում բոլոր նրանց հետ, ովքեր իրեն չէին ենթարկվում: Նա 35 հայկական գյուղեր այրեց, բազմաթիվ այլ վայրագութիւններ կատարեց, բայց սուլթանը այդ ավազակին պատժելու փոխարեն բարձր աշխատավարձ նշանակեց:

Տարոնի Արգավանք և Խարս գյուղերի տանուտեր Օհան՝ ու Միրոն Մուսա բեկի դեմ մի քանի գանգատներ գրեցին Կ. Պալիս: Դա բավական էր, որպեսզի վերջինս այդ երկու տանուտերերին հաշվեհարգարի ենթարկեր: Նա Տարոնի գյուղերից մեկում բռնելով Օհանին, նրան պարանով կապում է ու գցում բուխարիկը: Ապա նրա այրված դիակը հանում դնում է Բիթլիսի

խճուղուն և վրան գրում. «Ով Մուսա բեկի դեմ բողոքի, այս վիճակին կհասնի»:

Մի քանի օր անց Մուսա բեկը 150 զինյալներով գիշերը հարձակվում է Խարս գյուղի վրա, մտնում է տանուտեր Միրոնի տունը, սպանում տանեցիներին ու փախցնում Միրոնի եղբոր դեռատի աղջկան՝ Գյուլիզարին:

Այս դեպքերը լցնում են տարոնցիների համբերութեան բաժակը, նրանք գանգվածային բողոքներ են գրում Կ. Պալիս: Այստեղ դատ է տեղի ունենում: Դատարանը սուլթանի ցուցմունքով Մուսա բեկին արդարացնում է: Դեռ ավելին, արքունիքը նրան ցուցադրաբար մեծ պատվների է արժանացնում: Դրանով Համիդը բեկերին հասկացնում էր. ես ձեր թիկունքին եմ, կոտորեք հայերին:

Կարինի անգլիական հյուպատոս Համպտոնը պատմում է պետական պաշտոնյա, ավազակութեամբ զբաղվող աշիրեթապետ Հուսեին աղայի մասին, որ օրը ցերեկով թալանում էր հայերին, և թալանածը կիսում կուսակալի, դատարանի նախագահի և վիլայեթի մյուս բարձրաստիճան պաշտոնյաների հետ: Այս ավազակի մասին քաջ գիտեին նաև օսմանյան արքունիքում: Համպտոնը նշում է, որ իր բերած «փաստերը, ինչպես ցույց են տալիս պաշտոնական փաստաթղթերը, ոչ թե ինչ-որ արտաբնական կարգի երևույթ են, այլ հայկական վիլայեթներում ապրող հայութեան զմեզակ պայմանների առօրյա պատկերը»²⁹:

Իսկ Հուսեին աղան շարունակում էր իր շարագործութիւնները: Նա սարսափի մեջ էր պահում Ալաշկերտի ազգաբնակչութեանը: 1890 թ. Բաթնոսի հայերը նրա սարսափից գաղթեցին Ղարաբաղի լիսն:

Վերջապես ավազակը վանում ձերբակալվում է: Այդ շարագործը մեղադրվում էր, որ հրդեհել է 9 գյուղ, սպանել 10 մարդ, կտրել 11 մարդու ձեռք, քիթ կամ ականջ, հափըտակել 2600 ուշխար, բազմաթիվ այլ ընտանի կենդանիներ, մեծ քանակութեամբ սննդամթերք, շարժական գույք, ոսկի ու դրամ:

Սակայն մի քանի ամիս անց Կարինի վալիի ջանքերով Հուսեինը բանտից ազատվում է ու բերվում Կարին: Այստեղից նա շարունակում է զլխավորել ավազակների գործունեութիւնը, թալանում, հրդեհում և ավերում հայկական գյուղերը: Միայն էյնթափի շրջանում ավազակախումբը, նրա եղբոր ղեկավարու-

թլամբ, ավերածութիւններ գործեց հայկական 21 գյուղերում: Բաթնոսցի հեշո անունով մի հայ հրաժարվում է կատարել նրանց պահանջը՝ տալ 5 ոսկի: Հուսեհին ավագակները գիշերը մտնում են հեշոյի տուն, մահացու վերք հասցնում նրա հարսին և մորթում վեց և յոթ տարեկան որդիներին:

Հուսեհներ կրկին նշանակվում է Բաթնոսի մուղիր: Նրա առաջին իսկ գործը լինում է այն, որ բանտարկում է 20 անմեղ հայի և հափշտակում 1000 ոչխար:

Այս բոլոր շարագործութիւններից հետո Հուսեհին կանչում են Կ. Պոլիս, ուր նա շքեղ ընդունելութիւն է գտնում, սուլթանից շքանշան ստանում, փառայի տիտղոսի արժանանում և նշանակվում գեներալ-բրիգադիր³⁰: Որպեսզի պարզ լինի այս ավագակի իրական դերը, ասենք, որ Համպոսի գեկուցագրի հիման վրա անգլիական կառավարութիւնը հանձնարարում է Կ. Պոլսում իր ներկայացուցչին՝ «համոզել Մեծ վեզիրին... պաշտոնից հեռացնելու այդ սրիկային»:

Անգլիական կառավարության ներկայացուցիչը Մեծ վեզիրի հետ գրույցի ժամանակ ի միջի այլոց ասում է. «Ըստ մեր ստացած տեղեկութիւնների, այդ սուրբկտը (Հուսեհինը) նույնպիսի հրեշավոր ճիվաղ է, ինչպիսին Մուսա բեյն է»³¹:

Քուրդ աշիրեթապետերը գնալով ավելի ու ավելի սանձարձակ են դառնում:

«Թվում է, թե որոշ օկրուզներում,— ասված է անգլիական

* Գիվանազետների հետ վերը նշված գրույցի ժամանակ Արդուլ Համիդ ամեն կերպ աշխատում էր համոզել, թե հայերը սուլթանի մյուս հպատակների հման օգտվում են իրակատար իրավասովասարութիւնից: Նա հիշատակեց, որ ամենահարուստ բանկիրներն ու բարձրագույն աստիճանավորներից շատերը հայեր են, «... հայերի իրավագրկութիւն և քրդերի շարագործութիւնների մասին լուրերը իրստ շափագանցված են և Կ. Պոլիս կանչված Մուսա բեյին նույնիսկ որևէ բանում չի կարելի մեղադրել»:

Գրան ուսական ներկայացուցիչը պատասխանում է. «Հայաստանի հասարակ քնակութիւնը գրութիւնը ծայրահեղորեն անբավարար է՝ նա ամենադաժան կերպով տառապում է քրդերի սանձարձակութիւնից, ինչպես և վատ կառավարումից կամ անփութ ընտրված վարչական աշխատողների գործունեութիւնից, որոնք հաճախ գործակցում են քրդերի հետ: Իսկ ինչ վերաբերում է Մուսա բեյին, ապա վկաները սարսափի մեջ են նրա կապերից և անձեռնմխիթութիւնից» (Ս. Մարկոսյան, «Արևմտահայութիւնի վիճակը XIX դարի վերջին», Ե., 1968, էջ 116—117):

դեսպանի նոտայում,— ... միակ ու գործնականորեն գոյութիւն ունեցող իշխանութիւնը աղաների ու քրդական բեյերի իշխանութիւնն է, որոնք նրանից օգտվում են, որպեսզի թալանեն, բռնաբարեն և նեղեն իրենց իշխանութիւնի տակ գտնվող զրոյաբախտ քրիստոնյաներին»³²:

Անգլիական բանակի կապիտան Կլեյտոնը 1879 թ. օգոստոսի 2-ին Մուշից գրում է, որ միայն 3 օր այդ քաղաքում լինելով, ինքը լսեց բազում հանցագործութիւնների ու գազանութիւնների մասին, որոնք կարող էին լցնել մի ամբողջ գիրք, և ինքը հիմքեր ունի հավատալու այդ պատմութիւններին... «Ես ինքս նկատեցի այն սարսափը, որով քրիստոնյա ազգաբնակչութիւնը նայում էր քրդերին, թուրքերին և իշխանութիւն ներկայացուցիչներին»³³:

Կլեյտոնը բերում է հետևյալ օրինակը:

«Երեք շաբաթ առաջ քրդական մի հայտնի խմբապետ, Միրզա բեկը, հրամայեց հայկական գյուղերից մեկի գյուղապետին ձեռնել նրա համար, որ նա ընտրվել է առանց իր համաձայնութիւն»³⁴:

«Մշակ» թերթը այս վիճակը նկատի ունենալով գրում է. «Պետք է միայն մտածել, թե ինչպես անել, որ մինչև եկող տարին Հայաստանի հողի վրա գոնե մի հատ տկլոր, բայց կենդանի հայ մնա»³⁵:

* * *

Հայկական ջարդերի նախապատրաստման ճանապարհին սուլթանը իրականացրեց ևս մի խոշոր միջոցառում: Անգլիական գիվանազետների խորհրդով նա ստեղծեց համիդիե հեծելազորային գնդեր, որոնք կազմված էին հիմնականում քրդերից:

«1890 թվին,— գրում է Ժակ դը Մորգանը,— սուլթանը, որ արդեն պատրաստվում էր հայերին բնաջնջելու, մի հանձարեղ գաղափար էր հղացել, այն է՝ Հայաստանի հարևան քուրդ հրոսակներին զինել «համիդիե ձիավորներ» անվան տակ»³⁶: Պետերբուրգում թուրքիայի նախկին դեսպան Շաքիր փառայի գլխավորութիւնով 1891 թ. կազմակերպվեց մի հանձնաժողով՝ համիդիե 20 գնդեր ստեղծելու, նրանց մարդիչ-սպաններ նշանակելու, զենք ու համազգեստներ բաժանելու համար: Համիդիեի կազմակերպումը հանձնարարված էր անատոլիական 4-րդ բա-

նակի հրամանատար, ջարդարար Զեքի փաշային: Նրա զինվորական իրավասության տակ էր ողջ Արևմտյան Հայաստանը:

Համիդիե զորագնդերի բանակատեղին տվյալ աշիրեթության կենտրոնն էր, այսինքն այդ զորամասերը իրենց հսկողության տակ առան բոլոր վեց վիլայեթները: 500 համիդեական ունեցող ցեղապետը զինվորական բարձր աստիճան և դրոշ էր ստանում: 1899 թ. համիդիե գնդերի թիվը հասավ 63-ի, որից 50-ը կազմված էր քրդերից: Դրանցում ընդգրկված էր շուրջ 100 հազար մարդ: Համիդիե գնդերի թվի նման արագ աճը պայմանավորված էր նրանով, որ իշխանությունները խոստացել էին նրանցում ընդգրկվողներին տալ հայերի հողերը, զիջել պարտքերը, նրանց ազատել հարկերից:

Է. Դիլոնը համիդիեների գազանությունների բազմաթիվ փաստեր է նկարագրում: Բուլանըխի բոլոր գյուղերը թթալանի ենթարկվեցին, նրանցից խլեցին ամեն ինչ, մինչդեռ թուրքական իշխանությունները այս թալանին նայում էին խրախուսական ժպիտով: 1894 թ. միայն Բուլանըխի և Մուշի օկրուգներում քրդերը թալանել են 10 հազար գլուխ խոշոր եղջերավոր անասուն և ուխար: Այս համակարգը տիրապետող էր ամբողջ երկրում»³⁷:

1898 թ. հուլիսին համիդիեի ինդրիս անունով մի կապիտան զորախմբով մտնում է Համենշեկու գյուղը և հայերից մեծ քանակությամբ անասուններ պահանջում և, բավարարում չըստանալով՝ կոտորում է գյուղացիներին: Ձնույն այդ Բուլանըխի օկրուգում, այդ նույն տարում տեղի են ունեցել 30 բացահայտ ու անպատիժ սպանություններ»³⁸:

«Մահճեղականներից տուժած քրիստոնյաները,— եզրակացնում է Է. Դիլոնը,— արդարադատության հասնելու ոչ մի հնարավորություն չունեն, և դա ոչ այն պատճառով, որ դատավորները անփութ և անգործունյա էին, այլ նրա համար, որ նրանք գիտակցաբար դրան են ձգտում... բողոքողն ինքն էր ենթարկվում պատժի այն բանի համար, որ բողոքում է իրեն վիրավորողների դեմ, բայց եթե թուրքը կամ քուրդն են դարձել հանցագործության կամ թեկուզ դժբախտ պատահարի զոհ, ապա կառավարական շինովնիկների եռանդը սահմաններ չի ճանաչում»³⁹:

Մի խումբ համիդեականներ իրենց անասուններն էին արածեցնում էրզրումի Ալիսահարիկ գյուղի արոտավայրում: Չորս հայ

երիտասարդներ գնում են նրանց խնդրելու, որ անասունները հանեն արտերից: Բայց նրանց դիմավորում է հրացանային համազարկը: Հայերից երկուսն ընկնում են, իսկ մյուս երկուսը՝ փախչում: Դեպքի վայր են գալիս գյուղացիներն ու սուտիկանները: Քրդերն արդեն հեռացել էին, իսկ սուտիկանները, հայերին մեղադրելով քրդերին սպանելու մեջ, 13 հոգու բանտ են նետում: Բանտից ազատվելու համար գյուղացիներից պահանջում են գտնել անհետացած քրդերին և նրանց 400 ոսկի կաշառք տալ: Կայացած դատավճռի մեջ գրված էր. «... Հայերն ապացուցեցին իրենց անմեղությունը, քանի որ երկու հայ սպանող քրդերը ողջ և առողջ են...»⁴⁰:

Համիդիե գնդեր կազմակերպելուց հետո սուլթանի հայաջինջ քաղաքականությունը ավելի գործնական հողի վրա դրվեց: Այդ գնդերի ստեղծումը նպատակ ուներ ուսուսական սահմանի երկարությամբ գտնվող տարածություններն ազատել հայերից, այսինքն կազմակերպել հայերի զանգվածային ոչնչացում, որպեսզի հայերի թիվը Արևմտյան Հայաստանի բոլոր վեց նահանգներում այնքան կրճատվեր, որ վերանար հայ բնակչության համար հատուկ ոեֆորմների անհրաժեշտությունը:

Յուրաքանչյուր քուրդ ընտանիք պարտավոր էր համիդիեի համար զինվորական ծառայության ուղարկել 17 տարին լրացած առնվազն մեկ պատանու՝ ձիով ու հանդերձանքով: Գունդը կերակրվում էր իր հաշվին, այսինքն՝ ավարի ու թալանի միջոցով: Ավարը տնօրինում էր ցեղապետը, որ միաժամանակ զենդի հրամանատարն էր: Նրա ազգականները զբաղեցնում էին մյուս հրամանատարական պաշտոնները: Այդ հրամանատարացեղապետերը հիմնականում Մուսաբեկի նման ավազակապետեր էին, որոնք գնդերում անսահմանափակ իշխանություն ունեին: Համիդիե գնդերը զործնականում վերածվեցին պետականորեն կազմակերպված ավազակախմբերի:

Է. Դիլոնին հաջողվում է հանդիպել համիդիե գնդի սպա, հայտնի ավազակապետ Մոստիգոյի հետ ու նրան մի քանի հարց տալ:

— Ինձ պատմել են, որ դուք սպանել եք մեծ թվով (հայեր), փախցրել նրանց կանանց, այրել նրանց գյուղերը...

— (արհամարհական ձևով) Դա ոչ մի գործ չունի իմ բանտարկության հետ: Ես հայերին թալանելու համար չէի պատրաստվում: Մենք բոլորս այդ անում ենք... Եթե ինձ դատեն, ապա

Թուրքական պահակախորհրդի վրա հարձակման և այն թալանելու, ինչպես նաև թուրքական զինուորի կնոջը բռնաբարելու համար... Բայց ամենևին ոչ հայերի համար: Նրանք ի՞նչ են, որ ես նրանց համար տուժեմ:

Մենք հարձակվել ենք գյուղերի վրա, սպանել ենք նրանց, ուժեր կարող էին մեզ սպանել, թալանել ենք տներ, բռնագրավել փողեր, անկողին, ոչխար ու կանայք և հարձակվել ենք ճանապարհորդների վրա: Մեր գործերը համարձակ ու մեծ են, և մարդիկ դրանց մասին շատ են խոսում:

Լսելով այդ «մեծ գործերից» շատերի մասին, որոնցից որոշները արժանացել են 50 մարդու կյանք, ես հարցրի.

— Հայերը երբեկից ձեզ դիմադրե՞լ են, երբ դուք տանում էիք նրանց ոչխարներն ու կանանց:

— Ոչ հաճախ: Նրանք չէին կարող, որովհետև զենք չունեին և նրանց լավ հայտնի էր, որ մեզնից մի քանիսին սպանելիս ուրիշ քրդեր գալու են և վրեժ են լուծելու մեզ համար, այնպես որ հայերը ոչինչ չեն շահելու: Երբ մենք ենք նրանց սպանում, ոչ ոք չի դժգոհում: Թուրքերը նրանց ատում են, իսկ մենք նրանց նկատմամբ թշնամություն չենք տածում: Մեզ միայն պետք է փող և թալան, որոշ քրդեր ցանկանում են զավթել նաև նրանց հողերը, իսկ թուրքերը ծարավ են նրանց արյան⁴¹:

80-ական թվականների կեսերից քրդերը սկսեցին սովորականից ավելի մեծ դաժանություններ տանջել, բռնանալ և սպանել քրիստոնյաներին՝ «հրապարակավ հայտարարելով, որ իրենց գործողությունները արժանանում են թուրքական կառավարության հավանությունը» (Կ. Լոյդ): «Քրդերը խրախուսվել էին ոչ միայն թալանելու անմեղ ու անպաշտպան քրիստոնյաներին, այլև այրելու այն հացը, որ նրանք չեն ցանկացել կամ չեն կարողացել իրենց հետ տանել: Նրանք խրախուսվում էին ոչ միայն կանանց անպատիվ անելու և տղամարդկանց սպանելու իրենց անասնական կրքերին բավարարություն տալու համար, այլ նաև հայերին ներշնչելու, որ վերջիններիս կյանքը սուլթանի ու նրա կառավարության կողմից շատ էժան է գնահատվում և այն կարող է անպատիվ խլվել հանուն յուրաքանչյուր մահմեդականի զվարճության, ում դուր է գալիս նման ձևով զվարճանալ⁴²:

«Ինչպես ես առաջ արդեն հայտնել եմ... — գրում է Համպտոնը, — քրդերին զինելու որոշումը այստեղ ընդունվում է

մեծ վախով: Այս զգացումը ուժեղանում է քրդերի վարքագծի հետևանքով, որոնցից շատերը բացեիբաց հայտարարում էին, որ իբր իրենք նշանակված են հայերին զսպելու համար, և իբր նրանք հավաստիացում են ստացել, որ քրիստոնյաներին նեղելու համար իրենք դատական պատասխանատվության չեն ենթարկվի»⁴³:

Տրապիզոնում անգլիական հյուպատոս Մ. Կոնգլորդը 1891 թ. մարտի 30-ին գրել է, որ քրդական նոր հեծելազորի մի խումբ նստեց «հատուկ նավ, որ գնում էր Կ. Պոլիս», որտեղ նրանց ընդունելու է սուլթանը: Այդ խումբը բաղկացած է «14 առաջնորդներից (ցեղերի) և մի շեյխից: Խմբին ուղեկցում է 140 մարդ»: Տրապիզոնում նրանց դիմավորեցին քաղաքացիական և ռազմական ծիսակատարություններով և մեծ շուքով ուղեկցեցին բերդ, որտեղից նրանց ուղարկեցին ճաշկերույթի՝ մահմեդական համայնքի ամենանշանավոր անդամների մոտ⁴⁴:

Այդ խմբի Կ. Պոլիս ժամանման մասին 1891 թ. մարտի 30-ին սուլթանի պաշտոնական ամսագիրը հաղորդեց հետևյալը. «Երեկ Տրապիզոնից ժամանեցին նոր գնդի սպաներն ու շարքայինները: Գունդը ձևավորվել է քոչվոր ցեղերից: Նորին մեծություն սուլթանը նրանց ընդունեց քոչքում, պալատի հարեվանությունյամբ, և Դերվիշ փաշային ուղարկեց նրանց հաղորդելու միապետի ողջույնը: Հրամայեց նրանց տեղավորել նոր զորանոցներում և հետևել, որ ոչ մի բանում որևէ պակասություն չզգան»⁴⁵:

Պաշտոնական մի այլ ամսագիր 1891 թ. ապրիլի 3-ին գրեց. «Այս երջանիկ գաղափարի նախաձեռնողը և այն մեծ հաջողությունը, որով, իհարկե, պսակվում է նրա իրականացումը, մենք պարտական ենք նորին կայսերական մեծություն սուլթանի իմաստնությունն ու հեռատեսությունը»⁴⁶:

Իսկ համիդեական գնդերի շարագործությունները այնքան ծավալվեցին, որ նրանք սկսեցին թալանել նաև թուրքական գյուղերը, հրաժարվել հավաքած հարկերը պետությանը հանձնելուց: Այս հողի վրա սրվեցին հակասությունները նրանց և կանոնավոր բանակի միջև: Բանակի հրամանատարական կազմից շատերը զայրույթով էին արտահայտվում համիդիների մասին, դրանց անվանելով ոչ միայն ավազակներ, այլև պարզապես «գողեր»:

Սակայն թուրքական այն փաշաներն ու պաշտոնատարները,

որոնք փորձում էին զսպել համիդեականներին, պաշտոնանկ էին արվում:

Թուրք փաշաներից մեկը, երբ Բայազետում վալի էր նշանակվում, սոսաց. «Սա զնում եմ Բայազետ վերջնականապես պաշտոնանկ լինելու համար, որովհետև շպետք է կարողանամ տանել համիդիե կոշված գազանների արարքները», քանի որ «Թագավորի անունը կրող զինվորին դիմադրելը նույնն է, թե Թագավորին դիմադրելը»⁴⁷:

Համիդիե զնուների ձիավորները իրենց բուրձների վրա կրում էին «Սուլթան Համիդ» մականգրություններ նշան:

Համիդը աշիրեթապետերի նկատմամբ առատաձեռն էր: Նրանցից ազդեցիկներն ու ուժեղները շքանշանների ու պաշտոնների արժանացան: Նրանց երեխաներին թուրքական ոգով դաստիարակելու և միաժամանակ պատանդ պահելու նպատակով է. Պոլսում թուրքական հատուկ դպրոց բացվեց:

Կուսակալներին հրամայվեց հայերին թալանելու և կոտորելու համար աշիրեթություններին շեղարկել:

Համիդիե զնուների կազմակերպումը, կառավարության կողմից հայերի նկատմամբ աշիրեթապետերին տրված արտոնությունները, դավանանքի տարբերությունը ստեղծել էր մի հակամարտություն, որ սուլթանն օգտագործում էր քրդերի ձեռքով հայերին կոտորելու համար:

Է. Դիլոնը հայերի նկատմամբ գործադրվող օսմանական այդ քաղաքականությունը բնորոշում է որպես «կազմակերպված ավազակություն, օրինականացված սպանություն և վարձատրվող անբարոյականություն... Զորքի մեջ զրանցված քրդերը թողնվել են իրենց հայրենի վայրերում, ազատված էին ծառայությունից, մատակարարվում էին զենքով, օժտված են դեսպանական անձեռնմխելիությամբ և ապահովված են ոռճիկով...

Եվ նրանք իրենց միսիան կատարում էին փութաջան ճշտությամբ. կողոպտում էին հայերին, քանդում էին տները, այրում էին հացն ու անասնակերը, ոչնչացնում գյուղերը, մորթում էին անասուններին, հափշտակում էին երիտասարդ աղջիկներին, անպատվում էին ամուսնացած կանանց, կոտորում էին ամբողջ գյուղեր:

Այժմ հայերը պատկանում են երկրագնդի ամենաչքավոր և ամենազժքախտ ժողովուրդների թվին»⁴⁸:

Կ. Պոլսում ոռուսական դեսպանատան խորհրդական Սեմյո-

նովը Սասունում հայ-քրդական հարաբերությունների էվոլյուցիան հետևյալ կերպ է նկարագրում. «Այդ վայրենի և անառիկ երկրում, հենց բնության պայմանների շնորհիվ հայերը մինչև վերջին ժամանակները շատ քիչ բանով էին կախված թուրքական իշխանություններից: Առաջներում նրանք քրդերի հետ ապրում էին շատ ավելի համերաշխ, որոնք հայերին ոչ միայն չէին նեղացնում, այլ, ընդհակառակը, նույնիսկ պաշտպանում էին թուրքերի ոտնձգություններից: Վերջին տարիներին հարաբերությունները միանգամայն փոխվեցին: Քրդերի նկատմամբ սուլթանի ողորմածությունները և նրանց ոչ կանոնավոր հեծելազոր դարձնելը ակամա նրանց մերձեցրեց թուրքերի հետ»⁴⁹:

Մ. Օրմանյանը նշում է, որ համիդիե քրդերը, ենթարկվելով սուլթանական ագիտացիային, իրենց շուրջած զգացին և սաստկացրին շարժաբարական դադանությունները հայերի դեմ⁵⁰:

Աշիրեթությունները կույր գործիք դարձան սուլթանի ձեռքին, վերջինիս հայաչինջ քաղաքականությունը իրականացնելու համար:

Իսկ Ս. Մանդելշտամը, որ երկար տարիներ աշխատել էր թուրքիայում և քաղաքացիական էր կայսրությունում կատարվող իրադարձություններին, հայ-քրդական հարաբերությունների այդ էվոլյուցիայի մասին գրում է. «Թուրքական իշխանությունները, շնայած մինչև XIX դարի կեսերը ատում էին հայերին, բայց ատում էին «նաև անկարգապահ քրդերին և աշխատում էին պահել հավասարակշռությունը երկու տարրերի միջև»: Հայերը չէին ձգտում Օսմանյան կայսրության տապալմանը, ընդհակառակը, «թուրք տարրի հետ համաձայնությունը հայերի համար մի կենսական կարևորություն ուներ»: Բայց թուրքական իշխանությունները, փոխանակ հայերին ընդառաջ զնալու, որդեգրեցին «քրիստոնյաներին հալածելու և ոչնչացնելու» քաղաքականությունը: Աբդուլ Համիդը օսմանյան տիրապետության տակ գտնվող ժողովուրդներին թուլացնելու համար նրանց «լարում էր մեկը մյուսի դեմ: Սրանից է քրդերի գրգռումը հայերի դեմ և այս վերջինների կոտորումը»: Եվ իսկապես, մինչ այդ հայերը ուսյա էին, ենթակա բուրդ աղաներին, բայց «քանի որ նրանց ծառայեցնում էին թե՛ իրենց դաշտերը մշակելու և թե՛ ուրիշ աշխատանքների համար, քուրդ բեյերն ու աղաները մի որոշ շահով բարյացակամորեն էին վարվում հայերի հետ և նրանց պաշտպանում ուրիշ

ավատապետ քուրդ տեղերի կեղեքումներին... մի խոսքով... հայերը աշխատում էին, քրդերն էլ նրանց պաշտպանում էին: Դարեր ի վեր այս վիճակին սովորած հայերը չէին երևակայում, թե կարող է ուրիշ կերպ լինել և չէին բողոքում իրենց ճակատագրի դեմ»:

Աբդուլ Համիդին այդ վիճակը վտանգավոր թվաց, «նա կամեցավ խեղդել հայոց հարցը՝ ջնջելով հայերին»: Այդ նպատակով նա որոշեց օգտագործել քրդերին: Իսկ քրդերը, դժգոհ հայերի զարթոնքից ու նրանց ինքնուրույն գործելու ձգտումից, «ուրախությամբ ընդունեցին այն հրամանը», որ Ելտուղի գաղտնաբար տրվում էր նրանց՝ ճնշելու հայերի նորածին շարժումը՝ նրանց ահաբեկման ենթարկելու միջոցով: Եվ երբ Աբդուլ Համիդը, համիդիե գնդեր կազմելով, միաժամանակ բացարձակ ազատություն տվեց քուրդ աշիրեթություններին՝ հայերի հետ վարվելու այնպես, ինչպես իրենց համար լավ կթվա, քրդերի ավազակության և կողոպտտի բնազդին ազատ ընթացք տրվեց»:

Շեյխերն ու մուլաները, որպես Աբդուլ Համիդի մտադրությունների հավատարիմ թարգմաններ, աշխատում էին քրդերին համոզել, թե հայերը օգնականում են երկրի տերը դառնալ, այդ թունավորեց քրդերի ու հայերի հարաբերությունները... սպանություններն ու ընդհանուր հափշտակությունները վերածվեցին ընդհանուր կոտորածի ու կազմակերպված ավարատության»:

Այսպիսով Աբդուլ Համիդը «հասել էր իր նպատակին՝ հայ ու քուրդ ժողովուրդների միջև ստեղծելով մի խորը անվստահություն, հակամարտություն և ատելություն»:

Սակայն Մանդեղլտամը իրավացիորեն նկատում է, որ տպավորություն չպետք է ստեղծվի, թե Հայաստանում «կոտորածի վարչաձևը նվիրագործեց» սուլթան Համիդը, որովհետև «բոլոր ժամանակներում, նույնիսկ նրանից առաջ, թուրքի ձեռքը ծանրապես կախված էր հայկական նահանգների վրա»:

... Եթե մեծ քաղաքներում, ինչպիսին են Կ. Պոլիսը, Իզմիրը, Ադրիանապոլիսը, Բրուսսան, Սալոնիկը, հայերն ունեին մի տանելի կյանք, ապա... հեռավոր գավառներում թուրք պաշտոնյաներն ու քուրդ բեյերը իրար հետ մրցում էին այս ազգի գժբախտ գյուղացիներին շահագործելու մեջ»:

Հարաբերությունները գնալով սրվեցին: Վիճակն ավելի բարդացավ, երբ միջամտեցին մեծ տերությունները: Ահա այս պայ-

մաններում «Հայերի դանդաղ բնաջնջումը այլևս չէր բավարարում Կարմիր սուլթանին, և 1894 թվականի օգոստոսին նա փորձեց մի փոքրիկ նախաբան-կոտորած Սասունում»⁵¹:

* * *

Քրդերին հայերի դեմ հրահրելու գործում կարևոր դեր խաղացին ոչ միայն մահմեդական մուլեռանդությունը և անպաշտպան քրիստոնյաներին թալանելու նրանց ընչաքաղցրությունը, այլև այն հանգամանքը, որ սուլթանին հաջողվեց քրդերին ներարկել այն գաղափարը, թե իբր նրանց բնօրրանը Հայաստանն է, որ հայերը եկվորներ են և ուղում են Քրդստանը Հայաստան դարձնել, որ ուսյա հայը ցանկանում է երկրի տեր դառնալ և քրդին ուսյա դարձնել, որ քուրդ ժողովրդի գոյատևումը հնարավոր է միայն Հայկական բարձրավանդակում:

Դրանով թուրքերը հետապնդում էին նաև մի այլ նպատակ: Ժխտում էին իսկական Քրդստանի գոյությունը, որն ընկած էր Դիարբեքի վիլայեթի և հարավից նրան հարող վարչական միավորումների զբաղեցրած տարածքներում՝ Հյուսիսային Սիրիայից, Հյուսիսային Իրաքից մինչև Պարսկաստան: Ահա թե ինչու, սկսած XVI դարից, սուլթանները համառորեն Քրդստանը դատարկում էին քրդերից ու նրանց վերաբնակեցնում Արևմտյան Հայաստանում: Քննադատելով այդ անհիմն քարոզները, Ն. Ադոնցը գրում էր, որ շատերը հայտարարում են, թե քրդական հարցը կարող է լուծվել միայն Հայկական լեռնաշխարհում: «Ոմանք նույնիսկ հակված են կարծելու, որ այդ հարցը կարող է գերադանցապես լուծվել հայկական հողում: Հայաստանը Քրդստան դարձնելու իրենց ձգտմամբ Հայաստանի բարեկամներն ու թշնամիները միավորվել են: Այն, որ թուրք քաղաքագետները հարյուրամյակների ընթացքում փորձում էին Հայաստանը բնակեցնել քրդերով և այն դարձնել Քրդստան, ինչոր չափով հասկանալի է: Սակայն այն, որ նման գործողությունները թաքնված կամ բացահայտ համակրանքով և հավանությամբ էին ընդունում այն եվրոպական պետությունները, որոնք կոչված էին հայերին պաշտպանելու թուրքերի ճնշումից, դա մի երևույթ է, որը պետք է առաջացնի բոլոր նրանց ատելությունը, ովքեր թեկուզ փոքր-ինչ պատկերացում ունեն բարոյականության մասին:

Նրանցից ոմանք, կորցնելով շափի ամեն մի զգացում, այն-

քան հեռու գնացին, որ սկսեցին հավաստիացնել, որ քրդերը Հայաստանի բնիկներն են, և որ, այսպես կոչվող, Հայաստանը միշտ քրդերի երկիր է եղել»⁵²;

Ինչ վերաբերում է հայերի ապստամբական տրամադրություններին և ապստամբության միջոցով մահմեդականներին ուսյա դարձնելուն, ապա հարկ է նշել հետևյալը: Համիդյան զուլումի տարիներին արևմտահայերն այնպես էին ճնշված ու կեղեքված, ճզմված ու տրորված թուրքական իշխանությունների և քրդական աղաների ու բեյերի ձեռքում, որ չէին կարող համընդհանուր ապստամբություն բարձրացնել ու այդ եղանակով ազատագրվել: Այդ հանգամանքը նկատել էին ժամանակակիցներից շատերը: Այսպես, Գր. Արծրունին գրում էր. «Թուրքիայի հայերը ճնշված, ստորացված են, մինչև այն աստիճանի կրավորական են դարձել, որ նրանցից անկարելի է սպասել բռնավորության, հալածանքի, ճնշման դեմ բողոքի որևէ դրսևորում...»⁵³:

Էրզրումում անգլիական հյուպատոս Կ. Լյուդը 1890 թ. հոկտեմբերի 2-ին գրում է. «Ալաշկերտի հովտում... հայ բնակչության ոչ մի դասակարգ որևէ շահով չի մտածում հեղափոխության մասին: Բացի այդ, զինված ապստամբություն անհնար է: Սակայն տրտունջները կամ բողոքի ձևը թուրքական կառավարությունը դիտում է որպես ապստամբություն, որի դեմ գործադրվում են... միջոցներ, որոնք առանց որևէ հիմքի հայերին ըրվում են ամեն մի անձնական ազատությունից»⁵⁴:

Կարինում անգլիական հյուպատոս Համպտոնը գրում է. «Այս վայրերում հայերի մեջ խռովության ձգտման կամ ապստամբության ծրագրի մասին միտքը զուրկ է հիմքից և այդպիսի մտադրության կենսագործման հնարավորությունները լիովին բացակայում են: Այստեղ հայերը ամենախաղաղ ժողովուրդն են... Նրանք ոչ զենք ունեն, ոչ առաջնորդներ և ընդհանուր ապստամբության մասին միտքը ծախս է առաջացնում բոլոր նրանց մեջ, ովքեր ծանոթ են երկրի իրական դրությունը: Այդուհանդերձ, թուրքական իշխանությունները այնպես են գործում, որ կարծես թե ապստամբություն է սպառնում»⁵⁵:

Անգլիական փոխհյուպատոս Լիկիեարդուպուլուն 1892 թ. գրում է. «Ես կարող եմ հավատացնել ձեզ, որ Ադանայի հայերը շատ հեռու են այն բանից, որպեսզի մտածեն կոմիտեների կամ այլ քաղաքական գործունեության մասին»⁵⁶:

Լորդ Գրանվիլի կարծիքով, հայերն անկարող էին ապստամբել, որովհետև «ճնշող տեռորի և ոչնչացման համակարգը կասեցրել էր նրանց բոլոր ուժերը»⁵⁷:

1. Րաֆֆի, Եժ, հ. 8, Ե., 1957, էջ 521:
2. Զորավար Անդրանիկն ու իր պատերազմները, Կ. Պոլիս, 1920, էջ 164:
3. Զ. Պողոսյան, Սասունի պատմությունը, Ե., 1985, էջ 130:
4. Գիվան հայոց պատմության, գիրք ԺԳ, Թիֆլիս, 1915, էջ 346:
5. Մ. Աղայան, Հայ ժողովրդի ազատագրական պայքարի պատմությունից, Ե., 1976, էջ 124:
6. Զ. Ինճիկյան, Օսմանյան կայսրության անկումը, Ե., 1984, էջ 102—103:
7. Րաֆֆի, Եժ, հ. 4, Ե., 1956, էջ 336:
8. Վրթ. Փափազյան, Երկեր, հ. 5, Ե., 1959, էջ 422:
9. Ս. Մարկոսյան, Արևմտահայության վիճակը XIX դարի վերջերիս, Ե., 1958, էջ 15:
10. ՀՅՍՀ ԳԱ ինֆորմացիոն բյուլետեն, 1984, № 7, էջ 42—43:
11. Լեո, Թուրքահայ հեղափոխության գաղափարաբանությունը, հ. Ա, Փարիզ, 1934, էջ 41—42:
12. Նույն տեղը, էջ 43:
- 12 ա. Մ. Աղայան, Հայ ժողովրդի ազատագրական..., էջ 111:
13. Положение армян в Турции до вмешательства держав в 1835 году, М., 1896, с. 60.
14. Նույն տեղը, էջ 69—70:
15. Նույն տեղը, էջ 68:
16. Նույն տեղը, էջ 62—71:
17. Նույն տեղը, էջ 66—67:
18. Նույն տեղը, էջ 68—69:
19. Նույն տեղը, էջ 107—108:
20. Братская помощь пострадавшим армянам в Турции, М., 1897, с. 13—14.
21. F. Nansen. Armenia and the Near East, London, 1928, p. 288—289.
22. Освобождение Болгарии от турецкого ига, т. 1, М., 1961, с. 44.
23. Փորձ, 1879, № 7:
24. Լեո, Թուրքահայ հեղափոխության..., հ. Ա, էջ 117—118:
25. Նույն տեղը, էջ 118—119:
26. Նույն տեղը, էջ 40:
27. Նույն տեղը, էջ 120:
28. А. Миллер, Турция: актуальные проблемы новой и новейшей истории, М., 1983, с. 21.
29. Положение армян..., с. 165—167.
30. Նույն տեղը, էջ 168:
31. Նույն տեղը, էջ 164:
32. Նույն տեղը, էջ 59:
33. Նույն տեղը, էջ 60:
34. Նույն տեղը, էջ 61:

35. Մշակ, 1880, № 66:
36. Ժ. Մորզան, Հայ ժողովրդի պատմություն, Բուստոն, 1947, էջ 340:
37. Братская помощь ..., ч. 2, с. 16.
38. Նույն տեղը, էջ 17:
39. Նույն տեղը, էջ 18:
40. Նույն տեղը, էջ 28—29:
41. Նույն տեղը, էջ 24—27:
42. Положение армян в Турции ..., с. 158—159.
43. Նույն տեղը, էջ 161—162:
44. Նույն տեղը:
45. Նույն տեղը, էջ 162:
46. Նույն տեղը:
47. Լ. Պողոսյան, Մասունի պատմությունը, էջ 167:
48. Братская помощь ..., с. 13—14.
49. Ս. Մարկոսյան, Արևմտահայության վիճակը..., էջ 194—195:
50. Մ. Ծրմանյան, Ազգապատում, մաս 2, Երուսաղեմ, 1927, էջ 5020:
51. A. Mandelchame. Le Sort de l'empira Ottoman, Paris, 1917, p. 187—195.
52. ՀՍԽՀ ԳԱ ինֆորմացիոն բյուլետեն, 1984, № 7, էջ 51:
53. Մշակ, 1876, № 24:
54. Положение армян ..., с. 153—154.
55. Նույն տեղը, էջ 56:
56. Геноцид армян в Османской империи, Е., 1982, с. 21.
57. Положение армян ..., с. 108.

**ԱԶԱՏԱԳՐԱԿԱՆ ԳԱՂԱՓԱՐՆԵՐԻ ՏԱՐԱԾՈՒՄԸ:
ԻՆՏԵՆՍԻՎԱԿԱՆ ԳՆԱՀԱՆՈՒՄՆԵՐ:**

Ձեռնած արևմտահայերի դժնդակ կացությունը, այնուամենայնիվ երկրի մ'ի շարք շրջաններում նրանք փորձում էին դիմագրավել օսմանյան բիրտ վարչակարգին և պաշտպանել իրենց գոյությունը:

Հին ճշմարտություն է՝ բռնությունն ու նրա դեմ պայքարը երկվորյակներ են: Եթե կա բռնություն, ապա անպայման կա նաև նրա դեմ պայքար: Իսկ տվյալ դեպքում խոսքը վերաբերում է ոչ միայն բռնությանը, այլև հայ ժողովրդի բնաջնջմանը: Եվ բնական է, որ այդ քաղաքականությունը Արևմտյան Հայաստանում առաջ բերեց ընդվզումներ ու դիմադրություն:

«Քանի որ գործն այս դրության մեջ էր, — գրում է Բաֆֆին, — քանի որ թուրքաց հայերին սպառնում է մի օրհասական հարված, որ հավիտյան վերջ պիտի դնե նրանց գոյությանը... Թուրքաց հայերին ուրիշ ոչինչ չի մնում, բացի նրանից, որ իրենք հոգ տանեն իրենց անձնապաշտպանության հա-

մար, եթե չեն ցանկանում իսպառ ոչնչանալ և ջնջվել աշխարհի երեսաց»:

Իր ֆիզիկական գոյության համար հայ ժողովրդի պայքարը թուրքական և բուրժուական պատմագրությունը բնութագրում է որպես ահաբեկչություն, իսկ հայրուկներին անվանում է ահաբեկիչ տեղորիստներ:

Ինքնապաշտպանական կոիվները ներկայացվում են որպես պայքար «Անկախ Հայաստանի» համար: Դրանով աշխատում են արդարացնել հայերի նկատմամբ իրականացված հալածանքների, բռնությունների, սպանությունների և, վերջապես, դեմոցիդի օսմանյան քաղաքականությունը:

Որպեսզի ճիշտ ընկալենք XIX դարի վերջի և XX դարի սկզբների իրադարձությունները, պետք է նկատի ունենալ, որ 1840—50-ական թվականներից սկսեց ձևավորվել և Բեռլինի կոնգրեսից հետո պետական քաղաքականություն դառնալ հայերի բնաջնջման օսմանական մտադրությունը: Աբդուլ Համիդին Քյամիլ փաշայի նամակում կարդում ենք. «Այդ հայ ազգը պետք է վերացնենք և անհետ անենք: Եվ այդ գլուխ բերելու համար մեզ ոչինչ չի պակասում: Բոլոր գործիքները պատրաստ ունենք՝ ջուրդ, շերքեզ, կուսակալ, դատավոր, հարկահան, ոստիկան, վերջապես ամեն ինչ: Կրոնական պատերազմ կհայտարարենք և դուրին պատերազմ այն: Իսի ազգի դեմ, որ ոչ զենք ունի, ոչ զինվորություն և ոչ պաշտպան»:

Հայ ժողովրդի ազատագրական պայքարի բոլոր ուղղությունների վրա իր կնիքն էր դրել հենց այս հանգամանքը, այսինքն բնաջնջման վտանգի դեմ պայքարը՝ ինքնապաշտպանությունը: Այլ բան է, որ հասարակական-քաղաքական ամեն մի հոսանք ինքնապաշտպանությունը յուրովի էր հասկանում և տարբեր ձևերով ու մեթոդներով էր այն իրականացնում: Բայց բնորոշ մեկն էր՝ պայքարի այդ բոլոր ձևերն ու մեթոդները նման էին խեղդվողի ճիշի, հեռանկարից զուրկ խաբկանքի, գիշատչի ճիրանների մեջ հողորովողի դալկացած ընդվզման:

Պատահական չէ, որ ազատագրական առաջին խմբակը, որ ստեղծվեց 1872 թ. Վանում և կրում էր «Միություն ի փրկության» անունը, իր անդրանիկ կոչում գրում էր. «Պետք է փրկուության միջոցներ գտնել, թե չէ ոչնչացումը շատ մոտ է»: «Մեռավ մեր պատիվը, պղծվեցին մեր եկեղեցիները, առևանգ-

վեցին մեր հարսներն ու երիտասարդները, բացահայտ ձևով մի ձեռքից խլում են մեր իրավունքները և բոլոր միջոցներով ձրկում են ոչնչացնել մեր ազգի սերունդը: Կամ պետք է մեռնել և շտեմնել այդ սարսափելի վիճակը և կամ վերակենդանություն ստանալ հայրենական գրկում»²:

Այդ օրերին Գարեգին Սրվանձտյանցը գրեց, որ օտարներից պետք չէ բան հուսալ, աշխատենք ինքներս մեզ հոգալ, պատրաստվել և ժողովուրդներին ցույց տալ, որ մենք էլ ազգ ենք³:

Գր. Արծրունին «Մշակում» գրեց. «Թուրքիայի նման բարբարոս, վայրենի տերությունից մարդկային իրավունքներ պահանջելու համար ուրիշ ճանապարհ չկա, բացի զենքը ձեռքին արյուն թափելը»³:

1873 թվին Մ. Փորթուգալյանը Կ. Պոլսում հիմնադրեց «Վարազդատյան ընկերությունը», որը մայրաքաղաքի հայ երիտասարդության ուժերով բացատրական աշխատանքներ էր տանում գավառներում: Հայաբնակ շրջաններում ազատասիրական-լուսավորչական աշխատանքներ ծավալելու նպատակով ծնունդ առան մի քանի այլ ընկերություններ:

1877 թ. թուրքական բռնությունների դեմ նորից ըմբոստացավ ազատատենչ Զեյթունը, որին հաջողվեց մի քանի անգամ հետ մղել ու պարտության մատնել թուրքական պատժողական ուժերին: Օսմանյան իշխանությունները այս անգամ ևս հարցն իրենց օգտին լուծեցին ոչ թե զենքի, այլ խաբեության միջոցով: 1884 թ. Զեյթունը նորից ապստամբության դրոշ բարձրացրեց:

1878 թ. վանում կազմակերպվեց «Սև խաչ» խմբակը, որին մեր օրերի թուրք պատմաբանները համեմատում են ամերիկյան ռասիստական Կու-Կլուքս-Կլան կազմակերպության հետ: Մինչդեռ «Սև խաչի» գործունեության մեջ ռասիստական ոչինչ չկար: Խմբակը խստորեն պատժում էր քրդերին, պարսիկներին ու թուրքերին զենք վաճառող հայերին՝ դրանով իսկ ձգտում էր թույլ շտալ, որ թշնամին զինվեր, իսկ հայը անզեն մնար: «Սև խաչ», «Քաղաքական ակումբի» և մյուս խմբակների գործունեությունը չլրիպեց իշխանությունների ուղղորդությունից:

Մշեցի Հակոբ սարկավազ Առնոյանը 1880 թ. Կ. Պոլսի հայ պանդուխտների անունից մի բողոքագիր ներկայացրեց սուլթանին, որի համար բանտարկվեց:

Սասունում մինչև 80-ական թվականները բացատրական աշ-

խատանք էր տանում Գ. Ալեաթճյանը: Մուշի վարժարանի սաները շարքերով անցնում էին փողոցներով ու կոչ անում կռվել հանուն Հայաստանի:

Այդպիսով Արևմտյան Հայաստանի բոլոր վիլայեթներում նկատվում էր ազգային զգացմունքների արթնացում և հայրենասիրական ընկերությունների ու խմբակների ստեղծում: Դրանցից ամենանշանակալից դերը խաղաց Կարինի «Պաշտպան հայրենյաց» կազմակերպությունը: Բեռլինի կոնգրեսից հետո Կարինում ստեղծվել էր «Բարձր հայոց ընկերությունը»: Իշխանությունները «բարձր» բառի մեջ ինչ-որ քաղաքական միտում տեսնելով, այն արգելեցին: 1881 թ. «Երկրագործական ընկերություն» անվան տակ ստեղծվեց «Պաշտպան հայրենյաց» գաղտնի կազմակերպությունը, որը ժամանակի առաջնահերթ և մերձավոր խնդիրը համարում էր հայ ժողովրդի ինքնապաշտպանության կազմակերպումը: Այդ նպատակով միջոցներ էին ձեռնարկվում Անդրկովկասում և այլուր զենք ձեռք բերելու համար: Կազմակերպությունն ուներ իր զինագործական արհեստանոցը, զենք գնելու համար կազմակերպում էր հանգանակություններ, պատրաստում և տարածում էր թուրքիկներ, ուներ տպարան, ջանքեր էր գործադրում Արևմտյան Հայաստանի մյուս վայրերում, այսպես կոչված, «հեղափոխական խորհուրդներ» ստեղծելու ուղղությամբ:

1882 թ. կազմակերպությունը հայտնաբերվեց և ջախջախվեց:

«Պաշտպան հայրենյացի» հայտնաբերումը ևս սուլթանը օգտագործեց արտասահմանում մեծ ազմուկ բարձրացնելու համար: Դործն այնպես ներկայացվեց, որ իբր ամբողջ Արևմտյան Հայաստանն ընդգրկված է հեղափոխական շարժումների մեջ և Ռուսաստանի օգնությամբ պլանավորվում է հայերի ընդհանուր ապստամբություն:

Գերմանական մի լրագիր նույնիսկ նկարագրեց ապստամբական ուժերի կառուցվածքը. «Ապստամբության կենտրոնը, — գրում է թերթը, — ղեկավարված է Հին Բայազետի հարավային կողմերում: Ապստամբած հայերի զորաբաժինն ամենաանառիկ կերպով ուժ և զորություն է ստանում: Սկզբում 1200 հոգուց բաղկացած մի խումբ, որ դուրս էր եկել Մուշ գավառից, մինչև Հին Բայազետ հասնելն այնքան բազմացավ, որ նրա (անդամ-

ների) թիվը հասավ 2800 հոգու, որոնք արդեն սկսել են գործել»:

Սուլթանական կառավարությունը սուտ լուր է տարածում, որ, իբր, «հանուն ազգային վրեժխնդրության հայոց զինյալ զորեղ խմբերը հարձակվել են վասպուրականի քուրդ գյուղերի վրա և յոթ գյուղ հրդեհել են...»⁴:

Թուրքական չորրորդ բանակի զորամասերը Երզնկայից շարժվեցին Կարին և շրջապատեցին նրա հայկական թաղերը: Ձերբակալություններ ու խոշտանգումներ եղան ոչ միայն Կարինում, այլ նաև մյուս վիլայեթներում:

1883 թ. ապրիլի 7-ին սկսվեց ձերբակալվածների դատավարությունը: Նրանք մեղադրվում էին այն բանում, որ իբր ցանկացել են հեղափոխական ճանապարհով Թուրքիայից անջատել օսմանյան երկրի մի մասը»:

80-ական թվականներին հայերի, թուրքերի ու քրդերի միջև կռիվներն ու ընդհարումները սովորական երևույթ դարձան: Քուրդ-թուրքական դաշինքը օրեցօր ավելի որոշակի ուղղվածություն և նպատակ էր ստանում՝ ոչնչացնել հայերին:

Նման բախումները հատկապես լայն տարածում ու սուր բնույթ ստացան Սասունում: Այսպես, 1880 թ. ամռանը Խուլբի շրջանի կառավարիչ Միրզա աղան խաբեությամբ իր մոտ է կանչում Ահարոնք գյուղի տանուտեր Գրիգորին ու դավադրաբար սպանում: Այդ լսելով ահարոնքցիները հարձակվում են Միրզա աղայի նստատեղ Նեջքի վրա և հիմնահատակ ավերում նրա տունը: Միրզա աղան փրկվում է, որովհետև լսել էր հայերի մտադրության մասին և իր ընտանիքով նախապես փախել էր գյուղից: Նույն ժամանակ տեղական կռիվներ տեղի ունեցան Խիանքի Բերմ գյուղի գյուղացիների ու քրդերի միջև: Հայերին հաջողվեց այդ կռիվներից հաղթող դուրս գալ:

Հարկային ծանր ճնշման դեմ 1884 թ. ըմբոստացան Տավուրիկի և Սպաղանքի գյուղացիները, որոնք շարժվելով Ահարոնք գավառից, դուրս բերեցին կայմակամի ոստիկանական ջոկատը:

Հայերի զինված կույթներ եղան Բուլանլիխ Խորապալար, Կոզակ, Շիրվանշեխ և մի քանի այլ գյուղերում: Շատոյի գլխավորությամբ Փասնքի հայ գյուղացիները տարիներ շարունակ հակահարված էին տալիս շեկո ցեղի ոտնձգություններին:

Շնորհիվ հայերի համառ դիմադրության, քուրդ ցեղապե-

տերին դեռևս չէր հաջողվում հարավ-արևմուտքից ներթափանցել Սասուն:

1882 թ. ամռանը, երբ Շենիկ գյուղի ոչխարի հոտը Կուրտիկի փեշերին էր, շենիկցիներին հյուր են գալիս 35 խալկանցի զինված քրդեր: Ամառանոցում միայն կանայք էին: Նրանք դիմավորում են քրդերին, կերակրում: Բայց քրդերը ճաշի ժամանակ, առանց թույլտվություն խնդրելու, վերցնում են գդալները և ցուցադրաբար խորում իրենց բուռնների մեջ:

Կանայք չեն հանդուրժում այդ վիրավորանքը: Մոսեի մայրիկը ապտակում է քրդերից մեկին: Աղմուկ է բարձրանում, վրաս են հասնում շենիկցի հովիվները: Կովի ընթացքում սպանվում է 4 քուրդ և 1 հայ: Լուրը հասնում է քրդական վրանները: Օգնական ուժեր ստանալով քրդերը վերսկսում են հարձակումը: Հայերին օգնության են գալիս գյուղում մնացած շենիկցի տղամարդիկ: Կռիվը շաբաթներ է տևում և, ի վերջո, հայերին հաջողվում է փախուստի մատնել քրդերին: Վերջիններս հաշտություն են առաջարկում: Նրանք հատուցում են հայերին հասցված վնասն ու հետ վերադարձնում գդալները:

Շատախում հաստատվելու քրդերի այս փորձը նույնպես անհաջողության է մատնվում:

70—80-ական թվականներին հայ-թուրք-քրդական հակամարտությունը այնքան էր սրվել, որ, ինչպես Խրիմյան Հայրիկն էր ահազանգում՝ եթե շտապ բարենորոգումներ չկատարվեն, Հայաստանը կդառնա հայ ժողովրդի գերեզմանը:

1885 թ. Ահարոնք գյուղում հրավիրվեց Սասունի տանուտերների և ազդեցիկ մարդկանց ժողով: Ժողովին մասնակցում էին շենիկցի Գրիգոր (Գրգոն), գելիկուղանցի Պետոն, տավուրիկցի Գասպարը, Թադոսը, Խիանքցի Վարդանը, Խուլբի բոլոր գյուղերի տանուտերները: Ժողովը որոշեց թշնամու ոտնձգություններին զինված հակահարված տալ և դրանք հետ մղել բոլոր հնարավոր միջոցներով: Խնդիր դրվեց զինվել, կապար հավաքել, վառոդ սլառաատել և խրախուսել զինքի ձեռքբերումը:

Ի դեպ, ժողովի ու նրա որոշումների վրա նկատելի էր ազգային-ազատագրական գաղափարախոսության ազդեցությունը:

1885 թ. Մ. Փորթուզալյանը Մարսելում սկսում է հրատարակել «Արմենիա» թերթը, որը մերկացնում էր օսմանյան իշխանությունների հայաչինջ քաղաքականությունը, բողոքի ձայն բարձրացնում դրա դեմ: Սակայն Մ. Փորթուզալյանը ազա-

տագրութեան հստակ ծրագիր չուներ: Ազատագրական պայքարում արմենականները նպատակահարմար էին համարում բոլոր միջոցները՝ «երբեմն զենքով, երբեմն փողով, երբեմն օտարի օգնութեամբ»:

Լոնդոնում գործող «Անգլո-հայկական կոմիտեի» հրատարակած «Հայաստան» լրագիրը Հայկական հարցի լուծման միայն մեկ ճանապարհ էր տեսնում՝ եվրոպական պետութիւնների օգնութիւնը:

Ռուսաստանի և Անդրկովկասի հայ ռազմաչին մտավորականութեան մի մասը, տարվելով բուրժուական լիբերալիզմի գաղափարներով, հարձակումներ էր գործում այն ուժերի վրա, ովքեր հայ ժողովրդի ազատագրական պայքարը դիտում էին որպէս համառուսական հեղափոխական շարժման բաղկացուցիչ մաս:

1884 թ. Հակոբ սարկավազը, ազատվելով բանտից, վեց տարի շարունակ ծպտված շեյխի կամ վանականի տարազի մեջ շրջում էր տեղից տեղ, քարոզում հայ-քրդական դաշինք ստեղծելու անհրաժեշտութեան մասին, կազմակերպում զենքի փոխադրում: Նա հայերի ու քրդերի անունից մի հանրագիր կազմեց սուլթանի հասցեով, որն առաջարկում էր բարեփոխումների հետևյալ պլանը՝ զավառներում պետական պաշտոնյաներ նշանակել ոչ միայն թուրքերի, այլև հայերի ու քրդերի, տասնորդ հարկը գանձել միայն դրամով և թույլ տալ, որ յուրաքանչյուր գյուղի հասարակութիւնն այդ հարկը ինքը հավաքի և մուծի պետութեանը՝ առանց հարկահավաքների միջամտութեան, գյուղերում ստեղծել իջևանատներ և արգելել, որ պաշտոնատար անձինք բնակվեն գյուղացիների տներում ու սնվեն նրանց հաշվին⁵:

1886—1889 թթ. Վանի երիտասարդութեան հայրենասիրական գործունեութիւնը ղեկավարում էր Փանոս Թերլեմեզյանը, որը հետապնդումներից խույս տալով 1889 թ. հեռանում է Մուշ: Այստեղ նա ակտիվորեն մասնակցում է հայդուկային շարժմանը: Այդ տարիներին Վասպուրականում գործում էին Չատուրի և Շերոյի մարտական ջոկատները: Նման ջոկատներ ստեղծվեցին նաև Սասունում, Երզնկայում, Սեբաստիայում, Շապին-Գարահիսարում, Խարբերդում, Կեսարիայում և այլուր:

XIX դարի 60—80-ական թվականներին արևմտահայութեան ազատագրական մտքի վրա նշանակալից ազդեցութիւն ունեին Մ. Նալբանդյանի, Բաֆֆու և Ռ. Պատկանյանի գաղափարները, որոնք հասարակութեանը հնարավորութիւն տվեցին այլ աչքերով նայել իրականութեանը, հայ ժողովրդի անմխիթար վիճակին: Մ. Նալբանդյանը գրեց. «Պաշտպանել այն հայի առութիւնը կոխված իրավունքը է մեր կյանքի բուն խորհուրդն և նպատակը: Եվ այս նպատակին հասնելու համար չէ պիտո ընկրկիլ ոչ բանտի և ոչ աքսորի առաջև, ոչ միայն բանիվ ու գրչով, այլ և զենքով և արյունով, եթե մի օր արժանի լինինք զենք առնուլ մեր ձեռքը և մինչև այժմ քարոզած ազատութիւնը նվիրել և սրբել մեր արյունով»⁶: Գամառ Քաթիպան մշեցու բերանով կոչ էր անում. «Խղճացեք հայ ազգին, տվեք մեզ հրացան», «ձեր ոսկին շնք ուղում, տվեք մեզ վառոդ»⁷:

Իսկ Հ. Սվաճյանը գրեց. «Մենք սթափվեցինք մեր թմրութիւնից և սկսեցինք որոնել մեր հայրենիքը... Հայրենասիրութիւն, հայեր, հայրենասիրութիւն, հոգ տանենք մեր հայրենիքի մասին, եթե ուզում ենք ապրել և մարդ ապրել»⁸:

Կ. Պոլսի «Մամուլը» 1882 թ. № 572-ում հատվածներ տպագրեց Մանուկ Զգոնյանի «Ուղերձ» բանաստեղծութիւնից.

Արթնացեք հայեր, քաջերի զավակներ,
Առեք միութեան տեգ ու նիզակներ,
Շուտով կազմեցեք սիրո խմբակներ,
Հազեք քաջութեան զենք ու զրահներ:

Հինգ հարյուրամյա մի բուն քնեցիք,
Աստված ու եղբայր խապառ մոռացանք,
Սիրո միութեան լաթեր մերկացանք
Ատելութեան ձեռքին խաղալիք դարձանք:

Ռ. Լյուքսեմբուրգը գրում է, որ Թուրքիայում «տարբեր ազգութիւնների մեջ ձգտում էր առաջանում դուրս պրծնել ամբողջից և բնազդաբար փնտրել ուղի դեպի անկախ գոյութեան պայմաններում սոցիալական զարգացման ավելի բարձր մակարդակը»⁹:

Հայ ժողովրդի, որպէս ազգի ձևավորման բնորոշ արտահայտութիւններից մեկը Մայր Հայաստան գաղափարի ազգա-

ին միասնութեան համար պայքարի դրոշ դառնալն էր, համագ-
գային մտածողութեան, հոգևոր հայրենիքի գաղափարի ձև-
վորվելն էր:

1860 թ. Փարիզում հրատարակվեց «Դասարան հայկազյան
մանկանց» դասագիրքը, որում գետեղված էր երկու նկար,
որոնք ուղղակի առնչվում էին Մայր Հայաստանի գաղափարին
և համազգային մտածողութեանը: Դրանցից մեկը վերնագրված
էր «Ազգի վիճակը Հայաստանում», որ պատկերում էր հայ-
կական ավերակները և դրանց վրա ողբացող կնոջը, իսկ մյուսը
կոչվում էր «Հայաստանի ոգին»՝ հերարձակ, ոտաբորիկ և ող-
բացող կինը քայլում է ավերված Հայաստանով: Այս երկու
նկարների միջև տեղադրված էր պատմական Հայաստանի քար-
տեղը:

1861 թ. Մայր Հայաստան նկար-պլակատը հրատարակվեց
գունավոր, որն հետագայում ժողովրդի կողմից ստացավ «Անիի
ավերակները» անունը: Նրան կարելի էր հանդիպել ոչ միայն
ամեն մի հայի բնակարանում, այլև հասարակական վայրերում
և նույնիսկ թատրոններում:

Այսպես, օրինակ, 1871 թ., երբ բեմադրվում էր Պ. Գուր-
յանի «Աև հողեր» պիեսը, նրա ավարտին բեմում երևում է այդ
նկարը, բայց կինը այստեղ շղթայակապ էր, փշե պսակը գլխին:

Նկարը զանազան ձևերով ու վիճակներում ձեռքից ձեռք էր
անցնում: Նա վերարտադրվում էր կտավի, ձեռագործի և գոր-
գի վրա, դարձել էր վճռոցի զարդանախշ, դաշվել փայտի վրա,
պատկերվել տների պատերին, տարածվել որպես հուշանվեր,
հազարավոր անգամներ տպագրվել զանազան հրատարակու-
թյունների կազմերի վրա: Այն նույնիսկ երգվել է և նրա մասին
երգեր են հյուսվել¹⁰:

Մայր Հայաստանի գաղափարը դարձել էր գործող ու գործի
մղող, հայահավաք և հայրենիքը միավորելու կոչ:

Կառավարութեանը հատկապես մեծ անհանգստություն էր
ույատճառում Մուշի հայկական վարժարանը, որին օսմանյան
արքունիքում կնքել էին «խոտվարանի բույն» անունով: Վար-
ժարանի աշակերտներն ու ուսուցիչները գտնվում էին իշխա-
նությունների ամենավայրագ հսկողութեան տակ: Մասնավո-
բապես մեծ դեր էր խաղում Վարդենիսի վարժարանի ուսուցիչ
Մարգար վարժապետը՝ Մարգար Ամրոյանը: Գործնականում նա
Տարոնի ազգաբնակչության շրջանում ազատագրական գաղափար-

ներ քարոզող առաջին գործիչն էր, նրա առաջին զինված ջրկա-
տի կազմակերպիչը:

Իշխանություններին, ի վերջո, հաջողվում է իրենց ձեռքը
գցել Մարգար վարժապետին և 1893 թ. հունվարի 27-ին կա-
խաղան բարձրացնել: Մահից առաջ, դիմելով իր հայրենակից-
ներին, նա ասաց. «Հայե՛ր, մի՛ վհատվեք, քաջ իմացեք, որ մենք
հասնելու ենք մեր նպատակին... Միայն թե այդ երջանիկ պա-
հին ինձ շնորհանք»: Կառավարությունը Մարգարի դին երեք
օր թողեց կախաղանի վրա՝ «Իբրև խրատական օրինակ ուրիշ-
ներին»¹¹:

Համերկության բաժակը իսկապես լցվել էր: Դարերով ուն-
մուռնչ ուայան սկսել էր շարժվել, դիմադրել, ըմբոստանալ: Նրա
մեջ ամրապնդվել էր այն միտքը, որ փրկության ճանապարհն
անցնում է ոչ թե մեծ տերությունների «մարդասիրտության» ու
միջազգային դիվանագիտության օգնության, այլ յաթաղանի
դեմ պայքարի, իր ուժերի միավորման, ինքնապաշտպանության
կռիվների միջով: Դարերով ճնշված ու բռնադատված հայը նոր
աչքերով նայեց իր վիճակին, իր վաղվա օրվան, իր երեխա-
ների բախտին: Եվ նա շտկեց կորացած մեջքը, գնաց համալրե-
լու ապրելու, գոյատևելու համար պայքարողների շարքերը:

Բացարձակ կեղծիք էին Աբգով Համիդի այն պնդումները,
թե ինքը հայերի նկատմամբ հարկադրված էր բռնությունների
դիմել, որովհետև նրանք պայքարում էին անկախություն ստա-
նալու համար: Մասնավորապես նա օգտագործում էր Կարինի
1890 թ. հունիսի 18-ի դեպքերը, ապացուցելու, որ հայերը ապս-
տամբելու միջոցով անկախության հասնելու տրամադրություն
ունեին: Իսկ իրականում այդ դեպքերը իշխանությունների կող-
մից կազմակերպված պրովոկացիա էին: Իբր թե թուրքական
գաղտնի ոստիկանությանը հայտնում են, որ Սանասարյան վար-
ժարանում և հայոց Մայր եկեղեցում մեծ քանակությամբ զեն-
քեր են պահվում: Խուզարկությունները ոչինչ չեն հայտնաբե-
րում, բայց խուզարկության բուն փաստը և ազգային արժեք-
ների նկատմամբ ծաղրն ու անհարգալից վերաբերմունքը հայե-
րի մեջ դժգոհություն են առաջացնում: Խանութպաններն ու ար-
հեստավորները, որպես բողոքի նշան, մի քանի օր աշխատանքի
գուրս չեն գալիս:

Իշխանությունները անմիջապես լուրեր տարածեցին, որ հա-
յերը ապստամբել են: Զորքը շրջապատում է առաջնորդարանը

Դեպի եկեղեցի է շարժվում քաղաքի մահմեդական ազգաբնակչությունը և հարձակվում եկեղեցու բակում հավաքված անզեն հայերի վրա: Ավելի քան 200 հայ սպանվում է:

Սուլթանն իսկույնեթ շրջաբերական է ուղարկում օտար երկրներ, նշելով, որ Կարինում «հայերին վիրավորել ու սպանել են իրենց ցեղակիցները»:

Այդ առիթով անգլիական հյուպատոսը գրում է. «Ս/թ. հունիսի 20-ին մահմեդականների ամբոխը Կարինի փողոցներում հարձակվեց անպաշտպան հայերի վրա և նրանցից շատերին սպանեց ու վիրավորեց, միաժամանակ կողոպտելով նրանց տներն ու խանութները... Հանցագործները ձերբակալվել են, բայց հենց հաջորդ օրը ազատվել... Մյուս կողմից, քրիստոնյաները ձերբակալվել են և երկար ժամանակով պահվում են բանտում, թեպետ նրանց դեմ ոչ մի մեղադրանք չի հարուցվել...»¹²:

Մեկ ամիս անց, հուլիսի 15-ին Կ. Պոլսի Գում Գափու թաղամասում, որտեղ գտնվում էր հայոց պատրիարքարանը, կիրակնօրյա պատարագի ժամանակ ամբոխ է բարձրանում մի հնչակյան և պատրիարքին մեղադրում դավաճանության մեջ: Պատարագի մասնակիցները պատրիարքից պահանջում են գնալ սուլթանի պալատ և բողոքել վիլայեթներում կատարվող վայրագությունների դեմ:

Յուցարարների թափորը հասնում է Նլուզ՝ սուլթանի պալատ: Սուլթանին հենց այդպիսի առիթ էր պետք: Նա, առանց պատճառների մեջ խորանալու, հանձնարարում է ջախջախել ցուցարարներին: Սուլթանի հրամանը կատարվում է: Այս խաղաղ ցույցի կազմակերպիչը հնչակյան կուսակցությունն էր:

Իրավացի էր կեռն, երբ գրում էր. «Այդ մի աննշան ու շնչին դեպքի օր էր, որ, սակայն, դարձավ մի ընդարձակ և լայն բացված դուռ, որի միջոցով աղետներ աղետների հետևից սկսեցին թափվել անմեղ ու անգիտակ թուրքահայ գյուղացիության գլուխին»: Թուրքական կառավարությանը առիթներ էին հարկավոր և «ահա այդ առիթներն առատություն մատակարարում էին հայ թեթևամիտ, քաղաքականապես անզրագետ հեղափոխականները...»¹³:

Ինչպես և պետք էր սպասել, կառավարությունը Կ. Պոլսում ցույցը ջախջախելով բավարարվեց, իսկ գավառներում դրությունը աղետալի դարձավ: Ամենուրեք բանտերը լցվեցին հայերով:

Աննախադեպ շավերի հասան կողոպուտն ու սպանությունները խոշտանգումները գաղանալին բնույթ ստացան: Մեծ վեղիք Զեադ փաշան շրջաբերականներ էր ուղարկում տեղերը՝ ամեն ինչ անել այնպես, որ օտարերկրացիները «չկարողանան» ծանոթանալ գործի իսկական դրություն հետ¹⁴:

Օսմանյան իշխանությունները զինված ուժերի աջակցությամբ բռնություններ իրականացրին Կարինի, Բաղեշի, Վանի վիլայեթների հայերի նկատմամբ: Այդ տարիներին հայկական ջարդեր կազմակերպվեցին Ադանայում և Կեսարիայում, մեծ քանակությամբ հայեր բռնությամբ թշվեցին Ռուսաստան, իսկ նրանց տներն ու հողերը հանձնվեցին այլ վայրերից բերված մահմեդականներին: Կեսարիայի եկեղեցիներում ծխախառաբության մասնակցած բոլոր հայերը կողոպտվեցին:

Կ. Պոլսում ԱՄՆ-ի դեսպան Քոմսոնը 1893 թ. գրեց, որ հայերի վիճակը ծայրաստիճան ճգնաժամային է:

Ամերիկացի գիտնական Լոուերը, 1896 թ. պատասխանելով օսմանյան արքունիքի հերյուրանքներին, գրում էր. «Ես ճանաչում եմ այդ ժողովրդի (հայերի) ֆիզիկական, բարոյական և մտավոր մեծ կարողությունները: Այն անդունդը, որի մեջ կարող է ընկնել առանձին անհատը կամ ժողովուրդը, միաժամանակ ցույց է տալիս նաև այն բարձունքը, որին նա կարող է հասնել: Կարելի է միայն զարմանալ, որ այդպիսի կարկառուն ընդունակություններ, եռանդ ու խելք ունեցող ժողովուրդը մինչև այժմ մնում է ենթակա վիճակում, բայց Կ. Պոլսում և երկրի տարբեր քաղաքներում բազմաթիվ տարիներ ապրելու ընթացքում ես դիտել եմ, թե ինչպես մատի ամեն մի շարժմանը հետևում է սոսկալի վրեժխնդրությունը և պետք է միայն զարմանալ այդ դժբախտների (հայերի) խելագար համարձակության վրա, որ իբր թե հեղափոխություն են ձեռնարկել: Իրականում նրանք այդպիսի բան չեն մտածում: Գոյություն ունեն առանձին ազիտատորներ, սակայն նրանց նպատակը ես միայն այն է, որպեսզի քաղաքակիրթ աշխարհի ուշադրությունը դարձնեն դեպի իրենց ժողովրդի հեծեծանքները, որոնք նույնիսկ աւտված չի լսում»¹⁵:

Սակայն պատմական ճշմարտությունով չէ, որ թուրքական քաղաքական շրջանները այսօր ղեկավարվում են: Նրանց համար ճիշտն այն է, ինչը օգտակար է: Եվ ահա վերը նշված դեպքե-

րից հարյուր տարի անց Անկարայի պետական ուղիորդ հայտարարում է. «Ստամբուլից ուղարկված (հայ) ուսուցիչները աշխատում էին ժողովրդին ղեկավարել: Նրանք զենք էին ներմուծել ամեն մի հայ ընտանիքի համար»: Իսկ հայ գյուղացին, որին հասցրել էին ստրուկի աստիճանի, ինչպես վերևում տեսանք, տանում էր իր ծանր լուծը և իշխանություններին ընդդիմանալու, այն էլ ապստամբություն բարձրացնելու միջոցով անկախության հասնելու համար ոչ մի առումով նախապատրաստված չէր: Նրա մտահոգությունը իր ֆիզիկական գոյությունը մի կերպ պահպանելն էր:

Հայ պանդուխտների գրած մի նամակում կարդում ենք. «Մենք չենք ձգտում հատուկ թագավորության, քաղաքական անկախության, այլ ուզում ենք պարզապես ապրել մարդկային կյանքով»¹⁵ :

Արևմտահայ հատվածի անկախության ձգտումների մասին խոսակցությունները Գր. Արծրունին հետևյալ կերպ է ծաղրում. «Հայը կանգնում է բարբարոս, կատաղի, մոլեռանդ մահմեդականի առջև, նրան ապացուցում է իր իրավունքը, նրան աղերսներ է տալիս, պահանջում է արդարություն և գուցե վերջում սպառնում է նրան: Բայց ինչպե՞ս, ինչո՞ւ... սպառնում է, որ, եթե չստանա իր պահանջված ամենամանհրաժեշտ մարդկային իրավունքը, այն ժամանակ ստիպված կլինի գաղթել իր հայրենիքից...»¹⁶:

* * *

Արևմտյան Հայաստանում, մասնավորապես Տարոնում, յաթաղանի դեմ պայքարին աջակցելու նպատակով, սկսած 80-ական թվականներից, Տարոն էին գալիս ղինված ջոկատներ, առաջադիմական հայացքների տեր գործիչներ: 90-ական թվականներին Սասունում և Տարոնում եռանդուն գործունեություն ծավալեց Մ. Տամատյանը:

1890 թ. սեպտեմբերի 24-ին Պետերբուրգի համալսարանի ուսանող Սարգիս Կուկունյանի ղեկավարությամբ մի խումբ ուսանողներ փորձում են անցնել թուրքական սահմանը՝ արևմտահայության ազատագրական պայքարին մասնակցելու համար: Սակայն սահմանի վրա խումբը հարձակման ենթարկվեց և նրա անդամների զգալի մասը զոհվեց:

Հետագա տարիներին ևս դրսից Արևմտյան Հայաստան եկան հասարակական գործիչներ, տարբեր կուսակցությունների ներկայացուցիչներ, սակայն արևմտահայերի ինքնապաշտպանական կոնվենցիան սկզբնավորվեցին և ծնունդ առան ոչ թե այս կամ այն քաղաքական կուսակցության ազդեցությամբ կամ նրանց ջանքերով, այլ դրանց ծնեցին ու պայքարի կոչեցին հայ գյուղացիության անտանելի վիճակն ու բնաջնջման վտանգը:

Այս առումով ճիշտ չէ կենն, երբ գրում է. «Թուրքահայ հեղափոխության ամենազլխավոր առանձնահատկությունը հենց այս է կղել առաջին իսկ օրից: Նա եղել է գրեթե բացառապես ռուսական մտավորականության գործը»¹⁷:

Եվ միանգամայն իրավացի էր Հ. Թումանյանը, երբ գրում էր. «Սխալ են նրանք, որոնք կարծում են, թե հեղափոխությունը գրսեցիներն են սկսել Տաճկաստանում»¹⁷ :

Թուրքական յաթաղանի դեմ հայ ժողովրդի ինքնապաշտպանական պայքարում առանձնահատուկ դեր են խաղացել հայդուկները: Հայդուկները ժողովրդի փրկության զոհասեղանին բարձրացած այն գյուղացիներն էին, որոնք, շունենալով անձնական կյանք, հեռացել էին տնից ու հարազատներից, եղբայրացել սար ու քարի հետ, որպեսզի փրկեին մարդկանց, թույլ չտային բարբարոսներին՝ անպատիժ սպանելու ու ոչնչացնելու:

Հայդուկությունը մասնագիտություն չէր, այլ նվիրում, նահատակություն: Ժողովրդի, հայ գյուղացու ապրելու, գոյատևելու բնազդն էր հայդուկին ծնում, դաստիարակում և նպատակաուղղում:

XIX դարի 80-ական թվականներին Հայկական լեռնաշխարհում գործում էին հայդուկային մի քանի խմբեր: Հայդուկության օրոքոցի մոտ կանգնած են կղել ժողովրդական վրիժառուների այնպիսի փայլուն ներկայացուցիչներ, ինչպիսիք էին շենիկցի Գրգոն, խուլբեցի Գալուստը, գելիեգուղանցի Պետոն, տալվորիկցի Գասպարը և շատ ուրիշներ:

Տարոնում հայդուկային շարժման հիմնադիրը, հայդուկային առաջին ջոկատի կազմակերպիչն ու ղեկավարը Արաբոն էր: Նա սովորել և ավարտել է Առաքելոց վանքի դպրոցը, ձեռնադրվել վարդապետ, սակայն շուտով հեռացել է ոչ միայն վանքից, այլ նաև կրոնական ծառայությունից, հրաժարվել է հոգևոր կոչումներից: Ձմռանը Մուշի թուրք հարուստների տներում մշա-

կություն էր անում, իսկ ամռանը իր շուրջն էր հավաքում զինված երիտասարդների ու կոնվ մղում գյուղացիներին հարստահարողների դեմ: Շուտով Արաբոն մեկնում է Հալեպ, փող է վաստակում, զենք գնում ու, վերադառնալով Սասուն, 1885 թ. ստեղծում է հայդուկային ջոկատ: Հայդուկային այդ անդրանիկ խմբի անդամներն էին դերգևանքցի Մխոն, ալիզանցի Լեոնը, գոմերցի Հովիկը, բերդակցի Ներսոն, Գալշո Մանուկը, ահարոնքցի Ադամը և մկթենքցի Գևորգը:

Ութ տարի շարունակ Արաբոյի խումբը պարտիզանական կոնվներ էր մղում գյուղացուն լկողների ու հարստահարողների դեմ և մեծ անուն էր վաստակել:

Իշխանություններն աշխատում էին անմիջական բախման մեջ շմտնել հայդուկների հետ և Արաբոյի դեմ կոնվում էին ցեղապետների միջոցով: Այդ կոնվներից մեկի ժամանակ (Բերդակ գյուղում) Արաբոն և Մխոն ձերբակալվում են և նետվում Մուշի բանտը: Արաբոյին հաջողվում է բանտից փախչել և անցնել Կովկաս: 1895 թ. 16 հայդուկների հետ միասին նա փորձում է վերադառնալ Տարոն: Ծանապարհին, սկզբում Ղոզլուի սարերում, իսկ ապա Գյալեռաշի ձորում քրդերը հարձակվում են խմբի վրա, և նրա բոլոր անդամները զոհվում են:

Սա հայկական հայդուկային շարժման ձևավորման տարիներն էին:

Հայդուկային առաջին խմբերում սակավաթիվ մարդիկ էին ընդգրկված, դրանք շատ վատ էին զինված՝ մի քանի որսորդական հրացան, մի քանի դաշույն, իսկ մեծ մասի ձեռքում միայն մահակ կար: Չնայած դրան, այդ խմբերին հաջողվեց իրենց վրա բևեռել, մի կողմից, գյուղացիության, իսկ, մյուս կողմից, թուրքական իշխանությունների ու աշիրեթությունների ուշադրությունը: Դա մի կայծ էր, որից բունկվեց ինքնապաշտպանական կոնվների կրակը:

Արաբոյի խմբում թրծվեցին հայդուկային շարժման մի քանի աչքի ընկնող ղեկավարներ: Այստեղ հայդուկի իր կենսագրությունը սկսեց մկթենքցի Գևորգը կամ Գևորգ Չաուշը:

Գևորգը ծնվել է 1869 թ. Փսանքի Մկթենք գյուղում: Սկզբնական կրթությունը ստացել է հայրական տանը: Նրա առաջին առուցիչը հորեղբայրն էր՝ տեր Ստեփանը: Ապա Գևորգը դառնում է Առաքելոց վանքին կից գործող դպրոցի սան:

Շուտով նա ծանոթանում է Արաբոյի հետ, մտնում նրա

խմբի մեջ, մասնակցում մի քանի կոնվներին, իսկ երբ Արաբոն մեկնում է Կովկաս, Գևորգը նրա օրինակով գնում է Հալեպ՝ մշակություն անելու ու վաստակած փողերով հրացան գնելու:

Հալեպում, սպորուտի միջոց վաստակելու նպատակով, շատ սասունցիներ էին աշխատում: Գևորգը ծառայության անցավ մի սասունցու ջրաղացում, իսկ ապա՝ հացի փուռում: Առաջին սնգամ Սասունից ոտքը դուրս դրած Գևորգի համար Հալեպը այլ աշխարհ էր, իր շինությունների ոճով, անծանոթ տարազ կրող բազմությունների եռուզեռով, շուկաների աղմուկով, մզկիթների կանչերով:

1890 թ. գարնանը Գևորգը վճռեց վերադառնալ տուն: Սակայն վաստակած գումարը բավական չէր հրացան գնելու համար: Օգնության եկան տեղի սասունցիները: Նրանք փող հավաքեցին, մի հրացան գնեցին ու նվիրեցին Գևորգին: Պատմում են, որ մինչև հոգու խորքը հուզված Գևորգը երկու ձեռքով հորիզոնական դիրքով բռնեց հրացանը, գլուխը խոնարհեց ու ասաց. «Հայրենակիցներ, շնորհակալ, շատ շնորհակալ եմ ձեզ նից», ապա գլուխը բարձրացնելով շուռ եկավ դեպի հյուսիս, հայացքը հռոպեց երկնքին ու ասաց. «Հե՛յ Մարաթուկ, ջո զորությունը մատաղ: Ինձ հնարավորություն ու ուժ տուր մինչև կյանքիս վերջը Արաբոյի նման, իմ այս Արաբոյով խփելու թշնամուն ու դավաճանին, պաշտպանելու թշվառին ու լկվածին»:

Այդ օրվանից նրա հրացանը կնքվեց «Արաբո» անունով: Գևորգը մի բարավանի հետ բռնեց տունդարձի ճամփան:

Բացի Տարոնից, XIX դարի 80—90-ական թվականներին հայդուկային խմբեր էին գործում նաև Արևմտյան Հայաստանի այլ վայրերում:

Սեբաստիայում դրանցից մեկի կազմակերպիչը Գաբրիել Գաֆյանն էր՝ Շմալոնը, որը մասնակցել էր Կ. Պոլսի Գում Գափուի ցույցին և ապա անցել Սեբաստիա: Սակայն Սեբաստիայի առաջնորդ Պետրոս վարդապետը նրանից պահանջում է անմիջապես հեռանալ, այլապես կդիմի իշխանություններին: Շմալոնը հարկադրված անցնում է Արաբկիր, որտեղ զինված խումբեր է ստեղծում և շուտով Փոքր Հայքում մեծ համբավ է ձեռք բերում: Նա կրոնական ծեսերի ժամանակ ելույթ էր ունենում և ժողովրդին զինվելու կոչ անում:

Սակայն իշխանութիւնները նրան երկար չեն հանդուրժում և սկսում են հետապնդել: Նա փոքր խմբով անցնում է Դերսիմ և մի քուրդ բեկի հետ բանակցութիւններ վարում՝ միացյալ ուժերով կովել թուրքական իշխանութիւնների դեմ: Այստեղ նա կազմակերպում է փամփուշտների արտադրութիւն: Սակայն իշխանութիւնները կաշառում են քուրդ բեկին և նրա օգնութեամբ բռնում են Շմավոնին ու շղթայակապ ուղարկում Կ. Պոլիս: Ծանապարհին նա իրեն ուղեկցող ոստիկանների հրամանատարին խոշոր կաշառք է խոստանում: Սամսոնում, ծովափնյա ռեստորանում, Շմավոնը ոստիկաններին հարեցնում է ու փախչում՝ թաքնվելով հայկական թաղում: Որոշ ժամանակ անց նա հայտնվում է Եվդոկիայում, որտեղ մի սովարաթիվ զինված խումբ է կազմակերպում: Սակայն լրտեսների օգնութեամբ իշխանութիւններին հաջողվում է խմբի մի քանի անդամների իրենց ձեռքը պահել և դատել: Դրանց թվում էր Արմենակ Լալապետյանը, որին Կ. Պոլսում դատապարտում են 15 տարվա ազատազրկման, բայց շուտով նա բանտից փախչում է և, զնալով Ամասիա, հայդուկային խումբ է կազմակերպում: Շմավոնը ևս անցնում է Ամասիա և տեղորի ենթարկում մի քանի լրտեսների:

Երկար հետապնդումներից հետո իշխանութիւններին հաջողվում է 1893 թ. Մարզվանում Շմավոնին բռնել: Եվ քանի որ նա ուսահպատակ էր, Կ. Պոլսի դատարանը Շմավոնին հանձնում է ուսական դեսպանատանը, որն էլ նրան ուղարկում է Պետերբուրգ: Մի քանի տարի տաժանակրութեան մեջ անցկացնելուց հետո նա վերադառնում է Անդրկովկաս: Հետագայում Շմավոնը ողջունեց սովետական կարգերի հաղթանակը ու ակտիվորեն մասնակցեց նոր կյանքի կառուցմանը:

Մարզվանում հայդուկային խմբերը կազմակերպում ու ղեկավարում էր Բարսեղ Զաքարյանը՝ Լեոնը: Այդ խմբերը իշխանութիւններին հարկադրում էին զսպել հայերի նկատմամբ իրենց ոտնձգութիւնները:

Լեոնը հովիի հագուստով տեղից տեղ էր անցնում, մարդկանց համոզում էր զինվել:

1893 թ. սեպտեմբերի 8-ին նա լեոններից իջնում է Մարզվան: Նույն օրը 700 թուրք ու շերքեզ շրջապատում են հայկական թաղը: Սկսվում է կատաղի մարտ: Լեոնը հերոսաբար կռվում է, բայց ծանր վիրավորված ծխնելույզից վայր է ընկ-

նում: Թուրքերը վրա են հասնում և նրան խոշտանգելով սպանում են:

Մարտիրոս Բոյաջյանը՝ Ժիրայրը, ծնվել է 1856 թ. Հաճընում: Նրա ուսուցիչն ու դասախարակը կրթութեամբ հայրենասեր Միհրան Սվաճյանն էր, որ տեղի դպրոցի տնօրենն էր: Ժիրայրը կրթութիւնը շարունակում է Կ. Պոլսում: 1876 թ. վերադառնում է Հաճըն՝ զբաղվելու ուսուցչութեամբ: Այստեղ նա խմբակ է կազմակերպում և հոգևորականի տարազի մեջ ծպտված ազատասիրական գաղափարներ է պրոպագանդում, զենք օգտագործել և վառող պատրաստել սովորեցնում: Նա «Տոլիվ» դարձած շքրջում էր էվերեկի գյուղերը, զինված ջոկատների միջոցով սանձահարում իշխանութիւնների, վաշխառուների ու հարկահավաքների ոտնձգութիւնները:

Ժիրայրին հաջողվում է Սինջան գյուղի հայ և թուրք գյուղացիներին միավորել և հանել Օսման բեյի դեմ: Միջամտում է տեղի կայազորը, բայց տեսնելով հայերի ու թուրքերի միասնականութիւնը, թողնում հեռանում է:

Հեռանում է նաև Ժիրայրը, նա անցնում է Կեմերեկ և, հաստատվելով Թերզլիի գյուղում, ծավալում ինքնապաշտպանական աշխատանքներ:

1893 թ. հոկտեմբերի 29-ին Ժիրայրը Եղզատի եկեղեցում միտինգ է կազմակերպում և իշխանութիւններին բողոք ներկայացնում ոստիկանութեան, բաշխողուկների և հարկահավաքների բռնութիւնների և կեղեքումների դեմ: Միտինգի ժամանակ քաղաքի հայերի ու թուրքերի միջև ընդհարում է տեղի ունենում. թուրքերը ձգտում էին մտնել եկեղեցի և հաշվեհարդար տեսնել միտինգի մասնակիցների հետ, բայց այդ նրանց չի հաջողվում:

Հաջորդ օրը իշխանութիւնները պաշարում են հայկական թաղը: Հայերը 15 օր փակում են խանութները: Կ. Պոլսից գալիս է Աբեդին փաշան և հայերին համոզում բացել խանութները: Հայերը համաձայնվում են, բայց իշխանութիւնները դրժում են իրենց խոստումը և մի քանի օր անց ձերբակալում ու խոշտանգում են 850 հայի:

Ոստիկանութիւնը լրտես Ղազարոսի առաջնորդութեամբ փորձում է բռնել ինքնապաշտպանութեան կազմակերպիչներից մեկին՝ Գրիգոր Քեհրիպարճյանին: Վերջինս դուրս է թռչում իր թաքստոցից և ատրճանակի հարվածով գետին տապալում լրտեսին ու թուրք սպային: Սակայն ոստիկաններին հաջողվում

է նրան ձեռքակալել: Այդ ընթացքում մոլլան մզկիթում հայերին կոտորելու քարոզ էր կ'սրդում: Թուրքերը փողոց են թափվում և սպանում պատահած հայի: Նույն օրը նրանք բանտում ևս հարձակվում են հայերի վրա, 13 հայ սպանվում է, 120-ը՝ վիրավորվում: Այս բուլդոց հետո Ժիրայրը կամավոր հանձնվում է իշխանութուններին: Նա մահվան է դատապարտվում: 1894 թ. մարտի 24-ին նրան տանում են Սահաթխանե հրապարակ՝ դատավճիռն ի կատար ածելու: Այստեղ Ժիրայրը խրոխտ կեցվածքով ճառ է արտասանում, քննադատության կրակի տակ առնելով թուրքական իշխանութուններին: Փաշան նրան արգելում է ճառը շարունակել, բայց ապարդյուն: Փաշան հրամայում է փողեր հնչեցնել՝ Ժիրայրի ձայնը խլացնելու համար:

Գահիճը մոտենում և ուզում է պարանը Ժիրայրի վիզը գցել: Ժիրայրը նրան մի կողմ է հրում, ինքն է պարանը իր վիզը գցում, ոտքով աթոռը հետ հրում և ճոճվում՝ հրապարակի վրա:

Հայդուկային շարժման մեջ նշանավոր էր նաև Հովհաննես Մինասյանի՝ Մինաս օլլու գործունեությունը: Նա ծնվել է Չարշամպայի Գաբու Գայեա գյուղում: Հայրը խաղաղ և հեզ մարդ էր, իսկ մայրը՝ Հոռոփը, հզոր կամքի ու քաջության տեր, փայլուն հեծյալ ու հրացանածիզ էր: Նա Հովհաննեսին փոքր հասակից ձի նստել և հրացան օգտագործել էր սովորեցնում:

1877—1878 թթ- առաջին թուրքական պատերազմից հետո իշխանութունները անընդհատ մուսուլմանական նոր տարրեր էին բերում Չարշամպա և բնակեցնում հայերի հողերի վրա, որի հետևանքով նրանց վիճակն ավելի էր ծանրանում:

Մուհաջիրների կամ եկվոր գաղթականների նկատմամբ իշխանութունների բացահայտ հանդուրժողականությունը նրանց սանձարձակ էր դարձրել: Կազմակերպվեցին Մեվլուտի և Շիրին Ալիի ավազակախմբերը, որոնք աճ ու սարսափ էին տարածել Չարշամպայի և Սամսոնի շրջաններում: Կ. Պոլիսը, ինչպես միշտ, հայերի ու հույների բողոքներն անուշադրության էր մատնում: Այս պայմաններում քրիստոնյա ազգաբնակչությունը հարկադրված էր զենք վերցնել իր գոյությունը պաշտպանելու համար: Հայերի ինքնապաշտպանական պայքարի կենտրոնը դարձավ Մինասի հայրենի գյուղը՝ Գաբու Գայեան: Ավազակախմբերի դեմ պայքարելու համար Մինասյան եղբայրները զինված ջոկատ են կազմակերպում, որը մեծ հեղինակու-

թյուն էր վայելում ոչ միայն հայ, այլև մահմեդական ազգաբնակչության շրջանում:

Մինասը լուր է ստանում, որ Շիրին Ալիի ավազակախումբը թալանի նպատակով հարձակվել է Քիրիճ Արմուտ գյուղի վրա: Նա իր զինակիցներով վրա է հասնում. տեղի է ունենում կատաղի ընդհարում: Շիրին Ալին սպանվում է, իսկ նրա խումբը անձնատուր լինում: Թալանված գույքը վերադարձվում է տներին: Թուրք գյուղացիները երախտապարտ էին: Մինասը սկսում է հետապնդել Մեվլուտի ավազակախմբին: Փետրվարյան մի ցուրտ օր լուր են բերում, որ ավազակները թուրքաբնակ Օրթա գյուղի մոտ գտնվող քարանձավում են: Մինասը շրջապատում է քարանձավը: Սկսվում է կատաղի փոխհրաձգություն, որ ընդհատումներով տևում է ավելի քան 24 ժամ: Մեվլուտն ու հինգ ավազակներ սպանվում են, իսկ մյուսները՝ փախուստի դիմում: Քանի որ ավազակախմբերի գործողությունները մեծ դժգոհություն էին առաջացրել թուրք ազգաբնակչության շրջանում, իշխանութունները հարկադրված Մինասին նշանակում են հեծյալ զորքի պաշտոնյա, այսինքն՝ նրան հեծյալներ են տալիս և հանձնարարում պայքարել ավազակախմբերի դեմ: Մինասն այդ հանձնարարությունը հաջողությամբ է կատարում: Սակայն երկու տարի անց Մինասն ու նրա եղբայրները ներկայանում են կառավարչին, զենքերը հանձնում են և ասում, որ ձանձրացել են և ուզում են խաղաղ աշխատանքով զբաղվել: Իրականում նրանք անցնում են ընդհատակյա գործունեության ընդդեմ թուրքական իշխանութունների: Վերջինները որոշ ժամանակ անց այդ կոռուցում են և հարձակվում նրանց տան վրա, սուլանում Մինասի փոքր եղբորը: Մյուս երկու եղբայրները փախչում են լեռները, հայդուկային խումբ կազմում և կռվում իշխանութունների դեմ: Կառավարությունը լողմո անունով մեկին զորք է տալիս և հանձնարարում՝ ողջ կամ սպանված իրեն հանձնել երկու եղբայրներին: Եվ մի օր, երբ Մինասի խումբը մտնում է քարայր, թուրք հովիվները նկատում են և այդ մասին հայտնում իշխանութուններին: Լողմոն շրջապատում է քարայրը, բայց քիչ անց հայդուկների հարվածից նա և 15 հեծյալներ ոչնչանում են, իսկ մյուսները՝ ճողոպրում:

Իշխանութունները, այս խայտառակությունից կատաղած, կրկին հարձակվում են Գաբու Գայեայի վրա, գյուղացիներին Քալանում են ու խոշտանգում:

Կայսրութեան ոստիկանութեան պետ Նազըմ փաշան գրել է. «Սամսոնի ենթակա Չարշամպայ կազայի Գաբու Գայեա գյուղում Մինաս անունով մի ոճրագործ հայտնվեց: Նա ուներ 300 ֆիդայի: Գարահիսարի, Թոգաթի և Մարգվանի միջև թռչուն չէր թռչում...»

Բոլոր միջոցներին դիմեցի Մինասին ձերբակալելու համար, որովհետև Արեւելյան նահանգների հայերի հոգեկան վիճակը նորից փոխվել էր և առիթ էին փնտրում շարժումն ընդարձակելու: Մինաս օղուն իր բանակատեղին գրել էր Թիլմի կազայի Գուրշուլու Դերեյի անտառում...

Մինաս օղուն մարահերավեր էր կարդում, արշավում էր գյուղերը, դրամ էր հավաքում և նոր ֆիդայիներով հզորանում: Մինասը 150 մարդկանցով հարձակվում է Վելի պահականոցի 200 հոգիանոց ժանդարմների վրա. շեթեներից 88 մարդ սպանվում է»¹⁸:

Կառավարությունը հազարապետ Օսման բեկին, որ քաջ և հնարամիտ զորավար էր, կոչվող ուժ է տրամադրում և պահանջում ոչնչացնել Մինասին և նրա խումբը: Բախումը տեղի է ունենում Դեյիրմեն Դերեսիում: Մանր մարտեր են գնում: Թշնամին անընդհատ թարմ համալրումներ է ստանում, և Մինասը որոշում է հեռանալ Դավշան Դաղի բարձունքները: Այստեղ կատաղի մարտը շարունակվում է, որն, ի վերջո, ավարտվում է թուրքերի նահանջով:

Երբ ձմեռը վրա է հասնում, Մինասը հայդուկներին ցրում է գյուղերը, իսկ ինքը տեղավորվում է Մատիչ հայկական գյուղում: Իշխանություններն այդ մասին իմանում են և շրջապատում Մինասի թաքստոցը: Թշնամին ոչ մի կերպ չի կարողանում հայդուկների ապաստարանը գրավել և ստիպված այն հրդեհում է: Մինասի ընկեր Բաղդասարը տանից դուրս է ցատկում՝ բակում կոփվել շարունակելու, բայց անմիջապես սպանվում է, իսկ Մինասը պատուհանից ցատկում է ձորը և կրակելով գլորվում դեպի վար: Թշնամու գնդակը ջախջախում է նրա թևը: Թուրքերը ցանկանում են նրան սպանել, բայց վրա է հասնում հուլի բեկը և թույլ չի տալիս: Մինասին տեղափոխում են Սամսոնի բանտ, որտեղ և հանդիպում է բանտարկված մորը՝ Հոռոփին, կնոջն ու երեք երեխաներին: Բանտի ծանր պայմաններում մեռնում է նրա Կարապետ որդին:

Քաջարի հայդուկը բանտում մնում է մի քանի ամիս, որից

հետո կտրում է պատուհանի երկաթները, փախչում է ու թաքնվում հունաբնակ մի գյուղում: Որոշ ժամանակ անց նա դինված խումբ է կազմակերպում և բարձրանում սարերը: Մինասի փախուստը խանդավառում է հայ գյուղացիներին: Մի քանի օր անց նրա շուրջն են համախմբվում 200 հայդուկներ: Նա հայդուկներին բաժանում է խմբերի և խնդիր դնում՝ պատժել թուրք հարկահավաքներին ու ոստիկաններին, հայ գյուղացիների մեջ արթնացնել ինքնապաշտպանության ոգի, օգնել նրանց զինվելու, ոչնչացնել մատնիչներին, ձգտել հաշտվելու հույն, քուրդ և թուրք գյուղացիության հետ: Շատ քրդեր ու հույներ էին ցանկություն հայտնում այդ խմբերի մեջ մտնելու:

Մինասի հայդուկները զինվում էին թուրքական բանակի զենքերով, որ նրանց էին վաճառում առանձին թուրք սպաներ: Միաժամանակ, հայդուկները անտառում կառուցեցին դինապատրաստման երկու արհեստանոց, որոնցում աշխատում էին Սամսոնից և Տրապիզոնից հրավիրված տասնյակ զինագործներ: Նրանք ոչ միայն հրացաններ էին պատրաստում, այլև նոնակներ արտադրում:

Իշխանությունները ուժեղացնում էին հետապնդումները: Սամսոնի շրջանի հայկական գյուղերում ջարդեր են կազմակերպվում: Այդ լսելով Մինասը 30 հայդուկ հեծյալների քաղաք է ուղարկում: Զինված ու հանդերձավորված հայդուկների հայտնվելը քաղաքում խուճապ է առաջացնում: Այդ ճանդուգն քայլը զսպում է թուրքերին, նրանք դադարեցնում են ջարդերը: Իշխանությունները Մինասի մոտ պատվիրակություն են ուղարկում և առաջարկում, որ, եթե նա զենքերը վախ դնի, ներման կարժանանա: Զկամենալով բարդացնել իրավիճակը, նա հայդուկներին ցրում է, իսկ ինքը վերադառնում է հայրենի գյուղ: Նա ամբողջ վիշայեթում մեծ հեղինակություն վայելող անձ էր, նրա մոտ հաճախ օգնության և վեճեր լուծելու էին գալիս ոչ միայն հայ, այլև հույն, քուրդ և թուրք աշխատավորները: Դա անհանգստացնում է իշխանություններին: Նրանք Մինասին առաջարկում են ժամանակավորապես հեռանալ երկրից: Մինասը մեկնում է Եգիպտոս: Որոշ ժամանակ անց, երբ նա փորձում է վերադառնալ, Սամսոնի նավահանգստում ոստիկաններն արգելում են: Մինասն ընդմիջտ հեռանում է հայրենի աշխարհից:

1890-ական թվականներին Կեսարիայի շրջանում հայդուկային խմբեր էին գործում Թորոս Սառուկյանի և Գյուլպենկ Հա-

մայրանի գլխավորութեամբ: Իշխանութունները ուժեղացնում են հայդուկներին որսալու գործողութունները:

1895 թ. դեկտեմբերին, պատճառաբանելով, որ իբր Աբգու Համիդին տապալելու մասին Փոքր Հայքի բնակավայրերում փակցված կոչերի հեղինակը հայ է (իրականում հայ չէր), Կեսարիայում մոտ 500 հայ է ձերբակալվում ու խոշտանգվում: Ձերբակալվածներին խարանում են շիկացած երկաթով, գլխավայր կախում, ածխանոցում փակում: 80 հոգի, այդ թվում հայդուկների ղեկավարներ Գյուլպենկն ու Փանոսը, տարվում են Անկարա՝ դատվելու: Սակայն ճանապարհին նրանք փախչում են: Ձմեռ էր: Փախստականները 3 օր ոչինչ չէին կերել և մտնում են թուրքական մի գյուղ՝ ուտելիք ճարելու: Հենց այստեղ էլ նրանց ձերբակալում են: Անկարայում կազմակերպված դատավարութեան ժամանակ, ի թիվս անվեհեր հայդուկների, մեղադրվում էին նաև 500 այլ անմեղ հայեր, որոնց մայրաքաղաք էին բերել Փոքր Հայքի մի քանի շրջաններից: Թուրքական դատարանը նրանցից 17-ին մահվան դատապարտեց:

Հիշատակենք նաև Գալուստ Արխանյանի հայդուկային խումբի մասին, որը գործում էր Մնձուրի անառիկ լեռներում և դրա համար էլ նրան անվանում էին «Մնձուրի առյուծ»: Նա Փոքր Արմտան գյուղից էր: 1891 թ. այս գյուղում սպանվում է մի լրտես: Գյուղից 12 մարդ ձերբակալվում են, խոշտանգվում և տարվում Երզնկա: Գյուղը հարձակման է ենթարկվում. երիտասարդների մի մասին իրար են կապում և լեռներից ցած գլորում, մյուսների դեմքերին մեղր են քսում, ձեռքերը կապում և մեջքի վրա պառկեցնում արևի տակ, որպեսզի մեղուններն ու ճանձերը բղկտեին: Գյուղը թալանվում է: Արխանյանը, որ ականատեսն էր այդ վայրագութեան, մի քանի ընկերների հետ հեռանում է լեռները և զինվորագրվում հարազատ ժողովրդի ազատագրմանը: Այստեղ նրանց վրա հարձակվում են թուրք զինվորներն ու բաշիբոզուկները: Մարտը տևում է վեց ժամ: Սրբմուժն ընկնում է, Արխանյանը ճեղքում է շրջապատման օղակը և հեռանում:

Այդ ժամանակ Փոքր Հայքի հայդուկների թիվը հասնում էր 1000-ի: Սեպուհ լեռան վրա կայանում է հայդուկային խումբերի ղեկավարների ժողով, որին մասնակցում էր նաև 18-ամյա Անդրանիկը: Ժողովը որոշում է, որ Արխանյանի խումբը

գործելու է Մնձուրիի, իսկ Ռուբենի խումբը՝ Գարահիսարի գավառներում:

Արխանյանը լեռներում ջախջախիչ հարված է հասցնում քրդական հրոսակներին: Մի անգամ նա շրջապատվում է, բայց կարողանում է դուրս պրծնել ու, բաշվելով Չիրմայի քարայրը, ջարտնակել կոիվը: Մնձուրիի կայմակամ Ահմեդ բեյը տեսնելով, որ կովի միջոցով Արխանյանին չի կարող բռնել, նրա մոտ է ուղարկում Արխանյանի մորն ու գյուղի քահանային՝ առաջարկելով զենքը վայր դնել ու ներում ստանալ: Արխանյանը մերժում է այդ առաջարկը: Խումբը ևս 3 օր կովում է: Չինամթերքը սպառվում է և ստանալով Ահմեդ բեկի հավաստիացումը, որ հայդուկների նկատմամբ ոչ մի ոտնձգություն ու բռնություն չի կատարվի, Արխանյանը հանձնվում է ոստիկանութեանը: Նրան տանում են Երզնկա և դատապարտում 12 տարվա բանտարկության: Նա բանտում էլ մեռնում է 1905 թ. նոյեմբերի 18-ին:

Ինքնապաշտպանական կոիվների ու հայդուկային շարժման էությունը հասկանալու համար տեղին են Ստ. Շահումյանի խոսքերը. «Թող շասեն, որ լինում են պայմաններ, երբ կոիվը անհնարին է, կամ անմիտ բան է: Չկա այն զորեղ թշնամին, որի դեմ կոիվն անհնար լինի, չկա այն բռնությունը, անարդարությունը, որի դեմ բողոքը անմիտ բան լինի: Կովոդն այն դեպքում չի կովում միայն, երբ նա համոզված է, որ ինքը կհաղթի, նա չի կովում միայն հաղթելու համար: Նա կովում է, որովհետև չի կարող չկովել, նա կովում է երբեմն մեռնելու համար»¹⁹:

* * *

XIX դարի 80-ական թվականներին, կապված հայ ժողովրդի ազգային-ազատագրական շարժման վերելքի հետ, ձևավորվեցին հայ ազգային քաղաքական կուսակցությունները. արմենականները՝ 1885-ին, հնչակյան կուսակցությունը՝ 1887-ին և դաշնակցությունը՝ 1890-ին:

1892 թ. Թիֆլիսում կազմակերպվեց «Հայ բանվոր հեղափոխականների ասոցիացիան», որն Արևմտյան Հայաստանի ազատագրման հարցը կապում էր միայն ընդհանուր ապստամբության գաղափարի հետ: Հայ առաջին մարքսիստները

արևմտահայության ազատագրման գործը տեսնում էին Ռուսաստանի բանվոր դասակարգի և աշխատավորական մյուս խավերի հեղափոխական շարժումների հետ միասնության մեջ:

Ըստ թուրքական պատմագրության, Արևմտյան Հայաստանում կատարվող բոլոր իրադարձությունների կազմակերպիչն ու ոգեշնչողը հայ ազգային քաղաքական կուսակցություններն էին՝ արմենականները, հնչակյանները և դաշնակցությունը: Դա մտացածին ու սխալ կարծիք է: Նախ, օսմանյան բռնությունների դեմ պայքարը շատ ավելի վաղ պատմություն ուներ, քան այդ կուսակցությունների երևան գալը: Հայդուկային շարժումը ևս, որ գյուղացիության տարերային պայքարի ծնունդն էր, ձևավորվել էր շատ ավելի վաղ, քան այդ կուսակցությունները: Այլ հարց է, որ հետագա տարիներին դրանք հայդուկային շարժման լայն ճանաչում ունեցող մի շարք ղեկավարների անդամատոմս տվին և, աշխատավորական դանդախների շրջանում իրենց հեղինակությունը բարձրացնելու նպատակով, նրանց ամենուրեք ներկայացնում էին որպես իրենց կուսակցության ակտիվ գործիչներ: Ինքնապաշտպանության և ֆիդայական շարժման որոշ ղեկավարներ համագործակցում էին այդ կուսակցությունների հետ, որովհետև հույս ունեին նրանց միջոցով ու օգնությամբ զենք ստանալ:

Մասնավորապես, դաշնակցությունն ամեն կերպ աշխատում էր իր ձեռքը վերցնել հայդուկային շարժման ղեկավարությունը, սակայն պայքարի նպատակների ու մեթոդների հարցում դաշնակցության ու հայդուկային շարժման միջև լուրջ տարաձայնություններ ու հակասություններ կային: Դաշնակները, օրինակ, Մասունում ծավալված շարժումները դիտելով որպես համահայկական ազատագրական շարժման բաղկացուցիչ մաս, ձգտում էին դրանք ուղղակիորեն ենթարկել իրենց քաղաքական նպատակներին: Դաշնակցությունը Արևմտյան Հայաստանի բնակավայրերում և, մասնավորապես, խոշոր կենտրոններում ստեղծում էր կուսակցական խմբեր, զինամթերքի պահեստներ և մարտական ջոկատներ: Նա օսմանյան տիրապետության դեմ ապստամբական բնույթի այնպիսի տեղական կոիվներ էր նախապատրաստում, որոնք հարկադրեին մեծ տերություններին իրենց հովանավորության տակ առնելու հայկական դատը: Դրա համար էլ նա ձգտում էր հայդուկային շարժումների մակընթացություն-

ներն ու տեղատվությունները որոշել Օսմանյան կայսրության նկատմամբ մեծ տերությունների դիվանագիտական ակտիվության աստիճանով, կամ ելնելով հայկական այլ շրջաններում իր կողմից իրականացվող միջոցառումների շահերից: Սակայն և՛ դաշնակները, և՛ հնչակյանները համազգային ապստամբության և հեղափոխական կոիվների մասին սխալ պատկերացում ունեին: Նրանց համար հեղափոխական գործունեությունը ոչ թե ժողովրդի ուժերի համախմբում էր, այլ մի բոլոր մտավորականների ու կոմիտեականների դավադրական գործունեություն:

Դաշնակցական կուսակցության 1892 թ. տեղի ունեցած առաջին համագումարը կուսակցության նպատակը հռչակեց «թուրքահայ Հայաստանում ձեռք բերել քաղաքական և տնտեսական ազատություն»: Այդ նպատակին հասնելու համար դաշնակցությունը «կկազմակերպի հեղափոխական խմբեր, որոնք կառավարության դեմ անընդհատ և զորեղ կոիվ կմղեն»¹⁹:

Ստ. Շահումյանը նշում է. «... մենք հակառակ ենք եղել դաշնակցականների, հնչակյանների ազգային քաղաքականությունը...»: Այդ քաղաքականությունը հայ ազգի համար ստեղծեց «միայն դժբախտություն, կոտորածներ ու ավերումներ»²⁰:

Ֆիդայական շարժումը, ի տարբերություն վերը նշված կուսակցությունների, շունչը որոշակի հեռանկար նախատեսող քաղաքական ծրագիր: Հայդուկները վրեժխնդիր էին լինում հայ ժողովրդին հասցված բազում վայրագությունների համար և իրենց գործունեությամբ վառ էին պահում նրա ազատատենչ ոգին: Նրանք կյանքի փորձով դիտեին, որ հայ ժողովրդի այդ հատվածի գոյատևումը հնարավոր է միայն դահճի դեմ զինված պայքարի միջոցով: Նրանք համոզվել էին, որ Արևմուտքի պետությունների վրա հույս դնելը միամիտ պատրանք է, որ միակ իրական ուժը Ռուսաստանն է և այնտեղ բարձրացող դեմոկրատական շարժումը: Հայ ժողովրդի դեմոկրատական խավերը հավատացած էին, որ «Հայկական հարցի լուծման բանալին գտնվում է ոչ թե Լոնդոնում կամ էլ Բեռլինում, այլ՝ Պետրոգրադում»²¹:

Հայդուկային շարժումը իր քաղաքական նպատակներին ծառայեցնելու նպատակով, դաշնակցությունը հայդուկային խմբերում աշխատանքի էր ուղարկում իր առաջատար գործիչներին: Որոշ տեղերում և որոշ ժամանակահատվածներում դաշնակցությանը հաջողվեց վերահսկողության տակ առնել ազգային-

աղատագրական ջոկատների գործունեությունը: Սակայն նրանց այդպես էլ չհաջողվեց հայդուկներին իրենց ենթարկել նրա գրեթե ամբողջ օրրանում՝ Սասունում: Դրա հետևանքով հայդուկների ու դաշնակների միջև երբեմն բախումներ էին առաջանում:

Բացի այդ, եթե ֆիդայական շարժման համար բնորոշը պարտիզանական կոիվներն էին, ապա դաշնակցության համար կազմակերպչական աշխատանքը՝ ապստամբության նախապատրաստությունը, ինչպես նաև ցուցադրական կոիվներն ու ահաբեկչությունները: Հայդուկային շարժման մի այնպիսի ռազմավիրա, ինչպիսին Հրայրն էր (Արմենակ Ղազարյան), խստորեն քննադատում էր կուսակցություններին ազգային ուժերը ջլատելու համար:

Արևմտահայության հարցում ի սկզբանե գծագրվեց երկու մոտեցում: «Հայկական հարցը,— գրում է Կ. Պոլսում ուսական դեսպան Նելիդովը,— մեր առջև կանգնած է իր երկակի բնույթով, առաջինը, որպես Ասիական Թուրքիայի ողբալի վիճակում գտնվող ճնշված և ունեզրկված գյուղական և քաղաքային բնակչության դժգոհություն՝ ուղղված օսմանյան լծի և հարևանների ճնշման դեմ, և երկրորդ՝ որպես հիմքից զուրկ, ազիտատորների հակակառավարական դավադրություն, որը ելնում է ամենածայրահեղ գաղափարներից և խնդիր է դնում քաղաքականապես միավորել բոլոր հայերին և ստեղծել անկախ հանրապետություն»: Նելիդովը նկատում է, որ առաջին դեպքում հայկական շարժմանը պետք է համակրանք ցույց տալ և «հնարավորին շափ օգնել, մանավանդ որ նրա մասնակիցները իրենց հույսը դրսևորապես կապում են Ռուսաստանի հետ, իմանալով, թե ինչպիսի անշահախնդիր ինքնազոհություններ մենք մեր արյան դնով ազատագրել ենք Թուրքական լծի տակ հեծող քրիստոնյա ժողովուրդներին»²²:

Չնայած իր մեծապետական շահագիտական ելակետին, Նելիդովը հիմնականում ճիշտ է նկատել արևմտահայության ազատագրական շարժման մեջ եղած երկու ուղղություններն ու հոսանքները:

Հայդուկների ու նրանց շարժման մասին գոյություն ունեն երկու իրարամերժ կարծիքներ: Ոմանք, և առաջին հերթին այդ շարժման մասնակիցներն ու ժամանակակիցների մի մասը, գերազնահատում են նրա դերը և գտնում, որ հայդուկային խրմբերը ի վիճակի էին դեռ երկար ժամանակ մաքառելու և խո-

չընդոտելու կոտորածները, եթե չլինեին սուբյեկտիվ բնույթի գործոնները: Մյուսները, այդ թվում նաև որոշ մասնագետ պատմաբաններ, նսեմացնում են, իսկ ոմանք նաև խեղաթյուրում են այդ շարժման նշանակությունը, նրան վարկաբեկիչ գնահատականներ տալիս և ձգտում են մեր ժողովրդի նոր շրջանի պատմությունից այն «դուրս մղել», չնկատել:

Հատկապես վերջին տարիներին բուրժուական պատմագրությունը հրապարակ է նետել ու համառորեն թմբկահարում է հայդուկային շարժումը բնութագրող մի այլ մոտեցում՝ այդ շարժումը ներկայացնելով որպես ահաբեկչություն, իսկ հայդուկներին՝ ահաբեկիչ-տեղորիստներ: Թուրք պատմաբաններն աշխատում են ընդհանուր գծեր գտնել հայդուկների և արտասահմանում բնակվող այն հայերի միջև, որոնք վերջին տարիներին Թուրքական դիվանագետներից մի քանիսին տեղորի ենթարկեցին: Նրանք ուղղակի պնդում են. «XIX դարի վերջին ձևավորված հայկական տեղորի շարունակվում է»: 1983 թ., հանդես գալով ՄԱԿ-ի գլխավոր ասամբլեայի նիստում, Թուրքիայի արտաքին գործերի մինիստրը հայտարարեց. «Այսօր, ինչպես մեր դարի առաջին տարիներին, հայ տեղորիստները նպատակ ունեն կատարելու նոր ցեղասպանություններ»²²: Նման հայտարարությունը կարելի է որակել մեկ բառով՝ կեղծիք:

Թուրք քաղաքական գործիչներն ու պատմաբանները ցանկանում են խաբել համաշխարհային հասարակայնությանը, որ իբր նախկին տեղորիստները (կամ հայդուկները) ժամանակակից հայ տեղորիստների նման սպանում էին անմեղ Թուրքերի, և դրա համար էլ օսմանյան կառավարությունը հարկադրված էր բանի միջոցների դիմելու նրանց ու նրանց համախոհների նկատմամբ: Եվ հայերի կողմից թմբկահարվող «1915 թ. եղեռնը այլ բան չէր, եթե ոչ նման միջոցառումներից մեկը»:

Թուրքական ռադիոյի արաբերեն լեզվով տրվող «Հայկական թղթապանակ» հաղորդաշարի ապրիլի 8-ի թողարկման մեջ կարդում ենք, որ Կ. Պոլսի հայկական պատրիարքարանում 1878 թ. հրավիրված ժողովներում՝ արտահայտված մտքերը «ահաբեկչական շարժումների բուն էությունն են, որոնք սկսվեցին XIX դարի վերջին և շարունակվում են ցայսօր: Ավելի ճիշտ, գաղութատիրական գաղափարախոսությունը հիմնական դեր խաղաց հայ ահաբեկչության երևան գալու գործում»: Մայիսի 27-ի թողարկման մեջ կարդում ենք. «Ռուսաստանի հրահրումները պատ-

հառ դարձան, որ թուրքիայում ապրող հայերի մեջ զավթողական ոգի առաջանա... Այս քաղաքականության շրջանակներում Անատոլիայի արևելքում կազմակերպվեցին հայկական որոշ ավազակախմբեր: Վանում հիմնադրվեցին «Աև խաչ» և «Արմենական», իսկ էրզրումում «Պաշտպան Հայրենյաց» ավազակախմբերը... Նրանք ժամանակի ընթացքում անհետացան հայ ժողովրդի մեծամասնության համակրանքը շահելու պատճառով, մի ժողովուրդ, որ գոհ էր օսմանյան իշխանություններից, բարզավաճում էր ու ապրում խաղաղ... հայկական ավազակախմբերը սկսեցին ըմբոստության կրակ վառել երկրի տարբեր շրջաններում: Այդ ըմբոստությունները սկզբնական շրջանում ղեկավարում էր հնչակյան ավազակախումբը, ապա դաշնակցականը: Ըմբոստանալու բոլոր փորձերը ծրագրվում ու ղեկավարվում էին արտասահմանից»:

Հատկանշական է, որ թուրքական այդ բարբառանքները իրենց արձագանքներն են գտնում իմպերիալիստական պրոպագանդայում: Այսպես, ամերիկյան պատմաբան Լոուրին գրում է, որ ընդհանուր նմանություն «կա այսօրվա և XIX դարի վերջի ու XX դարի սկզբների (հայկական) ահաբեկչական կազմակերպությունների ձգտումների, նպատակների ու տակտիկայի միջև»: Նրա կարծիքով, «Ինչպես XIX դարի, այնպես էլ ժամանակակից հայկական ահաբեկչությունը նպատակ ունի Արևելյան Անատոլիայում ստեղծել անկախ Հայկական պետություն»: Դա այսօր շատ ավելի անհնար է, «քան 100 տարի առաջ: Հայերն ի վիճակի չեն լրջմիտ գնահատելու իրականությունը, նրանք չեն հասկացել և չեն հասկանում, որ ուժեղ թուրքական պետությունը երբեք չի բավարարի ահաբեկիչների մի ողորմելի խմբի պահանջները», հետևաբար հայկական ահաբեկչությունը զուրկ է «տարրական տրամաբանությունից»²³:

Լոուրին այնուհետև նշում է, որ «եթե հայ ահաբեկիչներն իրենց անփշակական թշնամիների հետ բախման մեջ հաջողություն չունեցան, ապա նրանք, համենայն դեպս, կարողացան վախի ու սարսափի զգացմունք առաջադնել իրենց՝ հայերի, հայկական համայնքի մեջ, որի անունից նրանք իբր թե հանդես էին գալիս»: Լոուրին հարվածը հայ ահաբեկիչներից շուտ է տալիս ամբողջ հայ ժողովրդի վրա: Նա ցիտում է ԱՄՆ-ում լույս տեսնող «Արմենիա Ուիկի» թերթի խմբագիր Գ. Տոնապետյանի խոսքերը. «Որպես հայ ես դեմ եմ ահաբեկչությանը: Բայց ամեն

ինչ պատճառ ունի: Ահաբեկչությունը միզուց ելք է: Զե որ նա հրեաներին օգնեց: Նրանք ստացան իրենց Իսրայելը»: Ահա թե ինչու, եզրակացնում է Լոուրին, «Ամեն մի ահաբեկչության փաստից հետո այս կարծիքը առաջ է մղվում հայկական մեծ թվով կրոնական, գիտական և քաղաքական գործիչների կողմից: Ահաբեկիչներն իրենց գործողություններն արդարացնում են նրանով, որ նրանց նախնիները զոհ են դարձել պատմական անարդարության»: Ապա թուրքական աղբյուրներից վերցրած սուտ ու պատիր փաստերով նա «հերքում է» 1915 թ. հայկական ցեղասպանությունը: Լոուրին գտնում է, որ այդ տարիներին «անատոլիական մահմեդականներ ավելի շատ են սպանվել, քան հայեր: Բայց դա նման չէր եղևնի»²⁴:

Լոուրին ու նրա գործընկերները ստում են: Իրականում, ահաբեկչությունը հայ ինքնապաշտպանական կոիվների և հայզուկների դեմ օսմանյան իշխանությունների պայքարի ամենահաճախ օգտագործվող մեթոդն էր: Բացի այն դեպքերից, երբ հայզուկների դեմ հանվում էին բանակը ու ոստիկանությունը, բոլոր մյուս դեպքերում (տարիներ ու տասնամյակներ շարունակ) թուրքական իշխանությունները հայզուկների ղեկավարներին ֆիզիկապես ոչնչացնելու համար մեծ գումարներ էին խոստանում, պրոֆեսիոնալ մարդասպաններին գլխադին առաջարկում: Նման միջոցներով նրանք սպանեցին ամենանշանավոր հայզուկապետներից մեկին՝ Աղբյուր Սերոբին, մահափորձեր կազմակերպեցին Գևորգի ու Անդրանիկի դեմ: Եվ ընդհանրապես, թուրքիայում պետական տեղորոշմը միշտ հարգի է եղել և այսօր էլ հարգի է: Ինչ վերաբերում է ֆիզայիններին, ապա նրանք չնայած տեղորոշ որպես պայքարի մեթոդ չէին մերժում և որոշ դեպքերում ու պայմաններում այն օգտագործում էին, բայց երբեք այն նրանց պայքարի գլխավոր մեթոդը չի եղել: Հայզուկների գործունեության հիմնական և գլխավոր մեթոդը պարտիզանական կոիվներն էին:

Թուրքական պատմագրությունը ինքնապաշտպանական կոիվների և հայզուկային շարժման մեջ ճգնում է տեսնել միայն ազգային նպատակադրումներ: Մինչդեռ այդ շարժումը ոչ միայն ազգային, այլև իր հիմքում նաև դասակարգային էր: Այդ շարժումը գյուղացիական էր, նրա գլխավոր ուժը գյուղացիությունն էր և այն էլ՝ աղքատ ու միջակ գյուղացիությունը: Շարժումն

Պողոսի Էր ոչ միայն թուրքական իշխանութիւնների հայազինչ քաղաքականութեան, այլ նաև թուրք ու քուրդ բեկերի, շեյխերի, փաշաների, աղաների, հոգևոր ու աշխարհիկ մյուս ֆեոդալների ճնշումների, շահագործման ու հարստահարութիւնների դեմ: Այստեղ դասակարգայինը ազգային պատյանի մեջ է մտած այն հասկանալի պատճառով, որ ազգային ճնշման վերացումը միաժամանակ նշանակում էր իշխող խավերի շահագործման ու հարստահարութիւնների վերացում:

«Մակեդոնիայում,— գրում է Վ. Ի. Լենինը,— կալվածատերերը... թուրքեր և մահմեդականներ են, իսկ գյուղացիները՝ սլավոններ և քրիստոնյաներ: Դրա համար էլ դասակարգային հակասութիւնները սրվում են կրոնական և ազգային հակասութիւններով»²⁵:

Ուշագրավ է, որ Արևմտյան Հայաստանում բնակվող տարբեր ազգութիւնների աշխատավորներ որոշ դեպքերում համատեղ էին հանդես գալիս իրենց հարստահարողների դեմ: Այսպես, 1880 թ. մայիսի 31-ին Մուշի սովահար հայերն ու թուրքերը միավորվելով գրավում են պետական ամբարների հացը: Եվ, երբ կառավարութիւնը փորձեց բանտարկել հայերին, մահմեդականները հայտարարեցին, որ իրենք թույլ չեն տա հայերին ձեռք տալ: «Հայերը մեր եղբայրներն են... մենք ամենքս նեղացած տանջվում ենք կառավարութեան ձեռքից»²⁶:

Բիթլիսի գավառի 32 հայկական և քրդական գյուղեր միացյալ բողոք ներկայացրեցին իշխանութիւններին՝ ընդդեմ աղաների կեղեքումների:

Հայ, թուրք և քուրդ աշխատավորութեան դասակարգային համերաշխութեան այս և շատ այլ օրինակներ ևս հաստատում են, որ թուրքական բռնատիրութեան դեմ հայ ժողովրդի ազատագրական պայքարը, այդ թվում հայդուկային շարժումը, կրում էր ոչ միայն ազգային, այլև ինտերնացիոնալ ու դասակարգային բնույթ:

Սակայն պատմական տվյալ ժամանակաշրջանում քուրդ և թուրք աշխատավորութեան հետամնացութիւնը, կրոնական մոլեռանդութիւնը և Օսմանյան կայսրութիւնում տիրող քաղաքական մթնոլորտը անհնար դարձրին հայերի հետ քուրդ ու թուրք աշխատավորութեան համերաշխութիւնը, իշխող դասակարգերին հնարավորութիւն տվեցին հայերի հարստահարութիւնների, ոչնչացման ու նրանց ունեցվածքի թալանի մեջ

ներգրավել մահմեդական աշխատավոր զանգվածների սովոր մասին:

Թուրքիայում ֆեոդալական հարաբերութիւնների կայունութիւնը, աշխատավորական զանգվածների վրա մահմեդական հոգևորականութեան և բյուրոկրատական պաշտոնեութեան հրակայական ազդեցութիւնը նրանց զրկել էին իրենց դասակարգային շահերի համար պայքարելու և հասարակական կյանքում ինքնուրույն հանդես գալու կարողութիւնից: Այդ նույն պայմանները թուրք աշխատավորութեան շրջանում տեաքար ու անդադար ներարկում էին շովինիստական հոգեբանութիւն, որն իր հերթին ուժեղացնում էր այդ զանգվածների կախվածութիւնը պետական իշխանութիւնից, ֆեոդալներից ու հոգևորականներից, նրանց թշնամաբար տրամադրում քրիստոնյաների նկատմամբ:

* * *

XIX դարի վերջին երեք տասնամյակները և XX դարի առաջին քառորդը Թուրքիայում հայերի զանգվածային ու հետեւողական ոչնչացման ժամանակաշրջանն էր: Տարբեր ժամանակահատվածներում կիրառվել են ոչնչացման տարբեր ձևեր ու մեթոդներ, բայց եղևնը ոչ մի օր և ոչ մի ժամ կանգ չի առել:

Ցեղասպանութեան մեթոդների փոփոխութիւնը շատ հաճախ կատարվում էր համաշխարհային հասարակական կարծիքը թյուրիմացութեան մեջ գցելու համար և, դժբախտաբար, նույնիսկ հայերի մեջ գտնվեցին մարդիկ, որոնք խաբվեցին և կուլ գնացին սուլթանի խորամանկութիւններին: Որպես օրինակ, բերենք Սասունի 1894 և 1904 թթ. դեպքերը:

Հայագիտական որոշ աշխատութիւններում այդ իրադարձութիւնները անվանում են ապստամբութիւններ: Ի դեպ, առաջինը անվանվում է նաև հնչակյանների ապստամբութիւն, այսինքն՝ այդ իրադարձութիւնների կազմակերպիչն ու ղեկավարը հնչակյան կուսակցութիւնն էր: Իսկ Սասունի 1904 թվականի իրադարձութիւնները համարում են դաշնակիների ապստամբութիւն: Մինչդեռ իրականում դրանք ոչ թե ապստամբութիւններ էին, այլ ինքնապաշտպանական կռիվներ:

Օսմանյան կառավարութիւնը նպատակ ուներ Սասունը դատարկել հայերից, ոչնչացնել տեղի հայ ազգաբնակչութեանը:

Սասունցիները դա քաջ գիտեին և հերոսամարտի բարձրացան ոչ թե անկախություն ձեռք բերելու, ոչ թե իրենց տնտեսական ու քաղաքական վիճակը բարելավելու, այլ ապրելու, գոյատևելու իրավունքի համար:

Բնական է, որ կենացումահու կոչվում քաղաքական հայացքներն ու տարրնթացությունները հետին պլան են մղվում, և ժողովուրդը կազմակերպում է իր բոլոր ուժերն ու հնարավորությունները՝ յաթաղանին հակահարված տալու, իր կյանքն ու պատիվը փրկելու համար: Ինքնապաշտպանական կոիվների կազմակերպիչն ու ղեկավարը ոչ միայն այս կամ այն քաղաքական կուսակցությունն էր, այլև ինքը՝ ժողովուրդը, նրա ապրելու, գոյատևելու ձգտումը: Ժողովրդի ինքնահամախմբման ընթացքում ծնվում ու հասակ էին առնում շարժման ղեկավարներն ու առաջնորդները:

Որ Սասունում 1894 և 1904 թվականներին ապստամբություններ են տեղի ունեցել, պատմական իրադարձությունների կեղծիք է, և այդ կեղծիքի ծննդավայրը Նլուզն էր՝ օսմանյան արքունիքը: Կեղծիքի նպատակն էր՝ Սասունի եղերական իրադարձությունների պատասխանատվությունը գցել հայերի վրա:

1. Մշակ, 1879, № 191:
- 1ա. Փորձ, 1879, № 7—8:
2. Դիվան հայոց պատմության, հ. ԺԳ, Թիֆլիս, 1915, էջ 270—271:
- 2ա. Մասիս, 1879, № 2224:
3. Մշակ, 1878, № 28:
4. Մշակ, 1880, № 161:
5. Մ. և Ս. Բղեյան, Հարազատ պատմություն Տարոնո, Կահիրե, 1962, էջ 74:
6. Մ. Նալբանդյան, Նվժ, Ե., 1941, հ. 3, էջ 23—24:
7. Լեո, Թուրքահայ հեղափոխության գաղափարաբանությունը, հ. Ա, Փարիզ, 1934, էջ 74:
8. Հայրենիք, 13 հուլիսի 1985 թ.:
9. Մերձավոր և Միջին արևելքի երկրներ, պրակ 10, Թուրքիա, Ե., 1979, էջ 152:
10. Հայրենիք, 28—29 հոկտեմբերի 1985 թ.:
11. Դրոշակ, 1894 թ. հոկտեմբեր:
12. Положение армян в Турции до вмешательства держав в 1895 году, М., 1896, с. 154.
13. Լեո, Թուրքահայ հեղափոխության..., հ. Ա, էջ 175:
14. Ժ. Մորզան, Հայ ժողովրդի պատմություն, Բուստոն, 1947, էջ 340:
15. Արմենիեն Ռեպորտեր, 7—14 հունիսի 1984 թ.:

- 15ա. Геноцид армян в Османской империи, Е., 1982, с. 11—12.
16. Լեո, Թուրքահայ հեղափոխություն..., հ. Ա, էջ 69—70:
17. Նույն տեղը, էջ 21:
- 17ա. Հ. Թումանյան, Նվժ, հ. 4, Ե., 1958, էջ 318:
18. Հնչակյան Ս. Դ. կուսակցության պատմություն, Բեյրութ, 1962, էջ 108:
19. Ստ. Շահումյան, Նրկեր, հ. 1, Ե., 1955, էջ 38:
- 19ա. Մրազիր Հ. Հ. դաշնակցության, Ժնև, 1906, էջ 11 և 14:
20. Ստ. Շահումյան, Նրկեր, հ. 2, Ե., 1957, էջ 407:
21. Մ. Աղայան, Հայ ժողովրդի ազատագրական պայքարի պատմությունից, Ե., 1976, էջ 95:
22. Նույն տեղը, էջ 103:
- 22ա. Թուրքական հեռուստատեսություն, 1983 թ., հոկտեմբերի 13:
23. Արմենիեն Ռեպորտեր, 7—14 հունիսի 1984 թ.:
24. Նույն տեղը:
25. Վ. Ի. Լենին, Նվժ, հ. 22, Ե., 1979, էջ 226:
26. Մշակ, 12 հունիսի 1880 թ.:

ՍԱՍՈՆԻ ԳՈՅԱՄԱՐՏՆ ՈՒ ԿՈՏՈՐԱՄԱՐՏՆԵՐԸ

Օսմանյան կայսրության իշխող դասակարգները գտնում էին, որ կայսրությունը տնտեսական, քաղաքական և սոցիալական ճգնաժամից դուրս բերելու համար անհրաժեշտ է զործնական հողի վրա դնել պանօսմանիզմի քաղաքականությունը: Այդ նշանակում էր իրականացնել խալիֆայի շուրջը աշխարհի բոլոր մահմեդականների համախմբման գաղափարախոսական-քաղաքական կուրսը, որը հզոր միջոց կդառնար օսմանյան նոր աշխարհածավալ տերություն ստեղծելու համար:

Այս հեռու ղնացող պլանների իրագործման նախապայմանը կայսրության ներքին կոնսոլիդացիան էր, որ նշանակում էր շովինիստական-ռասիստական կրքերի բորբոքման միջոցով հետին պլան մղել դասակարգային ներհակությունները և իսլամի դրոշի տակ միավորել, անկախ դասակարգային պատկանելությունից ու սոցիալական վիճակից, բոլոր մահմեդականներին:

Այս խնդրի լուծման համար որպես առաջին քայլ ընտրվեց ֆիզիկական բնաջնջման միջոցով կայսրությունը հայերից դատարկելու քաղաքականությունը:

XIX դարի վերջին տասնամյակը պետք է դառնար հայերի բնաջնջումն իրականացնելու համար էական նշանակություն ունեցող ժամանակաշրջան: Որոշվեց այդ քաղաքականության կիրառումը սկսել Սասունից, որովհետև ա) Սասունը իր կիսանկախ դրությամբ նկատելի ազդեցություն էր գործում արև-

մըտահայութեան վրա, հայերի շրջանում ուժեղացնում ազատագրական տրամադրությունները, բ) Սասունը հեռավոր ծայրամաս էր, կտրված միջազգային կապեր ունեցող շրջաններից, իսկ դա հնարավորություն էր ընձեռում բնաջնջման քաղաքականությունն իրականացնել «գաղտնի», խուսափել արտաքին աշխարհի հակազդեցությունից և մեծ տերությունների միջամտությունից, գ) Սասունն ընկած էր Քրդստանը Հայաստանի հետ կապող ուղու վրա և այնտեղ, ավելի քան որևէ այլ տեղ, գործնական հնարավորություն կար քրդերին հեշտությունը հայերի դեմ հանելու համար:

Եվ այսպես, Սասուն...

1891 թիվ... Թուրքական իշխանությունները Սասունը հայտարարեցին ապստամբ շրջան և նրան հարող գավառներում ռազմական ուժեր կենտրոնացրին, որոնք շնայած երկշոտ, բայց հեակողականորեն ձգտում էին թափանցել լեռնաշխարհ և իրենց ձեռքը վերցնել ստրատեգիական կարևոր կետերը: Սասունի ու սասունցիների գլխին մահաբեր վտանգն էր կախվել:

Որոշելով ոչնչացնել Սասունի ազգաբնակչությունը, օսմանյան կառավարությունը վճռեց այդ անել քրդերի ձեռքով ու նրանց արլան գնով՝ «Յող քրդերը սպանեն հայերին, հայերը՝ քրդերին: Իսկ անհրաժեշտության դեպքում կմիջամտի բանակը՝ հայերի ոչնչացումն ավարտելու համար»:

1891 թվի գարնանը Բիվլիսի կուսակալ Քահանն փաշան Ձիլանի և Տատերիկի շեյխերին սուլթանի անունից հրամայեց հայերի դեմ կրոնական պատերազմ սկսել հարավից: Շեյխերը համաձայնվեցին, բայց կրոնական պատերազմը ոչ 1891 թ. և ոչ էլ հաջորդ տարում շատացվեց, երովհետև քրդերի զգալի մասը հրաժարվեց նրան մասնակցելու ձիշտ է, որոշ աշիրեթապետեր, թալանի ակնկալիքով, տեղական բնույթի մի շարք հարձակումներ կատարեցին, բայց ընդհանուր առմամբ քրդերին հայերի դեմ հարձակման տանելու գործը տապալվեց: Ընդհակառակը, եղան դեպքեր, երբ Սասունի այս կամ այն գյուղի կամ շրջանի հայերն ու քրդերը միավորվեցին՝ թուրքական հարձակմանը դիմակայելու համար:

Այդուհանդերձ վտանգը մոտալուտ էր:

Տալվորիկցի Գասպարի տանն էին հավաքվել շրջակա գյուղերի ներկայացուցիչները: Թշնամին հարձակում էր նախապատրաստում վերին Սասունի վրա, և նրանք հավաքվել էին իրենց

անելիքները որոշելու համար: Բանն այն էր, որ նախորդ տարիներին թուրքերը խուսափում էին վերին Սասուն բարձրա՛նալուց, և այս շրջանը ազատ էր ասպատակություններից ու թալանից: Եվ, եթե թուրքերը որոշել էին հասնել մինչև Տալվորիկ, ապա սպասվում էր ոչ թե մասնակի, տեղական բնույթի, այլ՝ ընդհանուր հարձակում: Ժողովը միահամուտ էր մի բանում՝ ամեն ինչ պետք է արվի, որպեսզի թշնամին հակահարված ստանա ու հետ շարտվի ոչ թե Տալվորիկի, այլ Սասունի մատուցներից, որ հնարավորություն կտար, առանց խաթարելու լեռնաշխարհի կյանքը, տեղական դիմադրություն ցույց տալ:

Դրա համար անհրաժեշտ էր ինքնապաշտպանական ջոկատներ ստեղծել նաև Դաշտի, այսինքն Տարոնի գյուղերում: Դրոսից զենք ստանալու հույս չկար: Ուրեմն պետք էր տեղում կազմակերպել զենքի արտադրությունը, զինել ժողովրդին ու պարտիզանական կոիւններ մղել:

Եթե նախկինում թուրքական իշխանությունները միայն թույլատրում էին աշիրեթապետերին թալանելու հայկական գյուղերը, ապա այժմ նրանք քրդերին պարտադրում էին այդ գործով զբաղվել: Դրա համար էլ ժողովը որոշեց թուրքական ռազմական ուժերի դեմ կոիւնների ծանրությունը: զնել հայդուկների վրա, իսկ գյուղերում գործող ինքնապաշտպանական ջոկատները պետք է հակահարված տային աշիրեթությունների ոտնձգություններին, թույլ չտային, որ նրանք ավերեին, կոտորեին ու թալանեին:

Տարոնի հայությունը սովի մատնելու նպատակով իշխանությունները բռնադրավել ու մահմեդականներին էին բաժանել նրանց հացի պաշարները: Սովն ու համաճարակը տառաջիորեն հնձում էին Դաշտի հայ ազգաբնակչությանը: Տարոնի բնակչության մի մասը, փախչելով սովի ու հիվանդության ճիրաններից, բարձրացել էր Սասուն:

Լուր ստացվեց, որ Շենիկ գյուղի շրջակայքում Մամկան աշիրեթությունը մտանդավոր վիճակ է ստեղծել Շատախի հայկական գյուղերի համար:

Գևորգն իր խմբով շարժվեց Շենիկ: Դեռ Ալիանք գյուղին չհասած հայդուկները նկատեցին, որ մոտ 100 հոգուց բաղկացած քրդական մի ջոկատ դեպի հանդիպակաց կիրճն էր քշում Ալիանքի ոչխարների հոտը: Եթե նրանց հաջողվեր ոչխարներն

անցկացնել կիրճի մյուս ափը, այլևս ոչինչ անել հնարավոր չէր: Գետոգն իր խմբով անմիջապես անցավ կիրճի դիմացի ժայռերը, ու երբ քրդերը երևացին, ընկան ջոկատի կրակի տակ և զոհ հեր տալով հետ քաշվեցին: Հաջողութան նժարը հափըշտակիչների կողմն էր թեքվում, երբ զառիթափին դաշույններով ու մանգաղներով զինված կանանց խումբ երևաց և աղմուկ աղաղակով շարժվեց դեպի հակառակորդը: Վերջիններս լքեցին իրենց դիրքերը: Այդ ժամանակ վրա հասավ շենիկցի Գրգոյի՝ Գրիգոր Մոսեյանի ջոկատը: Թշնամին այլևս անկարող էր դիմադրել և, թողնելով երկու տասնյակից ավելի դիակներ, դիմեց փախուստի:

Մի քանի օր անց Մովսասրի շրջանում հայերը հետ շարժուեցին քրդերի հարձակումը ու նրանց դուրս քշեցին Մովսասրից: Տևական կռիվների մեջ էին խուլբի շրջանը, Տալվորիկ և Գեղիեզուզան գյուղերը: Մուշի ու Սասունի սահմանագլխին ընկած Տատրագոմ գյուղի բնակիչները, Հովհանի գլխավորությամբ, հարձակվում են գյուղ ներխուժած զափթիհների ու համիդեի ջոկատի վրա ու նրանց դուրս քշում: Երբ թշնամին հարձակվեց Բուզանջի խարաբալար գյուղի վրա, հայերը նրանց դեմ դուրս եկան: Ընդհարումն ավարտվեց հայերի հաղթանակով:

Մի այլ աշիրեթություն հարձակվում է Շիրվանշեն հայկական գյուղի վրա՝ չվճարված հարկերը հավաքելու նպատակով, բայց, հանդիպելով հայերի համառ դիմադրությանը, հեռանում է:

Նման ընդհարումներ եղան նաև Խնուսի Ղարաշոբան և Գովնատակ, Տարոնի դաշտի Հերկերտ, Ղզլաղաճ և մի քանի այլ գյուղերում:

Եվ ամեն անգամ, երբ հայերը հետ էին շարժում աշիրեթությունների հարձակումները, հրապարակ էր նետվում թուրքական ոստիկանությունը, որը Մ. Տամատյանին փնտրելու պատրվակի տակ շարձարում ու խոշտանգում էր գյուղացիներին: Այսպես անցավ 1891 թվականը:

* * *

Նկավ 1892 թվականը: Օգտվելով Սասունի ձյունաշատ ձմռան ընձևած հնարավորություններից, սասունցիները տենդագին նախապատրաստություններ էին տեսնում, քաջ դիտակցելով, որ գարնանը թշնամին վերսկսելու է հարձակումը:

Այդպես էլ եղավ: Գարունը դեռ նոր էր բացվել, երբ ոստիկանական մի վաշտ երևաց Մերկեմոզանում, երեք վաշտեր՝ Հաջի Ֆահրի, Իսկենդեր և Ռաշիդ բեկերի հրամանատարությամբ մտան Շատախի գյուղերը:

Սեմալ գյուղում 1893 թ. ձերբակալվեց հնչակյան կուսակցության ներկայացուցիչ Մ. Տամատյանը: Թուրքերը նրան սկզբում դատեցին, իսկ այս աղատ արձակեցին: Արաբոյին բռնել չհաջողվեց: Սասունցիներն այդ թույլ շտվեցին, թաքցրեցին ժողովրդական վրիժառուին: Իշխանությունները սա ևս համարեցին հեղափոխական տրամադրություններից բխող խռովություն, որ օր առօր պետք էր ճնշել: Եվ Սասուն ուղարկվեցին Երզրումից բերվեց մի գումարտակ երկու թնդանոթներով: Գարնանը համաբայլ Սասուն բարձրացան նաև ոստիկանական ջոկատները: Միաժամանակ կառավարության պահանջով հարավ-արևմուտքից դեպի Սասուն շարժվեցին Տիգրանակերտի աշիրեթությունները: Նրանց միացան խուլբի ու Խեանքի քրդերը: Բազրանցի ու բատկանցի աշիրեթություններն ամբացան Կուրտիկի փեշերին՝ նպատակ ունենալով Սասունը մեկուսացնել Տարոնից:

Հարավից դեպի Տալվորիկ շարժվեց Հազոյի կայմակամը իր ոստիկանական ջոկատով:

Ահա այդ բազմահզար ուժերի դեմ կանգնած էին շուրջ 2 հազար հայ գյուղացիներ, զինված միայն դաշույններով, կացիներով և կայծքարի հրացաններով: Սասունցիները տեսնում էին հակառակորդի ակտիվ տեղաշարժերը, նրա ուժերի առաջխաղացումը, բայց խուսափում էին եռանդուն գործողություններից, որպեսզի թուրքերին վայրագություններ կատարելու պատրվակ չտային:

Մալխի կեսերին Հազոյի ոստիկանական ջոկատը հասավ Տալվորիկ: Բայց կայմակամը չհամարձակվեց մտնել Տալվորիկ: Նա տալվորիկցիներից պահանջեց պետությունը հարկ վճարել: Տալվորիկցիները հրաժարվեցին թուրքերի պահանջը կատարելուց: Բնորոշ է, որ, երբ կայմակամը հարցրեց, թե ինչու կառավարությանը չեք ենթարկվում և հարկ չեք վճարում, տալվորիկցիները պատասխանեցին, որ իրենք կառավարության դեմ չեն ըմբոստանում, բայց հարկերը երկու անգամ չեն կարող վճարել՝ քրդերին և կառավարությանը: Եթե կառավարությունը

քրդերի ոստիկանները իրենց պաշտպանի, հարկեր կվճարեն: Հետաքրքիր է նաև նշել, որ օսմանյան տիրապետության ամբողջ պատմության ընթացքում սա Տալվորիկ հասած թուրքական առաջին ոստիկանական ջոկատն էր²:

Հարմար չէր դատարկաձևն վերադառնալ, և կայմակամի ջոկատը բազրանցի ցեղի թափթփուկների հետ շարժվում է Սպաղանք ու հոծոժվանք փոքրիկ գյուղերը: Սպաղանքը շրջապատվում է: Սպաղանքից Մակարի գլխավորությանը հակահարձակման են անցնում և թշնամուն զգալի զոհեր պատճառելով հետ քշում: Նոր հարձակումներից զերծ մնալու համար նրանք քանդում են Սատանի կամուրջը:

Հազոյի կայմակամը, տեսնելով, որ տեղի քրդերին հայերի դեմ հանել չի կարողանում, հեռանում է Վերին Սասունից: Որոշ ժամանակ անց նա վերադառնում ու հարձակվում է հոծոժվանք և Խնձորենակ գյուղերի վրա: Հայերին ու քրդերին հաջողվում է այս անգամ ևս թշնամուն հակահարված տալ ու կայմակամին գերի վերցնել, որին հետո ազատ են արձակում: Կայմակամը հավաքելով իր ցաք ու ցրիվ ուժերը, հեռանում է դեպի Փսանք: Այստեղ հայերն ու Շեկո ցեղի քրդերը հետապնդում են նրան ու հարկադրում հեռանալ Սասունից:

Այդ ընթացքում կառավարական գործերը աստիճանաբար ամբանում են Կուրտիկի բարձունքներին: Սասունցիները որոշեցին անշնչատ հակահարձակումների միջոցով թույլ չտալ թուրքերին իրենց ուժերը վերախմբավորելու և անկաշկանդ գործելու: Այդ դիրքորոշումն իրեն արդարացրեց: Թուրք հրամանատարությունը հասկացավ, որ Սասունում ծանր մարտեր են սպասվում և վախեցավ, առանց համարում ստանալու, լուրջ մարտական գործողություններ ձեռնարկել:

* * *

1893 թվին սուլթանական արքունիքը նորից դիմեց ավանդական ու իրեն հարազատ մեթոդներին՝ խորամանկ խաղերին ու կաշառքին: Բ. Իոան գանձարանի հարստություններից սկսեցին հոսել քրդական ցեղապետերի գրպանները: Ամենակարող ոսկին իր վճռական խոսքն ասաց: Աշիրեթապետերը մեկը մյուսի հետևից անցան թուրքերի կողմը: Եվ երբ թուրքական բանակը 1893 թ. գարնանը շարժվեց դեպի Վերին Սասուն, նրան

միացան աշիրեթապետերն ու մուխանդ շեյխերը իրենց խուժանով, սրբազան պատերազմի կանչող բանոցներով:

Սասունը պաշարվեց: Հայերը հարկադրված էին կռվել մի քանի ճակատով: Սակայն հարվածի ըլխավոր ուղղությունը Տալվորիկն էր: Սասունցին «շատ գովաբանությամբ է դուրս քաշում իր սուրբ, իսկ երբ սուրբ մեթոդացավ պատյանից, գործը վճռված է, նա պետք է կոտորի» (Բաֆֆի):

«Սասուն ելավ, ապստամբեց, աշիրեթում հանեց ձայն. Տալվորիկի զավակն եմ քաջ»:

Գեորգի խումբը Կուրտիկում տեսավ, որ թուրքական մի գործառնա, ամրանալով նրա բարձունքներին, իր հսկողության տակ է վերցրել ստրատեգիական տեսակետից բոլոր կարևոր կետերը, լեռնաշխարհը Տարոնի դաշտին կապող ճանապարհներն ու անցուղիները: Կուրտիկի վրայով 150 հեծյալ և 300 հեռակա զորքով Սասուն էր բարձրանում Թահսին փաշան: Նրան է միանում Կենճի մուխեսարիֆը իր ոստիկանական վաշտով³:

Մուշի ոստիկանապետ Իսկենդար աղան իր վաշտերով Ղզլաղաջի վրայով անցնում էր Սասունի արևմտյան շրջանները՝ բերդական ցեղերին ոտքի հանելու նպատակով: Չորս հարյուր հոգիանոց մի ջոկատ ամրանում էր Կոփում՝ Շառախի վրա հարձակվելու համար: Հայդուկային խումբը Մովսեսարի փեշքով շարժվեց դեպի Առաքելոց վանք: Այստեղ նա ստուգեց իր տպավորությունները և համոզվեց, որ իսկապես, թուրքական իշխանությունները Սասունի վրա են շարժում ոչ միայն Մուշում տեղակայված զորքը, այլև Բիթլիսից, Կենճից, Հազոյից բերված զորամասերը: Թահսին փաշայի ոստիկանական վաշտերն ընդհուպ մոտեցել էին Շենիկին: Ժանդարմական մի քանի վաշտեր արդեն տեղավորվել էին Սեմալ գյուղում: Համզոյի և Շեկոյի աշիրեթները շարժվում էին դեպի Մովսեսարի արևելյան լանջերը, Վերին Սասուն բարձրանալու համար: Միաժամանակ թուրքական իշխանությունները բանտարկեցին Մուշի հայկական համայնքի ավագանուն ու աքսորեցին Կարին:

Ըստ թուրքական հրամանատարության մշակած պլանի, հարձակումը պետք է սկսեին քրդերը, իսկ բանակը մարտական գործողությունների մեջ էր մտնելու միայն այն ժամանակ, երբ պարզվեր, որ քրդերի ուժերը բավարար չէին:

Թուրքական հրամանատարությունը քրդական աշիրեթապետերին հրամայում է հարձակվել Տալվորիկի վրա՝ ընդ որում

նա իր վրա է վերցնում քրդերի բոլոր սպանությունների պատասխանատվությունը և ամբողջ ավարը խոստանում է նրանց:

Չնայած աշիրեթությունները բազմամարդ էին, այնուամենայնիվ նրանց հարձակումները անկազմակերպ բնույթ էին կրում: Բացի դա, քրդերի զգալի մասը թուրքական իշխանությունների նպատակների համար չէր ուզում արյուն թափել: Դրա համար էլ առաջին իսկ բախումից հետո շրջվում ու հեռանում էր: Երկու շաբաթ շարունակ, ամեն օր քրդական նորանոր ուժեր հարձակման էին անցնում և ողբալի աղաղակներով հետ էին շարժվում:

Երբ քրդերի պարտության լուրը հասավ Կ. Պոլիս, սուլթանը կատաղությունից ջղաձգվեց. «Պետք է ոչնչացնել Սասունը»: Այս բովանդակությամբ սուլթանական ֆերմանը Զեքի փաշային հանձնելու համար մայրաքաղաքից Բիթլիս եկան Սեյիդ բեյը և շեյխ Սուլեյմանը: Սուլթանի հրամանի կատարումը հանձնարարվեց Բիթլիսի նահանգապետ, ավագակաբարո Հասան Թահսին փաշային, որի մեծաթիվ ուժերին միացան, ավելի վաղ Սասուն մտած, Երզնկայի և Մուշի ոստիկանական վաշտերը:

Թուրքական զորքերը հանկարծակի հարձակվում են Ավզուտ և Վարդենիս գյուղերի վրա և կոտորում գյուղացիներին. զինվորները շիկացած երկաթով տանջում և այրում էին տղամարդկանց, բռնաբարում կանանց, ձիերի սմբակների տակ ճգնում մանուկներին, կոտորում էին անասունները: Նրանք շուրջ 100 մարդ ձերբակալեցին:

Թահսին փաշան որոշեց խորամանկությամբ իր ձեռքը զցել հայերի ինքնապաշտպանության ղեկավարներին: Նա պահանջեց, որ Սասունի ավագանին իր մոտ գա բանակցություններ վարելու և գործը խաղաղությամբ վերջացնելու համար: Հայերը, հասկանալով Թահսին փաշայի մտադրությունը, նրա մոտ ուղարկեցին ավագանու մի քանի երկրորդական դեմքերի՝ Սեմալի իշխան Գուրգենի զլխավորությամբ: Թահսին փաշան սասունցիներից պահանջեց հանձնել զենքերը, այսինքն՝ զինաթափվել, վճարել հարկերն ու տուրքերը և ստորագրել մի թուղթ, որ գոհ են օսմանյան իշխանություններից:

Սասունցիները պատասխանեցին, որ զենքը վայր կդնեն միայն այն դեպքում, եթե զինաթափվեն իսկ քրդերը: Հարկեր ու տուրքեր վճարել չեն կարող, որովհետև բոլոր գյու-

ղերը թալանված են: Տեսնելով, որ խորամանկությունը չանցավ, Թահսին փաշան ընդհանուր հարձակման հրաման տվեց:

Կենճի ոստիկաններն ու աշիրեթությունները շարժվում են Շենիկ գյուղի վրա: Շենիկցիները Գրգոյի զլխավորությամբ որոշում են հակահարձակման անցնել: Թշնամուն օգնության են գալիս թուրքական կանոնավոր զորամասերը: Շենիկցիներին հաջողվում է հետ մղել մի քանի գրոհներ: Հարձակումներից մեկի ժամանակ Ալիանքի գյուղացիներից կազմված ջոկատն անցնում է Թշնամու թիկունքը: Այդ խուճապ է առաջացնում թուրքերի շարքերում և նրանք ճողպարում են:

Թուրքերը էական հաջողությունների չհասան նաև մյուս ճակատներում: Հունիսի 25-ին Թահսինը, հրամանատարությունը հանձնելով Մուստաֆա փաշային, հեռանում է Սասունից՝ օգնական ուժեր բերելու հույսով: Իսկ մարտերը շարունակվում էին: Դրանք առանձնապես կատաղի բնույթ ունեին Տալվորիկի Սպիտակ լեռան ձորերում: Շուտով նոր համալրումների հեռ Սասուն վերադարձավ Թահսին փաշան: Հուլիսի 4-ին թուրքական զորամասերն ընդհանուր հարձակման անցան:

Տալվորիկի բնակչության մի մասը՝ կանայք, ծերեր ու երեխաներ, հեռանում էին դեպի լեռնային քարանձավներն ու Սպիտակ խազակի կիրճը: Թշնամին մեծ զոհեր տալով ձգտում էր հասնել և կրակի տակ առնել անգնե ժողովրդին: Թվում էր, թե ողբերգությունն անխուսափելի էր, բայց այդ ժամանակ Թշնամու վրա զանգվածային կրակ տեղաց, որը նրան շփոթմունքի մատնեց: Այդ Գևորգի ջոկատն էր, որ, դիրքեր գրավելով Տալվորիկի մերձակա ժայռերին, հսկողության տակ էր առել գյուղի արևմտյան թաղամասերի մուտքերը, մասնավորապես Սպիտակ խազակի կիրճը:

Չնայած թշնամու կորուստներն արդեն անցել էին մի քանի հարյուրից, այդուհանդերձ նա անընդմեջ թարմ համալրումներ էր ստանում ու անընդհատ գրոհում էր: Թուրքերը թնդանոթներ էին բերել և սկսեցին ուժեղացնել Տալվորիկի թաղամասերը: Դա շատ ծանր կացության մեջ դրեց պաշարվածներին: Թշնամին գիտակցելով, որ հայերի ուժերը սպառվում են, ուժեղացնում է ճնշումը, մեծացնում հարձակումների հզորությունը:

Զգալով, որ Տալվորիկի պաշտպանների դրությունը ծանր է, նրան օգնության եկան մյուս գյուղերից: Դեպի Տալվորիկ շարժվեցին շենիկցիները՝ Գրգոյի, Գելիկգուղանցիները՝ Պետոյի

գլխավորութեամբ: Իր ջոկատով Գեքինի փեշերից եկավ Հրայրը: Նրանց միացան իշխանձորցիներն ու սեմալցիները: Օգնութեան ձեռք մեկնած ուժերը դիրքեր գրավեցին Տալվորիկի ցրված թաղերում և թշնամու դեմ ճակատային մարտեր էին մղում, իսկ Գևորգի ջոկատը, շարունակելով մնալ դյուղի վերևի բարձունքներին, ապահովում էր հայերի թիկունքը⁵:

Սեպտեմբերի 6-ի կեսօրին, թշնամին բոլոր ուղղութիւններով աղմուկ-աղաղակով հարձակման անցավ Տալվորիկը գրավելու համար: Պաշտպանները հարձակումը դիմավորեցին զանգվածային կրակով, ապա հավաքելով իրենց ուժերը և, օգտվելով տեղանքի ընձեռած հնարավորութիւններից, բոլոր ուղղութիւններով հակահարձակման անցան:

Հակառակորդը, որ մինչ այդ կարծում էր, թե հայերի ուժերը սպառված են, տեսնելով այդ ընդհանուր հակահարձակումը, շփոթվեց: Թահսին փաշան, վախենալով շրջապատումից ու փոքր կռիվների մեջ ներքաշվելուց, իր զորամասերին նահանջի հրաման տվեց, մանավանդ որ եղանակը վատանում էր, և ձմեռը հեռու չէր:

Սասունցիները տոնեցին առաջին խոշոր հաղթանակը: Այդ հաղթանակն անհնար էր առանց լեռնաշխարհի մյուս գյուղերի ռազմական, նյութական ու բարոյական աջակցութեան: Բայց հաղթանակն ամենից առաջ ապահովեցին տալվորիկցիները: Տալվորիկցի մեր ու մանուկ, ահել ու ջահել, հարս ու աղջիկ կանգնեցին իրենց հարազատ օջախի պաշտպանութեան դիրքերում: Նրանք թշնամուն այնպիսի դաս տվեցին, որ դրանից հետո «Տալվորիկ» անունն իսկ քրդերի մեջ սարսափ էր առաջացնում:

Տալվորիկի հաղթանակը բարձրացրեց սասունցիների մարտական ոգին, կոփեց հաղթանակի նրանց կամքը:

Այսպիսին են իրական փաստերը: Բայց լսենք, թե դրանք ինչպես է ներկայացնում թուրքական ռազիոն. «Օսմանյան կառավարութիւնը բանակ ուղարկեց այդ ըմբոստ շարժումները ճնշելու համար: Խոռովութիւնները շատ արագ ճնշվեցին, որովհետև հայ ժողովրդի մեծամասնութեան համակրանքը չէին վայելում, բայց... ըմբոստութեան ամեն մի ճնշում հայերի ու նրանց հովանավորողների կողմից մեկնաբանվեց որպես ցեղասպանութիւն»:

Ուրեմն այսպես. թուրքական զինվորներն ու ոստիկանները, քրդական աշիրեթութիւնները, որոնց թիվը երեք անգամ գերազանցում էր Սասունի ազգաբնակչութեան թիվին, թնդանթներին ուղեկցութեամբ ոչ թե ամիսների, այլ տարիների ընթացքում չէին կարողանում հաղթահարել միայն 2000 զինված ու կիսազեն գյուղացիների դիմադրութիւնը: Եվ սա կոչվում է «ըմբոստութիւնները շատ արագ էին ճնշվում»:

Տալվորիկի կռիվներին ականատես ամերիկացիներին նամակում կարդում ենք. «Տալվորիկի հայերը հաջողութեամբ հետ մղեցին հարևան քրդերի հարձակումը: Երկիրը մեծ տապալակ մեջ է... հունիսի առաջին շաբաթվա ընթացքում բազրանցի քրդերը սկսեցին հավաքվել Տալվորիկի շուրջը: Գյուղացիները տեսնելով, որ քրդերի թիվը օր օրի մեծանում է և արդեն հասել է մի քանի հազար մարդու... սկսեցին պատրաստվել: 8-րդ օրը սկսվեց մարտը: Ավելի ուժեղ դիրքերը գյուղացիներին հնարավորութիւն տվեցին քիչ կորուստների գնով հակառակորդին զգալի վնասներ պատճառել... քրդերը տվեցին մոտ 100 սպանված, իսկ գյուղացիները՝ միայն վեց հոգի»⁶:

Բնորոշ է, որ թուրքական պատմագրութեան կեղծիքները ուղղակիորեն կրկնվում են Արևմուտքի, մասնավորապես ամերիկյան բուրժուական պատմագրութեան կողմից:

Սասունի դեպքերի ժամանակ, պնդում են Շոուները, հընչակյանները սասունցիներին հրահրել էին իշխանութիւնների դեմ: Օսմանյան բանակի գալուց հետո ապստամբները ցրվել են լեռնային մեկուսի վայրեր՝ նախապես ամայացնելով մահմեդական գյուղերը... համիդիե գնդերը և թուրքական կանոնավոր զորքերը Սասունն ամայացրին միայն այն բանից հետո, երբ հայերն արդեն ոչնչացրել էին մերձակա մահմեդական գյուղերի բնակիչներին⁶:

Թուրքական «Միլիթեթ» թերթը 1984 թ. նոյեմբերի 22-ին տպագրեց «Հայը հավասար է ոճրագործի» հոդվածը, որտեղ կան հետևյալ տողերը. «Հայերը իրենց ծոցի մեջ հայտնված կազմակերպութիւնների պատճառով նոր շրջանը (20-րդ դարը) սկսեցին «ոճրագործ ազգ» պիտակով»: Ինչ խոսք, որ թուրք ու նրանց արտասահմանյան գործընկեր «պատմաբանների» նմանօրինակ հերյուրանքները ոչ մի ընդհանուր բան չունեն իրականութեան հետ: Իսկ Սասունի իրադարձութիւնները թեկուտում էին իրենց ելրափակիչ փուլը:

1894 թվականի ձմռանը սասունցիների ռազմական պատ-
քաստությունները ոչ մի բույս չդադարեցին: Նորոգում էին զեն-
քերը, վառող էին պատրաստում, կապար թափում: Տալվորիկը
վերածվել էր զենք արտադրող գործարանի: Տալվորիկի լեռնե-
րում երկաթի հանքեր կային: Տեղացիներին հաշտվում էր տեյ-
նագործական եղանակով ժայռերից երկաթ քամել: Հաշտվեց
որոշ քանակությամբ հրացան զենք: Մոտ 100 հրացան հավաք-
վեց Մշու դաշտի գյուղացիներից, զգալի քանակությամբ զենք
ու զինամթերք բերվեց նաև Ֆարդինից:

Այդ ամենին զուգահեռ սասունցին ամուսնանում էր, հար-
սանիք անում, երեխա ծնում, պարում էր ու երգում: Սա-
սունն իր առօրյա ուրախություններով ու տխրություններով և
կովելու, մեռնելու, բայց հաղթելու վճռականությամբ էր դիմա-
վորում 1894 թիվը:

1894 թ. գարնանը, օգնական ուժ բերելու հույսով, Անդրկով-
կաս մեկնեց Հրայրը, իսկ Սասուն բարձրացավ հնչակյան կու-
սակցության անդամ Մուրադը (Համբարձում Պոյաճյանը), որը
զեկավար մասնակցություն ունեցավ ինքնապաշտպանական
կռիվներում:

Սասունի շուրջը նորից չարագույժ ամպեր էին կուտակվում:
Թուրքական բանակը բազմահազար քրդերի հետ աստիճա-
նաբար օղակում էր Սասունը: Թուրքերը որոշել էին նախաձեռ-
նությունը վերցնել իրենց ձեռքը և թնդանոթների օգնությամբ
խսկական ճակատամարտ տալ լեռներից ապավինած կիսազեն
կամ ամբողջովին անզեն գյուղացիներին:

Ջեթի փաշայի հրամանով, տարբեր ուղղություններով դեպի
Վերին Սասուն շարժվեցին 20 հազար քրդեր ու համիդիեներ՝
Բեհհաճեղդին փաշայի հրամանատարությամբ:

Սկզբում հարձակման անցան քրդերը: «Մեզ թույլատրված
էր,— հիշում է մի թուրք սպա,— նրանց (քրդերին) ռազմամթերք
տալ, և նրանք ստանում էին հրացան, վառող, զնդակ, որ հա-
տուկ քրդերի համար էինք բերել»: Սակայն քրդերը հանդիպե-
լով հայերի հակահարվածին, մեծ կորուստներով հետ շարժվե-
ցին: Նրանք հրաժարվեցին առանց թուրքական բանակի նոր
հարձակման գնալ: Այդ ժամանակ թուրք զինվորների մի մա-
սին հագցրեցին քրդական հագուստ ու ներգրավեցին հարձակ-
ման մեջ:

Թուրք զինվորները ցրվում են հայկական գյուղերը՝ հայտա-

րարելով, թե եկել են պաշտպանելու «հավատարիմ հպատակ-
ներին»:

Հայերը նրանց ընդունում են, կերակրում, օթեան տալիս:
Բայց այդ «հյուրերը» գիշերը հարձակվում են քնած մարդկանց՝
նույնիսկ կանանց ու երեխաների վրա ու բուրբին մորթում:

Հայ ազգաբնակչությունը թալանվում էր, զրկվում ապրուս-
տի միջոցներից, սննդամթերքից ու շարժական գույքից: Թուր-
քական հրամանատարությունը հովանավորում ու խրախուսում
էր ավազակներին ու հանցագործներին, զրգոում նրանց ախոր-
ժակը: Սուլթանի հրամանով Դիարբեքրից Սասուն փոխադրվեց
Օսման փաշայի 300-րդ հետևակային գումարտակը, Երզնկա-
յից, Կարինից և Մուշից՝ լրացուցել 2750 զինվոր, հինգ թնդանոթ,
հեծելազորային երկուական գումարտակ, հրետանային եր-
կու մարտկոց, Բաղեշից՝ մի քանի հարյուր զինվոր և երեք թնդ-
անոթ, Բաղդադից ու Հալեպից՝ ռազմական միավորումներ:
Սրանց միացան 3000 համիդիեներ Մահմուդ էլ Աղասիի հրամա-
նատարությամբ:

Տալվորիկում Գասպար Խաչոյանի տանը հավաքվում են թա-
ղերի ներկայացուցիչները և որոշում դիմագրավել թշնամուն և,
եթե հարկ է, զենքը ձեռքին ընկնել: Թուրքերը փորձում են վե-
րականգնել Սայանի կամուրջը: Հայերը մի շոկատ են ուղար-
կում, որը կամուրջը վերականգնող թուրքերին հարկադրում է
դադարեցնել աշխատանքը և հեռանալ: Այդ ժամանակ աշիրե-
թությունները բուր ուղղություններով հարձակման անցան Տալ-
վորիկի վրա: Գյուղի մատույցներում կատաղի ճակատամարտ
բռնկվեց: Թշնամին 600 մարդ կորցնելով հետ քաշվեց:

Երբ այդ լուրը հասավ Բիթլիս, այստեղ հրավիրվեց հատուկ
խորհրդակցություն, որին, բացի իշխանության ներկայացու-
ցիչներից, մասնակցում էին 17 քուրդ նշանավոր ցեղապետեր,
համիդիեի հրամանատար Բեհհաճեղդին փաշան և ուրիշներ:
Խորհրդակցությունը որոշում է բուր ուղղություններով հար-
ձակման անցնել և հիմնովին կործանել Սասունը:

Հուլիսի 15-ին շենիկցի Գրգոյի տանը հավաքվում են ինք-
նապաշտպանության ղեկավարները՝ քննարկելու թուրքական
ահագնացող վտանգին դիմակայելու բարդ ու դժվարին խնդր-
ները: Վերլուծելով ստեղծված ծանր իրավիճակը, Մուրադը կոչ

արեց. «Մինչև մեր արյան վերջին կաթիլը պաշտպանել մեր հայրենի լեռները, մեր ընտանեկան սուրբ օջախը»:

«Մեր թշնամին ուզում է փախցնել մեր կույս աղջիկներին, զավակներին,— ասաց Գրգոն,— քանզև մեր եկեղեցիները և ոտնակոխ անել մեր ընտանեկան պատիվը, նամուսը: Ես իմ 120 մարդկանցով պատրաստ եմ: Բոլորս էլ ուխտել ենք մեռնել և գլուխ չծռել թշնամուն»:

Գելիեգուզանցի տեր Պողոսը, նկատի ունենալով թշնամու ուժերի բաղմակի գերակշռությունը, առաջարկեց զիջումների գնով խաղաղ լուծում գտնել: Նրա համապաշտպանի Ավոն պատասխանեց նրան. «... Ի՞նչ զիջումներ: Թուրքը երկուստը դրել է մեկ կոշիկի մեջ և յոթ տարվա պարտք մնացած 175 հազար ղուրուշի տուրք միանգամից ուզում է գանձել...»: «Մուշի իշխանությունները պահանջել են, որ Սասունի 67 նշանավոր անձինք գնան և հավատարմության երզում տան: Նա, ով այս հարցերում գիշի, հուզա է»:

Գելիեգուզանի իշխան Պետոն առաջարկեց հրաժարվել ընդհանուր ճակատամարտից, գործել հանկարծակի, սրընթաց հարձակումներով թշնամուն փախուստի մատնել և այդ ձևով զենք ու սննդամթերք հայթայթել: «Տեսեք իմ հալիվոր մազերը,— ասաց Պետոն: Տարիքս 70-ի մեջ է, բայց գիտե՛ք, ձեզանից քսանի հետ գլուխ կհաննամ: Այդ 70 տարվա ընթացքում 37 կոիվ եմ տեսել, չհաշված մանր-մունր «կատակները»: Բայց ձեզ պիտի ասեմ, որ այս կոիվը չի նմանվում այդ կոիվներից և ոչ մեկին: Այս կովի գույնը և ձևը ուրիշ է: Ես այս կովից վախենում եմ: Տեսնո՞ւմ եք այս վերքերը: Սրանք ձեզ ցույց տալով չեմ ուզում վախեցնել: Ընդհակառակը, ինչպես որ ես մահից չեմ վախեցնում, ցանկանում եմ և հույս ունեմ, որ դուք էլ նույն սիրտն ու հոգին ունենաք... Միայն որպես ծերունի ու փորձառու մարդ, այս էլ ասեմ ձեզ, որ հաղթողը նա է, ով առաջինը կհարվածի: Խորհուրդ կտամ աննկատ հարձակվել թուրք զորքերի վրա... Այո, կհարձակվենք գիշերով, նրանց կստիպենք փախչել և նրանց զենքերը, ռազմամթերքն ու պարենը վերցնելով կբաշխենք Գելիեգուզանի ու Տալվորիկի սարերը: Եվ այստեղ կպաշտպանենք մեր պատիվն ու ազատությունը... Կեցցե Սասունը»:

Ժողովը որոշում է նախահարձակ լինել և եթե նիղն ընկնեն՝

ապավինել Տալվորիկի ժայռերին ու Զոֆոքարին. կովել մինչև վերջին շունչը:

Ժողովը հանձնարարականներ մշակեց ինքնապաշտպանության բոլոր օղակների համար, որոշվեցին հիմնական, օժանդակ ու պահեստային պաշտպանական գծերը: Թիկունքում ունենալով Անդոկ ու Գեբին անանցանելի լեռնաշարերն ու անդրնդախոր ձորերը, իսկ հարավ-արևմուտքում՝ Խուլբի ու Խիանքի լավ կազմակերպված հայկական գյուղերը, որոշվեց պաշտպանության գլխավոր գիծ դարձնել Տալվորիկ-Գելիեգուզան առանցքը: Պաշտպանության վերջին կետը պիտի լիներ Անդոկը: Ուստի որոշվեց այնտեղ սննդամթերք և ռազմամթերք կուտակել:

Հարձակումը նախատեսվում էր սկսել հաջորդ գիշերը: Ժողովը նոր, էր վերջացել, երբ լուր բերեցին, որ բազրանցի քրդերը փախցրել են շենիկցիների ոչխարի հոտը: Տեղեկացան նաև, որ քրդերը շարժվում են Սեմալի ու Շենիկի վրա: Թշնամին հարձակումն արդեն սկսել էր: Ժողովի մասնակիցները, հանձնարարություններ ստանալով, հեռացան:

Գրգոյին հաջողվում է կտրել քրդերի ճանապարհը և Շենիկի ոչխարի հոտը հետ խելել: Կովի մեջ է մտնում թուրքական հեծելազորը: Գրգոն հակահարձակման է անցնում և թուրքերին հարկադրում հետ քաշվել: Բայց այդ ժամանակ սկսում են կրակել լեռնագագաթներին տեղադրված թուրքական թնդանոթները: Հուլիսի 28-ին մարտական գործողությունները վերսկսվում են, որոնք փոփոխական հաջողություններով շարունակվում են մի քանի օր:

Շուտով ամբողջ Սասունը կոիվների թատերարեմ դարձավ: Հայերի դիմված ուժերի թիվը մենք չգիտեինք: Ըստ աղբյուրների, Տալվորիկից դուրս էր եկել 309, Գելիեգուզանից՝ 741, Շենիկից՝ 208, Սեմալից՝ 160, Իշխանձորից՝ 180, Հեթիներից՝ 34, Աղբրիկից՝ 120, Ալիանքից՝ 208 հրացանավոր և այլն⁶:

Ուրեմն, ընդամենը 2000—2500 մարդ: Իրականում ամբողջ Սասունը գոյամարտի էր ելել: Կովում էր ողջ Սասունը՝ կին թե տղամարդ, ծեր թե երեխա: Վերացել էր սեփական տան հասկացողությունը, գյուղացին քաշվել էր լեռները, ապավինել ժայռերին, ու կովում էր իր հողը ոտնահարող անթիվ ու անհամար թշնամիների դեմ:

Հատկապես ծանր մարտեր էին մղվում Խուլբում և Խիան-

քում: Այստեղ հայերին հաջողվեց մանր կոնվներ տալով մինչև հուլիսի վերջը դիմանալ, բայց այդ օրերին հակառակորդը Տիգրանակերտից թարմ ուժեր բերեց և հիանքի ու հուլբի ամբողջ հայ ազգաբնակչությունը հեռացավ դեպի Գեբին:

Օգոստոսի 1-ին թուրքերը բոլոր ուղղություններով հարձակման անցան: Նախօրյակին բանակի անձնակազմին ընթերցվեց սուլթանի ֆերմանը, որը պահանջում էր անխնա կոտորել հայերին:

Ձինվորները սկզբում վարանում էին, չէին ցանկանում խոշտանգումներին ու զազանություններին մասնակցել: Բայց ընկերակելով սպաների սպառնալիքների առաջ, սկսեցին շարժել ու ավերել ամենաանողոր ձևով, առանց հաշվի առնելու տարիքն ու սեռը:

Ձեքի փաշան իր հետ Սասուն էր բերել շեյխ Մահմեդին, որը քրդերին կոչ էր անում. «Ո՛վ իսլամի զավակներ, գյավուրի կնոջն ու աղջկան առևանգելը արդար գործ է, նրանց եկեղեցիները քանդելն ու այրելը աստվածային գործ է: Ձեք թափած արյան կաթիլների չափ հուրի ու փերի պետք է առնեք»⁸ :

Թուրքերը հարձակման անցան Անդոկի ուղղությամբ: Վիճակը բարդանում էր նրանով, որ ամենուրեք մարտեր էին մղվում և հնարավորություն չկար օգնության հասնել առանձնապես ծանր կացության մեջ գտնվող տեղամասերին: Օրերն անցնում էին, իրենց հետ տանելով բազմաթիվ մարդկային կյանքեր: Գրգոն հարկադրված էր հեռանալ Շենիկից ու Սեմալից: Երկու գյուղերն էլ թուրքերը թալանեցին ու այրեցին:

Գրգոն իր ուժերը դասավորեց Մերկեմոզանի դիմաց գտնվող Անդոկի արևելյան բարձունքների վրա: Պետոյի ջոկատը դիրքեր զբաղեցրեց Անդոկի արևմտյան լանջերին: Հայերի պաշտպանական գծի երկարությունը հասնում էր 30 կիլոմետրի: Այդ տարածքի մեջ էր ամփոփված Սասունի ամբողջ ազգաբնակչությունը, 22 հազար տղամարդ, կին ու երեխա, որոնք թշնամու դեմ կռվում էին՝ ապավինելով Անդոկի ժայռերին ու անգնդախոր ձորերին:

Եվ ահա որոշվում է հակահարձակման անցնել, որ նույնն էր, թե մահվանն ընդառաջ գնալ: Օգոստոսի 8-ի առավոտ-

յան սասունցիները միաժամանակ հարձակման անցան թուրքական բանակի երեք թևերի վրա: Նրանց դիմադրող ուժերը, հաղթահարելով խուճապի մատնված թուրք զինվորների դիմադրությունը, սլանում էին դեպի Շենիկ: Ձեքի փաշան մաղապուրծ փախավ Շենիկից: Չայ կոշվող վայրում համառ կռիվներ տեղի ունեցան: Երկու կողմերն էլ մարդկային մեծ կորուստներ տվեցին:

Շենիկի ու Սեմալի ջոկատները դիրքեր գրավեցին Չայի աջ կողմում, դելիեզուղանցիք ու ալիանքցիք՝ ձախ թևում, իսկ տալիս-քիկցիներն ու Գևորգի ջոկատը զբաղեցրին կենտրոնը: Անմիջապես նրանց թիկունքում էին զենք, ուտելիք և դեղորայք մատակարարող կանայք ու աղջիկները:

Հարձակումը սկսեցին թուրքերը: Հարձակման շրջալի առջևից դնում էր շեյխը: Սասունցիները կրակ բացեցին, և առաջինը վայր գլորվեց «սրբազան պատերազմի» այդ նունետիկը: Կատաղի, օրհասական ճակատամարտ էր: Թշնամու մի քանի հարձակումներ հետ մղվեցին: Մարտերը շարունակվեցին մինչև երեկո:

Երեկոյան կողմ արևի ճառագայթները փակեցին հարձակվողների տեսադաշտը: Հայերը օգտվեցին դրանից: Գրգոն մի կողմից, իսկ ալիանքցի Պողոսը մյուս կողմից կարողացան շրջանցել թշնամուն: Թուրքերը հարկադրված էին զիջել: Յոթ ժամ տևած ճակատամարտում նրանք կորցրին ավելի քան 300 մարդ:

Սասունցիներին հաջողվեց մեծ քանակությամբ ավար, այդ թվում հրացան ու փամփուշտ, ձևոք գցել: Մեծ էր ճակատամարտի հոգեբանական ազդեցությունը, մասնավորապես քրդերի վրա: Այդ ազդեցությունը շեղբացնելու և Սասունը ոչընչացնելու նպատակով Ձեքի փաշան թուրքերին ու քրդերին հարձակման տարավ Սովասարի ուղղությամբ:

Օգոստոսի 15-ին սկսվեց մի նոր ընդհանուր հարձակում՝ Միրին-Կատարից մինչև Բոնաշեն, հուլից մինչև Շատախ: Սասունցիների պաշտպանության բոլոր օղակները ոմբակոծվում էին: Իսկ մյուս կողմից բատկանցի աշիրեթության և Հազոյի ուժերը շարժվում էին դեպի Հեթինք և Աղբրիկ: Սպիտակ սարի վրայով Տալվորիկի ու Գեբինի լանջերին էին մոտենում քրդերը:

Գրգոյի ուժերը հերոսաբար կասեցնում էին թշնամու առաջ-

խաղացումը: Առանց էական փոփոխությունների մարտերը շարունակվեցին մինչև օգոստոսի 17—19-ը, և երբ ռազմամթերքն արդեն սպառվում էր, սասունցիները քաշվեցին պաշտպանության երրորդ գիծը:

Սասունցի կին, երեխա, ահեկ ու ջահեկ, բեռնված առաջին անհրաժեշտության իրերով, հեռանում էին իրենց օջախներից, հեռանում էին լաց ու կոծով, յաթաղանից փրկվելու հույսով: Թշնամին լցվեց հայկական գյուղերը, դրանք թալանեց ու այրեց:

Օգոստոսի 21-ին թնդանոթային համազարկից հետո թըշնամին հարձակման անցավ Անդոկի ու Սպաղանքի ուղղությամբ: Սասունցիք կռվում էին աներևակայելի անձնազոհությամբ, կռվում էին ինչով պատահեր և կարողացան թշնամուն հետ շարտել: Օգոստոսի 22-ին մարտերը դադարեցին: Հայերի վիճակը տագնապալի էր: Սպաղանք էր ոչ միայն փամփուշտը, այլև սննդամթերքը: Սասունցիներին սպառնում էր սովը: Օգոստոսի 26-ին թշնամին վերսկսեց հարձակումը: Ծանր մարտեր էին: Ոչ միայն ժայռերը, այլև ծայրաբեկորներն էին ձեռքից ձեռք անցնում: Երեկոյան կողմ թշնամին հետ մղվեց: Հայերը կորցրին շուրջ 200 մարդ: Փամփուշտ այլևս չկար:

Սակայն պատերազմական գործողությունները շարունակվում էին: Հայկական գյուղերն այրված էին: Կենսաշխարհի ամբողջ ազդաբնակչությունը լցվել էր լեռներն ու կիրճերը:

Օգոստոսի 27-ին թուրքական բանակի 10 ձիավորներ սպիտակ դրոշներով շարժվեցին դեպի Անդոկ: Նրանք Ձեքիի անունից սասունցիներին առաջարկեցին զենքը վայր դնել: Փաշան խոստանում էր բոլորին ներում շնորհել:

Փաշային պատասխան տալու համար ժողով է գումարվում: Մի մասը, Հ. Պոյաճյանի գլխավորությամբ, այն կարծիքին էր, որ պետք է հանձնվել, իսկ մյուս մասը՝ Գրգոյի գլխավորությամբ, դրան դեմ էր և գտնում էր, որ պետք է կռվել մինչև վերջ: Գրգոն ասում էր. «Օսմանցին չի կարող մոռանալ իր կորուստները, վաղ թե ուշ պիտի աշխատի մեզ պատժել այն բոպեխն, երբ մենք անպաշտպան կլինենք: Լավ է այսօր խառնենք մեր արյունը մեր եղբայրների արյան հետ և գուլիս շծոննք անգութ օտարին: Ծնորհակալ ենք այն բարեսրտությունից, որ սուլթանն է մեզ ցույց տալիս... Հեռացե՛ք մեր երկրից ու խաղաղություն ինքնըստինքյան կլինի»⁹:

Ժողովն այդպես էլ ընդհանուր եզրակացության չհանգեց:

Օրվա երկրորդ կեսին 500 զինվորով բանակցությունների եկավ անձամբ Ձեքի փաշան: Խորամանկ փաշան փորձեց պառակտում գցել սասունցիների շարքերում: Նա հայտարարեց՝ ով հանձնվի ու զենքը վայր դնի, ոչ միայն ներում կատանա, այլև նրա քանդած տունը կվերաշինվի պետության հաշվին: Չնայած կռիվը շարունակելու բոլոր միջոցները սպառվել էին, սասունցիները մերժեցին Ձեքի փաշայի առաջարկը: Նրանք պատասխանեցին, որ զենքը վայր կդնեն, եթե թուրքական զորքերն ու քրդերը հեռանան Սասունից:

Բայց երեկոյան իշխան Գրգոն նկատեց, որ մոտ 200 սեմալցիներ, գյուղի քահանա տեր Հովհաննեսի գլխավորությամբ, հավատալով թուրքերի խոստումներին, գնում են դեպի թշնամու բանակատեղին: Թուրքերը նրանցից ոչ մեկին չխնայեցին, բոլորին դաղանաբար սպանեցին: Իսկ քահանայի վզից պարան կապեցին և ձգեցին երկու կողմից: Մի քանի անգամ քահանան կորցրեց գիտակցությունը, բայց ուշքի էին բերում: Վերջապես հրացանների սվինները, սուր ծայրերը դեպի վեր, մտցրեցին գետնի մեջ և քահանային դրանց վրա շարակնով սպանեցին:

Թուրքերը վերսկսում են հարձակումը, կռիվը տևում է մինչև ուշ գիշեր: Գեղի զուգանցիների, իշխանձորցիների ու սեմալցիների մի մասն անցնում է Ֆոֆոքար լեռը: Իսկ Գրգոն շենիկցիների, ալիանքցիների և մյուսների հետ ամբանում է Անդոկում և մի քանի օր շարունակում կատաղի կռիվը: Բայց սովը սկսում է հնձել ազդաբնակչությանը: Գրգոն հարկադրված Անդոկի պաշտպանությունը թողնում է կանանց և իր խմբի հետ գնում է Խիանքից ու Խուլբից պարեն ու ռազմամթերք հայթայթելու:

Ահա թե ինչպես են խեղաթյուրվում այս իրադարձությունները թուրքական ռազմիկի «Հայկական թղթապանակ» հաղորդաշարի 1984 թ. սեպտեմբերի 9-ի թողարկման մեջ: «1894 թ. Հ. Պոյաճյանի (Մուրադի) ավազակախումբը այդ շրջանում ապրող ցեղերի վրա մի քանի հարձակում է կազմակերպում, կողոպտում (նրանց) ունեցվածքը և սպանում ավելի քան 10 հոգու... Այս դեպքերից հետո զինված բախումներ տեղի ունեցան բահրան ցեղի և հայերի միջև: Հայերը նահանջեցին մի լեռնային շրջան, որտեղ նախօրոք ուղարկել էին իրենց կա-

նանց և երեխաներին... Դրա իմաստը շատ պարզ է... Նրանք միայն քաղաքական նպատակներ էին հետապնդում»:

«Իրականում թուրք զինվորները այդ շրջանն էին հասել օգոստոսի 14-ին... սպանված հայերի քանակը այդ գյուղերում հասնում էր 265 մարդու, որոնք սպանվել էին բախումների ժամանակ, ... համենայն դեպս սպանվածների թիվը 900-ից շերտանում: Հետևաբար, զանգվածային ոչնչացումը հայկական պրոպագանդայի երևակայության արդյունք էր»: Ինչ խոսք, որ թուրքական ռազիոն դեպքերը ներկայացնում է ծուռ հայելու մեջ:

Իսկ Անդոկի փեշերին մարտերը շարունակվում էին:

Վերջին պահին հարձակմանը միացան նաև քրդերը, և մարդկային այդ հսկայական զանգվածը, թնդանոթների կրակի ուղեկցությամբ, գնում էր ընկճելու մի բուռ կանանց ու երեխաների հերոսական դիմադրությունը, որոնց մոտ հատ ու կենտ փամփուշտներ էին մնացել և կրակում էին միայն խիստ անհրաժեշտության դեպքում: Թուրքական զորամասերը, շրջանցելով պաշտպանության գիծը, բարձրանում էին Անդոկի վերին շրջանները, նպատակ ունենալով հասնել հեռացող անպաշտպան ազգաբնակչությանը և ոչնչացնել: Անդոկի փեշերը մի ողբերգական տեսարան էին ներկայացնում՝ թուրքերի հետապնդումներից մոլորված, եղնիկի պես ժայռից ժայռ փախչող կանայք և երեխաներ, լաց ու ճիչ: Ասկյարներն ընդհուպ մոտեցել էին Գրգոյի ընտանիքի անդամներին: Եվ ահա խըմբից բաժանվում է մի զեղատես կին, երեխան կրճրին սեղմած, հպարտ քայլերով բարձրանում է ժայռի գագաթը և, ալհամարհական հայացքը գամելով ասկյարների զարմանքից ու սարսափից սառած դեմքերին, նետվում է Սասուն գետի ջրերի մեջ: Այդ Շաքեն էր, Գրգոյի հարսը: Նրա օրինակին հետևելիցին տասնյակ ուրիշ կանայք:

Գրգոն Գևորգի ջոկատին հանձնարարել էր գնալ Տավորիկ և օգնություն խնդրել: Անդոկից իջնելիս պարզ դարձավ, որ Զեքի փաշան Անդոկի և Տավորիկի վրա է շարժել թուրքական ու քրդական բոլոր ուժերը: Որոտում էին թնդանոթները, հընչում էին փողերը, ոռնում էր խումանը և Սասունի այդ մի բուռ հողակտորի վրա ստեղծում ահ ու դող առաջացնող դժոխային աղմուկ:

Տավորիկը դիմադրում էր, բայց դիմադրելու հետ միասին

գյուղը դատարկվում էր: Հայերն իրենց ձեռքում էին պահում գյուղի երկու կարևոր բարձունքները և հսկողության տակ էին առել Սպիտակ լեռան կիրճերը:

Սեպտեմբերի 5-ին թշնամին «սալավաթ» բղավելով լցվեց Տավորիկ, բայց, հանդիպելով պաշտպանների հակահարվածին, հետ շարվեց¹⁰:

Դա Տավորիկի վերջին կռիվն էր: Երեկոյան Անդոկի գագաթներին թշնամու ուժեր երևացին: Ուրեմն Անդոկը գրավված էր: Իսկ առանց Անդոկի Տավորիկը պահել անհնար էր: Սեպտեմբերի 6-ին գյուղի պաշտպանները խումբ-խումբ դուրս եկան Տավորիկից ու մթության մեջ քայլեցին տարբեր ուղություններով:

Իշխան Գրգոն իր մարտական ուժերի հիմնական մասն ուղարկեց երեխաներին փրկելու: Իսկ ինքը մի փոքր խմբով առաջ նետվեց՝ թշնամու հարձակման գիծը ճեղքելու ու հարավային Սասուն անցնելու համար: Բայց Սպիտակ լեռան մոտ նա ընկավ շրջապատման մեջ: Խմբի բոլոր մարտիկները զոհվեցին: Գրգոն մենակ մնաց կայծքարե հրացանով և յոթ փամփուշտներով: Նա մի քանի տեղից վիրավորված էր: Հաղթահարելով ցավը, Գրգոն հասավ Սպիտակ աղբյուր և կոացավ ջուր խմելու, բայց աղմուկ լսեց, շուտ եկավ՝ շուրս կողմից զեպի աղբյուրն էին շարժվում թուրք զինվորները: Շրջապատված էր: Նա իր մոտ եղած փամփուշտները պարպեց թշնամու վրա և ընկավ ասկյարների զնդակից:

Այդ ընթացքում շենիկցիների զինված ջոկատը Անդոկում մաքառող անզեն ազգաբնակչությանը, կանանց և երեխաներին տարավ զեպի հարավ՝ ընկուղևու անտառ:

Սասունը պարտվեց: Սկսվեց կոտորածը:

Մի կողմից թուրքական բանակը, մյուս կողմից քրդերը շրջապատեցին անտառը և սկսեցին թնդանոթներով որմբակոծել: Անտառում հրդեհ բռնկվեց ու նրանում գտնվողների մեծ մասը զոհվեց ումբակոծությունից ու հրդեհից: Միայն փոքր մասին հաջողվեց Փասուրի միջով անցնել ևսպր:

Սասունի 1894 թ. իրադարձությունների մասին օտար աղբյուրները գրում են. «Արդեն 1894 թ. օգոստոսի վերջին էրզրումում Ֆրանսիական փոխհյուպատոսը արտաքին գործերի մինիստրին հայտնեց, որ էրզրումում ռորոշ ժամանակից ի վեր

գիտակցութեան մեջ տագնապն է իշխում, ռազմական իշխանութիւններ կողմից վերջերս ձեռնարկված միջոցառումների հետեանքով: 2,5 հազար կանոնավոր զորքերի մի ջոկատ հրաման է ստացել գնալ Սասուն... որպեսզի, ինչպէս գրում է փոխհյուպատոսը՝ «ճնշեն ինչ-որ ապստամբութիւն, որ այդ վայրերում բռնկվել է արդեն վաղուց և սպառնում է հարատեւել»:

Այն ժամանակ ճիշտ տեղեկութիւններ չկային, թե ինչ է կատարվել Սասունում, որովհետեւ իշխանութիւնները, սովորաբար, ձգտում էին որքան հնարավոր է քողարկել այդ տխուր իրադարձութիւնները:

Դիարբեքիրում ֆրանսիական փոխհյուպատոսը 1894 թ. հոկտեմբերի 5-ի զեկուցագրով իր կառավարութեանը հայտնում էր, որ «Կ. Պոլսի հրամանով Երզնկայի 4-րդ բանակային կորպուսի հրամանատարը մեկնել է Բիթլիսի վիլայեթ՝ անցած բավականին մեծաթիվ ռազմական ուժի գլուխ, որ հաշվվում է մոտավորապես 15 հազ. մարդ և կազմված է կանոնավոր զորքերից, քրդերի բերած հանրահայտ ուժերից և որոշ քանակութեամբ համիդիներից: Մի քանի անհաջող հարձակումներից հետո նշված հրամանատարին հաջողվեց ծոնկի բերել խոտվարարներին, որոնք, հավանաբար, լրացուցանվում էին հուսահատված»¹¹:

Ապա տեղեկացվում են Սասունում խաղաղված ահավոր դրամայի մանրամասնութիւնները. մոտ 7,5 հազ. հայ զոհվել է, 30 հայկական գյուղեր հրդեհվել են, 400 կանայք ստրուկ են տարվել: Մուշի բազմաթիւ կանայք գերադասում են գետում խեղդվել, քան տանել խայտառակութիւնը. «Ընդհանուր առմամբ երկրում սարսափ է տիրում»: 1894 թ. նոյեմբերի 14-ին ֆրանսիական դեսպան Կամբոնը արտաքին գործերի մինիստրին գրեց. «Բիթլիսի նահանգում տեղի ունեցած արյունալի դեպքերը, շնայած դրանք գաղտնի պահելու օսմանյան կառավարութեան ջանքերին, ամենեւին էլ չեն մոռացվել: Սպանութիւնների վնասների հետո լինելու և տեղում արտասահմանյան գործակալներ չլինելու շնորհիվ Բ. Դոանը հաջողվեց կասկածի տակ դնել Կ. Պոլսի դեսպանատներին հասած լուրերը... Չնայած դրան, նրանց բացառիկ կարևորութիւնը պահանջում էր այլ բացատրութիւն, քան այն հերքումները, որ անընդհատ անում էր Բ. Դոանը... Մեր գործա-

կալի Դիարբեքիրում հավաքած տեղեկութիւնները, գրեթե լրիվ, համընկնում են անգլիական դեսպանութեան ստացած լուրերի հետ»¹²:

* * *

Տալվորիկից վերջինը հեռացան իշխան Գասպարը, Գևորգն ու Աղամբը: Նրանք շարժվեցին դեպի ժայռերից կախված Զկընկուլի քարայրը: Ծանապարհին նրանց միացավ նաև Մուրադը: Թուրքական զինվորները նկատեցին քարայրը բարձրացող մարդկանց և շրջապատեցին այն: Քարայրում էին նաև Գասպարի ընտանիքի անդամները: Դիմադրութիւնն անիմաստ էր: Գասպարը Մուրադին, Գևորգին ու Աղամբին առաջարկեց հեռանալ: Փրկութիւն չկա, — ասում է Գասպարը, — ես իմ ընտանիքի անդամների հետ կշարունակեմ կրակել և մեզ վրա բեռնած պահել թշնամու ուշադրութիւնը, իսկ դուք գիշերը գաղտնի հեռացեք, գուցե փրկվեք:

Գևորգը նայեց Գասպարին, նրա կնոջն ու երեխաներին, որոնք հանուն իրենց փնտում էին մահվան, և հրաժարվեց: Տեսնելով, որ նրանց համոզել չի կարողանում, Գասպարը կնոջ, երեխաների և դեռատի աղջկա հետ դուրս եկավ քարանձավից ու հանձնվեց թուրքերին՝ տպավորութիւն ստեղծելով, որ քարանձավում այլևս ոչ ոք չկա: Սակայն թուրքերը չհավատացին և Գասպարի ընտանիքին իրենց մոտ պատանդ պահելով, ասացին, որ եթե քարանձավում մնացածները չհանձնվեն, ողջ ընտանիքը տեղնուտեղը կգնդակահարվի: Այդ լսելով Մուրադը, Գևորգը և Աղամբը քարանձավից դուրս եկան և շարժվեցին դեպի թուրք հրամանատարը: Գևորգին, Մուրադին ու Աղամբին տարան Սեմալ գյուղ:

Թուրքական հրամանատարութիւնը Գևորգի ու Մուրադի բանտարկութիւնը համարում էր իր մեծ հաղթանակը: Նրանց Մուշ բերեցին փողերի հաղթանակ ազդարարող կանչերի ուղեկցութեամբ: Հեռագրեր հասան Բ. Դոան, ավետելով, որ ձերբակալված են սուլթանի դեմ կովողների ամենանշանավոր դեպի վարները:

Բիթլիսի իշխանութիւնները կազմակերպեցին Գևորգի և Մուրադի փակ դատավարութիւնը: Գևորգին դատապարտեցին 15 տարվա, իսկ Մուրադին 101 տարվա բանտարկութեան՝ «նո-

րին վեհափառութիւն սուլթանի դեմ ապստամբելու մեղադրանքով: Թուրքական ոստիկանները մեկ առ մեկ հանեցին Մուրադի մորուքի մազերը: Կարպետի վրա լցրեցին երկաթի ու ապակու մանրած կտորներ և, մերկացնելով, գլորեցին դրանց վրայով:

Գևորգը, որի 25 տարին նոր էր լրացել, Մշո բանտում մնաց 1,5 տարի: Ոստիկանները նրան ենթարկեցին ֆիզիկական ու հոգեկան անլուր տանջանքներ:

Թուրքական բանտի մասին ասում են, որ խոշտանգումների տեսակների բազմազանութիւնը նա իր հավասարը չունի. «Ամբաստանյալին հարցաքննութիւնից հետո գետնահարկի մենախուցն էին ուղարկում, որը խոստովանատունն էր: Անպատմելի ու աննկարագրելի են այնտեղ գործադրված տեսարանները... այնտեղ (նրանք) ենթարկվում էին անողորմ շարշարանքների... գավազանների, ճոպանների, մահակների մահաբեր հարվածների տակ ենթական մերկանում էր իր «ես»-ից, խզճի ազատութիւնն էր հափշտակվում, ինքնագիտակցութիւնն էր կորչում: Օր ու գիշեր (շարունակվող) մարմնական տանջանքները չեզոքացնում էին զգացողութիւնը, ուղեղը իր հավասարակշռութիւնը կորցնելով բռնադատվում էր խոստովանելու շգործած հանցանքը կամ ոճիրը... օձերով լի տոպրակներով մեջ հայր ու որդի էին պցում, հանում էին (նրանց) եղունգները, սղոցում էին ատամները, գլանակով վառում էին մարմնի տարբեր մասերը, ոտքերի մսերը կտրատելով բանտարկյալին հրամայում էին քայլել աղով ծածկված սալահատակի վրայով, մատների ծայրերը սեղմում էին երկաթե ձեռնակապերով, մինչև արյան ժայթթելը»: Ծոցքած ձվերը դնում էին բանտարկյալի անդամներին, որի պատճառած անտանելի ցավերի հետևանքը լինում էր ցնորվելը: Ծարավից տառապողներին հարկադրում էին քացախ խմել: Քնածների մարմինը ծակում էին մեծ ասեղներով, ցուրտ սենյակում կալանավորին մերկացնում և կապում էին սյանը, իսկ վերևից նրա գլխին անընդհատ ջուր էր կաթում: Շիկացած երկաթով հերկում էին կալանավորի մարմինը¹³:

Է. Դիլոնը գրում է. «Եթե պատկերացնենք Անգլիայի հին Աստղային պալատի, իսպանական ինկվիզիցիայի, հաշիշ ծխելու շինական ավազակաբնի, դողերոցքի հիվանդութիւնների և Դանթեի դժոխքի ամենամոռայ անկյուններից մեկի միացումը,

ապա այդ միացումը կարող է նմանվել Թուրքական բանտին. կեղտ, զարշահոտութիւն, հիվանդութիւններ, խայտառակութիւններ, ահավոր շափերի ու ծավալների հասնող խոշտանգումներ. նրանցում հոգեբանական մթնոլորտը կազմում են լրիվ հուսահատութիւնը, վայրենի շարութիւնը, մարդկային տանջանքներից սատանայական բավարարվածութիւնը, եղկելի այլանդակութիւններին աշակցելու համար ստեղծ ինքնագոհութիւնը, բարոյական կերպարի լրիվ այլանդակումը, և այս ամենը մարմնավորվում են զզվելի էութիւնների մեջ, որոնց մարդկային կերպարանքը հանդիսանում է երկնային վիրավորանք: Այս սարսափելի խցերում մշտապես վարպետ խոշտանգումների հետևանքով մարդկային ունեցը խառնված է անբնական հեշտանքների գոռոցների հետ, կեղտոտ երգերը երգվում են հոգի մղկտացնող ողբի ուղեկցութիւնով: Եվ նույն ժամանակ մարմիններից, որոնք վաղուց գրկվել են կենսական ուժից, համբառնում է հոգին, առանց որևէ մեկի ողբի, բացի խոնավ պատերից, որոնց վրա քրտինքից և սարսափելի հիվանդութիւնից կուտակված մեծ կաթիլներն ընկնում են գետնին, քարերի վրա և այնտեղից բարձրանում գոլորշու ձևով: Իրականում սա աներևակայելի մղձավանջ է»¹⁴:

* * *

Բայց Գևորգը չընկճվեց: Նա ելք էր փնտրում փախուստի համար: Այդ նպատակով նա ձեռք էր պցել մետաղի երկու կտոր և դրանցով ծակում էր բանտի պատը: Պատից հանած մեծ քարերը գլխատակն էր դնում, իսկ հողն ու փոքր քարերը հավաքում էր և, երբ նրան օրվա ընթացքում մեկ անգամ բակ էին տանում, դրանք գաղտնի թափում էր այնտեղ: Այսպես նա շատ օրեր աշխատեց: Վերջապես հաջողվեց անցք բաց անել, սակայն բանտապահներից մեկը նրա խցում պատահամար քարի մանր կտորներ տեսավ: Ինչ-որ բան կասկածելով բանտախուցը ստուգվեց, և անցքը. հայտնաբերվեց: Գևորգին դաժանաբար ծեծեցին և փոխադրեցին երկրորդ հարկ: Նրա բանտախուցը շուրջօրյա հսկողութիւն տակ էր: Դրան անցքից երևում էր հսկող ոստիկանի աչքը: Եթե մինչ այդ նրան շրջապայութիւն էին հանում մյուս բանտարկյալների հետ միասին, ապա այժմ գրկեցին այդ հնարավորութիւնից ևս: Բայց

Գևորգը հուսահատվողներից չէր: Նա կարողացավ բանտապահներից թաքցնել երկաթի կտորները և գիշերները, երբ հերթապահ ուտիկանը, օգտվելով բանտի ղեկավարության բացակայությունից, խցի դռան առաջ ննջում էր, փորում էր հատակը: Նա կարողացավ անցք բաց անել դեպի առաջին հարկ, որտեղ հայ բանտարկյալներ էին տեղավորված: Ապա այդ անցքով թեև անցկացրեց և առաջին հարկի բանտարկյալներին հասկացրեց, որ թելի ծայրին լուցկու տուփ կապեն: Պահանջվեց մի քանի շաբաթ, մինչև Գևորգը կարողացավ տուփի վրա տկտկոցների ազդանշանային «բառարան» Ծտեղծել: Նա հեռագրի սիստեմով սկսեց բանտարկյալների հետ խոսել, նրանց հորդորելով փախչել:

Այդ ընթացքում Գևորգին հաջողվեց փորել նաև բանտախցի պատուհանի երկաթյա ձողերի շուրջը, իսկ երբ նրանք արդեն թուլացել էին և հնարավոր էր հանել, նա իր հագուստից ու զանազան փալաններից պարան հյուսեց:

1896 թվի ապրիլի 10-ն էր: Կեսգիշեր: Ունում էր քամին: Գևորգը բարձրացավ պատուհանին և կախվելով պարանից՝ սահեց ցած: Բայց պարանը կարճ էր և հարկադրված զգալի բարձրությունից թռավ ներքև: Մթուփյան մեջ ոտքը խփեց քարին ու վնասեց: Բայց կանգ չառավ, շարժվեց քաղաքից դուրս: Նրա օրինակին հետևեցին Ադամը, Ավոն ու Խաչոն:

Բանտապահները միայն առավոտյան իմացան փախուստի մասին, երբ Գևորգն ու նրա ընկերներն արդեն շատ էին հեռացել Մուշ քաղաքից:

* * *

Սասունցիների դիմադրության ճնշումից հետո սուլթանական իշխանությունները սկսեցին դաժան հաշվհարդար տեսնել նրանց հետ: Դահիճները ավերի ենթարկեցին սասունցիների շեն տները, թալանեցին, սպանեցին ու բնաջնջեցին բոլոր նրանց, ով պատահում էր իրենց ճանապարհին: Բերենք մի քանի վկայություններ օտար հեղինակներից:

Ամերիկյան միսիոներ Գրինի՝ Սասունի կոտորածներին նվիրված գրքում կարդում ենք. «Սասունում... կատարվել է մի վիթխարի և իր սարսափով աննկարագրելի ջարդ, որին ենթարկվեցին հայ տղամարդիկ, կանայք և երեխաները, և

այդ ջարդը կազմակերպել են սուլթանի կողմից զինված բրդապահ զորքերն ու կանոնավոր բանակի զինվորները, որոնք ուղարկվել էին հատուկ հրամանով: Այն իրականացվել է թուրքական բարձրաստիճան սպաների անմիջական ղեկավարությամբ»¹⁵:

Կոտորածների վայրերը, այսինքն ողջ Սասունը, «ըրջապատված էր զինվորական կորդոնով ոչ միայն ջարդերի ժամանակ, այլև դրանից հետո մի քանի ամիս շարունակ: Այնպես որ Սասունի գյուղերը դրսից ոչ ոք մտնել չէր կարող»: Իշխանությունները ամեն տեսակ միջոցների էին դիմում, որպեսզի արտաքին աշխարհում լուր չտարածվեր Սասունում կատարված ջարդերի մասին¹⁶: Գրինի գրքում ուղակի ասված է. «Թուրքիան նպատակ էր դրել ամբողջ կայսրության մեջ ոչնչացնել քրիստոնյաներին»:

Սասունցիներին ոչնչացնելու ծրագրի իրականացման ճանապարհին թուրքերը դիմում էին ամենավայրագ ու ամենաստոր միջոցների: Նրանք հայկական գյուղերը հրի մատնելու համար իրենց հետ Սասուն բերեցին 30 բաք նավթ և հրդեհեցին 32 գյուղ: Վանում անգլիական հյուպատոս Նովկորդի կարծիքով «Սասունի բոլոր գյուղերի բնակիչները ջարդվեցին»:

Անգլիական մի այլ դիվանագետ՝ Մ. Շիպլերը վկայում է. «Հայերը երեք շաբաթվա ընթացքում ջարդվեցին առանց տարիքի ու սեռի խտրության (օգոստոսի 12-ից սեպտեմբերի 4-ը): Հայերը սպանվեցին վայրի անասունների պես հալածվելով... Ես համոզվեցի, որ թուրքական կառավարության ցանկությունը ոչ թե ոմն խառնակիչ Մուրադին գտնելն էր, այլ Գեղեգուզանի ու Տալվորիկի գավառների բնաջնջումը»¹⁷:

Գելիեգուզանը գրավելուց հետո թուրքերը գյուղից չհեռացածներին իրար կապեցին, թաղիքով ծածկեցին ու այրեցին: Լոնդոնի «Իեյլի Նյուս» թերթը «Փոսի կոտորած» հոդվածում գրել է, որ դահիճները Գելիեգուզանում հայերին հարկադրում էին փոսեր փորել և այդ փոսերում էլ նրանց կիսամեռ թաղում էին: Եվ այդպես 7—10 օր շարունակ: Մի այլ տեղ նրանք մարդկանց շարտում էին սվինների վրա ու տանջամահ անում: Կանանց ու աղջիկներին լցնում էին եկեղեցիները, բռնաբարում և ապա բոլորին այրում կամ սրի քաշում: Գեղեցիկ տղաներին ու աղջիկներին առաջարկում էին կրոնափոխ լինել, և երբ նրանք հրաժարվում էին, բռ-

լորին մորթում էին: Հղի կանանց արգանդը թրով բացում ու դեռ շփված հրեխալին սրախսղխող էին անում: Զվարճության համար մարդուն կանգնեցնում էին որպես թիրախ և անասնական հրճվանքով կրակում նրա վրա: Երեխաներին շարք էին կանգնեցնում ու շարքի երկայնքով կրակում՝ իրար հետ մրցելով, թե մեկ գնդակով ով քանի երեխա կարող է սպանել¹⁸:

Մի գյուղի բնակիչներ, 500 կանայք ու երեխաներ, փախուստի դիմելով մտնում են քարայրը: Թուրքերը նրանց զրտնում են և բռնաբերում ոչնչացնում: Փողովորդին փակում էին տնեքում և հրդեհում: Նման հրդեհներից մեկի ժամանակ մի փոքրիկ աղա դուրս է պրծնում, բայց նրան անց են կացնում սվինի վրա և կրակի մեջ գցում: Երեխաների մազերից բռնած բարձրացնում էին և կտրատում նրանց մարմինը: Թուրք զինվորները երեխաներին իրար վրա էին շարում ու միմյանց հետ մրցում, թե սրի մի հարվածով ով ավելի շատ զլուխ կկտրի, իսկ հետո երեխաների դիակները վրա նավթ էին լցնում և այրում:

Թուրքական հրամանատարությունը հրամայել էր գերի չվերցնել, ոչնչացնել բոլորին: Այս հրամանը ճշտությամբ կատարվեց: Եթե 1891—1894 թթ. կոիվների ընթացքում հայերից զոհվեց 800—1000 մարդ, ապա 1894 թ. օգոստոսի վերջերից մինչև 1895 թ. սպանվեց շուրջ 10 հազար մարդ: Այդ նույն ժամանակ գերի վերցվեց ընդամենը 30—40 հոգի:

Գրինի գրքում կան նաև հետևյալ տողերը. «Ապստամբություն չի եղել, ինչպես գեկուցվել է Կ. Պոլիս: Բնակիչները գեներալի են դիմել միայն քղերից պաշտպանվելու համար... ես ոչ մի տեղ չսեցի, որ հայերը կատարած լինեն այնպիսի մի գործողություն, որ կարող լինի համարվել կառավարության դեմ ապստամբություն»¹⁹:

Ռուսական հյուպատոս Մաքսիմովը գրում է, որ Սասունի բնակչության մեծ մասը «չնայած բոլորի, նույնիսկ կանանց, անձնազոհ հերոսության, զոհվել են անհավասար մարտերում», թուրք զինվորները «սպանում էին երեխաներին, որպեսզի հագեցնեն իրենց անասնական հակումները, անխնա ոչնչացնում էին աղջիկներին ու կանանց»: Հայերը հիմնավորապես թալանվել էին: Ավարն այնքան առատ էր, որ շարքերից մի քանի

որ անց Մուշում կայքի և անասունների, գնեին աներեակայելի էժանացել էին²⁰:

Թուրքական զորքերը Գեղիեզուղանում այրեցին 360, Շենիկում՝ 106, Սեմալում՝ 85, Ալիանբում՝ 165, Իշխանձորում՝ 75 տուն. գյուղերի անապատան բնակչության մեծ մասը սրի քաշվեց, իսկ մյուսներին ստիպեցին «ցրվել լեռները, մնալ անօթևան, դառնալ թափառական»: Շատախի, Խուլբի, Խիանքի, Փսանքի և այլ շրջանների բնակչության մոտ կեսը ոչնչացվեց: 14,6 հազար մարդ մնաց անօթևան ու թշվառ վիճակում:

Ավելորդ չենք համարում բերել նաև մի քանի վկայություններ այս եղերական իրադարձությունների ժամանակ Սասունի հարևան շրջաններում գտնված անգլիացի դիվանագետների նամակ-գեկուցագրերից:

1894 թ. հոկտեմբերի 31-ի նամակից. Բիթլիսից ստացված հաղորդագրության մեջ ասված է. «Սասունում 27 գյուղ ոչնչացվել է: 6000 տղամարդիկ, կանայք և երեխաներ սպանվել են զորքի ու քրդերի կողմից: Այս սարսափելի դեպքը միայն այժմ է այստեղ հայտնի դառնում, չնայած կոտորածը տեղի է ունեցել սեպտեմբերի սկզբներին: Թուրքերը բոլոր միջոցների դիմել են, որպեսզի խանգարեն լուրերի տարածմանը...»²¹:

1894 թ. նոյեմբերի 16-ի նամակից. «Անցյալ տարի Տալվոքիկում հայերը հաջողությամբ հետ մղեցին հարևան քրդերի հարձակումը: Մոտ քսան գյուղ ոչնչացվեց, բնակչությունը սրի քաշվեց, տներն այրվեցին: Մի քանի երիտասարդների, ուժեղ հայերի, գերի վերցրին, իրար կապեցին, ծղոտով ծածկեցին և կենդանի այրեցին: Որոշ թվով հայեր... ոչ պակաս 100 մարդ, հանձնվեցին և ներում խնդրեցին: Նրանցից շատերը տեղում գնդակահարվեցին, իսկ մնացածները մորթվեցին թրերով և սվինահարվեցին: Մի խումբ կանայք... 60—160 հոգի փակվեցին եկեղեցում և նրանց մեջ «բաց թողեցին» զինվորներին: Այս կանանցից շատերը տանջամահ արվեցին, մյուսները սպանվեցին թրերով և սվիններով:

Ըստ հաշվումների, սպանվածների թիվը հասնում է 20—25 հազարի... Հարկ է նշել, որ կոտորածն իրականացվեց կտնոնավոր զորքի զինվորների միջոցով, որոնք մեծ մասամբ գտնվում էին բարձր զինվորանշան ունեցող սպաների ենթակայության տակ: Սա գործին արտակարգ լուրջ նշանակություն է տալիս»²²:

1894 թ. նոյեմբերի 11-ի նամակից. «Ֆերիկ փաշան (մարշալ Զեքի փաշան), որ շոտափուլթ եկավ Երզնկայից, ընթերցեց բնաչնջման մասին սուլթանի ֆերմանը և ասլա, հրամանագիրը պահելով իր կրծքի վրա, դինվորներին կոչ արեց խույս չտալ իրենց պարտականութունների կատարումից: Օգոստոսի վերջին օրը, այսինքն սուլթանի գահակալության տարեգարծի օրը, զինվորները հատկապես ջանում էին աչքի ընկնել, և նրանք այդ օրը կատարեցին ամենագազանային կոտորածը:

Եթե որևէ մեկը հնարավորություն ստանար այցելելու օլրուգ, նա կարող էր որոշել միայն սպանվածների մոտավոր թիվը, որովհետև շատ դիակներ լցված էին փոսերը և ծածկված հողով, այժմ արդեն անձրևը մաքրել է նրանց գերեզմանների հետքերը: Այնտեղ, որտեղ փոսեր չկային, սպանվածների մարմինները փայտերի հետ դասավորել էին շեղջերով, կերոսինով շաղախել ու այրել... հավանաբար օկրուգի բոլոր գյուղերը ոչընչացվել էին:

... Առանց երկյուղելու կարելի է ասել, որ 40 գյուղեր լրիվ կործանված են և թվում է, թե սպանվել է ոչ պակաս, քան 16 հազար մարդ: Ամենափոքր թիվը 10 հազարն է...»²³:

1894 թ. դեկտեմբերի 4-ի նամակից. «... Կ. Պոլսից ստացվեց կեղծ հաղորդագրություն, թե հայերը զինվել և ապստամբել են: Այդ ժամանակ մուշիքը էրզրումում հրաման տվեց ոչընչացնել հայերին: Հրամանն ընթերցվեց զորքի առաջ, որն արագ հավաքվել էր արևելյան Թուրքիայի բոլոր գլխավոր քաղաքներից: Նրանում ասված էր. «Ով խնայի տղամարդկանց, կանանց կամ երեխաներին, կդավաճանի հավատի հպատակի կոչմանը»:

Տեղանքը շրջապատվեց կանոնավոր (բանակի) զինվորներով և, բացի այդ, ասում են, որ այնտեղ հավաքված էր 20 հազար քուրդ: Ամենամոտավոր հաշվարկումով 15 հազար հողի սպանվել է, 35 գյուղ ավերվել...

Չնայած Թուրքերի բոլոր ջանքերին, թաքցնելու այս արյունոտ պատմությունը, այն հայտնի դարձավ և հանդիսանում է «XIX դարի իմացած ամենասարսափելի» արյունոտ պատմությունը: Մի զինվոր պատմում էր, որ ինքը մենակ սպանել է 30 հղի կին: Որոշ զինվորներ, հավանաբար, ամաչելով իրենց խայտառակ արարքներից, ասում էին. «Մենք ի՞նչ կարող էինք անել: Մենք գործել ենք համաձայն հրամանի»²⁴:

1895 թ. հունվարի 12-ի նամակից. Մի քանի հոգի այցելել էին Սասունի 3 գյուղեր: «Նրանք բոլորը վերածված էին ավերակների, և այլանդակված դիակները վկայում էին սարսափելի իրադարձությունների մասին... Ամեն օր փախստական բնակիչների խմբերը գալիս էին և իրենց հանձնում սպա հրամանատարի ձեռքը: Արևամուտից մոտավորապես երկու ժամ անց, օրվա ընթացքում այդ միջոցով հավաքված գերիներին տանում էին հարևան դաշտը, և օդը խլանում էր նրանց աղեկտուր ձայներից»:

Կոտորածներից հետո Համիդը աշխատելով շքեղանալ, հայտարարեց. «Թուրքերը հայերի վրա չեն հարձակվել, հայերն ու թուրքերը ապրում են կողք կողքի և խաղաղ. պատճառը քրդերի ու հայերի միջև եղած խլրտումներն են», և ինքը որպես գթասիրտ սուլթան, առանց կողմնակալություն, կարգավորել է երկու համայնքների միջև ծագած խռովությունները²⁵:

Մինչդեռ վերևում շարադրվածը և բազմաթիվ այլ փաստեր անառարկելիորեն ապացուցում են, որ կոտորածների իսկական կազմակերպիչը սուլթանն էր, օսմանյան կառավարությունը, և որ դրանք իրականացվել են ոչ միայն քուրդ ցեղասպետների, այլև, առաջին հերթին, թուրքական բանակի ու ոստիկանության միջոցով:

Էմիլ Դիլոնը 1895 թ. շրջագայեց ջարդերի վայրերով և, հիմք ունենալով ստուգված փաստերը, գրեց. «Այժմ արդեն ապացուցված է, որ Սասունի կոտորածը պայծառափայլ Բ. Դոան կանխամտածված գործն է, որը նա նախապատրաստեց հոգատարությունամբ և իրագործեց դաժանորեն»²⁶:

1891—1894 թթ. եղբրական իրադարձություններն իրենց վախճանին էին մոտենում: Սասնո գյուղերը դատարկ էին: 102 գյուղերից 83-ը թալանված ու ավերված էր: Ամենուրեք մեռելային լուծություն էր: Բնակչության մի մասը կուլ էր գնացել յաթաղանին, իսկ մյուսը՝ ապավինել էր ժայռերին ու ձորերին: Թուրքական զորամասերն ու աշիրեթությունները գյուղից գյուղ էին անցնում: Ամենուրեք դատարկ էր, մարդ չկար սպանելու, ունեցվածք չկար թալանելու, հարս ու աղջիկ չկար առևանգելու: Նույնիսկ սասունցիներից դատարկված լեռնաշխարհը սարսափ էր ներշնչում թուրքերին, և նրանք շտապեցին օր առաջ հեռանալ այդ «գլխակիր» լեռնաշխարհից:

Օսմանյան կառավարությունն իր հաղթանակն էր տոնում: Սասունի կոտորածների համար սուլթանը Զեքի փաշային պարգևատրեց շքանշանով, իսկ շորս աշիրեթապետերի՝ մետաքսե դրոշով: Սասունի հարցը, կարծես, լուծված էր: Բայց Թուրքական զորամասերը դեռ նոր էին հեռացել, երբ կենդանի մնացած, ժայռերին ու կիրճերին ապավինած սասունցիները վերադարձան իրենց գյուղերը:

Նվ երբ մի քանի օր անց ոստիկանական շոկատը Սասուն բարձրացավ, սկանստես եղավ հրաշքի՝ ծուխ էր բարձրանում բոլոր գյուղերից, ամենուրեք մարդիկ կային և զբաղված էին իրենց առօրյա խաղաղ գործերով: Սասունը նորից կենդանացել էր: Թուրք ոստիկանները լեղապատառ վերադարձան Մուշ:

Համաշխարհային առաջագիծ հասարակայնության ճնշման ներքո սուլթանը 1894 թ. նոյեմբերի 20-ին ստեղծեց Սասունի իրադարձությունները հետաքննող հանձնաժողով, իր թիկնապահ Ֆերիկ Աբդուլլահ փաշայի գլխավորությամբ, որը մեծ պետությունների ներկայացուցիչների մասնակցությամբ տեղում ուսումնասիրություններ կատարեց: Հանձնաժողովը հարցաքննեց 190 հայի, բրդի և թուրքական պաշտոնատար անձանց, եղավ իրադարձությունների վայրերում, տեսավ սրախողխող արված մարդկանց դիակները*²⁷:

* 4. Պոլսում Ֆրանսիայի դեսպան Կամբոնի փետրվարի 6-ի հաղորդագրության մեջ արդեն նշվում է, որ «օսմանյան իշխանությունները բոլոր միջոցներով աշխատում են վկաններին խանգարել խոսելու»: Հետագայում Ֆրանսիական դեսպանի գրեթե բոլոր զեկուցագրերում այդ բողոքը կրկնվում էր: Դրա հետ միասին, ինչպես երևում է մարտի 6-ի հաղորդագրությունից, օսմանյան կոմիսարները ձգտում են քննությունը շեղել իր բնական ընթացքից: Անհանգստացած Հերբոյի ցուցմունքից, գրել է Կամբոն, կոմիսարներն ընդունում են, որ զորքերը մասնակցություն են ունեցել Սասունի կոտորածին և որ նրանց գործողությունները կարող էին հեռու գնալ, բայց նրանք պընդում են, որ դրանք եղել են «անհրաժեշտ ռեպրեսիաներ ապստամբած հայերի նկատմամբ»:

Ապրիլի 5-ին Կամբոնը գրում է, որ «Վիրերը (Ֆրանսիական ներկայացուցիչը) պնդում է այն դժվարությունների վրա, որին հանդիպում են եվրոպական պատվիրակները իրենց միսիան կատարելու ժամանակ: Ակնհայտ է, որ օսմանյան կոմիսարները ձգտում են վախեցնել Սասունի իրադարձությունների իսկական վկաններին և նախատեսում են քննությունը տանել՝ հիմնվելով միայն պաշտոնական փաստաթղթերի ու այն ցուցմունքների վրա, որոնք տալիս են շինովիկները կամ իշխանությունների հետ կապեր ունեցող անձինք... Հարևան վայրերից եկած վկանները, Մուշ հասնելուց անմիջապես հե-

Թուրքական իշխանությունները օտարերկրացիների առաջ ոչ միայն փակել էին Սասունի դռները՝ պատճառաբանելով, թե այնտեղ ժանտախտի համաճարակ է, այլև միջոցներ էին ձեռնարկել, որ եղևնիից փրկված հայերը հարաբերությունների մեջ չմտնեն օտարերկրացիների հետ և ճշմարտությունը չպատմեն նրանց:

1895 թ. հունվարին Սասունի դեպքերը հետաքննող հանձնաժողովը իր առաջին նիստն ունեցավ Մուշում:

1895 թ. հուլիսի 28-ին մեծ տերությունների ներկայացուցիչները կազմում են կոտորածների հետաքննությունն ամփոփող զեկուցագիր: Այդ փաստաթղթում կարդում ենք. «... փաստերն ամենևին էլ չեն ապացուցում, որ 1894 թ. հուլիսի վերջին հայերը... ապստամբություն են բարձրացրել...»

Ներքո ստորագրողները... հարկադրված են հավաստիացնել, որ իրականում հայերը՝ տղամարդիկ, կանայք, երեխաները դարձան զինվորների, բրդերի և զափթիկների բազմաթիվ հետապնդումների զոհեր, որոնք վիրավորում կամ սպանում էին բոլորին, ով նրանց ձեռքն էր ընկնում՝ առանց սեռը հաշվի առնելու: Ըստ որում, հատկապես կարևոր է նշել, որ բացի Տալվորիկի 11 գյուղացիներից, ոչ մի գերի չկար»²⁸:

Հայերի նկատմամբ իրականացված բարբարոսությունը «լրիվ հաստատվեց Գելիեզուզանում փոսերը բացելով, որոնք, իրոք, գտնվում էին Պետոյի տան հետևը: Նրանցից հատկապես մեկը լցված էր մարդկային ոսկորներով...»²⁹:

Կառավարությունն արտասահմանյան թերթերի թղթակիցներին թույլ չտվեց Սասուն մտնել: «Թայմսը» գրում է. «Յավով հայտնում ենք, որ մեր համառ ու տևական ջանքերը՝ Սասունի

տո, դրվում են ոստիկանության հսկողության տակ: Մի քանիսը հրաժարվել են իրենց նախկին ցուցմունքներից՝ մի գիշեր ոստիկանության ձեռքում մնալուց հետո, ուրիշները, որոնք պնդեցին իրենց նախնական ցուցմունքը, բանտարկվեցին: Վկաների մեծ մասը իրենց հայտարարությունները կարծես անգիր արած լինեն: Դրանք նույն արտահայտություններով են, որ իրենց նկատմամբ ներշնչում է անխտահություն: Եատե՛րը, որոնք ցանկություն էին հայտնել գալու և հանձնաժողովին ցուցմունք տալու, «իշխանությունների կողմից պահվում են գյուղերում: Չնայած սուլթանի տված բազմաթիվ հավաստիացումների, քննության ազատություն գրեթե գոյություն չունի», սակայն «փաստերն այնքան զարհուրելի ու բազմաթիվ են, որ չնայած Թուրքական իշխանությունների բոլոր ջանքերին ու մեթոնալություններին, նրանց չհաջողվեց դրանք թաքցնել» (Братская помощь пострадавшим армянам в Турции, М., 1897, с. 95—96):

դեպքերն անաչառ քննելու նպատակով մեր հատուկ թղթակցի Հայաստան մտնելու իրավունք ստանալու համար, ապարդյուն անցան»³⁰:

Անգլիական «Սպիկեր» թերթի Կ. Պուլսի թղթակիցը գրում է, որ այլևս կասկածից դուրս է կոտորածների փաստը: «Մենք արդեն ունենք Վանի, էրզրումի, Սվազի և Դիարբեքիի հյուպատոսների պաշտոնական զեկուցումները, մենք ունենք հայ փախըստականների տված ցուցմունքները, մենք ունենք թուրք զինվորների վկայությունները, որոնք մասնակցել են կոտորածներին: Այս զինվորները պատկանում են կանոնավոր զորքին և կանչված են եղել էրզրումից, Երզնկայից, Վանից, Բիթլիսից, Խարբերդից ու Սվազից: Նրանք արդեն վճարադարձել են իրենց տեղերը և սուլթանի կողմից պաշտոնապես շնորհակալություն են ստացել իրենց կատարած գործերի համար... Սասունի սարսափները իսկապես տեղի են ունեցել և կատարվել են կանոնավոր զորքերի միջոցով և այն մարդկանց հրամաններով, որոնք հետո շքանշաններ են ստացել սուլթանից»³¹:

Հիմնվելով անգլիական կառավարչության ունեցած պաշտոնական տվյալների վրա, «Թայմսը» գրում է, որ Սասունում ոչնչացվել է 10 հազ. մարդ:

Սասունի կոտորածից հետո թուրքական 8000 զինվորներ իջնում են Մշո դաշտ, մտնում հայկական գյուղերը, կերակրվում հայերի հաշվին և նրանցից պահանջում թողնել իրենց տները, հողերը, ունեցվածքն ու հեռանալ կայսրությունից: Նրանք ավերում են ավելի քան 20 հայկական գյուղ: Դաշտում տեղի են ունենում հայերի ձերբակալությունների ու բռնի թրջացումների բազմաթիվ դեպքեր:

Բնորոշ է հետևյալ փաստը: Այդ օրերին թուրքական թերթերում հաղորդագրություններ տպագրվեցին, որ հանձնաժողովին հանձնարարված է քննել «հայերի հանցագործությունները»: Ըստ որում, ջանքեր էին գործադրվում հարցը հանգեցնելու լոկ քրեական հանցագործությունների: Ավելորդ չէ նշել, որ հանձնաժողովի հավաքած նյութերի գլխավոր աղբյուրը կոտորածներին մասնակցած թուրքերի ցուցմունքներն էին, որովհետև, ինչպես նշվեց, իշխանություններին հաջողվում էր զանազան միջոցներով հայերին զրկել ճշմարիտ ցուցմունք տալու հնարավորությունից: Երբ անգլիական թերթերում լուրեր տպագրվեցին Սասունի կոտորածների մասին, սուլթանը կատաղու-

թյան բռնկում ունեցավ, որովհետև, ինչպես գրում է ցարական դիվանագետներից մեկը, նա հույս ուներ թաքցնելու քրդերի օգնությամբ Սասունում կատարված վայրագությունները: Սուլթանը հրամայեց «եվրոպական թերթերին ուղարկել վճռական հերքումներ և անգլիական դեսպանից պահանջել՝ Մուշից հետ կանչել գործը քննելու համար այնտեղ գտնվող Վանի իր հյուպատոսին, որի հաղորդումներին է Բ. Դուրը վերագրում սուլթանի համար տհաճ տեղեկությունների հրապարակումը»³²:

Սայիդ փաշայի հաշվարկներով, արտասահմանյան մամուլին կաշառելու համար արյունարբու սուլթանը ծախսել էր 235 հազար օսմանյան ոսկի և 640 շքանշան: Կաշառվեցին մեծ թվով քաղաքական գործիչներ: Սակայն հայկական կոտորածների «ստահող և անամոթ հերքումները... չկարողացան ցանկալի տպավորություն թողնել Եվրոպայի հասարակական կարծիքի վրա... որը Բ. Դուանը վերջին օրերս հարկադրեց արգելել օտարերկրյա գրեթե բոլոր լրագրերի մուտքը...» Թուրքիա³³:

1. Տեղակալ Մ. Ավետիսյան, Հուշամատեն և զոր. Անդրանիկ, Փարիզ, 1954, էջ 121:
2. Չ. Պողոսյան, Սասունի պատմությունը, Ե., 1985, էջ 187:
3. Նույն տեղը, էջ 192:
4. Կ. Սասունի, Պատմություն Տարոն աշխարհի, Բեյրութ, 1957, էջ 571:
5. Генерал армян в Османской империи, Е., 1982, с. 36—38:
6. ՀՍՍՀ ԳԱ ինֆորմացիոն բյուրոսեն, 1983, № 3, էջ 5:
7. Գլուկ Տարոնցի, Ապստամբ Սասուն, Ժնև, 1903, էջ 4—5:
8. Չ. Պողոսյան, Սասունի պատմությունը, էջ 200:
- 8ա. Հնչակ, 1884, № 1—2:
9. Մուրճ, 1984, հոկտեմբեր:
10. Положение армян в Турции до вмешательства держав в 1895 году, М., 1896, с. 97.
11. Братская помощь пострадавшим армянам в Турции, М., 1897, с. 93.
12. Նույն տեղը, էջ 93—94:
13. Նույն տեղը, էջ 30:
14. Նույն տեղը, էջ 30—31:
15. Положение армян..., с. 229.
16. Նույն տեղը, էջ 231:
17. Կ. Թումայան, Պատմություն Արևելյան խնդրո և առաջնորդ Հայկական հարցի, Լոնդոն, 1905, 2. Ս., էջ 555:

18. Геноцид армян . . . , с. 39.
19. Положение армян . . . , с. 230.
20. Геноцид армян . . . , с. 26.
21. Положение армян . . . , с. 232.
22. Նույն տեղը, էջ 233—234:
23. Նույն տեղը, էջ 237—240:
24. Նույն տեղը, էջ 242—243:
25. Նույն տեղը, էջ 247:
26. Геноцид армян . . . , с. 77.
27. Братская помощь . . . , с. 96.
28. Նույն տեղը, էջ 96, 98:
29. Նույն տեղը, էջ 98:
30. Մասիս, 1895, № 1:
31. Մշակ, 28 հունվարի 1895 թ.:
32. Ս, Մարկոսյան, Արևմտահայության վիճակը XIX դարի վերջերին, Ե., 1968, էջ 219:
33. Գ. Նուգճյան, Արդու Համիդ II Կարմիր սուլթան, Բեյրութ, 1980, էջ 607:

1895—1896 ԹՎԱԿԱՆՆԵՐԻ ԶԱՆԳՎԱԾԱՅԻՆ ԿՈՏՈՐԱԾՆԵՐԸ: ԻՆՔՆԱՊԱՇՏՊԱՆԱԿԱՆ ԿՈՒՎՆԵՐ

Սուլթանը Սասունի կոտորածներով չբավարարվեց: Նա որոշեց օգտագործել մեծ տերությունների միջև եղած հակասությունները, նրանց եսասիրական վարքագիծը և հայերի զանգվածային կոտորածներ կազմակերպել ոչ միայն Արևմտյան Հայաստանում, այլև կայսրության գրեթե բոլոր հայաշատ շրջաններում:

Մեծ տերությունները 1895 թ. մայիսի 11-ին սուլթանին են ներկայացրել Հայաստանում կատարվելիք ռեֆորմների նախագիծը: Սուլթանը պատասխանում է, որ համաձայն է ռեֆորմանց կացնել, բայց ոչ միայն հայաբնակ շրջաններում: Իսկ դրա համար ժամանակ ու միջոցներ են հարկավոր: Ակնհայտ էր սուլթանի դիտավորությունը: Նա գործնականում մերժում էր ռեֆորմներ անցկացնելու պահանջը:

Սուլթանը հինգ ամիս ձգձգեց ռեֆորմների նախագծի քննարկումը և, ի վերջո, այն դարձնելով նշանակությունից զուրկ թղթի կտոր, հոկտեմբերի 20-ին ստորագրեց: Սակայն ամբողջ կայսրությունում հոսող հայերի հորդառատ արյունը քշեց տառավ ռեֆորմների այդ ստորագրված նախագիծը:

Գերմանիայի կառավարությունը անվերապահորեն պաշտպանեց սուլթանի դիրքորոշումը: «Ամբողջ Հայկական հարցը Գերմանիայի համար պոմերանացի մի դառամյալ և անպետք զինվորի ոսկորների արժեքն անգամ չունի» (Բիսմարկ):

Ժամանակի թերթերը գրում էին, որ Անգլիան Հայկական հարցը նորից հրապարակ հանեց, որպեսզի նրանով ճնշում գործադրի սուլթանի վրա և նրան հարկադրի հաշտվելու Եգիպտոսի օկուպացման հետ:

Ռուս ժողովուրդի Օլգա Նովիկովան գրեց, որ Անգլիան թուրքահպատակ քրիստոնյաներին զրկեց Ռուսաստանի հովանավորությունից, իսկ ինքը նրանց համար ոչինչ չարեց¹: Սուլթանին նման մեղադրանքներին պատասխանեց Անգլիան հայերի օգտին միայնակ պրոծելու պատասխանատվություն երբևէ հանձն չի առել: Հայերի օգնության կանչին նա պատասխանեց. «Անգլիական նավերը Տավրոսյան լեռները բարձրանալ չեն կարող»: Հենց անգլիական այդ «չափավոր թուրքասիրական և ուժեղ հակառուսական քաղաքականությունն էր» «հայկական ողբերգության գլխավոր արտաքին պատճառը»²:

Իսկ Ֆրանսիայի կառավարության նախագահ Հանրի Մանտյե-Կան ժամանակակիցներից մեկը գրում է. «Գրպանները թուրքական ոսկրներով ուռած, դեմքը հայերի արյունով շպարված երեսփոխանների և մամուլի ներկայացուցիչների մեծամասնության ծափահարությունների ներքո բեմ է բարձրանում: Համիդի գանձը ծանր է կշռում:

Նրկու տարվա ընթացքում ամբողջ Փոքր Ասիայում, ինչպես նաև Պոլսում, ֆրանսիական դեսպանի աչքի առաջ Համիդի մոլորյալ արբանյակները սպանեցին, խոշտանգեցին, հաշմեցին, անդամահատեցին ֆրանսիական պաշտպանյալներին. լկեցին տղամարդկանց, իրենց մայրերի գրկում հոշոտեցին երեխաներին, քրիստոնյա կանանց և կույսերի վրա փորձեցին այնպեսի վայրագություններ, որոնք միայն մարդկեր արարածները կարող էին հնարել և երևակայել: Նկեղեցիների մեջ խորովեցին քաղաքների բնակիչներին, թողնելով 300 հազար դիակ... փշացրեցին գրեթե մի ամբողջ ցեղ»³:

Ռուսաստանի արտաքին գործերի մինիստր Լոբանով-Ռոստովսկին ցինիկովյան մեջ Սուլթանից և Հանրի Մանտյեից հետ շմնաց. «Ծա չեմ օւզում ,որ թուրքական Հայաստանը դառնա կրկրորդ Բուլղարիա, որպեսզի ռուսահայերը շտրամաղբը»:

վեն մեր հիմնարկների դեմ, որը կտեղծի հայկական ինքնավարութունը թուրքական պրոտեկտորատի տակ»: «Մենք Հայաստանը ուզում ենք առանց հայերի»⁴:

Իտալացի Ա. Չիրբարին գրում է. «1894—1896-ի զարհուրելի, անլուր, խուժ, տմարդի և եղբրական կոտորածները, որոնք հուզում է այսօր աշխարհը, մեծ տերութունների ղեկավարներին անտարբեր թողեցին»:

Չեր արյունը,— շարունակում է նա,— նրանց երեսին ցայտեց, ձեր քաղաքները, տները հրի մատնվեցին, բայց նրանք իրենց տեղերից չշարժվեցին, ձեզ լքեցին..., որովհետև բոլորն էլ Թուրքիան բաժանելու շար ցանկություն ունեին, բայց ամեն մեկը մտածում էր առյուծի իր բաժինը ստանալ...

Այո, Եվրոպան ձեզ սպանողի մեղսակիցը և... համերաշխը եղավ: Նա գերազանց ձեր արյան մեջ թափախված ձեռքեր ունենալ, քան թե ձեռք տալ մի գահի, նույնիսկ երբ այդ գահին բաղձած էր մի գոհճիկ շարագործ, մի ավազակ, մի եղեռնագործ:

... Ողբերգական բուսկին նա ձեզ երեսի վրա ձգեց, երբ թուրքական յաթագանը ձեզանից հազարավորներին էր մանգաղում, թեև Եվրոպայի ժողովուրդները ձեզ հետ էին»⁵:

Մեծ տերութունների այդ եսասիրական վարքագիծը նկատի ունենալով է, որ կոն գրեց. «... Հայ ժողովրդի արյունը նորից վաճառքի էր հանված իմպերիալիստական բորենիների միջև. կատարվում էին քստմանի սակարկություններ, և սուլթանը շահում էր նոր կողմնակիցներ»⁶:

Թուրքիայի կառավարությունը քաջ ծանոթ էր մեծ պետությունների քաղաքականությանն ու դիտավորություններին: Այդ օրերին թուրքական թերթերը գրում էին. «Իրար հակոտնյա և անմիաբան Եվրոպայից վախենալ պետք չէ»:

Սվազի վալին 1895 թ. հունիսին հայտարարեց. «Ինք, հայերը, հանգիստ մնացեք, իզուր տեղը մեծ-մեծ հույսեր մի դրեք Անգլիայի կամ ուրիշների վրա: Մենք արդեն գիտենք Եվրոպայի հետ վարվելու եղանակը: Եթե հարկավոր լինի Անգլիային էլի մի բան կտանք, ինչպես 1878 թ. տվեցինք Կիպրոսը, և այն ժամանակ ձեր բոլորի հոգին կհանենք»⁷:

Համիդը Սասունի իր առաջին ոճիրը գործադրելուց հետո Եվրոպացիների բազկերակը քննեց, և արդյունքը փոսով գոհա-

ցուցիլ. մահվան մանգաղը գործածելու ժամանակը եկած համարեց և արձակեց շարդի ու թալանի հրաման:

Պոլսի ցույցից մեկ շաբաթ հետո, «Մայիսյան ծրագրի» ստորագրումից 5 օր առաջ, Համիդի թիկնապահ Սաադդինը, բարեկարգություններ անցկացնելու պատրվակով, մեկնեց գավառները աշիրթություններին նախապատրաստելու, որոնք ազդանշան ստանալով պիտի սկսեին կոտորածները, իսկ բանակը պետք է այն շարունակեր իր միջամտությունը քողարկելով «երկու ցեղերի միջև» խաղաղություն հաստատելու պատրվակով:

Համիդին զորագնդերը քուրդ և թուրք ղեկավարների միությամբ կատարեցին իրենց հանձնարարված գործը. անպատիժ ու անինա կողոպտեցին և հրկիզեցին: Արևմտահայությունը XIX դարի վերջին տասնամյակի այդ երեք ամիսների ընթացքում ապրեց իր պատմության ամենաեղբրական օրերը:

Ջարդերը շատ վարպետորեն էին կազմակերպված: Դրանք բոլոր կուսակալություններում միաժամանակ տեղի չէին ունենում: Մերթ Սև ծովի ափը, մերթ Միջագետքի սահմանագլուխը, մերթ Կիլիկիայի շրջանը, մերթ Փոքր Ասիան կոտորածների թատերաբեմ էին դառնում: Եվ կողքից դիտողի համար ընդհանուր շարդի տպավորություն չէր ստեղծվում: Դա Համիդին հնարավորություն էր տալիս դեսպաններին պատասխանել, որ «կայսրությանս ամեն մի անկյունում խլրտումներ են ծագում. հազիվ զսպում եմ մեկը, մի ուրիշ տեղ նոր ապստամբության առաջ եմ կանգնում, սպասեցեք մինչև կատարյալ խաղաղության հաստատումը, որ հրովարտակա հրապարակեմ»:

Կոտորածները կազմակերպված էին որոշակի համակարգով՝ զինվորների մի խումբը սպանում էր տասը տարեկանից բարձր արական սեռի հայերին, մյուս խումբը ջրում տանում էր կանանց և երեխաներին, վերջապես, երրորդ խումբը թալանում էր դատարկ տները: Կոտորածներն ամենուրեք նույն ձևով էին սկսվում. կատաղի ամբոխը, կանաչ դրոշներ պարզած, հարձակվում էր հայաբնակ թաղերի վրա: Խուժանները ներխուժում էին հայերի բնակարանները՝ կոտորում, խոշտանգում, թալանում և ապա հրդեհում տները:

Ելուզը բողոքներ չէր ընդունում: Համիդը այդ շարդերը, խլրտումները «խեղճ թուրք ժողովրդի վրա հայ ապստամբների հար-

ձակումներ» անվանեց: Հերթեց օտարերկրյա թերթերի գրած հոդվածները, հյուպատոսների տեղեկագրերի փաստերը: Մյուս կողմից՝ դահիճներ էին պատժվում, նախարարներ փոխվում, պաշտոնյաներ էին աքսորվում, տասնյակներով մարդիկ էին ձերբակալվում՝ իրենց պարտականությունները թերի կատարելու համար, որպեսզի մի քանի ամիս անց ազատ արձակվեին:

1895 թ. սեպտեմբերի 30-ին Կ. Պոլսի Գում Գափու եկեղեցում խաղաղ ցույցի հավաքվեցին մոտ 4000 հայեր, բողոքելու, որ սուլթանը բարենորոգումների ծրագիրը չի իրականացնում: Ցուցարարները շարժվեցին սուլթանի նստավայրը՝ Բաբը Ալի սլախտը: Թուրքական կառավարությունը նախապես գիտեր այդ ցույցի մասին և մահմեդական դպրոցների սովորողներին ու խումանին զինել էր մահակներով: Թուրք ոստիկանությունն ու զինվորները ցուցարարների ճանապարհը փակեցին և պահանջեցին ցրվել: Արքունի թիկնապահ Սերեվեթ բեյը զորքերի հազարապետին է հանձնում նրանց զնդակոծելու հրամանը: Պրովոկատորներից մեկը ատրճանակի կրակով ցած է գլորում Սերեվեթ բեյին: Թուրքական զինվորները, ոստիկանությունն ու խումանը սկսեցին կոտորել խաղաղ ցուցարարներին: Քաղաքի փողոցներում խումանը հարձակվեց ցույցի հետ ոչ մի առնչություն չունեցող հայերի վրա ու կոտորեց մոտ 2000 հոգու:

Այդ առթիվ Զ. Բրայսը գրում է. «Հայերին կոտորելու ուղղությամբ սուլթանն այնքան հեռու գնաց, որ որոշում էր, թե ինչպիսի զենք պիտի գործադրվի: Նա չէր սիրում հրաձգային զենքը: Բարձր ազմուկն ազդում էր նրա նյարդերի վրա: Նա կարգադրեց գլուխ կտրողների իր բանակը զինել արճճե զլսիկ ունեցող մահակներով... երեք օր շարունակ մահակների հարվածների ազմուկը չէր դադարում, մինչև որ մեռյալ լուծություն իջավ հայկական փողոցների վրա»: Եվ այսպես «սառը միջոցներով» մարդկանց սպանում էին, իսկ ապա սայլերն ու կառքերը դիակները տանում թափում էին ծովը և, որպեսզի դրանք չըր երես չբարձրանային, բացում էին նրանց փորերը՝:

Տրապիզոնում հայերի կոտորածը նախապես նշանակված էր հոկտեմբերի 5-ին: Երեք ու կես ժամ շարունակ, բանակի ներկայությամբ ու լուռ համաձայնությամբ խումանը կողոպտում ու կոտորում էր հայերին: Յրանսիական ղեսպան Կամբոն գրում է, որ սպառնում կոտորեցին հայ բեռնակիրներին: Մի քանի գրծբախտներ, փորձելով փրկվել, նավակներով թիավարեցին դե-

պի նավահանգստում կանգնած նավերը, բայց նրանց էլ սպանեցին նավավարների թիերի հարվածներով: Փողոցներում, խանութներում, արհեստանոցներում և հրապարակներում պատահած բոլոր հայերին կոտորում էին:

«... մի տեղ խոովարարները չէին կարողանում գրավել հայերից մեկի տունը... այդ տեսնելով զինվորները, իրենց հագուստները փոխեցին և մարդասպանների հետ կրակ բացեցին... կասկածից դուրս է, որ դա մանրակրկիտ կերպով կանխամտածված դավադրություն էր»: Զարդերն անձամբ ղեկավարում էր կուսակալ Կադրի բեյը: Հետաքրքիր է, որ քաղաքի բոլոր թաղամասերում ջարդերը սկսվեցին միաժամանակ և ընդհատվեցին հատուկ ազգանշանով: Միայն Տրապիզոնում հայերին հասցված վնասը կազմեց 5 միլիոն ֆրանկ՝:

Հոկտեմբերի 13-ին կոտորածներ սկսվեցին Բիթլիսում ու նրա գյուղերում: Ազգաբնակչության մի մասը բնաջնջվեց տեղում, իսկ մյուս մասը փախավ լեռները, որտեղ ոչնչացավ սովից ու ցրտից:

Հոկտեմբերի 16-ին կոտորած տեղի ունեցավ Շապին-Գարահիսարում, զոհվեց 2000 հայ, ավերվեց 30 հայկական գյուղ:

Սեբաստիայում միայն մեկ օրվա ընթացքում՝ նոյեմբերի 12-ին, սպանվեց մոտ 1000 հայ:

Երզնկայում թուրքական իշխանությունները հայերին հավատացնում էին, որ նրանց ոչ մի վտանգ չի սպառնում, բայց միաժամանակ կազմակերպում էին, որ թուրքերը զենք զենք նրանք, մի կողմից, հայերին զինաթափ էին անում, իսկ, մյուս կողմից, թուրքերին խմբերի էին բաժանում, նրանց զենք ու փամփուշտ տալիս և որոշում հարձակվելու կարգն ու ժամանակը: Շուտով սկսվեցին ջարդերը, որոնք տեղեցին վեց ժամ: Վայրագ խումանը անասելի խժոժություններով սպանեց անզեն հայերին սրով, դաշույնով, դանակով, կացնով:

Արաբկիրում իշխանությունները որոշում են, որ ամեն թուրք կոտորածը պետք է սկսի իր հայ բարեկամին սպանելով: 1896 թ. Փրանսիայում լույս տեսած «Հայերի ջարդը» գրքում բերված են հայերին կոտորելու բազմաթիվ փաստեր: «Տեղական աշխարհիկ, հոգևոր, զինվորական իշխանությունները, — կարդում ենք այդ գրքում, — մի շարք տեղերում բացահայտ ղեկավարում էին ջարդերը կամ նրանց ուղղակի մասնակցություն ունենում... Զորքերին և ամբոխին կոտորածների էին կանչում ինչ-

պես պատերազմում՝ զինվորական փողի ազդականչով»։ Քուրք պաշտոնյաները շրջում էին Արաբկիրի գյուղերում և մուսուլմաններին կոչ անում՝ «Մուհամմեդի զավակները պետք է կատարեն իրենց պարտքը՝ կոտորեն բոլոր հայերին ու հրկիպեն նրանց տները։ Ոչ մի հայ մահից չպետք է աղատվի»։ Միայն Արաբկիրում կոտորածներին մասնակցում էին 1600 զինվոր ու սպա։ Քաղաքում սպանվեց 3000 հայ, հրկիպվեց 2750 տուն¹⁰։

Կարինում ու նրա գյուղերում ջարդերը տեղի ունեցան հոկտեմբերի 31-ին և նոյեմբերի 3-ին։ Տեղի ֆրանսիական հյուպատոսը պահանջում էր «դատի տալ (այն) զինվորներին, որոնք մասնակցում էին թալանին ու ջարդերին»։ Կարինից ստացված մի զեկուցագրում կարդում ենք. «Մեռելների դիակները գնալով ստվարանում են, որ կողմ շրջվես՝ դիակների կույտ է, ամբողջ քաղաքը գերեզմանոց է դարձել»¹¹։

Պուլսից ոչ շատ հեռու գտնվող Անհիսար վայրում թուրքերը հարձակվում են հայերի վրա, սպանում 60 հոգու, և նրանց դիակները պահում հորը։ Տեղական մուղիբն արդարանում է նրանով, որ իրեն վերևից կարգադրել են, թե «հայերին պետք է պատժել դաժանությամբ համար»։

Տիգրանակերտում ֆրանսիական փոխհյուպատոս Մելյրիկի զեկուցագրում նշվում է. 1895 թ. հոկտեմբերի 4-ին վիլայեթի նահանգապետ է նշանակվում գազանաբարո հայատյաց Անիզ փաշան։ Որպես բողոքի նշան հայերը «փակեցին իրենց խանութներն ու եկեղեցիները», բայց մի քանի օր անց հարկադրված վերադարձան աշխատանքի։ Ահա այս «ապստամբություն» պատճառով 119 հայկական գյուղ ավերվեց և հրդեհվեց, 6000 ընտանիք կոտորվեց։ Ավերվեց և կողոպտվեց 2500 խանութ, 1700 տուն, ոչնչացված ու անհետ կորած հայերի թիվը հասավ 30 հազարի։

Քաղաքի փողոցներում մոլլաները բղավում էին. «Մեր Ղուրանի օրենքով և կայսեր հրամանով ամեն մի իսկական մահմեդական պետք է 25 անհավատ ջարդի և նրա ունեցվածքին ու կնոջը տիրանա»։

Տիգրանակերտ քաղաքի կոտորածները Մելյրիկն նկարագրում է հետևյալ կերպ. «... 12-ից պակաս էր հինգ բոպե... մկավեց կոտորածը, փողոցում լսվեց հետապնդողների աղմուկը... կոտորածը առանց դադարի տևեց 3 օր ու գիշեր այնպիսի ահագնությամբ, որ կենդանի մնացածներին իրենց փրկվելը հրաշք

էր թվում»։ Սպանությունները սկսվեցին «սալավաթ Մահմեդ» բացականչություներով, նշանակված ժամին, նախապես պայմանավորված ազդանշանով, առանց որևէ մեկի կողմից որևէ առիթի։ Ուրբաթ օրը բացարձակապես նվիրված էր շուկային։ Սկզբում սպանվեցին բոլոր այն քրիստոնյաները, ովքեր չէին հասցրել թաքնվել, իսկ ապա սկսվեց թալանը։ Ես տեսա քաղաքով անցնող քրդերի ու թուրքերի՝ բեռնված թաղման գործիքներով։

«Ինձ հավաստիացրին, որ թալանին մասնակցել են բոլորը, մեծից փոքր՝ ֆրդեր, զինվորներ, զավիրիներ և շատ բազմաթիվ մահմեդականներ։ Երբ շուկան թալանով դատարկվեց... խոչընդոտվեց։ Յերեկվա ժամը 2-ն էր։ Հրդեհը տևեց մինչև հաջորդ օրը... Բայց իսկական կոտորածը սկսվեց միայն շաբաթ օրվա առավոտյան։ Մինչև այդ քրիստոնյաներին սպանում էին փողոցներում, տների բակերում՝ նրանց վրա կրակելով պատուհաններից ու մինարեթներից։ Այդ օրը արևածագի հետ սկսվեց արյունահեղությունը և շարունակվեց մինչև կիրակի օրվա երեկոյան։ Նրանք (ջարդարարները) բաժանվել էին ջոկատների և գործի անցան սխտեմատիկաբար, տնից տուն անցնելով, բարեխղճությամբ շրջանցելով մահմեդականների տները։ Ջարդելով դռները՝ թալանում էին ամեն ինչ և, եթե տներում դեռ ապրողներ էին տեսնում, սպանում էին»։ «Ես իմ պատուհանից տեսա... զինվորների, զավիրիների, որոնք, միացած մահմեդականների ու քրդերի հետ, կրակում էին քրիստոնյաների վրա, իսկ վերջիններս զենքի էին դիմում միայն ինքնապաշտպանության համար»¹²։

Խարբերդի 55 գյուղերից ոչ մեկը զերծ չմնաց ավերածությունից։ Այստեղ իշխանությունները հանցագործ տարրերին չախապես զենք էին բաժանել, որոնք, գյուղացու հագուստ հագած, ոստիկանների հետ ոչնչացնում ու թալանում էին հայերին։ Հայկական որոշ գյուղեր դիմադրություն ցույց տվին, բայց ի վերջո սպանդից փրկվել չկարողացան։

Բալու քաղաքում սպանվեց 1200 հայ և առևանգվեց 250 կին։ Ակնի հայերի 1100 տներից ավերումներից զերծ մնացին միայն 140—150-ը։ Այդ քաղաքից ոչ շատ հեռու Եփրատ գետում ամերիկացիները տեսել էին բազմաթիվ դիակներ և, ինչպես ԱՄՆ-ի ներկայացուցիչ Գ. Բարնեմն է գրում, կոտորածները «կազմակերպել են պաշտոնական շրջանները՝ առանց որևէ պատճառի... Ձոհերը ոչ մի դիմադրություն ցույց չեն տվել և

թուրքերից ոչ մեկը չի սպանվել, բացի նրանցից, որոնք սպանվել են կողոպուտը բաժանելու առիթով ծագած ընդհարումների ժամանակ: Այդ մասերում քրդեր չեն եղել: Ամեն ինչ կատարել են քաղաքացիները (թուրքերը) և զինվորները: Կոտորածը տարածվել է նաև շրջակա գյուղերում...»¹³:

Ուրֆայում ջարդը սկսվեց 1895 թ. նոյեմբերի 6-ին, և առաջին օրը սպանվեց 125 հայ: Հասան փաշան դիմելով թուրքերին՝ կոչ արեց. «Ոտքի ելեք, զավակներս, ձեզ տրված է 48 ժամ, կոտորենք բոլոր գյավուրներին, նրանց հարստությունը ձեզ է պատկանում»¹⁴:

Ֆրանսիական «Դեղին գրքում» Ուրֆայի ջարդերի մասին գրված է, որ նոյեմբերի 13-ին ժամը 17-ին շորս թուրքեր մայր եկեղեցու բակում մորթում են հայ դրամափոխին՝ հայտարարելով, որ այդ սպանությունը կատարել են իշխանավորների հրամանով: Մահմեդականները բացեիբաց հայտարարում էին, որ հայերին պետք է կոտորեն: Հաջորդ օրը ոստիկանությունը մահմեդականներին գրգռելու համար լուր տարածեց, որ գիշերը հայերը կրակել են Բուրքերի վրա: Հայերը փակվեցին իրենց տներում: Թուրքերը զինվորների օգնությամբ սկսեցին թալանել ու քանդել հայերի խանութները: Հայերը կարողացան հետ մղել խուժանի գրոհը: Հաջորդ օրը իշխանությունները քաղաք բերեցին թուրք գյուղացիների, նրանց զինեցին և քեչցին հայկական թուղերի վրա: Բայց այս անգամ էլ հայերը դիմակայեցին: Զորքին հրամայվեց շրջապատել այդ թաղերն ու հայերին մեկուսացնել դրսի աշխարհից: Զորեքշաբթի օրը ձերբակալեցին քաղաքի երեկելի հայերին և նրանցից պահանջեցին իշխանություններին հանձնել 1800 հրացան ու այլ զենքեր: Թուրքերին հաջողվեց հայերի մոտ եղած զենքերը խաբուսությամբ հավաքել: 1896 թ. հունվարի 16-ին հայկական թաղերը շրջապատեցին 3000 զինվորներ՝ 1500 համիդիե զինված ավերի հետ միասին: Հայերը կոտորվեցին, նրանց թաղերը թալանվեցին ու կործանվեցին:

«Դեղին գրքում» նշվում էր, որ «Այս ամենը կատարվեց հանուն մարգարեի և երկրի վրա նրա սուվերի՝ սուլթանի»: Հաջորդ օրերին ջարդերը շարունակվեցին: «3000 խելագարված հայեր փրկություն փնտրեցին մայր տաճարում: Մեծամասամբ կանաչք, աղջիկներ, երեխաներ էին... Կարելի էր մտածել, որ այդ ջերմեռանդները կիսնայեն սրբությունը: Ոչ, նրանք կացնով

խորտակեցին դուռը: Ներս մտնելով նրանք սպանեցին որքան կարողացան... Վերջապես, ոչնչացման գործը ավարտելու համար շաբազործները նավթ բերեցին և լցրեցին այդ դժբախտների շուրջը... Տաճարը հրդեհեցին և բոլոր նրանք, ովքեր ազատվել էին զենքից, զոհվեցին կրակի մեջ: Այդ նույն ժամանակ մուլան տաճարի տանիքից երախտագիտություն էր հայտնում Մուհամմեդին»¹⁵:

Հունվարի 16—17-ին Ուրֆայում զոհվեց 10 հազար հայ: Վարչակազմի հրամանով հրեաները մեկ շաբաթ շարունակ փողոցներից հավաքում էին դիակները և լցնում փոսերի մեջ:

Մուշում մի պաշտոնատար անձ հրապարակավ հայտարարեց, որ մենք քրդերին հրամայել էինք հայերին սպանել, իսկ նրանք ավելի շատ թալանել, քան սպանել էին¹⁶:

Արաբկիրում ևս թուրքերը քրդերին մեղադրում էին, որ նրանք վատ են կատարել մինչև 7 տարեկան բոլոր հայերին ոչնչացնելու հրամանը, որովհետև հրապուրվել են թալանով:

Պ. Ի. Բելյակի կարծիքով, կոտորածների դժոխսային մեքենան գործում է հետևողականորեն և հարկադրում է մտածել, որ մենք գտնվում ենք ոչ թե մարդկային հասարակությունում, այլ սպանողանոցում, որի սարսափելի պտուտակը արագությունը իրար հետևից հրապարակ է հանում սպանություն, թալան, հրդեհ, բռնաբարություն, խոշտանգումներ¹⁷:

Ամենուրեք «զինվորներն ու ավազակները հարյուրներով մտնում են տները և պահանջում հանձնել տղամարդկանց: Զինվորները կրակում էին (տների) պատուհաններից ներս, ավազակները տղամարդկանց մորթում և մասերի են բաժանում նրանց կանանց ու երեխաների աչքի առաջ»¹⁸:

Մի քանի բնակավայրերում հայերին գցում էին կրակի մեջ, մյուսներին կախում էին գլխիվայր ինչպես ոչխար և քերթում էին մաշկը, երրորդներին կացնով ու մանգաղով կտրատում էին, մաս-մաս բաժանում, շորրորդների վրա նավթ էին լցնում և այրում: Վերջիններիս վրա «ղնում են ուրիշ զոհերի, որոնք խելգրվում են ծխից: Շատերին կենդանի հորում են, մյուսներին զրլխատում են և գլուխները շարում երկար ձողի վրա»: 50-ական հայերի պարանով իրար կապում ու գնդակահարում էին, ապա նրանց դիակները մասնատում կացնով կամ սրով: Պոկում էին կանանց կրծքերը, նրանց քառատում, կանանց մազերի մեջ վառող էին լցնում և այն բոցավառում¹⁹:

Բելլակը շարունակում է. «Մարդու մաղերը բիզ-բիզ են կանգ-
նում կոտորածների ժամանակ տեղի ունեցած սարսափներից...
Եվրոպացիներին նույնիսկ դժվար է հասկանալ այնպիսի գազա-
նությունների հոգեբանությունը, ինչպիսիք են դիակների մանրա-
տումն ու նրանց ծաղրելը, սպանվածի վրա սեռական կրքերին
հագուրդ տալը, հղի կանաց արգանդը բացելն ու պտղին
սպանելը: Դա բարբարոսության ու այլասերվածության խստ-
նորդ է... Տրապիզոնում... Թուրքերը մտան մսի կրպակ, հար-
ձակվեցին մսավաճառի ու նրա որդու վրա... կտրեցին նրանց
ձեռքերը, ոտքերը, գլուխը, երկուսին մանր մասերի բաժանե-
ցին, դրանք կախեցին և դիմելով անցորդներին, բղավում էին՝
«Ի՞նչ եք ուզում, ո՞ւտք, ձե՞ռք, գլո՞ւխ: Գնեցե՛ք: էժան կտանք»:
Սվազից գրում են, որ հայերից մեկը փրկվելու համար գնում է
իր հարևան թուրքի մոտ: Վերջինս նրան սարսափելի
տանջանքներով սպանում է, սկզբում կտրելով քիթն ու ականջ-
ները, ապա հանելով աչքերը: Խարբերդում հաջի Բեգոն, որ
սպանել էր 100 հայ, իր ավազակներին հանձնարարում է հայ
կնոջ մարմինը բաժանել շքու մասի և կախել սյուներից: Աղթամա-
րում ոմն Ջեվիթ երկու եղբայրների իրար է կապում, մեխում
գետնին և այդպես սպանում: Բայբուրդում վայրենիները հրճ-
վում էին նրանով, որ սուրը մտցնում էին վերավորի կուրծքը
կամ վիզը և նրան պտտում որպես հողմահար²⁰:

Սվազում Ֆրանսիայի փոխհյուպատոս Քառնիեն գրում
է, որ քաղաքում սպանվածների մեջ գնդակահարվածների թի-
վը շատ փոքր էր: Գրեթե բոլորի գանգերը ջարդված էին
կացնով, փայտով, երկաթյա իրերով: Վերավորվածների թիվը
չնչին էր, որովհետև բոլորին սպանում էին: Հաջորդ օրը
քաղաքի իշխանությունները դադարեցրին կոտորածները, հայ-
տարարելով, որ «երեկ մահմեդականի պարտքը նրան պար-
տավորեցնում էր սպանել, և թալանածը նրա պարգևատրու-
թյունն է: Այսօր ամեն ինչ պետք է վերջացվի»²¹:

Այսպիսով, կոտորածների կազմակերպիչը կառավարությունն
էր, բայց խորամանկորեն հանցանքը գցում էր իր հրամանները
կատարողներին՝ թուրք և քուրդ ամբոխի և առանձին պաշտոն-
յաների վրա:

Վերևում արդեն ասվեց, որ իրենց արկածախնդրական քա-
ղաքականությամբ սուլթանի ջրաղացին օբյեկտիվորեն ջուր էին
լցնում դաշնակցականները: Դրա ամենաբնորոշ օրինակը օս-

մանյան բանկի գրավումն էր 1896 թ. օգոստոսի 14-ին: 30 հա-
յեր մտնում են այդ բանկը, փսկում նրա մուտքերը և պահանջ
ներկայացնում հայկական վիլայեթներում բարենորոգումներ
կատարելու մասին:

Սուլթանը չհապաղեց այս առիթն օգտագործել: Նրա հրա-
մանով խուժանին զինեցին և հարձակման տարան հայկական
թաղերի վրա: Սկսվեց կոտորածն ու կողոպուտը: Դեպքերին
ականատես 0. Կայդանովյան գրում է, որ երկու օր շարունակ
«հայերի ջարդը շարունակվում էր լայն շափերով»: «Ոստիկա-
նությունը ինքը հորդորում և մասնակցում էր կոտորածներին:
Ձինվորական պահակները... օժանդակում են մարդասպաններին»:

«Միանգամայն պարզված է, որ ջարդերը կատարել է կառավա-
րության կողմից նախօրոք կազմակերպված խուժանը՝ ոստիկա-
նական պաշտոնյաների ղեկավարությամբ»: Ապա նա շարունա-
կում է. «Այս բոլորը կատարվեց արտակարգ արագ, չէր լսվում
մահացողների ոչ մի ձիչ, ոչ մի հառաչանք: Նրանց խրձերի
պես լցնում էին սայլերը՝ մեկը մյուսի վրա... տեսանք, որ նըր-
բանցքից դուրս եկան հսկայական սայլեր՝ ոտքից գլուխ բեռն-
ված սպանվածների դիակներով: Նրանցից ոմանք կարճես շարժ-
վում էին...»: Խուժանը, բացի մահակներից, ուրիշ զենք չունե-
րանք միևնույն ձևը և միևնույն երկարությունն ունեին և պատ-
րաստված էին հատկապես այդ գործի համար:

Մահակները շատ օրեր առաջ բաշխված էին տարբեր ոս-
տիկանական կետերի: «Ամեն ինչ պատրաստված էր նախապես՝
մարդասպանները, մահակները, լրտեսները և սայլերը: Բոլորը
շարժվում էին և բոլորը կանգ էին առնում հատուկ ազդանշա-
նով»²²:

* * *

Սակայն մի քանի քաղաքներում ու բնակավայրերում սուլ-
թանի ջարդարար քաղաքականությունը հայերի կողմից հակա-
հարված ստացավ:

Օսմանյան յաթաղանի դեմ նորից անսասան կանգնեց հե-
րոսական Ջեյթոնը:

1895 թ. հոկտեմբերի 22-ին Մարաշի կառավարիչ Աս-

լան բէյը: Արեգին գյուղում նա փորձում է ձերբակալել 1892 թ. ապստամբութեան հերոսներից մեկի՝ Խաչեր Կարապետյանի որդուն, բայց գյուղի զինված ջոկատն այդ թույլ չտվեց: Իշխանութուններին դա վտանգավոր ու անհանդուրժելի թվաց: Նրանք սկսեցին ուժեր կուտակել Զեյթունի հայ բնակչությանը ոչընչացնելու համար: Թուրքերի այդ դիտավորությունն իմանալով, գեյթունցիները նախապատրաստվեցին սպառնացող վտանգին դիմակայելու, իրենց կյանքն ու պատիվը պաշտպանելու համար: 1895 թ. հոկտեմբերի 12-ին Մուսթ Չոր կոչված վայրում տեղի ունեցավ ինքնապաշտպանության ղեկավարների խորհրդակցություն, որը որոշեց՝ սպառնացող վտանգը կանխելու նպատակով նախահարձակ լինել՝ շարժվել Զեյթուն և հարձակվել թուրքական զորանոցի վրա:

Ջահան և Բերդուս գետերի միացման վայրում տեղի ունեցավ գեյթունցիների առաջին լուրջ բախումը օսմանյան ուժերի հետ, որը չորս ժամ տևեց: Թշնամին զգալի կորուստներ տվեց, իսկ հայերը քաշվեցին լեռնաշխարհի խորքերը:

Հոկտեմբերի 15-ին Նշանի ղեկավարած ջոկատը գրավում է կառավարչատունը և գերում թուրք պաշտոնյաներին: Ստեղծվում է ինքնապաշտպանության շտաբ, որը հաստատվեց ս. Աստվածածնի վանքում: Հաջորդ օրը 2000 գեյթունցիներ շրջապատեցին թուրքական զորանոցը, որը կարողացավ միայն մեկ օր դիմադրել: 700 թուրք զինվոր ու սպա գերի հանձնվեցին, որոնց փակեցին կառավարչատանը, իսկ նրանց կանանց ու երեխաներին ազատ արձակեցին: Հայերի ձեռքն անցավ երկու հրանոթ, 2500 հրացան, 120 հազար փամփուշտ, մեծ քանակությամբ վառոդ, ինչպես նաև սննդամթերք, հագուստեղեն և այլն: Զորանոցի վրա բարձրացավ կարմիր դրոշը, որի վրա գրված էր՝ «Զեյթունի անկախ իշխանություն»: Հոկտեմբերի 19-ին ստեղծվեց Զեյթունի ժամանակավոր կառավարություն և ռազմական խորհուրդ: Ապստամբության փաստացի ղեկավարը Նազարեթ Զաուշն էր՝ ռազմավարական փայլուն ընդունակություններ ու քաջություն ունեցող մի գործիչ:

Զեյթունի իրադարձությունները բուռն արձագանք գտան ոչ միայն Հալեպում ու Մարաշում, այլև Կ. Պոլսում. «Ապստամբ լեռան» անհավատներից՝ հայերից վրեժխնդիր լինելու համար իշխանությունները նոյեմբերի 5-ին՝ «արյունոտ երկուշաբթի»

օրը դաժան հաշվեհարդար տեսան նրա քաղաքի խաղաղ բնակչության հետ: Ոչնչացվեց ավելի քան 1000 հայ:

Միևնույն ժամանակ թուրքական 30 հազ. կանոնավոր զորքը և նույնքան էլ բաշիբոզուկներ՝ դահիճներ, Թեմզի փաշայի և Ալի բեկի հրամանատարությամբ, երկու ուղղություններով շարժվեցին Զեյթունի վրա: Առաջին բախումը տեղի ունեցավ Կապանում: Հայերը չորս ժամ դիմադրեցին, բայց ընկրկելով թշնամու գերակշիռ ուժերի առաջ, հետ քաշվեցին դեպի Ֆոնուզ: Դեկտեմբերի 2-ին Ալի բեկի զորքերը ներխուժեցին Ֆոնուզ: Քաղաքի բնակչությունը Ապահի և Բարդուղիմեոս վարդապետների ղեկավարությամբ երեք օր մարտնչեց թշնամու գերակշիռ ուժերի դեմ, որից հետո շրջապատման շղթան ճեղքեց ու հասավ Զեյթուն: Թուրքերը դաժան հաշվեհարդար տեսան քաղաքից դուրս գտնվող, ինչպես նաև հարևան գավառների ու Մարաշի հայ ազգաբնակչության հետ: Մեծ թվով կանայք բռնվեցին Մարաշ, որոնց մի մասը թուրքական դադանություններից ազատվելու համար անդունդը նետվեց: Այդ ընթացքում Թեմզի փաշան 40 հազարանոց բանակով ու 13 թնդանոթներով Ջահան գետի կողմից շարժվեց դեպի Զեյթուն:

Չնայած հայերի հերոսական դիմադրությանը, թշնամուն հաջողվեց ղեկտեմբերի 2-ին գրավել ս. Փրկիչ վանքն ու այն հրդեհել: Ահագնացող վտանգը գեյթունցիներին հարկադրեց զինել ամբողջ ազգաբնակչությանը, իսկ ովքեր ի վիճակի չէին զենք կրելու, վառող ու սննդամթերք էին մատակարարում կրավողներին: Այդպիսով կովոդների թիվը հասցվեց վեց հազարի: Զեյթունը պաշտպանության կանգնեց:

Դեկտեմբերի 3-ին թշնամուն հաջողվեց տիրել քաղաքի վրա իշխող բարձունքներից մեկին և հայերին հարկադրել նահանջելու դեպի այգիներն ու զորանոցը: Պաշտպանների մեջ խուճապի նշաններ երևացին: Այդ ժամանակ պաշտպանության առաջին գծում երևաց Զեյթունի ալեգարդ իշխան Կ. Բասիլոսյանը, որին հաջողվեց ոգևորել հայերին և նրանց հակահարձակման տանել: Սանդուխ լեռան վրա նրանք ոչնչացրին թշնամու ավելի քան 1000 զինվոր ու սպա: Թուրքերը նահանջեցին:

Սակայն հայերի վիճակը գնալով ծանրանում էր: Զեյթուն քաղաքում ազգաբնակչության (մասնավորապես կանանց և երեխաների) այնպիսի մեծ կուտակում էր առաջացել, որ լուրջ դժվարություններ էր ստեղծել պաշտպանների համար: Ալի բեյը

ևս Յունուզը կողոպտելուց ու ավերելուց հետո շարժվեց Զեյթունի վրա:

Օգտվելով այն բանից, որ քաղաքի կովող ուժերը գտնվում էին պաշտպանական դիրքերում, ապստամբություն են բարձրացնում հայերի կողմից գերի վերցված 500 թուրք զինվորները: Սակայն քաղաքը հրդեհելու նրանց փորձը ձախողվում է: Զեյթունում մնացած կանայք, զինված կացիներով ու դանակներով, հարձակվում են հրձիգների վրա, նրանց մեծ մասին կոտորում և հանգցնում հրդեհը:

Դեկտեմբերի 6-ին Ալի բեյի զորքերը մոտեցան Զեյթունին, սակայն հայերին հաջողվեց հնարամիտ գործողություններով շփոթության մատնել թշնամուն և նրան հարկադրել, մեծ կոտուտներ տալով, խուճապահար փախչել:

Հաջորդ մի քանի օրերին ևս զեյթունցիներին հաջողվում է հետ մղել թուրքերի հարձակումները, սակայն վրա հասնող սառնամանիքները, սննդամթերքի և մասնավորապես աղի պակասը նրանց ծանր կացության առաջ կանգնեցրին: Գլուխ բարձրացրին նաև համաճարակները:

Բանակցությունների միջոցով ստեղծված իրավիճակից դուրս գալու փորձը ձախողվեց. թուրքական հրամանատարությունը անհաշտ դիրք գրավեց և Ռեմզի փաշայի ու Ալի բեյի միացյալ ուժերը 18 թնդանոթներով հարձակման անցան: Վիճակն անհուսալի էր: Սակայն զեյթունցիները շքեղությամբ և անկասկածաբար շոկատը, օգտվելով ձնախառն մրրիկից, թուրքական համազգեստ հագած, գիշերով աննկատ դուրս եկավ քաղաքից և թիկունքից գրոհեց թուրքական զորքերի վրա: Թուրքերը խուճապի մատնվեցին և սկսեցին իրար կոտորել: Հաջորդ օրը, սակայն, թուրքերին հաջողվեց գրավել քաղաքի զորանոցը: Իայց նրանք վախեցած էին և խուսափում էին վճռական գործողություններից, իսկ Ալի բեյը նույնիսկ հետ քաշեց իր ուժերը:

Մարտերից մեկի ժամանակ ծանր վիրավորվում է Ռեմզի փաշան: Տևեղի մեջ էա մի հեռագիր է ուղարկում Կ. Պոլիս, նոր համալրումներ ստանալու խնդրանքով: Կատաղած սուլթանը Ռեմզի փաշային անմիջապես պաշտոնանկ է անում և զորքերի հրամանատար նշանակում 5-րդ բանակի հրամանատար էթհեմ փաշային, որը զեյթունցիներին ահաբեկելու համար կատաղի ու անընդմեջ հարձակումներ է սկսում: Սակայն Զեյթունին ընկճել այդպես էլ չի հաջողվում: Մարտական գործողություններ

րի շորս ամիսների ընթացքում հայերը կորցրել էին 3,5 հազար, իսկ թուրքերը՝ մոտ 20 հազար մարդ, որոնց մեծ մասը զոհվել էր ցրտից ու համաճարակից²³: Ոչ միայն այդ, այլև միջազգային ասպարեզում կայսրության համար ստեղծված բարդ իրավիճակի հետևանքով (հունական մի խոշոր բանակ կանգնել էր Թրակիայի սահմանի վրա՝ մտադրություն ունենալով ներխուժել կայսրություն) սուլթանը գործնական քայլերի դիմեց՝ Զեյթունի հարցը շուտափույթ կարգավորելու համար: Էթհեմ փաշան հրաման ստացավ դադարեցնել պատերազմական գործողությունները: Գործին միջամտեցին նաև մեծ տերությունների ներկայացուցիչները: Հունվարի վերջերին լեոնաշխարհ եկան ռուսական, անգլիական, ֆրանսիական և իտալական հյուպատոսները, որոնք պետք է միջնորդի դեր կատարեին կովող կողմերի միջև: Թուրքական կողմը պահանջում էր ապստամբության ղեկավարներին պատժել, իսկ մյուսներին՝ ներում շնորհել: Հայերը վճռականապես մերժեցին այս առաջարկությունը և սպառնացին վերսկսել մարտական գործողությունները: Թուրքերը հարկադրված էին տեղի տալ: Ինն օր տևած բանակցություններից հետո, հունվարի 30-ին համաձայնագիր ստորագրվեց, ըստ որի՝ ընդհանուր ներում էր շնորհվում բոլորին, դրսից եկած հնչակյանները պետության ծախսով պետք է հեռանային Զեյթունից, փախստական գյուղացիներն ու զինված ջոկատների անդամները կարող էին վերադառնալ իրենց բնակավայրերը: Զեյթունում նշանակվելու էր քրիստոնյա կառավարիչ, ոստիկանական և նման այլ պաշտոնյաներ նշանակելիս առավելությունը տրվելու էր զեյթունցիներին: Նրանք պետք է վերադարձնեին գրաված զենքերը: Չեղյալ էին հայտարարվում զեյթունցիների պարտքերը: Մարաշում ստեղծվելու էին տերությունների հյուպատոսություններ, որոնց վրա էր դրվում այդ համաձայնության կատարման վերահսկողությունը:

Իշխանություններն ու անգլիական դիվանագետներն ամեն միջոցի դիմեցին համաձայնագրի կատարումը վիճեցնելու համար: Չնայած դրան, դժվար է գերազնահատել զեյթունցիների հաղթանակի ինչպես հոգեբանական, այնպես էլ քաղաքական նշանակությունը: Զեյթունցիների այս խիզախության շնորհիվ Փոքր Ասիայի արևմտյան եզրերներին առաջացող ջարդը կասեցվեց, և հնարավոր եղավ փրկել Կիլիկիայի ամենաբարգավաճ քաղաքը՝ Ադանան²⁴:

Ամբողջ Արևմտյան Հայաստանով տարածված զանգվածային կոտորածների ծովում բարձրացավ մարանշոդ Զեյթունը, որը գինքով ու հերոսությամբ ապացուցեց ապրելու իր իրավունքը:

1896 թ. հունիսի 3—9-ը Վանում ու նրա վիլայեթում ոչընչացվեց 30 հազար հայ: Բայց, եթե վիլայեթի գյուղերը շկարողացան թշնամուն լուրջ դիմադրություն ցույց տալ և մոտ 100 գյուղ ավերվեց, ապա Վան քաղաքի 25 հազար հայերը կենացումահու կոմի ելան: Ի դեպ, այստեղ էին ապաստան գտել գյուղերից փախած մեծ թվով հայեր:

Թուրքերը երկմտում էին, չէին համարձակվում Վանում կոտորածներ սկսել: Սուլթանը 1896 թ. հունվարին Վան ուղարկեց Ֆերիկ Սաաէդդին փաշային, որը նախապատրաստեց թուրքական և քրդական ուժերը Վանի հայության հետ հաշվեհարդար տեսնելու համար: Սկսած 1896 թ. գարնանից Վանում գրեթե ամեն օր սպանությունների ու կողոպուտների դեպքեր էին տեղի ունենում:

Հունիսի 3-ին քաղաքում զգալի թվով հայեր ձերբակալվեցին և Հակոբ գյուղի մոտ տանջամահ արվեցին: Քաղաքի թուրքերին ու քրդերին մեծ քանակությամբ զենք բաժանվեց. մզկիթներում մոլլաները մահմեդականներին կոտորածի էին կոչում: Ամբոխը, զինված կացիներով, սրերով ու փայտերով՝ սպանում, թալանում ու հրդեհում էր հայերին ու նրանց ունեցվածքը: Ղալիբ փաշան, պաշտպանություն խոստանալով, իր տանն է հավաքում 770 հայի և նրանց բոլորին հանձնում խուժանին հոշոտելու: Նույն այդ խուժանը կոտորում է ս. Հակոբ եկեղեցու զբոսները, ոչնչացնում այնտեղ պատսպարված հայերին և հրկիզում եկեղեցին:

Շուտով Վան հասավ Բիթլիսի աղետի գուլժը: Վանի ազգաբնակչությունը շփոթվեց ու խուճապահար եղավ, որի հետևանքով զգալի կորուստներ տվեց: Սակայն Ս. Ավետիսյանի, Մ. Սարուխանյանի (Մարտիկի) և Ա. Պետրոսյանի (Պետոյի) ջանքերի շնորհիվ հաջողվեց պաշարի միասնական ճակատ ստեղծել հայկական թաղամասերի վրա հարձակվող թուրքական զորքերի, համիդիների հրոսակների և զավառներից եկած բաշիրոզուկների դեմ: Հայ ավագանու ժողովը որոշեց թշնամուն դիմադրել մինչև արյան վերջին կաթիլը:

Եվ իսկապես, ամենուրեք, բոլոր փողոցներում ու տներում հայերն ընկնում էին կոմիլով: Այգեստանը ինքնապաշտպանու-

թյան էր կանգնել՝ ցույց տալով հերոսության և հնարամտության փայլուն օրինակներ: Այգեստանում բոլոր հայերը զինվել էին, ով ինչով կարող էր: Կովոզների շարքերում հերոսաբար մարտնչում էին նաև կանայք: 1500 զինված երիտասարդներ բաժանված էին 35 ինքնապաշտպանական խմբերի: Թուրքական թաղերի հարևանությամբ գտնվող փողոցներում կառուցվեցին ուժեղ ամրացված ավելի քան երեսուն դիրքեր, որոնց շնորհիվ հետ մղվեցին թշնամու գրոհները: Հունիսի 5-ին մեծաքանակ զինված ուժերով Վան մտավ հայտնի ավազակապետ Շաքիր աղան, որը, միանալով քաղաքի շարդարարներին, հարձակման անցավ Այգեստանի վրա: Հայերը հաջողությամբ պաշտպանվում էին՝ թուրքերին նույնիսկ փախուստի մատնեցին²⁵:

Վերջիններս զինազաղար առաջարկեցին: Հունիսի 6-ին նրանք անզլիական հյուպատոսի միջոցով վանեցիներից պահանջեցին հանձնել ինքնապաշտպանության 10 ղեկավարներին և իրենց մոտ եղած զենքերը: Հայերը մերժեցին կատարել այդ պահանջը: Թուրքերը վերսկսեցին հարձակումը, բայց նորից անհաջող: Հունիսի 8-ին թշնամին հարձակման տարավ իր տրամադրության տակ եղած բոլոր ուժերը, իսկ թնդանոթները ուժեղացրել էին Այգեստանի թաղերը:

Ի վերջո Վանի ինքնապաշտպանության ղեկավարները հավաքվեցին խորհրդակցության և, հաշվի առնելով ստեղծված իրավիճակը, զենքի, ռազմամթերքի և սննդամթերքի պաշարների սպառման վտանգը, որոշեցին ընդունել թուրքական ռազմական իշխանությունների պայմանները՝ դիմադրությունը դադարեցնելու և սրաշտպանության կազմակերպիչների Պարսկաստան հեռանալու մասին: Իշխանությունները խոստանում էին չհետապնդել հեռացողներին և երաշխավորել հայերի ապահով մեկնումը մինչև պարսից սահմանը: 1896 թ. հունիսի 8-ին 1500 զինված ու անզեն հայեր, Մ. Ավետիսյանի և այլոց ղեկավարությամբ, դուրս եկան քաղաքից և շարժվեցին դեպի Վարազա լեռները: Նրանց միացան 600—700 անզեն հայեր: Սակայն նենգամիտ Սաաէդդինը ս. Բարդուղիմեոս վանքի մոտ շրջապատեց նրանց և տեղի ունեցած անհավասար մարտում հայերի մեծ մասին, այդ թվում նաև Մ. Ավետիսյանին, կոտորեց: Միայն 30—35 հոգի կարողացավ ազատվել և անցնել Պարսկաստան: Իսկ Մարտիկի ու Պետոյի 80 հոգուց բաղկացած խումբը մեկ շաբաթ պատսպարվեց Վարազա լեռներում, ապա փորձեց շարժվել

պարսկական սահմանը, բայց ճանապարհին պաշարվեց թուրքական ուժերի կողմից և մինչև վերջին մարդը զոհվեց: Այնուհետև թուրքական իշխանությունները Վանում կազմակերպեցին անգլեն հայերի սոսկալի շարդեր: Նրանք ոչնչացրին հազարավոր անմեղ մարդկանց, ավերեցին դպրոցներ, հարյուրավոր տներ, հրո ճարակ դարձրին Հայկավանքի, ս. Հակոբի, Հանկոյաների եկեղեցիները, կործանեցին Այգեստանի մեծագույն մասը²⁶:

Մալաթիայում, սկսած 1895 թ. հոկտեմբերից, իշխանությունները թուրքական և քրդական գյուղերում մարտական զենք ու ռազմամթերք էին բաժանում և մահմեդական ազգաբնակչությանը նախապատրաստում կոտորածների: Զգալով վտանգը, հայերը դադարեցրին աշխատանքը և փակեցին կրպակները:

Հոկտեմբերի 23-ին քաղաքի կառավարիչ Ռզա փաշան կառավարչատուն է հրավիրում հայկական համայնքի ազդեցիկ գեմքերին և առաջարկում հավատափոխ լինել: Հայերը հրաժարվում են կատարել այդ առաջարկը: Նրանք բոլորը տեղնուտեղը ոչնչացվում են: Թուրքերը նրանցից մեկի մարմինը կտոր-կտոր անելով կախում են հրապարակում և ազգաբնակչությանը առաջարկում գնել «10 փարաջով»:

Մալաթիայի հայկական թաղերում պաշտպանական աշխատանքներ սկսվեցին: Թուրքերը հարձակման անցան, բայց հետ շարտվեցին, իսկ Չաթալբանդ թաղամասում հայերին հաջողվեց ոստիկանությանը փախուստի մատնել: Թուրքերը զինադադար են հայտարարում: Բայց դա խաբուսիկ զինադադար էր և երկար շտեկեց: Մարտերը շարունակվեցին երկուստեք հաջողություններով: Հատկանշական է, որ այդ կռիվների ընթացքում որոշ քրդեր և առանձին թուրքեր կոչվում էին հայերի հետ կողք կողքի: Թուրքերը հրդեհեցին հայկական թաղերը՝ 2 հազար տուն այրվեց, 3 հազար մարդ զոհվեց:

Ինքնապաշտպանության կանգնեցին ոչ միայն քաղաքների, այլ նաև մի շարք գյուղերի բնակիչները: Այդ առումով բնորոշ է Զարսանջակի գյուղացիների դիմադրությունը: Գավառի իշխանությունները տեսնելով, որ շարսանջակցիները հետ են մղում շարդարարների գրոհները, դիմում են խորամանկության: Նրանց հաջողվում է խաբուսիցյամբ ոստիկաններին գյուղ մտցնել: Սկսվում է կոտորածը, թալանն ու ավերածությունը:

Մարզվանում զինված ամբոխը, զորքն ու մոտակա գյուղերից բերված խուժանը գրոհեցին հայկական թաղամասերի վրա, սակայն հանդիպելով համառ դիմադրության, նահանջեցին: Համալրում ստանալով թուրքերը պաշարեցին հայկական թաղերը, սակայն օրեր շարունակ չէին համարձակվում հարձակվել: Բայց զինամթերքի ու ջրի պակասն իր սև գործն արեց: Հայերի դիմադրությունը ճնշվեց: Գրեթե բոլորը սպանվեցին:

Հայերի դիմադրությունն այս և մի քանի այլ վայրերում ի վիճակի չեղավ փակելու զանգվածային կոտորածների ճանապարհը: Զանգվածային շարդերը մահաբեր ուրվականի նման անցնելով հայաշատ շրջաններով, 1896 թ. օգոստոսին իրենց ժանիքները նորից խրեցին պոլսահայության կոկորդը: Օգոստոսի 1-ին օսմանյան բանկի դեպքերը, սուլթանի հրամանով միայն 4. Պոլսում ոչնչացվեց 10 հազ. հայ:

1894—1896 թթ. ընթացքում կոտորվածների թիվը սովորաբար հաշվվում է 300 հազ. մարդ, բայց, օրինակ, անգլիացի մասնագետ Ու. Ռամզեյի կարծիքով կոտորվել է 500 հազար մարդ: Ժակ Մորգանը գտնում է, որ սպանվել է 200 հազար, բռնի մահմեդականացվել է 100 հազար մարդ, իսկ 100 հազ. կին և աղջիկ թշվել են հարեմները: Ֆրանսիացի էմիլ Անտուանը հաշվում է 250 հազար սպանված: Ռուս գիտնական Գուտորի հաշվումներով քանդվել ու ավերվել է 50 հազար տուն և 8 հազար գյուղ, որք ու անապատան մնացել 100 հազար երեխա: Ս. Իզմիրյանի խոսքերով «ամբողջ հայ ժողովուրդը սուղվում է արյան մեջ»:

Տաժանակիր վիճակ էր սպասվում կենդանի մնացածներին: Մուշում Անգլիայի փոխհյուպատոսը 1895 թ. դեկտեմբերին գրեց, որ Դիարբեքի մոտակայքի գյուղերի քրիստոնյա բնակչությունը, մահվան սպառնալիքով, մահմեդականացվել է: «Իշխան Լոբանովը նույնիսկ նյութեր է հավաքում այդ կապակցությանը Բ. Դոանը բողոք գրելու: Հետագայում փաստերը հաստատվեցին...»²⁷:

Դիարբեքի Բերեջիկում «մինչև կոտորածի օրը (հունվարի 1-ը) եղել է 240 տուն, կոտորածից հետո մնացել է 150 քրիստոնյա, մյուսները, թվով 1500 հոգի..., իրենց հարազատների արնաթաթախ դիակների առաջ և ամբոխի սպառնալիքների պատճառով դարձան մահմեդական»²⁸,

Անկարայում ֆրանսիական հյուպատոսը գրում է, որ ֆա- նատիկոսները այրիացածներին ու որբերին հարկադրում էին ընդունել մահմեդականություն, հրաժարվողներին անմիջապես սպանում էին: Բայց ոչ միայն կրոնափոխ էին անում, այլև ստրկացնում էին, վաճառքի հանում: Այդ մասին բազմիցս հիշատակել են ֆրանսիական հյուպատոսները Օրֆից, Ալեքսանդրեթից, Հալեպից: Դեռ 1890 թ. նոյեմբերին հյուպատոս Պոնյունը հայտնում է, որ Հալեպում գրեթե հրապարակավ վաճառվում էին հայ աղջիկներ²⁹:

Ոչնչացվեցին ու կողոպտվեցին բազմաթիվ հնություններ, ճարտարապետական հուշարձաններ, հին ձեռագրեր ու գույք: Հին ձեռագրերի արծաթյա կազմերն ու արծաթյա իրերը ձուլում էին, դրանցից գոտիներ և այլ զարդեր պատրաստում:

«Ավելի լավ էր մեռնեիր,— գրում է արաբկիրցի մի կին,— ի՞նչ է մեր այժմյան կյանքը: Մեր աչքի առաջ միշտ այդ տարսափելի տեսարաններն են, ամբողջ ժամանակ մենք տեսնում ենք, թե այդ գազանները ինչպես են սպանում ու թալանում անմեղ մարդկանց... Աստված: Աստված: Ծ՞րբ ենք մենք գաղարելու լաց լինել»³⁰:

Կործանելով հազարավոր շենքեր, սպանելով խաղաղ հայ բնակչությանը, կատարելով աներեակայելի բռնություններ և անասնական սանձարձակություններ, պղծելով քրիստոնեական սրբությունները և մահմեդականացնելով հայերին, թուրքերը միաժամանակ իրենց կամակատար մամուլի օրգանների օգնությամբ հավատացնում էին աշխարհին, որ իրենք միայն պաշտպանվում են հայկական «խոռվություններից», որ հայերը հարձակվել են «կառավարական շենքերի» և նույնիսկ «մզկիթում աղոթող մահմեդականներին» վրա:

Թուրքական այդ սուտը նկատի ունենալով, Տյուտչըր գրեց.

Նորից Արևելք ծխում է թարմ արյունով,
Նորից կոտորած է, ամենուրեք ողբ ու արցունք:
Ծվ նորից ճիշտ է քեֆ անող մարդասպանը,
Իսկ գոհերը հանձնվել են շարխոտություն:

1894—1896 թթ. կոտորածները ամայացրին Արևմտյան Հայաստանի բազմաթիվ բնակավայրեր: Կոտորածներին ուղեկցեց ու հաջորդեց զանգվածային արտագաղթը: Հայ ազգաբնակչու-

թյունը ահաբեկված հեռանում էր իր հայրենիքից, հեռանում էր՝ իրեն հանձնելով անորոշ վաղվան:

Կոտորածների ականատես թուրք մտավորական Եկենը գրում է. հայերից շատերը «Ամերիկա կամ Եվրոպա գաղթել ուզեցին, իրենց հետևում ձգելով հայրենիք, հարազատներ ու բարեկամներ: Գաղթել ուզեցին ոչ թե հանուն գաղթելու սիրո կամ իրենց երկիրը շիրիլու համար, այլ հուսահատվելով ու փախչելով թուրքերի ստեղծած անտանելի վիճակից... Բռնապետերը գաղթի համար հայերի առաջ դռները բաց էին արել...»³¹:

Գ. Ա. Չանիշևի «Հանդիպում հայ գաղթականների հետ» նամակում կարդում ենք. «Ծս նորից տեսա ժողովրդի թափառական, արդեն ծանոթ պատկերը, որն անօգնական այս ու այն կողմ է ընկնում արդեն երեք տարի, շիմանալով բարբարոս հետապնդումներից որտեղ թեքի գլուխը... շարժվում է խայտաբղետ ամբոխը, հյուծված, փալասներ հագած հայերն ու հայուհիները, երկչոտ նայելով շուրջ բոլորը: Հանդիպում են ամեն տարիքի մարդիկ՝ սկսած կրծքի երեխաներից մինչև խոր ծերություն հասած ալետրներ: Քաղցած, գիշերվա սառնամանիքից քարացած... Նրանք գնում են լուռ, ձմռան արևի սառը ճառագայթների տակ... հայացքներում անելանելի վիշտ և այնքան ակնհայտ հուսահատություն, որ անգամ ամենասանզգան չէր կարողանում անտարբեր անցնել:

Ձի լսվում ո՛չ ողբ, ո՛չ հառաչանք ու հեկեկանք, նույնիսկ ոչ մի ձեռք չմեկնվեց ողորմության համար... ամեն ինչ պատմում էին նրանց այս ներս ընկած, հանգած, թախծոտ աչքերը, որոնք տեսել էին ամեն ինչի և ամենքի կործանումը, ինչը թանկ է մարդկային սրտին, այս հիվանդացած, պրկված շրթները, որոնք... երկնքից ու մարդկանցից պաշտպանություն են հայցում:

Հազարներով են նրանք անցնում սահմանը...»³²:

Վրա հասավ 1896 թ. ցրտաշունչ ձմեռը, որը սովով ու համաճարակով եկավ լրացնելու թուրքական վայրագությունները:

Վանից գրում են, որ կոտորածներից հետո հազարավոր սով-յալներ ամեն օր քաղաք էին գնում մի վիճակում, որ «անհնար է նկարագրել» և աղաչում են հաց ու հագուստ տալ: Հազարավոր կանայք և աղջիկներ թափառում են ձյունածածկ փողոցներով, սոված ու անտուն, հաճախ ծածկված միայն մի գլխաշորով, որովհետև նրանց ամբողջ հագուստը թալանել էին³³:

Օսմանյան կայսրությունը դարձել էր հայերի որսադաշտ: «Եթե պատահեր, որ որևէ հայ ընտանիք տնից դուրս գար ճանապարհորդելու,— գրում է Եկենը,— ավազակներն ու մարդկոչվող անարժան ստորները նրանց պաշարում էին և այնպիսի շարիքներ էին հասցնում, որ ճանապարհորդությունն անկարելի էր դառնում: Վայն էր եկել այն խեղճի գլխին, ով համարձակվեր վերադառնալ և կառավարությունից պահանջեր, որ իր ընտանիքի առևանգված անդամները վերադարձվեն: Այն ժամանակ ավելի մեծ շարիք ու աղետներ կարող էին կատարվել: Եթե կատարվածները գրվեն, ընթերցողն անպայման կսարսափի և գիտակցությունը կկորցնի»³⁴:

Եվ շատ տարօրինակ է, որ այդ դեպքերից 100 տարի անց, 1984 թ. հոկտեմբերի 10-ին թուրքական պետական ռադիոն հայտարարում է՝ կայսրության բոլոր մասերում, «ամբողջությամբ վերցրած ըմբոստությունների ժամանակ հայերի զոհերի թիվը չի անցնում 14 հազարից, (իսկ)... մուսուլմանների զոհերի թիվը... 5 հազարից պակաս չէ: Եվ սրանք հիմնականում սպանվել են առանց պատճառի, սպանվել հայերի կողմից իրենց վրա կրակ արձակելու կամ էլ ռումբ գցելու պատճառով, որպեսզի նրանք հարձակվեն հայերի վրա և դրանով գրավեն Եվրոպայի ուշագրությունը»:

* * *

1891—1896 թթ. թե՛ Սասունի և թե՛ հայկական համատարած մյուս կոտորածները առաջ բերեցին աշխարհի առաջադեմ ուժերի ցասումն ու բուռն բողոքները: Անատոլ Ֆրանսը Աբդուլ Համիդին անվանեց «մի բռնակալ» որ «սարսափից խելագար է դարձել»:

Հայերի պաշտպանությունը ու արևմտյան տերությունների, այդ թվում նաև Ֆրանսիայի քաղաքականության խիստ քննադատությամբ հանդես եկավ Ժան Ժորեսը: «Ինքը՝ սուլթանն է ցանկացել կոտորածը, նա է այն կազմակերպել ու ղեկավարել»: Նա հայկական ողբերգության համար իսկական մեղավոր էր համարում նաև մեծ տերությունների երկդիմի շահադիտական և անմարդկային քաղաքականությունը, որ Եվրոպայի նույնիսկ դեմոկրատական ուժերին դարձրեց եսասիրական հաշիվների խաղալիք, և այդ ուժերին թույլ չտվեց իրենց ձայնը բարձրաց-

նելու օսմանյան դահճի արյունախում քաղաքականության դեմ³⁵:

Գլադստոնը Աբդուլ Համիդին անվանեց «մեծ մարդասպան» և հայտարարեց, որ Օսմանյան կայսրությունը պետք է «ջնջվի քարտեզի վրայից», որովհետև նա «նախատինք է քաղաքակրթության համար և անեծք մարդկության հասցնելին»³⁶:

Անգլիական քաղաքական գործիչ Զ. Բրայսը գրում է. «Աբդուլ Համիդը իր ձեռքի շարժումով մահ էր տարածում». ինչ վերաբերում է հայ ժողովրդին, ապա նա «եբբեք չէր մտածել ընդվզելու սուլթանի դեմ կամ ձեռք բարձրացնելու մուսուլման հարևանների վրա»: Չնայած դրան, բազմաթիվ «գյուղեր հրո ճարակ դարձան», եկեղեցիները վերածվեցին մզկիթների, կանայք բռնաբարվեցին, տղաներ և աղջիկներ դուրս տարվեցին և վաճառվեցին որպես ստրուկներ»³⁷: Ժնեի «Լա ժնեվուազ» թերթը 1895 թ. հունվարի 16-ին գրել է. «Թուրքական կառավարությունը «ուզում է բնաջինջ անել հայ տարրը Փոքր Ասիայում», որպեսզի թեղիների պայմանագիրը ստորագրողներին ասի՝ «Հայաստանում այլևս հայ չկա, հետևապես այլևս գոյություն չունի Հայկական հարցը»³⁸:

Անգլիական «Նյուկաստել Դեյլի Ջոնել» թերթի թղթակիցը Բիթլիսի գավառի ինժեռերի գյուղից գրում է. «Անկարելի է հերքել, որ այստեղ եղել է մի մտածված ծրագիր, երկար ժամանակ նախապատրաստված և, վերջապես, գործադրված այն դիտավորությամբ, որ բոլորովին ոչնչացնեն այդ երկրի 30—40 հազար բնակիչներին: Դա կանխորոշված մի փորձ էր՝ իսպառնջելու աշխարհի երեսից Սասունի բնակիչներին, և մի րոպե անգամ չպետք է մոռանալ, որ այդ ծրագիրը հղացվել է

* Դեպքերի ժամանակակից թուրք պատմաբան Սադիկ Շահիդը 1898 թ. գրել է. «... Հայոց վերջին ջարդը նախապես մտածված, պլանավորված և կարգավորված էր սուլթանի կողմից»: Կ. Պոլսում թուրքերին 2—3 օր աշխատանքից ազատում և ուղարկում էին հայերին սպանելու: Հայերին սպանում էին ինչպես անենտներով, Չեքրակաված հայերի թիվը հասավ 25 հազարի, որոնց կեսից ավելին ոչնչացվեց ամենաբարբարոսական միջոցներով:

Գերմանական գեներալ Ֆոն Դեր Նուցը 1897 թ. գրել է. «Փոքր Ասիայում և Կ. Պոլսում հայկական կոտորածները ոչ թե թուրքերի մոլեռանդության զործն էին, այլ նախապես մտածված քաղաքական դավադրության հետևանք»: Այդ տարիներին Կ. Պոլսում գտնվող Եվրոպացիները պատմում էին բազմաթիվ փաստեր, երբ իշխանությունները պատժում էին հայերին օգնող Բուլբուրիներին (Նոր դար, 1897 թ. նոյեմբեր):

Կ. Պոլսի բարձրագույն կառավարության գիտությունք և նրա կատարյալ հանձնարարությունք»³⁹,

Գերմանական «Փոսիշե Յայտունգ» թերթը գրել է. «Հայկական եղևնագործությունները, որոնք այլևս անկարելի է ուրանալ, մեծ դժվարություններ պետք է պատճառեն թուրքիային»⁴⁰,

1894 թ. նոյեմբերի 26-ին Բոստոնում տեղի է ունենում «Հայոց միացյալ բարեկամների» ժողով, որտեղ հայտնի գրականագետ Հատունը քաղաքակիրթ մարդկությանը կոչ է անում սանձահարել սուլթանի բռնություններն ու գազանությունները⁴¹։

Շանթահարված Արևմտյան Հայաստանում կատարված գազանություններից, Մոսկվայի մի խումբ ուսանողներ նամակ են գրում իրենց արևելահայ ընկերներին. «Մեր բոլորի համակրանքը ձեր կողմն է՝ հանուն ազատության կռիվների կողմը... մենք ևս կրում ենք բռնակալության ճնշումը, թեև ոչ այնպիսի սարսափելի ձևով, ինչպես վերջին ժամանակները գործադրվեց ձեր եղբայրների գլխին... Մենք այժմ իսկ պատրաստ ենք սիրով ողջունել այն բռնակալին, երբ ձեռք ձեռքի կտամ՝ ազատ Հայաստանի և ազատ Ռուսաստանի ուսանող երիտասարդությունը»⁴²։

* * *

Սուլթանի հայաչինջ քաղաքականությունը 1894—1896 թթ. շարդերով շահամանափակվեց։

Կ. Պոլսում Ռուսաստանի դեսպան Զինովևը 1901 թ. գրում էր. «Ծն պետք է արձանագրեմ, որ հիշարժան 1894—1896 թթ. հետո, երբ հայերը ենթարկվեցին բարբարոսական ոչնչացման... այդ վիճակը ոչնչով դեպի լավը չի փոխվել։ Հայկական նահանգներում ռեֆորմների մասին դեկրետը, որ Ռուսաստանի, Փրանսիայի և Անգլիայի ճնշման տակ հրապարակեց Աբդուլ Համիդը 1895 թ. հոկտեմբերի 20-ին, մնում է որպես մեռած տառ։ Ազրարային հարցը սրվում է, հողերի մեծ մասը թուրքերի ու քրդերի կողմից զավթված է կամ զավթվում է, և իշխանությունները ոչ միայն չեն խոչընդոտում, այլ նույնիսկ հովանավորում ու աջակցում են այդ զավթումները։ Մեր հյուպատոսները միաձայն վկայում են քրդերի ոչ միայն չղաղարող հարստահարությունների ու թալանի, նրանց կողմից հայերի սպանության, այլև հայ կանանց բռնի մուսուլմանացման մա-

սին։ Ի դեպ, այս անկարգությունների մեղավորները պատասխանատվության չեն ենթարկվում»⁴²։

Մուշում ու Սասունում հայերի վիճակի մասին Վանում Ռուսաստանի հյուպատոսը գրում է. «Քրիստոնյա ազգաբնակչության վիճակն արտակարգ ծանր է։ Սպանությունները, թալանը և բռնությունները, որին ենթարկվում են հայերը... կրկնվում են յուրաքանչյուր ամիս»⁴³։

Խնուսի 306 հայերի ստորագրությամբ անգլիացիներին հասցեագրված նամակում ասված է. «Սասունում տեղի ունեցած կոտորածը միայն մի կաթիլ է հայոց արյան օվկիանոսում... Այդ ողբերգությունը շարունակվում է մինչև այժմ, բայց հիմա նա արդեն մոտենում է իր եզրափակիչ փուլին, և հայ ժողովուրդը փշում է իր վերջին շունչը։ Մի՞թե եվրոպական կարեկցությունը պետք է արտահայտվի լուի մեր գերեզմաններին խաչ դնելու մեջ...»⁴⁴։

«Թուրքերն ու քրդերը, — արձանագրել է խաղաղության առաջին համաշխարհային կոնգրեսը, — զավթում են հայ գյուղացիների աշխատանքի արդյունքը, նրանց տունը և ունեցվածքը, գողանում են այն, ինչ բացահայտ վերցնել չեն կարողանում։ Ընդդեմ այս բռնությունների ու սպանությունների հայերը ոչինչ ձեռնարկել չեն կարողանում, որովհետև զրկված են զենք կրելու իրավունքից»⁴⁵։

Ավելացան հարկերը. մի քանի, նույնիսկ 10 տարվա հարկերը պահանջում էին վճարել միանգամից, վճարել նաև արտագաղթածների փոխարեն։

Մի նամակում կարդում ենք. «Հայ բնակչությունից արդեն քերթել են նրա կաշին, այժմ սկսում են ծծել նրա ողջ արյունը ու դուրս քաշել աղիքները։ Հարկերի ու պարհակների գանձումը սովորաբար ուղեկցվում է այնպիսի բարբարոսություններով, որոնցից բոլոր նրանց, ովքեր չունեն թուրքական պաշտոնավորների հոգեկան ու բարոյական հատկանիշները, մազերը բիզբիզ են կանգնում»⁴⁶։

Տեղական իշխանությունները, կառավարությունից պարզևներ ստանալու մոլուցքով, հայերին ոչնչացնելու համար դիմում էին հալածանքների ամենածայրահեղ միջոցների։ Հանկարծակի խուզարկություններն ու ձեռքարկությունները դառնում էին սովորական երևույթ։ Բանտարկվածներին «տետիլիք չեն տալիս, ծեծում են ճիպոտներով, նրանց մարմինը հոշոտում աքցանով,

տանջամահ անում՝ եռացող ջրի մեջ ձգելով կամ խեղդելով»։
Պետական պաշտոնյաները, բիրտ ուժ գործադրելով, հարկադրում էին մարդկանց մեկը մյուսի դեմ կեղծ ցուցմունքներ տալ։ Հաճախ կարելի էր տեսնել վախից ցնորված կանանց և երևխաների։

Օրինական ինքնապաշտպանության ամեն մի փորձ դիտվում էր որպես հանցագործություն և ենթարկվում էր հալածանքի։ Այդպես հայ աշխատավորը դառնում էր բեյերի և աղաների ստրուկը, նրանց առևտրական գործարքների առարկան։

Կոտորածներից հետո ընկած տարիներին ևս թուրքական իշխանությունները, հեղափոխականներ փնտրելու պատրվակով, հայկական բնակավայրերում գազանություններ էին կատարում, սպանում, թալանում։

«Այդ արյունահեղ դեպքերի կազմակերպիչների,— գրում է Յու. Վեսելովսկին,— իսկապես ղեկավարող ցանկությունն էր՝ եթե հնարավոր չէ ամբողջովին ոչնչացնել հայկական տարրը, այնուամենայնիվ որքան հնարավոր էր կրեատել այն»⁴⁷։

«Ուժեղացող ճնշումները նպատակ ունեն հարկադրելու հայերին՝ հեռանալու Ռուսաստան, որպեսզի նրանց հողերը բնակեցվեն մուսուլման գաղթականներով և այդ ձևով աստիճանաբար երկրամասը բնակեցնել մուսուլմաններով»⁴⁸։

Բեյրութում ուսական հյուպատոսը 1898 թ. սեպտեմբերի 12-ին գրում էր, որ թուրքական կառավարությունը Կարինի, Բիթլիսի և Վանի վիլայեթների կոտորածների հետևանքով ազատված հողերը թուրքերով բնակեցնելու ուղղությամբ մեծ աշխատանք է կատարում։ Այդ հողերի վրա բնակվելու բերված թուրքերը 10 տարի ազատվում են զինվորական ծառայությունից, պետությունը իր վրա է վերցնում նրանց ընտանիքների տեղափոխման ծախսերը և այլն։

Խրիմյան Հայրիկը ուսական ցարին գրում էր, որ վերջին տարիների ընթացքում սպանված, ձերբակալված, արտաքսված, սովից մեռած, բռնության մահամեղականացված հայերի թիվը գերազանցում է 1895—1896 թթ. տուժածների թիվը⁴⁹։

Եղեռնը շարունակվում էր...

Բայց նաև շարունակվում էր հայ ժողովրդի ազատատենչ պայքարը սուլթանի հայաջինջ քաղաքականության դեմ։ 1894—1896 թթ. կոտորածները ծանր հարված հասցրին արևմտահայությանը, մասնավորապես նրա երիտասարդությանն ու պայքարի

ընդունակ ուժերին։ Չնայած դրան, 90-ական թվականների վերջերին ու XX դարի սկզբներին շատ քաղաքներում ու գյուղերում գործում էին զանազան գաղտնի խմբակներ, մարտական ջոկատներ։ Իրենց գործունեությունը աշխուժացրին հայդուկները։ 1904 թ. յաթաղանի դեմ նորից ոտքի ելավ Սասունը, որի հերոսամարտը մի նոր էջ բացեց հայ ժողովրդի ազատագրական պայքարի պատմության մեջ։

Նորացող քաղաքական, տնտեսական և սոցիալական ճգնաժամը, Ռուսաստանի 1905 թ. բուրժուազեմոկրատական հեղափոխության ազատաշունչ ազդեցությունը, կայսրության ներսում ծավալված դասակարգային ընդվզումները թուրքիային մղում էին դեպի բուրժուական հեղափոխություն, դեպի հասարակության վերակառուցում։

1. Կ. Քառոյան, Ժողովրդական շարժումները Սասունում, Ե., 1966, էջ 142։
1ա. Մշակ, 1894, № 143։
2. Լեո, Գլազստոն, Քիֆլիս, 1899, էջ 243։
3. Գ. Նազճյան, Արդու Համիդ II Կարմիր սուլթան, Բեյրութ, 1980, էջ 621—623։
4. Амфитеатров, Армянский вопрос, СПб, 1906, с. 17.
5. Եվրոպացիների կարծիքը հայկական դատի մասին, Կ. Պոլիս, 1908, էջ 6—7։
6. Լեո, Քուրբահայ հեղափոխության գաղափարաբանությունը, Փարիզ, 1934, էջ 182։
7. Մշակ, 1895, № 67։
8. А. Амфитеатров, Армянский вопрос, с. 5—6.
9. Братская помощь пострадавшим армянам в Турции, М., 1897, с. 101—102.
10. Նույն տեղը, էջ 51—52։
11. Հուշամատեն Մեծ եղեռնի (1915—1965), Բեյրութ, 1965, էջ 460։
12. Братская помощь . . . , с. 102—107.
13. Հայ ժողովրդի պատմություն, Ե., 1981, հ. 6, էջ 273։
14. Արարատ, 1896, մայիս։
15. Братская помощь . . . , с. 109—111.
16. Նույն տեղը, էջ 52։
17. Նույն տեղը, էջ 53։
18. Նույն տեղը, էջ 54։
19. Նույն տեղը, էջ 54։
20. Նույն տեղը, էջ 56։
21. Տո. Լեփսիոս, Գաղտնի տեղեկագիր Յոհաննես Լեփսիոսի («Հայաստանի շարժերը»), Կ. Պոլիս, 1915, էջ 143։

22. Братская помощь . . ., с. 77, 90.
23. Մ. Վարժապետյան, Հուշիկք Ջեթունի, Մարզվան, 1912, էջ 198:
24. Ջեթունի պատմագիրք, Պունեսու-Այրես, 1960, էջ 775—776:
25. Հ. Ծրամյան, Հուշամատեն Վան-Վասպուրականի, 4, 1, Ալեքսանդրիա, 1929, էջ 353—354:
26. Հայ ժողովրդի պատմություն, 4. 6, էջ 264:
27. Братская помощь . . ., с. 115—116.
28. Նույն տեղը, էջ 116:
29. Նույն տեղը:
30. Նույն տեղը, էջ 62:
31. Հայրենիք, 26—27 ապրիլի 1985 թ.:
32. Братская помощь . . ., Введение, с. 20.
33. Նույն տեղը, էջ 58:
34. Հայրենիք, 26—27 ապրիլի 1985 թ.:
35. Геноцид армян в Османской империи, Е., 1982, с. 166—167.
36. Положение армян до вмешательства держав в 1895 году, М., 1896, с. 11.
37. Մուրճ, 1895, № 1:
38. Նոր դար, 19 նոյեմբերի 1897 թ.
39. Մշակ, 1895, մայիս:
40. Մուրճ, 1894, №№ 11—12:
41. Նույն տեղը:
- 41 ա. Կ. Քառոյան, Ժողովրդական շարժումները Սասունում, էջ 122:
42. Е. Саркисян, Политика османского правительства в Западной Армении, Е., 1972, с. 202.
43. Նույն տեղը, էջ 204:
44. Братская помощь . . ., Предисловие, с. 11.
45. Е. Саркисян, Политика османского . . ., с. 206.
46. Նույն տեղը, էջ 208:
47. Ю. Веселовский, Очерки армянской литературы, истории и культуры. Е., 1972, с. 428.
48. Геноцид армян . . ., с. 180.
49. Նույն տեղը, էջ 183:

ՀԱՅՈՑ ՑԵՂԱՍՊԱՆՈՒԹՅԱՆ ՊԱՏՄՈՒԹՅԱՆ ԿԵՂԾԱՐԱՐՆԵՐԸ

ԱՃՊԱՐԱՐՈՒԹՅՈՒՆ

Հայոց ցեղասպանության պատմությունը կեղծելու, այդ ցեղասպանության իրողությունը ձխտելու փորձերն ու ջանքերը նոր շեն: Դրանք գրեթե հասակակիցն են:

Ջարդերի և նրանց հաջորդող առաջին տարիներին կատարված ցեղասպանությունն ընդհանրապես ձխտելն անհնար էր, որովհետև այն նոր էր և մարդկանց հիշողության մեջ դեռևս թարմ: Դրա համար էլ երիտթուրքերը ոչ թե ընդհանրապես ժրխտեցին ջարդերի փաստը, այլ հայտարարեցին, որ կոտորածները հետևանք էին հայերի անհավատարմության ու ապստամբական մտադրությունների:

Երիտթուրքերն եռանդուն աշխատանք ծավալեցին՝ արտասահմանյան հայկական պարբերականներում Թուրքիայի դեմ տպագրված հոդվածներ, «հայկական խոռվությունը» վերաբերող նամակներ, հայկական զինված խմբերի և ռազմամթերքների պահեստների լուսանկարներ հավաքելու ուղղությամբ: Նրանք մեծ ջանքեր թափեցին նաև ցեղասպանությունը հերքող փաստաթղթեր և այլ նյութեր հայթայթելու գործում: Կատարվեցին առաջին լուրջ փորձերը 1914—1916 թթ. իրադարձությունները կեղծելու և այդ միջոցով իրենց քաղաքականության իսկական էությունն ու նպատակները քողարկելու համար:

Այդ նպատակն էր հետապնդում Թալեաթի այն պնդումը, թե իբր Օսմանյան կայսրությունը բռնությամբ ներքաշվեց պատերազմի մեջ, թե երիտթուրքերը դեմ էին պատերազմին Թուրքիայի մասնակցությանը: Ապացուցելու հարկ չկա, որ Թալեաթը ստում

էր: Պատմութեանը քիչ թե շատ տեղյակ յուրաքանչյուր ոք լավ գիտեմ, որ երիտթուրքերի կուսակցութիւնը ինքն էր պատերազմի ձգտում՝ իր պանթուրքական ծրագրերն իրականացնելու, որպէս մինիմում Կովկասն ու Սև ծովի հյուսիսային ափամերձ շրջանները գրավելու և այն թուրքական ներքին ծով դարձնելու, իրանական Աղբրեջանը գավթելու և Միջին Ասիա դուրս գալու, ինչպէս նաև հայերին ոչնչացնելու ու կայսրութիւնում ազգային միատարրութեան հասնելու համար: Պատմագրութեան մեջ երիտթուրքերը հենց այդ անունով էլ հայտնի են՝ միատարրականներ:

Պատերազմի մեջ մտնելուց դեռ ամիսներ առաջ Օսմանյան կառավարութիւնը սկսեց տենդագին ռազմական նախապատրաստութիւնները: Մասնավորապէս մեծ ուշադրութիւն էր դարձվում Արևելյան ռազմաճակատում հաջողութեան հասնելուն: Երիտթուրքերի կենտրոնի անդամ Ե. Ռիզա բեյը անդրկովկասյան որոշ ազգայնամուլ կուսակցութիւնների ներկայացուցիչների հետ բանակցութիւններ էր վարում՝ պատերազմում Ռուսաստանի դեմ ընդհանուր ճակատով հանդես գալու համար: Թուրքիան խոստանում էր զինել այդ ազգայնամուլ ուժերին, իսկ հաղթանակից հետո Հյուսիսային Կովկասում ու Անդրկովկասում մի քանի անկախ պետութիւններ ստեղծել: Վերջիններս պարտավորվում էին ապստամբութիւն բարձրացնել, «ռուսների նահանջի գիծը կտրել, երկաթգծերը քանդել, զինամթերքներն ու ռազմական պահեստները հօգս ցնդեցնել»:

Թալեաթը համառորեն հերքում էր նախապէս ծրագրված ցեղասպանութեան փաստը, բայց հենց այդ նույն Թալեաթի շատ հայտարարութիւններ հակառակն են ապացուցում: Ահա դրանցից մի քանիսը. «Հայերը, — նշել է նա, — տեղահանվեցին արեւելեան նահանգներից, բայց ոչ բնաջնջման մշակված ծրագրի հիման վրա: Հայերի ճակատագրի պատասխանատուութիւնն ընկնում է իրենց՝ հայերի վրա, չնայած ճիշտ է, որ տեղահանութիւնն ամեն անգ չէ, որ օրինավոր միջոցներով կատարվեց և շատ անմեղ մարդիկ տառապեցին, որովհետև մի շարք պաշտոնյաներ իրենց հեղինակութիւնն օգտագործեցին... Ես այդ խոստովանում եմ: Ես խոստովանում եմ նաև, որ կառավարութեան պարտականութիւնն էր արգելելու այդ թշնամութիւններն ու գազանութիւնները, համենայն դեպս, որպէս նվազագույնի հետապնդելու և խստորեն պատժելու դրանք գործադրողներին»:

Զգտելով իրեն անմեղ, կոտորածներին անմեղակից ներկայացնել և այդ ոճրագործութիւնները թուրք ժողովրդի վրա բարդել, Թալեաթը ասում է՝ նրանք, ովքեր մասնակցել են տեղահանութիւններին, կամ սովորական ոճրագործներ ու ավերողներ են և կամ էլ հասարակ, տգետ, նախանձախնդիր, կեղծ թուրքեր, որոնք հավատում էին, որ հայերը պետք է պատժեն և, որ կոտորելով հայերին, գործում են ի շահ իրենց երկրի: Ավելի հեշտ էր գործ ունենալ առաջինների, քան երկրորդների հետ, որոնք ավելի հզոր ու բազմաթիւ էին, և որոնց դեմ պատժողական որևէ միջոցատու մեծ դժգոհութիւններ պետք է ստեղծեր այն զանգվածների մեջ, «որոնք ճիշտ էին գտնում նրանց արարքները»²: Զէր կարելի երկիրը մասնատել և Անատոլիայում անիշխանութիւն ստեղծել, երբ պատերազմում ներքին միասնութիւնն այնքան կարևոր էր: Թալեաթը եզրափակում է. «Պատերազմի ժամանակ կանխարգելիչ միջոցատուներ ձեռնարկվում են յուրաքանչյուր երկրում, բայց, եթե մյուս երկրներում կատարված ցավալի իրադարձութիւնների կողքից լուռութեամբ անցանք, մեր արարքների արձագանքը լավեց ամբողջ աշխարհում, որովհետև բոլորի աչքերը մեր վրա էին հառած»³:

Երիտթուրք մի այլ լիդեր՝ Զեմալ փաշան ևս, «ողբալով» թուրքերի ու հայերի ավանդական համերաշխ հարաբերութիւնների ոչնչացումը և օտարների միջամտութեան պատճառով հայերի կործանումը, հաստատում է հայ տղամարդկանց ջարդերի փաստը: Նա հայտարարում է, որ իրեն հաջողվեց «150 հազարի շփ կանանց ու երեխաների փրկել, որոնցից էին կազմված տեղահանութեան քարավանները»⁴:

Զեմալը պնդում է, որ տեղահանութեան որոշումները կայացվել են առանց իր մասնակցութեան, որ ինքը բոլոր հնարավոր միջոցները ձեռնարկել է, որպէսզի իր իրավասութեան տակ գտնվող տարածքներում այնպիսի «վայրագութիւններ չկատարվեին, ինչպիսիք արձանաբլված են», օրինակ, Խարբերդի ու Տիգրանակերտի շրջաններում: Զեմալն ավելացնում է՝ «ճիշտները, որոնք գործադրվեցին 1915-ի տարագրութեան ժամանակ, արդարացիորեն առաջացրին մարդկութեան խորագույն նոգականքը»⁵:

«Դժբախտաբար Հայկական հարցում կառավարութեան դիրքորոշումը, — շարունակում է նա, — դուռ էր բացել թուրք բնակ-

չության կողմից գործադրված ոճիրները համար... և մարդ չի կարող հարց չտալ, թե արդյո՞ք Հայկական հարցի մի այլ լուծում չկար»⁶։

Երբ պատերազմն ավարտվեց, թուրքական որոշ խմբավորումներ հրապարակ նետվեցին, հանցանքը միայն երիտթուրքերի վրա բարդելու միջոցով այն թուրք ժողովրդից՝ մասնավորապես նրա իշխող դասակարգերից հեռացնելու համար։ Նրանք վերականգնեցին այն մեղադրանքը, որ «շատ հայեր, խաբված հունական դիվանագիտությունից ու տոգորված հեղափոխական գաղափարներով», ոտքի էին ելել օսմանյան կառավարության դեմ։ Հետևաբար, — ասում էին նրանք, — տեղահանությունները կարելի էր արդարացնել «պատերազմական անհրաժեշտությամբ», բայց ոչ մի արդարացում չունեն «թալանի ու բնաջնջման» քաղաքականությունը, որ իրականացրին երիտթուրք ղեկավարները և որոնք դավում են «մարդկության մեծագույն ոճրագործությունների շարքում»։ Ուստի արդարությունը պահանջում է, որ թուրք ժողովուրդը չպատժվի «ոչ բանական կառավարության» «ոճրագործ մոլորությունների» համար, որը մահմեդականներին նույնքան վնաս պատճառեց, որքան հայերին։ Այդպիսին էր Մեծ վեզիր Տերիզ փաշայի դիրքորոշումը 1919 թ. Փարիզի խաղաղության կոնֆերանսում։ Ընդունելով «չարագործությունները, որոնք այնպիսին են, որ մարդկության խիղճը հավիտյան սարսընեցնում են», Տերիզ փաշան հանցանքը բարդեց գերմանացի և երիտասարդ թուրք բռնապետերի վրա և դաշնակիցներին հիշեցրեց հայերի «չափազանցությունների մասին»։

Հետպատերազմյան շրջանում թուրք գործիչներից ամենաանկեղծը Ահմեդ էմինն էր՝ Եսլամանը։ Նա ընդունում էր, որ ցեղասպանություն կատարվել է և այն, ինչ հայերի նկատմամբ կատարվեց, «ուղղակի պահանջների հետ համաչափ չէր»։ Նշելով, որ տարագիրների մեծ մասը կանայք ու երեխաներ էին, որոնք զրկված էին ապրելու միջոցներից և ենթարկված կլիմայական և աշխարհագրական ծանր պայմանների ազդեցությանը, Եսլամանը գրում է. «Առաջին հերթին ավանը կամ գյուղը բոլոր շարժական իրերով թողնելու կամ վաճառելու համար տրամադրված ժամանակը շատ կարճ էր, որոշ դեպքերում այդ ժամանակը մեկ կամ երկու օր էր միայն։ Երկրորդ, տեղահանվածները ոչ միայն անպաշտպան էին հարձակումներից, որոնք անխուսափելի էին հրոսակախմբերի կողմից, այլև ճհատակ կազմակերպ

ությունը», որ ստեղծվել էր «Միություն և առաջադիմություն» կուսակցության երկու ազդեցիկ անգամների աջակցությամբ, մի շարք դեպքերում, ուղղակի գործնական դեր ունեցավ հարձակումների ու ջարդերի կատարման գործում։ Երրորդ, տարագրության համար ընտրված վայրը մասամբ անապատ էր և անկարող ապահովելու մեծաքանակ մարդկանց, ովքեր զով լեռներից էին եկել՝ անցնելով անասելի դժվարությունների միջով։ Տեղահանությունները կոչված էին լինելու ուղղակի և կատարումներով ժամանակավոր միջոցառում, բայց մի շարք ազդեցիկ թուրք քաղաքագետների համար դրանք կոչված էին բնաջնջելու թուրքիայում եղած հայկական փոքրամասնությունը, Փոքր Ասիայում ցեղային միատարրություն ստեղծելու համար»։

էմինը նշում է, որ 1917 թ. թշնամական պրոպագանդայի ուժեղացման և տեղահանության դեմ հանդես եկող մի շարք բարձրաստիճան պաշտոնյաների (նույնիսկ կառավարության կազմում եղած անձանց) ճնշումների շնորհիվ կառավարական մի հանձնաժողով ստեղծեցին՝ տեղահանության վայրագությունները քննելու համար, բայց կառավարության կազմում տեղահանության կողմնակից անձանց ավելի ազդեցիկ լինելը ամբողջ խնդիրը «վերածեց ցուցադրման, քան անկեղծորեն փորձ արվեց ճշտելու իրական վիճակը»։ Նրանք, ովքեր պնդում էին «բնաջնջման քաղաքականության վրա», գիտեին, որ հասարակական դատապարտման էին ենթարկվելու, միաժամանակ հավատալով, որ ի շահ ազգի իրենց անձնական զոհողությունը կարող է ճանաչվել «միայն շատ հեռավոր ապագայում»⁷։

Հանրապետության հռչակումից հետո Հայկական հարցի նկատմամբ թուրքիան պաշտոնական մի նոր կեցվածք ընդունեց։ Թեև քեմալականները ևս իրականացրին հայկական կոտորածներ, բայց ինչպես հայտարարեց Մ. Քեմալը՝ հանրապետական թուրքիան պատասխանատու չէ պատերազմի ժամանակ իրականացված ջարդերի համար։ Նրա կառավարությունն ամեն ինչ արեց Հայկական հարցը մոռացության մատնելու։ Որպես նշանաբան հռչակվեց թուրքական հասարակական գործիչ Հալիտե Էդիպի խոսքերը՝ ջարդերի մասին «ավելի լավ է շատ շիտուել, դրանք որքան շուտ մոռացվեն, այնքան լավ»։ Ցեղասպանությունը և Հայկական հարցը միջազգային հասարակայնությանը ներկայացնելու պիտուքահայերի ջանքերը չեզոքացնելու հա-

Մար թուրքական կառավարությունը սկսեց օգտագործել նաև դիվանագիտական միջոցներ: Եվ այս առումով նա էական հաջողություններ ունեցավ:

Երկրորդ համաշխարհային պատերազմի թուրքոսի մեջ հայկական շարժերը մոռացության մատնվեցին և ամեն անգամ, երբ այդ հարցը բարձրացվում էր, թուրքական կառավարությունը դիվանագիտական ճնշումների միջոցով կարողանում էր այն փակել:

Պատերազմի ավարտին, երբ Սովետական Միությունը դրեց կարսի ու Արդահանի հարցը, թուրքական կառավարությանը հաջողվեց ԱՄՆ-ի ակտիվ օգնությամբ այն նորից փակել: Բայց որովհետև միջազգային կազմակերպություններում, մասնավորապես ՄԱԿ-ում ևս Հայկական հարցը բարձրացվեց, թուրքական մամուլն ու դիվանագետները սկսեցին դեպքից դեպք այն արծարծել: Վաշինգտոնում թուրքական դեսպանատան մամուլի կցորդը հայտարարեց, որ առաջին համաշխարհային պատերազմի տարիներին հայերը գործել են որպես օտար կառավարությունների գործակալներ և, հետևաբար, պետք է ենթարկվեն սահմանափակ տեղահանության: «Համոզված եմ, որ հայկական ծայրահեղությունների հանդեպ թուրքական հակազդեցությունը համապատասխան է ամերիկյան այն հակազդեցությանը, որ կարող էր գործադրվել, եթե Միննեսոտայի և Վիսկոնսինսի ամերիկաբնակ գերմանացիները պատերազմի ժամանակ ապստամբեին Տօգուտ Հիտլերի»⁸:

Սղեռնը մոռացության տալու ջանքերը շարունակվեցին մինչև 1960-ական թվականները: Հայկական հարցը մնում էր ստվերում: Այդպես էր, երբ մոտեցավ Մեծ եղեռնի 50-ամյակը, և տասնամյակներ շարունակ լուռ խմորված զգացմունքները պոռթկացին աշխարհի բոլոր այն երկրներում, ուր գոյատևում էր հայր: Թուրքական կառավարությունը հսկայական միջոցներ ծախսեց այդ պոռթկումը խեղդելու համար: Միաժամանակ ծավալվեց հակապրոպագանդիստական ակտիվ գործունեություն: Անկարան արտասահմանյան երկրների քաղաքական գործիչներին, մասսայական ինֆորմացիայի և հասարակական կարծիքը ձևավորող մյուս միջոցներին, օրենսդիր մարմիններին, ինչպես նաև գրադարաններին ուղար-

կեց մեծ թվով գրքեր ու տեղեկատուներ: Սակայն ապարդյուն անցան Հայկական հարցը թաղելու թուրքական ջանքերը: Դրան հաջորդեցին արտասահմանյան հայերի միջոցով իրականացված ահաբեկչական գործողությունները: Համաշխարհային հասարակական կարծիքը սկսեց հետաքրքրվել ոչ միայն Մեծ եղեռնով, այլև Թուրքիայի իշխող խավերի կողմից այն ժխտելու սպառնառններով:

Իսկ Թուրքիան, օգտագործելով իր դիվանագետների դեմ իրականացված ահաբեկչական գործողությունները, աշխատեց համաշխարհային հասարակական կարծիքն ուղղել հայերի դեմ: Սկսվեց հակահայկական պրոպագանդիստական արշավ: Զգալի միջոցներ են ծախսվում համաշխարհային հասարակական կարծիքին համոզելու, որ հայկական ահաբեկչությունը միջազգային ահաբեկչության բաղկացուցիչ մասն է և սերտորեն համագործակցում է Սովետական Միության ու Պաղեստինի ազատագրության կազմակերպության հետ: Ըստ որում, ջանք չեն խնայում իրար հակադրել երկրորդ համաշխարհային պատերազմի տարիներին հրեաների նկատմամբ իրականացված ցեղասպանությունն ու Հայկական մեծ եղեռնը: Հրեական ցեղասպանությունը հուշակվում է որպես դարի մեծագույն ողբերգություն, իսկ Հայկական եղեռնը՝ «դարի մեծագույն սուտ»: Զոհը Թուրքիան ու թուրքերն են, որովհետև հայկական շարժումներն ուղղված էին Թուրքիան կործանելու և թուրքերին կոտորելու միջոցով մի ինչ-որ «Հայաստանի ստեղծմանը»:

Տեսնելով, որ սեփական ուժերով պատմությունը կեղծելու գործում լուրջ հաջողության հասնել չեն կարող, թուրքական պաշտոնական շրջանները դիմեցին օտարերկրացիների և նույնիսկ օտար երկրների ուսանողների օգնությանը: Նրանց նյութական միջոցներ և արխիվային նյութեր մատակարարեցին, քաջալերեցին Արևմուտքում տարածելու թուրքական տեսակետները: Իհարկե, գտնելվեցին ծախու պատմաբաններ, որոնք եռանդով լծվեցին պատմության կեղծաբարների կառուցման, մասնավորապես որ Արևմուտքի համար թուրքական հանրապետությունը շահեկան երևույթ է և, հետևաբար, «ոչինչ անբնական չէ» արդարացնելու այն իրադարձությունները, որոնք ստեղծեցին այդ հանրապետությունը: Դեռ 50-ական թվականներին ամերիկյան գիտնական Վ. Թոմասը

պնդում էր, որ թուրքերը միայն հակազդել են հայկական սպառնալիքին:

«1918-ի շեմին, — գրել է նա, — Անատոլիայի և նեղուցների շրջանի հայ քրիստոնյա ողջ բնակչության վերջնական մաքրագործումով... մինչ այդ թուրքացման և իսլամացման խաղաղ գործունեությունը սկսեցին մեծ թափով առաջ տարվել ուժի գործադրմամբ: Ուրիշ ի՞նչ ձևով մարդ կարող է հանցանքի վերջնական զնահատականը տալ, բացի ասելով, որ այդ Անատոլիայի նկատմամբ Արևմտյան Եվրոպայի ազգայնականության ազդեցության ողբերգական հետևանքն էր: Եթե այնտեղ թուրքացման ու իսլամացման գործողությունները ուժի գործադրմամբ թափ չառնեին, ապա հաստատ է, որ այսօր թուրքական հանրապետություն գոյություն չէր ունենա, հանրապետություն, որն իր ուժի ու կայունության համար ոչ փոքր շահով պարտական է իր բնակչության միատարրությանը, մի պետություն, որ այժմ Միացյալ Նահանգների արժեքավոր դաշնակիցն է»⁹:

Մեկ տասնամյակ անց, պրոֆ. Բերնարդ Լուիսը իր «Ժամանակակից Թուրքիայի կազմավորումը» գրքում հայերի տեղահանությունն ու շարժերը համարեց հայկական ազգային շարժման հետևանք: «Թուրքերի համար բոլոր սպանալիքներից ամենամահացուն հայկական շարժումն էր: Սերբերի, բուլղարացիների, այբանացիների և հույների գրաված հողերից, թեև դժկամությամբ, նրանք կարող էին հեռանալ... Բայց հայերը, սփռվելով ասիական Թուրքիայի տարածքում, կովկասյան սահմաններից մինչև Միջերկրական ծովեզերքը, գտնվում էին թուրքական հայրենիքի ճիշտ սրտի վրա: Այս հողերից ձեռք քաշելը կնշանակեր թուրքական պետության կազմալուծում: Թուրքական և հայկական գյուղերը անբակտիլորեն միախառնված՝ դարերով ապրել էին ընկերակցությամբ: Հիմա նրանց միջև ճգնաժամային պայթյալ էր սկսված՝ պայթյալ երկու ազգերի միջև նույն հայրենիքին տիրապետելու համար, որը վերջ գտավ 1915 թ. սոսկալի սղջակիզումով, երբ 1,5 միլիոն հայեր ոչնչացան»¹⁰:

70-ական թվականներին կեղծիքների էստաֆետը իր ձեռքը վերցրեց Ստենֆորդ Շոուն: Դրա վառ օրինակն է տեր և տիկին Շոունների «Օսմանյան կայսրության և արդի Թուրքիայի պատմություն» գիրքը, որը կեղծարարության մեջ գերազանցում է բոլորին, այդ թվում նաև երիտթուրք գործիչներին: Շոունների

կարծիքով, Մեծ եղեռնը լոկ հայերի հիվանդոտ երևակայության արդյունք է, որ 1915 թ. ոչ թե ցեղասպանություն է կատարվել, այլ հայերի մեղքով առաջացած միջհամայնքային «անկարգություններ Տրապիզոնում և մի քանի այլ քաղաքներում ու գյուղերում»: Եվ ուրիշ ոչինչ: Այդ կապակցությամբ նրանք հայերին բնութագրում են իբրև «սառնասիրտ և ֆանատիկոս ահաբեկիչներ»:

Գրքում արդարացվում է 1915-ին հայերի նկատմամբ երիտթուրքերի քաղաքականությունը, որն իբր հետևանք էր առաջինների դավաճանության և օրինական իշխանությունների հանդեպ ահաբեկչական գործունեության: Գրքի հեղինակները ճգնում են ընթերցողին համոզել, թե հայերը տեղահանվել են միայն մի քանի ստրամբգիական շրջաններից, արտակարգ հոգատարություն է ցուցաբերվել նրանց կյանքի և ունեցվածքի նկատմամբ: Թուրքական պնդումների նման անվերապահ կրկնողությունը հեղինակներին տարել է դեպի բացահայտ կեղծարարություն: Նրանք գրում են, որ պատերազմից առաջ կայսրության մեջ ամբողջ հայերի թիվը հասնում էր մեկ միլիոն 300 հազարի..., նշված քանակից տեղահանվել է ոչ սովելի, քան 400 հազարը, այդ թվում և որոշ «տեղորիստներ ու ագիտատորներ՝ քաղաքներից, որոնց հավաքել էին պատերազմը սկսվելուց հետո»: Ի լրումն դրա, մոտ մեկ ու կես միլիոն հայ հետագայում գաղթեց Կովկաս և այլուր: Այդ ժամանակից շուրջ 100 հազար հայ ապրում է կայսրությունում: Կարելի է ենթադրել, որ «հայերից մոտ 200 հազարը զոհվեց ոչ միայն տեղահանության, այլև սովի, հիվանդությունների և ռազմական գործողությունների պատճառով, ինչը այդ նույն ժամանակ պատահեց նաև շուրջ 2 միլիոն մահմեդականների հետ: Օսմանյան կառավարության զաղտնի գործողությունների ուսումնասիրությունը փաստեր չի բացահայտում, որոնք ապացուցեն, որ Իթթիհատի ղեկավարներից որևէ մեկը կոտորածների հրաման տված լինի: Ընդհակառակը, տեղական իշխանություններին հրամաններ էր ուղարկվել կանխելու ամեն տեսակ հարձակումները և ընդհանուր անկարգությունները, որոնք կարող էին մարդկանց սպանելու պատճառ դառնալ»¹¹:

Ուրեմն, 1915 թ. մահացել և սպանվել է միայն 200 հազար հայ, այն էլ սովից, հիվանդություններից ու պատերազմական գործողություններից: Այսպես են ասում թուրքական աղբյուրնե-

րը, և այդպես են նրանց կրկնում իմպերիալիզմի կամակատար պատմաբանները: Նրանք իրենց նույնիսկ նեղություն չեն տալիս տեսնելու թուրքական աղբյուրների տվյալների մեջ եղած հակասությունը: Եթե կայսրությունում ապրում էր 1,3 միլիոն հայ, ապա ինչպե՞ս 1,5 միլիոն հայ հեռացավ Կովկաս, 0,2 միլիոն հայ մեռավ ու կոտորվեց, իսկ 0,1 միլիոնը մնաց կայսրությունում: Անգամ դարոցական երեխան կարող է այս տարրական թվաբանական գործողությունը կատարել և տիտղոսավոր պատմաբանների ու նրանց թուրքական հովանավորչալների երեսին շարտել՝ պարոննե՛ր, թվաբանություն չգիտեք՝ 1 միլիոն 500 հազարին գումարած 200 հազար, գումարած 100 հազար հավասար է ոչ թե 1 միլիոն 300 հազարի, այլ՝ 1 միլիոն 800 հազարի:

Ամերիկյան մի այլ թուրքագետ, դոկտոր Լուրին գրում է. «Եթե նկատի ունենանք սպանվածների ու բռնազաղթվածների թիվը, ապա ամենաշատը տուժել են Ղրիմի ու Կովկասի մահ՛մեդականները... Պատմական ճշգրտությունը աշխատում են ներկայացնել այլ ձևով՝ հնարելով մի միջ դաժան թուրքի ու բարի հայի մասին... Իսկ եվրոպացիների համար, որոնք ավելի քան 5 դար թուրքերից սարսափ են ունեցել, հայերի ցեղասպանության գաղափարը թուրքերի դաժանության մասին արմատացած կարծիքի ապացույցն է»:

Կալիֆոռնիայի համալսարանի պրոֆեսոր Ն. Ռավիչը թուրքիայի իշխող շրջաններին ծախված այս «պատմաբանների» վարքագծով է նաև բացատրում, որ մեր օրերում հայկական ցեղասպանությունը «համարվում է մոռացված ու խունացած»: Եթե հայերի ճակատագիրը «քաղցր» չի եղել, ապա շատ ավելի դառն է այդ ճակատագրի ժամանակակից մեկնաբանությունը, երբ նույնիսկ հայկական ցեղասպանությունը զնահատվում է թուրքիայի պետական քաղաքականության դիրքերից:

Ն. Ռավիչն իրավացի է: ԱՄՆ-ի քաղաքագետ Մ. Գյունտերի կարծիքով, օսմանյան տիրապետությունը հայերի համար ստեղծել էր կյանքի բարեկեցիկ պայմաններ, բայց հայերը Ռուսաստանի դրդմամբ պաշարի ելան հանուն անկախության, իսկ «... թուրքերի համար հայերի անկախությունը տրամաբանական անհեթեթություն էր և սպառնալիք էր ներկայացնում կայսրության գոյությանը»¹³:

«Ռուսական կայսրությունը,— գրում է Մ. Գյունտերը,— փոփոխական հաշտության մեջ փորձում էր Օսմանյան կայսրության

հայ ազգաբնակչությանը օգտագործել որպես հինգերորդ շաքատյուն»:

Նույն կարծիքին է նաև ամերիկյան մի այլ քաղաքագետ Ռ. Հոուլին: Նրա կարծիքով, Ռուսաստանի հրահրմամբ ու ռազմական աջակցությամբ Օսմանյան կայսրության արևելյան նահանգներում կազմակերպվել էին հայկական ահաբեկչական խմբեր, որոնք ոչնչացնում էին քրդերին ու թուրքերին, «խաչակրաց արշավանք» էին հայտարարել թուրքական իշխանություններին: Ըստ Ռ. Հոուլի, ցեղասպանության զոհ դարձած հայերի թիվը 15 հազարից չի անցնում:

Արձագանքելով ամերիկյան պատմաբաններին, արևմտագերմանական «Դի Յայտ» լրագիրը գրում է, որ 1918 թ. բնագաղթվել է ընդամենը 60 հազար մարդ¹⁴:

Որպեսզի ընթերցողը համոզվի, թե Արևմուտքի պատմաբանները ումից են փոխառել այս մտքերը, մեջբերում կատարենք թուրքական ռազմիկի 1984 թ. դեկտեմբերի 2-ի հաղորդումից. «Որոշ լուրեր են տարածվել, թե իբր մեծ թվով հայեր են սպանվել տեղափոխության ժամանակ: Որոշ մարդիկ տեղափոխության ժամանակ իրոք սպանվել են: Նրանցից ոմանք մահացել են հիվանդություններից, մյուսները՝ ճանապարհի դժվարության պատճառով, որոշ մարդիկ էլ սպանվել են 1914—1916 թթ. ըմբոստությունների ընթացքում: Ավազակային գործողություններ կատարելու ժամանակ սպանվեցին նաև որոշ հայեր, որոնք կամավոր մտել էին ռուսական բանակի շարքերը և պատերազմում էին թուրքերի դեմ: Սրանից ո՞րը կարելի է համարել «միտումնավոր սպանություն»: Մինչդեռ հայ կամավորական խմբերը «թուրքիայի արևելյան վիլայեթներում 1915—1918 թթ. սպանել են ավելի քան 800 հազար մարդ»: Իսկ օսմանյան կամավորությունը այդ հայերին ոչնչացնելու փոխարեն «1915-ին տեղափոխման որոշում ընդունեց»: Հետևաբար «բնաջնջման ոչ մի դեպք տեղի չի ունեցել»¹⁵:

Թուրքիայի արտաքին գործերի մինիստրության հրատարակած «Հայկական հարց. ինը հարց, ինը պատասխան» գրքույկը 1915 թ. իրադարձությունները հետևյալ կերպ է ներկայացնում:

Երբ ռուսական զորամասերը մտան օսմանյան պետության տարածքը, նրանց առաջնորդում էին ռուսահայերը և տեղական

հայ կամավորները, որոնց միացան թուրքական բանակի հայ գասալիքները: Այս վերջիններից շատերը նախընտրեցին միավորվել և պարտիզանական կոիվներ մղել, օգտագործելով այն ազամամթերքը, որ տարիների ընթացքում թաքցրել էին դպրոցներում և եկեղեցիներում, կողոպտելով պարենավորման կետերը, խոչընդոտելով թուրքական բանակների տեղաշարժերին՝ ընդգեմ ուսուսական զանգվածային ներխուժման: Պատերազմի սկզբի մի քանի ամսվա ընթացքում նրանք հարձակումներ գործեցին արևելյան շրջանների բնակավայրերի վրա, անխնա կոտորեցին բնակիչներին, կատարեցին բազմաթիվ վնասարարական գործողություններ, թուրքական բանակը թուլացնելու և ուսուսական առաջխաղացումը հեշտացնելու համար քանդեցին ճանապարհներն ու կամուրջները, կողոպտեցին քարավանները: Հստ այդ գըրջույլի, միայն թուրքերն ու մյուս մուսուլման բնակչությունը չէր, որ հայերի կողմից ենթարկվեց դաժան հաշվեհարդարի: Ճշակական ապստամբությունները հուլյների ու հրեաների հավանությանը շարժանացան, նրանք հավանություն չէին տալիս հայերի հեղափոխական ծրագրերին»: Դրա համար էլ հայերը ճրապիզոնում և նրա շրջաններում կոտորեցին հազարավոր հուլյների, իսկ Հաքքարիի շրջանում հրեաներին հավաքեցին և ոչնչացրին:

«Այս խժոժությունների նպատակը պարզ էր՝ այդ շրջաններում թողնել միայն հայերի, որպես հայկական ապագա պետության կորիզի: Բոլոր ոչ հայերին կոտորեցին և կամ փախուստի մատնեցին, որպեսզի հայերը դառնան մեծամասնություն»:

Նույնիսկ վանի դեպքերից հետո, կարողում ենք գրքույկում, օսմանյան կառավարությունը մի վերջին փորձ արեց հայերին ներգրավելու թուրք ազգի ընդհանուր ջանքերում: Այդ նպատակով խորհրդի կանչվեցին պատրիարքը, պատլամենտի հայ դեպուտատներն ու այլ պատվիրակներ: Նրանց նախադրուշացվեց, որ շատ խիստ միջոցներ ձեռք կառնվեն, եթե հայերը շարունակեն «կոտորել մուսուլմաններին և վնասարարական գործողություններ ձեռնարկեն թուրք կառավարության դեմ»: Իսկ երբ կառավարությունը նկատեց, որ հայկական հարձակումները չեն նվազում, վճռեց վերջնականապես գործի անցնել: 1915-ի ապրիլի 24-ին բոլոր հեղափոխական կոմիտեների գործունեությունն արգելվեց և նրանց ղեկավարներից 235-ը ձերբակալվեց հակա-

կառավարական գործողությունների համար: Այս ձերբակալությունների օրն է, որ վերջին տարիներս «աշխարհով մեկ սփրված մի խումբ ազգայնամուլ հայեր նշում են որպես եղեռնի հիշատակի օր: Իրականում կոտորածներ չեն եղել ոչ այդ թվականին, ոչ էլ պատերազմի որևէ այլ տարում:

Իսկ այն 700 հազար հայերը, որոնք 1915 թ. տեղափոխվեցին, անշուշտ, նրանցից ոմանք կորցրին իրենց կյանքը: Ռազմական գործողությունները, պարտիզանական կոիվները, որոնք այդ շրջաններում բավական տարածված էին, և ընդհանուր անապահովությունը անկասկած նշանակություն ունեցան: Ավելին՝ հայերի տեղահանությունը տեղի էր ունենում այնպիսի ժամանակաշրջանում, երբ կայսրությունը տառապում էր սովից, բազմաթիվ տարափոխիկ հիվանդություններից, դեղորայքի պակասից և այլն: Պատերազմի վերջին տարիներին օսմանյան բանակում 3—4 միլիոն մարդ ոչնչացավ հենց այդ պատճառով»¹⁶:

Ժամանակակից թուրք պատմաբան Սոնյելը ցանկանալով ցույց տալ, որ երիտթուրքական լիդերները կայսրությունը հայերից դատարկելու ծրագիր ու մտադրություն չեն ունեցել, 1978 թ. հրատարակեց բրիտանական արխիվներում եղած մի շարք վավերագրեր, չնայած վաղուց ապացուցված է, որ թուրքական պաշտոնական այդ փաստաթղթերը ստեղծվել էին իրականությունը քողարկելու նպատակով: Այս առնչությամբ երիտթուրքերի Կ. Պոլսի դատավարության մեղադրական ակտում գրված է. «... Իթթիհադի կուսակցությունը ուներ իրար հակասող երկու բնույթ: Նրանցից մեկը՝ իր ծրագրին և կանոնադրությամբ համաձայն գործող լեզալ և հրապարակային Իթթիհադն էր: Մյուսը՝ բերանացի և ոճրամիտ հրահանգների համաձայն գործող գաղտնի և դավադիր Իթթիհադը»¹⁷:

Վերը նշված փաստաթղթերն ընտրված են մեծագույն զգուշությամբ, բայց նույնիսկ այդ ընտրված փաստաթղթերում Սոնյելի պնդումները հերքող ծածկագրեր ու հեռագրեր կան:

Ահա նրանցից մի քանիսը:

«25 հուլիսի 1915 թ.

Որոշված է հայերին երկրի խորքերը տեղափոխել: Դրա համար անհրաժեշտ է միջոցառումներ ձեռնարկել, որպեսզի շրջանի աշխատավորական վաշտերում եղած հայ զինվորները կարգ

ու կանոնը շխանագարեն, իսկ այս հրահանգի մեկ օրինակն ուղարկել շրջանի աշխատավորական վաշտերի հրամանատարներին:

29—30 հուլիսի 1915 թ.

Անձնական գույքը, որ պատկանում է հայ մանուկներին և որոնք հետագայում իսլամացվել են, ամուսնացել կամ հանձնվել վստահելի անձանց խնամքին՝ մարզվելու կամ ուսման նպատակով, պետք է թողնել այդ մանուկներին: Եթե կտակողները մեռնեն, նրանց ունեցվածքից բաժին պետք է հանել մանուկներին:

Զթվագրված.

Զինվորականների ընտանիքները, բողոքականներն ու կաթոլիկները, որոնք չեն տեղահանվել իրենց շրջաններից, արվեստագետները (արհեստավորները), որոնց տեղական իշխանությունները թույլատրում են մնալ, բանվորները, որոնք աշխատում են պահանջարկ ունեցող ապրանքներ արտադրող գործարաններում և նրանք, ովքեր աշխատում են երկաթուղիների վրա ու կայարաններում, ինչպես նաև նրանց ընտանիքները, չպետք է տեղահանվեն:

15 տարեկանից բարձր տղաներն ու ամուսնացած կանայք ընտանիքի մեծերից կախված չեն համարվում»¹⁸:

Հայկական հարցն ընդհանրապես թաղելու համար Անկարայի կառավարությունը վիթխարի բացահայտ և անդրկուլիսյան աշխատանք է ծավալել, որը մասնավորապես կատաղի եռանդով է կատարվում, երբ ՄԱԿ-ում և միջազգային այլ կազմակերպություններում քննարկվում է ցեղասպանության հարցը: Այսպես, ՄԱԿ-ի փոքրամասնությունների պաշտպանության և նրանց նկատմամբ խտրականությունների դեմ պայքարի ենթահանձնաժողովին 1973 թ. ներկայացված տեղեկագրի 30-րդ պարբերությունում գրված է. «Անցնելով արդի ժամանակաշրջանին, կարելի է նշել համեմատաբար լրիվ վավերագրերի գոյությունը հայերի ջարդերի մասին, որոնք համարվում են որպես XX դարի առաջին ցեղասպանություն»: Թուրքերը արշավի ելան, նրանց ճնշման տակ մարդկային իրավունքների հանձնաժողովն այդ կետը խըմբագրեց հետևյալ կերպ. «Մատնանշվեց, որ գոյություն ունի այն վտանգավոր թակարդը, որով ցեղասպանության ոճիրը կարող

է շփոթվել այնպիսի երևույթների հետ, որոնք պատերազմի հետևանք են»¹⁹:

1975-ին, երբ վերոհիշյալ հարցը նորից արժարծվեց, հանձնաժողովի անդամներից մեկն ասաց, որ 1915 թ. ողբերգություններ պատմական իրողություն է, «բայց քաղաքակրթված միջազգային հասարակությունում պետք է նաև կարևորություն տրվի պետության ցանկությանը՝ անցյալի իր գործունեության համար նրան շվարկաբեկելու, գործունեություն, որը կատարվել է նախորդ սերնդի կողմից և որի համար ներկա սերունդը հավանաբար ցավում է»²⁰:

1978 թ. ՄԱԿ-ի նույն ենթահանձնաժողովը ցեղասպանության հարցի քննարկումն արդեն սկսեց ֆաշիստների իրագործած գեղոցիդից և, ինչպես և ևս Կուպերն ասաց, հայկական ցեղասպանությունը «հիշողությունից անհետացել էր»: Պատճառը ենթահանձնաժողովին ներկայացրած ղեկուցագրի հեղինակը բացատրեց հետևյալ կերպ. «... Ծեղասպանության ուսումնասիրությունը կարող է շեղվել իր առաջ դրված խնդիրներից և կորցնել իր հիմնական նպատակը: Հետևաբար, որոշվեց (փաստաթղթում) թողնել ֆաշիստների տիրապետության ներքո հրեաների ջարդը, քանի որ այն բոլորին ծանոթ է և նրա դեմ ոչ մի առարկություն չարվեց, իսկ մյուսները (ցեղասպանությունները) դուրս գցվեցին, որովհետև անհնար է կազմել դրանց ամբողջական ցանկը և կարևոր էր այս հարցի գծով պահպանել միջազգային հասարակայնության միասնությունը»:

1986 թ. ապրիլի վերջերին մի շարք երկրների քաղաքական գործիչներ, թերթերի խմբագրություններ, ռազմ-հեռուստատեսային կայանների փոստով ստացան Հայկական հարցը պարզաբանող աշխարհի ժողովուրդների 9 լեզուներով հրատարակված գրքեր ու բրոշյուրներ և 97 անուն գրքերի ցուցակ: Այդ «աշխատությունների» զգալի մասի հեղինակը Անկարայի համալսարանի քաղաքագիտության ֆակուլտետի միջազգային հարաբերությունների բաժնի վարիչ, դոկտոր Թարքայա Աթայովն է: Ինչպես հայտարարել է ինքը Աթայովը, հակահայկական գրականության այդ սերիան բաղկացած է 12 գրքերից, որոնք հրատարակվել են անգլերեն, ֆրանսերեն, գերմաներեն, արաբերեն, պարսկերեն, թուրքերեն, հայերեն և հույներեն:

Թուրքական պատմության ընկերությունը ևս սկսել է յուրատեսակ «փաստավավերագրական պայքար» հայկական պահանջ-

ների դեմ՝ Երկու գիտական խմբեր զուգահեռ ուսումնասիրություններ են կատարում: Նրանք պատրաստել են 20 գիրք և ուզարկել աշխարհի 375 գրադարաններ²¹:

Թուրքական «Միլիեթ» թերթին այդ քիչ է թվում: Նա առաջարկում է մեծ աշխատանք ծավալել հայ-թուրքական հարաբերությունները ուսումնասիրելու ուղղությամբ, ուժեղացնել ուշադրությունը դիվանագիտական կադրերի պատրաստման վրա, կադրեր, որոնք լավ կողմնորոշվեն թուրք-հայկական խընդիրներում, հետևել այս հարցի մասին համաշխարհային մամուլի ելույթներին: Անհրաժեշտություն կա այդ աշխատանքները «կազմակերպելու, իրականացնելու և ղեկավարելու համար ստեղծել հատուկ գերատեսչություն, ինստիտուտ, ամբիոն: Մասնավորապես մեծ ուշադրություն է պահանջում համապատասխան մասնագիտությունների գծով բանիմաց և վստահելի կադրերի պատրաստումը: Թուրքիան պետք է պատրաստ լինի բանավեճի բոլոր և ամենատարբեր տեսակետներ ունեցող գիտնականների հետ, անկախ նրանց ազգային պատկանելությունից»²²:

«Արարատ» թերթի 1980 թ. նոյեմբերի 5-ի համարում տպագրվել է Ի. Սելջուկի հոդվածը, որում նա առաջարկում է բանակցություններ սկսել ՆԱՏՕ-ի երկրների հետ՝ Հայկական հարցում իրենց գործողությունները կորդինացնելու համար: Թուրքական պաշտոնական շրջանները Հայկական հարցում Արևմուտքին նույնիսկ ահաբեկելու ջանքեր են գործադրում:

Պրեզիդենտ էվրենը «Տայնեյնջլ թայմսում» գրեց. «Արտասահմանյան հայերը կոմունիզմի մարիոնետներ են»²³: Ըստ էվրենի, հայկական ահաբեկչության «իրական նախաձեռնողները նրանք են, ովքեր դրանք օգտագործում են, այսինքն՝ մարքսիզմն ու սիոնիզմը»²⁴: ԱՄՆ-ի կոնգրեսում ցեղասպանության հարցի քննարկման անույթյամբ Ռեյզանին հղած ուղերձում էվրենը զգուշացնում է, որ այդ հարցի քննարկումը նշանակում է խրախուսել հայկական ահաբեկչությունը: Թուրքիան պաշտոնական բողոք ներկայացրեց նաև եվրոպական պառլամենտում սովյալ հարցի քննարկման դեմ՝ «Նման որոշումը տանում է դեպի Թուրքիայի տարածքային ամբողջության խախտում և խթանում է հայկական ահաբեկչությանը»²⁵:

Էվրենը 1981 թ. հոկտեմբերին Մալաթիայում և Դիարբեքի-րում արտասանած ճառերում հայտարարեց. «Մեզանում Հայկա-

կան հարց չկա և չի լինի»: Եվ այսպե՛ս՝ «Թուրքիան մտադիր չէ հայերին թեկուզ մի թիզ հող տալ»²⁶:

«Նյու Յորք Թայմսը» 1982 թ. հուլիսի 21-ին հայտնեց, որ թուրքական պաշտոնատար անձինք ԱՄՆ-ի ղեկավարներին զգուշացրել են, որ եթե վաշինգտոնում բացվող գեներալի թանգարանում հայկական ցեղասպանությանը բաժին հատկացվի, ապա դա կարող է պատճառ դառնալ ՆԱՏՕ-ից Թուրքիայի դուրս գալու համար*:

1985 թ. ապրիլի 24-ին «Պրավդա» թերթը տպագրեց «Դատապարտված է մարդկության կողմից» հոդվածը, որի մեջ Մեծ եղեռնի մասին կան հետևյալ տողերը. «Իմպերիալիզմի ծնունդ հանդիսացող ցեղասպանության խոշորագույն ակտ եղավ 70 տարի առաջ օսմանյան Թուրքիայի կառավարողների կազմակերպած հաշվեհարդարը հայ ազգաբնակչության նկատմամբ: Դրա հետևանքով զոհվեց ավելի քան մեկ ու կես միլիոն բոլորովին անմեղ մարդ»:

Թուրքական կառավարությունն իր պարտքը համարեց ոչ միայն հերքել «Պրավդայի» արտահայտած այս բացարձակ ճշմարիտ միտքը, այլև հայտարարել. «Ափսոսանքով է ընդունվում այն, որ տեղաբնակների պնդումներին զուգահեռ «Պրավդայի» նման թերթում տեղ են գտել Թուրքիայի դեմ ուղղված, ամեն տեսակ գիտական հիմքից զուրկ մի շարք զրպարտանքներ: Կասկած չկա, որ նման հրապարակումները չեն ծառայում Թուրքիայի և ՍՄՄ-ի միջև առկա բարեկամությանը և բարիդրացիական հարաբերություններին»:

«Միլիեթի» 1985 թ. հուլիսի 8-ի համարում կարդում ենք. «Սովետական հեռուստատեսությունը իր ծրագրերում տեղ է

* Արևմուտքին, մասնավորապես ամերիկյան հասարակայնությանը ահաբեկելու, ամենակտի ստեր ու կեղծիքներ տարածելու գործում հատկապես աչքի է ընկնում ԱՄՆ-ում Թուրքիայի դեսպան Շուքրի Էլեթաղը, որը հրապարակային ելույթներում ու մամուլում տպագրված հոդվածներում ոչ միայն ժխտում է հայկական ցեղասպանությունը, այլև պնդում է, որ կոտորածների նախաձեռնողը եղել են իրենք՝ հայերը: Երբ 1981 թ. Ադրան Հովհաննես Պողոս II պապի վրա մահափորձ կատարեց, նույն Շ. Էլեթաղը ջանաց «ապացուցել», որ Աղջալի ու հայկական կազմակերպությունների միջև կապ գոյություն ունի:

ԱՄՆ-ի Հայկական հարցի հանձնաժողովը, հիմնավորելով Շ. Էլեթաղի անթույլատրելի վարքագիծը, սլահանջեց նրան հայտարարել նաև Դրասա և հեռացնել ԱՄՆ-ից:

տվել երկսերիանոց հակաթուրքական մի ժապավենի, որի նյութը վերցված է հայկական պնդումներից (խոսքը «Ձորի Միրո» կինոնկարի մասին է)։ Առաջին սերիայի ցուցադրումից հետո... Մոսկվայի թուրքական դեսպանատունը, դիմելով սովետական արտաքին գործերի մինիստրությանը, պահանջեց, որ ժապավենի երկրորդ սերիան հայտագրից հանվի։ Սակայն հակառակ այս դիմումի, սովետական հեռուստատեսությունը երկրորդ մասը ևս ցուցադրեց։ Դրանից հետո Անկարան պաշտոնապես բողոք ներկայացրեց սովետական դեսպանությանը։

Հատկապես մի այնպիսի ժամանակ, երբ Թուրքիայի և Սովետական Միության միջև զարգանում են տնտեսական և մշակութային հարաբերությունները, նման հաղորդումը հուզումներ է առաջ բերել։ Սրանից հետո անհասկանալի է ՍՍՀՄ-ի դիրքորոշումը... Այժմ, երբ թուրքական և սովետական պաշտոնատար անձինք զոհունակություն են արտահայտում երկու երկրների հարաբերությունների սերտացման կապակցությամբ, մեծ հակասություն է վերոհիշյալ ժապավենի ցուցադրումը։

Ժամանակակից Թուրքիայի իշխանությունների և պրոպագանդայի միջոցների համար ազգային հարցում այս կամ այն շափով ակտիվություն դրսևորող բոլոր սփյուռքահայերը տեղորիստներ են։ Ֆրանսիական հեռուստատեսությամբ ցուցադրվեց մի կինոնկար, որտեղ Հայկական եղեռնից հրաշքով փրկված մի քանի կանայք և տղամարդիկ, որոնց միջին տարիքը 75-ից անց էր, հեռուստադիտողների հետ կիսեցին իրենց հուշերը հայկական ցեղասպանության մղձավանջային օրերի մասին։ Պետք էր տեսնել, թե այդ ծերունիների հուշերը ինչպիսի կատաղության մասնակցի ինքնազրկության և մամուլի, մասսայական ինֆորմացիայի միջոցների կողմից։ Նույնիսկ սպառնալիքներ հնչեցին Ֆրանսիայի հետ դիվանագիտական հարաբերությունները խզելու մասին։

Նույն բանը կատարվեց, ինչպես թուրքական թերթերից մեկն է գրում, երբ «Վիեննայի հեռուստատեսությունը սկսեց ցուցադրել մի քանի, իրենց բովանդակությամբ անհայտ լուսանկարներ՝ նահատակների գլուխներ, դիակներ և այլն, նրանց կցելով երկար բացատրություններ։ Անշուշտ, դարձյալ երկար խոսվեց ցեղասպանությունների մասին»։

Նույն օրը ցուցադրվեց նաև հունական «Ռեպլիկա» կինոնկարը, որը ներկայացնում էր «Իզմիրի մաքրագարգման ըն-

թացքում հույն և հայ ընտանիքների ապրած «տխուր» պատմությունը»²⁷։

Թուրքական պաշտոնական շրջաններում զայրույթի անսանձ բռնկում առաջացրեց նաև իտալական առևտրական մի հաստատության կողմից 1985 թ. հրատարակած Թուրքիայի քարտեզը, որ զետեղվել էին Պոնտոսը, Հայաստանն ու Քրդստանը։ 1986 թ. հուլիսի 10-ին Թուրքիայի տուրիզմի մինիստր Ն. Տասիօղլին խստորեն քննադատեց Միջերկրածովյան տուրիստական ակումբին նրա հրատարակած բրոշյուրում եղած մի «չարաբաստիկ ֆրազի» համար, որը հրավիրում էր այցելել «քրդական գյուղերն» ու «Հին Հայաստանի չքնաղ մայրաքաղաքը»։ Մինիստրը ակումբին մեղադրեց հայկական պրոպագանդայի մեջ և սպառնաց փակել Թուրքիայով անցնող նրա ուղերթերը²⁸։

1984-ին Ֆրանսիայի Արֆուլիլ քաղաքում բացվեց եղեռնի զոհերի հիշատակը հավերժացնող հուշարձան։ Այս կապակցությամբ Թուրքիայի արտաքին գործերի մինիստրությունը հայտարարություն հրատարակեց, որտեղ խիստ քննադատության էր ենթարկվում այդ «ատելության հուշարձանի» բացումը, այն անվանելով տեղորիստների հետ «մութ գործարք», որի իրականացնողները պետք է «պատասխանատվություն կրեն ահաբեկչական գործողությունների և Ֆրանսիայում թափված արյան համար»²⁹։

Ֆրանսահայերը, և ոչ թե տեղորիստները, դիմել էին ֆրանսիական կառավարությանը՝ թույլատրել ֓արիզում եղեռնի զոհերի հուշարձան կանգնեցնել։ Դրա դեմ արշավանքի ելան Թուրքիայի պրոպագանդիստական միջոցները։ «Հուրիեթը» գրեց. «Անհասկանալի է, թե ինչպես Ֆրանսիայի ներքին գործերի մինիստրը խոստանում է տեղորիստներին Փարիզում հայկական հուշարձան կանգնեցնել, ինչպես է նա խեղաթյուրում պատմական փաստերը և դառնում տեղորիստների զենք...»³⁰։

«Թերջուման» թերթը ուղղակի իջնում է խուլիգանի մակարդակի՝ Մարսիլում եղեռնի զոհերի հուշարձանը կոչելով «շների հուշարձան»³¹։

Թուրքական մամուլը կատաղության բռնկում ունեցավ նաև 1985-ի ապրիլի 23-ին, երբ ԳՅԸ-ի հեռուստատեսությամբ ցուցադրվեցին Արմին Վեզիրի կատարած լուսանկարները, որոնցում պատկերված էր Նփրատի ափերին բռնազաղթված հայերի մահն ու ոչնչացումը։ Նշենք նաև, որ դրանից մի քանի օր առաջ՝ ապրիլի 19-ին, Բրեմենի առաջադիմական բոլոր կուսակցություն-

ներն ու միությունները, այդ թվում նաև թուրքական կազմակերպությունները, հրապարակեցին մի կոչ, որտեղ ասված էր. «1915—1918 թթ. ընթացքում Թուրքիայում սպանվեց անվազն 1,5 միլիոն հայ, Դա դարի մեծագույն կոտորածներից մեկն է...»³²:

Թուրքիայում մայիսի 30-ը հայտարարված է, ահաբեկիչների ձեռքով զոհվածների հիշատակի օր, որն օգտագործվում է հակահայկական կրթեր բորբոքելու համար:

Իր նպատակներին հասնելու համար թուրքական պրոպագանդան օգտագործում է պայքարի բոլոր ձևերն ու եղանակները. ճակատային զանգվածային հարձակումները զուգակցում խուսանավման ու նենգափոխման հետ: Ոչ քիչ դեպքերում այդ պրոպագանդան նույնիսկ հանդես է գալիս հայ ժողովրդի «բարեկամի» դիմակով: «Հայերի ատելությունը թուրքերի նկատմամբ, — 1965 թ. ապրիլի 10-ին գրեց «Միլիթերը», — տարիներ առաջ տեղի ունեցած դիտավորյալ զրգուրթյունների, սև օրերի հետևանք է:

Նոր բան չէ... Հիմա երևան են եկել այլ զրգուրիչներ, այս անգամ հայերի հետ գործակցած, որոնք շարդերի 50-ամյակի» պատրվակով կրկին ցանկանում են սեպ խրել երկու եղբայր ժողովուրդների միջև, հոռի զգացմունքներ հրահրել և այդ խեղճ մարդկանց առիթներ է «Հայաստանի երազով», շնայած իրենք էլ գիտեն, որ այդ իրականանալ չի կարող»:

Թուրքական կառավարող շրջաններն ու պաշտոնական պրոպագանդան գնալով ավելի ու ավելի մեծ տեղ են հատկացնում հայերի կողմից թուրքերին ոչնչացնելու «փաստերին»: 1915—1923 թթ. իրադարձությունները դիտվում են կամ թուրքական ցեղասպանության փորձ և կամ հայ և թուրք ժողովուրդների միմյանց կոտորելու «ցավալի դեպքեր»:

Առաջին համաշխարհային պատերազմի տարիներին, — գրում է «Թերզումանը», — երբ «մեր բանակը գտնվում էր ռազմաճակատում, հայերը, ֆինանսավորվելով և աջակցություն ստանալով մի քանի տերությունների կողմից, ապստամբություն բարձրացրին և ոչնչացրին անպաշտպան թուրք ազգաբնակչությանը:

Ի պատասխան դրան, այն ժամանակվա կառավարությունը որոշեց ճնշել ապստամբությունը և հայերին տեղափոխել:

Ապստամբությունը ճնշելու ժամանակ երկու կողմերն էլ կորուստներ ունեցան, որ անխուսափելի էր»³³:

1965 թ. ապրիլի 8-ին «Հուրիեթը» գրեց. «Ինչպես հայտնի է, առաջին համաշխարհային պատերազմի, ներքին ընդհանուր խլրտումների ընթացքում հայերը ևս զանազան վայրերում ըմբոստություններ կազմակերպեցին, նույնիսկ թուրքերի դեմ զուլումներ կատարեցին... Հայերը սպանում էին թուրքերին: Նրանք էլ թուրքական իշխանությունների կողմից ըմբոստությունները ճնշելու ժամանակ մեռել են: Մի մասն արտասահման է փախել, իսկ մյուս մասը երկրից վտարվել է»:

Նույն թվի ապրիլի 10-ին «Միլիթերը» գրեց, որ 1915 թ. իրադարձություններն այլ բան չեն, եթե ոչ «երկու կոմիտեների» Իթիհադի և դաշնակի ջարդեր»:

Թուրքական «Դունյա» թերթը 1965 թ. ապրիլի 19-ին գրել է. «... հայերն ուզում են քաղաքական դիպլոմատներում ցուցադրել իրենց մեռելներին... Հայերը ծիծաղելի պահանջներ էլ են հրապարակ հանել... հատուցում ու հող են մեզնից պահանջում...»: Մինչդեռ Հայկական հարցը, — 1965 թ. ապրիլի 22-ին գրեց «Թերզումանը», — «մեռած ու թաղված է լողանում: Դեռ ավելին, Թուրքահայաստանում այլևս հայ չի մնացել և այսուհետև ևս չի լինելու: Թուրքերն ամուր փակել են իրենց դռները... Ռուսաստանում նրանք Հայաստան նահանգ ունեն. Թուրքիայում ոչ Հայաստան կա, ոչ հայ»:

«Հուրիեթը», ընդհանրացնելով հարցը, հայտարարում է. «Իրականում ցեղասպանություն չկիրառած ոչ մի ազգ գոյություն չունի: Թերևս այդ տեսակետից ամենաբարձրն էլի մենք ենք»: Դա, իհարկե, ոչ սովորական ինքնահանգստացում է³⁴:

Կ. Պոլսի համալսարանի պրոֆեսոր Թ. Աթեշը նշում է, որ Թուրքիայում «տեղի չի ունեցել այնպիսի ջարդ, որի մասին անընդհատ պնդում են: Պատերազմի պայմաններում տեղի ունեցած գաղթն էլ միակ օրինակը չէ ամբողջ աշխարհում: Դեռ մոտիկ անցյալում, երկրորդ համաշխարհային պատերազմի տարիներին ԱՄՆ-ը չվարանեց նույն բանը կիրառել ճապոնական ծագում ունեցող իր քաղաքացիների նկատմամբ: Եվ սրա համար ոչ ոք ամերիկացիներին չի մեղադրել: Չէր կարելի սպասել, որ Օսմանյան կայսրությունը ներողամիտ աչքերով նայեր կամ թույլատրեր անջատողական հայկական կոմիտեների գործունեությունը, որոնք բացեիքաց օտար տերությունների և,

մասնավորապես, ցարական Ռուսաստանի իշխանությունների օժանդակությունն ու խրախուսանքն էին վայելում: Բացի այս բոլորից, ներկա հանրապետական Թուրքիայի կառավարությունը, իր ազգային ուխտի սահմաններում և լողանի խորհրդածողովով էլ նվիրագործված ձևով, երբեք չի կարող պատասխանատու լինել անցյալում պատահած մի շարք դեպքերի համար: Այսօրվա Թուրքիան իր համար «Հայկական հարց» կոչված խնդիր չունի: Թուրքիայում հայ չկա: Հայկական ծագումով թուրքեր կան»³⁵:

Ցեղասպանության մասին թուրքական գաղափարախոսությունը բնորոշ է «Ձուճհուրիեթ» թերթում տպագրված «Ո՞ր ցեղասպանությունը» հոդվածը:

Պատմությունը լցված է անցյալի դեպքերով, կարդում ենք այդ հոդվածում, և ցեղասպանությունն էլ այդ դեպքերից է՝ «գիտակցաբար մի որևէ ժողովրդի կամ հավաքականության ոչնչացում»: Ցեղասպանություն են, օրինակ, ամերիկյան բնիկների, գերմանական հրեաների ու գնչուների ոչնչացումները: Իսկ ինչ վերաբերում է Օսմանյան կայսրությանը, ապա «թուրք ազգը երբեք դիտավորյալ ցեղասպանություն չի կատարել»³⁶: Ահա թուրքական մտտեցման համար մի բնորոշ փաստ ևս: «Ծանոց» թերթը դիմելով հայերին, գրում է. «ՆՅԹ Թուրքիայում նույնիսկ մի թուրք մնա և իմանալով, որ պիտի մեռնի, միևնույն է, ձեռքանից ներողություն չի խնդրի, որովհետև դուք դրան արժանի չեք»³⁷:

Թուրքիայում զոհեր են հուշակվում դահիճները: Եվ պատահական չէ, որ թուրքական պրոպագանդայի մաղձի զոհ են դառնում նաև թուրք տոաշավոր այն գործիչները, որոնք հակառակ կարծիքի են: Այդպիսի գործիչներից է, օրինակ, Թեվֆիկ Ֆիքրեթը, որը դեռ XIX դարի 90-ական թվականներին խարազանում էր հայերի նկատմամբ օսմանյան քաղաքականությունը: «Բուլվար» թերթում հրատարակված հոդվածում թուրք լրագրող Կ. Սրտեշը Թ. Ֆիքրեթին հուշակում է թուրքական դավաճանության հիմնադիր և հայերին վաճառված անձնավորությունն, որն անպայման «պլուարկ է հանել հայի կատարած խժոժությունների առաջ, որոնք այն թվականից (1890 թ.) ի վեր չեն դադարում: Ողբացյալ Թալեաթ փաշան, որ Բեռլինում նահատակվեց նույնպես հայերի կողմից, այդ օրերին մեր իսկ կատարած գրգռ-

ությունների հետևանքով օտար աշխարհում մեն մենակ էր մնացել»³⁸:

Թուրքական հեռուստատեսությունը 1986 թ. ցուցադրեց հայկական ցեղասպանությունը «հերքող» կինոշարք: Նրա գլխավոր գործող անձը Թալեաթն է, որի «սպանությունը վառ օրինակ է հայկական ահաբեկչության առաջին քայլերի»: Կինոնկարի հեղինակների նպատակն էր հերքել «Թեհերյանի մասին գերմանական դատարանի արձակած վճռի օրինականությունը՝ ապացուցելով, որ Թալեաթը հայերին բնաջնջելու նպատակ չի ունեցել»³⁹: Կինոնկարն առաջ բերեց նույնիսկ թուրքական մամուլի զայրույթը: Ֆիլմում, — գրեց «Միլիեթը», — «պատմության նկատմամբ հարգանքը մոռացված է... Դրանից ալելի մանկական և կոպիտ պրոպագանդիստական ծապավեն հազիվ թե հնարավոր լինի ստեղծել: Հոնքը շինելու փոխարեն աչքն են հանում: Այդ ինչ կեղծ մեկողրամատիկ ֆիլմ է: Ինչպե՞ս կարելի է հեռուստատեսությամբ այդպիսի բան ցուցադրել... Թուրքական հեռուստատեսությունը հանդիսատեսին այդքան խեղճ է կարծում»⁴⁰:

Մի քանի մեջբերումներ կատարենք նաև թուրքական ուղիոյի «Հայկական թղթապանակ» հաղորդաշարից:

Նախքան համաշխարհային պատերազմը հայկական ավազակախմբերը միացան Ռուսաստանին և սկսեցին պատերազմական գործողություններ Թուրքիայի դեմ... Էրզրումի ժողովը հայտարարեց հայերի շեղոք մնալու մասին..., «դաշնակները շարունակում էին Ռուսաստանից ներմուծել զենք ու պայթուցիկ նյութեր»: Ռուսական բանակին միացած հայ կամավորները աչքում էին գլուղերն ու անխղճորեն սպանում անմեղ մահմեդականներին: Դրա պատճառով օսմանյան իշխանությունները

* «Թերզուման» թերթի 1985 թ. հունվարի 24-ի համարում տպագրված ընդարձակ հոդվածում (Մեծ եղեռնի և նրա 70-ամյակը նշելու մասին) կարդում ենք:

«... Ինչո՞ւ ապրիլի 24-ը, — հարցնում է հոդվածագիրը և պատասխանում. «Որովհետև հայ կոմիտեականները ցանկանում են այդ օրն օգտագործել հայերի վրեժխնդրությունը (աշխարհին) որպես մի միամիտ բան հրամցնելու համար, չնայած դա թուրքական բանակի թիկունքին հասցված մի հարված էր»:

... Անշուշտ, այս ջանքերին հետևում է քաղաքական պրոպագանդան, հողային հատուցման պահանջի նման անըմբռնելի պնդումներ:

հարկադրված էին բանակում գտնվող հայ զինվորների ու ոստիկանների մոտից հավաքել զենքերը և նրանց ուղարկել» ճանապարհներ կառուցելու ու բեռներ փոխադրելու:

«Հայերի դավաճանությունը սրանով շահամանափակվեց»... պատերազմում «հայերը հրաժարվում են միանալ օսմանցիներին... զեկտեմբերին Զեյթունի հայ բնակչությունը սկսում է հարձակվել պաշտոնյաների ու ոստիկանների վրա», կտրում հեռախոսային գծերը: Հայերին ուսաները զինում են և նախապատրաստում ապստամբության: Եվ ապա՝ «1915 թ. մայիսին ուսաները հայերի ցուցումներով շարժվում են Արևելյան Անատոլիա», ֆրանսիացիներն ու անգլիացիները՝ Գարգաններ: Ժակերկրի կենտրոնում բանակից փախածները՝ 300 հազար մարդ, որոնք հիմնականում հայեր էին, սկսեցին գյուղեր ու գյուղաքաղաքներ կողոպտել», առանց տարիքն ու սեռը հաշվի առնելու, սպանել մարդկանց: «Միայն Սվազի վիլայեթում հայերը զինեցին 30 հազար մարդ, նրանցից 15 հազարը անցավ ուսաների կողմը... Այդ դժվարին պայմաններում օսմանյան կառավարությունը սիպված եղավ ընդունել տեղափոխման որոշում»:

Ակնհայտ կեղծիք է, որովհետև ըստ թուրքական պատմաբանների Արևմտյան Հայաստանի հայ ազգաբնակչության թիվը կազմում էր 870 հազար մարդ: Եթե հավատանք հաղորդաշարի հեղինակներին, որ բանակից դասալքվածների «հիմնական մասը» հայերն էին, ապա խոսքը գնում է շուրջ 200—250 հազ. հայ զինվորների մասին: Ամենանվազ հաշվումներով, զինաթափված հայ զինվորների թիվը ևս մոտենում էր 250 հազարի: Ուրեմն հենց պատերազմի առաջին տարում Օսմանյան կայսրությունում զորակոչվել էր 500 հազար 18—45 տարեկան հայ:

Իսկ իրապես ի՞նչ կատարվեց պատերազմի առաջին ամիսներին և ո՞րն էր բռնագողթի ու կոտորածների պատճառը: Իհարկե, որոշ ճշմարտություն կա այն բանում, որ հայ ազգաբնակչությունը ձգտում էր զենք ունենալ: Եվ դա հասկանալի է, չէ որ նրան շրջապատող մահմեդական ազգաբնակչությունը զինված էր, մինչդեռ հայը անպաշտպան վիճակում էր: Թուրքական իշխանությունները մահմեդականներին զինում էին, իսկ հայերին խստորեն պատժում զենք ունենալու համար: Եվ ամենևին էլ տարօրինակ չէ, որ այս պայմաններում հայերը պետության կողմից մահմեդականների զինման մեջ ուղղակի վտանգ էին առնում իրենց անվտանգությունը և զանազան ճանապարհներ

րով զենք էին ձեռք գցում հավանական հարձակումներից պաշտպանվելու և ոչ թե պատերազմի ժամանակ թուրքերի դեմ կրավելու համար:

Իրավացի է նաև այն, որ հայերը ուսական կողմնորոշում ունեին: Դա ճիշտ կողմնորոշում էր և, վերջապես, դա հայ ժողովրդի իրավունքն էր:

Բայց հայերը լավ էին հասկանում, որ քաղաքական կողմնորոշումը մի բան է, իսկ քաղաքական իրավիճակը՝ մի այլ բան, որ առաջին աշխարհամարտի տարիներին թուրքական լուծը թութափելուն նպատակաուղղված ամեն քայլ հղի էր ազգի ոչընչացման վտանգով: Եվ պատահական չէ, որ Կ. Պոլսում ուսական դեսպան Իզվոլսկին 1913 թ. Ռուսաստանի արտաքին գործերի մինիստրին գրում էր, թե Նուրբար փաշան իրեն ասել է, որ «թուրքահայերը ինքնավարություն չեն ուզում և ոչ էլ հպատակության փոփոխության հարց են դնում. նրանց նպատակն է իրականացնել այն բարենորոգումները, որոնք նախատեսված էին Բեռլինի դաշնագրով...»¹:

Եվ, որ պատերազմի տարիներին արևմտահայերի առանձին խմբեր օսմանցիներին զինված դիմադրություն էին ցույց տալիս, ապա դա երիտթուրքերի կառավարությանը ոչ մի իրավունք չէր տալիս արևմտահայությանը հռչակելու ապստամբ ժողովուրդ և գործի դնելու իր հրեշավոր ծրագրերը: Առավել ևս անթույլատրելի էր արևմտահայերին մեղադրել, որ Արևելյան Հայաստանում հայկական կամավորական ուժեր էին ստեղծվում և ուսական բանակի կազմում մասնակցում թուրքական բանակների դեմ մարտական գործողություններին:

Եղեռնի իրականացումը հիմնավորել արևմտահայության վարքագծով, կեղծիք է: Դեռ ավելին, արևմտահայերի գլխավոր սխալը այդ իրադարձությունների ընթացքում այն էր, որ նրանք հավատացին թուրքական իշխանությունների հավաստիացումներին, ինչպես նաև հայկական կուսակցական մի շարք գործիչների և Կ. Պոլսի պատրիարքարանի կոչերին, զինաթափեցին, ինչը նրանց զրկեց յաթաղանի դեմ իր գոյության համար զենքը ձեռքին կռվելու հնարավորությունից: Համենայն դեպս, եթե չլիներ Կիլիկիայի կաթողիկոսի հորդորանքը, Զեյթունը կարող էր իսկական ինքնապաշտպանական կոիվներ մղել, եթե չլիներ դաշնակ գործիչներ Ռ. Տեր-Մինասյանցի և Վ. Փափազյանի անլուրջ

և անպատասխանատու վերաբերմունքը, Տարոնն ու Սասունը կարող էին տեական պաշտպանական մարտեր մղել:

Դաշնակների համար երիտթուրքերի կառավարության հայաջինջ քաղաքականությունն այնքան անպասելի էր, որ երբ ապրիլի 24-ին Կ. Պոլսի մտավորականությունը ձեռքալալեցին, նրանց թվում եղած է. Ակնունին երեխայական զարմանքով հարցրեց. «Այս անորակելի արարքներից արդյոք լուր ունի՞ մեր ընկեր Թալեաթը»⁴²:

Դեռ Բալկանյան պատերազմի տարիներին Անդրանիկը դաշնակների երեսին շարտեց, թե Ձեր այդ իթթիհազի ընկերները օր մը ձեր գլուխը պիտի ուտեն, ձեր ազգին ալ ⁴³:

Սա է իրականությունը, և այն ոչ թե հայերի երևակայության արդյունք է, այլ բազմաթիվ վկայություններով հաստատված ճշմարտություն: Բերենք այդ վկայություններից միայն մեկը: Լսենք իրադարձությունների ժամանակակից և ականատես, պորթլեմը հիմնավորապես ուսումնասիրած գերմանացի հասարակական գործիչ ու գիտնական Ցո. Լեփսիուսին:

«Թուրքական կառավարությունը ինքն էլ երբեք չէր հավատացած, թե հայ ժողովուրդը հեղափոխական ըմբոստություններ ինքն իրեն մեղավոր է դարձրել: Ամբողջ ամիսներ մենք թուրքական մամուլի մեջ կարդում էինք, թե հայերը հավատարիմ են մնացել իրենց թուրքական հայրենիքին:

Պատերազմի առաջին իսկ օրից ամբողջ հայ մամուլը հայ ժողովուրդին կոչ էր անում պաշտպանելու օսմանյան հայրենիքի միությունը: Հայ լուսավորչական եկեղեցու պատրիարքը շրջաբերական ուղարկեց իր բոլոր թեմերին, որով հորդորում էր, թե «հայ ազգը, որի հավատարմությունը հայտնի է, ներկա ժամանակին պետք է կատարի իր պարտքը և պետք է համակերպվի բոլոր զոհողություններին ի պաշտպանություն հայրենիքի»: Հայ առաջնորդները Կարինից, Վանից և այլ տեղերից հեռագրեր էին ուղարկում Բ. Գուռ, ասելով, թե «Հայերը հայրենիքի պաշտպանության համար ոչ մի զոհողության առաջ ոչ ընկրկել են և ոչ էլ կընկրկեն»⁴⁴:

Թուրքական կառավարությունը պատասխանեց. «Հայ մամուլի ու ժողովրդի վարքագիծը ըստ ամենայնի ողջամիտ է», որ թուրք կառավարությունը «երբեք չի տարակուսել հայերի հավատարմության և անձնվիրության վրա»⁴⁵:

«Թուրքական բանակում գտնվող հայ զինվորները, որոնք

ըստ թուրքերի վկայությունների օրինակելի վարմունք ունեին, քաջաբար կռվեցին Բալկանյան պատերազմում, այս պատերազմի առաջին ամիսներին... ստացան բարձր պարգևատրություններ: Կ. Պոլսի զինվորական վարժարանում պահեստի սպա գրվելու համար թուրքերից շատ հայեր ներկայացան և եղան մոտ 1500 զիմումներ կամավոր ռազմաճակատ մեկնելու համար»:

«Ռազմական նախարար էնվեր փաշան... հայոց պատրիարքին առանձնապես զոհունակություն հայտնեց հայ զնդերի վարմունքի ու քաջության համար»⁴⁶:

Այս առիթով տեղին է նաև մեջբերում կատարել ԱՄՆ-ի մի խումբ հասարակական գործիչների նամակից՝ հասցեագրված Թուրքիայի վարչապետ Օզալին. «Մենք դատապարտում ենք ահաբեկչական այն արարքները, որոնք կատարվում են թուրք զիվանագետների դեմ: Մենք դատապարտում ենք բռնությունները միջազգային կյանքում: Բայց ահաբեկչությունների նկատմամբ մեր ընդհանուր արգահատանքը և մեր անվտանգության շահերը ձեր կառավարության համար պատրվակ ծառայել չեն կարող պատմությունն ուրանալու համար:

Հետևաբար, մենք հորդորում ենք ձեզ, որ վերանայեք ձեր երկրի ու կառավարության դիրքը հայկական ցեղասպանության նկատմամբ և որպես նախաքայլ հաշտվեք այն իրողության հետ», որ ապրիլի 24-ը հայտարարվի «Ցեղասպանության դեմ պայքարի օր»:

Դրան «Գյունեշը» պատասխանեց. «Ապրիլի 24-ը որպես մարդկության նկատմամբ ցեղասպանության օր հայտարարելը հայերի համար կնշանակի ոչ միայն բարոյական հաղթանակ», այլ նաև հայերն այն «կօգտագործեն քաղաքական նպատակներով», «կօրինականացնեն իրենց դատը, նույնիսկ կկարողանան Ամերիկայից նյութական օժանդակություն պահանջել»⁴⁷:

Թերթը թուրք ժողովրդին կոչ արեց զանգվածաբար բողոքի նամակներ գրել դրա դեմ: Նամակագիրների գործը հեշտացնելու նպատակով, «Գյունեշը» տպագրեց այդ բողոք-նամակների ձևերն ու ԱՄՆ-ի կոնգրեսի անդամների հասցեները:

Նկատելի է նաև հետևյալը. որքան հեռանում ենք 1915 թվականից, որքան նվազում է Մեծ եղեռնի ականատեսների ու այն վերապարձների թիվը, թուրքերն այնքան ակտիվացնում են հայկական ցեղասպանությունը ժխտելու պատմությունը խեղաթյու-

րելու իրենց ջանքերը: Հենց այդ ջանքերի մեջ պետք է փնտրել «հայկական ահաբեկչության» ակունքները:

Ժողովուրդն իզուր չի ասում՝ «ձեռքը գող, սիրտը՝ դող»: 1983 թ. էրզրումի կոյուղու վերականգնման ժամանակ բանվորները հայտնաբերում են շուրջ հարյուր երեսանների դիակներ: Քաղաքի ծերունի թուրքերն ասում են, որ դրանք թուրքերի ձեռքով սպանված հայ երեսանների դիակներ են: Դա թուրքական իշխանություններին դուր չի գալիս: Նրանք հայտարարում են, որ հայտնաբերված դիակները հայերի ոճրագործության հետևանք են: Եվ այս կեղծիքը ճշմարտության տեղ հրամցնելու նպատակով կազմակերպվում է սգո արարողություն՝ ի հիշատակ «հայ ջարդարանների կողմից հոշոտված թուրք երեսանների»:

1. Հասկ, 1985, ապրիլ-մայիս:
2. Նույն տեղը:
3. Նույն տեղը:
4. Ջեմալ փաշա, Հայկական հարցը, Ե., 1927, էջ 52:
5. Նույն տեղը, էջ 51, 53:
6. Նույն տեղը, էջ 53:
7. Հասկ, 1985, ապրիլ-մայիս:
8. Նույն տեղը:
9. Նույն տեղը:
10. Նույն տեղը:
11. ՇՍՄ ԳԱ ինֆորմացիոն բյուրոսին, 1983, № 3, էջ 10—11:
12. Արմենիեն ռեպորտեր, 7—14 հունիսի 1984 թ.:
13. Սովետական Հայաստան ամսագիր, 1986, № 11:
14. Գի Ցայա, 7 դեկտեմբերի 1984 թ.:
15. Արմենիեն ռեպորտեր, 7—14 հունիսի 1984 թ.:
16. Le probleme Armenian: Neuf questions, neuf reponses, Ankara, 1982, p. 22—25.
17. Ա. Անտոնյան, Մեծ ոճիրը, Բեյրութ, 1977, էջ 270:
18. Հասկ, 1985, ապրիլ-մայիս:
19. Նույն տեղը:
20. Նույն տեղը:
21. Մարմարա, 13 հունվարի 1985 թ.:
22. Մարմարա, 9—10 մայիսի 1980 թ.:
23. Մարմարա, 15 մայիսի 1981 թ.:
24. Ազատ օր, 4 հուլիսի 1981 թ.:
25. Մարմարա, 25 հունվարի 1985 թ.:
26. Մարմարա, 20 հոկտեմբերի 1981 թ.:

27. Թուրքական հեռուստատեսություն, 25 ապրիլի 1985 թ.
28. Արև, 15 հունվարի 1985 թ.:
29. Մոնդ, 28 հունիսի 1984 թ.:
30. Մոնդ, 12 մայիսի 1984 թ.:
31. Հուրիեթ, 15 օգոստոսի 1982 թ.:
32. Հառաչ, 23 մայիսի 1985 թ.:
33. Թերզուման, 23 օգոստոսի 1982 թ.:
34. Արմենիա, 8 հոկտեմբերի 1985 թ.:
35. Հայրենիք, 19 մարտի 1985 թ.:
36. Արմենիա, 21 մայիսի 1985 թ.:
37. Հառաչ, 6 օգոստոսի 1985 թ.:
38. Թերզուման, 14 սեպտեմբերի 1982 թ.:
39. Զարթոնք, 18 հունիսի 1985 թ.:
40. Երևան, 10 հունվարի 1987 թ.:
41. Ջեմալ փաշա, Հայկական հարցը, էջ 32:
42. էջմիածին, 1965, № 2—3—4:
43. Անդրանիկի կյանքը, պատերազմները և հուշերը, Պեյրութ, 1932, էջ 165:
44. Յո. Լեփսիուս, Հայաստանի շարզերը, Կ. Պոլիս, 1919, էջ 170—172:
45. էջմիածին, 1965, № 2—3—4:
46. Նույն տեղը, էջ 171:
47. Գյունեշ, 13 ապրիլի 1983 թ.:

ՈՐԻՄ ԸԱՀԵՐԻՆ ԵՆ ԾԱՌԱՅՈՒՄ

Թուրքական քաղաքագետներն ու պրոպագանդիստները ամեն կերպ աշխատում են գործն այնպես պատկերել, թե իրենց հակահայկական, հակասոցիալիստական քաղաքականությունը հետևանք է թուրք դիվանագետների վրա «հայ ավազակների» իրականացրած ահաբեկչության: Իրականում այդ ահաբեկչությունը միայն առիթ ու վարագույր է, որն օգտագործվում է օսմանյան և երիտթուրքական արյունարբու քաղաքականությունը արդարացնելու, հայերի ցեղասպանության փաստը ժխտելու, պանթուրքիզմի գաղափարները պրոպագանդելու համար: Թուրքական պրոպագանդան ՍՍՀՄ-ի ու իրական սոցիալիզմի դեմ իմպերիալիզմի վարած գաղափարախոսական պայքարի, «խաշակրաց արշավանքի» բաղկացուցիչ մասն է ու հրահանգավորվում է ԱՄՆ-ի կողմից: Դրա համար էլ Թուրքիայի հակահայկական պրոպագանդան համաշափ է գործում Արևմուտքի հակասովետական պրոպագանդայի հետ: Դա ապացուցելու համար փաստերի պակաս չի զգացվում: «Միլիեթ» թերթը գրում է. «Աստված շանի, եթե քո հարևանը անբարոյական է և մշտապես

զավթողական պլաններ է մշակում: Թուրքիայի համար Ռուսաստանը հենց այդպիսի հարևան է... Այսօր ամբողջ աշխարհում թուրքերն ու թուրքիան շունեն այնպիսի իսկական թշնամի, ինչպիսին Մոսկվան է»¹:

Կոմունիզմի դեմ պայքարելու համար,— գրում է «Թերջուման» թերթը,— պետք է օգնել հակակոմունիստական շարժմանը ամբողջ աշխարհում: Մենք պետք է պաշտպանենք ֆրանսական, լեհական, էստոնական, լիտվական և բելոռուսական հարցերը: Նրանց ցույց տանք քաղաքական, բարոյական և, երբ անհրաժեշտ է, նաև գործնական աջակցություն... Այսօր Թուրքիայում կադրեր կան, որոնք պատրաստ են օգնել այդ ժողովուրդներին (սովետական ժողովուրդներին) ազատվելու ռուսական գերությունից: Ինչո՞ւ է միգրացիայում շատեղծել «Թուրքեստանի» կամ թե «Ուզբեկստանի» կառավարություն: Ստեղծենք Ղրիմի թաթարների, Հյուսիսային Կովկասի, Թուրքմենստանի և Ադրբեջանի էմիգրացիոն կառավարություններ: Նրանց տրամադրենք հատուկ շենքեր, մեքենաներ, ուղիակայաններ»²: Սա այլ բան չէ, եթե ոչ հակասովետիզմի վարագույրով քողարկված պանթուրքիզմի տարածապաշտական քարոզների բնորոշ օրինակ:

«Թերջումանը» 1982-ի օգոստոսի 12-ին կոչ էր անում. «Պաշտպանողական միջոցների փոխարեն մենք պետք է հրապարակենք միլիոնավոր գրքուկներ, որոնցում հայերի բոլոր գազանոթյունները պետք է ցույց տրվի փաստաթղթերով... Ինչո՞ւ մենք մինչև այժմ այդ գործով չենք զբաղվել և չենք թարգմանել այդ գրքուկները օտար լեզուներով»: Թուրքական պառլամենտը խնդիր է դրել՝ հայերի դեմ սկսել մինչ այդ «չտեսնված ծավալների» գործողություններ և, առաջին հերթին, պրոպագանդիստական բնույթի:

Նույն «Թերջումանը» գրում է. «Նրանք (հայերը) կապերի մեջ են մտել Թուրքիայի մարքս-լենինյան անարխիստական խմբերի հետ... ահաբեկիչների մի նոր հաղթանակ կարելի է համարել թուրքական հեռուստատեսության մեջ Թուրքիայի հայերի պատրիարք և հոգևոր լիդեր Գալստյանի ելույթը: Եվ ամենագլխավորն այն է, որ այդ ելույթը հայերեն լեզվով էր: Զգիտե՛մ, թուրքական հեռուստատեսության ո՞ր հիմարի խելքին էր փչել այդ գաղափարը»³:

Թուրքիայի Ազգային անվտանգության խորհրդի 1984 թ.

սեպտեմբերի 25-ի հայտարարության մեջ ասված է՝ հայկական տեղորիստների գործունեությունը ուղղված է Թուրքիայի հանրապետության տարածքային ամբողջականության դեմ:

Ըստ թուրքական մամուլի, Հայկական հարցում ՍՄԶՄ-ի ծրագրումն է.

— առաջնությունը չզիջել արևմտյան երկրներին, ցույց տալ, որ Սովետական Միությունը պաշտպանում է հայերի իրավունքները:

— տևականորեն ու պարբերաբար ճնշում գործադրել Թուրքիայի վրա:

— Սովետական Հայաստանին դարձնել Հայկական հարցի ժառանգորդը միջազգային ասպարեզում, որ նրան հնարավորություն կտա բարենպաստ իրավիճակում իր սահմանները տեղաշարժել դեպի հարավ:

— ընդարձակել իր ազդեցության շրջանակները և միջազգային ասպարեզում ուժերի հավասարակշռությունը փոխել հօգուտ սոցիալիզմի:

«Թերջումանի» 1985 թ. հոկտեմբերի 26-ի համարը պատմում է լոնդոնում կայացած մի սեմինարի մասին, որը քննարկել է ԱՄՆ-ի լրտեսական կենտրոններից ղեկավարվող «Լրաքաղության հատուկ հետազոտությունների» գործակալության մասնագետների կազմած «Ռուսների կողմից 1988 թ. իրագործվելիք տարածապաշտական ծրագրերը» անունը կրող 373 էջից բաղկացած տեղեկագիրը: Տեղեկագրի մեծ մասը նվիրված է Թուրքիային: Զեկուցումով հանդես եկավ Սովետական Միության գծով ամերիկյան մասնագետ Կոնստանդին Զորջը: Նա ասաց, «Ռուսները այդ շրջանում (թուրքամերձ) այս տարի սկսեցին երկու ուղղական երկաթգծերի շինարարությունը: Դրանցից մեկը, որ պետք է ավարտվի 1987-ին, կանցնի Սովետական Հայաստանի տարածքով ու վրաստանով կհասնի Կարսի ուղիղ դիմացը՝ Աջանհաքի: Իսկ մյուսը պետք է ավարտվի 1986-ին՝ որը սկիզբ առնելով Հայաստանում, Իջևանով և Սևանա լճի շրջակայքով կհասնի Թուրքիայի սահմանը: Այս երկու ճանապարհներով սովետական զինված ուժերը կստանան շարժվելու մեծ դյուրություն... օգոստոսին, 25 հազ. զինվորի մասնակցությամբ, սահմանից 200 կիլոմետր հեռավորության վրա Թուրքիան գրավելու մի գաղտնի զինավարժություն է կատարվել

(խոսքը վերաբերում է «Կոմկաս» լայնամասնական անունը կրող գորավարժություններին)»:

Ըստ տեղեկագրի, Քուրքիան գրավելու սովետական պլաններում հիմնարար տեղ է հատկացված այդ երկրի վիճակի անկայունացմանն ու ահաբեկչական արարքների ծավալմանը: Տեղեկադրում ուղղակի գրված է. «Սովետական Միությունը Պարսկաստան իջնելով պիտի սկսի իր տարածապաշտ շարժումները: Այնտեղից պետք է գործողությունների մեջ ներքաշվեն Քուրքիայի անջատողականները և այդպիսով երկիրը հրեն դեպի ներքին պատերազմ: Այդ ժամանակ գործի կլծվեն նաև մոլեռանդ շիրիները, որոնք վայելում են Սիրիայի վարչապետ Հաֆեզ Ասադի աջակցությունը: Ասադն իր ողջ ուժերով կջանա Իսկենդերու մտնել: Մինչ այդ Սովետական Միության հրամանով գործի պիտի լծվեն Բուլղարիան և Հունաստանը: Այս կացությունը Քուրքիային կհարկադրի ճակատել Թրակիայում՝ հույների և բուլղարների, արևելքում՝ անջատողականների, իսկ հարավային շրջաններում՝ Սիրիայի դեմ: Այս ծրագրի միակ նպատակը Քուրքիային անօգնական վիճակում թողնելն է, որպեսզի նա հպատակվի սովետական բռնապետությանը»:

Քուրքական քաղաքական գործիչներն ու պատմաբանները այդ խնդրում ակնհայտորեն ղեկավարվում են Շատոբրիանի հանրահայտ խոսքերով. «Երբ սուտը հաճախ է կրկնվում, ճշմարտության տեղ է ընդունվում»: Ահա թե ինչու նրանք իրար հետևից հրապարակ են նետում սուտն ու կեղծիքը, դրանք հրամայում որպես կատարված իրողություն և դրանց շուրջը տևական աղմուկ բարձրացնում, աշխատելով այդ միջոցով խաբել համաշխարհային հասարակական կարծիքը և հնարավորություն շտալ, որպեսզի մակերես դուրս գան իսկական փաստերն ու դրանց ծնող պատճառները:

Քուրքական հեռուստատեսության 1985 թ. փետրվարի 23-ի հաղորդումներից մեկում, խոսելով ԱՍԱԼԱ հայկական կազմակերպության մասին, ասվում է. «Այդ կազմակերպության հիմնական նպատակն է տևորի միջոցով համոզել Քուրքիայի ներկայիս կառավարությանը, որ նա ընդունի հայերի ցեղասպանությունը... այդ կազմակերպությունը սերտ կապերի մեջ է մարքս-լենինյան միջազգային կազմակերպությունների հետ»:

Նույն հեռուստատեսությունը իր 1981 թ. հունիսի 10-ի հաղորդման մեջ ասում էր. «Գենոցիդի ընդունումը շատ կարևոր

խնդիր է: Դրա համար էլ մենք այստեղ և ամեն տեղ ջանում ենք ապացուցել, որ գենոցիդ չի եղել: Սա երկար շղթայի մի օղակն է միայն... Ցեղասպանությունը այն որոգայթն է, որի միջոցով հայերը ցանկանում են հասնել մեկ այլ նպատակի: Դա հետևյալն է:

Հայերը մեծամասնություն էին կազմում Արևելքում: Այստեղ գոյություն ունեւր Հայաստան: Քուրքերը այն դատարկեցին: Որպես պատիժ նրանք պետք է հայերին կրկին բերեն այստեղ և հիմնեն նոր Հայաստան: Այս բոլոր ասածիս նպատակը մեր որոշ քաղաքացիներին նախազգուշացնելն է: Նրանցից ոմանք, թող ինձ ներեն, պարզամտորեն ու մանկամտությամբ են վերաբերվում այդ հարցին: Նրանք ասում են թողնենք այդ բոլորը, և ինչպես գերմանացիներն ու հրեաները հաշտության ձեռք մեկնենք միմյանց... Սրանից ավելի վտանգավոր պարզամիտ բան չի կարող լինել... Գործը դրանով չի վերջանա, գործը դրանով կսկսվի»:

Իհարկե, Քուրքական մամուլի և պաշտոնատար անձանց «մտավախությունը», թե ժամանակակից հայկական ահաբեկչությունը սպառնում է Քուրքիայի տարածքային ամբողջությամբ, շպետք է լուրջ ընդունել, որովհետև դժվար չէ բացատրել, թե ինչու արտասահմանյան երկրներում կատարվող ահաբեկչական գործողությունները և ահաբեկչությունը, ընդհանրապես, չեն կարող մասնատել Քուրքիան, նրանից տարածքներ խլել:

Այդ հայտարարությունների իմաստը պարզ է՝ արտաքին վտանգով ահաբեկել Քուրք ժողովրդին, նրա վզին փաթաթել իշխող դասակարգերի շահերից բխող քաղաքականությունը՝ շուրջինիստական մթնոլորտի բորբոքում, երկրի հետագա ուղղակականացում, սոցիալական և տնտեսական սուր խնդիրներից հասարակության ուղադրության շեղում: Այս առումով հատկանշաշական է, որ ամեն տարի ապրիլի 22—28-ը Քուրքիայում անց է կացվում «Ազգային միասնության շաբաթ»:

Վերևում կատարված բոլոր մեջբերումներին բնորոշ է մի միտք՝ ժամանակակից հայկական տեղորիզմի պատճառները պետք է փնտրել ոչ թե Քուրքիայի, այլ աշխարհի մյուս պետությունների քաղաքականության մեջ: Հայկական ահաբեկչությունն ուղղակի հետևանք է միջազգային կոմունիզմի և, առաջին հերթին, Սովետական Միության «զավթողական արտաքին քաղաքականություն»:

«Հուրիեթը» զգուշացնում է թուրքերին, որ «Սովետական Միությանը Արևելյան Անատոլիայում անկախ Հայաստանի երազ է հյուսում»⁴: ԱՄՆ-ում Թուրքիայի դեսպան Շուբրի էլեքդազը, արտահայտելով իր կառավարության կարծիքը, հայտարարեց, որ զորավիզ լինել հայկական «ենթադրություններին»՝ նշանակում է աջակցել թշնամի ուժերին, որոնց նպատակն է Թուրքիայի բաժանումը՝ մի մեծ վտանգ, որի դեմ ՆԱՏՕ-ն պարտավորված է պայքարել: Դեսպանի ասածների հետ համահնչյուն են ամերիկյան պետական գործիչների խոսքերը՝ «ԱՍԱԼԱ-ի նման հայկական ահաբեկչական կազմակերպությունների հոչակած նպատակն է Թուրքիայի արևելյան շրջանների հողերի անջատում և դրանց կցում Հայաստանի Սովետական Սոցիալիստական Հանրապետությանը»⁵:

Դժվար չէ նկատել, որ այստեղ մենք գործ ունենք «սովետական վտանգի» մասին իմպերիալիստական տխրահոչակ տեսության մի տարբերակի հետ, որը կոչված է հասարակությանը «կոմունիստական վտանգով» ահաբեկելու միջոցով առաջ մղել իր շահադիտական քաղաքականությունը:

«Գյունեշ» թերթի 1983 թ. հունվարի 3-ի համարում տպագրված «Հայկական մի շարք ծրագրերի մասին» հոդվածի հեղինակը նշելով, որ «հայկական ահաբեկչությունը» աստիճանաբար վեր է ածվում «քաղաքական գործունեության», գրում է. «Ընդհատ այնպես, ինչպես առաջներում հրեաները ահաբեկչությամբ իրենց ձայնը լսելի դարձրին և վերջն էլ անկախ պետություն հիմնադրելու վերջնագծին հասան, ինչպես Պաղեստինի ազատագրական կազմակերպությունը նույն ճանապարհով ընթանալով այսօր սկսեց պետություն համարվել... հայերի նպատակն էլ նույնն է, և նրանք բացարձակ ձեռով դրան են ձգտում»:

Չենք կարող ասել, թե ահաբեկչությունն ամբողջությամբ կվերանա, բայց այսուհետև զգալիորեն նվազելու է: Երբ հայերը նկատեն, որ ահաբեկչությունը տգեղացնում է իրենց դատի դեմքը, կսկսեն այդ դատը առաջ տանել քաղաքական միջոցներով, խոշոր պետությունների օգնությամբ: Եվ թուրքը, որ մինչև օրս այդ դատի կապակցությամբ իր խելքը գլուխը չի հավաքել, այդ ժամանակ է, որ ուշքի է գալու...»

Ահա թե ինչու թուրքական պաշտոնական շրջանները համոզորեն կառուցում են «հայկական ահաբեկչությունից», նրա

շուրջը մեծ աղմուկ բարձրացնում: Այդպիսով նրանք ոչ այնքան բողոքում են իրենց դիվանագետների կորուստների դեմ, որքան ստեղծված մթնոլորտն օգտագործում Թուրքիան տնտեսական, սոցիալական ու քաղաքական ճգնաժամից դուրս բերելու համար: Այն ժամանակ, երբ թուրքական իշխանություններն իրենց ողջ եռանդը ներդնում են տեղորին զոհ գնացած մի քանի տասնյակ անձանց շուրջ համաշխարհային աղմուկ բարձրացնելու, քաղաքական ու դիվանագիտական վճռական վարքագիծ դրսևորելու համար, այդ նույն ժամանակ Թուրքիայում քաղաքական ու գաղափարախոսական նկատառումներով ձեռքբերվել է 150—160 հազար մարդ, որոնցից մ.տ 1500-ը զանազան միջոցներով ոչնչացվել են:

Պրոպագանդայի իմպերիալիստական միջոցները համառորեն թմբկահարում են «անձի իրավունքների» հարցը, որ դարձել է հակասովետական պրոպագանդայի գլխավոր միջոցներից մեկը: Մինչդեռ, երբ խոսքը վերաբերում է ԱՄՆ-ի իմպերիալիստական շահերին ու նրա դաշնակիցներին, անդրօվկիանոսյան պաշտոնատարները ոչ միայն աչք են փակում մարդու իրավունքների առաջ, այլև բացահայտ կոչ են անում դրանք ուշադրության շարժանացնել: Այդ անամոթ երկվատությունը զնալով ավելի ու ավելի որոշակիորեն է դրսևորվում ԱՄՆ-ի քաղաքականության և պրոպագանդայի մեջ: 1984-ի ամռանը ԱՄՆ-ի պետական քարտուղարի օգնական Աբրահամսը Անկարայում հայտարարեց. «Մարդու իրավունքների պաշտպանությունից առաջնապես ուշադրություն պետք է դարձնել կոմունիզմի դեմ պայքարին... Մարդու իրավունքների բնագավառում մեր հիմնական լինդիրն է դիմագրավել կոմունիզմին... Այն քաղաքականությունը, որ չի խարսխվում հակակոմունիզմի վրա, արտուրդ է»:

Զինվորական խունտայի քաղաքականությունը քննադատողների հասցեին նա ասաց. «Նրանք կրեք քարտեզին շեն նայում, անտեսում են Թուրքիայի աշխարհագրական դիրքը, որ պաշտպանում է Հյուսիսատլանտյան պակտի հարավային թևը»⁶: ԱՄՆ-ի իմպերիալիզմի ջատագովը իր հակասովետական հերձուրանքներով փորձում է թուրք հասարակության ուշադրությունը շեղել այն իրական փաստից, որ Միացյալ Նահանգները Թուրքիայի հասարակական-քաղաքական ու տնտեսական կյանքն արդեն զցել են իրենց կրկնի տակ և պաշտպանում են այդ երկրում հաստատված հակադեմոկրատական ուժերը:

Չեխոսլովակիայում արարեցին լույս տեսնող «Սոցիալիստական ուսումնասիրություններ» ամսագրի 1985 թ. ապրիլյան համարում տպագրված «Մարդկային իրավունքներ. ճշմարտություն և կեղծիք» հոդվածում նշված է. «Ռեյզանի վարչակազմը կոմունիզմի դեմ խաչակրաց արշավանքի դրոշ բարձրացնելուց հետո լիովին համաձայնվեց Թուրքիայում քաղաքացիներին հալածելու պետական քաղաքականության հետ» և, որ «Օղալի դեկավարության իշխանության գլուխ անցած կառավարությունը բռնակալական վարչակարգի մեջ ոչ մի փոփոխություն» չմտցրեց: «Երկիրը, ինչպես եղել է անցյալում, մնում է օտար և տեղական մոնոպոլիստական կապիտալի ամենառեակցիոն և թշնամական ուժերի՝ բռունցքի տակ, ուժեր, որոնք կառավարում են բացահայտ տեռորով»:

«Проблемы мира и социализма» ամսագրի 1985 թ. № 6-ում կարդում ենք. «Թուրքիան «Մարդու իրավունքների» վաշինգտոնյան ծնողների օրհնանքով և 1980 թ. ռազմական հեղաշրջման նախաձեռնողների ուժերով վեր է ածվել համատարած համակենտրոնացման ճամբարի»:

Թուրքական բանտերում սովորական երևույթ է, երբ «սպանությունը քողարկվում է ինքնասպանության տակ»: 1980—1984 թթ. ընթացքում ռազմական դատարանները դատապարտել են ավելի քան 42 հազար մարդու: Միայն 1984 թ. մահվան էր դատապարտվել մոտ 200 մարդ, իսկ 6000-ին մահապատիժ էր սպասվում: Թուրքիայում ընթացքի մեջ է... մոտ 1000 նոր բանտերի շինարարությունը:

«Ցումանիտե» թերթը գրում է, որ կալանավորներից խոստովանություն կորզելու նպատակով նրանց հետանցքը ձողեր են խրում, անողոքաբար ծեծում, ստիպում երկար ժամանակ կանգնած մնալ, սառնամանիքին հարկադրում են դրսում լողանալ և այն էլ սառը ջրով, հաճախ է օգտագործվում փայտով ոտքերի ներքանների հարվածելը՝ ֆալսխան: Բանտարկյալներին հարկադրում են ուտել իրենց արտաթորանքը, նրանց վրա բաց են թողնում կատաղած շներ: 1980—1984 թթ. ընթացքում խոշտանգումների հետևանքով՝ բանտում մահացել է 130 մարդ: Բանտերում չեն խնայում նաև կանանց ու երեխաներին: Նկատվել են բանտարկյալների խմբակային բռնաբարության մի շարք մաստեր⁸:

Ականատեսների վկայությամբ բանտարկվածների մեջ կան նաև 7—11 տարեկան երեխաներ:

Թուրքական «Նոկտա» թերթը 1986 թ. փետրվարի 2-ի և 9-ի համարներում տպագրեց գաղտնի ոստիկանության նախկին ծառայող Ս. Ջանետի հուշերը, որոնցում նա պատմում է քաղաքական բանտարկյալների նկատմամբ իրականացված աներևակայելի խոշտանգումների մասին: Հեղափոխական ժողովրդական միության կապավորուհի Ջ. Դեյիրմենջիի վրա կիրառեցին ֆալսխան, էլեկտրական հոսանք, «պաղեստինյան» և «մսադործի» կախաղաններ, «գործողության սեղան»: Կնոջ աչքերը կապում էին, ձեռքերը մեջքին ամրացնում, կախում և մարմնի ամենազգայուն մասերին միացնում էլեկտրական հոսանք, սեռական օրգանների մեջ մեծ ճնշման տակ ջուր սրսկում, աղի պանիր ուտեցնում, կանգնեցնում աղբյուրի կողքին և թույլ չէին տալիս ջուր խմել, բռնաբարում կոկա-կոլայի շշով: Պատահական չէ, որ կինը այդ գաղանթություններին չի դիմանում և մեռնում է:

«Գործողության սեղան» այն էր, երբ կալանավորներին մերկ պառկեցնում էին սեղանին, ոտքերն ու ձեռքերը ամուր կապում և ապա նրա մարմինը ծածկելով աղաչրով, միացնում էին էլեկտրական հոսանքը: Եվ այսպես 3—4 օր շարունակ: Դեռատի մի աղջկա «պաղեստինյան կախաղան» բարձրացրին և մահակով բռնաբարեցին: Քաղաքական հանցագործ Հ. Կապանի խոշտանգումները տեւեցին 200 օր: Նրա քթից շղթայով օղակ անցկացրին և վեց օր շարունակ հարվածելով, ինչպես շղթայված վագրի, խաղացնում էին:

Քրդական «Գահլ» («Ժողովուրդ») թերթը 1985 թ. ապրիլի 15-ին գրում է. «Ըստ պաշտոնական տվյալների, 1983 թ. հունիսին քաղաքական բանտարկյալների թիվը Թուրքական զինվորական բանտերում հասնում էր 21046-ի... սակայն նրանց խկական թիվը շատ ավելի մեծ է: Ձերբակալվածների զգալի մասը մեղադրվել է Թուրքական քրեական օրենսգրքի 141 և 142 հոդվածներով, որոնք վերաբերում են շօրինականացված կազմակերպության անգամ լինելուն կամ «կոմունիստական պրոպագանդայով զրաղվելուն»:

Օրենսգրքի այդ հոդվածներն օգտագործվեցին ձախ հայացքներ ունեցողներին, առաջագեծ ժուռնալիստներին, գրողներին, հրատարակիչներին, թարգմանիչներին, գիտնականներին և մտա-

վորականության մյուս ներկայացուցիչներին բանտ նետելու համար:

«Թուրքական առաջադեմ արհմիության 85 ղեկավարներից (40-ը կանայք) 74-ը դատապարտվել են մահապատժի, շնայած մեղադրական եզրակացության մեջ ոչ մի կոնկրետ փաստ չկար նրանց կողմից «բռնության ակտ» գործադրելու մասին, և նրանք բոլորն էլ անվանված էին «խղճի բանտարկյալներ»:

Կոմունիստներին բանտերում ամեն օր խոշտանգում էին էլեկտրական նստարանների վրա, նրանց սոված կատունների հետ փակում պարկերում, մարմինները ծակում ծխախոտի այրոցքներով:

Իշխանությունները կազմակերպեցին քաղաքական կուսակցությունների մի քանի խոշոր դատավարություններ, լուծարքի ենթարկվեցին ու ջախջախվեցին բոլոր՝ թվով 20 առաջադիմական ու դեմոկրատական կազմակերպությունները: Մահամանափակվեցին քաղաքացիական իրավունքներն ու ազատությունները, գործնականում երկրի ազգաբնակչությանն արգելվեց քաղաքական գործունեությանը զբաղվել: Անսահմանափակ իրավունքներից օգտվում են միայն ներքին գործերի մինիստրությունն ու ոստիկանությունը:

Կառավարման պառլամենտական համակարգին անցնելուց հետո էլ գեներալները շարունակում են իրենց ձեռքում պահել պետության ներքին և արտաքին քաղաքականությունը: Թուրքիայում «լինվորականությունը, — 1985 թ. սեպտեմբերի 12-ին գրեց «Նյու Յորք Թայմսը», — շնայած վերադարձել է իր գորանոցները, սակայն դրանց դռները բաց են և գտնվում են քաղաքացիական կառավարության գրասենյակներին առընթեր»:

Ինչպես բնութագրել է Թուրքիայի կոմկուսի V համագումարը, «երկրում հաստատվել է համաձայնողական օլիգարխիայի դիկտատուրա»:

Քաղաքական վաճառ հալածանքների զոհ դարձան Թուրքիայի խաղաղության կողմնակիցների շարժման ու գրողների կազմակերպության ղեկավարները: Այս պայմաններում տրամաբանական հնչեց պրեզիդենտ էվրենին Թուրքական ֆաշիստների Գորշ գայլերի լիդեր Թուրքեշի գրած հետևյալ երկտողը. «Ծն ինչո՞ւ եմ դատվում, երբ երկրում իմ գաղափարներն են իշխում»: Եվ գարմանալու ոչինչ չկա, — 1985 թ. օգոստոսի 13-ին

գրեց ֆրանսիական «Տիրզարոն», — որ որոշ ժամանակ անց թուրքական ֆաշիզմի այդ լիդերն ազատ արձակվեց:

Մանր է Թուրքիայի տնտեսական ու ֆինանսական վիճակը: Աշխատավորական խավերը տառապում են աղքատության ճիւղաններում: Թուրքիայի արտաքին պարտքերը անցնում են 30 միլիարդ դոլարից: Երկրի միջին տնտեսական շահույթները հազիվ բավարարում են այդ պարտքերի տոկոսները վճարելուն: Հաշվված է, որ Թուրքիայի յուրաքանչյուր բնակիչ, այդ թվում նաև նորածին երեխան, XXI դար կթևակախի աշուսահմանին 1000 դոլար պարտքով: Թուրքիան հարկադրված է արտաքին պարտքերը փակել նոր փոխառություններ, այսինքն նոր պարտքեր վերցնելու միջոցով:

Ֆինանսական վիճակը շտկելու նպատակով Օզալը վաճառքի հանեց 263 պետական ձեռնարկություն և հաստատություն, այդ թվում երկաթուղիներ, ռադիոկայաններ, թղթի և կարի արգյունաբերական ձեռնարկություններ: Վաճառվել են Բոսֆորի կամուրջի շահագործումը, թեյի արտադրությունն ու էլեկտրակայանները, օդային փոխադրումները: Արտաքին առևտրական հարաբերությունների հաշվեկշռի ճեղքվածքը փակելու համար Թույլատրվել է արտահանումների ժամանակ օգտագործել թուրքական թղթուկին, ինչպես նաև ոսկու առևտուրը, բայց, շնայած դրան, ներմուծման և արտահանման տարբերությունը շարունակում է կազմել 2 միլիարդ դոլար՝ հօգուտ ներմուծման: 1980—1984 թթ. ընթացքում բանվորների ու աշխատավորական մյուս խավերի աշխատավարձը կրճատվել է 55 տոկոսով¹⁰, Բարձրացել են ապրանքների գները և, ինչպես Ասոշիեյդետ Պրես գործակալությունն է հայտնում, Թուրքիայի ազգաբնակչությունը գլխապատույտ ունեցավ գների խելահեղ բարձրացումից: Միայն 1984 թ. 68 տոկոսով ավելացան առաջին անհրաժեշտությունների գները: 1985 թ. սկզբին բարձրացան հեղուկ վառելիքի, շաքարի, էլեկտրաէներգիայի և այլնի գները: 1984 թ. ընթացքում վառելիքի գներն աճեցին 11 անգամ, իսկ բնակվարձը՝ 50 տոկոսով: Մտցվեց նոր եկամտահարկ, որի ընդհանուր գումարը կազմում է 400 միլիարդ լիրա: Պաշտոնական տվյալներով գործազուրկների թիվը հասավ 4 միլիոնի, այսինքն՝ բանվորների ընդհանուր թվի 25 տոկոսը (ըստ արհմիությունների տվյալների գործազուրկ է 7,5 միլիոն մարդ): Ամեն տարի գործազուրկների բանակը համարվում է 350 հազար մար-

գով: «Ավելորդ մարդկանց» 55 տոկոսի տարիքը 25-ից չի անցնում: Միլիոնավոր թուրք աշխատավորներ հաց վաստակելու ակնկալիքով դիմում են պանդխտության և իրենց աշխատուժը ամենաէժան դներով վաճառում եվրոպական շատ երկրների շուկաներում: Մանր է արտագնա աշխատանքի մեկնածների վիճակը. նրանք տնտեսական վայրագ շահագործման են ենթարկվում, զոհ դառնում բազմաթույթ խտրականությունների:

Ճրանկֆուրտի դասարանի որոշմամբ արգելվել է թուրքերի այցելությունը հասարակական վայրեր ու հաստատություններ: Քաղաքի փողոցներում նույնիսկ ցուցանակներ երևացին՝ «Լավ թուրքը մեռած թուրքն է» մակագրությամբ:

Աշխատանքի դիմաց թուրքը և մյուս օտարերկրացիները շատ ավելի քիչ են վարձատրվում, քան ԳՖՆ-ի բնակիչները: Նրանց օգտագործում են ծանր, վտանգավոր և ցածր վարձատրվող աշխատանքներում:

Թուրքիայում հասարակական հարստությունը տարեցտարի ավելի ու ավելի կուտակվում է թուրքական խոշոր կապիտալի ու միջմայրցամաքային մոնոպոլիաների ձեռքում, ավելի անգույժ է դառնում հասարակության աղքատ խավերի շահագործումը:

Մեծ քաղաքների բնակչության 35—60 տոկոսը բնակվում է գետնախորշերում: Գյուղացիների 72 տոկոսն ունի մինչև 2,3 հա հող: Իսկ կես միլիոն թուրք գյուղացիներ ընդհանրապես հողագուրկ են: Դրա դիմաց 38 հազար կալվածատերերին է պատկանում բոլոր մշակելի հողերի $\frac{1}{4}$ -ը: Արևելյան նահանգներում «կան կալվածատերեր, որոնց պատկանում է 40-ական գյուղ, — գրել է թուրք գրող Ազիզ Նեսին, — իսկ կալվածատերերի համար աշխատող գյուղացիները շունեն ոչ իրենց գոլը, ոչ անկողինը»¹¹: «Ինչպես հին ժամանակներում, այնպես էլ հիմա թուրք գյուղացին բնակվում է կավաշեն տներում... և ներկայումս էլ ապրում է ինչպես հազար տարի առաջ... 22 միլիոն գյուղացիներից 19 միլիոնը բոլորովին գուրկ է ճանապարհներից, 15 միլիոնը՝ խմելու ջրից, իսկ 21,5 միլիոնը՝ էլեկտրականությունից...», տներում մարդն ու անասունը միասին են ապրում: «Միլիեթի» վկայությամբ, գյուղատնտեսության մեջ արդրների թիվը ոչ միայն չի պակասում, այլ ավելանում է¹²:

Ինչպես տեսնում ենք, հասարակության այս բևեռում տարրական հնարավորություններից գուրկ, քաղցից, թեքստումից ու

համաճարակներից մահվան դատապարտված աշխատավորական բազմամիլիոն զանգվածներն են: Այդպես է ոչ միայն գյուղում:

1986 թ. նոյեմբերի 25-ին «Պրավդան» տպագրեց «Խոշորագույն գործադուլ (աշխատանք և կապիտալ)» հոդվածը, որտեղ ասված է. Թուրքիայում «1983 թ. բանվորական շարժման վրա արգելքը մասնակիորեն վերացվեց, սակայն ուժի մեջ են մնում բազմաթիվ սահմանափակումներ...»: Թերթը նշում է, որ վերջին տարիները նշանավորվեցին «թուրք աշխատավորության կենսամակարդակի անշեղ անկումով: Դա ուղղակի հետևանք է ներկա կառավարության կողմից իրականացվող տնտեսական «լիբերալիզացիայի» քաղաքականության: Պրեմիեր մինիստր Թ. Օզալը բազմիցս հայտարարել է, որ «օտարերկրյա կապիտալի համար Թուրքիան իսկապես դրախտ է բանվորական ուժի էժանության շնորհիվ»:

Թուրքական հայտնի տնտեսագետ է. Սորալը գրում է, որ 1984 թվին 1979 թվի համեմատությամբ բանվորների ռեալ աշխատավարձը կրճատվել է երկու անգամ: Գլխավոր պատճառը ինֆլյացիայի աճն է: Նշենք նաև, որ 1984 թ. հետո ինֆլյացիան աճել է ևս ավելի քան 100 տոկոսով:

Ըստ «Ջուսհուրիեթ» թերթի, թուրքական յուրաքանչյուր հարյուր ընտանիքից 30-ը ապրում է աղքատության մեջ: Հասարակության 10 տոկոսը կազմող հարուստները 47 անգամ ավելի շատ եկամուտ ունեն, որոնց և բաժին է ընկնում ազգային եկամտի 56 տոկոսը, իսկ $\frac{1}{5}$ -րդ մասը կազմող աղքատներին՝ միայն 2,6 տոկոսը:

Գնալով ուժեղանում է Թուրքիայի կախումը արտասահմանյան կապիտալից: Միջմայրցամաքային մոնոպոլիաների հետ մրցութայնը շղիմանալու հետևանքով միայն 1984 թ. Թուրքիայում սնանկացել է 165 ազգային ընկերություն: Քանի որ Թուրքիան միջազգային վալյուտային ֆոնդին հսկայական պարտքեր ունի, վերջինների ճնշման տակ գլխապտույտ արագությամբ արժեզրկվում է թուրքական լիրան: Եվ պատահական չէ, որ, ըստ հասարակական կարծիքի ուսումնասիրության տվյալների, Թուրքիայի ազգաբնակչության 60 տոկոսը դժգոհ է կառավարության տնտեսական քաղաքականությունից:

Այս վիճակից թուրք ժողովրդի ուշադրությունը շեղելու, նրան ջովինիզմի ու պանթուրքիզմի բացիլներ ներարկելու և այդ մի-

չոցով աշխատավորության դասակարգային գիտակցությունը թմրեցնելու, դասակարգային ներհակությունները հետին պլան մղելու համար թուրքական կառավարությունը օգտագործում է նաև «Հայկական ահաբեկչության» շուրջը իր իսկ կողմից բարձրացրած աղմուկը:

1. Միլիթ, 24 օգոստոսի 1982 թ.:
2. Թերջուման, 12 օգոստոսի 1982 թ.:
3. Նույն տեղը:
4. Զարթոնք, 1 փետրվարի 1985 թ.:
5. Հուսարեր, 16 մարտի 1985 թ.:
6. Հուրիեթ, 3 հուլիսի 1984 թ.:
7. Ազգային մշակույթ, 2 դեկտեմբերի 1984 թ.:
8. Շաղկապ, 1982, № 13:
9. Коммунист. 23 мая 1985 г.
10. Ասպարեզ, 8 ապրիլի 1985 թ.:
11. Ք. Պոզնանսկա, Հին և Նոր Թուրքիա, Ե., 1985, էջ 161:
12. Նույն տեղը, էջ 158:

ՈՒՍԱՑՈՒՄ ԵՎ ԲԱՂԱԲԱԿԱՆ ՀԱՍԾԱՆՔՆԵՐ:
ՊԱՏՄՈՒԹՅԱՆ ԵՎ ՄՇԱԿՈՒՅԹԻ
ԿՈՂՈՊՈՒՑ

Թուրքական պաշտոնական շրջաններն ու պատմաբանները վերածնունդ, վերախմբագրում են ոչ միայն թուրք, այլև հարևան ժողովուրդների և, առաջին հերթին, հայ ժողովրդի պատմությունը:

Հայ ժողովրդի, նրա պատմության ու մշակույթի վրա զանգվածային հարձակումը իրոք դարձել է պետական քաղաքականություն: Այդ ընդհանուր հարձակումն ունի երկու գլխավոր խնդիր՝ ժխտել, որ Արևմտյան Հայաստանն է հայերի բնօրրանը և, որ թուրքերը հայ ժողովրդի նկատմամբ իրականացրել են ցեղասպանություն: Թուրքիայի հեռուստատեսության 1982 թ. ապրիլի 14-ի հաղորդման մեջ ասվում է. «... հայոց պատմությունը հաճախ սնվել է լեգենդներով և հեթանոսությամբ: Կան բազմաթիվ լեգենդներ, որոնք ավելի շատացան XIX դարի երկրորդ կեսին: Իրականում հայերի ծագման մասին նույնիսկ արևմտյան աղբյուրներում տեղեկություն և ստույգ փաստ չկա... Ուզում եմ ասել, որ հայերի ծագումը, նրանց ազգային սեր-

ման հարցը խիստ մութ է: Ոմանք պնդում են, որ նրանք ծագել են Բալկաններից եկողների և նույնիսկ հրեաների և այլոց խառնուրդից: Հետևաբար ոչ մի ստույգ փաստ չկա նրանց ծագման մասին»:

Ակնհայտորեն շփոթելով հնդեվրոպացիների՝ Բալկաններից տարածված լինելու գիտական վարկածը լեգենդի և առասպելի հետ (ի դեպ այժմ հերքվում են ինչպես այդ, այնպես էլ Մերձբալթիկայի և Հնդկաստանի վարկածները), թուրք «պատմադրությունը» լուծված է համարում հայերի բնիկ շինելու հարցը: «Երբ հայերը եկան Անատոլիա (Հայկական բարձրավանդակ), այնտեղ վաղուց ի վեր ապրում և ստեղծագործում էին թուրքերի նախնիները»:

Գրա համար իբրև ապացույց նշվում են «թուրքական ութ հազարամյա մշակույթի հուշարձանները», որոնք իրականում ոչ այլ ինչ են, եթե ոչ փոքրասիական քաղաքակրթությունների թողած հայտնի առևտնների հետքեր, ինչպես նաև հայկական հուշարձաններ ու կոթողներ:

Հայերը, — շարունակում է թուրքական հեռուստատեսությունը, — իրենց ողջ պատմության ընթացքում ոչ Արևելյան և ոչ էլ Հարավարևմտյան Անատոլիայում չեն ունեցել կայուն և երկարատև պետականություն: Նրանց հիմնած պետությունները եղել են «ընդամենը փոքր ֆեոդներ (դերբեյություններ)» և որքան էլ նրանց իշխողներին անվանեին արքաներ կամ իշխաններ, այդ թագավորությունները չեն կարողացել իրենց գերիշխանությունն ընդունել տալ նույն շրջանի այլ հայկական դերբեյություններին, նրանք շարունակել են զոյատուկել՝ կախման մեջ լինելով խոշոր պետություններից:

Պարսիկների, հռոմեացիների, արաբների ճնշման և, հատկապես, բյուզանդացիների զործադրած զանգվածային զաղթների հետևանքով հայերը ցրվեցին Արևելյան Եվրոպայից մինչև Հնդկաստան ընկած երկրները: Իսկ Անատոլիայում մնացած հայերը բնակվեցին աննշան ազգային փոքրամասնությունների ձևով:

«... Օսմանցիները բնակավայրերը չխլեցին հայերի ձեռքից, դրանք արդեն հայերի ձեռքում չէին գտնվում:

... Հայերը Օսմանյան կայսրության մեջ եղել են պետության ամենահավատարիմ ենթակաները ոչ մուսուլման ժողովուրդների մեջ: Այն աստիճան հավատարիմ, որ լիովին յու-

րացրել են օսմանյան և հետագայում թուրքական կուլտուրան, որ իրենց հետ Անատոլիա բերեցին օսմանցիները»:

Դեռևս Ք. Աթաթուրքը թուրք պատմաբաններին կոչ էր անում. «Թուրքերը Անատոլիայի հնագույն բնիկ ժողովուրդն են: Անատոլիական բոլոր քաղաքակրթությունների մեջ առկա է նրանց մասնակցությունը: Անատոլիայի ժամանակակից թուրք ժողովուրդը ոչ միայն մշակույթի, այլև ցեղային առումով է Հին Անատոլիայի ժառանգորդը»: Հետևելով այս կոչին, թուրք պատմաբանները ճիգ ու ջանք չեն խնայում «բունի միջոցներով» թրքացնելու Հին Արևելքի գրեթե բոլոր ժողովուրդներին: Այնպես որ Փոքր Ասիայում և Հայկական բարձրավանդակում այլ ժողովուրդների համար ուղղակի տեղ չի մնացել, որովհետև այստեղ մշտապես բնակվել են «թուրքերի նախնիները»:

1979 թ. Կ. Պոլսում անգլերեն լույս տեսավ Վանի պատմահնագիտական ուսումնասիրության կենտրոնի հիմնադիր, պրոֆեսոր Հ. էրգենի «Արևելյան Անատոլիան և ուրարտացիները» գիրքը: Հեղինակը Անատոլիա է համարում նաև Հայկական բարձրավանդակը և այն անվանում Արևելյան Անատոլիա: Մինչդեռ հայանի իրողություն է, որ Անատոլիան սկսվում է Եփրատի արևմտյան ափերից: Հ. էրգենը Վանի շրջանում եղած ժայռապատկերների կերտողներ է համարում «Հին թափառաշրջիկ ու կիսաթափառաշրջիկ թուրքական ցեղերին»: Ելնելով այդ «հայտնագործությունից», հեղինակը եղրակացնում է. «Հետևաբար պարզ է, որ նույնիսկ նախապատմական ժամանակաշրջանում գոյություն է ունեցել անքակտելի միասնություն Անատոլիայի, արևելաանատոլիական շրջանի և Ադրբեջանի ու Ասիայի տափաստանների մշակութային կենտրոնների միջև»:

Հեղինակի կարծիքով, խուրրիներն ու ուրարտացիները ևս թուրքական ծագում ունեն: Խուրրիներին թրքացնելուց հետո նա յուրացնում է նաև հայկական թոնրատները, հայտարարելով՝ «Անդրկովկասի, հյուսիսարևելյան Իրանի և Վանի ճարտաքապետության գնդաձև տիպը խուրրիական մշակույթի բնորոշ գիծն է: Այդ տները, որոնք նման են կիսաքոչվոր խուրրիացիների վրաններին, օգտագործվում էին կենցաղում»: Բնական լույսի համար վերևում մեծ անցք ունեցող վրանները, որոնք այժմ էլ օգտագործում են կիսաքոչվոր թուրքական ցեղերը, հիշեցնում են այդ գնդաձև տները, որ «խոսում է անատոլիական ավանդությունների փոխանցման մասին»:

Ինչ վերաբերվում է ուրարտացիների հետնորդներին, ապա ըստ այդ հեղինակի, նրանց թագավորության անկումից հետո 1000 տարի ուրարտական տարածքները մնացին չբնակեցված, մինչև որ այստեղ եկան նրանց ազգակից թուրքերը՝ «բնակեցնելու պապենական տարածքները»:

1982 թ. Թուրքիայում հրատարակված «Վանի պատմությունը և թուրք-քրդերի վերաբերյալ հետազոտությունները» գրքում կան հետևյալ բնույթի բազմաթիվ էջեր. «Մեզ համար աններելի է, որ երբեմն շմտածելով, իսկ ավելի հաճախ անտեղյակություն ու տգիտության պատճառով, մենք այդ հիասքանչ վաղընջական հողերը էրմենիստան ենք անվանում: Հայերը յուրացնում են այդ հնամենի երկրի անունը, իսկ Արարատ սարը համարում են իրենց խորհրդանիշը... Հակառակ բոլոր պատմական փաստերի, էրմենիստան հասկացությունը, որպես հայերի հայրենիք, հակաթուրքական պրոպագանդայի ձևերից մեկն է»:

«Հայ ժողովուրդը և թուրք ժողովրդին ստրկացնելու փորձերը» գրքում ասվում է, որ Բիհիթունի ժայռի վրա Դարեհի մ. թ. ա. 521 թվի արձանագրության մեջ հիշատակված «Արմենիա» երկիրը նշանակել է լոկ բարձրալեռ երկիր և ոչ մի կապ չունի հայերի հետ, որ այդ երկրում բնակվողները խոսել են թուրքերենին մոտ լեզվով, իսկ հայերը հետո են եկել և չեն սերում տեղացի և ոչ մի ժողովրդից՝ «ոչ կովկասյան ժողովուրդներից, ոչ Ուրարտուից և ոչ էլ Նաիրիից»: Դրա վկայությունն այն է, որ ոչ Հերոդոտոսը և ոչ էլ Քսենոֆոնը հայ անունը չեն հիշատակել: Իսկ հայերը հետո գալով բնակվել են Արարատ լեռից հյուսիս-արևելք, այսինքն՝ ներկայիս Թուրքիայի տարածքի հետ հայերը ոչ մի առնչություն չունեն:

Թուրք են համարվում նույնիսկ Գրիգոր Լուսավորիչն ու Արշակունիները, պատմության թուրք կեղծարարները անգամ չեն խորշում հայտարարել, որ հայ գրերը ևս ստեղծել են թուրքական ծագում ունեցողները:

«Վանի, Բիթլիսի շրջանների բնակիչները, — գրում է Բ. Օզկայան, — որոնք ծագում էին տեղաբնիկներից կամ Վանի բնակիչներից՝ խառնված սկյուրների, մարերի, հեթիթների հետ, քրիստոնեացվեցին և, կախված լինելով Գրիգորյան եկեղեցուց, հարկադրված եղան... սովորել այն լեզուն, որով խոսում էին էջմիածնում: Նրանց մեջ գտնվեցին նույնիսկ այնպիսիները, որոնք մոռացան իրենց նախնիների լեզուն»:

1982 թ. Անկարայում լույս տեսավ Մ. Ռիզայի «Մեր էությունն ու ընդհանուր լեզուն» գիրքը, որը նույնպես պընդում է, որ թուրքերը Հայաստանում բնակվել են հնագույն ժամանակներից, բայց հետագայում, ենթարկվելով հարևան ժողովուրդների ազդեցությանը, դարձել են քրիստոնյա և կորցրել իրենց ազգային դեմքը: Որպես օրինակ հիշատակվում են համշենցիները: Մի այլ հեղինակ՝ Քատրի Ք. Քոպը, գտնում է, որ բացի թուրքերից այս շրջաններում «էթնիկական այլ ընդհանրություններ առհասարակ չեն եղել»:

Թուրքական շովինիզմն ու սնապարծությունը սահմաններ չեն ճանաչում:

1985 թ. հոկտեմբերի 9-ին «Հուրիեթը» գրեց. «Այսօրվա արևմրտյան քաղաքակրթությունը... ամեն ինչով պարտական է Վերածննդին, որը սկիզբ է առել 1453 թվականին, մեր կողմից Ստամբուլը գրավելով»:

«Այցելեցեք էտրնես և Բուրսա,— գրում է «Թուրքիշ Դեյլի Նյունս» թերթը,— տեսնելու համար այն հիվանդանոցները, որտեղ արդեն XIV դարում հոգեկան հիվանդներին երաժշտության ունկնդրության միջոցով էին բուժում»: Իրապես Թուրքիայում հոգեբուժությունը հիմնադրել են հայերը և այն էլ XIX դարում»:

* * *

Վերջերս Թուրքիայում արգելվեց երկար տարիներ գործածության մեջ գտնված «Ստամբուլ» տուրիստական ուղեցույցը, որովհետև նրանում կարելի էր հանդիպել հետևյալ տողերի՝ «Աբդուլ Համիդի հրահրմամբ Ստամբուլում 1894—1896 թթ. 7000 հայ սպանվեց: Իսկ 1915 թ. էլ արևելյան նահանգներում մոտ 1 միլիոն հայ կոտորվեց»⁴:

Բուլղարիայի կոմկուսի Կենտկոմի մի շարք անդամներ, պետական, հասարակական գործիչներ, գիտության և մշակույթի աշխատողներ 1985 թ. դեկտեմբերին նամակ հղեցին Թուրքիայի վարչապետ Օզալին, որտեղ գրված էր. «Ինչ իրավունքով է Թուրքիայի վարչապետը խոսում բուլղար մահմեդականների անունից, քանզի նա դեռ հուշակված չէ աշխարհում ապրող մահմեդականների խալիֆ: Բայց, որովհետև դուք շատ եք սիրում հարցեր բարձրացնել միջազգային տարբեր համաժողովներում, գուցե պատասխանեք՝ ի՞նչ պատահեց Թուրքիայում

բնակվող հազարավոր բուլղարներին: Ի՞նչ ճակատագիր ունեն հայերը, հույները, քրդերը, արաբները, ասորիները, ալբանացիները և ուրիշները ձեր երկրում: Ինչպե՞ս է պահպանվում նրանց ազգային գոյատևումը, երբ, ըստ թուրքական սահմանադրության 66-րդ հոդվածի, թուրքական հանրապետության յուրաքանչյուր քաղաքացի թուրք է, իսկ համաժայն 1984 թ. ընդունված «Ազգանունների պարտադիր փոփոխման» օրենքի՝ Թուրքիայի յուրաքանչյուր քաղաքացի պարտավոր է ազգանվան փոխարեն մականուն ընդունել՝ անկախ իր ազգային պատկանելությունից»⁵:

Բայց նախ տեսնենք, թե Թուրքիայում բնակվող փոքրամասնությունների վիճակն ինչպես են ներկայացնում իրենք՝ թուրքերը:

Վաշինգտոնում Թուրքիայի դեսպան Շ. էլեբգազը ամերիկյան ղեկավարներին տեղեկացնում է. «Թուրքիայի հայերը թուրք ժողովրդի բաղկացուցիչ և անբաժան մասն են կազմում, նրանք վայելում են այն բոլոր իրավունքներն ու ազատությունները, ինչ թուրքական քաղաքացիներն են վայելում»:

«Թուրքիայի հայերը իրենց տաղանդը, կարողություններն ու եռանդը օգտագործում են... Թուրքիայի բարգավաճմանը իրենց ակտիվ մասնակցությունը» բերելու համար⁶:

Մինչդեռ հալածանքներից խուսափելու համար Թուրքիայի հայ ազգաբնակչության 2/3-ը փոխել է իր ազգանունը և ազգությունը: Այսօր էլ իշխանությունների թողալով թյամբ քուրդ բեկերն ու թուրք հարուստները հայ ծառա-ստրուկներ են պահում:

Ներկայումս Թուրքիայում բնակվող հայերի միայն 20 տոկոսն է ի վիճակի գրել և կարդալ մայրենի լեզվով: Ըստ սահմանադրության միայն թուրքերենն է ոչ միայն պետական, այլև խոսակցական լեզու: Հայ ազգաբնակչության անձի անվտանգությունը իշխանությունների կողմից չի սպահովված: Նրիտասար-

* «Թերզուման» թերթը գրում է. «Այսօր Թուրքիան «Հայկական հարց» կոչված խնդիրը շունի: Թուրքիայում հայ չկա, Հայկական ծագումով թուրքեր կան: Թուրք հայրենակիցները անառակելիորեն իրավահավասար թուրքեր են»:

Ըստ «Միլիթթի», օրեցօր շատանում է Թուրքիայից հեռացող հայերի թիվը, որի պատճառը կրոնական ու ազգային հետապնդումներն են:

«Հակառակ դաշնագրերի, ՄԱԿ-ի որոշումների... փոքրամասնության իրավունքները շարունակվում են անտեսվել, որ պատճառ է դառնում փոքրամասնությունների ձուլման և ճնշման քաղաքականության գործադրման»:

դուժյան համար զինվորական ծառայությունը նշանակում է ան-
նկարագրելի տանջանքներ. հայ զինվորներին հալածում են թե՛
սպաները և թե՛ շարքայինները: Նրանք բռնի թլպատ-
վում են:

Թուրքական Ունիե քաղաքում մի հայի հարսանիքի ժամա-
նակ թուրքերը հրդեհեցին հարսանքավայրը, որի հետևանքով
14 մարդ զոհվեց և 10-ը ծանր վիրավորվեց: 25 տարի առաջ
մի հայ կին եկեղեցուն շենք էր նվիրել: Այսօր այդ շենքը իշ-
խանությունները բռնագրավել են այն պատճառաբանությամբ, որ
«հայը նվիրատվության, այսինքն եկեղեցուն, հիվանդանոցին և
հայկական որբանոցին հողակտոր նվիրելու իրավունք չունի»:
Կ. Պոլսի հայկական հիվանդանոցի վերանորոգումն արգելվեց,
որովհետև «փոքրամասնությունները իրավունք չունեն իրենց
շենքերը վերանորոգելու»:

Շնորհ պատրիարքին արտասահման մեկնելու թույլտվություն
են տալիս պայմանով, որ նա երկրի սահմաններից դուրս
խարազանի «Հայկական հարցը» բարձրացնողներին և Թուր-
քիայում ապրող հայերին ներկայացնի որպես «գրախտի բնա-
կիչներ»:

Վաթֆը հայկական գյուղ է Թուրքիայում: «Թերջուման» թեր-
թի թղթակիցը լինում է այդ գյուղում և 1985 թ. հունվարի 30-ի
համարում պատմում է իր այցի մասին: Վաթֆի գյուղացիները,
աշնորհիվ օսմանյան Թուրքիայի և հանրապետական Թուրքիա-
յի անգուգական լայնախոհության, հասել են մեր օրերը, պահ-
պանելով իրենց բոլոր հատկությունները»: Գյուղացիներն իրենց
անվանում են «քրիստոնյա թուրքեր»: Գյուղի դպրոցը թուրքա-
կան է, եկեղեցի չունի, գյուղացիների մեծ մասը հայերեն չգի-
տեն, թուրքացված են նրանց անուններն ու ազգանունները: Թուր-
քիայի ներքին գավառներում «յան» վերջավորությամբ հայկա-
կան ազգանուններ չկան: Բոլորը բռնությամբ թուրքացվել են:
Այսօր էլ քրիստոնյա մնացած հայերը բռնությամբ մահ-
մեղականացվում են, Արևմտյան Հայաստանում կան ոչ
քիչ թվով գյուղեր, որոնց բնակիչները ծագումով հայեր են,
պահպանել են հայկական սովորությունները, սակայն հայերեն
չգիտեն և մահմեդականացված են⁷:

1985-ին երկու հայ դատապարտվեցին սոսկ այն բանի հա-
մար, որ Վարդոյում, Գիարքեքիրում և Կեսարիայում բնակ-
վող Պատուկենտ հայերի երեխաների համար հայոց լեզվի

գասընթաց էին կազմակերպել: Նրանց մեղադրեցին «Թուրք
որբերին հայացնելու» մեջ:

Նրկու անգամ դատի տրվեց Բ. Թուրլաճյանը՝ Վ. Լենեֆի
«Արևելյան ալբոմը» (որում Թուրքիան ներկայացված է յոթնե-
բազմազգ պետություն) թարգմանելու և հրատարակելու, ինչ-
պես նաև Պալյան գերդաստանին նվիրված ուսումնասիրության
համար, որտեղ «Թուրքական տաղանդին հատուկ ճարտարապե-
տական կոթողները հայի են վերագրված»:

Սա է թուրքական «լայնախոհությունը»:

Կոնիայի դատարանը 5 տարվա բանտարկության դատա-
պարտեց թուրք առևտրականին միայն նրա համար, որ զրույցի
ժամանակ նա ասել էր. «Օսմանյան կայսրությունը կայսերա-
պաշտ էր: Հայերը արդար են»: Նրան մեղադրանք ներկայացվեց
«Թուրքական հողերի վրա հայկական հանրապետություն ստեղ-
ծելու օգտին քարոզություն տանելու համար»⁸:

1984 թ. նոյեմբերին թուրքական իշխանությունները ձերբա-
կալեցին մի խումբ հայ ոսկերիչների, որոնց ունեցվածքը բըռ-
նագրավեցին, իսկ նրանց դատի տվեցին: Պետական այս կողո-
պուտ-հալածանքի համար թուրքական պաշտոնական շրջան-
ները և մամուլը առաջ քաշեցին պատրաստի մեղադրանք՝ պըն-
դելով, թե «հայ ոսկերիչները նյութապես օժանդակում էին
ԱՍԱԼԱ-ին»: Բացարձակապես հնարված մեղադրանք, որ օգ-
տագործվեց Կ. Պոլսի հայ համայնքի շուրջը մեկ անգամ ևս թըշ-
նամական կրքեր բորբոքելու, հայերի ունեցվածքը թալանելու,
նրանց նկատմամբ բռնություններ գործադրելու համար:

Թուրքական պառլամենտում, երբ քննարկվում էին կառավա-
րական պաշտոններ զբաղեցնող բարձրաստիճան անձանց խար-
դախությունների ու կաշառակերության փաստերը, պետական
մինիստր Մ. Էլմազը այս աղմկոտ, հասարակական լայն ար-
ձագանք ստացած դեպքերի մեղքը ևս բարդեց հայերի վրա:
Նա հայտարարեց, որ Թուրքիայում մաքսանենգության հեղի-
նակները «ԱՍԱԼԱ-ն ու անջատողականներն են»: Քրեական իր-
շոր հանցագործություններին քաղաքական բնույթ տալու միջո-
ցով իր գործընկերներին արդարացնելու, հակահայկական տրա-
մագրություններին մի նոր հզոր լիցք հաղորդելու համար նա
պառլամենտին ներկայացրեց հայերի «հակաթուրք» գործունեու-
թյան միջազգային լայն կապեր ունեցող «գավազորությունները»:
Խոսելով «Ռուսաստանում, Շվեյցարիայում և Սիրիայում գոր-

ծող 12 հայկական կազմակերպությունների» մասին, նա թուրք ժողովրդին հայտնեց՝ 1984 թ. «ապրիլի 30-ին ձերբակալվեց իմրադեղերի առևտրով զբաղվող հայկական ծագում ունեցող մի մաքսանենգ, որի տված տեղեկությունների հիման վրա 102 հոգի հսկողության տակ են վերցվել: Ստուգվեց, որ 400 հազար գենթե և 2,5 միլիոն փամփուշտ գաղտնի երկիր է բերվել՝ անջատողական ձախակողմյան կազմակերպությունների համար: Քննությունը շարունակելով նաև քաղաքական տեսակետից, հայտնի դարձավ, որ... բազմաթիվ ահաբեկչություններ կատարվել են այդ ցանցի կողմից»:

Եվ ապա, հայերի «նպատակներից մեկն էլ թուրքիայի տընտեսության քայքայումն է»: Ինչպես տեղեկացրել են մինիստրին, «հայերը 50 միլիոն գուլար կեղծ դրամ են տպել թուրքիա ու դարկելու համար և թուրքիայում 10 հազար դուլար կեղծ դրամ է» իշխանությունների ձեռքն ընկել:

Բայց ահա որոշ ժամանակ անց արտաքին առևտրի մինիստրության խորհրդականի օգնական Տողան Աքը հայտարարեց. էլ մազը «իրար խառնելով խնձորն ու տանձը, ահաբեկելու ճիգ է գործադրում: Հայերը, ոսկերիչները թե այլոք, ԱՍԱԼԱ-ի հետ կապ չունեն, մեր խնդիրը ԱՍԱԼԱ-ի խնդիր չէ: Ես այդ դեպքերի մեջ եմ: Կարող եմ լավագույն ձևով արժեքավորել դրանք: Մինիստրի լուսաբանությունները մեր խնդրի հետ որևէ կապ չունեն...»: Իսկ ոսկերիչներն ու մյուս ձերբակալվածները շարունակում են մնալ բանտերում⁹:

Երբ Ֆրանսիան, առողջապահական նկատառումներով, հրաժարվեց թուրքիայից գինի ներմուծել, թուրքական իշխանությունները հայտարարեցին, թե «ինչպես այլ բնագավառներում, այնպես էլ այս խնդրում հայերն են ամեն տեսակ մեքենայության դիմել, որպեսզի թուրքական գինիները մերժվեն»: Ի դեպ, թուրքիան դաժան է վարվում ոչ միայն երկրում բնակվող հայերի, այլև բոլոր այն հայերի նկատմամբ, որոնք գտնվում են նրա սահմաններից դուրս: Այսպես, նրանք ավերածություններ կատարեցին Կիպրոսի հայկական շրջաններում, 1984 թ. հուլիսին թուրքական ջոկատը ներխուժեց Սիրիա և բուլղոզերներով ավերեց էսկուրեն հայաբնակ գյուղը:

Համաշխարհային եկեղեցական խորհուրդը թուրքիայում քրիստոնյաների վիճակը բնութագրում է հետևյալ կերպ. նրանք

մշտապես ենթարկվում են բռնության: Եթե անարդարություններից տուժող քրիստոնյաները դիմում են դատարան կամ ոստիկանություն, տուժողն է պատժի ենթարկվում: Դատարանն ու ոստիկանությունը պայմանավորվել են, որպեսզի բողոքները հետ տրվեն առանց քննության: Քրիստոնյաների նկատմամբ հանցագործություն կատարած անձանց, դատելուց որոշ ժամանակ անց, ազատ են արձակում, եթե նույնիսկ հանցագործը մի քանի տարվա բանտարկության է դատապարտված: Այլ երկրներ փախելու դեպքում ևս քրիստոնյան փրկված չէ, քանի դեռ նրա ընտանիքը թուրքիայում է¹⁰:

Իշխանությունները հայերին մերժում են եկեղեցապատկան հողերում նոր շինությունների կառուցման հարցում, չնայած այդ հողերի վարձը կանոնավոր կերպով գանձվում է: Կրոնական շինությունների, դպրոցների վերականգնման ու վերանորոգման կամ նույնիսկ պահպանման համար թույլտվություն տրբվում է մեծ դժվարությամբ և ուշացումով:

Ստամբուլի Գալխօղլուի շրջանում գտնվող Ոսկեղջյուրի վրա նոր կամուրջի շինարարության պատճառով հայկական երկու եկեղեցիներ ու ապաստարաններ քանդվեցին: Այդ և մյուս շինքերի վաճառքից ստացված գումարը բռնագրավվեց նոր կամուրջի շինարարության վարչության կողմից:

Փոխվեց կրոնական գործերի վարչության անունը, որի հետեվանքով այն զրկվեց սեփականության հարցերը լուծելու իրավունքից: «Քաղաքացիական իշխանություններն այժմ պնդում են, որ եկեղեցիներն իրավունք չունեն սեփական գույք ունենալու կամ էլ այն գնելու»¹¹:

Ստամբուլում գործում էր 27 հայկական դպրոց: Լուսավորության նախարարության որոշմամբ այդ դպրոցներում որպես տրեսորենի տեղակալ թուրքեր են նշանակված: Փաստորեն նրանք են ղեկավարում այդ կրթօջախները և խնդիր ունեն՝ որքան հնարավոր է շուտ «թուրքացնել» դրանք: Գործող հրահանգները խոչընդոտում են հայ ծնողներին՝ իրենց երեխաներին ուղարկելու հայկական դպրոցներ: Օրինակ, հայ երեխաներին արգելում են ընդունվել հայկական դպրոց, եթե նրանք չեն բնակվում այդ դպրոցի շրջակայքում կամ եթե թուրքական անուն են կրում: Իշխանությունները հարկադրում են նրանց փոխել իրենց անունները: Թուրքիայում այսօր էլ փակվում կամ թուրքացվում

են հայկական դպրոցները: Վերջին քսան տարում փակվել է 10 հայկական դպրոց*:

Հանգես գալով ֆրանսիական հեռուստատեսությանը, մի խումբ քուրդ ժուռնալիստներ և հասարակական գործիչներ պատմեցին թուրքական իշխանությունների հակաժողովրդական դաժան քաղաքականության մասին: Նրանք մասնավորապես անդրադարձան փոքրամասնության նկատմամբ կառավարության անհանդուրժողական վերաբերմունքին, քրդերի, ասորիների և հայերի ծանր վիճակին¹²:

Հայը Թուրքիայում ենթարկվում է «ամեն կարգի մեծ ու փոքր հալածանքների»: «Գյուղերում և ավաններում դրուժյունն ավելի ծանր է, քան Ստամբուլում»: Թուրքիայում բնակվող հայերը «մտովին շղթայված են այդ ամենահաս դիկտատուրայով, որի ծանրության տակ տարիներ շարունակ ապրել են: Մինչև արտասահման աշխատանքի մեկնելը նրանք ցեղասպանության մասին ոչինչ չէին լսել: Գրաքննությունն ու ինքնագրաքննությունը նրանց ընտանիքներում այնպիսին էր, որ նրանք ոչինչ չգիտեին 1915 թ. ընթացքում տեղի ունեցած իրադարձությունների մասին: Նրանք պատմում են, թե ինչպես էր թուրքական ոստիկանությունը խոշտանգում հայերին, թե ինչպես նրանց ընկերները, որոնք քաղաքականությանը երբեք չեն զբաղվել, ձերբակալվում էին ԱՍԱԼԿ-ին պատկանելու մեղադրանքով, որի մասին հազիվ թե ինչ-որ բան էին լսել»¹³:

Թուրքական պաշտոնական շրջանները երկրում բնակվող հայերին որպես պատանդ են օգտագործում:

* * *

1985 թ. հունվարի 28-ին թուրքական հեռուստատեսությանը ելույթ ունեցավ մի մանկական երգչախումբ: Թե ինչ էր իրենից ներկայացնում այդ երգչախմբի երգացանկը, բերենք միայն մի օրինակ.

«Գարը իմն է,
Էրզրումը իմն է, Երզնկան իմն է,
Թուրք եմ,
Երանի ինձ...»

* Հոտ պատրիարքարանի հայտարարություն, 1987 թ. Կ. Պուրում մե-
ցել է միայն ինչ հայկական դպրոց:

Այս առթիվ սփյուռքահայ առաջադեմ գրող Գ. Աղդարյանը գրեց. «... մաղձ է, թույն է, ինքնահամոզման ճիգ է և ուրիշի ինչքը սեփականացնելու հոգեբանական փորձ: Երեխաների շրթերից բարձրացող այդ երգը ցեղամոլության հաստատում է, բռնագրավման «նվիրագործում», նոր սերնդին, սերունդներին փոխանցված ու միաժամանակ կեղծ սնապարծության հետևում թաքնված վախ, գողի վախ՝ զողացածը իր տիրոջը վերադարձնելու հավանականության նկատմամբ...»

Երեխան, և ընդհանրապես թուրքը, իր սեփականի, անհատականի սեփականատիրական զգացում պիտի ունենա բռնությանը, արյունով, ջարդով յուրացրած հայկական հողերի նկատմամբ... այդպես են «լվանում» մանուկների ուղեղները, ինչպես պատմության նենգափոխումներն են վերածվում երգի... Թուրք երեխաների շրթունքներին: Թալեաթի հուշարձանը Պուլսի հրապարակներից մեկում կանգնեցնելուց հետո (այն) փոխադրում են նաև երեխաների հոգիները...»¹⁴:

Նույն նպատակն են հետապնդում աղավաղումների միջոցով հայկական տեղանունների «թուրքացման» ճիգերը: Պատմական Հայաստանի տեղանունների 90 տոկոսը փոխվել է: Օրինակ Անին վերանվանվել է Անը, որ թուրքերեն նշանակում է հուշ, հիշատակ, Աղթամարը՝ Ակղամարը՝ սպիտակ երակ, Կարսի Առաքելոց վանքը այցելուներին ներկայացվում է որպես սելջուկյան դամբարան:

Թուրքական են հռչակված «Սարի սեյրան», «Խնկի ծառ», «Աման թելո», «Չեմ ու չեմ» և բազմաթիվ այլ հայկական երգեր ու պարեր:

Թուրքիան շարունակում է գենոցիդի իր քաղաքականությունը, ավերելով հայկական հուշարձանները:

Ռեյտեր գործակալության թղթակից Պ. Բուլդինգը 1985 թ. օգոստոսի 25-ին Անիի ավերակները դիտելուց հետո գրեց. «Հայկական նախկին թագավորանիստ այս ամայացած քաղաքի՝ Անիի կարմիր պատերն ու աշտարակները հիշեցնում են ժողովրդի արյունաներկ անցյալը... Թուրքիան ոչինչ չի կատարում Անիի հուշությունները պաշտպանելու համար: Նման անտարբերությունը արդյունք է նույն Թուրքիայի կողմից Հայկական հարցի անտեսման»¹⁵:

«Ձումհուրիեթի» թղթակից Ե. Փեքշենը 1985-ին շրջագայել

է Արեւմտյան Հայաստանում, և իր տպավորութիւնները հողավաճառարով տպագրել է այդ թերթում:

«Վանա լճի շուրջը,— գրում է նա,— ծառ չգտնելը մարդու մեջ տարօրինակ զգացումներ է առաջացնում...»: Աղթամարում ենք. «Անմիջապես, երբ ոտք ենք դնում կղզու վրա, դարձյալ զբոսաշրջիկային մի ցուցատախտակ է դիմավորում մեզ: Աղթամարի եկեղեցու մասին այն տալիս է հետևյալ ծանոթութիւնը. «Եկեղեցին կառուցվել է 901—951 թթ.: Եկեղեցու պատերը քանդակներով, իսկ ներքին պատերը որմնանկարներով են զարդարված»:

Այս ձևով ոչ ոք չի իմանում հայ արվեստի գլուխգործոցներից մեկի՝ Աղթամարի եկեղեցու հայկական գործ լինելը»¹⁶:

«Անկարալի համալսարանի մարմնամարզութեան և բժշկական բաժանմունքները,— գրում է «Թերջումանը»,— կազմակերպեցին արշավանք դեպի Արարատի գագաթը... խոմբը... Թուրքական մի դրոշակ և Ղուրան է թաղել Արարատի գագաթին՝ 75 սմ խորութեամբ: Խմբի ղեկավար, պրոֆեսոր Տողրուն այդ մասին ասել է. «Մեր դրոշակը և Ղուրանը հավիտյան պիտի մնան գագաթին, ամբողջ աշխարհը ընդմիջտ պիտի իմանա, որ Արարատը թուրքական լեռ է»: Ի դեպ ևս փոխվել է Արարատի անունը՝ թուրքերը բիրիական սարին անվանում են Աղբ, որովհետև «... լեռը ավելի շատ մահմեդականութեանն է պատկանում, քան քրիստոնեութեանը... Նոյի ջրհեղեղը ոչ թե աստվածաշնչային է, այլ Ղուրանի մեջ է գրված»¹⁷:

«Ջումհուրիեթը» 1985 թ. փետրվարի 10-ին գրեց. «Նախկին նախարար Ահմեդ Այդն Բուլաֆը մտավորականների կենտրոնի կազմակերպած գիտական սեմինարի ժամանակ ասաց, որ թուրք ազգին «թուրք» անունը աստծուց տրված լինելու մասին գիտական փաստեր գոյություն ունեն»: Եվ այսպես, մինչև այժմ միայն հրեաներն էին իրենց համարում «աստծու ընտրյալ ժողովուրդ», իսկ այժմ նրանց միացան թուրքերը:

Նման փաստերի թվարկումը կարելի է երկար շարունակել, որոնք անառարկելիորեն վկայում են, որ Թուրքիայի ժամանակակից տերերը, հավատարիմ սուլթանական և երիտթուրքական ավանդներին, այսօր էլ շովինիզմի և ռասիզմի մարդատյաց գաղափարախոսութիւնների կրողներ են:

* * *

Թուրքական և իմպերիալիստական պրոպագանդան Մեծ եղեռնը ժխտելու համար ամեն կերպ աշխատում է ապացուցել, որ մինչև 1915 թ. Թուրքիայում ապրող հայերի թիվը 1,5 միլիոնի չէր հասնում:

Թուրքական հեռուստահաղորդումներից մեկում ասվեց, որ եթե օսմանցիները նույնիսկ ցանկանային 1,5 միլիոն հայ սպանել, հնարավոր չէր, քանի որ Օսմանյան կայսրութիւնում ապրող հայերի թիվը չէր հասնում 1,5 միլիոնի:

Լուրին գրում է. «Կայսրութեան հայ ազգաբնակչության մասին թուրքական կառավարութեան հավաքած տվյալները դեմոգրաֆիական տեսակետից ճիշտ և հետևողական էին: Այդ տրվյալների կազմումը չի պատճառաբանված քաղաքական և պրոպագանդիստական նպատակներով... 1912 թ. հայկական վեց վիլայեթներում ապրում էր միայն 870 հազար հայ: Հայերը կազմում էին այս վիլայեթների ազգաբնակչության կեսից պակաս, հետևաբար պարզ է, որ հենվելով այս թվային տվյալների վրա անհնար էր անկախ պետություն կառուցել»¹⁸:

Իսկ ո՞րն է իրականութիւնը: Փաստն այն է, որ հայկական վիլայեթներում ոչ մի ժամանակ ստույգ մարդահամար չի եղել, և թուրքական իշխանութիւնները այդ վիլայեթներում ազգաբնակչության մասին տվյալներ կազմելիս եղնում են 1880 թ. Աբիդին փաշայի հորինած «վիճակագրութիւնից»:

1880 թ. հունիսի 11-ին Բեռլինի կոնգրեսի մտնակից երկրները օսմանյան կառավարութեանը նոտա ներկայացրին: Տեղեկութիւնները սուլթանից պահանջում էին անմիջապես իրականացնել 61-րդ հոդվածը¹⁹: Ստանալով վեց պետութիւնների նոտան, սուլթանական կառավարութիւնը որոշում է հորինել մի պատասխան, որ առժամանակ բողոքներ իրերի իսկական վիճակը: Պատասխանի հեղինակը արտաքին գործերի մինիստր Աբիդին փաշան էր: Տեղեկութիւններին նրա տված բազմաթիվ ստահող հավաստիացումների մեջ կան նաև հետևյալ տողերը. «... Ես պետք է վճռականապես հաստատեմ, որ Վանի, Դիարբեքերի, Բիթլիսի, էրզրոմի, Սվազի հայ բնակչության պաշտոնական ցուցակագրութիւնը հետևյալ արդյունքն է տվել. հայերի թիվը ամբողջ բնակչության համեմատութեամբ հասնում է 17 տոկոսի, մյուս ոչ մահմեդական համայնքներին՝ 4

տոկոսի, իսկ մահմեդականներինը՝ 79 տոկոսի»²⁰: Այս թվերին կարելի է հանդիպել թուրքական բոլոր պատմաբանների, Արևմուտքի շատ թուրքագետների գրքերում՝ որպես հավաստի ապացույց Արևմտյան Հայաստանի բնակչության ազգային կազմի մասին: Իրականում ոչ մի ցուցակագրում էլ չի եղել, և այդ թվերը հորինել են տեղական վարչությունները: 1880-ական թվականներին արևելյան նահանգներում «ճշգրիտ ցուցակագրում» կատարելը գործնականում անհնար էր:

Համոզվելով, որ օսմանյան կառավարությունը խուսանավում է, վեց տերությունները երկրորդ նոտան են տալիս, որի մեջ ասված է. «Այն արտահայտությունները, որոնցով Բ. Գուռը իրեն իրավունք է համարել արտահայտվել հայերով բնակեցված նահանգներում կատարվող ոճրագործությունների մասին, ապացուցում են, որ նա չի ընդունում անարխիայի այն աստիճանը, որ տիրապետում է այդ նահանգներում և իրերի դրության այն լրջությունը, որի շարունակությունը, ամենայն հավանականությամբ, կարող է հանգեցնել այդ լայնածավալ շրջանների ամբողջ քրիստոնյա բնակչության ոչնչացման»:

Այս, խնդիր դնելով հայերին վարչականորեն անջատել քոչվոր քրդերից, տերությունները գրում են. «Ճիշտ է, որ Բ. Գուռը շանում է նսեմացնել այդ հողավածի (61-րդ) նշանակությունը, վկայակոչելով ամբողջ ժողովրդի թվի համեմատությամբ ինչպես հայ, այնպես էլ քրիստոնյա մյուս բնակչության քանակը: Նոտալում ներկայացված աղյուսակը այն աստիճան տարբերվում է բոլոր մյուսներից, որ տերությունները շեն կարող այն ընդունել որպես բացարձակ ճշմարտություն»²¹:

Ռուսական արքունական խորհրդական, հայաստացի Գրյազնովը հարկադրված էր խոստովանել, որ հայկական վիլայեթներում ազգաբնակչության հաշվառում կատարել՝ «ինչպես տեղում գիտումներ կատարելը, այնպես էլ դրանց արդյունքների մասին Եվրոպա հաղորդելը, անկարելիության շափ դժվար է... Ավելի կանոնավոր աղբյուրը հայերից ստացված տեղեկություններն են...»²²:

Սլ իսկապես, նույնիսկ մեր օրերում Թուրքիայում իսկական մարդահամար չի անցկացվում, ուր մնաց անցյալ դարի 50—80-ական թվականներին Օսմանյան կայսրությունում, որի կազմի մեջ մտնող ժողովուրդների զգալի մասը (այդ թվում քրդերի ճնշող մեծամասնությունը, մեծ թվով արաբական ցե-

ղեր ու թուրքեր) քոչվոր կյանք էին վարում, թափառում՝ սկսած արաբական անապատներից մինչև Աֆղանստան:

Կ. Պոլսի պատրիարքարանի հավաքած ոչ լրիվ տվյալներով, 1878 թ. ամբողջ Օսմանյան կայսրությունում ապրում էր 2 մլն. 660 հազար հայ, որից 1 մլն. 630 հազարը՝ Արևմտյան Հայաստանի 6 վիլայեթներում: Սովետահայ պատմաբանների հետազոտություններով այդ նույն ժամանակ կայսրությունում հայերի թիվը կազմում էր շուրջ 3 միլիոն, որից Արևմտյան Հայաստանի 6 վիլայեթներում՝ 1 միլիոն 630 հազար մարդ²³, Սևկայն սուլթանական կառավարության վարած հայահալած քաղաքականության հետևանքով հետագայում հայերի թիվը ամենուրեք նվազեց: 1914 թ. Օսմանյան կայսրությունում բնակվում էր շուրջ 2,5 միլիոն հայ, որից 1 միլիոն 400 հազարը՝ Արևմտյան Հայաստանում²⁴: Այդուհանդերձ, առաջին համաշխարհային պատերազմի նախօրյակին (1912 թ.) հայերն Արևմտյան Հայաստանում կազմում էին ազգաբնակչության հարաբերական մեծամասնությունը՝ 38,9 տոկոսը, մինչդեռ թուրքերը՝ 25,4 տոկոսը, քրդերը՝ 26,0 տոկոսը, հույները, ասորիները, չերքեզները, չեչները, պարսիկները և ուրիշներ՝ 9,7 տոկոսը²⁵:

Այսինքն Արևմտյան Հայաստանում գերակշռողը հայերն էին, ապա՝ քրդերը, իսկ թուրքերը, մանավանդ XIX դարի վերջին, սակավաթիվ էին: Այստեղ նրանք հիմնականում ներկայացված էին պետական ծառայողներով, զորքով ու ոստիկաններով: Կարինի ռուսական հյուպատոսը վկայում էր, որ Բայազետի ամբողջ սանջակում, բացի քաղաքից, թուրք բնակչություն գրեթե չկար: Անգլիական հյուպատոս Լեյկոն Բիթլիսի մասին գրում է. «Ե՛րկրի տերերը՝ թուրքերը, շատ փոքրաթիվ են, ամբողջ բնակչության հազիվ 3—4 տոկոսը կազմեն»: Բոլոր տվյալները հաստատում են, որ XIX դարի կեսերին Արևմտյան Հայաստանի բնակչության մեջ թուրքերի թիվը 15 տոկոսից չէր անցնում:

Հանրահայտ է, որ XIX դարի վերջին աշխարհում ապրում էր 5 միլիոն հայ և 6 միլիոն օսմանցի թուրք: 1913 թ. թուրքերի թիվը կրկնապատկվեց, իսկ հայերի թիվը այդ ընթացքում ոչ միայն չաճեց, այլև կրճատվեց 1 միլիոնով: Բայց եթե շիներ օսմանյան բարբարոսությունը, Թուրքիայում հայերի թիվը կհասնե՞ր առնվազն 5,5—6 միլիոնի: Նշենք նաև, որ եթե զարավերջին

Թուրքերի թիվը հայերից շատ էր միայն 1 միլիոնով, ապա այժմ 6,5 անգամ: Երկու ժողովուրդների թվային հարաբերակցության նման հրեշավոր փոփոխությունը կարմիր և սպիտակ ջարդերի հետևանք էր: Տվյալ դեպքում կարմիր ջարդի կազմակերպիչները օսմանյան և երիտթուրքական կառավարություններն էին, իսկ սպիտակ ջարդը առաջինի ուղղակի շարունակությունն է:

Թուրքական իշխող խավերն անընդհատ պնդում են, թե Թուրքիան ազգային կազմով միատարր է, որ Թուրքիայում բնակվում են սոսկ միայն թուրքեր, որ թուրքերն այդ աշխարհամասի բնիկներն են և այնտեղ բնակվում են «էն գլխից», անհիշելի ժամանակներից: Մինչդեռ ՍՄԶՄ գիտությունների ակադեմիայի և Ն. Ն. Միկլուխո-Մակլայի անվան ազգագրության ինստիտուտի կողմից 1986 թ. Մոսկվայում հրատարակված Ս. Ի. Բրուկի «Նասեիենի միրա. էտնոգրաֆիչեսկի սպրավոչնիկ» գրքի 431-րդ էջում կարդում ենք. «Գոյություն ունեցող կարծիքը Թուրքիայի մասին, որպես ազգային առումով համեմատաբար միատարր երկրի, սխալ է: Այս պատկերացումը կապված է այն բանի հետ, որ պաշտոնական աղբյուրներում, այդ թվում և մարզահամարի նյութերում, ազգային փոքրամասնությունները չեն առանձնացվում..., իշխող շրջանների ասիմիլացման բազմազարյան քաղաքականության պայմաններում, ազգային փոքրամասնությունների լեզուներով խոսողների թիվը, որպես կանոն, զգալիորեն փոքր է համապատասխան փոքրամասնության թվից»:

Թուրքերը ձևավորվել են հիմնականում թուրքական (օգուզական) քոչվոր ցեղերից, որոնք Անատոլիայում սկսել են բնակություն հաստատել XI—XIII դարերում, զալով Միջին Ասիայից և Իրանից: Թուրքերից մշակութային մի քանի գծերով առանձնանում են ղզլբաշները, որոնք մահմեդականության շիթական թևին են պատկանում և, այսպես կոչված, մուհաջիրները՝ Հունաստանից և Բալկանյան մյուս երկրներից գաղթածները: Երկրի մյուս թուրքալեզու ժողովուրդներից ամենախոշորը թուրքմեններն են, որոնք Անդրկասպիայից XIII—XIV դարերում Թուրքիա թափանցած քոչվորների ժառանգներն են... «Նրանք բոլորը թուրքերի հետ խառն են ապրում ու նրանց կողմից ձուլվում են»²⁶:

Թուրքիայում ապրող թաթարները այստեղ վերաբնակվեցին XVII դարի վերջին: Թաթարների մեծ մասը ձուլվեց թուրքերին:

Թեև նրանց ոչ մեծ խմբեր պահպանվեցին Թուրքիայի հարավարևելյան ծայրամասում, Վանի ու Հաքյարի շրջաններում:

Քրդերը մեծ զանգվածներով բնակվում են Թուրքիայի արևելյան, հյուսիսարևելյան և հարավարևելյան մասերում: Նրանք մեծամասնություն են կազմում Հաքյարի, Վանի, Բիթլիսի, Սղերդի, Մարդինի, Ուրֆայի, Դիարբեքի, Բինգյոլի, Մուշի, Աղրի, Թանգլերի վիլայեթներում և հիմնականում գյուղաբնակներ են: Քրդերը բնակություն են հաստատել նաև երկրի կենտրոնական մասում, Սվազից արևելք, Ամասիայից հարավ, Անկարայի մոտակայքում: «Այս թուրքական շրջաններում քրդերը բռնի վերաբնակեցվել են Քրդստանից XX դարի առաջին քառորդին՝ Թուրքերի հետ արագ ձուլման նպատակով»²⁷:

1. Հուսաբեր, 14 փետրվարի 1985 թ.:
2. Նոր սերունդ, 1985 թ. մարտ:
3. Հուսաբեր, 23 մայիսի 1985 թ.:
4. Լրաբեր, 5 փետրվարի 1985 թ.:
5. Երևան, 4 դեկտեմբերի 1985 թ.:
6. Հուսաբեր, 16 մարտի 1985 թ.:
7. Զարթոնք, 17 ապրիլի 1985 թ.:
8. Զարթոնք, 24 հունիսի 1985 թ.:
9. Արև, 16 հունվարի 1985 թ.:
10. Լրաբեր, 4 մայիսի 1985 թ.:
11. Նույն տեղը:
12. Հայրենիք, 2 փետրվարի 1985 թ.:
13. Լրաբեր, 4 մայիսի 1985 թ.:
14. Լրաբեր, 2 մարտի 1985 թ.:
15. Ալիք, 18 օգոստոսի 1985 թ.:
16. Զումհուրեթ, 8—9 հուլիսի 1985 թ.:
17. Արարատ, 13 փետրվարի 1985 թ.:
18. Արմենիեն դեպորտեր, 7—14 հունիսի 1984 թ.:
19. Ս. Մարկոսյան, Արևմտահայերի վիճակը XIX դարի վերջերին Ե., 1968, էջ 155—156:
20. Նույն տեղը, էջ 157:
21. Նույն տեղը, էջ 158—160:
22. Նույն տեղը, էջ 317—318:
23. Ա. Համբարյան, Արևմտահայերի թվաքանակի հարցի շուրջը, («Բանբեր Երևանի համալսարանի»), 1969, № 2, էջ 101, 113:
24. Նույն տեղը, էջ 111:
25. Сборник дипломатических документов, реформы в Армении, Петроград, 1915, с. 289.
26. С. Брук, Население мира, М, 1986, с. 432.
27. Նույն տեղը, էջ 433:

Մեր օրերում Հայկական հարցը ընդմիջտ օրակարգից հանելու թուրքական կառավարության ջանքերը դեռևս էական արդյունք չեն տալիս: Դեռ ավելին, վերջին տարիներին ոչ միայն թուրքիայում, այլև աշխարհի շատ երկրներում նկատելիորեն ուժեղացել է հետաքրքրությունը հայ ժողովրդի նոր շրջանի պատմության, մասնավորապես Մեծ եղեռնի նախապատրաստման և իրականացման ժամանակաշրջանի նկատմամբ: Կույս են տեսնում բազմաթիվ գրքեր, արխիվային նյութերի ժողովածուներ, առանձնահատուկ ուշադրություն են դրսևորում արտասահմանյան մամուլը, ուղիղ, հեռուտատեսությունը, մասսայական ինֆորմացիայի մյուս միջոցները:

Արևմուտքում տիրապետողն այն կարծիքն է, որ հետաքրքրության նման աճը արդյունք է 1970-ական թվականների սկզբներին այսպես կոչված «հայկական ահաբեկչության նոր բռնկման»: Իհարկե, թուրքիայի դիվանագիտական աշխատողների նկատմամբ ահաբեկչական գործողությունները որոշակի դեր խաղացել են այդօրինակ հիմնավորումների համար: Բայց այն բացատրել միայն ահաբեկչությամբ, սխալ է, որովհետև այդ դեպքում հարց է առաջանում. իսկ ինչի՞ հետևանք է ինքը՝ «հայկական ահաբեկչության այդ նոր բռնկումը»:

Եվ իսկապես, 20-ական թվականներից հետո ընկած ավելի քան 50 տարիների ընթացքում արտասահմանյան հայերը ահաբեկչական որևէ գործողություն չեն կատարել թուրքերի նկատմամբ, իսկ ահա 1973 թ. սկսվեց նման գործողությունների մի ամբողջ շարք:

Այս երևույթի պատճառների բացահայտումն օւնի սկզբունքային կարևոր նշանակություն, քանի որ դրանք ընդգրկում են ոչ միայն Մեծ եղեռնի նախապատրաստման ու իրականացման, այլև մեր օրերում դրանց նկատմամբ վերաբերմունքի ու մոտեցումների առանցքային հարցերը: Գործնականում այդ պատճառների նկատմամբ վերաբերմունքը դարձել է օբյեկտիվ և գիտական մոտեցում ունեցողներին պատմության կեղծարարներից անշատող գիծը: Ուրեմն որո՞նք են «հայկական ահաբեկչության» այդ նոր բռնկման պատճառները:

Ընթերցողի ուշադրությանն առաջարկվող մեջբերումները

պարզ պատկերացում են տալիս, թե միջազգային ասպարեզում, մասնավորապես մամուլում, ինչպիսի ակտիվություններ են քրննարկվում ինչպես «հայկական ահաբեկչության», այնպես էլ հայկական ցեղասպանության և, ամբողջությամբ վերցրած, Հայկական հարցի ամենատարբեր հայեցակետերը: Քանի որ մեջբերումները հստակ են արտահայտում դրանց հեղինակների տեսակետները, ապա վերանում է դրանք մեկնաբանելու անհրաժեշտությունը:

«Հայկական ինդիրը,— գրում է ֆրանսիացի հրապարակախոս գիտնական Պ. Ռիշարդոն,— միայն ցեղասպանության ընդունումից և կոտորածների փոխհատուցումից չէ, որ կազմված է: Հիմնականում այն հողային իրավունքների խնդիր է, այսինքն՝ հայ ժողովրդին Հայաստանը (թուրքիայի կողմից գրավված Հայաստանը) վերադարձնելու իրավունքն է...»

Այդ հողային իրավունքները հայ ժողովրդի համար պատմական իրավունքներ են, քանի որ հայ ժողովուրդը մշտապես ապրել է այդ հողերի վրա: Նա երեք հազար տարի առաջ որպես ժողովուրդ և որպես ազգ կազմավորվել է այդ հողերի վրա: Նա իր պատմությունը ստեղծել է այդ հողերի վրա: Նա հաղթանակներ ու պարտություններ է ճաշակել այդ հողերի վրա: Հայկական հարուստ մշակույթը, բոլոր տեսանկյուններից, ճանաչված բալետի կողմից, ու՛լ այն ուսումնասիրել է, նույնպես ստեղծվել է այստեղ: Մի խոսքով, այսօր թուրքիայի կողմից գրավված աշխարհի այդ շրջանը, որ միշտ հայտնի է եղել Հայկական լեռնաշխարհ ածուճով, համարվում է հայ ժողովրդի բնական հայրենիքը, մոտ 2 միլիոն հայերի, որոնք կազմում են հայկական «սփյուռքը» և նրանց, ովքեր բնակվելով Եվրոպական Հայաստանում, ծագումով Արևմտյան Հայաստանից են»:

Կանադացի լրագրող Ն. Մաուերը «Դը Գազետ» օրաթերթի 1985 թ. ապրիլի 22-ի համարում գրում է. «Շատերը, որոնք լավագույնը համարում են անցյալը մոռացության հանձնելը, հարց են տալիս, թե ինչու այդ մասին (անցյալի ցեղասպանությունների) այսքան խոսում ենք: Պատասխանը պետք է փնտրել պատմությունից մեր սովորած դասերի մեջ: Երբ կորցնում ես արժանապատվությունը ոտնակոխելու զգացողությունը, ամեն ինչ կարող է կրկնվել: Եվ հաջորդ անգամ զոհը կլինի այն խումբը, որին պատկանում ես և զու... Բոլորս մի ինչ-որ ձևով պետք

է մեզ պատասխանատու զգանք: Վերջ ի վերջո մենք մեր եղբայրների պահպաններն ենք»:

«Թայմսը» 1977 թ. մայիսի 30-ին գրեց. «Հավանաբար որոշ հայեր կորցրել են հավատը, որ աշխարհի շատ պետությունների կառավարություններ պատրաստ կամ ի վիճակի են լսելու (իրենց) խաղաղասիրական կոչերը»:

Արևմտագերմանական «Ռի Ցայտունգ» շաբաթաթերթը 1984 թ. դեկտեմբերի 7-ի համարում գրել է. «Տասը տարուց ավելի աշխարհի բոլոր մասերում թուրքական դիվանագետներին հետապնդում են հայկական ահաբեկչական խմբերը: Դրդապատճառը միշտ նույնն է՝ թող Թուրքիան ընդունի, որ 1915 թ. հարյուր հազարավոր հայերի է սպանել (պետական) հրամանով»:

Պրոպագանդայի իմպերիալիստական միջոցները միտումնավոր ձևով հայկական ցեղասպանությունն ու հայկական ահաբեկչությունը նույն հարթության վրա են դնում և, մերժելով ահաբեկչությունը, ժխտում են նաև ցեղասպանությունը որպես պատմական իրողություն ու նրա դերը այդ ահաբեկչության երևան գալու գործում:

Լիբանանում հրատարակվող «Ռեյլի Սթար» օրաթերթի 1984 թվականի դեկտեմբերի 5-ի համարում տպագրված մի մեկնաբանության մեջ գրված է. «Ուզում են Հայաստանն ազատագրել: Շատ լավ, թող ազատագրեն, ի՞նչ են անելու: Կարո՞ղ եք երեվակայել, որ մարտելաբնակ մի դեղագործ խանութ բացի էրգրումում կամ Վանում: Քանի՞ հարյուր հոգի պիտի վերադառնա Ցրեզնոյից կամ Կալիֆոռնիայից»:

Լավագույն դեպքում նրանք պետք է փոքրամասնություն լինեն թուրքերի ու քրդերի կողմից բնակեցված ծովում: Արդյոք երազածը ա՞յդ Հայաստանն է, որ ուզում են»:

Ժամանակակից «հայկական տեռորիզմը» Թուրքիայի տիրապետող վերնախավի պանթուրքիստական քաղաքականության հետևանք է, նրա ապօրինի զավակը: Թուրքական պաշտոնական շրջանները, փոխանակ ընդունելու հայկական ցեղասպանության փաստը կամ գոնե լռելու, իրենց հովանավորության տակ են վերցնում այդ ցեղասպանության կազմակերպիչներին ու նրանց ռասիստական քաղաքականությունը: Իսկ նման վարքագիծը նշանակում է, որ թուրքական կառավարությունը կիսում է ցեղասպանության պատասխանատվությունը: Նա իր այդ մեղսակցությունները, հայ էթնոսի գոյության ժխտման քաղաքականու-

թյամբ և դրա ճանապարհին իր քաղաքական ու բարոյական անազնիվ ու այլանդակ վարքագծով ծնեց հայկական տեռորիզմը: Եվ որքան արգահատելի է այդ վարքագիծը, նույնքան էլ անընդունելի «հայկական ահաբեկչությունը»:

Ցրանսիական «Լը Մոնդո» գրում է. «Թուրքիան է այս ահաբեկչությունների պատասխանատուն, որը ժխտելով ցեղասպանությունը, հայ երիտասարդությանը մղում է վրեժխնդրության»:

Հայկական եղեռնի վերաբերյալ եվրոպական պառլամենտին մի խումբ մասնագետների կողմից ներկայացրած տեղեկանքում ասված է. «Մերժելով 1915 թ. հայկական ցեղասպանությունը, թուրքական կառավարությունը հայերին զրկում է իրենց պատմությունից, և այս վիճակն էլ առիթ է տալիս բռնության դեպքերի և ահաբեկչության»²:

«Հերալդ տրիբյուն» լրագիրը 1985 թ. մայիսի 3-ին տպագրեց Ռուլանդ Միլլերի «Հիշել այն ինչ մոռանում է աշխարհը» հոդվածը: Այն հարցին, թե 70 տարի առաջ կատարված ցեղասպանությունը ինչու է մնում հայերի հիշողության մեջ, հոդվածագիրը պատասխանում է.

«Առաջին՝ ժամանակը մի շարք վերքեր չի բուժում: Պատճառաբանելով, թե հայերին հեռացնում է պատերազմական գոտիներից և ռուսական բանակի ներխուժած վայրերից, թուրքական կառավարությունը նրանց քստրեյն սիրիական անապատներն ու նրա մերձակա շրջանները: Տղամարդիկ և անչափահաս տղաները սկզբից ևեթ դուրս բերվեցին քստրականների քարավաններից և զնդակահարվեցին կամ անգթորեն սպանվեցին»:

Կանայք ու երեխաները ոտքով շարունակեցին ճամփան, երբեմն ամիսներով: Ճանապարհին նրանց կողոպտում էին, բռնաբարում և կոտորում: Երեխաներին գողանում էին: Մայրերը կանգնած էին ողբերգական երկընտրանքի առաջ՝ երեխաներին հանձնել քրդերին ու թուրքերին, այն հույսով, որ թերևս նրանք ողջ մնան: Կամ, որն ավելի ցավալի էր, շատ փոքրերին և ծերերին թողնում էին ճանապարհին, որպեսզի մարմնով ու հոգով ավելի ուժեղները կարողանան շարունակել ճամփան... Արդյոք մենք պետք է զարմանա՞նք, որ այս վերապրողները դեռևս 70 տարի առաջ պատահած դեպքերի տպավորության տակ են գտնվում:

Երկրորդ՝ ցեղասպանությունը հայերի հավատը խորտակեց բարոյական օրենքով ղեկավարվող աշխարհի նկատմամբ... հազարավոր հայեր սովամահ եղան: Տեղահանված իրենց հայրենի

Շօղերից և կողոպտված, նրանք հարկադրված էին խոտ ուտել և հատիկներ սրունել:

... Բարոյական կարգի նկատմամբ հայերի հուսախաբույթունն ավելի ևս խորանում է ժամանակի հետ, երբ Թուրքական կառավարությունը շեշտում է ուրացման արշավը:

Մի բան է տառապել մի անշափելի ողբերգությունից և մի այլ բան, երբ ասվում է, թե իրապես ոչինչ չի կատարվել:

Այսօր հայերը լսում են, թե իրենց պահանջները կեղծիք են ու սուտ:

Սա հենց նոր եմ վերադարձել երկու հանդեսներից՝ ... որոնց ներկա էին ուսանողներ աշխարհի տարբեր շրջաններից:

Ահաբեկչությունը պաշտպանելու խոսք ես չսեցի ոչ բանախոսներից և ոչ էլ ներկա գտնվող հայերից: Ինչ որ ես լսեցի, այն բանի ցավալի հաստատումն էր, որ ահաբեկչությունը մի ազդակ է հայկական ցեղասպանությունը հանրության ուշադրությանը հանձնելու համար:

Հայերը ահաբեկիչներ չեն. հաստատել ցեղասպանությունը՝ չի նշանակում պաշտպանել ահաբեկչությունը, ինչ որ, ըստ երեվելի, պրեզիդենտ Ռ. Ռեյզանն է մտածում:

Իրականության մեջ ճիշտ հակառակն է: Հայկական ցեղասպանությունն ուրանալը կնպաստի, որ ապագայում շեշտվի ահաբեկչությունը:

Դժբախտաբար, ինչպես երևում է, Ռեյզանի վարչակազմը Ամերիկայի շահերի տեսակետից է ուրվագծում անցյալի պատմությունը: Թուրքիայի ստրատեգիական դիրքը՝ որպես պատվար Սովետական Միության և Արևմտյան Նվրոպայի միջև, պատճառ է դառնում, որ արաբքին գործերի միեխաբույթունը ցեղասպանությունը հանաչելու հարցում թշնամական վերաբերմունք ունենա հայկական պահանջների նկատմամբ:

Ողբերգականորեն հայ ժողովուրդը մեկ ահզամ ևս զոհարելու է քաղաքական նկատառումներին»:

«Եթե Անկարան, — գրում է Պ. Ռեյզարդան, — ընդուներ ցեղասպանության փաստը, ևս անմիջապես կխարխլեր բռնության հենարանը, որովհետև հայերը շահալուր մարդիկ են: Այն ժամանակ նրանք իրենք առքի կելնեն նրանց դեմ, ովքեր ումբեր են ահադրում: Սակայն Անկարան, ըստ էության, ոչինչ չի ընդունում: Եվ դրանով Թուրքիան, համաձայն ազգացույցության և հակազգացույցության օրենքի, նույնիսկ, ինչպես հարկն է չհասկանա-

լով թե ինչ է անում, համարձակվում է ահաբեկչության ավիզներին ծնունդ տալ և դառնալ դրանց առաջին զոհը:

Հայերը երբեք չեն մոռանա սպիրիի 24-ի անարգանքները, ինչպես նաև ահաբեկչության խայտառակ տարիները, որոնք հաջորդեցին դրանց: Եվ որքան քիչ լինի Հայաստան վերադառնալու հավանականությունը, նրանք այնքան ավելի անգութ կլինեն նրանց նկատմամբ, ովքեր հրաժարվում են ասել հասարակ բաներ. «Այո, մեր նախնիները դահիճներ են ևղել, կեներեք»»:

Ահա թե նույն խնդրի մասին ինչ են ասում իրենք՝ ահաբեկիչները: Նախ մի հատված նրանց կոչից.

— Թուրքիան մեզ ոչնչացրել է:

— Մեր հողերի մեծ մասը մնում է Թուրքիայի կողմից բռնագրավված:

— Գոյացել է 2,5 միլիոնանոց Սփյուռք, որը հավում ու ձուլվում է:

— Մեծ պետությունները «չեն ուզում նույնիսկ, որ իրենց հիշեցնեն Հայկական հարցի մասին»:

— Անցած 50 տարվա ընթացքում մեր ժողովրդի բողոքի ցույցերն ու գանգատները մնացին անպատասխան:

— Մենք հուսախաբ ենք, որովհետև Թուրքիան ոչ միայն չի ընդունում ցեղասպանությունը, այլ... «կայսերապաշտ պետությունների հովանու տակ փորձում է խեղաթյուրել պատմությունը՝ ճնշում բանեցնելով պետությունների վրա, որ խեղդեն հայկական ծագում ունեցող իրենց քաղաքացիների արդարություն պահանջող ձայները:

Մեզ համար այլ ճանապարհ չի մնում, եթե ոչ բռնությունը: Խաղաղ ճանապարհով արդարության հասնելու երազով այլևս չենք ուզում օրորվել»:

«Այսօրվա կացությունը, — գրում է ահաբեկիչներից Մաշս Գիլինճյանը (Հրայր), — ստեղծվեց Թուրքիայի կողմից պատմական եղելությունը ճանաչելու և հայ ժողովրդի ապրելու իրավունքի ընդունումից հրաժարվելու պատճառով»:

«Մենք չենք կարող մոռանալ մեր անցյալը, — 1983 թ. Բելգրադում կայացած դատավարության ժամանակ հայտարարեց Հարություն Առնյանը, — և չպայքարել մեք ապագայի համար... Մեր հիմնական նպատակը վրեժխնդրությունը չէ, մեր արարքները քաղաքական բնույթ ունեն...»

Թուրքական կառավարությունը այսօր էլ փորձում է մոռացութեան մատնել Հայկական հարցը, հավատարով, թե աստիճանաբար մարդկությունը կմոռանա իրականությունը ու սպասելով մի հարյուրամյակ, ենթադրում է, թե այն ժամանակ ո՞վ պիտի ուզի հողերը, ո՞վ պետք է լինի պահանջատերը: Այս քաղաքականության դեմ հայ ժողովուրդը, մանավանդ երիտասարդությունը, շեն կարող այլևս լուռ մնալ և շեղակազդել»:

«Բռնի ուժի դիմելու մեր որոշումը,— ասաց Րաֆֆի էլբեքյանը,— հետևանք է թուրքական պետության և նրան պաշտպանող պետությունների մերժմանը՝ գոհացում տալու հայ ժողովրդի արդար ու խաղաղասեր իրավունքներին»:

Մեղադրյալներից մեկը՝ Գառնիկ Սարգսյանը, ասաց, թե այդ ահաբեկչությունը մասնակցելը «ժողովրդիս համար մի որևէ բան անելու հնարավորություն էր»⁴: Ահաբեկչական խմբի ղեկավարներից Հ. Հակոբյանը 1984 թ. հայտարարեց. «Մեր միակ թշնամին թուրքն է» լողունգը միաժամանակ մի ապիկարություն և քաղաքական տհասություն է: Այն կարելի է համարել նաև դավաճանություն հայկական դատի նկատմամբ: Այդ նոր լողունգը ինքնին արտահայտում է ցեղասպանության մոլուցքը, որ մեծապես վնասում է թե՛ հայ ժողովրդին և թե՛ հայ դատին: Այն պատճառ է դառնում հայ և թուրք ժողովուրդների միջև ատելության սերմանմանը, որից միակ օգտվողը թուրքական ֆաշիստական կառավարությունն է»⁵:

1984-ին ժողովուրդների մշտական տրիբունալը անդրադառնալով հայկական ահաբեկչությանը, նշեց. «Ամեն ժողովուրդ, որի հիմնական իրավունքներն անտեսված են, իրավունք ունի դրանք վերստանալու քաղաքական միջոցներով կամ ապավինելով ուժին», իսկ «թուրք դիվանագետների դեմ կատարվող ահաբեկչական արարքները, ըստ երևույթին, արդյունք են ցեղասպանության իրողության ժխտման և նրա մոռացման»⁶:

«Իզվեստիա» թերթի 1985 թ. հունիսի 28-ի համարում տպագրված «Ըսկ ովքե՞ր են դատավորները» հոդվածում (Բելյութում ամերիկյան օդանավն առևանգողների մասին) գրված է. «... Մենք նպատակ չունենք որևէ ձևով արդարացնել ահաբեկիչներին: Մենք լոկ ցանկանում ենք ասել՝ նրանք իրենց հակառակորդների հետ խոսում էին նույն լեզվով՝ բռնության լեզվով, միայն «բարբառներն» են տարբեր. գրուցակիցներից մեկն ունի «Նիմից» ավիակիր և ծովային հետևակ, իսկ մյուսը՝ զույգ

ատրճանակ և նռնակ՝ դուգակցված մահմեդական ֆանատիզմի և սեփական կյանքը գոհարեղելու պատրաստակամության հետ»:

Սովետական Միությունը դատապարտել ու դատապարտում է ահաբեկչությունը՝ որպես պայքարի անընդունելի ու վնասակար ձև: Նման մոտեցումն ամբողջությամբ վերաբերում է նաև «հայկական ահաբեկչությանը» թեկուզ այն պատճառով, որ թուրքական քաղաքագետներն ու պրոպագանդիստները «հայ ավազակների» նմանօրինակ գործողությունները օգտագործում են որպես յուրատեսակ վարագույր իրենց հակահայկական, հակասոցիալիստական պրոպագանդան ծավալելու, սուլթանական և երիտթուրքական արյունաբերու քաղաքականությունն արդարացնելու և պանթուրքիզմը առաջ մղելու համար:

* * *

Ֆրանսիացի հայտնի պատմաբան Թեոնոնը, հանդես գալով ժողովուրդների մշտական տրիբունալում, հայտարարեց. «Ժըխտել ցեղասպանության փաստը, նշանակում է կասկածի տակ դնել հայերի գոյությունն ընդհանրապես: Արևմուտքի անտարբերությունն այս խնդրի նկատմամբ հայերի մեջ արթնացրեց ատելության զգացում և ռազիկալ խմբերին հանդեցրեց ահաբեկչության»:

«... Ժամանակակից Թուրքիան կամ կհեռանա ոճրագործներից և, այդ դեպքում, մեղսակից չէ ոճիրին, և կամ կշարունակի խուսափել պատմության դատաստանից՝ այդ դեպքում ոճիրի մեղսակից է»:

Աթաթուրքի ավանդներին հավատարիմ լինել, նշանակում է նրա նման խոստովանել, որ «մեր հայրենակիցները անլուր ոճիրներ գործեցին, տեղահանություն և կրտորածներ կազմակերպեցին...»⁷:

Մինչդեռ իշխանության զուլա անցնելուց հետո գինվորական խոնտան իր առջև երկու զլխավոր խնդիր դրեց՝ Թուրքիան դուրս բերել ճգնաժամից և վերջնականապես փակել Հայկական հարցը՝ այն մերժելու և հերքելու միջոցով: Այս գործում նա աշխատում է հօգուտ Թուրքիայի օգտագործել «հայկական ահաբեկչությունը» և թույլ չտալ, որ «Հայկական հարցը առաջ մղվի քաղաքական միջոցներով»: Պատահական չէ, որ Վաշինգտոնում թուրքական դեսպան Շ. Էլեքդաղն ուղղակի հայտարարեց, որ «հայկական դատը խաղաղ միջոցներով առաջ տանելը Թուրքիայի համար ընդունելի չէ»:

«Նորից» 1982-ի օգոստոսի 13-ին գրեց, որ հեղաշրջումից հետո «եռանդուն աշխատանք է ծավալվում հայկական թղթապահար ռեսուրսները ուղղութիւնով: Այդ աշխատանքներին մասնակցում են նաև պետության ղեկավարներն ու ազգային անվտանգութեան խորհրդի անդամները»:

Պրոպագանդիստական այդ արշավում օգտագործվում են բոլոր միջոցները և, իհարկե, կանգ չեն առնում ստի, կեղծիքի և պրովոկացիաների առաջ: Բայց պատմությունը վերաձեւել փառաբանող չէ: Ստի ոտքերը կարճ են, և համաշխարհային հասարակական կարծիքը տեղականորեն թյուրիմացութեան մեջ գցելը անհնար է:

Ժան Պիեռ Ռիշարդոն «Հայեր, ինչ գնով էլ լինի» գրքում գրում է. «Հայաստանը գոյություն ունի այն ժամանակ, երբ փոստիկները հազարամյակ առաջ, երբ նոր էր ծնվում Հոմերը: Նա գոյություն ունի և այն ժամանակ, երբ 150 տարի առաջ Հոմեր գաղարիչ էր գոյություն ունենալուց»:

Հայերը աշխարհի հնագույն ժողովուրդներից մեկն են: Նրանք ունենին մանրակերտ պալատներ, երբ Աստերիքը դեռ գոյություն չուներ: Բաբելոն, փարավոններ, Հոմ, քրիստոնեության սկզբնավորում, երեք հազար տարվա ընթացքում նրանք գործնականում անչլել են Արևելքի ու Արևմուտքի ամբողջ պատմությանը: Նրանք հաղորդակցվել են Դարեհի և Քսերքսեսի, Ալեքսանդր Մեծի, Կեսարի և Հիսուս Քրիստոսի, Նապոլեոնի և Կլեմանտի հետ»:

Թուրքիայի կառավարության նախագահ Թուրկութ Օզալը տեսնելով, որ բացահայտ և ճակատային միջոցներով հայկական ցեղասպանությունը ժխտելն անհնար է, որ համաշխարհային հասարակական կարծիքը օրեցօր համոզվում է թուրքական պրոպագանդայի ստանդարտության մեջ, որոշեց փոխել տակտիկան, անցնել խուսափումի: Նա «Գյունեջ» թերթում մի հայտարարություն հրատարակեց, որտեղ ասվում էր, որ մինչև օրս Հայկական հարցի նկատմամբ Թուրքիայի քաղաքականությունը «սխալ» է, որովհետև Հայկական հարցը պետք է դիտել որպես «հեռավոր անցյալի» հարց և նրա համար պատասխանատվությունը «թաղված է պատմության էջերի մեջ»:

«Հայերը» — ասում է Թ. Օզալը. — բազմաթիվ գրքեր ու գրքույկներ են հրատարակել և հաղորդագրել են աշխարհին համոզել ցեղասպանության հարցում: Հետևաբար սխալ կլինի, եթե մենք

ասենք, որ այդ ամենը ճիշտ չէ, որ մահմեդականները ավելի են շարժարկավոր: Ցեղասպանության մասին հայերի պնդումները թեև «սուտ են», բայց շարժե դրանց անդրադառնալ և դրանք ժխտել, որովհետև «հեռավոր անցյալում պատահած դեպքերի համար անհնար է Թուրքիային մեղադրելի աթոռներ նստեցնել, նրանից ու նրա այսօրվա ղեկավարներից հաշիվ ու հող պահանջել»: «Ոչ ոք, — շարունակում է Օզալը, — իրավունք չունի պահանջելու Թուրքիային պատկանող թեկուզ մի բուռ հող կամ դատապարտել Թուրքիայի հանրապետությունը: Կարևոր չէ, թե ինչ-որ բան պատահել կամ չի պատահել, ոչ ոք իրավունք չունի Թուրքիայից պահանջելու, որ նա խոնարհվի կեղծիքների վրա հիմնված այդ պահանջների առաջ»: Փաստորեն Օզալը կամենում է ասել, որ «հայկական պահանջները» դեմ պայքարի լավագույն միջոցը այն ուղադրության շարժանցն էլն ու մոռացության մատնելն է, «մեռած անցյալի» մեջ թաղելը:

Նոր տակտիկա չէ՝ այն ինչ մերժել չես կարող, ցույց տուր, որ չես նկատում:

Այս հայտարարությունից քիչ անց «Միլիթեր» 1985 թ. հունվարի 10-ի համարում տարագրում է «Հայերի հետ բանակցություններ վարել» հոդվածը:

«Հայկական ահաբեկչության հարցում, — կարդում ենք այդ հոդվածում, — հարկադրված ենք ընդունել մի շարք դառը իրություններ»:

— Ոչ մի հույս չկա, որ 1985 թ. հայ ահաբեկիչները դադարեցնելու են իրենց գործունեությունը:

— Ոճիրների պատասխանատուները միայն մի բուռ ահաբեկիչներ չեն, նրանց աջակցող բազմաթիվ կազմակերպությունները վերջին տարիներին շատ են ուժեղացել:

— Չանագան պնդումների ու ինֆորմացիաների համաձայն, ահաբեկչական գործողություններին աջակցողների թվում են ամերիկացիները, Սովետական Միությունը, ֆրանսիացիները, պաղեստինցիները, հրեաները, հույները, կիպրոսի հույները, քրդերը և ուրիշներ:

— Միայն չի լինի, եթե ասենք, որ Հայկական հարցին վերաբերող որևէ քաղաքականություն չունենք: Մեր դիվանագիտությունը լավ կամ վատ պաշտպանելուց բացի, այլ բան չենք անում...

... (Մինչդեռ) վերջին տասը տարվա ընթացքում հայերը պրո-

պագանդայի մարզում, բառիս բուն իմաստով, մեզ փշացրին: Երբ մի օր գրվի XX դարի պրոպագանդայի պատմությունը, թերևս, որպես այդ ասպարեզի ամենանշանակալից երևույթ, նըշվի հայերի հակաթուրքական քարոզչությունը 1970—1980-ական թվականներին»:

«Մենք շարողացանք պատասխանել: Լուռ ու մունջ կրեցինք «բարբարոս» և «ջարդարար» համարվելու ստորացումը: Փորձեցինք մի քանի գրքերի հրատարակությամբ... պաշտպանել մեր թեզը. մենք մեզ խաբեցինք:

Պարտավոր ենք նոր մտտեցումներ փորձել... Հայկական հարցին վերաբերող մեր քաղաքականությունը... պետք է կարող անձանց ու կազմակերպություններին հանձնել...

Մի այլ բան ևս պետք է անել՝ ուղղակի բանակցությունների մեջ մտնել Եվրոպայի և Հյուսիսային Ամերիկայի հայ դեկավարների կամ եկեղեցական իշխանությունների հետ... Տեսակցություններին կարող են ներկա գտնվել երկու կողմերի համար ընդունելի մի շարք եվրոպացիներ և ամերիկացիներ...»

Հայերի հետ բանակցություններ սկսելու այս առաջարկության մեջ ասվում է, որ նման քայլ պետք է կատարեն ոչ թե թուրքական կառավարությունը, այլ կիսապաշտոնական անձինք, այն էլ կողմնակի ճանապարհներով: Թերթը նույնիսկ չի նշում, թե այդ «բանակցություններն» ինչ հարցեր պետք է արծարծեն: Այս առաջարկության նպատակը պարզ է՝ մի կողմից մարել ցեղասպանության առնչությամբ բորբոքված աղմուկը, իսկ, մյուս կողմից, չեզոքացնել հայանպաստ գործողություններն ու «հայկական ահաբեկչությունը»: Չէ որ «Միլիթերի» ելակետը նույնն է. ցեղասպանություն չի եղել և Արևմտյան Հայաստան հասկացությունը մտացածին է:

Սակայն Հայկական հարցին նոր մտտեցումներ ունենալու այս պահանջները, որպես պղպջակ, հօդս ցնդեցին, երբ պրեզիդենտ Էվրենը «դաս տվեց» վարչապետ Օզալին: Դրանից հետո Օզալը հայտարարեց, որ իրեն սխալ են հասկացել: Ոչ մի նոր մտտեցումն մասին խոսք չիսկ չի կարող:

Եվ ահա «Լը Բան» թեթի Բլթթակցի հարցին (ապրիլ 1985 թ.), թե 70 տարի է անցել, բայց դուք ինչու՞ չեք ընդունում հայերի կոտորածը, Օզալը պատասխանեց. «Որովհետև ջարդ տեղի չի ունեցել: Միջազգային քննություններից և ոչ մեկը թուրքերի հանցագործությունը չի հաստատել: Առաջին մեծ պատե-

րազմի ժամանակ արևելյան ճակատում ուսաները հարձակվեցին թուրքական բանակի վրա: Այդ շրջաններին սահմանակից հայերը գործում էին ուսաների օգտին և մեզ հետ թշնամաբար վարվեցին: Եվ թուրքական կառավարությունը հայ ժողովրդին ուղարկեց Սիրիա: Ոմանք գաղթի ժամանակ զոհ գնացին հիվանդությունը»⁹:

Օզալը «նոր մտտեցումից» հրաժարվեց, բայց «Գյունեշը» շարունակեց իր էջերը տրամադրել այդ հարցի քննարկմանը*:

«Սխալ մտտեցում ենք ունեցել հայկական խնդրին,— գրում է «Գյունեշը» 1985 թ. փետրվարի 15-ին,— և այդ պատճառով թուրքիան անելանելի վիճակում է: Ավելի շատ չենք կարողացել լուսաբանել աշխարհի հանրային կարծիքը: Հայերը տասնյակ հազարավոր գրքեր են հրատարակել և հավաստիացրել, «որ ցեղասպանություն է կատարվել»: Հիմա այլևս չենք կարող ասել, որ այդ պնդումները սխալ են և, եթե սպանդ է կատարված, դրանից ամենից շատ տուժել են երկրի իսլամ հայրենակիցները:

Այս ամենը մեզ ոչինչ չի ասում: Չի ասում, որ պետք է նըստել և տեսնել, թե մեր վարքագիծը մեզ մինչև ուր է հասցրել: Չի ասում, որ այսօր մոռանալով կողանը, Սերի դաշնագիրը սուաջ քաշողները որևէ բանի չեն կարող հասնել:

«Միլիթում» թուրք հրապարակախոս Մ. Բոկերը նշելով, որ «Հայկական հարցի մեջ հողային պահանջը կամ հատուցման նման պահանջները իրավաբանական հիմք չունեն», Օզալին առաջարկում է. հայերի պահանջների միջազգային ճանաչմանը խանգարելու համար «միակ ելքը քաղաքական աշխարհին ներկայանալն է այնպիսի առաջարկով, որ միջազգային հասարակական կարծիքի վրա մեծ տպավորություն գործի՝ եկեք 1915 թ. դեպքերը ամենաանկողմնակալ, գիտական մակարդակով քննարկենք: Եթե նման առաջարկություն կատարենք, այդ դեպքում վերոհիշյալ ազդեցիկ մարմիններում (ԱՄՆ-ի կոնգրես, Եվրո-

* Օռլի օդանավայանում կատարված ահաբեկչության հեղինակների դատավարության ընդմիջումներից մեկում, երբ թուրք պրոֆեսոր Աթալյին հարցրեցին, թե «դուք կարող եք փորձել խաբելու այս դատարանին, երբ վայրենիքին, հասարակական կարծիքը, բայց դուք, անկասկած, ձեր ասածներին չեք հավատում»:

Աթալյուր պատասխանեց. «Մտածում եմ, թե ժամանակն է խորհրդակցելու և վերջացնելու մեր և ձեր միջև եղած վեճերը»:

պական պառլամենտ) կատարված բոլոր ձեռնարկումները իրենք իրենց խափանվելու են»:

Բայց թուրքերն իսկապե՞ս թույլ կտան, որ Թալեաթի կամ էնվերի ստորագրած որևէ փաստաթուղթ հրապարակվի: Իհարկե, ոչ:

* * *

Պրոպագանդիստական այդ մարաթնում մեծ տեղ է հատկացվում, այսպես կոչված, գիտաժողովներին:

1984 թ. սեպտեմբերին նման մի գիտաժողով կազմակերպվեց Կարինի Աթաթուրքի անվան համալսարանում: Պրոպագանդիստական պարզունակ միջոցների այդ խառնաժողովը սկսելուց առաջ նրա մասնակիցները ծաղկեպսակ դրեցին «Հայերի կողմից իրականացված ցեղասպանությունը որևէ թուրքերի» հուշարձանին:

«Միմյուզդիումի կապակցությամբ, — ասվում է թուրքական հեռուստատեսության 1984 թ. սեպտեմբերի 8-ի հաղորդման մեջ, — քաղաքում բացվել էին հայերի կողմից կատարված կեղեքումներն ու ցեղասպանությունները ցուցադրող նկարների ու գրքերի ցուցահանդեսներ»:

Բացելով սիմպոզիումը, համալսարանի ռեկտորը հայտարարեց. «Թուրքական ու միջազգային հասարակական կարծիքը 10 տարուց ի վեր գտնվում է ոչնչից ստեղծված հայկական պրոբլեմի ազդեցության տակ: Թշնամիներն ու մութ ուժերը, որոնք նպատակ են հետապնդում կիսել ու մասնատել Թուրքիան (որոշ զավաճանների հետ միասին), կազմակերպում են նենգ միջազգային արտասահմանում ու թուրքական սահմանների ներսում, կատարում մի շարք հանցագործություններ...»

Մենք այսօր կարևոր պարտականություն ենք կատարում էրզրումում, որը նույնպես ականատեսն է հայկական կեղեքումների»:

1984-ի ապրիլին Անկարայում տեղի ունեցավ ևս մի գիտաժողով՝ նվիրված միջազգային տեղորոշմին: Գիտաժողովին հիմնականում մասնակցում էին թուրքական ու ամերիկյան մասնագետները: Որպեսզի պարզ լինի «գիտաժողովի» բնույթը, միտումներն ու մակարդակը, նշենք, որ Անկարայի համալսարանի ռեկտոր Մոնեբը, բացելով այն, հայտարարեց.

«Ձեռք բերված արդյունքներն (ուսումնասիրություններն) ապացուցում են..., որ հայ լիդերները համազործակցում են ընդհատակյա կազմակերպությունների հետ: Մի խումբ հայ երիտասարդներ, գայթակղվելով «անկախ Հայաստանի» երազներով ու ազգասիրական լոզունգներով, դառնում են թմրադեղ տարածող ընդհատակյա կազմակերպությունների անդամներ»:

Ըստ այս վայ-պրոֆեսորի, 1915—1921 թվականներին երեք անգամ ավելի շատ մահմեդական է սպանվել, քան հայ:

ԱՄՆ-ի Լուիզյուիսի համալսարանի դասախոս Ջ. Մաքքարտինի իր զեկուցման մեջ նշեց. սխալ է, որ «շատ Լիբրայաներ և ամերիկացիներ հավատում են հայկական դատի իրավացիությանը... Հայերը ջանում են Թուրքիային ստիպել, որ նա ընդունի գոյություն չունեցող մի սպանություն»:

Թենեսիի համալսարանի դասախոս Մ. Գյունտերը ամեն կերպ աշխատում էր ապացուցել, որ հայերի միջոցով «որոշ գերուժեր ջանում են ստրատեգիական նպատակներով խարխլել Թուրքիայի հավասարակշռությունը... որովհետև նրա նկատմամբ ունեն պատմական նպատակներ»:

Անկարայի համալսարանի պրոֆեսոր Թ. Աթայովի կարծիքով, «համաշխարհային հասարակությունը Հայկական հարցին տեղյակ է դարձել միակողմանիորեն և չի տեսել բուն ճշմարտությունը: Սոսկ մի քանի հայ ընտանիքների պատմածների վրա հիմնված տեսակետները չեն կարող լինել ակադեմիական, բանական ու անկողմնապահ... պատմական իրողությունները պետք է արժեքավորել միայն բոլոր փաստաթղթերն ուսումնասիրելուց հետո: Արժեքավորելու ժամանակ պետք է օգտվել նաև շուրջ 100 միլիոն փաստաթղթեր պարունակող օսմանյան արխիվներից... որոնք ապացուցում են, որ հայերի ապստամբությունները հրահրվել ու քաջալերվել են դրսից»¹⁰:

1985-ի մայիսին Կ. Պոլսում նույնիսկ հատուկ սիմպոզիում հրավիրվեց՝ «Օսմանյան արխիվները» թեմայով: Հանդես գալով գիտաժողովում, վարչապետ Օզալն ասաց, որ օսմանյան արխիվների ուսումնասիրությունը աշխարհին ցույց կտա, որ Թուրքիան «միշտ էլ հարգել է մյուս ժողովուրդների ազգային անվտանգությունն ու կրոնը»¹¹:

Թուրք գիտնականներն ու քաղաքական գործիչները ստում են, որովհետև, եթե թուրքական արխիվներն իսկապես բացվեն արտասահմանցի ուսումնասիրողների առաջ, ապա մարդկությանը

կներկայացվեն Օսմանյան կայսրության մեջ մտնող ժողովուրդների նկատմամբ դարեր շարունակ իրականացվող գազանային քաղաքականության հրեշավոր փաստեր: Ուստի պատահական չէ, որ «Միխիթը» 1985 թ. փետրվարի 16-ին դիմելով թուրքական իշխանություններին, զգուշացնում էր. «Արխիվների դռները ամեն մեկի առաջ չպետք է բացել... որովհետև գրությունների մեջ կարելի է հանդիպել թե՛ նպատավոր և թե՛ աննպատ հայտարարությունների»: Այս անապահովությունը վերացնելու համար թուրքական թեզը յուրացրած գիտնականները պետք է գտնում կատարեն և հետո միայն գիտական բոլոր շրջանների առաջ բացեն հայկական պնդումները հերքող փաստաթղթերը...

Պետք է ծավալել պրոպագանդիստական լայն աշխատանք, ընտրված փաստաթղթերն ուղարկել Արևմուտքի մշակութային կենտրոնները՝ համալսարաններ, գրադարաններ, գիտական կենտրոններ: Միաժամանակ անհրաժեշտ է կազմակերպել դասախոսություններ, սեմինարներ...

«Առանձնապես կարևոր է ԱՄՆ-ի համալսարաններին միջոցներ հատկացնել՝ այս թեմայով ուսումնասիրությունների ամբիոններ կազմակերպելու...»

Ահա թե թուրքիայում ինչպես են պատկերացնում ուսումնասիրողների առաջ օսմանյան արխիվների դռների բացումը:

Սակայն վերադառնանք Անկարա և ունկնդրենք, թե ինչ են ասում վերոհիշյալ «գիտաժողովի» մասնակիցները:

Ամերիկացի մասնագետ Պոլ Հենսը հայտարարեց, որ «հայերի ու թուրքերի միջև ահաբեկչության դեպքերը սկսվել են XIX դարի սկզբներին... Այդ հարյուրամյակում ուսանողների առաջխաղացումը Կովկասից, այս հողերի նկատմամբ Արևմուտքի երկրների նպատակները դարձան այն գործոնները, որոնց ազդեցությամբ սկսվեց հայերի օտարացումը օսմանյան պետության հանդեպ»:

Ամերիկացի մի այլ մասնագետ, Ն. Բյորսը ախտորոշում է. «Հայ տեղորիստների... կազմակերպած գործողությունների նպատակն է թուրքիան անջատել, մեկուսացնել Արևմուտքի երկրներից»:

«Առաջին համաշխարհային պատերազմից առաջ և հետո տեղի ունեցած հայկական դեպքերի քննարկում» թեմայով միջոցառում կազմակերպվեց 1985-ի ապրիլի 2-ին Վանում: «Գիտաժողովը» կազմակերպվել էր այն օրերին, երբ թուրքական իշ-

խանությունները մեծ շուքով տոնում էին «թշնամուց Վանի ազատագրման 67-ամյակը»: Իր ելույթում Վանի համալսարանի ուկրաինացի պրոֆեսոր Կարաբեկյանը համաշխարհային պատերազմի ժամանակ ուսանողները հայերին օգտագործում էին որպես 5-րդ շարասյուն. միայն Վանի շրջանի Զերե գյուղում հայերը ոչնչացրեցին 2000 թուրք, իսկ Վանի հայ պարտիզանները սպանեցին տասնյակ քաղաքացիներին»:

«Գիտաժողովում» հանդես եկան նաև վանեցի թուրքերը և, որպես ականատեսներ, պատմեցին «հայերի կատարած անմարդկային ոճրագործությունների մասին, բացի դրանից ցուցադրվեցին այդ դեպքերը պատկերող շինծու ժապավեններ»¹²:

Ապրիլի 3-ին միջոցառումը շարունակվեց Բիթլիսում: Այստեղ ևս խոսակցության հիմնական թեման այն էր, թե «Բիթլիսի շրջանում հայկական ավազակախմբերը ինչպիսի ցեղասպանություն են իրականացրել, որ նրանց գործունեության շարունակողներն այսօրվա հայ ահաբեկիչներն են»: Այստեղ էլ ցուցադրվեց «հայերի վայրագությունները պատկերող» շինծու ժապավեն:

Ապրիլի 4-ին խառնաժողովը տեղափոխվեց Մուշ: Մուշի քաղաքապետը նույնպես առիթը բաց չթողեց թուրքերին և, մասնավորապես, քրդերին ահաբեկելու: «Հայերը, — ասաց նա, — այժմ որդեգրել են Իսրայելի դիրքը և իրենց վերջնական նպատակը համարում են անկախ պետություն ստեղծելու: Հակաթուրքական որոշ արտաքին ուժեր աջակցում են հայերին»:

Մի թուրք գիտնական աշխատում էր ապացուցել, որ «մինչև XIX դարի վերջը Եվրոպացի աշխարհագրագետները Արևելյան Անատոլիան կոչում էին թուրքստան, բայց ավելի ուշ, քրիստոնյաների ազդեցության հետևանքով, այդ անունը օգտագործելուց հրաժարվեցին...»

Մի քանի օր անց Կոնիայի «Սևջուկ» համալսարանում տեղի ունեցավ «Անարխիզմի և տեղորիզմի դեմ աթաթուրքիզմ» թեմայով «գիտաժողով» (գիտաժողովների անունները տարբեր են, իսկ բովանդակությունը նույնն է): Հացի Թեփե համալսարանի դասախոս Զ. Չալը նշեց, որ «թուրքիայում տեղորիզմի ամենախոշոր աղբյուրը հայկական կազմակերպություններն են, որոնք կապված են իմպերիալիստական պետությունների ու գաղափարախոսությունների հետ»:

Նույն ժամանակ Սվազում տեղի ունեցած «Միջազգային տևորիզմն ու երիտասարդությունը» նստաշրջանում մասնավորապես նշվեց, որ հայերը, Կովկասում մի անկախ պետություն հիմնելու գործում ձախողվելով, առաջին անգամ թուրքական իշխանության տակ ստացան իսկական կրոնական ու խղճի ազատություն:

Եվ այսպես շարունակ: Այդ գիտաժողովների մասնակիցները ժխտում են նույնիսկ պատմական այն իրադարձությունները, որոնք հաստատվել են ոչ միայն բազմաթիվ վկայություններով ու արխիվային նյութերով, այլև այդ իրադարձությունների կազմակերպիչների խոստովանություններով:

* * *

Միջազգային իրավունքի սովետական մասնագետ Գևորգ Բարսեղովը գրում է. «Թեև հայկական ցեղասպանությունը ամբողջ աշխարհում և լիակատար հիմունքով դիտվում է որպես «դասական», սակայն նրանք, ովքեր հանդես են գալիս այդ հանցագործության կազմակերպիչներին և իրականացնողներին պաշտպանողների դերում, բոլորին հայտնի պատճառներով, փորձում են ժխտել կամ աղավաղել օբյեկտիվ ու հանրահայտ փաստերը, շտրբելով պատմության կոպիտ ու բացահայտ կեղծաբարությունից, առաջադրելով ամենահակասական, իրարամերձ մեկնաբանություններ»¹³:

Եղևոնի ջատագովները պնդում են, թե հայերի ֆիզիկական բնաջնջումը չի կարող որակվել որպես ցեղասպանություն, քանի որ նման հասկացություն այն ժամանակ չի եղել, որ այն օրենքի ուժ է ստացել միայն 1948թ. ՄԱԿ-ի կոնվենցիայով: Իսկ «օրենքը հետադարձ ուժ չունի»: Այդ դեպքում ինչու՞ է ցեղասպանություն համարվում 12 միլիոն սլավոնների ու հրեաների կոտորածը, որն իրականացրեց ֆաշիստական Գերմանիան երկրորդ համաշխարհային պատերազմի ժամանակ, այսինքն այդ կոնվենցիայից մի քանի տարի առաջ:

«Ցեղասպանություն» տերմինի հեղինակը լեհ իրավաբան, դոկտոր Ռաֆայել Լեմկեն է: 1933 թ., այսինքն Հայկական եղևոնից ընդամենը տասնութ տարի անց, երբ այդ հանցագործության սարսափները դեռևս ապրում էին մարդկության հիշողության մեջ, Լեմկեն համապատասխան տերմին չունենալով նկարագրեց հան-

ցագործության տարրերը՝ «ցեղային, կրոնական կամ սոցիալական խմբերը ոչնչացնելու հանցավոր գործողություններ»¹⁴:

Միակ խոշորածավալ հանցագործությունը, նկատում է Գ. Բարսեղովը, որ 1933-ին կարող էր իբրև փաստարկ և հիմք ընդունվել առաջարկված բնորոշման համար, հայ ազգաբնակչության ջարդերն էին:

Դեռ 1915 թ. Առնոլդ Յոյնբին, որպես Հայաստանում տեղի ունեցող արյունալի իրադարձությունների ակնատես, դրանք նկարագրել է շափազանց արտահայտիչ ու սպառիչ խորագիր ունեցող «Ազգի սպանությունը» գրքում: Նույն այդ ժամանակ հանդես գալով լորդերի պալատում, լորդ Բրայսը ասաց. «Գրեթե մի ամբողջ ազգ ոչնչացված է»: Անգլիական հետախուզական ժառանգության մի գործակալի 1915 թ. օգոստոսի 11-ի գաղտնի ղեկուցագիրը հաղորդում է. «Թուրքերը կոպտորեն ու մեթոդաբար իրականացնում են ամբողջ հայ ցեղի բնաջնջումը»: Ռեյնո Պինոն 1916 թ. թուրքական կառավարության գործողությունները բնորոշել է որպես «հայերի բնաջնջում»: Անատոլ Ֆրանսը՝ «մի ամբողջ ժողովրդի բնաջնջում», Ս. Մ. Կիրովը՝ «ամբողջ հայ ազգաբնակչությունը բնաջնջելու» թուրքերի ծրագիր: 1915 թ. սեպտեմբերին «Ժուռնալ դը ժնև» լրագիրն իր խմբագրականում նշում էր, որ «տեղի է ունենում մի ամբողջ ժողովրդի կոպիտ ու հետևողական բնաջնջում... Այսօր խոսքը Օսմանյան կայսրության ամբողջ տարածքում մի ամբողջ ժողովրդի բնաջնջման մասին է, որը կատարվում է ամենուրեք, որտեղ էլ ապրելիս լեհեն նրա ներկայացուցիչները»: Շվեյցարական մեկ ուրիշ լրագիր՝ «Բագելեր Նախրիթենը», թուրքական կառավարության գործողությունները որակեց որպես «մի ամբողջ ժողովրդի ծրագրված բնաջնջում», որի իրականացումը կատարվում էր այդ նպատակի համար ստեղծված «բնաջնջման ստոր և դաժան համակարգով»¹⁵:

Ֆրանսիայի պրեմիեր մինիստրը 1916 թ. հոկտեմբերի 14-ին սենատոր Լուի Մարտենին հղած նամակում պաշտոնապես հաստատել է, թե «Ֆրանսիական կառավարությունը դատապարտել է երիտթուրքերի հանցագործությունները և մարդկային խղճի դատին է հանձնել մի ամբողջ ժողովրդի բնաջնջման նրանց հրեշավոր ծրագիրը, ժողովուրդ, որը մեղավոր էր այնքանով, որքանով սիրում էր առաջադիմություն և քաղաքակրթություն»¹⁶:

«1915 թվականին,— գրում է Լեմկեն,— գերմանացիները ներ-
խուժեցին Վարշավա և նվաճեցին ամբողջ շրջանը: Ժամանակն
անցկացնում էի պատմությունը ուսումնասիրելով: Հետևում էի,
թե արդյո՞ք չեն ոչնչացվում ազգային, կրոնական կամ ցեղային
խմբերը: Զննարտությունը մեզ հասավ միայն պատերազմից
հետո: Ինչպես հայտնի է, պատերազմի ժամանակ Գերմանիան
Թուրքիայի դաշնակիցն էր, և գերմանական նվաճողական իշխա-
նությունները խստագույնս գրաքննության էին ենթարկում Հա-
յաստանում տեղի ունեցող արյունալի իրադարձությունների մա-
սին լուրերը: Գերմանական կառավարության պաշտոնական
փաստաթղթերը հրատարակվեցին միայն պատերազմի ավար-
տից հետո: Թուրքիայում մեկ միլիոն 200 հազար հայ սպանվել
էր միայն այն պատճառով, որ եղել էր քրիստոնյա»: Պա-
տերազմից հետո շուրջ 150 թուրք հանցագործներ ձերբակալ-
վեցին ու քստրվեցին Մալթա կղզի: Հայերը պատգամավորներ
ուղարկեցին Փարիզի խաղաղության կոնֆերանս: Բայց մի օր էլ
այդ պատգամավորները լրագրում կարդացին, որ պատերազմի
թուրք հանցագործները ազատ են արձակվել. «Ես ցնցված էի:
Ազգը ոչնչացվել էր, իսկ հանցագործները ազատված էին: Ին-
չ՞ու են պատժում անհատին, երբ մեկը սպանում է մյուսին: Ին-
չ՞ու միլիոն հոգու սպանությունը պետք է լինի նվազ հանցա-
գործություն, քան մեկ մարդու սպանությունը»¹⁷:

Լեմկենի խոստովանությանը հատկապես հայկական ցեղա-
սպանությունն է նրան դրդել իր կյանքը նվիրաբերելու ցեղա-
սպանության հանցագործության դեմ մարտնչելու գործին: «Ես
ավելի ու ավելի էի ներդաշնակում այն զոհերի տառապանքնե-
րին, որոնց թիվը աճում էր՝ պատմությունը ուսումնասիրելուս
զուգահեռ: Ես ըմբռնեցի, որ հիշողության ֆունկցիան ոչ միայն
այն է, որպեսզի դասակարգի անցյալի դեպքերը, այլև խթանի
մարդկային խիղճը: Շատ շուտով ի հայտ եկան ցեղասպանու-
թյան ժամանակակից տեսակները, որոնք նույնն էին ինչ հա-
յերի 1915 թ. ջարդերը... Ես վճռեցի դառնալ իրավաբան և սկսե-
ցի աշխատել այն ուղղությամբ, որպեսզի ցեղասպանությունը
օրենքից դուրս դրվի»¹⁸:

«Իմ գիտակցության մեջ,— շարունակում է Լեմկեն,— հասու-
նացավ մի համարձակ ծրագիր: Խնդիրն այն էր, որ Թուրքիան
վավերացնի Կոնվենցիան՝ սկզբնական 20 մասնակիցների թվում:
Դա կլիներ հայկական ցեղասպանության դիմաց մեղքի քա-

վություն: Բայց ինչպե՞ս հասնել այդ ծրագրի իրականացմա-
նը»:

Ու թեև երկրորդ համաշխարհային պատերազմի տարիներին
Ռ. Լեմկեն ինքն էլ դարձավ ֆաշիստական ուժերի թիրախ
և կորցրեց մոտ հինգ տասնյակ հարազատների, այդ ողբեր-
գությունը, սակայն, նրա գիտակցության մեջ շթուլացրեց հայ-
կական ցեղասպանության սարսափները: 1950 թ. հուլիսի 26-ին
Ք. Սթիվենսին հղած նամակում նա գրել է. «Այդ Կոնվենցիան
խղճի խնդիր է և շարիքի նկատմամբ մեր անձնական վերա-
բերմունքի փորձություն: Ես գիտեմ, որ հուլիս—օգոստոսը շատ
շոգ է աշխատելու համար, բայց շուգենալով լինել խիստ զգա-
յական կամ խուսափելով գեղեցկախոսությունից, այնուամենայ-
նիվ կասեմ. եկեք շմոռանանք, որ այս օրերի շոգը ավելի
ծանր չէ մեզ համար, քան Աուշվիցի և Դախաուի վառարան-
ների տապը և կամ Հալեպի անապատի սպանիչ շոգը, որը մոխ-
րացրեց 100 հազարավոր հայ քրիստոնյաների՝ 1915 թ. ցեղա-
սպանության զոհերի մարմինները»¹⁹:

* * *

ԳՅԶ-ում աշխատող թուրք բանվորների օրգան «Մյուշադե-
լե» թերթի վկայությամբ, հայկական ցեղասպանության ժխտումը
անհեթեթություն է, հայերը Թուրքիայում ոչնչացվել են:

«Վաշինգտոն պոստ» թերթը 1983 թ. մայիսի 31-ին տպագրեց
Ռ. Քոհենի հոդվածը: Մերկացնելով հայ ժողովրդի պատմությու-
նը կեղծելու թուրքական ջանքերը, Ռ. Քոհենը գրում է. «Ցան-
կացած գենոցիդի վերջին զոհը արդարությունն է»: Իսկ «Լոս Ան-
ջելես Թայմսը» 1983 թ. նոյեմբերի 16-ին տպագրեց «Թուրքիան
պետք է ընդունի իր պատմության սարսափները» հոդվածը՝
թուրքական կառավարությանը կոչ անելով ընդունելու հայկա-
կան ցեղասպանության հավաստիությունը և դրանով իսկ վե-
րականգնելու իր կորցրած հեղինակությունը:

1984 թ. ԱՄՆ-ում հրատարակվեց «Պատմության համար» ժո-
ղովածուն: Նրանում տպագրված էին կոնգրեսի զույգ պալատ-
ներում 89 կոնգրեսմենների ելույթների ամբողջական տեքստե-
րը, որոնք բոլորը գտնում են, որ հայկական ցեղասպանությու-
նը պատմական իրողություն է և անհնար է այն ժխտել: Բերվում
էր ներկայացուցիչների պալատի կողմից այս հարցի վերաբեր-

յաչ ընդունված բանաձևը: Վերջինիս մեջ նշվում է, որ ԱՄՆ-ը պետք է ճանաչի հայկական ցեղասպանության փաստը, ելնելով աչն բանից, որ արևմտահայության նկատմամբ գործադրված ռճիրը պլանավորել և իրականացրել է Թուրքական պետությունը, որի հետևանքով գնդակահարվել է 1,5 միլիոն հայ և ոչնչացվել էքանց 2500-ամյա հնություն ունեցող հայրենիքը, որ հայերի ցեղասպանությունը հաստատված է Ֆրանսիայի, Գերմանիայի, Թվարիայի, Մեծ Բրիտանիայի որոշակի շրջանների կողմից, որ աչն ժամանակին դատապարտել է նաև ԱՄՆ-ի կոնգրեսը:

Ամերիկյան «Արևտ ֆորսիզ ջոռնել ինտերնեյշնլ» պարբերականի 1986 թ. ապրիլյան համարում տպագրված մի հոդվածում նշվում է, որ թեև Թուրքական նեղուցները Սովետական Միության համար միակ ելքն են դեպի էգեյան ծով և պատերազմի ժամանակ նեղուցներն իր ձեռքում պահելով Թուրքիան ԱՄՆ-ի կարևոր դաշնակիցը կդառնա, բայց «արժե՞ ստացվելիք առավելությունների համար վճարել Թուրքիայի պահանջած դինը»: Իհարկե, ոչ: Որովհետև, երբ հարկ լինի «ՆԱՏՕ-ն կարող է օդային հարձակումով փակել նեղուցները: Նույնիսկ, եթե նեղուցները բաց մնան, Սև ծովից ծովային ճանապարհով ներխուժողներին կասեցնելու վճռական կետը էգեյան ծովում է», իսկ այստեղ Հունաստանն է: «Որոշակի է, որ այս երկու թունդ մրրցակիցներից ոչ թե Թուրքիան, այլ Հունաստանն է ավելի կարևոր Արևմուտքի համար»:

Հայտնի է, որ Թուրքիայում են տեղակայված արևմտյան լրտեսական ձայնագրող կայանների զգալի մասը: Դրանց կորուստն անհարմարություններ կստեղծի, բայց, հոդվածագրի կարծիքով, արդի տեխնիկայի հնարավորությունների պայմաններում այլևս ճիշտ չէ, որ այդ կայաններն անփոխարինելի են:

Թուրքիան ոչ էլ դեպի Մերձավոր արևելքի նավթահանքերը տանող ուղիներին վերահսկող պետություն է: Նա գլխավոր ուղղությունից դուրս է գտնվում:

Այնուհետև հոդվածագիրը նշում է, որ դեռևս երկրորդ համաշխարհային պատերազմին հաջորդող առաջին տարիներին ԱՄՆ-ի գլխավոր շտաբը ծրագրում էր «պատերազմի դեպքում հարձակվել Սովետական Միության վրա: ԱՄՆ-ի զինված ուժերը պետք է Թուրքական ցամաք հանվիին Ալեքսանդրեթի ծոցում և Անտոլիայով շարժվելին դեպի Սովետական Հայաստան ու Վրաստան և ապա՝ Կովկաս: Արևմուտքը կհայտնվեր Սովետա-

կան Միության կենտրոնում՝ Ուրալից արևմուտք, առանց հարկադրված լինելու հազար մղոն տարածության վրա կովելու Արևմտյան Եվրոպայում:

Միացյալ Նահանգների այս ծրագիրը դեռևս իր ուժը չի կորցրել և Թուրքիան հույս է փայփայում, որ կտեսնի իր ավանդական երազի իրականացման հնարավորությունը, այսինքն՝ Թուրքիայից մինչև Կենտրոնական Ասիա և Զինաստան ձգվող համաթուրքական պետության ստեղծումը:

Այնուհետև հոդվածում կարդում ենք. «Առանց երկմտելու կարելի է ասել, որ հայկական ցեղասպանությունը երկրորդ համաշխարհային պատերազմի ընթացքում իրականացված հրեական ցեղասպանության շափ փաստերով հիմնավորված է: Անհեթեթություն է այն ուրանալ»:

Թուրքիայի դիրքը, եզրակացնում է թերթը, կենսական և վճռական է համաթուրանականության համար, քանի որ Անատոլիայի և Կենտրոնական Ասիայի Թուրքական սովետական հանրապետությունների միջև ընկած է Հայաստանի Սովետական Հանրապետությունը, որը պետք է բնաշնչվի, որպեսզի իրականանան Թուրքիայի հույսերը: «Թուրքիան Ամերիկային մեղսակից է դարձնում ոչ միայն անցյալում գործած, այլև ապագայում հավանական ռճիրներին»²⁰:

1983 թ. հոկտեմբերի 17—18-ը Բրյուսելում Եվրոպական պառլամենտի քաղաքական հանձնաժողովը ընդունեց հետևյալ բանաձևը.

Պահանջում է Եվրոպական տնտեսական խորհրդի միևսուրբների խորհրդից.

ա) հայտարարել գենոցիդի ընդունման մասին.

բ) հասնել Թուրքական կառավարության կողմից 1915 թ. գենոցիդի պատմական փաստի ընդունմանը.

գ) համոզել Թուրքիայի կառավարությանը, որ Թուրք-հայկական պրոբլեմի արդար ու հիմնավոր լուծումը հնարավոր է միայն քաղաքական երկխոսության միջոցով.

դ) հասնել ՄԱԿ-ի կողմից նույնատիպ դեկլարացիայի ընդունմանը²¹:

Փարիզի Թուրքական հյուպատոսության վրա 1981 թ. սեպտեմբերի 24-ին հարձակում գործած հայերի դատավարությանը, որ տեղի ունեցավ 1984-ի հունվարին, ֆրանսիացի հայտնի ռեժիսոր Անրի Վերնոն ուղարկեց հետևյալ նամակը. «Շա այս պա-

բաշըջանի առաջին գենոցիդից փրկվածներից եմ: Սպանվեց 1,5 միլիոն մարդ միայն այն բանի համար, որ մի ժողովուրդ որոշել էր ոչնչացնել մյուսին, կոտորածները բարձրացնելով «պետական քաղաքականության» աստիճանի:

1915-ին դեռևս չկային դիահրկիզարաններ: Այն ժամանակ սահմանափակվել են նրանով, որ զոհերին կանգնեցրել են բռնազաղթվողների երկար շարքերում և նրանց խեղդել են ճանապարհին: Իմ ընտանիքի մի մասը եղել է այդ մահվան քարավանների կազմում:

Տասնամյակներ շարունակ ես հանդիպել եմ եղեռնից վերապրած, ամբողջ աշխարհով սփռված հայերի, որոնք ողբում էին արյունոտ արտասուքով և խաղաղ միջոցներով դիմում էին ընդհանուրի խղճին, որպեսզի արդարությունը վերականգնվի: Ես հանդիպել եմ նաև երեկվա դահիճների երեխաներին... աշխատելիս՝ ստեղծելու պատմության կեղծման ընդարձակ պլան, խբախտված ամբողջ աշխարհի անտարբերությունից: Այս մարդկանց համար քիչ էր ողջ աշխարհի մոռանալը: Նրանց պետք է ժողովուրդների մեծ գրքից ջնջել այն բառերը, որոնք իրենց դատապարտում են: Բարեբախտաբար Գուտենբերգը նրանց կանխել էր, իսկ աշխարհի բոլոր գրքերն անհնար է այրել:

1971 թ. ՄԱԿ-ի մարդու իրավունքների հանձնաժողովում Թուրքական ներկայացուցիչը առաջարկեց «գենոցիդը» փոխարինել «ցավալի դեպքեր» արտահայտությամբ: Այդ առաջարկությունը մերժվեց՝ 1979 թ. անցնելով հանձնաժողովից մինչև ենթահանձնաժողով, առևտրից մինչև հաբեկում, հրթիռների տեղադրումից մինչև հանցագործությունը մոռանալու համար մղվող պայքարի ինքնամյա երկար ճանապարհ, գենոցիդը վերածվեց երրորդական կարևորություն ունեցող պաշտոնական փաստաթղթի»²²:

Նույն դատավարությանը Շ. Ազնավուրը գրեց.

«Ամերիկացիները խոստովանեցին հնդիկների, գերմանացիները՝ հրեաների ցեղասպանությունը: Հայերը դեռևս սպասում են մարդկային իրավունքի իրենց պատմության գիրքը գրելու համար՝ հենվելով պատմական փաստի ընդունման վրա: Գենոցիդի ժխտումը դարձել է հայերի ազգային արժանապատվության ժխտում և հանդիսանում է նրանց միակ և ամենաահավոր ոչընչացումը:

Երեկ նրանք ընկան առանց մի բառ ստեղծելու... Այսօր նրանց

Թոռները գլուխ են բարձրացնում, որպեսզի հարկադրեն ողջ աշխարհին հարգել... իրենց ազգային արժանապատվությունը»²³:

«Յուրմանիտեն» 1984 թ. հունվարի 9-ին ինֆորմացիա տուրքերից վեն քաղաքի հայկական համայնքի ներկայացուցիչների հետ պրեզիդենտ Ֆ. Միտերանի հանդիպման մասին: Պրեզիդենտը հայտարարեց, որ «հայերն ապրել են գենոցիդի ողբերգական մեծ դրամա և անհնար է ջնջել այդ գենոցիդի հետքերը»:

1. Լրաբեր, 4 մայիսի 1985 թ.:

2. Արև, 15 մայիսի 1985 թ.:

3. Լրաբեր, 4 մայիսի 1985 թ.:

4. Արձագանք, 8 մարտի 1985 թ.:

5. «Արևմտահայության ձայն» ռադիոկայան, 24 հունվարի 1982 թ.:

6. Լուսիայի ոճիր, (Le Crime de silence..., p. 335).

7. Զարթոնք, 5 փետրվարի 1985 թ.:

8. Լրաբեր, 20 ապրիլի 1985 թ.:

9. Զահակիր, 2 մայիսի 1985 թ.:

10. Թուրքական հեռուստատեսություն, 17 ապրիլի 1984 թ.:

11. Թուրքական հեռուստատեսություն, 21 մայիսի 1985 թ.:

12. Նույն տեղը, 17 ապրիլի 1984 թ.:

13. Սովետական Հայաստան ամսագիր, 1986 թ., դեկտեմբեր:

14. Նույն տեղը:

15. Նույն տեղը:

16. Նույն տեղը:

17. Նույն տեղը:

18. Նույն տեղը:

19. Նույն տեղը:

20. Զարթոնք, 20 հունիսի 1986 թ.:

21. «Ամերիկայի ձայն» ռադիոկայան (հայերեն), 19 դեկտեմբերի 1983 թ.:

22. ՀՍՀ ԳԱ ինֆորմացիոն բյուրոսեն, 1986, № 1, էջ 46—47:

23. Նույն տեղը, էջ 47—48:

ՊԱՆՕՍՄԱՆԻԶՄԻՑ ՄԻՆՉԵՎ ՊԱՆԹՈՒՐԻԶՄ

Արդեն նշվել է, որ Օսմանյան կայսրության տիրապետող գաղափարախոսություններն են եղել պանօսմանիզմն ու պանիսլամիզմը: Կայսրության գոյության վերջին տարիներին ծնունդ առավ նաև պանթուրքիզմը, որ նույնպես դարձավ Թուրքիայի իշխող դասակարգերի գաղափարախոսությունը: Մեր օրերում Թուրքական պաշտոնական շրջանները վերոհիշյալ երեք գաղափարախոսություններին տրվում են միաժամանակ կամ առան-

ձին-առանձին, նայած թվյալ պահին գրանցից ո՞րն է ի վիճակի ալելի արդյունավետ ծառայելու իրենց շահերին:

Պանթուրբիզմի ամենաբնորոշ արտահայտություններից մեկը Թուրքիայում քուրդ ժողովրդի նկատմամբ իրականացվող խտրականության ու գենոցիդի քաղաքականությունն է:

Ուտրեխտի համալսարանի պրոֆեսոր, խոշոր քրդագետ Մարտին Վան Բրուինսենը, խոսելով ժամանակակից Թուրքիայում քրդերի վիճակի մասին, ընթերցողների ուշադրությունը հրավիրում է այն բանի վրա, որ Թուրքիայի արևմտյան և արևելյան շրջանների տնտեսական, քաղաքական և մշակութային զարգացման միջև այնպիսի խոշոր տարբերություններ կան, որ կարծես գործ ունես զարգացման տարբեր աստիճանների վրա գտնվող առանձին երկրների հետ:

«Երբ մարդ Հանապարհորդում է Թուրքիայի արևմտյան շրջաններից դեպի արևելյան մաս, — գրում է նա, — կարծես ամբողջովին այլ երկիր է մտնում, որը շատ ավելի աղքատ է, նախնադարյան մակարդակի վրա և հասարակական հակասություններով լի»: Այս շրջանների գյուղացիների մեծ մասը ապրում է ֆեոդալական շահագործման ու ճնշումների ներքո: Տիրապետող շարունակում են մնալ աշիրեթական հարաբերությունները, երբ քուրդ աշխատավորությունը ամբողջությամբ ենթարկված է թոռունների ու ցեղապետերի կամքին ու շահերին: «Քուրդ գործիչները գտնում են, — շարունակում է հեղինակը, — որ թուրքական պետությունը կանխամտածված ձևով արգելակում է արևելյան նահանգների զարգացումը, վախենալով, որ դրանց սոցիալական ու մշակութային առաջընթացը կարող է ուժեղացնել քրդերի ազգային մղումները»¹:

Խոսելով Արևմտյան Հայաստանի տարածքի ազգաբնակչության մասին, Բրուինսենը նկատում է. «Այս շրջանների ազգաբնակչության մեծամասնությունը ոչ թե թուրքերեն, այլ քրդերեն են խոսում»: Ասվածից հետևում է, որ ոչ միայն XVI—XIX դարերում, ոչ միայն XX դարի սկզբներին, այլև գալիք հարյուրամյակի նախաշեմին Արևմտյան Հայաստանում թուրքերը կազմել և կազմում են փոքրամասնություն, չնայած դարեր շարունակ թուրքական իշխանությունները ամեն տեսակ դիվային միջոցներով ճգնել են Արևմտյան Հայաստանում թուրքերի թվական գերազանցություն առնչվել: Թուրքական կառավարող շրջանները ոչ միայն չեն նպաստում քրդերի զարգաց-

մանը, այլև արհամարհում են նրանց ազգային լեզուն, մշակույթը»²:

«Քրդերեն խոսելը ինքնին հետամնացության նշան է»՝ լկտիցիսիկություն մը ու մի ամբողջ ժողովրդի նկատմամբ անսանձ արհամարհանքով ասում են թուրք քաղաքական գործիչներն ու պատմաբանները: Նրանք գտնում են, որ քրդերին պետք է թուրքացնել, իսկ այդ գործընթացը հեշտացնելու և արագացնելու նպատակով կեղծում են պատմությունը, հայտարարելով, թե նրանք «լեռնային թուրքեր են», բայց որովհետև հետամնաց են, դրա համար են խոսում մի լեզվով, որ թուրքերենի, արաբերենի և պարսկերենի խառնուրդ է: Քրդերենով անհնար է բարդ և իմացական բարձր մակարդակի գաղափարներ սրտահայտել: «Հետևաբար, այս նախնական և հետամնաց ժողովրդին թուրքերեն լեզու սովորեցնելը առաջին քայլն է նրան (քուրդ ժողովրդին) մարդկային մակարդակի հասցնելու ուղղությամբ»: Արգելված են քրդական բոլոր հրատարակությունները, խստորեն պատժվում են բոլոր նրանք, ում մոտ քրդերեն գրքեր ու ձայնագրություններ են հայտնաբերում»:

Այսպիսով, թուրքերը հայերի հետ իրենց հաշիվները մարքելուց հետո, հայոց լեզվի, հայ մշակույթի և հայ ժողովրդի գոյության իրավունքը մերժելուց հետո ժխտում են նաև քրդերին՝ որպես ինքնուրույն ժողովուրդ, ծաղրում նրանց լեզուն ու մշակույթը:

Թուրք ազգայնամուլները զարմանում ու դայրանում են, որ քրդերը «քաղաքակրթվել չեն ուղում», այսինքն թուրք դառնալ չեն ուղում և կամենում են քուրդ մնալ: Նրանց կարծիքով դա հետամնացություն է և թուրքերի համար ուղղակի անհասկանա-

¹ Վերջին ժամանակներս թուրքական կառավարությունը նոր մտեցում է դրսևորում Արևմտյան Հայաստանի նահանգների նկատմամբ: 1984 թ. օգոստոսին հանդես գալով կարսում, Թ. Օզալը հայտարարեց. «Վերականգնման կարիք ունեցող նահանգների մեջ տասը առաջնահերթ նշանակություն ունեն Նրանց թվում է նաև կարսը: Վերջին որոշումով այստեղ ներդրումները պետք է կատարվեն 100 տոկոս գեղյով...»

Օզալի այս հայտարարությունը լպետք է ընկալել որպես քրդերի նկատմամբ նոր քաղաքականություն: Պարզապես կառավարությունը, վերջապես, վճռել է տնտեսապես յուրացնել Արևմտյան Հայաստանը և, այն բնակեցնելով թուրք ազգաբնակչությամբ, ավարտել հարյուրամյակնոր տեղը էքսպանսիան:

լի է, թե ինչու են այդ հետամնաց «քրդացած թուրքերը» ազատագրական պայքար մղում թուրքական լծից ազատվելու և կամ ներքին ինքնավարություն ունենալու համար:

Թուրքական իշխանությունները դաժան հաշվեհարդար են տեսնում քրդական ազգային շարժումների ու նրանց գործիչների հետ: Նրանք ընդհանրապես մղձավանջ են ապրում, երբ լուր են ստանում երկրի այս կամ այն հպատակ ժողովրդի ազատասիրական տրամադրությունների մասին: «Վախենալով, — գրում է Բրուինենսը, — որ Ռուսաստանի հետ ռազմական ընդհարման ժամանակ հայերը կարող էին 5-րդ շարասյուն կազմել, թուրքական կառավարությունը 1915 թ. հարյուր հազարավոր հայերի տեղահան արեց և կոտորեց: Նույն բանն է կատարվում նաև քրդերի հետ: Քրդերով բնակեցված շրջանների ստրատեգիական կարևոր դիրքը՝ Սովետական Միության սահմաններին շատ մոտ լինելը, Իրաքի նավթահորերը և այս ամենի մերձավորությունը Արաբական ծոցին, քրդական որևէ անջատողական շարժման հավանականությունը խիստ մտահոգում է Թուրքիայի ղեկավարներին և նրա դաշնակից ամերիկյան իշխանություններին»: Այս դաժան քաղաքականության գլխավոր պատճառը, սակայն, պանթուրքիզմի գաղափարախոսությունն է, որ Թուրքիայում դարձել է պետական կրոն⁴:

1985 թ. նոյեմբերին Փարիզում հանդես գալով ժուռնալիստների առաջ, Օզալը հայտարարեց. «Քրդերն արտասահմանում է, որ իրենց քուրդ են անվանում: Ինձ համար դրանք մարքսիստներ են... Չենք կարող թուրքին ու քրդին իրարից դանազանել... Այդ երկու համայնքների տարբերությունները ավելի շատ չեն, քան այն տարբերությունները, որոնք գոյություն ունեն Յրանսիայի հարավի և հյուսիսի բնակչության միջև»: Հետևաբար, քրդերի ինքնավարության ձգտումը անիմաստ ու վնասակար բան է⁵:

1930 թ. քրդական ապստամբությունը մեծ դաժանությամբ ճնշվեց: Յուրաքանչյուր քրդական գյուղ վերածվեց բաց բանտի, որն իրեն կից ոստիկանական հենակետի հսկողության տակ էր: Արգելվեց քրդական լեզուն ու տարազը, սովորություններն ու մշակույթը: Արգելվեց նույնիսկ քրդական անունների գործածությունը: Բազմաթիվ քրդեր տեղափոխվեցին երկրի այլ մասեր, իսկ նրանց փոխարեն բնակեցվեցին արևմուտքից բերված մուհաջիրները: Ամբողջ ճակատով գործողության մեջ դրվեց

քրդերին ձուլելու պետական քաղաքականությունը: Արգելվեց «Քրդստան» անունը, որի փոխարեն թույլատրվում էր օգտագործել «Արևելք» արտահայտությունը: փակվեցին քրդական բուլոր թերթերն ու հրատարակությունները, դպրոցներն ու մշակութային օջախները:

«Սփոթլայդ» թերթը 1984-ի նոյեմբերին գրեց. Թուրքիայում քրդերի քուրդ մնալու ցանկությունը «վարձատրված է մահապատիժներով, բռնությամբ, զանազան վայրերի ամբողջ ազգաբնակչությունը երկրի մի կողմից մյուսը բռնազաղթի տանելով և նրանց լեզվի վրա դրված արգելքով»⁶:

Հեղաշրջումից անմիջապես հետո էվրենը հայտարարեց, որ «իր նպատակներից մեկը քրդական անջատողականության արմատախիլ անելն է»⁷: Քրդերին սպառնում են, որ կարժանանան հայերի բախտին: Թուրքիայի արդի կառավարողները բազմիցս հայտարարել են, որ պետք է խորտակել քրդական շարժումները և վերացնել քրդերի ազգային գիտակցությունը: Քրդաբնակ շրջաններում գործողության մեջ է արտակարգ դրությունը: Թուրքական բանակի հրոսակները մեծ թվով քրդական գյուղեր ամբողջովին ոչնչացրին, հարյուր հազարավոր մարդիկ ձերբակալվեցին ու հարցաքննությունների անվան տակ խոշտանգվեցին, շատերն առանց դատ ու դատաստանի մահապատժի ենթարկվեցին: Բանտերում են գտնվում քրդական կազմակերպությունների գրեթե բոլոր ղեկավարներն ու դրանց անդամների մեծ մասը, թվով ավելի քան 17 հազար մարդ: Ուժեղացվեց ուժացման քաղաքականությունը: Քրդական շրջաններ ուղարկվեցին մեծ թվով լրացուցիչ զորամիավորումներ, թուրքական բանակի յուրաքանչյուր երկրորդ զինվորականը ծառայում է արևելյան նահանգներում: Բանակն ու ոստիկանները քրդական գյուղերում կատարում են բազմատեսակ վայրագություններ ու անբարոյականություններ: Նպատակը նույնն է ինչ տասնամյակներ առաջ հայերի նկատմամբ՝ հարկադրել ոչ թուրք ազգաբնակչությանը կամ թուրքաբնակ և կամ հեռանալ, հալածանքների, խոշտանգումների ու թալանի միջոցով հյուժել քրդերին, նվազեցնել նրանց թիվը և այդ շրջանում ապահովել թուրքերի թվական գերակշռությունը: Եվ իսկապես, զգալի թվով քրդեր հարկադրված թողեցին իրենց գյուղերը, գնացին արևմտյան շրջաններ և բնակություն հաստատեցին քաղաքներում, որտեղ ևս պարբերաբար ենթարկվում են հալածանքների ու ստորացումների: Թուրքական

իշխանություններին հաշտվում է իրենց կողմը գրավել քուրդ շատ ցեղապետերի և նրանց օգտագործել քրդերի ազատագրական ձգտումները խեղդելու համար:

Սահայն քաղաքական, տնտեսական և ազգային ճնշման տակ գտնվող ժողովրդի ազատասիրական ձգտումներն ընդմիջտ խեղդելն անհնար է, մանավանդ, երբ խոսքը 22—23 միլիոնանոց մի ժողովրդի մասին է (ըստ ֆրանսիական լրագրող, քրդագետ ժան Պերտուլիսի ժամանակակից Քուրքիայում բնակվում է 12 միլիոն, Իրանում՝ 6, Իրաքում՝ 3, Սիրիայում՝ 1 միլիոն քուրդ): Քուրդ ժողովուրդը տասնամյակներ շարունակ կենաց ու մահու կոփվ է մղում իր դոկտրինայի իրավունքի համար: Այդ պայքարը գնալով ավելի մեծ թափ ու ընդգրկումներ է ստանում:

1984 թ. հոկտեմբերի սկզբներին ելույթ ունենալով Կարսում, պրեզիդենտ էվրենը քուրդ հայդուկների գործողությունների մասին ասաց. «Օգոստոսի 15-ին... այդ դավաճանները մի հարձակում կատարեցին... Այդ թափթփուկները ցանկանում են իրենց կողմը գրավել այստեղի բնակչությանը և երկրում տարածել մարքս-լենինյան կոչվող գաղափարախոսությունը, իսկ այնուհետև կիսել, մասնատել երկիրը, գուցե մի մասը տալ հայերին: Նրանց նպատակը սա է»³:

Քրդական շարժումներն այնպիսի ծավալներ ընդունեցին, որ այն հատուկ քննարկման առարկա դարձավ Ազգային ժողովի գլխավոր խորհրդում:

Ընդվզումները ջախջախելու նպատակով մշակվեց «Արև» անունը կրող մարտական գործողությունների պլան, որի իրականացմանը, ըստ թուրքական կառավարության մտադրության, պետք է մասնակցեին նաև հարևան պետությունների ռազմական ուժերը: Թուրքական կառավարությունը զինեց երկրի հարավարևելյան շրջանների 15—50 տարեկան բոլոր թուրք գյուղացիներին, գյուղերում սահմանեց մշտական հերթապահություն³:

Մուշի և Բիթլիսի քրդերը թուրքերի դեմ պատերազմական վիճակում են: 1984 թ. օգոստոսի 15-ին քրդական աշխատավորական կուսակցության մարտիկները Սղերդի և Հաթայի պետական ուժերի դեմ «խփիր-փախիր» մարտական գործողություններ սկսեցին:

Տեղի ունեցավ ավելի քան 70 ընդհարում, որի հետևանքով երկու կողմերն էլ զոհեր տվեցին: Ձեբբակալվեց 500 քուրդ,

քրոնցից 10-ը մահապատժի ենթարկվեց: Սկսվեցին զանգվածային խուզարկություններ, մանրակրկիտ հետախուզվում էին քաղաք կամ գյուղ տանող բոլոր ուղիները: Լեռնագագաթներում ոստիկանատներ հիմնվեցին, որտեղից զինվորները գիշեր ու զօր հսկում են ճանապարհներն ու կիրճերը: Բանակը, ահաբեկչուներ որոնելու անվան տակ, քրդաբնակ գյուղերում խժոժություններ է կատարում: Նույնիսկ արահետներում կարելի է հանդիպել մինչև ատամները զինված ոստիկանական եռյակների: Դեպի լեռներն են շարժվում ավազե պարկերով պաշտպանված ավտոմեքենաներ՝ տասական զինվորներով:

Այդպես է: Շուրջ 100 տարի առաջ թուրք կառավարողները քուրդ գյուղացիներին էին զինում հայերի դեմ, իսկ այժմ թուրք գյուղացիներին են զինում քրդերի դեմ: Քուրդ ժողովրդի դեմ սկսած պետական տեռորը իր գագաթնակետին հասավ 1984 թ. երկրորդ կեսին: Ռազմական դատարանները մեկը մյուսի հետևից մահապատժի ու երկարաժամկետ բանտարկության դատապարտեցին մեծ թվով քրդերի: Դիարբեքիում տեղի ունեցած միայն մեկ դատավարության ժամանակ դատախազը մահապատիժ պահանջեց 106 «մեղադրյալների» համար: Քուրդ հայրենասերներով լցված Դիարբեքիի բանտը հիշեցնում է ֆաշիստական համակենտրոնացման ճամբար: 1984 թ. հունվարի 6-ին, ի պատասխան կալանավորների բողոքի, բանտապահները նրանց վրա կրակ բացեցին, մեծ թվով մարդիկ սպանվեցին և վիրավորվեցին:

Օգոստոսի 14-ին իշխանությունները քրդական կոտորածներ կազմակերպեցին ոչ միայն Քուրքիայում, այլև Իրաքի ու Իրանի քրդաշատ վայրերում: Կոտորածներն անձամբ ղեկավարում էին բանակի գլխավոր շտաբի պետն ու ներքին գործերի մինիստրը: Հայդուկների հետ միասին կոտորվում էր նաև քրդական խաղաղ բնակչությունը: Էվրենը հետուստատեռությամբ, ի լուր բոլորի, հայտարարեց, որ զենք վերցրած քրդերը պետք է ոչնչացվեն առանց դատ ու դատաստանի:

Քրդական հարցը (եթե ոչ ընդմիջտ, ապա գոնե տևական ժամանակով) «փակելու» համար թուրքիան համաձայնագիր կնքեց Իրաքի հետ, ըստ որի քրդական շարժումները ջախջախելու համար երկու երկրների բանակները կարող էին միմյանց տարածքները մտնել 5 կմ խորությամբ, ինֆորմացիոն փոխանակել այդ շարժումների և դրանց դեմ իրականացվող

միջոցառումների մասին, իրականացնել համատեղ գործողություններ:

Իրանը վերոհիշյալ համաձայնագիրը համարեց իր դեմ ուղղված **ակտ, որովհետև, եթե քրդերին «զսպելու» պարտականությունը դրվեր Թուրքիայի վրա, Իրաքը հնարավորություն էր ստանում իր ռազմական ողջ ուժերը կենտրոնացնել Իրանի դեմ: Իրանի կառավարությունը հայտարարեց, որ «Սադամ Հուսեյնի վարչակարգին նպաստող ամեն մի քայլ մեր դեմ է ուղղված», իսկ Թուրքիայի «նման քայլերը ավելի են սրում ռեզիստին սպառնացող վտանգը»:**

Իրանը Թուրքիային սպառնաց բոյկոտի ենթարկել թուրքական ապրանքները և փակել Անկարա-Թեհրան մայրուղին: Թուրքիան հարկադրված էր Իրաքի տարածքում դադարեցնել քրդերի հետապնդումը: Միաժամանակ 1984 թ. նոյեմբերի 29-ին Թուրքիայի և Իրանի միջև քրդերի դեմ ուղղված համաձայնագիր կնքվեց:

Փոխանակ ասելու ճշմարտությունը, որ քրդական շարժումները հետևանք են քրդերի ծանր վիճակի, պրեզիդենտ էվրենն իր ելույթներում այդ շարժումները Միրիայի և Սովետական Միության տարածապաշտական դիտավորությունների արտահայտություն է համարում:

Արձագանքելով Թուրքիայի պրեզիդենտին, արևմտյան մամուլը ողբ բարձրացրեց «Մոսկվայի զենքով զինված քրդերի կողմից հարձակման ենթարկված» Թուրքիայի շուրջը: Դեռ ավելին, «քրդերին մարդկային ուժով օգնում են հայերը»¹⁰:

Պրեզիդենտ էվրենը համոզվելով, որ քրդական շարժումները «մտահոգիչ» են դառնում, հրամայեց լրացուցիչ 30 հազարանոց բանակ ուղարկել Բիթլիսի վիլայեթ և Միրիային սահմանամերձ շրջաններ: Սկսվեցին քրդաբնակ գյուղերի բարբարոս ուժամբարկոծությունները: Թուրքիայի կառավարությունը պնդում է, որ ուժամբարկոծությունների ժամանակ զոհվել է միայն հարյուր քուրդ պարտիզան, սակայն ճշմարտությունն այն է, որ սպանվել են մեծ թվով կանայք ու երեխաներ:

«Միլիեթը» 1986 թ. ապրիլի 10-ին մի հոդված տպագրեց քրդական շարժման մասին, որտեղ գրված էր. «Մաքրագործումի վերջին գործողությունների ընթացքում ձեռք են բերվել փաստաթղթեր, որոնցից պարզվում է, որ՝ 1. քրդական հրոսակների

նպատակն է ստեղծելու ժողովրդական բանակ, 2. փակել ԱՄՆ-ին ու Ատլանտյան պակտին տրամադրված ռազմական բազաները, 3. հաշվեհարդարի ենթարկել թուրքական պետության քաղաքական կազմակերպություններին, 4. վերջ տալ թուրքերենի գործածությանը, 5. հեղափոխական շարժման միջոցով տապալել ներկա իշխանությունը»:

Դժվար չէ նկատել, որ նման «փաստաթղթերի» մեծ մասը շինծու են, սարքված թուրքական համապատասխան օրգանների կողմից և նպատակ ունեն, մի կողմից, վարկաբեկել քուրդ դեկավարությունը և, մյուս կողմից, արևելյան և հարավարևելյան նահանգների բնակչությանը զգուշացնել, որ քուրդ հայդուկների հետ չհամազործակցեն: Այսինքն դրանք ուղղված են քուրդ և թուրք աշխատավոր զանգվածների համերաշխության դեմ: Եվ դա պատահական չէ, որովհետև թուրքական ձախակողմյան ուժերը, մանավանդ Թուրքիայի կոմունիստական կուսակցությունը, համազործակցում են քրդական ազատագրական շարժման հետ և իր գործունեության համար որպես հենակետ ընտրել է քրդական շրջանները:

* * *

Մերձավոր արևելքի երկրների հետ Թուրքիան իր հարաբերությունները այսօր էլ ձգտում է կառուցել պանօսմանիզմի ավանդույթների վրա: Նրա արտաքին քաղաքական գործունեության ոլորտում երբեմն երևան են գալիս զավթողական բնույթի միտումներ, լավում են կոչեր՝ «ազատելու Ռուսաստանում կախյալ վիճակում գտնվող 50 միլիոն մուսուլմաններին»: Թուրքական կառավարությունը պատմական անարդարություն է համարում այն, որ Թուրքիան Պակիստանի հետ ընդհանուր սահման չունի: Իրանով իսկ Թուրքիան ձգտում է դառնալ պանօսմանիզմի գաղափարներն իրականացնող հարվածային ուժը:

Նկատի ունենալով Թուրքիայում գլուխ բարձրացնող և աստիճանաբար պետական պաշտոնական քաղաքականություն դարձող պանօսմանիզմը, Փարիզում արարերեն հրատարակվող «Ալ Մուստակբալ» թերթը 1983 թ. հուլիսի 16-ին մի հոդված տպագրեց, որ սկսվում է այսպես. «Թուրքերն են գալիս:

— Ո՛ւր:

— Դեպի Օսմանյան կայսրության սահմաններն ու մերձավոր շրջանները, որ նրանք լավ գիտեն:

Սա այն նոր կանչն է, որն այս օրերին մարդիկ լսում են Արաբական ժոցի տարբեր կողմերում...»: Եվ ապա՝ «Երեք տարի անընդմեջ և մինչև օրս շարունակվող իրաք-իրանյան պատերազմը Թուրքիային հնարավորություն տվեց կրկին վերադառնալ Միջին արևելք նույն այն դարպասից, որը նրա երևին փակվել էր Օսմանյան կայսրության փլուզման ժամանակ»: «Թուրքերը գալիս են, ոմանք ասում են, որ արդեն փաստորեն եկել են: Թուրքիան անցած ամիս հայտարարեց, որ Իրաքի կառավարության պաշտոնապես հրապարակված համաձայնություններինքը մտել և 20 կիլոմետր խորացել է Իրաքի սահմաններից ներս, այդ շրջանները «քրդական խլրտումներից» մաքրագործելու նպատակով...»

Իրաք ներխուժելու իր իսկական նպատակները քողարկելու համար Թուրքիայի կառավարությունը հայտարարեց, որ այն ուղղված է ոչ միայն քրդերի, այլև հայերի դեմ, որ իբր Իրաքում «գոյություն ունի հայ-քրդական համատեղ դաշնակցություն»՝ ընդդեմ Թուրքական ռազմական ռեժիմի»:

Մինչդեռ Թուրքական ներխուժումը համաձայնեցված էր Ատլանտյան բլոկի հետ և կազմում է աշխարհագրական այդ շրջանում ԱՄՆ-ի ծրագրերի բաղկացուցիչ մասը: Եվ ինչպես թերթն է գրում, «դիվանագիտական հավաստի աղբյուրները հաստատում են, որ Թուրքիայի միջամտությունը վայելում է Հյուսիսատլանտյան պակտի պաշտպանությունը և իրականացվում է փորձելու այդ «պակտի կարողությունը՝ դիմակայելու սովետական ներխուժման որևէ փորձին»: Այսինքն այստեղ ևս «սովետական վտանգի» տխրահոշակ վարագույրի հետևում Արևմուտքըն ու նրա արբանյակները իրագործում են իրենց զավթողական, իմպերիալիստական ծրագրերը: Խոսքը վերաբերում է Մոսկվի և նրա մերձակա շրջանների հարուստ նավթահանքերի իրենց ձեռքը գցելուն: ԱՄՆ-ը, օգտագործելով այդ շրջանի նկատմամբ Թուրքիայի ձգտումները, նրա առաջ խնդիր է դրել՝ իր վրա վերցնել հարվածային ուժի դերը: Այդ նպատակով Թուրքիայի արևելյան շրջաններում կառուցվեցին ամերիկյան ռազմական բազաներ, որոնք համագործակցում են Արաբական ժոցի շրջանում գտնվող ԱՄՆ-ի «արագ ծավալման գործառնների հետ»:

Իսկ Թուրքիան հետև գնացող նպատակներ ունի՝ նա փոր-

ձում է վերակենդանացնել երիտթուրքերի արտաքին քաղաքականությունը, որի մեջ կարևորագույն տեղ էր գրավում «արաբական աշխարհի թուրքացումը»: Այս հարցում Թուրքիային խրախուսում է անձամբ ինքը՝ Ռեյզանը: Նա իր ելույթներին մեկում վստահություն հայտնեց, որ Թուրք-ամերիկյան ռազմական համագործակցությունը երկու երկրների հարաբերությունները կհասցնեն նոր «ծաղկման», որովհետև Թուրքիան ԱՄՆ-ի համար արդյունավետ գործիք է «ժամացույցի սլաքը հետ շարժելու դեպի այն օրերը, երբ Իրանն ու Իրաքը արևմտյան դաշինքի մասն էին կազմում, իսկ արաբական աշխարհը ամբողջությամբ Արևմուտքի հովանավորության տակ էր»:

Թուրքիայում կան ուժեր, որոնք ԱՄՆ-ի թելադրանքով ծրագրեր են մշակում Իրանի և Իրաքի քրդերին (նրանց զբաղեցրած տարածքներով) Թուրքիայի գերիշխանության տակ ստնելու համար:

Վերոհիշյալ պարբերականը հետևյալ եզրակացության է հանգում. «Ամենամեծ վտանգն այն է, որ, գուցե, ամերիկացիները ցանկանում են իրենց ձեռքը վերցնել օսմանյան սուլթանի երկար թուրը (թեև այն այլևս չկա) և պատերազմել մուսուլման երիտթուրքական բանակներով (թեև նա դարձել է ատլանտյան)... արաբական հողի վրա, շնայած նա այլևս Օսմանյան կայսրությանը չի պատկանում և ոչ էլ նրա ժառանգներին»:

Մի ակնթարթ վերադառնանք 1912 թ., երբ երիտթուրք դեկավարներինց մեկը խորհուրդ էր տալիս՝ «թշնամու կրակի դեմ դուրս բերեք արաբներին, աշխատեք ամեն կերպ նրանցից ազատվել, պահպանեք քրդերին, նրանք մեզ պետք կգան հայերի երկրում...»

«Աքդամ» թերթի տնօրեն, հայտնի երիտթուրք Հ. Նուրիին են պատկանում հետևյալ խոսքերը. «... Հարկավոր է թրքացնել արաբական հողերը և արաբ երիտասարդության հոգում սպանել ազգային աղատագրության զղացումը»: «Արաբները թուրքերի գլխին փորձանք են»:

Մեծ ջանքեր են գործադրվում Հայկական հարցում արաբներին թյուրիմացության մեջ գցելու, երիտթուրքական բարբարոսությունները կոծկելու համար: Եվ դա հասկանալի է, որովհետև Թուրքական յաթաղանի ճնշող, հարստահարող և ոչնչացնող ուժը իրենց մաշկի վրա զգացել են նաև արաբները: Մեր դարի սկզբներին օսմանյան կառավարությունը փորձեց զանգ-

վածային ոչնչացման ենթարկել նաև արաբներին, և, օրինակ, Դամասկոսի շրջանում նրան այդ հաջողվեց:

«Քաղաքական հատուկ ծրագրով,— գրում է սփյուռքահայ հասարակական գործիչ Հ. Մադեյանը,— Թուրքիայի նախագահը, վարչապետը, մինիստրները, զինվորական ղեկավարները և այլ գործիչներ տենդագին ձևով շարունակում են մեկը մյուսի հետևից այցելությունները արաբական երկրներ, բոլոր միջոցների դիմում են նրանց հետ զարգացնելու և ամրապնդելու բոլոր տեսակի կապերն ու հարաբերությունները, շարաշահելով նրանց կրոնակից իսլամական զգացմունքները և մոռացություն տալով իրենց շարագործությունները, հալածանքը, կախաղաններն ու ոճիրները իսլամ և իսլամություն ստեղծած նույն այդ արաբ ժողովրդի նկատմամբ:

Իրենց այցելած երկրներում նրանք անպայման ձգտում են սերմանել գրգռիչ շարախոսություններ, գրպարտություններ և նենգ խեղաթյուրումներ հայության հասցեին, նրա ազգային պահանջների շուրջը»¹⁾:

1983 թ. հունվար—հունիս ամիսներին, յուրաքանչյուր կիրակի, օրը երկու անգամ թուրքական ռադիոն արաբերեն եթեր էր արձակում հաղորդումներ նվիրված «Հայկական հարցին», «եղեռնին» և «հայկական ահաբեկչությանը», այսինքն՝ 52 անգամ ռադիոլստդին ներարկվում էր կեղծիք ու բացարձակ սուտ նշված հարցերի մասին:

Այդ հաղորդաշարին փոխարինեց արաբերեն մի նոր հաղորդաշար, այսպես կոչված «Հայկական թղթապանակը», որը յոթ ամիս շարունակ նույնպես եթեր էր տրվում ամեն շաբաթ:

Այս երկու հաղորդաշարերին բնորոշ է պատմագիտական ցածր մակարդակը, միևնույն փաստի կամ մտքի բազմակի կրկնությունը, փաստերի կամայական ընտրությունն ու դրանց խեղաթյուրումը, հնարովի փաստերի օգտագործումը: Սեփական խոսքի նկատմամբ հավատ ներշնչելու նպատակով օտար ունկնդրին համոզում են, թե «արխիվային փաստաթղթերը, որոնց անդրադառնում ենք մեր ծրագրերում, ոչ մի քաղաքական նպատակ չեն հետապնդում և ներկայացվում են ձեզ առանց որևէ մեկնաբանության»: Այս պարզունակ, բայց լիտի սուտը նպատակ ունի ճշմարտության տեղ վաճառվելու քաղաքականության մեջ անփորձ մարդկանց:

Ո՞ւմ համար հասկանալի չէ, որ փաստերն ու վկայությունները առանց մեկնաբանությունների ներկայացնելը ինքնին ոչ միայն օբյեկտիվություն չէ, այլև միտումնավոր մոտեցման դեպքում դառնում է կողմնակալության ամենանազնիվ միջոց: Որովհետև հեղինակային մոտեցումը ավելի ցցուն դրսևորում և ավելի ուժեղ ազդեցություն է ունենում ոչ թե սովյալ փաստի մեկնաբանման, այլ հեղինակի ասելիքը հաստատող փաստերի համադրման միջոցով: Ահա այդ հաղորդաշարերը փաստերի կամայական, անազնիվ համադրման միջոցով թուրքական պատմագրության սուտ հորինվածքները ճշմարտության տեղ անցկացնելու օրինակ են:

Իհարկե, որպես փաստ, ճիշտ է, որ հայերը «Օսմանյան կայսրությանը սովել են արտաքին գործերի մեկ մինիստր, 7 այլ մինիստրներ, շատ քաղաքագետներ, պառլամենտի անդամներ, դեսպաններ, դատավորներ և մի քանի վարչական աշխատողներ», բայց բացարձակ կեղծիք է, որ դա արդյունք էր այն բանի, որ Թուրքիայում «հայկական փոքրամասնությունը... ճոխ կյանք վայելող փոքրամասնություն է եղել»: Կեղծիք է, որովհետև Կ. Պոլսի և ծովափնյա քաղաքների մի քանի հարյուր հայ հարուստներն էին միայն ճոխ կյանքով ապրում, իսկ Արևմտյան Հայաստանում միլիոնավոր հայեր գտնվում էին իրավազուրկ ու թշվառ վիճակում:

«Թղթապանակի» հեղինակները «Միություն և առաջադիմություն» կուսակցության հայասպան ղեկավարների դատավարությունը համարում են դավաճանության և քաղաքական բանասարկությունների հետևանք:

Պատահական չէ, որ ժամանակակից Թուրքիայում պաշտոնապես ու մեծ շուքով են նշում Թալեաթի, Զեմալի, էնվերի ու մյուս մարդասպանների տարելիցները, նրանց հասցեին շոայլում ամեն տեսակ զովասանքներ:

«Թղթապանակի» հեղինակներն այնքան շատ են ստում ու փաստերը կեղծում, որ խճճվում են և իրենք իրենց ժխտում: Ըստ որում, ժխտվում է նաև գլխավոր թեզը, որ հայերի բռնի տեղահանությունը հետևանք էր վերջիններիս ապստամբության և «անզեն թուրք ազգաբնակչության» սպանության: Այդ նույն «թղթապանակում» ներկայացված են կառավարության հետևյալ հեռագրերը գավառապետին. «24 ժամվա ընթացքում դուք պետք է ձեր գավառից դուրս քշեք բոլոր հայերին: Ուղղու-

Յյունը՝ Սիրիա: Տեսնում եք, թե ինչքան հոգատար կառավարություն է: Այս հեռագիրը ստանալուց հետո,— կարգում ենք «Թղթապանակում»,— «մի քանի ժամ անց հայերի երկար քարավանները, որոնք հիմնականում կազմված էին կանանցից, երեխաներից ու ծերերից, շարժվեցին... դեպի Սիրիա»: Հետաքրքիր է իմանալ, եթե տեղահանված հայերի քարավանները կազմված էին միայն կանանցից, երեխաներից ու ծերերից, ապա մ'ը էին տղամարդիկ: Նրանք արդեն ոչնչացվել էին:

Ժամանակակից Թուրքիայում եռանդուն աշխատանք է տարվում երկրի իսլամացման խորացման ուղղությամբ: Գավառներում խմիչքներ չեն վաճառվում, խողի միս չեն ուտում, բոլոր կանայք պարուրված են շաղրայի, իսկ տղամարդիկ՝ թուրքական ավանդական հագուստների մեջ: Մեկը մյուսի հետևից բացվում են իսլամական հագուստի վաճառանոցներ, իսլամության հարցերը մեծ ակտիվությամբ քննարկվում են հեռուստատեսությամբ, հրատարակվում է մեծ քանակությամբ գրականություն:

«Կետ» հանդեսի թղթակցի այն հարցին, թե էվրենը ի՞նչ կարծիքի է իսլամական շարժման մասին, պրեզիդենտը պատասխանեց.

«Իսլամը մեծ կրոն է, որ հենվում է խելքի ու գիտության վրա: Իսլամը սիրո, բարեկամության ու եղբայրության կրոն է: Իսլամը մարդու մեջ առաջացնում է գործելու և խղճի պատասխանատվության զգացում, արգելում է դավադրությունն ու նեխավածությունը»¹²:

Ա. Պորուլիչը ժամանակակից Թուրքիան հետևյալ կերպ է բնութագրում. «Անունով եվրոպական և բնույթով ասիական, ավանդույթյամբ իսլամական և միայն հրամանագրով աշխարհիկ»:

«Թուրքիան,— հայտարարեց Թ. Օզալը Տոկիոյում 1985 թ. մայիսին,— նպատակ ունի Մերձավոր արեւելքում դառնալու իսլամական աշխարհի տնտեսական լիդերը»: Ահա թե ինչու թուրքական կառավարությունը հատուկ ուշադրություն է դարձնում մահմեդական երկրների հետ տնտեսական կապերին¹³: Դրա արտահայտությունն էր 1984 թ. նոյեմբերին Կ. Պոլսում իսլամական երկրների տնտեսական համագումարի հրավիրումը: Համագումարը ղեկավարում էր Օզալը: Ծառով հանդես եկավ

էվրենը: Համագումարը որոշեց ստեղծել իսլամական հասարակությունների շուկա¹⁴:

Թուրքիայի «արաբասիրական» քաղաքականությունը ստացել է «բժնող իսլամացում» անունը: «Միլիեթի» վկայությամբ, Օզալի կառավարությունը «ցուցաբերում է բժնող իսլամական պահպանողականության նշաններ»: Թուրքական հասարակության լայն շրջաններում տարածում է ստացել այն մտայնությունը, որ այժմ «կրոնն է դառնում իրենց երկրի հիմնական ուժը»:

Թուրքիան ոչ միայն պաշտոնապես է վերագառնում դեպի իսլամական աշխարհը, այլև աստիճանաբար հրաժարվում է Աթաթուրքի եվրոպականացման քաղաքականությունից, մանավանդ լեզվի և մշակույթի խնդիրներում: Օզալը գտնում է, որ դպրոցներում մեծ տեղ պետք է հատկացնել արաբերենին: Թուրքիան նորից կենտրոնանում է թուրքական ավանդական լեզվի և մշակույթի ստեղծման անհրաժեշտության վրա, որպեսզի համաթուրանական ծրագրի իրականացման պահին շրջանը մեկուսացված չզգա իր ազգակիցներից»¹⁵:

Թուրքիայի կառավարության ղեկավարներին են պատկանում հետևյալ խոսքերը. «Իր ժամանակին Օսմանյան կայսրությանը վերաբերվում էին որպես իսլամական աշխարհի լիդերի: Այսօր մենք նորից սկսել ենք խաղալ այդ երկրների լիդերի դերը և դրանով իսկ Արևմուտքի համար դառնում ենք առավել կարևոր ուժ»: Այս խոսքերը որքան համահնչյուն են Արդուլ Համիդի հետևյալ արտահայտությանը՝ ես նախ մահմեդականների խալիֆն եմ և ապա օսմանցիների սուլթան»¹⁶:

Թուրքիայի համար հաջողությունները իսլամով հիմնավորելը, ամենուրեք և ամեն դեպքում իսլամը առաջ մղելը, դարերի խորքից եկող բնավորություն է: Պանիսլամիզմին ապավինելը թուրքական պետության քաղաքականության մեջ հարաճուն նշանակություն է ստացել: Դա բացատրվում է նրանով, որ արդի ժամանակաշրջանում «իսլամական գործոնը» մեծ դեր է խաղում ոչ միայն մուսուլմանական շատ երկրների կյանքում, այլև նկատելի ազդեցություն է գործում միջազգային հարաբերությունների ամբողջ համակարգի վրա: Բանն այն է, որ մուսուլմանական աշխարհին է բաժին ընկնում երկրաշնչի տարածքի 1/4-ը և ազգաբնակչության 1/5-ը: ՄԱԿ-ի յուրաքանչյուր չորրորդ անդամ մուսուլմանական պետություն է: Մուսուլմանական աշ-

խարհի ձեռքին է նավթի պաշարների 60 տոկոսը և կապիտալիստական աշխարհի նավթի արտահանությունների 90 տոկոսը:

Իսլամը մեր օրերում օգտագործվում է սոցիալ-քաղաքական ամենատարբեր ուժերի ու կազմակերպությունների կողմից: Մի շարք արաբական երկրներում նրա դրոշի տակ հանդես են գալիս Գալիմիսիսիստական, ազգային-ազատագրական պայքարի ուժերը:

Սակայն իսլամիզմը իր գլխավոր ուժերով գտնվում է իմպերիալիստական հետադիմական ճամբարում, որոնք Սովետական Միությանը հռչակել են իսլամի թշնամի և ձգտում են խեղաթյուրել ՍՍՀՄ-ի քաղաքականությունը իսլամական աշխարհի նկատմամբ: Ավելին, իսլամական ռեակցիան քայքայիչ գործունեություն է ծավալում սոցիալիստական երկրներում, ահաբեկում մուսուլմանական հոգևոր և աշխարհիկ գործիչներին, ծավալում հակակոմունիստական պրոպագանդա: Հոգևորականությունը պրոպագանդիստական այդ արշավում գործողության մեջ է դրել աշխատավորական լայն զանգվածների վրա կրոնի ազդեցության դարավոր փորձը: Մուսուլմանական ռեակցիան մեծ ակտիվությամբ է օգտագործում ռադիոն և հեռուստատեսությունը, տեսասյուրոպագանդան, կինոն, մամուլը և գրականությունը: Գործնական քայլեր են կատարվում օգտագործելու միջազգային իսլամական կենտրոնների մեծ հնարավորությունները՝ կոմունիզմի դեմ պայքարում զանգվածային ինֆորմացիայի միջոցների ուժերը կոորդինացնելու և նրանց գործունեության արդյունավետությունը բարձրացնելու ուղղությամբ:

Իսլամական ռեակցիան մատերիալիստական-մարքսիստական ուսմունքը հռչակել է մուսուլմանականության գլխավոր թշնամի և մուսուլման հավատացյալներից պահանջում է «սրբազան պատերազմ» մղել «կոմունիստական իմպերիալիզմի» դեմ: Հակակոմունիզմն ու հակասովետիզմը մուսուլմանական ռեակցիոն վերնախավի համար միջոց է խեղդելու «ներքին թշնամու»՝ այսինքն աշխատավորության ազատագրական ձգտումները: Այն նաև պատրվակ է արդարացնելու պանիսլամական նկրտումները: Իմպերիալիստական գաղափարախոսությունը հաճույքով է օգտագործում ՍՍՀՄ-ում «մահմեդականներին հետապնդելու», «ՍՍՀՄ-ում մուսուլմանների իրավազրկության», նրանց հավատի ճնշման մասին հերյուրանքները, Միջին Ասիայի և Կովկասի ժողովուրդների՝ ռուս ժողովրդի հետ միավորելու, այդ հանրա-

պետություններում սովետական իշխանության հաստատման պատմության աջ մուսուլմանական կեղծիքը:

Մուսուլմանական ռեակցիայի պրոպագանդիստական գործունեության ուսումնասիրությունը ցույց է տալիս նրա անմիջական կապը իմպերիալիստական պրոպագանդայի կենտրոնների հետ: Իսլամը կրկնում է Արևմուտքի մտքերն ու «տեսությունները» կոմունիզմի ու իրական սոցիալիզմի մասին՝ սկսած ՍՍՀՄ-ում «մարդու իրավունքների վիճակից» մինչև «սովետական ռազմական վտանգի» մասին հերյուրանքները:

1. Merip Reports 1984 թ., փետրվար:
2. Նույն տեղը:
3. Նույն տեղը:
4. Նույն տեղը:
5. Թուրքական հեռուստատեսություն, 12 նոյեմբերի 1985 թ.:
6. Սիոթլայդ, 1 նոյեմբերի 1984 թ.:
7. Ազգային մշակույթ, 2 դեկտեմբերի 1984 թ.:
8. Թուրքական հեռուստատեսություն, 4 հոկտեմբերի 1984 թ.:
9. Թուրքական հեռուստատեսություն, 30 հոկտեմբերի 1985 թ.:
10. Նույն տեղը:
11. Ազգային մշակույթ, 28 ապրիլի 1985 թ.:
12. Թուրքական հեռուստատեսություն, 9 հունիսի 1986 թ.:
13. Նույն տեղը, 14 մայիսի 1985 թ.:
14. Զարթոնք, 27 հունվարի 1985 թ.:
15. Դունյա, 8 դեկտեմբերի 1983 թ.:
16. Թուրքական հեռուստատեսություն, 15 ապրիլի 1982 թ.:

ՏԵՂԱՍՊԱՆՈՒԹՅՈՒՆ

Երիտթուրքերի կողմից Մեծ եղեռնի նախապատրաստման և իրականացման վերաբերյալ վիթխարի քառալուծյամբ նյութեր՝ վավերագրեր, ակնատեսների և ցեղասպանությունից փրկվածների վկայություններ, գիտական ուսումնասիրություններ ու մասնագետների էզրակացություններ են մեզ հասել: Փորձե՞ք դրանց միջոցով ընթերցողին ներկայացնել հայոց ցեղասպանության նախապատրաստությունն ու իրականացումը:

Վկայագրերի ուսումնասիրությունը ցույց է տալիս, որ արևմտահայության ֆիզիկական բնաջնջման ուղղությամբ երիտթուրքերը գործնական քայլերի դիմեցին իշխանության գլուխ

աճցնելու առաջին իսկ օրից: Ադանայի 1909 թ. կոտորածը այդ քաղաքականության գործադրման առաջին լուրջ փորձն էր:

Իթթիլաֆ կուսակցության ղեկավար Սաբահէդդինը դեռ 1908 թ. հայերին ասել է. «Եթե Իթթիհազը ութ ամիս իշխանության գլուխ մնա և պետական գործերը ինքը վարի, հաստատ համոզված եղեք, որ բաղկացուցիչ բոլոր ազգերի և, մասնավորապես, հայերի ապագան շախշախված է... Այդ մարդիկ ինձ մոտ մտերմական խոսակցություններ են ունեցել, բացվել են որպես թուրք»¹:

1909 թվականի հունվարի 19-ին Կարինում ուսական գրվախավոր հյուպատոսը ահազանգում է, որ հայերի «նկատմամբ անվստահությունը աճում է ոչ թե օրեցօր, այլ ժամ առ ժամ»²: Մարտի 2-ին այդ նույն հյուպատոսը գրեց. «Երիտթուրքերը սկսել են արագորեն զինել մահմեդականներին, հատկապես քաղաքային դադաշներին, որոնք հայտնի են հայերի նկատմամբ իրենց անսանձ լիտիություններ ու թշնամություններ»³:

Իշխանությունները շարունակում են զենք և ուղմական հանդերձանք ուղարկել զանազան քաղաքներ: Նոյեմբերի 18-ին Թիթիս է ուղարկվել 38 արկղ զենք: Բիթլիսի վիլայեթի Սղերգում հին սիստեմի հրացանները, մաուզերները փոխարինվում են նորերով...»⁴:

1912 թ. որոշ երիտթուրքեր հրապարակավ կոշ էին անում. «Հայերին շինայեք, կենդանի շունչ չթողնեք, կայք, գույք, ամեն քան խլեցեք»⁵: Ստեղծված վիճակը նկատի ունենալով «Պրավդան», երբ 1912 թ. հունիսի 27-ին գրեց. «... երիտթուրքերը իրենց առաջին իսկ քայլերից, կարծես դիտմամբ, սկսեցին իրենցից վանել Օսմանյան կայսրության ժողովուրդներին... խոսքով լիբերալ ձևանալով, նրանք իրականում լի էին ամենաթունոգ նմուշ սեհարյուրակային նացիոնալիզմով և բուրժուական կառադի եսասիրությամբ:

Օսմանյան կայսրությունում բնակվող սլավոններին, հայերին, հրեաներին, հույներին և այլնին թուրքացնելու համար նրանց ձգտումը ստացավ ավելի կոպիտ և համառ բնույթ, քան Աբդուլ Համիդի ժամանակ էր»:

Բայազետից ուսական փոխհյուպատոսը 1913 թ. դեկտեմբերին հաղորդել է. «Այստեղ բնակվող և ուսանող զեմ տրամադրված շերիֆ Զելալ Իբրահիմը իր տրամադրության տակ

զտնվող քրդերին հրաման է տվել նախապատրաստվել հայերին կոտորելու, և այդ գործը սկսել հենց որ նա կարգադրի»⁶:

1913 թ. մարտի 23-ին Հասան Ղալա գյուղում Քերոբ անունով մի հայի ճաշարանն է մտնում թուրքական բանակի կապիտան Հասան աղան և ներկաներին հայտարարում. «Մեր այժմյալ բոլոր դժբախտությունների պատճառը քրիստոնյա ուսյան է... Սու իմ կողմից անհրաժեշտ միջոցներ եմ ձեռնարկել և Պասին կազմի բոլոր քրդական գյուղերում համոզել եմ քրդերին՝ այլևս չդանդաղել հայերի կոտորածների ու նրանց ունեցվածքի թալանի գործում և նույն խորհրդով դիմում եմ ձեզ: Բոլոր բեկերը, որոնց հետ ես հանդիպել եմ, շկարողացան ինձ հետ շհամաձայնվել: Դրա համար էլ հույս ունեմ, որ դուք ևս կհետևեք նրանց գովելի օրինակին»⁷:

Դիարբեքիրից 1913 թ. ապրիլի 24-ին գրել են. «...հայերի նոր կոտորածների հնարավորությունը չի բացառվում»⁸:

«Ավելի ու ավելի հաճախ են լուրեր ստացվում, — 1913 թ. մայիսի 2-ին Սազոնովին գրել է Վորոնցով-Գաշկովը, — հայերի նկատմամբ բռնությունների մասին... Թուրքահայերը իրենց շքրապատված են տեսնում համատարած զինված մահմեդական ազգաբնակչությունով և այդ այն ժամանակ, երբ բոլոր միջոցներով նրանց խոչընդոտում են զենք ունենալու... Թուրքահայերի վիճակը զնալով օրհասական է դառնում և նրանք, հնարավոր է, հիմք ունեն վախենալու, որ մոտ ապագայում իրենք հարկադրված են ապրելու ավելի ծանր ժամանակներ, քան մինչև այժմ ապրել են...»⁹:

Պատրիարքը 1913 թ. մայիսի 20-ին Գիրսին գրեց. «Ամբողջ Անատոլիայում հայերի գլխին կախվել է զանգվածային ոչընչացման վտանգը... սպանությունների թիվը անընդհատ աճում է, և որոշ ժամանակից ի վեր, սպանությունների բուն բնույթը վկայում է հայերին ահաբեկչության ենթարկելու մտադրության մասին»¹⁰:

«Պատրիարքը, — 1913 թ. մայիսի 20-ին գրել է Գիրսը Սազոնովին, — Դոնից ռեֆորմներ չի սպասում, և նրան լոկ մատնացույց է անում հայերին սպառնացող եղենի վտանգը: Սպանվածների թիվը հետևողականորեն աճում է, իսկ կառավարությունը առաջվա նման անգործության է մատնված»¹¹:

Այդ օրերին պատրիարքը Մեծ վեզիր Մ. Շեվքեթ փաշային գրեց. «Զերդ մեծությանը Արևելյան Անատոլիայի և Կիլիկիայի

հայ ազգաբնակչության զանգվածային կոտորածի վտանգի մասին հուշագիր հանձնելուց հետո մինչև օրս ոչ մի միջոցառում չի ձեռնարկվել, որը մեր ցեղակիցներին կարողանար պաշտպանել այդ սպառնալիքից: Մարդիկ, որոնք զբաղված են կոտորածներ հրահրելով, ոչ մի պատասխանատվության չեն ենթարկվել: Պաշտոնատար անձինք շարունակում են մարդկանց վիրավորել միայն այն բանի համար, որ նրանք հայեր են...

Դեռ ավելին, տեղերից ստացվող վստահության արժանի հաղորդագրությունների համաձայն, վտանգը մեծացել է և, որ սպանությունները, բռնությունները, թալանն ու կողոպուտները, առանց չափազանցությունների, կրում են զանգվածային ջարդերի բնույթ... այժմ հայ ժողովուրդը օրենքից դուրս է զբղված»¹²:

Գր. Զոհրապը 1912 թ. նոյեմբերին Կ. Պոլսում Ռուսաստանի դեսպան Գիրսին ասել է. «... Վերջին ժամանակներս ուժեղանում են ամենաշարագույժ լուրերը պատրաստվող ջարդերի մասին»¹³:

Կարինում, — գրել է Գիրսը Սազոնովին 1913 թ. դեկտեմբերի 29-ին, — «գաղտնի ժողովները... շարունակվում են ամենուրեք: Ըստ սրում, դրանցում սկսել են բացահայտ խոսել հայկական կոտորածների մասին: Մոլլայի հրամանով մահմեդականները սկսել են իրենց ծածկել սպիտակ շալմայով: Ըստ լուրերի, բոլորը պատրաստ են եղեռնին և միայն սպասում են մայրաքաղաքի ազդանշանին: Պետք է վճռականորեն կանխել կոտորածը, որը ձեռնառու է միայն մեր թշնամիներին, որոնք ուզում են շեղել հայերի համակրանքը Ռուսաստանից»: 1913 թ. սեպտեմբերի 5-ին Կ. Պոլսի պատրիարքը գրեց. «Ռուսական դեսպանը մենակ է մնացել հայկական դատը պաշտպանելու գործում»: Նույն կարծիքին է Գր. Զոհրապը՝ «Ռուսաստանի դեսպանատունը մեր միակ ապավենն է»¹⁴:

Կարինում ռուսական գլխավոր հյուպատոսը 1914 թ. փետրվարի 15-ին գրել է. «Տեղական երիտթուրքական աղումբի կազմակերպած «Թուրքի ուժ» ընկերության... անդամների թիվն արդեն հասել է 200-ի, որոնց մեծամասնությունը էրզրումի դադաշները կամ խուլիզաններն են»: Ընկերության նախագահը պաշտոնաթող սպա Համիդ փաջան է, որն ամեն հինգշաբթի ընկերության անդամներին «ռազմական զրոսանքի»՝ զինավարժության է տանում»¹⁵:

1913—1914 թթ. իշխանությունների հայերի դեմ ուղղված բռնկումն ու ապօրինությունները զանգվածային բնույթ ստացան, որի նպատակն էր նրանց տնտեսապես քայքայել ու թալանել:

Երիտթուրքերն ամբողջ երկիրը լարում էին հայերի դեմ, որպեսզի ջարդերի ժամանակ թուրք և քուրդ ժողովուրդները ոչ միայն շաջակցեին հայերին, այլև մասնակցեին նրանց բնաջնջմանը: Պահեստի սպաների դպրոցը, որ ստեղծվեց 1914 թվականի ամռանը, «ջարդերի համար կադրեր պատրաստելու» հարմար վայր դարձավ: Հրահանգիչ սպա Վայսել բեյի ղեկավարությամբ վարժվում էին զանազան զորամասերից հավաքված թուրք երիտասարդներ:

1914 թ. հոկտեմբերի 11-ին Գիրսը գրեց. «Բայազետում իշխանությունները շարունակում են զինել ավազակախմբերին: Հայերը սարսափած փախչում են Ռուսաստան՝ վախենալով կոտորածներից, որ սպասվում է օր օրի»¹⁶:

Իր «Սարսափների երկրում» գրքում, որ լույս է տեսել 1919 թ., Անրի Բարբին գրում է. Բաշկալայի «ջարդը տեղի ունեցավ 1914 թ. դեկտեմբերի առաջին շաբաթում: Ահմեդ բեյը 160 ժանդարմներով և Շերիֆ բեյը՝ շիկար թափառախմբի ղեկավարը, 150 համիդիներով ռուսական բանակի նահանջից հետո հարձակվում են Բաշկալայի վրա:

Նրանք թալանում ու հրդեհում են հայերի տները, սպանում տղամարդկանց, դիակները թողնում փողոցներում ընկած, կրենց հետ տանում գեղեցիկ աղջիկներին և բախտի քմահաճույթին են թողնում հացից ու բնակարանից չուրկ կանանց ու երեխաներին»¹⁷:

1915 թ. փետրվարի 24-ին ռուսական զորքերի Կովկասյան ռազմաճակատի առաջին բանակի հրամանատարի տեղակալը գրել է. Գիլմանի կրեք գյուղերում «փետրվարի 14—15-ի գիշերը սպանվել են 707 մարդ... թուրքական կառավարության զազազած ներկայացուցիչ, կայմակամ Ռուստամ բեկը հրամայեց քրդերին և զինվորներին՝ մտնել պարսիկների տները, քրիստոնյաներին դուրս հանել և սպանել այն պարսիկներին, ովքեր քրիստոնյաներ են թաքցրել»: Հրամանն անմիջապես կատարվում է:

«Ես անձամբ իմ աչքերով տեսա փոսերում թափված հարյուրավոր դիակներ, որոնց գարշահոտությունից վարակվել էր...

օլը, տեսա անգլուխ դիակներ, կացնով քարի վրա կտրված ձեռքեր, սրունքներ, կտրված մատներ, կմախքացած զանգեր, դիակներ փլվածքների, բակերի սյարիսպների տակ, տասնյակ զոհվածներ...»¹⁸,

Հայերը, արհամիրքի առաջ անօգնական մնալով, շփոթվեցին: Պատերազմը սկսվելուց անմիջապես հետո, 1914 թ. օգոստոսի 29-ին Կ. Պոլսի ազգային հոգևոր վարչությունը որոշեց իշխանությունների հետ զգույշ և հաշտ վարքագիծ որդեգրել: Հոկտեմբերի 20-ին այդ նույն վարչությունը պատրիարքին հանձնարարեց լավ հարաբերություններ հաստատել իթթիհադի կենտրոնի ու կառավարության հետ և ձգտել մեղմացնել մթնոլորտը գավառներում: Այդ նպատակով պատրիարքը հրահանգ ուղարկեց տեղերը և հորդորեց հայերին՝ անթերի կատարել պետության նկատմամբ պարտականությունները, ջերմ հարաբերություններ ունենալ տեղական իշխանությունների հետ և օգնել նրանց, խոհեմ լինել իրենց դիմումների մեջ, սիրալիր վերաբերմունք ցույց տալ հարևան ժողովուրդների նկատմամբ: Պատրիարքը պահանջում էր, որ հայերը օգնեն իշխանություններին, «անձնվիրությամբ և զոհողությամբ հարգեն նրանց զգացմունքները, բոլոր ժամանակներից առավել հեռատես և շրջահայաց լինեն, թյուրիմացությունների առիթ չտան և, ըստ ամենայնի, զգույշ լինեն իրենց խոսքերի ու վարմունքի մեջ, որովհետև հայտնի բան է, որ այսպիսի մի ժամանակում մարդիկ գյուրազգաց ու դյուրադրգիտ են դառնում»¹⁹:

Հուսալքված ու բարոյալքված էին նաև հայ քաղաքական կուսակցությունները: Նրանք ևս հաշտվողական դիրք գրավեցին և ժողովրդին կոչ արեցին ղենքերը հանձնել իշխանություններին:

Արևմտահայության այդ շփոթ վիճակը նկատի ունենալով Գր. Զոհրապը, երբ 1914 թ. օգոստոսի 18-ին գրեց. «... Ո՛ւր է մեր ազգը, ամենուրեք փնտրում և չեմ կարողանում գտնել հյուսեացած, ցրված, անկապակից ազգ. ամեն մարմին ներքին ձգողության ուժով է կազմվում, մեր ազգը կարծես ներքին վանողության զորությամբ գոյություն ունի: Ազգ, որ ոչ գլուխ ունի, ոչ ձեռք և ոտք, ոչ ուղեղ ունի, զգայունություն, որ միաբջիջ կակղամորթ արարածների նման ինքնաշարժ ավտոմատ կծկումներ ունի միայն ամեն ինչի հետ շփվելիս»²⁰:

Հայերը խուճապի մեջ էին, իսկ երիտթուրքերի կենտրոնի 1913 թ. կայացած գաղտնի նիստի հանձնարարությամբ արդեն

իսկ պատրաստվում էր Մեծ եղեռնի ծրագիրը ու իրականացվում էին նրա նախապատրաստական աշխատանքները:

Այդ ծրագիրն էր.

— ցրել բոլոր հայկական ընկերություններն ու կազմակերպությունները, ձերբակալել նրանց ղեկավարներին և երբեկից երիտթուրքերի նկատմամբ թշնամություն դրսևորած անձանց, նրանց աքսորել Բաղդադի ու Մոսուլի շրջաններն ու ճանապարհին կամ այլուր բոլորին ոչնչացնել:

— նախապես հավաքել հայերի մոտ եղած բոլոր զենքերը.

— հնարավոր բոլոր միջոցներով մահմեդականների մեջ թշնամություն զարգացնել, նրանց զրգուել հայերի դեմ.

— վանի, Կարինի և Ադանայի շրջաններում, որտեղ հայերը իրենց նախկին գործունեությամբ մահմեդականների թշնամություն էին վաստակել, կազմակերպել միջադեպեր այդ հարաբերություններն ավելի թշնամական չարձնելու համար.

— Կարինի, վանի, Խարբերդի և Բաղեշի վիլայեթներում հայերի նկատմամբ հաշվեհարդարը հանձնարարել մահմեդական ազգաբնակչությանը, իսկ Ադանայում, Սեբաստիայում, Նիկոմեդիայում և Զմյուռնիայում, ընդհակառակը, զորքը պետք է ակտիվ մասնակցություն ունենա բռնազաղթին ու կոտորածին.

— բնաջնջել 50-ից ցածր տարիք ունեցող բոլոր տղամարդկանց, իսկ կանանց ու երեխաներին մահմեդականացնել.

— բռնազրավել այն անձանց ունեցվածքը, ովքեր ճողոպրել են արտասահման.

— պաշտոններից թշել հայ ծառայողներին.

— բանակում եղած հայերին ոչնչացնել.

— գործողություններն ամենուրեք սկսել միաժամանակ և հայերին թույլ չտալ ինքնապաշտպանության համար պատրաստվելու.

— մինչև կիրառման պահը ոչնչացման ծրագրի մասին պետք է իմանան միայն մի քանի ղեկավար գործիչներ*:

* Բուխարեստի գերմանական դեսպանատանը հայտնաբերված փաստաթղթերը ցույց տվեցին, որ 1914 թ. հուլիսին թուրքական և գերմանական ներկայացուցիչները միասին քննարկել և հավանություն են տվել հայերի բռնազաղթի ծրագրին: 1914 թ. դեկտեմբերին և 1915 թ. հունվարին Թալեաթն ու էնվերը այդ հարցի շուրջը խորհրդակցություններ են ունեցել Կ. Պոլսում գերմանական դեսպան վանգենհեյմի հետ: Վերջինս 1915 թ. մայիսի 12-ին հայտարարեց. «Թուրքերը միահամայն ճիշտ են վարվում հայերի հետ» (Հայրենիք, 30 ապրիլի 1985 թ.):

1915 թ. փետրվարի կեսերին հրավիրվեց երիտթուրքական կուսակցության կենսականի նիստ, որը տեղեց երեք օր: Կայացած քննարկման մանրամասն շարադրանքին կարելի է ծանոթանալ նրա մասնակիցներից մեկի՝ Մ. Միֆաթի 1929 թ. Հալեպում հրատարակված «Օսմանյան հեղափոխության մուֆ ծալքերը և Իթթիհատի հայաչինջ քաղաքականությունը» գրքում: Ռիֆաթը պատմում է:

Նիստը ղեկավարում էր Թալեաթը:

Նա ելույթի համար ձայնը տալիս է դոկտոր Նազըմին, որն ասաց. «... հայերը, որոնք այս անգամ պատերազմը համարելով հարմար առիթ, հակառակ շեղոթություն պահելու իրենց խոստումին, ռուսական բանակի մեջ կամավոր մտնող հրոսակախմբեր ստեղծելով գրավված գյուղի, քաղաքի բնակչությանը, առանց խղճահարության սպանեցին և տեղ-տեղ ապրստամբություն բարձրացնելով մեզ վրա հարձակվեցին և մեր բանակի նահանջի գծերին սպառնացին»: Ի՞նչ են ուզում հայերը, — հարցնում է Նազըմը և պատասխանում. «Նրանք մեզ բնաջնջելով, մեր գյուղերին ու կալվածքներին տիրանալով ուզում են ասել. «Ո՞վ թուրք, դու վեր կաց այստեղից հեռացիր, դու այս հողի տերը չես...»: Դրանք «աշխարհի ստեղծումից առաջ մերն են եղել»²¹:

«Անհրաժեշտ է դործել և դործել արագ, — ճառը շարունակում է Նազըմը: Եթե բավարարվենք մասնակի շարդերով, ինչպես այդ եղավ 1909 թ. Ադանայում և ուրիշ շրջաններում, ապա դա օգուտի փոխարեն վնաս կբերի, որովհետև մենք դրանով վտանգում ենք արթնացնելու այն տարրերին, որոնց նույնպես պետք է ճանապարհից զեն շարտենք: Խոսքս վերաբերում է արաբներին և քրդերին: Դրանով վտանգը մեկի փոխարեն դառնում է երեքը և դժվարանում է մեր նպատակների իրականացումը... Հայ ժողովրդին պետք է արմատախիլ անել, որպեսզի մեր հողի վրա ոչ մի հայ չմնա և մոռացվի հայ անունն իսկ Այժմ պատերազմի մեջ ենք, այսքան հարմար առիթ այլևս չի լինի: Մեծ տերությունների միջամտությունը և համաշխարհային մամուլի աղմկոտ բողոքները կմնան աննկատ, իսկ երբ նրանք իմանան, ապա արդեն կանգնած կլինեն կատարված փաստի առաջ, և դրանով հարցը կփակվի: Այս անգամվա գոր-

ծողությունը բնաջնջման գործողություն պետք է լինի. հայերի մինչև վերջին անձի բնաջնջումը անհրաժեշտություն է:

Ես դարձա ձեր ընկերը, զինակիցն ու եղբայրը նրա համար, որպեսզի վերածնենք թրքությունը: Ես ուզում եմ, որպեսզի այս հողի վրա թուրքը և միայն թուրքը ապրի ու անբաժան տիրապետի: Թող ջնջվեն բոլոր ոչ թուրք տարրերը, որ ազգությանն ու կրոնին պատկանելիս լինեն: Այս երկիրը պետք է մաքրել ոչ թուրք տարրերից»²²:

«Մեր ազգային կալվածքում կարող ենք թույլ տալ միայն թուրքի առաջադիմություն և ծաղկում: Մենք պարտավոր ենք մաքրել մեր հողը հնից մնացած ոչ ազգակից ու վնասակար ժողովուրդներից, նրանց արմատախիլ անել, ինչպես մուլախոտը: Սա մեր հեղափոխության նպատակն ու նշանաբանն է...»

Տարբեր տարրերից կազմված օսմանյան շաղախը շունի իր ազգային դեմքը, նա նման է մի ազգարակի մեջ տնային տարբեր կենդանիների հավաքածուի: Հայ, հույն, բուլղար, բուսիացի, պոմակ, սերբ, ալբանացի, քուրդ, շերքեզ, արաբ, վրացի, լազ. բոլոր այս իրարից տարբեր տարրերը իբրև թե կազմում էին մի ամբողջություն «օսմանցի» անվան տակ: Պետք է հրաժարվել նման հասկացողությունից: Ինչպես բակում բազը, սագը, հավը, ոչխարը, կովը, ցուլը և հորթը ապրում են կողք կողքի, առանց իրենց տեսակը փոխելու, ճիշտ այդպես էլ այդ ժողովուրդները մնացել են մեր հողի վրա առանց փոխելու իրենց ազգությունը: Բարենպաստ պայմաններում նրանք նեղել են թուրքերին և առանձնացել նրանցից՝ խլելով հողեր, ինչպես այդ արեցին, օրինակ, ռումինացիները, սերբերը, բուլղարացիները և վերջապես՝ մակեդոնացիները»²³:

Հասան Ֆեհմին առաջարկեց. «Հիմա պատերազմի մեջ ենք, զենք վերցնելու կարող հայ երիտասարդներին պատերազմի առաջին գիծ կողարկենք, այնտեղ դիմացից ռուսների, իսկ հետևից մեր կողմից այդ նպատակով ուղարկված ուժերը կրակի մեջ կառնենք և կոշնչացնենք: Նրանց տանք մնացած հիվանդ ու ծեր, կին ու երեխա տարրերին էլ կհրամայենք, որ ոչնչացնեն մեր հավատացյալները: (Հայերի) ունեցվածքը կկողոպտենք, աղքիկներին կառնանք»²⁴:

Տինանսների մինիստր Զավիդ փաշան խոսք վերցնելով ասաց. «Թուրքը արևի կիզիչ ճառագայթների տակ իր արտում

աշխատում է, բերքը բերում և քաղաքի վաճառական հային է վաճառում, նրան հարստացնում, նրա հանգիստը ապահովում: Տնտեսական իշխանությունը հայի ձեռքին է, հայերի լրիվ բնաշնչումը մեր ազգային քաղաքականության տեսակետից որքան հարկադրական անհրաժեշտություն է, այնքան էլ թուրքերի տնտեսական գերիշխանություն ստեղծելու համար կարևոր է»²⁵:

Ծրիտթուրքերի կենտկոմի անդամները միաձայն քվեարկեցին բոլոր հայերի ոչնչացման օգտին:

Այդ նույն օրը, փետրվարի 18-ին, վիլայեթներ ուղարկվեց հետևյալ հրահանգը. «Թուրքիայում «Միություն և առաջադիմություն» քաղաքական կյանքը խափանող միակ կարող ուժը հայերն են: Վերջերս կահիրեից բազմիցս ստացվող լուրերից երևում է, որ դաշնակցությունը ձեմիյեթի (երիտթուրքերի կենտկոմի) դեմ վճռական հարձակում է պատրաստում:

Եթե անցյալի ողջ պատմության իրադարձությունները մանրադնին բնենք, կտեսնենք, որ ձեմիյեթի հայրենասիրական ջանքերի ճանապարհին հայտնված բոլոր փոթորիկները հայերի ցանած խոռվության սերմերի հետևանքն են:

Ձեմիյեթը հայրենիքը այս անիծյալ ցեղի ցանկություններից փրկելու և այս կապակցությամբ օսմանյան պատմությանը ջրավելիք արատի պատասխանատվությունը իր հայրենասեր ուսերին վերցնելու որոշում է ընդունել: (Նա) Թուրքիայում բնակվող բոլոր հայերին, առանց բացառության, ոչնչացնել է որոշել և այս գործում կառավարությանը լայն իրավասություններ է տվել:

Զարգերն իրականացնելու մասին կառավարությունը կուսակալներին ու բանակի հրամանատարությանը հարկ եղած պարզաբանումներ կտա: Իթթիհադի և Թերազգի բոլոր պատվիրակները իրենց գտնված վայրերում պետք է այս խնդրի իրականացմամբ զբաղվեն: Զպետք է թույլ տալ, որ որևէ հայ օգնության և պաշտպանության արժանանա:

Թողնված գույքերը, հետագայում ձեմիյեթի կազմակերպության ընդարձակման և հայրենասիրական նպատակներով ծախսելու համար, առայժմ կառավարության կողմից նպատակահարմար եղանակներով, պետք է հավաքվեն և պահվեն»²⁶:

* * *

Ծրիտթուրքերի կենտկոմն ու նրա տեղական կազմակերպությունները եղեռնը նախապատրաստելու և իրականացնելու ուղղությամբ մեծ ու բազմաբնույթ աշխատանքներ ծավալեցին: Բնագաղթի և եղեռնի կազմակերպումը ղեկավարելու համար ստեղծվեց «Ենյակ գործադիր կոմիտե», որի մեջ մտան Բ. Շաքիրը, Նազըմը և Շուքրին:

Կոմիտեն ինքնուրույն կուսակցական մարմին էր և ոչ ոքի առաջ հաշվետու չէր: Գործնականում նա պետական իշխանության արտակարգ իրավունքներից օգտվող մի մարմին էր, պետություն պետության մեջ՝ իր տեղական օրգաններով ու զինված ուժերով: Ճիշտ է, կոտորածներ կազմակերպելու համար համաշխարհային պատերազմը «երկնային պարզե էր», բայց մի ամբողջ ժողովուրդ բնաջնջելը դժվար խնդիր էր:

Կոմիտեի առաջին նիստում Բ. Շաքիրը հայտարարեց. «Մենք պետք է ձևավորենք այնպիսի զինված ուժեր, որոնք դուրս լինեն իշխանության տեղական օրգանների վերահսկողությունից... Դրանք մեր հրամանները պետք է գործադրեն... (խսկ) մենք պետք է միայն կենտրոնական կառավարությանը ճանաչենք և նրա ներկայացուցիչը հանդիսացող Մինիստրների խորհրդի հետ խորհրդակցենք...»

Մեր ստանձնած պարտականությունը հայերին (առանց բացառության՝ կին, երեխա, աղջիկ, ծեր ու հիվանդ) մինչև վերջին մարդը սպանելն ու բնաջնջելն է... այդ գործը շենք կարող կատարել ոչ զինվորի և ոչ էլ ժողովրդի միջոցով...

Սա հասարակ և վայրագ ոճրագործություն է. զինվորը կաթնակեր մանուկին մոր գրկից հափշտակելով, մոր աչքի առաջ չի կարող նրա գլուխը ջախջախել... նման հրամանի գործադրումը նա իր զինվորական պատվին հակառակ կհամարի և կըմբոստանա: Ինչպես նաև զինվորը անկարող է ձեռքերը կալած ծերունուն կրծքից սյունին մեխել... Նա վայրագությունը հերոսություն չի համարի...»

Իսկ ժողովրդին զինելը վտանգավոր է, որովհետև «մի շարք բախտախնդիրների առիթ ու ուժ կտանք» մեր դեմ հանդես գալու համար:

«... Ես կարծում եմ, որ մեզ համար հարմար մարդիկ գտել եմ...», ես դրանց բանտերի մեջ գտա: Դրանք ոճիր գործած, մար-

դասպանութեան ու զինվորական ծառայութեան խուսափելու պատճառով (բանտ ընկած) մարդիկ են: «Եթե նրանց ազատ արձակելով մեզ ենթարկենք և խմբերի բաժանենք, կարծում եմ, որ մի շատ լավ հատուկ կազմակերպություն կստեղծենք»²⁷:

Այդպես էլ որոշվեց՝ բանտերից հանել քրեական հանցագործներին, մարդասպաններին ու ավազակներին, նրանց զգեստավորել, զինել, նրանցից յուրաքանչյուր 10—15 հոգուն դնել Լրիտթուրք խմբապետի ղեկավարութեան տակ*:

Ենդզատի նախկին կառավարիչ Քեմալ բեյը 1918 թ. դեկտեմբերի 12-ին դատարանին ցուցմունք տվեց. «Բանտերի կալանավոր ոճրագործները օգտագործվեցին հայերի կոտորածն իրականացնելու համար: Այս բանը լսեցի Ենդզատի իմ խոհարարից: Վերջինիս եղբայրը ևս մարդասպանություն կատարելու համար բանտում էր: Խոհարարուհին ինձ ասաց, որ իր եղբորն էլ բանտից ազատ են արձակել և ուղարկել հայերին կոտորելու...»²⁸:

* Սվազի բանտից ազատեցին հայտնի ավազակապետ Մահիր բեյին ու 123 այլ հանցագործների և ուղարկեցին ոչնչացնելու հայերին: Ռաս ուլ-Այնում բանտից ազատված շեթներից մի ջոկատ կազմակերպեցին հայերին թալանելու և ոչնչացնելու համար: Նրա անդամներից ոմն Աբդուլահ Էֆենդին 1200 հայ սպանեց Մալաթիայի նահանգապետարանի բակում, իսկ մեկ ուրիշը՝ Հումդի Էֆենդին՝ 210 հայ զխատեց (Շ. Նաթալի, «Գիրք մատուցման և հատուցման», 1949, էջ 22):

Սկզբում նախատեսված էր աշխատավարձի փոխարեն այս ավազակներին թողնել հայերից թալանված ունեցվածքն ու դրամը, կանանց և աղջիկներին, բայց քիչ անց հայերի ունեցվածքն ու միջոցները նպատակահարմար համարվեց դնել պիտույան տրամադրության տակ, որը շեթների շրջանում դժգոհություն առաջացրեց: Այս առթիվ Թալեաթը երիտթուրքերի կուսակցության Մալաթիայի կազմակերպության քարտուղարին հեռագրեց. «Չեթների մասն են կազմում բանտերից հանված կամ դրսից հավաքված մարդասպանները, բայց վերջիններս իրենց սպանած հայերի ունեցվածքին ձեռք տալու իրավունք չունեն: Նրանք երդում են տվել, որ գրավված ամբողջ կայքը կենտրոն կբերվի», որ այդ «սպանվածների կեռ տրամադրվելու է կուսակցությանը, իսկ մյուս կեսը բաժանվելու է շեթներին»: 1915 թ. սեպտեմբերի 13-ին նույնիսկ հատուկ օրենք ընդունվեց՝ «Լքյալ ունեցվածքի գրավման մասին» (Ս. Անտոնյան, «Մեծ ոճիրը», Բեյրութ, 1977, էջ 283):

1914 թ. նոյեմբերին Սեբաստիայի կուսակալի կարգադրությամբ Բինյանի բանտից ազատ արձակվեց 24 ոճրագործ: 1915 թ. մարտի 3-ին Անկարայի կենտրոնական բանտից ազատ արձակվեց 249 հանցագործ, իսկ մայիսի 15-ին Ենդզատի բանտից հանեցին 65 հանցագործ: Այդ 65 հանցագործից 51-ը մարդասպան էր, իսկ 12-ը՝ զոչ կամ ավազակ (Գ. Ն., № 534):

Արդարադատության նախարար Բիրիզադե Իբրահիմ բեյը հրամաններ ու հրահանգներ ուղարկեց տեղերի դատավորներին ու դատախազներին, որ նրանք չհետապնդեն ջարդարաններին ու կողոպտիչներին, բացառությամբ նրանց, ովքեր իրենց կողոպուտից բաժին չեն հանել թուրքական կառավարությանը և երիտթուրքերի կուսակցությանը: Իբրահիմ բեյը անձամբ էր զբաղվում բանտերից ազատ արձակված շեթներից հրոսակալութեան կազմակերպմամբ: Բնորոշ է, որ այդ ավազակախմբերի շարքերում գրանցումները կատարվում էին կայսրության դատախազի հրամանով, Արդարության պալատում:

Իբրահիմ բեյը հրամայել էր հատուկ ուշադրություն դարձնել շեթների ընտրության վրա. դրանք պետք է լինեին ոճրագործներից ու մարդասպաններից ամենակատաղիներն ու ամենաարյունաբերունները: Ընտրությունը կատարում էին Վերաքննիչ դատարանի ընդհանուր դատախազը և ռազմական նախարարության մի բարձրաստիճան սպա, որն անձամբ էր ստուգում ոճրագործների ֆիզիկական կարողությունները: Բոլոր ոճրագործները բժշկական ստուգման էին ենթարկվում: Ընտրվում էին ֆիզիկապես ուժեղ և առողջ հանցագործները:

Արդարության պալատում Իբրահիմ բեյը, Պոլսի զորքերի ընդհանուր հրամանատար Նալիլ փաշան, Բ. Շաքիրը, Նազըմ բեյը, Աթիվ բեյը, կայսրության անվտանգության տնօրեն Ազիզ բեյը բազմաթիվ խորհրդակցություններ ունեցան Թեջրեյաթը Մախսուսեի (հատուկ կազմակերպության) ջարդարարական գործունեության ձևերն ու մեթոդները մշակելու համար: Թալեաթըն ամեն օր Իբրահիմ բեյին տվյալներ էր հաղորդում հայերի քարավանների ջարդերի ընթացքի և կոտորածների նախատեսված վայրերի մասին:

Մի թուրք վկայում է. «... արդարադատության նախարարը բանտերից արյունաբերու մարդասպան ոճրագործներին ազատ արձակեց: Այդ մարդասպաններից կազմված հրոսակախմբերը արդարադատության նախարար Իբրահիմ բեյը ինքը կազմակերպեց...»²⁹:

Բոլոր գավառներում ստեղծվեցին հանձնաժողովներ, որոնց մեջ մտնում էին կառավարիչը, զինվորական հրամանատարը, ընդհանուր դատախազը և դատավարը, ոստիկանապետը և առողջապահության տնօրենը: Այդ հանձնաժողովներն էին ընտրում հատուկ կազմակերպության ոճրագործներին:

Ենթադրաբար նախկին դատավոր, այդ հանձնաժողովի անդամ Մ. Ռեմզին 1919 թ. փետրվարի 10-ին ցուցմունք տվեց. «Բժշկական քննությունից հետո տեղի ունեցան ոճրագործների ազատ արձակման ձևակերպումները՝ իբր թե նրանք զինվոր էին գրանցվում: Հետագայում իմացանք, որ այս ոճրագործները ուղարկվել են Չորումի հրոսակների թիվը ավելացնելու...»³⁰: Բուրսայի կենտկոմը Կ. Պոլսի երիտթուրքերի գործադիր բարձրագույն մարմնին 1914 թ. սեպտեմբերի 19-ին հեռագրել է. «Երկու օր առաջ ներքին գործերի նախարարությունից կուսակալությունը մի ծածկագիր-հեռագիր հասավ, որը պահանջում էր մեկ շաբաթվա ընթացքում 200 հոգի գտնել:

... Կարգադրություն արվեց և պահանջված հատկություններ ունեցող 200 հոգի արձանագրվեց, սակայն նրանք զինվորական ծառայության համար որևէ ունակություն չունեն... Թեև կառավարությունը հրամայեց հավաքել ու ուղարկել նաև ոճրագործներ և ավազակություն անելու վարժված անհատներ, սակայն բոլոր դեպքերում, նույնիսկ մեր մեջ, այդպիսի բարոյականության տեր անհատները քիչ են և շատ թվով մարդիկ չեն հավաքվում...»³¹:

Ռազմական դատարանի 1920 թ. հունվարի 8-ի կայացրած դատավճռում կարդում ենք. «Միություն և առաջադիմություն» կուսակցության ընդհանուր կենտրոնը (նուր էլ-Օսմանիե) ընտրվեց «որպես կենտրոնավայր՝ պետության կենսական հարցերը լուծելու համար, այնտեղ բանակցություններ էին վարում, դաշինքներ կնքում, այնտեղ էին որոշվում գործադրվելիք ոճրագործություններին ժողովականների ներկայության մանրամասները, հատկապես հանդգնեցին որոշում ընդունել տեղահանության, կոտորածի, կալվածքների բռնագրավման, հարստություն դիզելու միջոցների և ոճիրներ ու շարաշահումներ գործելու մասին:

Նրանք 1918 թ. մայիսի 14-ին, ժամանակավոր օրենքի ոգուն համաձայն, տեղահանության միջոցներն ու առիթները հարմարեցրին իրենց անձնական շահերին: Վերոհիշյալ ընդհանուր կենտրոնը ստեղծել էր հատուկ կազմակերպության մի ցանց, կազմակերպել էր ոճրագործների հրոսակախմբեր, խուժանների ամբոխներ, հատկապես հայերի կոտորածն ու բնաջնջումը իրականացնելու, նրանց կալվածքներն ու հարստությունը կողոպտելու համար...»³²:

«Մի օրենք հարմարեցրին, որի համաձայն (հայերին) այլ վայրեր տեղափոխեցին նրանց քարավանները կոտորելու դիտավորությամբ, նրանց ունեցվածքն ու կալվածքները կողոպտելու և գողանալու մտադրությամբ. այս նպատակին հասնելու համար օգտագործեցին հրոսակների, որոնց նախապես հենց իրենք էին կազմակերպել»³³:

«Հատուկ կազմակերպությունը, — գրում է Մ. Ռիֆաթը, — այլ բան չէր, եթե ոչ անպատասխանատու և ոչ լրիվ պաշտոնական թալանչիների խումբ: Պետության մեջ պետություն և կուսակցություն, որում հաշվվում էր մոտ 10 հազար մարդ, որոնք բոլորը, լինելով մարդասպանությամբ, կեղեքումով, տուն ու տեղ այրելով ու թալանելով, առևանգումով և զանազան տեսակի ոճրագործություններով սնված մարդիկ, առանց խղճահարության կատարում էին Նոյակի տված հրամանները:

Հետապնդման և բանտարկության վախ չկար. գործադրված ոճրագործություններն ու վայրագությունները նույնիսկ դիտվում էին որպես հայրենիքին մատուցած ծառայություն»³⁴:

Հատուկ կազմակերպությունը ֆինանսավորվում և մատակարարվում էր ազգային պաշտպանության ֆոնդերից: Նրա ղեկավար մարմինը մշակեց և հաստատեց բռնագաղթի ժամկետներն ու շվեթները, մարդկանց ոչնչացնելու վայրերը, ջարդարարների գործակերպը և մնացած բոլոր մանրամասները: Նա մահապատժի իրավունք ուներ, կարող էր աշխատանքից հեռացնել այն բոլոր պաշտոնյաներին, որոնք կթերանային կոտորածների կազմակերպման գործում:

Հասարակայնության լայն, մասնավորապես հետամնաց, խավերին շարդերի իրականացման մեջ ներգրավելու համար դրանց կրոնական բնույթ տրվեց: Հավատացյալներին կոչ արվեց՝ դրախտ գնալու համար յուրաքանչյուր մահմեդական պետք է երեք հայ սպանի: Շովինիստական ալիքների վրա օրորվող թուրքական թերթերը կոչ էին անում. «Ո՞վ հավատացյալներ, կովեք ձեր հարևան գյավուրների դեմ»: Մզկիթներում անընդհատ կրկնում էին. «Մեր թշնամիները մեր մեջ են: Դրանք հայերն են, որոնք այսօր ամբողջ աշխարհը մեր դեմ են հանել: Մեր արյունն են թափել տալիս, մեր հայրենիքի ու պետության հիմքերն են քանդում: Ուստի պետք է նախ այդ նենգ թշնամուն ոչնչացնել»:

Բացի ոստիկաններից գավառներ ուղարկվեցին «12—13 հա-

զար կացիներով և այլ երկաթյա գործիքներով զինված գյուղացիներ՝ «սրբազան պատերազմին» մասնակցելու համար: Նրանց թույլ տրվեց բոլոր հայերին առանց խնայելու սպանել և միայն գեղեցկագույն աղջիկներին իրենց հետ տանել»:

Այդ օրերին ամենուրեք կարելի էր լսել հետևյալ կոչերը. «Ուլ գյավուրի արյամբ ներկի իր ձեռքը, դրախտ կզնա: Գյավուրի անունը, պատիվը, կյանքը հալալ է մահմեդականին»: Փողոցներում գոչում էին. «է՛յ, մահմեդական եղբայրներ, մեզ էլ դանակ և գյավուրի գլուխ տվեք, որ մենք էլ կատարենք մեր պարտքը և արժանի լինենք դրախտին»:

Այսպիսով, հաջողվեց կոտորածների կազմակերպման մեջ ներգրավել ոչ միայն կանոնավոր բանակի զորամասերին, ոստիկանությունն ու ժանդարմերիային, այլև համիդիեին, վաշկատուն ցեղերին և թուրք խուժանին:

Սեփական ձեռքերին լրիվ ազատություն տալու համար Թալեաթը ճնշում գործադրեց սուլթանի վրա և վերջինս 1915 թ. մայիսի 1-ին վեց ամիս ժամանակով արձակեց պառլամենտը:

Ռազմական դատարանի 1919 թ. մայիսի 22-ի դատավճռի մեջ գրված է, որ կանոնավոր բանակի զինվորներն ու շեքները գործում էին համատեղ*։ «Այս ոճրագործներն ու ավազակները, հազիվ ջարավանները քաղաքից դուրս էին գալիս, նախ աղամարդկանց բաժանում էին կանանցից, ապա նրանց տանում էին մարդկանց աչքից հեռու վայրեր, որտեղ կողոպտում էին և ապա, ամեն տեսակի տանջանքների ենթարկելուց հետո, կոտորում էին: Ապա կանանց էին տանում այլ տեղեր, որտեղ կողոպտում էին նրանց գոհարեղենն ու ունեցած դրամը, նրանց մերկացնում էին և շատերին բռնաբարելուց հետո հետիտն, ամիսներ շարունակ քայլեցնում էին այնպես, որ նրանցից շատերն ընկնում էին և ճանապարհի ահա՛վոր շարշարանքներից հետո մեռնում էին սոված ու ծարավ...»³⁵:

1918 թ. դեկտեմբերի 5-ին Թուրքիայի արևելյան ռազմաճակատի 3-րդ բանակի հրամանատար վեհիբ փաշան, պատաս-

խանելով հետաքննող հանձնաժողովի նախագահ Մազհար բեյի հարցմանը, վկայեց, որ Նրզնկայի կառավարիչ Մեհմուդ բեյը հրամայել էր զինվորներին ու ոստիկաններին՝ կոտորելու հայերի քարավանները:

1920 թ. հունվարի 13-ին ռազմական դատարանը մահվան դատապարտեց Բ. Շաքիրին: Դատավճռում գրված էր. «Վեհիբ փաշայի վկայությունը ցույց է տալիս, որ հայերի կոտորածն ու բնաջնջումը և նրանց ունեցվածքի ու կալվածքների կողոպտումը արդյունք են «Միություն և առաջադիմություն» կուսակցության կենտկոմի որոշումների: 3-րդ բանակի տեղակալման շրջանում Բ. Շաքիր բեյը կազմակերպեց ու գործի դրեց մարդու մսագործներին:

3-րդ բանակի շրջանում եղած բոլոր խժոժությունները, մարդկային շարիքները, ոճիրներն ու անկարգությունները Բ. Շաքիր բեյի ձեռքով կազմակերպված դեպքեր են: Հրոսակներից ոմանք ազատված էին կախաղանից ու ցցից, մյուսներն էլ արյունարբու ռազմիկներ էին և ոստիկաններ՝ կազմակերպված ոճիրներ գործելու համար...:

Եվ պետությունը նրանց թիկունքին էր կանգնած: Նրանք բնաջնջեցին մարդկային զանգվածներ, որոնք զուրկ էի որևէ պաշտպանությունից: Կոտորածները կազմակերպված էին մի հատուկ ծրագրի համապատասխան և իրագործվեցին առանձնակի նպատակի համար: Կենտրոնական կոմիտեի երկարատև խորհրդակցություններից հետո տրված որոշումները գործադրվեցին «Միություն և առաջադիմություն» կուսակցության պատասխանատու քարտուղարների միջոցով և ապա այն անհատների կողմից, որոնք գործեցին բոլոր օրենքներն ու կանոնները մի կողմ նետելով՝ կուսակցական վերնախավի և կուսավարության կարգադրություններին համապատասխան»³⁶:

Ջարդարանների շարքերը համալրելու նպատակով 1915 թ. ապրիլի կեսերին զորակոչվեցին 14—60 տարեկան բոլոր այն թուրքերը, որոնք զանազան պատճառներով մինչ այդ չէին զորակոչվել: Նրանց զինեցին ու վարժեցրին ոչ թե ռազմաճակատի, այլ հայերին կոտորելու համար: Այս հիմքի վրա ձևավորվեց այսպես կոչված «խլամական հեղափոխական բանակը»:

Եռյակ կոմիտեի հաստատած «Լրիվ ոչնչացման միջոցներն ու դրանց կիրառումը» փաստաթղթում գրված է. «Այն քաղաքի

* Պոլսի հետաքննիչ հանձնաժողովի նախագահ Մազհար բեյը հարցրեց Սեբաստիայի ոստիկանապետին. «Ետուլուի բեյը իր 105 հրոսակների հետ մինչև Գանկալ գաղթածների հետևից գնաց և այնտեղ կողոպտեց կանանց: Նրանց վերադարձել են մեկ ֆայտոնով և երկու հասարակ կառքով՝ լցված ոսկով, գոհարեղենով, գորգերով ու կարպաններով:

Այս գոհարեղենի և գորգերի մի մասն էլ կառավարչատուն տարան: Այս բանակի մասին ի՞նչ լուր ունես» (Գ. Ս. Մ. 317):

և գյուղաքաղաքի մեջ, ոտտեղ հայ կա և թե նրանցից ո՞ւմ պետք է առաջին հերթին ոչնչացնել, կորուշենք ներքին գործերի մինիստրության տեղական (ներկայացուցիչներին) հետ և յուրաքանչյուր շրջանին պահանջված թվով ուժեր կուղարկենք: Նրանք ճանապարհների մեր նշանակած հարմար վայրերում կսպասեն հայերի քարավաններին: Ներքին գործերի նախարար Քալեաթը այդ քաղաքների վարչական աշխատողներին կհրահանգի, որ դրանցում գտնվող բոլոր հայերին պատերազմական շրջաններից դուրս բերելու պատրվակով խումբ-խումբ, երկու օրը մեկ ոստիկան զինվորների հսկողությամբ տվյալ ճանապարհով որոշված տեղը ուղարկեն:

Եվ ապա.

«Ոստիկան պաշտոնյաները, համաձայն այս հրամանի (այդ հայերին) ... կհանձնեն նրանց սպասող հատուկ կազմակերպությունը՝ շեփեներին, և կվերադառնան: Չեփեները հայերին մինչև վերջին մարդը անմիջապես կսպանեն և, որպեսզի հանրային առողջությունը չվնասվի, դիակները նախապես պատրաստված փոսերը կզցնեն ու կթաղեն: Եվ այս ձևով հաջորդաբար կիրականացնեն բնաջնջումը»³⁷:

Եվ ահա «Հատուկ կազմակերպության» շեփեները նշանակված վայրերում «պիակների սպասող ագոստների նման հայերի խմբերի հասնելուն էին սպասում»:

Բառի բուն իմաստով.— գրում է Մ. Ռիֆաթը,— «խղճալի և սղբալի, նույնիսկ քարսիրտ վայրենիների գուլթն ու կարեկցանքը շարժող թշվառ վիճակի մեջ, իրենց զավակներով սպանդանոց առաջնորդվող, ոչխարի հոտի նման տարագրվող այս մարդկային խմբերը «Հատուկ կազմակերպություն» անունով հրեշներին ձեռքն ընկնելով, երևակայությունից և նկարագրելուց վեր խժոժությունների և տանջանքների էին ենթարկվում:

Դեռևս ծծկեր... մոր գրկի մեջ քնած (ին)... մոր գրկից խլելով կացնի հարվածով... մոր աչքի առջև երկու մասի էին բաժանում, և այս վայրագությունը հրճվանքով ծափահարվում էր և մյուս կողմից հարկադրում էին, որ մահվան սպասող մյուս տարագիրներն էլ ծափահարեին...

Դեռևս 7—8 տարեկան աղջիկներին ծեծի տակ լվելով, վախի, սարսափի և դողի մատնված այդ խեղճերի վրա իրենց առաջնական կիրքը գահացնող այդ հրեշների ոճիրները նկարագրելու ժամանակ գրիչը ինչպե՞ս շողա՞ն»³⁸:

Ստեղծվեց գաղտնապահության մի կատարյալ համակարգ: Կառավարությունը տեղերն ուղարկված իր հեռագրերն ու ծածկագրերը հետ էր պահանջում: Հետագայում, 1918 թ. Քալեաթի հանձնարարությամբ դրանք ոչնչացվեցին:

Օսմանյան 3-րդ բանակը դիրքեր գրավեց Արևմտյան Հայաստանի սահմանի լայնքով և նրա միջոցով կտրվեց հաղորդակցությունը կայսրության զանազան մասերի միջև: Դա այնպիսի վարպետությամբ արվեց, որ խզվեց կապը նույնիսկ քաղաքի ու գյուղերի միջև: Հայաբնակ շրջանները իրարից մեկուսացվեցին:

Պահպանվել է Հալեպի փոխկուսակալ Ղալիպի 1915 թ. օգոստոսի 21-ի հեռագիրը. «Չորրորդ բանակի հրամանատարության 1915 թ. օգոստոսի 12-ի հեռագրի ու կարգադրության համաձայն ոչ մի հայի, անկախ նրա տարիքից ու սեռից, չպետք է թույլատրվի երկրից դուրս գալ»³⁹:

Արգելվեց տեղափոխումը նաև երկրի ներսում, նույնիսկ անձնագիր ունենալու դեպքում պահանջվում էր հատուկ գրավոր թույլտվություն: Արգելվեց նաև գրագրությունը այլ լեզուներով, դադարեցվեց նամակագրական և հեռագրական կապը Կ. Պոլսի և արտասահմանի միջև⁴⁰:

Միաժամանակ կազմվեցին քաղաքների ու գյուղերի ազդեցիկ հայերի, հասարակական գործիչների ու մտավորականների ցուցակներ:

Հայերին աջարկվեց հայ-թուրքական միացյալ ճակատ ստեղծել Ռուսաստանի դեմ, ռազմաճակատ ուղարկել բոլոր հին ու նոր հայդուկներին, ստեղծել հայկական կամավորական զորամասեր Կովկասում՝ ռուսական բանակի թիկունքում քայքայիչ աշխատանք տանելու և ապստամբություններ հրահրելու համար, բոլոր միջոցներով աջակցել դեպի Անդրկովկաս թուրքական բանակի առաջխաղացմանը: Հայերը պատասխանեցին, որ իրենք գերազասում են շեզոք դիրք գրավել, պարտավորվելով բարեխղճությամբ կատարել օսմանյան հպատակի իրենց բոլոր պարտականությունները: Մերժում ստանալով, Երիտթուրքերն այդ առիթն օգտագործեցին հայերին դավաճան հռչակելու:

Թուրք քաղաքագետը խաբել պիտի ու տաղանդավոր ստախոս է: Եվ հանձինս հայկական ցեղասպանության մենք պործ ու-

նենք դառը, բայց իրական ճշմարտության հետ՝ թուրքական կառավարությանը հաջողվեց խաբել հայ ժողովրդին, նրան հանկարծակիի բերել: Եվ դա շնորհիվ քաղաքական դեմագոգիայի, նրբորեն մշակված տակտիկայի՝ օգտագործելով հայերի մտքերի ու զգացմունքների վրա ազդեցության բոլոր միջոցները, կոտորածները նախապատրաստելով քայլ առ քայլ, աներևակայելի գաղտնապահության պայմաններում: Այդ ուղղությամբ կառավարության յուրաքանչյուր գործողություն անմիջապես տառապանք էր պրոպագանդիստական համոզիչ հիմնավորում:

2. Մորգենթաուն գրել է. «Բավական ժամանակ անցավ, մինչև որ հայության դեմ գործագրվող խժոժությունների մանրամասն լուրերը ամերիկյան դեսպանատուն հասան: 1915 թվի հունվարին ու փետրվարին մեզ հասնող լուրերը էնվերն ու Քալեաթն անուշադրության մատնեցին, ասելով, որ պատահածը միայն մասնակի բնույթ ուներ, թե տեղական իշխանությունները շուտով կարգ ու կանոն կհաստատեն: Հիմա էս տեսնում եմ այն, ինչ սկզբնական ամիսներին այնքան հստակ ու ակներև չէր, որ թուրքիայի կառավարությունը որոշել էր որքան հնարավոր է այս լուրերը թաքցնել արտաքին աշխարհից: Հաստատ էր, որ նրա նպատակն էր Եվրոպայից ու Ամերիկայից գաղտնի պահել հայերի ջարդը, մինչև նրա ամբողջական իրականացումը»⁴¹:

Նախ ժողովրդի մեծ եղած ղևքերը հավաքեցին, պատճառաբանելով, թե պատերազմական վիճակն է այդպես թելադրում: Բայց քիչ անց մահմեդականներից հավաքած զենքերը թաքուն վերադարձվեցին դրանց տերերին: Հայ ժողովրդին զինաթափելու գործողությունները «հայկական բոլոր նահանգներում վերածվեցին զանգվածային ահաբեկչության»: Ապա 18—50 տարեկան 300 հազար հայերի բանակ զորակոչեցին՝ պատերազմի ժամանակ միանգամայն տրամաբանական միջոցառում: Բայց իրապես այդ արվեց հայերի կովող ուժը ոչնչացնելու նպատակով:

«Զինվորագրություն ասված կատակերգությունն էլ, — գրում է Գր. Զոհրապը, — քրիստոնյաներին թալանելու մի այլ միջոց էր»⁴²:

«Զորակոչված հայ երիտասարդներին, — գրում է Մ. Ռիֆաթը, — ուղարկելով ճանապարհների շինարարության վրա, տաժանակիր աշխատանքով ոչնչացնել սկսեցին»⁴³:

Հայ երեկելիներին ու մտավորականներին առաջարկեցին ժա-

մանակավորապես, մինչև պատերազմի ավարտը, անվտանգության նկատառումներով տեղափոխվել ռազմաճակատից հեռու շրջաններ:

Հնարավոր բարդություններից խուսափելու համար շատ տեղերում հայերին, մյուս ազգերի տղամարդկանց հետ, կանչում էին կառավարչատներ՝ պատերազմական տուրք պահանջելու պատրվակով: Բայց այլազգիներին անմիջապես ազատ էին արձակում, իսկ հայ տղամարդկանց բանտարկում ու խոշտանգելով կոտորում էին: Նրանց ընտանիքները նույնիսկ կեղծ հեռագրեր ստացան, որ «ողջ առողջ հասել ենք մեզ համար նշանակված նոր բնակավայրերը և բարվոք վիճակում ենք»:

Մնացած ազգաբնակչությանը հեշտ էր հանել բռնագաղթի ու կոտորել, որովհետև դիմադրող ուժ այլևս գրեթե չկար: Եվ կոտորեցին: «Հայերի տեղահանությունն ու սպանդը, — գրում է Մ. Ռիֆաթը, — շատ վայրագ քաղաքական ոճիր էր»⁴⁴:

Հայ գյուղերի վրա հարձակման առաջին հրամանը տրվեց

* 4. Պոլսում ռուսական դեսպանատան աշխատակից Սերաֆիմովը 1915 թ. մարտին գրել է. «Բանակում ծառայող բոլոր հայերը զինաթափ են արված, հրզրումի շրջակայքի 17 գյուղերից միայն երեքն են կանգուն... Ամբողջ երկրում հայերը ձերբակալվում են»:

Մեկ ամիս անց, ապրիլի 10-ին նա գրեց. «Բանակ զորակոչելու պատրվակով մարդկանց ձերբակալում են, առանց տարիքը հաշվի առնելու նրանց բռնում են փողոցում, եկեղեցում, խանութում, տրամվայներում և նման այլ վայրերում, ժամանակ շտալով կարգավորելու իրենց գործերը, զգուշացնելու ծնողներին»:

1915 թ. ապրիլի 7-ին Գևորգ V կաթողիկոսը Սազոնովին գրել է. «Համաձայն հեռագրական հաղորդագրությունների, որոնք հաստատվել են այլ աղբյուրներով, իրականացվում են զինաթափ, անպաշտպան հայերի կոտորածներ հրզրումում, Գերջանում, Զեթունում և նրանց մոտակայքում, արյունալի բախումներ՝ Բիթլիսում, Վանում, Մուշում, բռնություններ, թալան և սպանություններ՝ Էջմիում, Կիլիկիայում, ամբողջ հայ ազգաբնակչության տնտեսական բայթալում»:

1915 թ. ապրիլի 12-ին Սազոնովը Փարիզում և Լոնդոնում Ռուսաստանի դեսպաններին գրեց. «Միևիտարությունում նոր տեղեկություններ են ստացվել ասիական թուրքիայում տիրող անիշխանության և թուրքերի ու քրդերի կողմից հայերին կոտորելու մասին»:

Վանում Ռուսաստանի հյուպատոսության աշխատակից Ստոլիցկան արտաքին գործերի միևիտարությանը 1915 թ. ապրիլի 26-ին գրել է. «Նոր տոմարով ապրիլի 15-ից բոլոր հայերը փակվել են քաղաքի հայկական թաղում: Զեվզեթ փաշան ռմբակոծում է քաղաքը... Շրջապատի մոտ 100 հայկական գյուղեր մորթված են...» («Геноцид армян в Османской империи», Е., 1982, с. 278—280).

1914 թ. հոկտեմբերի 25-ին, իսկ կոտորածները ծավալվեցին 1915 թ. հունվարից: Այդ ժամանակ էր, որ Կովկասյան ռազմաճակատում նահանջող թուրքական զորքերը կողոպտեցին ու կոտորեցին Ալաշկերտի, Մուշի և Բիթլիսի հայությունը:

Կառավարությունը ձգտում էր, որ տվյալ շրջանի բռնագաղթի իրականացման ղեկավարությունը կենտրոնացված լիներ մեկ անձի ձեռքում, որպեսզի «խժոգությունները գործադրելու համար տրվող հրամանները հնարավորին շափ գաղտնի մնային, շատ մարդիկ չիմանային և ոճիրը կատարվեր անաղմուկ...»⁴⁵:

Պոլսահայ գաղութի ղեկավարները տեսնելով ահագնացող վտանգը, 1915 թ. ապրիլի 23-ին պատրիարքարանում ժողովի հավաքվեցին: Ժողովը հանձնարարեց Գրիգոր Զոհրապին և Զարեհ Դիլբերին՝ կառավարությանը ներկայացնելու համար մի տեղեկանք պատրաստել, որտեղ պետք է ցույց տրվեր կայսրությանը հայերի հավատարմությունը, ներկայացվեր գավառներում տիրող ծանր վիճակը, հայ ժողովրդի գլխին կախված վտանգը և կառավարությանը կոչ արվեր հայերի նկատմամբ բարյացակամ լինել:

Ճակատագիրը ծաղրել գիտե:

Այդ նույն ժամանակ իշխանություններն ավարտում էին նախապատրաստական աշխատանքները՝ Կ. Պոլսի հայ գաղութի ղեկավարներին ու մտավորականությունը զանգվածաբար աքսորելու համար:

Զերբակալությունները սկսվեցին ապրիլի 24-ին, շաբաթ օրվա ցերեկը, բայց դրանք զանգվածային բնույթ ստացան գիշերը: Մեթթերհանի բանտը լցվեց հայերով: Ապրիլի 25-ին բանտարկվածներին քաղաքից հանեցին և տարան Մինչենքյոր, որտեղ նրանց երկու մասի բաժանեցին: «Առավել վտանգավորներին» տարան Այաշ, իսկ մյուսներին՝ Չանդիր: Պոլսում ձերբակալությունները շարունակվեցին մի քանի շաբաթ:

Այն, ինչ կատարվեց Կ. Պոլսում, կրկնվեց բոլոր հայաշատ վայրերում, Արևմտյան Հայաստանի քաղաքներում ու գյուղերում: Դա, ազգաբնակչության մոտ եղած զենքերը հավաքելուց ու զանգվածային զորահավաքից հետո, երրորդ ծանր հարվածն էր հայ ազգաբնակչությանը: Նա գլխատվեց: Դրանից հետո ամենուրեք սկսվեց հայերի ոչնչացումը, որի տարեգրությունը հեռույալ տեսքն ունի: Ապրիլին ոչնչացվեց մտավորականությունը, մայիսին լրիվ տարագրվեցին և նշանակված վայրերում կո-

տորվեցին տղամարդիկ: Մի շաբաթ անց սկսվեց կանանց, երեխաների և ծերերի բռնագաղթը: Տեղահանությունը առաջինը սկսվեց Մարաշում և Զեյթունում 1915 թ. ապրիլին: Կարինում այն սկսվեց մայիսի 15-ին: Հունիսին տեղահանվեց Խարբերդի, Ծղզնկայի, Բաղեշի, հուլիսին՝ Սեբաստիայի, Բաբերդի, Դերջանի, Մալաթիայի, Կիլիկիայի ծովափնյա շրջանների, Այնթափի, Քիլիսի, Ադյամանի, օգոստոսին՝ Տարոնի, Նիկոմիդիայի, Բրասայի, Թրակիայի հայությունը: 1915 թ. աշնանը իրականացվեց Միջագետք հասած հայերի ոչնչացումը:

1916 թ. գարնանը կոտորվեց Հյուսիսային Սիրիա բռնագաղթված 500 հազար հայ: Ապրիլին Մոսուլ տանող ճանապարհին կոտորվեց Ռաս ուլ-Այնի, հունիսին՝ Դեր Զորի հայությունը:

Կոտորածներից մազապուրծ 600 հազար հայեր ոչնչացվեցին 1918—1922 թթ., որից 250 հազարը Արևելյան Հայաստանում թուրքական հարձակման ժամանակ, 1921-ին գրավելով Կիլիկիան, թուրքերը ոչնչացրին 50 հազար և տեղահան արեցին 160 հազար հայ, 1922 թ. կոտորվեցին Զմյունիայի հայերը:

«Բռնագրավումը,— գրում է Մորգենթաուն,— որ զուգակցվեց զորակոչին, իրականում վերածվեց բնակչության կողոպուտի... թուրքերը վերցրին բոլոր ձիերը, շորիները, ուղտերը, ոչխարները, կովերը... էնվերն ինձ ասաց, թե 150 հազար կենդանի են հավաքել»: Նույն կերպ թալանվեցին արգյունաբերողներն ու առևտրականները, որոնք քրիստոնյաներ էին: «Այս արարքները,— ավելացնում է է. Մորգենթաուն,— քիչ էին տարբերվում գիտակցված ավազակությունից»: «Ռազմական կարիքների համար կատարված բռնագրավումները,— գրում է Գր. Զոհրապը,— այլ բան չեն, եթե ոչ թալանի վաղնջական տրամադրությունների առջև բացված ասպարեզ»⁴⁶:

Թալանի ու ոչնչացման ենթարկվեցին 66 քաղաքի ու 2500 գյուղի հայ բնակիչներ, քանդվեց ու կողոպտվեց 2000 եկեղեցի ու վանք, 1500 դպրոց ու վարժարան: 1919 թ. տվյալներով հայ ժողովրդին հասցվեց 20 միլիարդ դոլարի վնաս:

Ինչո՞ւ հենց 1915 թ. գարնանը սկսվեց կոտորածը: Դրա պատճառը ամենայն հավանականությամբ Սարիղամիշի խայտառակ պարտությունն էր և արևելյան բանակի ջախջախումը, Զեմալ փաշայի փետրվարի 2-ի արկածախնդրության ձախողումը Սուեզում: Իսկ արևմտյան ռազմաճակատում դաշնակիցները Դարդանեղից ուղղակի սպառնում էին կայսրության մայրաքաղաքին:

Թուրքերը խուճապի մեջ էին: Կառավարությունը պատրաստվում էր թողնել Կ. Պոլիսը և տեղափոխվել Անատոլիա: 2. Մորզենթաուն մարտ ամսին Պոլսում տիրող վիճակի մասին գրել է. «Այդ պահին մայրաքաղաքից արդեն սկսել էին մեկնել կանայք և երեխաները, նրանք երկրի խորքերն էին տարվում, բանկերին կարգադրված էր իրենց ոսկիները Փոքր Ասիա ուղարկել: Բարձրագույն դուան պաշտոնաթղթերը էսքիշեհիր էին տեղափոխվում և միաժամանակ գրեթե բոլոր դեսպանները, նրանց տեղակալներն ու պաշտոնատարները կարգադրություններ էին անում, թե ինչ պետք է արվեր, եթե հարկադրված լինեին քաղաքը դատարկելու: Կ. Պոլսի արվեստի գործերի մեծ մասը թաղվեցին նկուղներում և կամ որևէ կերպ թաքցվեցին... Բոլոր նախապատրաստություններն աշխատված էին՝ կառավարությանը աջն զննարկազմերը, որոնք սուլթանին, կառավարությանը և դեսպաններին պետք է Փոքր Ասիա տանեին, շոգին միացած, պատրաստ էին առաջին իսկ ազդանշանով մեկնելու, և մենք բոլորս սպասում էինք դաշնակիցների նավատորմի դի հաղթական ժամանմանը»⁴⁷:

Սակայն դաշնակիցները շուտով հետ քաշվեցին, չնայած դա չվերացրեց նրանց զորքերի ափ դուրս գալու վտանգը, որովհետև Դարդանեյի օպերացիայում հաջողությունը թուրքական բանակի համար պյուրոսյան հաղթանակ էր, որ նրան պատճառեց մարզկային ուժի ու ռազմական տեխնիկայի մեծ կորուստներ: Իսկ եթե դաշնակիցները Պոլիս մտնեին, հայ լիզերների քաղաքում գտնվելը թուրքերի համար ցանկալի չէր:

Բռնագաղթն ու կոտորածը սկսվեց: Թուրքական ազգայնամուլներին հաջողվեց իրագործել գենոցիդի պանթուրքիստական քաղաքականությունը: Բայց հայերի կոտորածները դադարի պահելու երիտթուրքերի ջանքերը, հասկանալի պատճառով, ձախողման էին դատապարտված: Զանազան միջոցներով լուրերը երկրից արտահոսեցին: Այս գործում մեծ էր կայսրությունում աշխատող օտարերկրացիների, դիվանագետների, ինչպես նաև եղեռնից մի կերպ փրկված հայերի դերը: Մասնավորապես նշանակալից են Կ. Պոլսում Ռուսաստանի դեսպանության պատասխանատու աշխատող Ա. Մանդելշտամի, ԱՄՆ-ի դեսպան Զ. Մորզենթաուի և գերմանացի գիտնական ու հասարակական գործիչ Յո. Լեփսիուսի ծառայությունները:

«Նյու Յորք Թայմսը» 1915 թ. մարտի 20-ից մինչև հոկտեմ-

բերի 8-ը հայոց եղեռնի մասին տպագրել է 39 հոդված, իսկ մինչև 1916 թ. վերջը՝ ևս 76 նյութ: Եղեռնի մասին հարյուրավոր նյութեր կարելի է գտնել աշխարհի ամենատարբեր երկրների (1915—1920 թթ. հրատարակված) մամուլի էջերում:

Արդեն 1915 թ. ապրիլի 26-ին բուլղարական թերթերը տպագրեցին Կ. Պոլսից ստացված մի լուր. «Թուրքական կառավարությունը, հայկական մի դավադրություն բացահայտելով, զանգվածային ձերբակալություններ է կատարել մայրաքաղաքի հայկական շրջաններում»⁴⁸:

1915 թ. մայիսի 1-ին Բուլղարիայում հրատարակվող «Հայաստան» թերթը գրեց. «Ապրիլի 24-ի Եռագլուխ Պոլսի ամբողջ ոստիկանությունը շարժման մեջ էր դրված: Սկսեցին ձերբակալություններ նախնապես պատրաստված ցուցակով: Գիշերը տեղի ունեցան բանտարկություններ՝ հետեկելով մինչև առավոտ... Ձերբակալված են հայկական բոլոր կուսակցությունների, հաստատությունների ու միությունների աչքի ընկնող անդամները, մի խոսքով, բոլոր նրանք, ովքեր Լարոզ էին դեր խաղալ հասարակական կյանքում»: Թերթը 1915 թ. օգոստոսի 25-ին տպագրում է Պոլսից ստացված մի թղթակցություն՝ «Մեծ ճգնաժամ» վերնագրով: «Գեև չհագեցած չիվաղը ամբողջ Հայաստանը, բովանդակ Կիլիկիան, նաև Փոքր Ասիան ու Բուրսանիան ոչնչացնելով, Թուրքիայի հայության արևը վերջապես մարելով, ահա յաթաղանք Պոլսի գլխին է:

Այս ժողովրդից ոչ մի շառավիղ չպիտք է մնա...»

1915 թ. օգոստոսի 1-ին Շ. Միսակյանը Կ. Պոլսից «Հայաստանի» խմբագրությունը հայտնում է, որ կոտորված, անհետացած, արքայրված ու մահմեդականացված հայերի թիվը արդեն հասել է 835.600-ի: Նվ ավելացնում է. «Այս սևաբախտ ժողովուրդը նույնիսկ մի սև խաչ շունի իր թաղման վայրը նշելու համար...»

Սոֆիայի հայերը ստեղծում են մի հանձնաժողով, որը սրտում է.

- ա) օգոստոսի 4-ին փակել բոլոր խանութները՝ ի նշան ընդհանուր սգի.
- բ) նույն օրը կատարել հոգեհանգիստ և կազմակերպել սգո հանդես.
- գ) ... քվեարկել բողոքի բանաձևեր և դրանք հանձնել կառավարությանը խնդրանքով՝ դիմել օտար կառավարություններին հայկական սարսափներին վերջ դնելու համար...

Բուլղարիայի, Ռումինիայի բոլոր հայաբնակ քաղաքներում տեղի ունեցան հոգևհանդեսներ ու բողոքի միտինգներ: «Հայաստան» թերթը լույս տեսավ սե շրջանակով ու գրեց. «Եվ փուլթ չէ, թե աշխարհում չգտնվի մի առաքինի տարեգրող, հայ ժողովրդի կենդանի փշրանքները իրենք կհառնան հավիտենական հուշարձաններ, այնպես որ ապագան երբեք չի կարող մոռանալ Մեծ եղեռնը»⁴⁹:

Այսպիսով, Մեծ եղեռնի զոհերի հիշատակության օրը առաջին անգամ նշվել է 1915 թ. օգոստոսի 4-ին:

1915 թ. մայիսի 24-ին Անտանտի տերությունները հայտարարություն հրապարակեցին Թուրքիայում հայերի զանգվածային կոտորածների մասին, որի մեջ ասված էր. «Արդեն մեկ ամսից ավելի է... թուրք կառավարության գործակալների հետ համախորհուրդ և հաճախ նրանց իսկ օժանդակությամբ թուրք և քուրդ ժողովուրդները կոտորում են հայերին: Մասնավորապես ապրիլի կեսերին ջարդեր են կազմակերպվել Կարինի, Դերջանի, Բաղեշի, Սասունին, Զեյթունի և ամբողջ Կիլիկիայի մեջ:

Վանի նահանգում ավելի քան 100 գյուղի ժողովուրդ խրամբովի ջարդված է: Թուրք կառավարությունն էլ մայրաքաղաքի անմեղ հայ ազգաբնակչությանն է հալածում»⁵⁰:

Հաջորդ օրը, մայիսի 25-ին օսմանյան կառավարությունը հերքեց այս մեղադրանքը՝ «Կայսրության սահմանների ներսում հայերի ոչ մի ջարդ տեղի չի ունեցել»: Սակայն ջարդարարության փաստը ամբողջապես ժխտել այլևս հնարավոր չէր և երիտթուրք լիդերները որոշեցին համաշխարհային հասարակությանը խաբել՝ տեսելով, որ իրականացվում է հայերի ոչ թե կոտորած, այլ բռնազաղթ: Ահա թե ինչու մայիսի 27-ին հրապարակվեց կառավարության հրամանը հայերի բռնազաղթի մասին:

Նույն օրը էնվերը հրամայեց.

1. Պատերազմի ընթացքում բանակի, զորագնդերի և զորամասերի հրամանատարներին ու նրանց փոխարինողներին, ինչպես նաև անկախ խմբերի հրամանատարներին իրավունք է վերապահվում ռազմական ուժով անմիջապես և խստությամբ հիմնովին կանխել ժողովրդի կողմից օրեկ գիմադրություն, որևէ զինված հարձակում, որ նպատակ ունի խոչընդոտել կառավարության հրահանգների ու միջոցառումների իրականացմանը...

2. ... Ելնելով ռազմական պահանջներից, բանակի անկախ

խմբերի և զորամասերի հրամանատարները իրավունք ունեն լրտեսության կամ դավաճանության դեպքում քաղաքների ու գյուղերի բնակիչներին առանձին կամ խմբերով տեղահանել և այլ վայրերում հաստատել...»⁵¹:

Մայիսի 31-ին գերմանական դեսպան Վանգենհեյմը իր կառավարությանը գրում է. «Էնվեր փաշան մտադիր է, օգտվելով պատերազմական բացառիկ վիճակից, մեծ թվով հայկական դպրոցներ փակել, հայերեն թղթակցություններն արգելել, հայերի թերթերը փակել և արդի ապստամբական կենտրոններից բոլոր կասկածելի ընտանիքները Միջագետք գաղթեցնել: (էնվերը) թախանձագին խնդրում է, որ մենք այս գործում նրան շխանգարենք... Այս թուրքական միջոցները ամբողջ թշնամի աշխարհում նորից նոր հուզում պետք է առաջացնեն և նաև մեր զեմ պետք է օգտագործվեն... Այդ միջոցներն, անշուշտ, մեծ խստություններ են հայ ժողովրդի նկատմամբ: Իմ կարծիքով մենք դրանք, ըստ նրանց ձևի, անշուշտ, մեղմելու ենք, բայց սկզբունքորեն չպետք է արգելենք...»⁵²:

Դրանից անմիջապես հետո հրապարակվեց օսմանյան կառավարության հայտարարությունը, որ ստորագրել էին Թալեաթը, էնվերը և Նազըմը. «Նկատի ունենալով, որ նրանց (հայերի) մոտ արգելված զենքեր են գտնվել, ինչպես նաև պայթուցիկ նյութեր՝ երկրի ներսում հեղափոխություն կատարելու նպատակով... և որ նրանք մեծ օգնություն ցույց տվին ռուսական զնդերին, իսկ Օսմանյան կայսրությունը պատերազմի մեջ է Անգլիայի, Ֆրանսիայի և Ռուսաստանի հետ, որոշեցինք՝ այս խուճվությունների առաջն առնելու համար, որ կարող են առաջ բերել հայերն ըստ իրենց սովորության, նրանց հավաքել և տեղափոխել Մոսուլի և Սիրիայի կուսակալությունները և Դեր Զորի գավառակը՝ առանց դիպչելու նրանց կյանքին, կաջքին և պատվին»⁵³:

Բոլոր հայերը պարտավոր էին այս հրամանի հրապարակումից հետո հինգ օրվա ընթացքում թողնել իրենց բնակավայրերը և ոստիկանների հսկողությամբ հեռանալ: Նրանց արգելված էր վաճառել իրենց հողերը և ունեցվածքը կամ գրանք ուրիշին պահ տալ: «Եթե հայերից ոմանք փորձեն զինվորների ու ոստիկանների դեմ զենք բարձրացնել, պետք է նրանց զեմ զենք գործածվի և այդպիսիներին հարկավոր է դեն շարտել ողջ թե մեռած: (Եթե նրանք...) մեկնելու ժամանակ փախչեն կամ

Թաքնվեն, եթե նրանց պատսպարեն կամ օգնութիւն և սնունդ տան, այդպիսիներին ևս սպառնում է զնդակահարութիւն»⁵⁴.

1915 թ. հունիսի 11-ին Վանդենհեյմը գրեց. «Ակներև է, որ հայերի տարագրութեան շարժառիթը սոսկ ռազմական նկատառումները չեն...

Ներքին գործերի մինիստր Թալեաթ բեյը այժմ կայսերական դեսպանատան մեջ սլաշտոնավարող գոկտոր Մորթմանի հետ վերջերս ունեցած իր ժամադրութեան ժամանակ բացեցի բաց հայտարարեց, որ Բ. Դուռը ուզում է օգտվել համաշխարհային պատերազմից՝ արմատախիլ անելու իրենց ներքին թշնամիներին (բնիկ բրիտանացիներին), առանց անհանգստանալու օտար դիվանդանների միջամտութիւնից»⁵⁵:

Այսպիսով, երիտթուրքերը հրապարակավ ընդունեցին, որ իրենք իրականացնում են հայերի բռնագաղթ, միաժամանակ համառորեն հերքելով այն հրեշավոր իրողութիւնը, որ կայսրութեան հայ ազգաբնակչութիւնը զանգվածային կոտորածների է ենթարկվում:

1915 թ. նոյեմբերի 18-ին Թալեաթը հեռագրեց Հալեպի կուսակալին. «... մի շարք տեղերում ամերիկյան հյուպատոսները գաղտնի միջոցներով տեղեկութիւններ են ձեռք բերում... աշխատեք, որ քաղաքին, գավառներին և կենտրոններին մոտ գտնվողներին (հայերին) տարագրելու ժամանակ ուշադրութիւն գրավող դեպքերի տեղիք չտրվեն: Ներկա քաղաքականութեան տեսակետից կարևոր է, որ այդ վայրերում շրջող օտարները համոզվեն, թե (գաղթականների) առաքումը իսկապես տեղափոխութեան նպատակով է կատարվում... Իսկ այս մասին (օտարերկրացիներին) տեղեկութիւն տվող լրտես անձանց ձերբակալելն ու այլ պատրվակներով ռազմական դատարաններին հանձնելը շատ կարևոր է համարում»⁵⁶:

Մեկ ամիս անց Թալեաթը ծածկագրեց. «Իմացել ենք, որ մի քանի հայկական թերթերի թղթակիցներ, այդ կողմերը շրջելով, մի շարք եղերական դեպքեր ներկայացնող լուսանկարներ ու թղթեր են կազմել... Նման վնասակար անձանց ձերբակալելով ոչնչացրեք»⁵⁷:

18 օր անց Թալեաթը նորից ծածկագրեց. «Ըսել ենք, որ օտար սպաները ճանապարհների եզրերին դիզված ծանոթ անձնավորութիւնների (հայերի) դիակներ տեսնելով լուսա-

նկարում են: Այդ դիակներն անմիջապես թաղելը և դրանք թափված շթողները շատ կարևոր է»⁵⁸:

Առաջին համաշխարհային պատերազմի ամեն մի օրը արշունոտ եղավ հայ ժողովրդի համար և դրանցից յուրաքանչյուրն ավելացրեց եղևնի մասին վավերագրերի ու վկայութիւնների քանակը: Դրանց մի զգալի մասը օգտագործվեց երիտթուրքերի ղեկավարների 1919—1920 թթ. դատավարութիւններին ժամանակ: Այդ փաստաթղթերի վավերականութիւնը հետաքննող հատուկ հանձնաժողովը մանրազնին քննութեան ենթարկեց և հետո միայն փաստաթղթերը ներկայացրեց դատարաններին որպէս հավաստի վկայութիւններ: Կ. Պոլսի կառավարութեան աջակցութեամբ տեղական իշխանութիւնները ևս այդ հանձնաժողովին ուղարկեցին մեծ քանակութեամբ նյութեր: Դրանք հիմնականում ներքին գործերի և ռազմական մինիստրութիւնների, երիտթուրքերի կենտրոնի կողմից նահանգների ղեկավարներին ու դիմվորական հրամանատարներին ուղարկված հեռագրեր էին:

Իսկ այդ ի՞նչ հանձնաժողով էր. նախապատրաստվելով երիտթուրքերի դատավարութեանը, թուրքական կառավարութիւնը ստեղծեց մի շարք արտակարգ դատարաններ: Դրանց բոլորին համապատասխան վավերական հավաստի նյութերով ապահովելու համար անհրաժեշտ էր դարձնում հետաքննող օղակի գոյութիւնը:

1918 թ. նոյեմբերին սուլթանը Անկարայի նախկին կուսակալ Մազհար բեյի նախագահութեամբ մի հետաքննող հանձնաժողով ստեղծեց, որը սկսեց նյութեր հավաքել հայաստանութեան մասին: 1919 թ. փետրվարի 4-ին ռազմական դատարանի նախագահը ՆԳՄ-ից պահանջեց դատարանին հանձնել հայերի տեղահանութեան և բնաջնջման վերաբերյալ պաշտոնական վավերագրերը կամ նրանց վավերացված կրկնօրինակները: Միաժամանակ Մազհար բեյը ամենուրեք գրութիւններ ուղարկեց ինդերելով հանձնաժողովին ներկայացնել վավերագրեր ու հավաստի վկայութիւններ: Ստացվեցին մեծ թվով նյութեր:

Ռազմական դատարանի 293 թղթապանակներում հավաքվեցին թուրքական սլաշտոնական և կիսապաշտոնական բազմաթիվ վավերագրեր, որոնց մի մասը հրատարակվեց ռազմական դատարանի պաշտոնաթերթ «Թագուիմը Վազայի Դիվանը Հարպը Էորֆի Մուհաբեմաթը Զարթ շերիտեսիի» մեջ:

Շատ պաշտոնական փաստաթղթեր հրատարակված են ժա-

մանակի մամուլում: Դրանք տպագրել են ավելի քան 40 թուրքական, 20 հայկական, 10 հունական, 8 ֆրանսիական, բազմաթիվ ամերիկյան և անգլիական թերթեր ու հանդեսներ: Նշենք նաև, որ Կ. Պոլսի Զավեն պատրիարքը 1922 թ. հավաքում է եղևնի մասին վերը նշված վավերագրերը, ինչպես նաև հազարավոր այլ պաշտոնական և ոչ պաշտոնական փաստաթղթեր ու դրանք գաղտնի ուղարկում Եվրոպա: Որոշ ժամանակ անց վավերագրերով լի սնդուկները տեղափոխում են Երուսաղեմ, ուր և գտնվում են մինչև օրս: Փաստաթղթերը գրված են արաբատառ թուրքերենով և նրանց միայն շնչին մասն է օգտագործված: Դրանց վրա է կառուցված Գրիկերի «Ճողապտի հայասպանության վավերագրական պատմությունը» փաստական նյութով հարուստ ու շահեկան գիրքը:

Սկսած 1916-ից, ցեղասպանության մասին վավերագրեր ու հողվածներ են տպագրել Հ. Մորգենթաուն, Յո. Լեփսիուսը, Ժան Մարի Գարզուն, Ա. Բարբին և ուրիշներ: 1921 թ. Բոստոնում լույս տեսավ Ա. Անտոնյանի «Մեծ ոճիրը» գիրքը:

Ժամանակակից թուրք պատմաբաններին ու քաղաքական գործիչներին հատկապես մեծ անհանգստություն են պատճառում, Հ. Մորգենթաուի, Յո. Լեփսիուսի, Ա. Անտոնյանի աշխատությունները, որովհետև դրանք շրջանառության մեջ են գրել մեծ քանակությամբ վավերագրական նյութեր: Չկարողանալով հերքել այդ նյութերի իսկությունը, թուրք պատմաբանները դիմում են տգեղ, ուսումնասիրողին անվայել միջոցների: Նրանք հայտարարում են՝ Հ. Մորգենթաուին հավատալ չի կարելի, որովհետև նա եղել է «հոգեկան հիվանդ»: Լեփսիուսը «խաբեք է» և զբաղվել է գրագողության՝ արտագրել է Հ. Մորգենթաուի գիրքը: Ա. Անտոնյանը «սրիկա հանցագործ է», որ նախմբելը (որից Ա. Անտոնյանը ձեռք է բերել ծածկագրերն ու հեռագրերը) հնարովի դեմք է, այդպիսի թուրք պաշտոնյա գոյություն չի ունեցել, որ Ա. Անտոնյանի գրքում օգտագործված հեռագրերը «սարքել են» հայերը Փարիզում:

Թուրք պատմաբանները այլ ելք չունեն, որովհետև «Մեծ ոճիրը» հայոց Մեծ եղեռնի իրականացման փաստաթղթերի իսկական ժողովածու է, որը տարեթվային հաջորդականությամբ, հետևողականությամբ և ուժեղ տրամաբանությամբ բացահայտում է երիտթուրք լիզերների նախաձեռնող և ղեկավար դերը հայ ժողովրդի բնաջնջման գործում:

Իսկ որ Ա. Անտոնյանի գրքում հավաքված նյութերը ճշմարիտ են արտահայտում պատմական իրողությունը, ապացուցվում է բազմաթիվ փաստերով: Այսպես, օրինակ, երբ դաշնակիցները Կ. Պոլսի մտան, խուզարկությունների ժամանակ երիտթուրքերի նուր էլ-Օսմանիե ակումբում գտան եղևնի մասին բազմաթիվ պաշտոնական գրություններ, իսկ Բ. Շաքիրի փեսա Ահմեդ Ռամեզ բեյի բնակարանում գտնվեց մի մեծ պայուսակ, որ պարունակում էր բազմաթիվ վավերագրեր, ծածկադրեր և գաղտնի ժողովների արձանագրություններ, որոնք օգտագործվել են Մ. Ռիֆաթի «Օսմանյան հեղափոխության մութ ծալքերը...» գրքում⁵⁹:

Ոստիկանների հայտնաբերած հեռագրի մեջ էր Թալեաթի ծածկագիրը՝ ուղղված Մալաթիայի նրիտթուրքերի ակումբին. «Ձեր գավառն ուղարկված և այդտեղ հավաքված հայերին բնաջնջեք՝ բարոյական և նյութական ողջ պատասխանատվությունը ինձ վրա լինելու պայմանով»⁶⁰:

Գտնվեցին նաև Բ. Շաքիրի և Նազըմի ստորագրությամբ հեռագրեր. «Կետ առ կետ գործադրեցեք հայերին սպանելու մասին ձեզ տրված հրամանը»⁶¹:

«Հայերին ջարդելու մասին սրանից առաջ ձեզ տրված հրամանը գործադրեցեք»⁶²: Ահա և Բ. Շաքիրի բնաստեղծությունը շրջաբերականը:

Թող զենք չպայթի,
Թող զինվորը չանի,
Թող հայ չմնա:

Մեծերին մորթուել,
Գեղուհիներին ընտրել,
Մյուսներին տարադրել⁶³:

Այստեղ էր նաև Թալեաթի հեռագիր-շրջաբերականը: «Առանց որևէ վարանումի ու գութի բնաջնջեք մեկ ամսականից

* Հալիդե էդիպը պատերազմի տարիներին մեկնում է Հալպա: Նրան ուղեկցում էր Ջեմալ փաշայի քարտուղար Ռ. Ֆալիհը: Ադանայում գնացք է բարձրանում Բ. Շաքիրը: Ռ. Ֆալիհը Հ. էդիպին ծանոթացնում է երիտթուրք գործի հետ: Հետագայում Հ. էդիպը հանդիմանելով Ռ. Ֆալիհին, ասում է. «... գու ինձ հարկադրեցիք սեղմել մարդասպանի ձեռքը»:

(«Դունյա», 7 դեկտեմբերի 1967 թ.):

Նույն Ռ. Ֆալիհը իր «Ջանկալա» գրքի 450-րդ էջում գրում է. «Ափսոս, որ առանց հայկական ողբերգության Աթաթուրքի ազգային դաշինք շարժումը չէր կարող արմատավորվել»: Նրա կարծիքով, առանց ցեղասպանության «այսօր Թուրքիան արևելյան նահանգներում կդիմակայեր մի Հայաստանի»:

մինչև 90 տարեկան հայերին, միայն թե ոչ քաղաքում ու ոչ ժողովրդի աչքի առաջ»⁶⁴,

Այս հեռագրերի և Ա. Անտոնյանի գրքում զետեղված փաստաթղթերի մինչև, եթե նույնիսկ տարբերություն կա, ապա լոկառանձին դեպքերում և այն էլ միայն շարադրանքի մեջ: Ինչ վերաբերում է բովանդակությանը, ապա դրանք բացարձակապես նույնն են:

Նրկու խոսք եղեռնի վավերագրերի ու վկայությունների հրատարակումների մասին: Եղեռնը մոռացության տալու տարիներին, այսինքն 1922—1965 թվականներին, այդ նյութերի ուսումնասիրության և հրատարակման ուղղությամբ քիչ գործ կատարվեց: 1960-ական թթ. սկսվեց մի նոր ժամանակաշրջան, որի հլազիծն ու նշանաձողը դարձավ 1966 թ. Նրևանում Մ. Գ. Ներսիսյանի խմբագրությամբ լույս տեսած «Геноцид армян в Османской империи» վավերագրերի ու վկայությունների ժողովածուն:

1965—1987 թթ. ոչ միայն Սովետական Միությունում, այլ նաև արտասահմանյան շատ երկրներում լույս տեսան հայկական ցեղասպանության մասին բազմաթիվ հետազոտություններ, փաստաթղթերի ժողովածուներ, ականատեսների վկայություններ:

Մասնավորապես, հիշատակության արժանի է Ա. Բեյլերյանի աշխատանքը ֆրանսիական արխիվներում եղեռնի մասին եղած նյութերի հրատարակության ուղղությամբ: Հրատարակվեց ավելի քան 700 վավերագիր:

1980 թ. Ռ. Քլյանը Բերկլիում հրատարակեց ԱՄՆ-ի մամուլում հրատարակված նյութերի՝ «Հայերի ցեղասպանությունը» ժողովածուն, որը պարունակում է շուրջ 300 հրատարակումներ:

* * *

Մրագրելով և իրականացնելով հայերի բռնագաղթն ու ուղնշացումը, երիտթուրքերը բազմազան և բազմատեսակ միջոցների դիմեցին համաշխարհային հասարակական կարծիքին խաբելու համար: Գերմանական «Վոլֆ» հեռագրական գործակալության միջոցով Նլբուպա հասան հինգ հազորագրություններ, որոնք բոլորն էլ երիտթուրքական կեղծիքներ էին: 1915 թ. օգոստոսին թուրքական կառավարությունը ժնկի իր դեսպանի մի-

ջոցով եվրոպական թերթերին ուղարկեց հետևյալ պաշտոնական հերքումը. «Թուրքական բարեխնամ կառավարության պաշտպանության տակ գտնվող բոլոր հայերը, լինի տղամարդ, կին կամ երեխա, վայելում են կատարյալ ազատություն: Գտնելվեցին միայն մի քանի հանցավորներ, բայց նրանք էլ դատվեցին օրինավոր կերպով կազմված դատարանների կողմից»⁶⁵,

Այս կեղծիքը ճշմարտության տեղ հրամցնելու նպատակով կազմակերպվեցին հայերի բազմաթիվ ցուցադրական դատավարություններ ու կախաղաններ: 1915 թ. հոկտեմբերի 15-ին Կ. Պոլսի սուլթան Բայազետի հրապարակում կախաղան հանվեցին հնչակյան 20 գործիչներ: Կեսարիայում մահվան դատապարտվեց 50 մարդ, այդ թվում և Մուրադը՝ Համբարձում Պոյաճյանը:

Ռուսիականական պաշտոնավեճի «Փոլիս մեջմուսի» մեջ տարբերվում էին հայերի դավաճանությունը և հակաթուրքական գործունեությունը նվիրված բազմաթիվ շինծու հողվածներ, լուսանկարներ և այլն:

Թալեաթը, էնվերը, ինչպես նաև կուսակալներն ու զորավարները իրենց ստորագասներին անդադար հրամայում ու հանձնառարում էին, որ 1914 թվականի հուլիս ամսվա ընդհանուր զորաշարժից ի վեր հավաքեին և պահեին հայերի «խոռվությունները» մասին բոլոր տեսակի ապացույցները, որոնցով «հնարավոր լիներ արդարացնել հայ ժողովրդի նկատմամբ կիրառված տեղահանության և բնաջնջման պետական քաղաքականությունը»: Ահա էնվերի 1915 թ. հուլիսի 14-ի հրամանը բանակների հրամանատարներին. «Բացարձակապես անհրաժեշտ է օրեցօր հավաքել ու պահել բոլոր ապացույցները, բոլոր վավերագրերը, որոնք նպատակ ունեն աշխարհի աչքի առաջ արդարացնելու մեր այն վերաբերմունքն ու միջոցները, որոնք որդեգրել ենք խորտակելու համար հայ հեղափոխական շարժումը, որպեսզի դրանք հրատարակվեն պրոպագանդայի»⁶⁶,

էնվերը պահանջում էր յուրաքանչյուր ամիս գլխավոր շտաբ ուղարկել հայերի ապստամբական-դիվերսիոն գործունեության մասին վավերագրեր, պաշտոնական վկայություններ, լուսանկարներ, կատարված դեպքերի նկարագրություններ: Նա գտնում էր, որ յուրաքանչյուր զորամաս պետք է հատուկ մատյան պահի այդ նյութերը հավաքելու ու գրանցելու համար:

Արաբ հեղինակ Ֆ. էլ-Ղոսեյնը գրում է, որ «թուրքերը սպանված հայերին քրդական տարազ էին հագցնում՝ ապացուցելու

համար, որ դա հայերի գործն է»: Որոշ տեղերում նույն նպատակով սպանված հայերին թուրքի հագուստ էին հագցնում: Այս ստոր մեթոդով նախ տպավորություն էր ստեղծվում, որ կոտորողները ոչ թե թուրքերն ու քրդերը, այլ հայերն էին, և ապա այն օգտագործում էին հայ-թուրքական և հայ-քրդական թշնամությունը բորբոքելու համար⁶⁷:

Թուրք ժողովրդին խաբելու նպատակով 1916-ին գումարվեց երիտթուրքերի համազումար: Զեկուցումով հանդես եկավ Թալեաթը: Այդ զեկուցման իմաստը նույնն էր՝ հայերը խռովություններ բարձրացրին, մտադիր էին ապստամբել, նրանք հայրենիքին դավաճանեցին և դրա համար պատժվեցին:

Այդ նույն նպատակով 1916 թ. հրատարակվեցին «Հայ հեղափոխական կուսակցություններն ու օսմանյան կառավարությունը» և «Հայ կոմիտեների հեղափոխական ձգտումներն ու գործունեությունը սահմանադրությունից առաջ և հետո» գրքերը: Դրանց կցված էին վավերաթղթեր, նկարներ և այլ նյութեր, այդ թվում «Մայր Հայաստան» նկարը, Հայաստանի քարտեզը և այլն, որպեսզի ընթերցողը համոզվեր, որ հայերն ուզում են մասնատել Թուրքիան և նրա տարածքների վրա ստեղծել անկախ Հայաստան:

Հասարակական կարծիքը թյուրիմացության մեջ գցելու գործում ևս երիտթուրքերին օգնում էին գերմանացիները: Թուրքիայում կայզերի անձնական ներկայացուցիչը գրել է. «Կյանքիս մեծագույն մասը ապրել եմ Թուրքիայում և ճանաչում եմ հայերին: Գիտեմ նաև, որ հայերն ու թուրքերը մի տեղ ապրել չեն կարող այս երկրում... հետևաբար այս ցեղերից մեկն անհետանալու է... Ես չեմ մեղադրում թուրքերին, որոնք հայերին վերացնելու վրա են... Հայերն ուզում են անդամահատել Թուրքիան, այս պատերազմում նրանք թուրքերի ու գերմանացիների դեմ են: Հետևաբար իրավունք չունեն գոյություն ունենալու»:

Որպեսզի արդարացնեն երիտթուրքերի «սատու»-այական միջոցառումները,— գրում է Հ. Մարկվարտը,— ... գերմանական մամուլը Գերմանիայի քաղաքներու գլխին թափեց զրպարտիչ հաղորդագրությունների հեղեղ, որոնք մասամբ ծագում էին թուրքական աղբյուրներից... հայերը նկարագրվում էին ամենագորշ գույներով, որպես առևտրականների ու արյուն ծծող վաշխատունների հավաքածու...»⁶⁷:

Հայերի ապստամբական դիտավորությունների մասին Թա-

լեաթի 1915 թ. օգոստոսի 9-ի հեռագրին Անկարայի 5-րդ զորաբանակի հրամանատարի պաշտոնակատար Խալիլ Ռեջային պատասխանեց. «Պատիվ ունեմ հայտնելու, որ զորակոչից մինչև օրս նահանգում հայերը չեն գործել որևէ էական եղևնափորձ»⁶⁸:

Իսկ 13-րդ զորաբաժնի հրամանատար Սուլեյման բեյը 1915 թ. օգոստոսի 11-ին հեռագրեց Խալիլ Ռեջայի բեյին. «Պատիվ ունեմ ձեզ հայտնելու, որ զորակոչի սկզբից մինչև այսօր... իմ իրավասության տակ ապրող հայերից ոչ մեկը թե՛ ժողովրդի և թե՛ իշխանության դեմ հարձակում և ըմբոստական շարժում կամ հեղափոխության փորձ չի արել»⁶⁹:

Ահա մի ծածկագիր ևս.

«Պահակախմբի հրամանատարը ինձ տեղյակ է պահել, որ Պողազլյան գավառակում ըմբոստական շարժման ոչ մի նշան չկա... Այս գավառակում մնացած հայ ընտանիքների զավակները իրենց գյուղերում ոչ միայն չեն շրջում, այլև չեն համարձակվում տան շեմից ոտք դուրս դնել: Այս գավառակում առաջ եկած ցավալի երևույթներից մեկը սաստիկ թալանն է, որ հայ գյուղերում գործում են լրացուցիչ զինքի տակ վերցված մարգրիկ, շերքեզ ձիավորները և մահմեդական բաղամասրդ ամբոխը...»

Առաջին գնդի դասապետ, ավագ հարյուրապետ Իսմայիլ Ռիֆաթ»⁷⁰:

Ենզղատի ոստիկաններն ու 5-րդ բանակի շատ ղինվորներ վերադառնալ օրգանների ու զորամասերի հրամանատարների բազմաթիվ հարցումներին պատասխանել են, որ վիլայեթի հայերը դաշնակցական և հնչակյան կուսակցությունների հետ կապ չունեն, սակայն «այդ նույն անձինք, որոնք իրենց պատիվ էին համարում «Միություն և առաջադիմություն» կուսակցության պատկանելի, նեջաթի բեյի միջնորդությամբ հայտնեցին բանակի և զորաբաժնի հրամանատարությանը, թե հայկական մի երևակայական կոմիտե գոյություն ունի:

Սրանք հրամայեցին քննություն կատարել, ղենքեր փնտրել, բայց գտան միայն այն ղենքերը, որ խուզարկողները իրենց ձեռքով էին դրել և վերջապես հրաման ստացան հայերին տեղահանելու»⁷¹:

Իսկ գնդի հրամանատար Թեմալի Էֆենդին, շրջելով հայկական

գյուղերով, սպանել ավելց բազմաթիվ հայերի, թե իբր «նրանք պատկանում էին կոմիտեներին»⁷²:

1919 թ. մարտի 5-ին Ջեմալ բեյը դատարանին ցուցմունք տվեց, որ Թեմիթիզ բեյը «ինձ խնդրում էր, որ գյուղի հայերը, որոնք թնդանոթներով զինված էին, այլ վայրեր տարագրվեն և նրանց փոխարեն թուրքեր բերվեն: Հենց իմացա այս թնդանոթների պատմությունը, հետաքննություն սկսեցի, բայց այն տրևե բանի չհանգեցրեց. ըմբոստության հետք անգամ չկար, լոկ բանակից մի քանի փախստականներ լեռներն էին ապաստանել:

Դրանից հետո հուլիսի 18-ին (Անկարայից) ստացվեց տարագրության հրամանը...»⁷³:

Ռազմական դատարանը 1919 թ. սուրբիլի 8-ի դատավճռով հերքեց Նոզդատի հայերի ապստամբության մասին վարկածը: Դատարանը գտավ, որ «Բոլոր նշված պարագաները այդ տեսակ ոճիր գործելու համար (տեղահանելու և ջարդելու) արդարացնող փաստ չեն, որովհետև, եթե հայ ժողովրդի նույնիսկ մի մասը հակակառավարական գործունեության մասնակից եղած լինի, մնացածը փաստորեն ցույց տվեց իր հավատարմությունը...»⁷⁴:

Թուրք ազգաբնակչության վրա հայ կամավորների կատարած «գաղանթությունների» մասին թուրքական պնդումների առնչությունը Տ. Նանսենը գրում է. «Անատոլիայի ջարդերից ճողոպրած հայերը միացան այդ (կամավորական) զնդերին: Թուրքերը լրբություն ունեցան նրանց «մատնիչ» որակելու, որովհետև համարձակվում էին կոմիտեի իրենց ժողովրդի դահիճների դեմ»:

«Հայ կամավորական զնդերից ոմանք չկարողացան դիմադրել վրեժ լուծելու փորձությանը: Այդ առանձին դեպքերը անհնար է նույնիսկ հեռավոր համեմատության մեջ դնել թուրքերի գործած վայրագությունների հետ»⁷⁵:

Այսինքն ոչ թե թուրք բնակչության վրա հայ կամավորների հարձակումն է պատճառ հանդիսացել հայերի զանգվածային կոտորածների, այլ, ընդհակառակը, կոտորածներից մազապուրծ հատուկներ հայերն էին, որ վրեժխնդրությամբ լցված զենքի դիմեցին: Ինչ-վերաբերում է հայերի կողմից քրդերի ոչնչացմանը, ապա այդ պանթուրքիստների և պատմության թուրք կեղծարարների մտքի արգասիքն է, որ նպատակ ունի իսբել միամիտներին ու անտեղյակներին, քրդերի մեջ ատելություն

դաստիարակել հայ ժողովրդի նկատմամբ: Նույն նպատակն է հետապնդում նրանց ջանքերը՝ հայերի ինքնապաշտպանական կռիվները ներկայացնելու որպես ապստամբություն:

Ա. Մանդելշտամը համոզիչ փաստերով հերքում է հայերի ապստամբական տրամադրությունների մասին հերյուրանքները: «Այն դեպքերում, — գրում է նա, — երբ հայերը (իրենց մոտ եղած) զենքերը հանձնում էին, Կ. Պոլիս զեկուցում էին, որ դավադրություն է բացահայտվել», իսկ երբ զենք չէր հայանաբերվում, այնքան էին խոշտանգում, որ հայերը հարկադրված մահմադեկաններից զենք էին գնում և հանձնում իշխանություններին:

«Ի հեճուկս թուրքական կառավարության կեղծ հայտարարությունների, ոչ մի հայկական խռովություն կամ հեղափոխություն չի եղել», — հայտարարում է Ա. Մանդելշտամը և ապավելիացնում. «Հայերը զենք են վերցրել միայն այն ժամանակ, երբ նկատել են կոտորածի վտանգը... պետք է հատկապես շեշտել, որ հայերը միայն պաշտպանվել են և կրեքք առաջինը չեն հարձակվել թուրքական զորքերի վրա»⁷⁶:

Իրողություն է, որ Արևմտյան Հայաստանի մի շարք շրջանների՝ Վանի, Շատախի, Մուշի, Սասունի, Մուսա լեռան, Շապին-Գարահիսարի, Ուրֆայի հայ ազգաբնակչությունը դիմադրեց թուրքական ջարդարարներին, կոմի ելավ իր կյանքը եթե ոչ փրկելու, ապա գոնե զենքը ձեռքին մեռնելու համար:

Յաթաղանի դեմ արևմտահայության պայքարի ամենափայլուն դրվագը Վանի պաշտպանությունն է: Դրա համար էլ թուրքական պրոպագանդան առավել ակտիվությամբ է այն օգտագործում հայերի ապստամբությունը որպես իրողություն ներկայացնելու համար:

Թուրքական ռադիոն 1984 թ. նոյեմբերի 4-ին ասում էր. «1914 թ. հոկտեմբերի վերջերին լուրեր են հասնում, որոնք վկայում են, որ հայերը Վանում պատրաստվում են ըմբոստության: 1914 թ. Վանի նահանգապետը նամակ է ուղարկում ներքին գործերի մինիստրություն, որով հաստատում է վերոհիշյալ միտքը»: «Եվ իրոք, ռուսների կողմից Վանը գրավելուց հետո պարզ երևաց ռուսական կայսեր հեռագրի իմաստը... որը ղոհաբերությունների համար շնորհակալություն է հայտնում Վանի բնակչությանը»: «Արամ Մանուկյանը թողել է իր

աշխատանքը և զենք վերցրել: Նա Վանում ղեկավարում էր ըմբոստությունը»:

Այս կապակցությամբ բերենք իրադարձությունների ժամանակակիցների մի քանի վկայություններ: «Կասկած չկա, — 1915 թ. մայիսի 1-ին հեռագրել է Սազոնովը, — որ Վանում հայերի ապստամբությունը կոտորածների հետևանք է և ոչ թե հակառակը, որովհետև հայերի համար իմաստ չունեն մինչև մեր զորքերի գալը շարժում սկսել թուրքերի գերակշիռ ուժերի դեմ»⁷⁷:

Մայիսի 14-ին կաթողիկոսը Սազոնովին հայտնում է. «Թուրքական ժանդարմերիան Վանի վիլայեթում զորահավաքի կամ հասարակական աշխատանքներ կատարելու պատրվակի տակ հավաքում է հայ տղամարդկանց և հայրենի վայրերից հեռու տեղերում զանգվածաբար սպանում, իսկ կանանց և երեխաներին առևանգում են»⁷⁸:

Վանում Իտալիայի հյուպատոսության գործակալը 1915 թ. մայիսի 31-ին գրել է. «Զեվդեթ բեյը Սալմաստում, Խոզրակում և Բաշկալեում քրիստոնյաներին կոտորելուց հետո Վանի տղամարդկանցից պահանջեց զորակոչվել բանվորական զորամասերի համար: Սակայն իրականում նրանց հավաքում էին, որպեսզի ոչնչացնեն, ինչպես մեկ անգամ Զեվդեթ բեյն արդեն արել էր, հրամայելով դավաճանաբար գնդակահարել իր հրամանատարության տակ գտնվող բազմաթիվ այլ զինվորների: Վանի շրջակայքի գյուղերի հայերի մոտ եղած զենքերը հավաքեցին և 16 հազար մարդ սպանեցին... Այս բոլոր կոտորածները կատարվում էին արտակարգ դաժանությամբ: Տղաների փորերն էին պատռելով բացում, լրիվ մերկացնում էին կանանց ու աղջիկներին և, ինչպես գաղանների, քշում էին լեռները»⁷⁹:

Նանսենը գրում է. «Այդ ժամանակ պայթեց Վանի ըմբոստությունը, որ թուրքերն անվանեցին «Հայկական դավադրություն»»: Չեռքի տակ ունենք ականատես գերմանացի և ամերիկացի միսիոներների վավերական տեղեկագրությունները: 1915 թ. փետրվարին Վանի վալի Զեվդեթ բեյը թուրքերի մի ժողովում հայտարարել է. «Բնաջնջեցինք Ադրբեջանի հայերին ու սիրիացիներին, բնաջնջենք և Վանի հայերին»: Հօգուտ բանակի հայերին ամոթալի միջոցներով կողոպտեցին, շրջակա գյուղացիները քրդերի և ոստիկան զինվորների ավազակությանն ու բռնաբարումներին ենթարկվեցին:

...Զեվդեթ բեյը հարձակում պատրաստեց Վանի հայկական

Թաղերի վրա, միաժամանակ հրամայեց շարդեր կազմակերպել Արճեշի և Հայոց ձորի գյուղերում: Կանանց և երեխաներին պաշտպանելու համար հայերը քաշվեցին Վանի իրենց Թաղերը...»

Թուրքերը հայկական Թաղերը ոմբակոծեցին թնդանոթներով ու ձեռնառումներով: Հայերը պաշտպանվեցին ինչպես կարողացան: Միայն մի քանի ատրճանակ ու հրացան ունեին. ուղեւորները չունեին: Իրենց ձեռքերով զենքեր, փամփուռաներ և ումբեր պատրաստեցին: Թուրք զինվորներն ու քրդերը ավերում են Վանի շրջակայքը, այրում տները, կոտորում ձեռերին, կանանց և երեխաներին:

...Պաշարումն ու ոմբակոծումը տեղի շորս շաբաթ: Մայիսի 16-ին դրանք հանկարծ դադարեցին և Զեվդեթ բեյն ու թուրքերը փախան: Ի՞նչ էր պատահել: Ռուսական մի զորաբանակ էր մոտենում Վանին:

Մայիսի 18-ին ռուսական առաջապահ զնդերը մտան Վան. ահավոր եղելության մասին ռուսները ևս տեղեկություն չունեին...

Թուրքական հարձակման դեմ Վանի հայկական ինքնապաշտպանությունը ունեցավ իր պատմիչը՝ էնվեր փաշան: Թուրքական կառավարությունը Բեռլինում հրատարակեց մի տեղեկագրություն, որն ուղարկեց նաև այլ երկրներ: Ըստ այդ տեղեկագրության, ըմբոստ հայերի խմբերը հարձակվել են մահմեդական ժողովրդի վրա: Վանի վիլայեթի 180 հազար մահմեդականներից միայն 30 հազարը ճողոպրեցին մահից:

Ավելի ուշ, 1915-ի հոկտեմբերի 1-ին, Բեռլինի թուրքական դեսպանատունը հայտարարեց, որ «ոչ պակաս, քան 18 հազար մարդ սպանված էր: Դրանից հետո մահմեդականները վրեժ են լուծել և ի՞նչ հարկ կա զարմանալու: Հարձակման պահին սպանված 18 թուրքերը դարձել են... 18 հազար: Այս բացահայտ սուտը որոշ հիմք ունի: Ըստ վիճակագրության, Վանում բնակվում էր 180 հազար մահմեդական, որից 30 հազարը՝ թուրք, 150 հազարը՝ քուրդ: Երբ ռուսական բանակը մոտենում էր, թուրքերը՝ փախան արևմուտք, քրդերը մնացին իրենց տեղում և վատ վերաբերմունքի շարժանացան ո՛չ ռուսների և ո՛չ էլ հայերի կողմից»⁸⁰:

«...Թուրքերի բոլոր միացյալ ջանքերը չեն կարող ծածկել այն ոճիրները, որոնք ճնշում են թրքության ուսերը...», — գրում է «Սաբահ» թերթի խմբագիր Ա. Քեմալը:

«Ի՞նչ պետք է անենք... Ներո՞ւմ պիտի խնդրենք: Պետք է ասե՞նք, թե հայերն են, որ չարդեցին թուրքերին: Սակայն ուրիշ երկրներում օրենքն ու խիղճը թույլ չեն տա, որ անմեղը այդպես ամբաստանվի, նրա կիսն ու զավակները մորթվեն, որպեսզի մենք կարողանանք այդպիսով ինքներս մեզ անմեղ դարձնել Եվրոպայի աչքում:

Վանում կեղեքիչ ոճիրներ գործեցին մի քանի անհատներ և կառավարական ուժը պարտավոր է բնաջնջել միայն այս ոճիրների հեղինակներին, մինչդեռ մեր կառավարությունը որոշեց շարդեր կատարել, մորթել տվեց մարդկային զանգվածների, կողոպտեց նրանց ունեցվածքը և հրապարակեց լքյալ գույքերի օրենքը, այսինքն՝ գրավել այն կալվածքները, որոնք հնարավոր չէր եղել հափշտակել:

Մեք՝ թուրքերիս առաջ քաշած պատճառաբանությունները, համաձայն որի Վանում հայերն են մեզ վրա նախահարձակ եղել, և, որ մենք Անատոլիայում փոխվրեժի դիմեցինք, գոհացում կարող է տալ միայն նրանց, ովքեր «զգացմունքայնությամբ» և ոչ թե գիտական և իրավական տրամաբանությամբ են դործում»⁸¹:

«Վազիթ» օրաթերթը 1919 թ. տպագրեց Թուրքիայի ներքին գործերի նախարարության հետևյալ հայտարարությունը. «Մտույզ է, որ մի քանի հայեր օգնեցին մեր թշնամուն և որոշ հայ դեպուտատներ թուրք ազգի դեմ ոճիրներ գործեցին: Սակայն թուրքական կառավարության պարտականությունն էր ձերբակալել ոճրագործներին և միայն այս վերջիններին պատժել: Շատ ցավալի է, որ մեր այն ժամանակվա ղեկավարները, ավաղակային ոգով տոգորված, տեղահանման օրենքն այնպես կիրառեցին, որ ամենահանդուգն արյունարբու ավաղակները այդպես վարվել չէին կարող:

Նրանք որոշել էին բնաջնջել հայերին և բնաջնջեցին»⁸²:

Ակնհայտ կեղծիք է նաև այն պնդումը, թե հայերի բռնագաղթը հարկադրական միջոցառում էր և նպատակ ուներ նրանց հեռացնել ստրատեգիական նշանակություն ունեցող շրջաններից և դրանով իսկ ապահովել թուրքական բանակի թիկունքը հայերի հավանական հարձակումից: Հայկական կառույցների հեղինակներից մեկը, կայզերական Գերմանիայի հյուպատոս Շոյբները 1915 թ. հունվարի 2-ին գրել է. «Այդ ակտը (բռնագաղթը) չի կարող հիմնավորվել ռազմական նկատառումներով, որովհետև

տեղական հայերի ապստամբելու հնարավորությունը բացառված է, քանի որ գաղթվողները ծերեր, կանաչք ու երեխաներ են»⁸³: Գերմանական դեսպան Վանգենհեյմը կանցլեր Իստամբուլի 1915-ի հունիսի 17-ին գրում է. «Բացարձակապես ակնհայտ է, որ հայերի գաղթեցումը արդյունք է ոչ միայն ռազմական միջոցառումների: Ներքին գործերի մինիստր Թալեաթ բեյը վերջերս ուղղակի հայտարարեց. «Բ. Դուռը ցանկանում է օգտագործել համաշխարհային պատերազմը, որպեսզի վերջնականապես հաշվհեհարդար տեսնի ներքին թշնամու (տեղական քրիստոնյաների) հետ»: Եվ ապա, «բռնագաղթը նույնքան ծանր է, որքան զանգվածային ոչնչացումը»⁸³:

1915 թ. հուլիսի 7-ին գրված մի այլ նամակում, դեսպանը կանցլերին հայտնում է, որ թուրքերը սկսել են հայերին կոտորել ու բռնել նաև այն շրջաններից, որոնք «չեն գտնվում թըշնամու ներխուժումների որևէ վտանգի տակ»⁸⁴:

Մի քանի օր անց գերմանական հյուպատոս Շոյբները դեսպան Վանգենհեյմին գրում է երզրումից. «Տեղի վալի (նահանգապետ) Թահսին փաշայի կողմնակիցները բացահայտ ընդունում են, որ իրենց գործունեության դիտարկը նպատակը հայերի լրիվ ոչնչացումն է Թուրքիայում: Գատերազմից հետո «մեզ մոտ Թուրքիայում հայեր այլևս չեն լինի»⁸⁵:

Դրա համար էլ տեղահանությունը համընդհանուր էր և ընդգրկում էր ամբողջ Փոքր Ասիան:

Զանգվածային բռնագաղթ ղկատարվեց միայն Կ. Պոլսից, Զմյուռնիայից և ժովափնյա մի քանի այլ քաղաքներից: Թուրքական պատմագրությունն աշխատում է դրանով հիմնավորել, որ օսմանցիները ցեղասպանության մտադրություն չեն ունեցել: Իսկ Լուրին բացականչում էր. եթե դա ցեղասպանություն էր, ապա հնարավոր է պատկերացնել «որ Հիտլերը խնայեր Բեռլինում բնակվող հրեաների կյանքը»⁸⁶:

Մինչդեռ այս քաղաքներից զանգվածային բռնագաղթ չիրականացնելը պայմանավորված էր մի քանի գործոններով.

ա) դրանց տնտեսական կյանքում հայերը բացառիկ դեր ունեին, և նրանց ոչնչացումը կարող էր կազմալուծել երկրի տնտեսությունը.

բ) դրանցում մեծ էր օտարերկրացիների թիվը, և հայերի բռնագաղթը կարող էր լրացուցիչ բարդություններ ստեղծել.

գ) Կ. Պոլսը և Արևմտյան Անատոլիան Հայաստան չէին,

իսկ երիտթուրքերի քաղաքականությունը առաջին հերթին ծրագրում էր հայերին ոչնչացնել Արևմտյան Հայաստանում:

Այդ է պատճառը, որ որքան խորանում ենք դեպի Արևելք, կոտորածներն այնքան վայրագ ու գազանային բնույթ էին կրում: Եթե ծովափնյա քաղաքներում կատարվեց միայն մասնակի բռնագաղթ, էրզրումի ու Սեբաստիայի շրջաններում ջարդերն իրականացվեցին բռնագաղթի միջոցով, ապա Բիթլիսի վիլայեթում հայերին ոչնչացրին տեղերում:

Գրեյս Կնապի «Բիթլիսի ողբերգությունը» գրքում (հրատարակվել է 1919 թվականին) գրված է, որ Հալեպի կառավարիչ Աբդուլհալիբը ասել է. «Մուսուլմանների տառապանքները, որոնք դրսևորվում են հիվանդությունների ու պատերազմների միջոցով որպես արդարացի պատիժ, տրված է արդարամիտ աստծո կողմից՝ հայերի նկատմամբ մեր կազմակերպած կոտորածների համար: Նրանցից (հայերից) մի քանիսը արժանի էին պատժի, բայց մենք շատ հեռուն գնացինք: Այժմ աստված մեզ պատժում է»:

Թալեաթ փաշան մի առիթով ասել է, որ հայերի բռնագաղթի կազմակերպմամբ ինքը վրեժ է լուծում Սարիղամիշում էնվեր փաշայի պարտության համար⁸⁷: Թալեաթը ստում է: Նա ոչ թե վրեժ էր չլուծում, այլ փորձում էր խաբել թուրքերին, օսմանյան բանակի խայտառակ պարտության մեղքը բարդելով հայերի վրա: Դրանով նա աշխատում էր նաև արդարացնել բռնագաղթն ու կոտորածները: Նրան հաջողվեց այս խնդրի անշուշտամբ երկրում հակահայկական մեծ աղմուկ բարձրացնել, նոր թափ հաղորդել շովինիստական կրքերին:

«Առաջին համաշխարհային պատերազմի ընթացքում, — գրում է «Советская Россия» օրաթերթը 1987 թ. փետրվարի 18-ին, — պարտություն պարտության հետևից կրելով, Թուրքիայի կառավարողները ձգտում էին դրա մեղքը բարդել քրիստոնյա սղգաբնակչության և, առաջին հերթին, հայերի վրա, նրանց բոլորին հայտարարելով «ռուսական լրտեսներ», «կայսրության թըշնամիներ»: Ոչնչացվեց 1,5 միլիոն խաղաղ բնակչություն, իսկ ամբողջ Արևմտյան Հայաստանը վերածվեց այրված անապատի»:

Սարիղամիշում թուրքական բանակի պարտության պատճառները միանգամայն այլ էին:

Կարինում կենտրոնացված էր 150 հազարանոց մի բանակ,

որը, ըստ էության, չէր մատակարարվում: Զորքի մի մասը տեղավորված էր հայ ընտանիքներում ու ապրում էր նրանց հաշվին:

4. Պոլսում ռուսական դեսպան Ս. Գիրսը 1914 թ. հոկտեմբերի 9-ին հեռագրեց Պետրոգրադ. «Բանակը (թուրքական) չի ապահովված հանդերձանքով, հրացանով և աննդամթերթով: Սկսվել է սովը և դասալքությունը»: Սկսվեց նաև համաճարակը, որ հնձում էր ոչ միայն ազգաբնակչությանը, այլ նաև զորքին: Կարինի վիլայեթում համաճարակից ու ցրտից մեռավ 110 հազար մարդ: Տեղի գերմանական հյուպատոսը գրում է. «Թուրքական զնդերի... մեկ երրորդը հիվանդացել է, իսկ մնացած երրորդ մասը բանակից հեռացել ու դասալիք է դարձել»: Լիման ֆոն Սանդերսը գրում է. «Թուրքական բանակն այսօր 300 հազարից ավելի դասալիք ունի»: Սարիղամիշի պարտության զրլխավոր պատճառը բանակի այս ծանր վիճակն էր:

Սարիղամիշի օպերացիան ղեկավարում էր էնվեր փաշան: Այդ փառամոլը, ելնելով իր եսասիրական շահերից, պաշտոնից հեռացրեց 1200 լավագույն սպաների, որ չէր կարող բացասական լուրջ ազդեցություն չունենալ բանակի մարտունակության վրա: Հինգնեքերգը էնվերի մասին գրում է, որ նրա «հրամանատարական կարողությունները հավասար են զրոյի»: Դրա փոխարեն Գերմանիայի շահերի համար պայքարում «ընթացող պատերազմի ժամանակ այս թուրքի ներդրումը եղավ անսահման»: Էնվերը Թուրքիային գերմանական սայլին կապեց և, առաջին հերթին, նրա ջանքերով էր, որ կայսրությունը պատերազմի մեջ մտավ որպես Գերմանիայի զաշնակից: Գերմանիայում «Թուրքիա» բառի փոխարեն օգտագործում էին «էնվերլանդ» բառը:

«... պատերազմական խտով վարակված մի անփորձ երիտասարդ (էնվերը) իր գերմանասեր հակումներով է ղեկավարում պետությունն ու բանակը, ինքնադուխ ամեն օր նոր հիմարտությունները որպես օրենք հրատարակելով» (Գր. Զոհրապ)⁸⁸:

Լ. Սանդերսը էնվերի մասին գրել է. «Փորձից ու ինտելեկտից լրիվ զուրկ, աննշան անձնավորություն է»:

Մի այլ մասնագետ՝ Գանիշմենդը, գրում է. «Սարիղամիշի պարտությունը օսմանյան ամենախոշոր պարտություններից մեկն է... և հետևանք մեկ անհաւի (էնվերի) փառք վաստակելու մարմաշի»⁸⁹:

էնվերը շսեց 3-րդ բանակի հրամանատար Հ. Իզզեթ փաշա-
յի խորհուրդները, նրան հարկադրեց հրաժարական տալ և ինքը
կանգնեց բանակի գլուխ: Դա Օսմանյան բանակի խայտառակ
պարտութեան մյուս պատճառն էր:

Բացի դա:

Օսմանյան ռազմական մինիստրութեան պատմութեան հաս-
տատութեան ղեկավար Ս. Սամիհը 1935 թ. տպագրած մի հոդ-
վածում գրում է, որ հայկական գյուղերի վրա հարձակումներ,
հայերի նկատմամբ խժոճութիւններ կատարվել են Սարիղամի-
շի ճակատամարտից առաջ: Արդեն 1914 թ. հոկտեմբեր-նոյեմ-
բեր ամիսներին հայ տղամարդկանց օգտագործում էին որպէս
քաշող ուժ: Բ. Շաքիրը կոտորածներ կազմակերպելու համար
էրդրում ու Մուշ գնաց 1914 թ. դեկտեմբերի սկզբներին, այսինքն՝
մինչև Սարիղամիշի ճակատամարտը: Իսկ ճակատամարտի օրը՝
դեկտեմբերի 22-ին, համիդիե ջոկատները արդեն շրջապատել
էին Ալաշկերտի բնակավայրերը և սկսեցին կոտորել հայ աղ-
գաբնակչությանը: Երբ հունվարի կեսին ռուսները եկան, «մահ-
մեղականները, վախենալով քրիստոնյաների դեմ իրենց կատա-
րած շարագործութիւնների համար պատժվելուց, ընտանիքնե-
րով լքեցին իրենց գյուղերը և կառավարութեան օգնութեամբ վե-
րահաստատվեցին Մանազկերտի և Բուլանքիսի հայկական գյու-
ղերում»⁹⁰:

Մարիա Յակոբսոնը 1907 թ. որպէս բուժքույր մեկնում է
Արևմտյան Հայաստան, խարբերում մի փոքր հիվանդանոց է
բացում և աշխատում: Կոտորածներից հետո Բելյուսթի մոտա-
կայքում «Թուշնոց բույն» անունով որբանոց է կազմակերպում
հայ որբերի համար: Պատում է հայ ժողովրդին նվիրյալ այդ
դանիացի կինը.

«1914 թ. ապրիլի 29: Վերադարձա խարբերդ...»

Ժողովուրդը սարսափի մեջ է:

... Ասում են այս բոլորը ծրագրված ջարդերի սկիզբն է:
Հինգ օր ժամանակ են տվել բոլոր գեները հավաքելու համար:

... Թուրքերը հայերի վրա սուտ մեղադրանքներ են բարդում,
որպեսզի կարողանան ասել, թե հայերը պատժվում են արդա-
րացիորեն»:

Սկսվում է տեղահանութիւնը:

Թուրք զինվորները, որոնք հիվանդանոցի մոտ պահակ էին

կանգնած, զարմանքով ասում էին. «Ինչո՞ւ եք դրամ և ուտելիք
տալիս. սրանք լեռները մեռնելու են գնում»:

«Որքան դժվար է տեսնել թուրք կանանց հայկական արդու-
զարդով ներս ու դուրս անելիս: Ամեն օր նոր գաղթականներ
են գալիս: Սրանց պարտութիւնները մեկը մյուսից սոսկալի են,
բայց իրական... Ես չեմ կարող բառեր գտնել նկարագրելու հա-
մար այս ժողովրդի ցավերն ու տառապանքները, հալածանքներն
ու սարսափը:

Ինչպիսի՞ երկիր, ի՞նչ ժողովուրդ և ի՞նչ դժբախտութիւն...

Տղամարդիկ սպանված են, կանայք ու երեխաներն անտերու-
թեան են մատնված: Թուրքերը հայ կանանց համոզում են ա-
մուսնանալ իրենց հետ... Եթե ոչ, իրենք էլ են դատապարտված:
Կանայք դիմադրում են... Թուրքերը կատաղում են: Նրանք հոգ-
նում են սպանելուց»⁹¹:

Կարելի է բազմաթիվ այլ փաստեր բերել ցույց տալու, որ
հայերի բնաջնջումը սկսվել էր մինչև Սարիղամիշի ճակատա-
մարտը: Դա ծրագրված ոչնչացում էր, և Սարիղամիշը միայն
արագացրեց նրա գործադրումը: Որ դա ծրագրված բնաջնջում
էր, վկայում է նաև հետևյալը. 1914-ի վերջերին թուրքերը իրա-
կանացիին Ուրմիայի շրջանում բնակվող նեստորական արաբնե-
րի ոչնչացման ծրագիրը: Այսինքն խնդիր էր դրված ոչնչացնել
բոլոր այն ոչ թուրք տարրերին, որոնք փակում էին Կովկասի
և Իրանի թուրքական ծագում ունեցող ժողովուրդների հետ կա-
պը: Պատահական չէ նաև թուրքերի հետևյալ հայտարարու-
թիւնը. «Նախ մենք կսպանենք հայերին, ապա՝ քրդերին, այ-
սինքն՝ Օսմանյան կայսրութեան տարածքում բնակվող բոլոր ոչ
թուրքերը բնաջնջման վտանգի տակ էին»:

Պուսի Արդարութեան պալատի ճակատին ոսկե մեծ տառերով
գրված է. «Արդարադատութիւնը պետութեան հիմնաքարն է»:
Դարի սկզբին Կ. Պոլսում հրատարակվող կիսակառավարական
«Ալեմդար» օրաթերթը, նկատի ունենալով վերոհիշյալ ոսկետառ
նշանաբանը, գրում է. «Տեղահանութեան և կոտորածների դա-
տավարութեան ընթացքում բացահայտված խժոճութիւնները
իրենց ամբողջ մերկութեամբ երևան հանեցին, որ այս երկրում
իրավունքն ու արդարութիւնը չէ, որ տիրում են, այլ կեղեքումն
ու ոճիրն են կազմում կառավարութեան որդեգրած վարքագիծը:
Զփորձենք հայերին հանցանք վերագրել, որովհետև չկար-

ծենք, թե աշխարհը ապուշ է: Կողոպտեցինք ունեցվածքն այն
անձանց, որոնց տեղահանեցինք և շարդեցինք...

Մեր արդարադատության նախարարը բանտերի դռները բացեց:

Կազմակերպեցին հրոսակախմբեր հայ մանուկներին, ծերե-
րին, տղամարդկանց ու կանանց մորթելու համար...

Այս բոլորը մենք արեցինք»⁹²:

1. Սապահ Գյուլյան Ս., Պատահանատուները, Երևան-Հելսինկի, 1916, էջ 220:
2. Геноцид армян в Османской империи, Е., 1982, с. 188.
3. Նույն տեղը, էջ 188:
4. Նույն տեղը, էջ 203:
5. Ա. Ալպոշյան, Պատմություն Եվզոկո հայոց, Կահիրե, 1952, էջ 1212:
6. Հուշամատեն Մեծ եղևնի (1915—1965), Բեյրութ, 1965, էջ 29—30:
7. Геноцид армян..., с. 255.
8. Նույն տեղը, էջ 256:
9. Նույն տեղը, էջ 257—258:
10. Նույն տեղը, էջ 259:
11. Նույն տեղը, էջ 264:
12. Նույն տեղը, էջ 260:
13. Նոր կյանք, 23 հոկտեմբերի 1986 թ.:
14. Նույն տեղը:
15. Геноцид армян..., с. 268.
16. Նույն տեղը, էջ 275:
17. Анри Барби, В стране ужаса. Мученица Армения, Тифлис, 1919, с. 131.
18. Геноцид армян..., с. 277.
19. էջմիածին, 1965 թ. № 2—3—4:
20. Նոր կյանք, 23 հոկտեմբերի 1986 թ.:
21. Մ. Ռիֆաթ, Օսմանյան հեղափոխության մութ ծալքերը և Իթթիհատի հա-
յաչինջ քաղաքականությունը, Բեյրութ, 1968, էջ 92:
22. Նույն տեղը, էջ 97—99:
23. Նույն տեղը, էջ 99—100:
24. Նույն տեղը, էջ 100—101:
25. Նույն տեղը, էջ 101:
26. Ա. Անտոնյան, Մեծ ոճիրը, Բեյրութ, 1977, էջ 137—139:
27. Մ. Ռիֆաթ, Օսմանյան հեղափոխության..., էջ 114—116:
28. Գ. Ե. (Սրուսաղեմ տեղեկատու դիվան) ՊՄ 492—Մ 494:
29. Գ. Ե. ՊՄ 256:
30. Գ. Ե. ՊՄ 535:
31. Թազուհիմը Վազայի, 25 մայիսի 1919 թ.:
32. Նույն տեղը, № 3772:
33. Նույն տեղը, 8 հունիսի 1919 թ.:
34. Մ. Ռիֆաթ, Օսմանյան հեղափոխության..., էջ 113:

35. Թազուհիմը Վազայի, 6 օգոստոսի 1919 թ.:
36. Գ. Ե. № 2 171—182:
37. Մ. Ռիֆաթ, Օսմանյան հեղափոխության..., էջ 117:
38. Նույն տեղը, էջ 120—121:
39. Դե Օրենտ, 7 ապրիլի 1915 թ.:
40. Նույն տեղը, 26 մայիսի և 30 հունիսի 1915 թ.:
41. Ասրագա, 16 հունիսի 1985 թ.:
42. Նոր կյանք, 23 հոկտեմբերի 1986 թ.:
43. Մ. Ռիֆաթ, Օսմանյան հեղափոխության..., էջ 90:
44. Նույն տեղը, էջ 91:
45. Ա. Անտոնյան, Մեծ ոճիրը, էջ 52:
46. Նոր կյանք, 23 հոկտեմբերի 1986 թ.:
47. էջմիածին, 1965, № 2—3—4:
48. Հայաստան, 1 մայիսի 1915 թ.:
49. Նույն տեղը:
50. Մ. Ռիֆաթ, Օսմանյան հեղափոխության..., էջ 122:
51. Кавказское слово, 1919, կամ Մ. Ռիֆաթ, Օսմանյան հեղափոխության...,
էջ 119:
52. Հ. Տաշևան, Հայ աղգայի տարեգրությունը գերմանական վավերագրերու
համեմատ, Վիեննա, 1921, էջ 16—17:
53. Տայեզ էլ-Ղոսեյն, Հերոսական հայության անցյալից, Կահիրե, 1960, էջ 4:
54. Ա. Գալֆայան, Զոմախու, Նյու Յորք, 1930, էջ 130:
55. Նազլյան, էջ 37:
56. Ա. Անտոնյան, Մեծ ոճիրը, էջ 147:
57. Նույն տեղը, էջ 151:
58. Նույն տեղը, էջ 154:
59. Արբանյան, 18 դեկտեմբերի 1918 թ.:
60. Լա սենեսանս, 7 փետրվարի 1919 թ.:
61. էջմիածին, 1965, № 2—3—4:
62. Նույն տեղը:
63. Ա. Քալիբյան, Կարմիր դրվագներ հերոսներու կյանքին 1915—1916, Գ. Ա.,
Բուխարեստ, 1928, էջ 63 և 65:
64. Ա. Անտոնյան, Մեծ ոճիրը, էջ 228:
65. էջմիածին, 1965, № 2—3—4:
66. Գ. Ե. № 2 602:
67. ГЕНОЦИДЪ ГРМЯН..., с. 406.
68. Նույն տեղը, էջ 276:
69. Գ. Ե. № 2 630—2 631:
70. Գ. Ե. № 2 630:
71. Գ. Ե. № 574—577:
72. Նույն տեղը:
73. Լա սենեսանս, 6 մարտի 1919 թ.:
74. Թազուհիմը Վազայի, № 3617:
75. Տ. Նանևն, Հայաստանը և Մկրտավոր արևելքը, Վերթակ, 1966,
էջ 282—283:

76. Геноцид армян..., с. 498—499.
 77. Նույն տեղը, էջ 281:
 78. Նույն տեղը:
 79. Նույն տեղը, էջ 285:
 80. Ց. Նանսեն, Հայաստանը և Մերձավոր արևելքը, էջ 267—270:
 81. Լա ռենեսանս, 1 մարտի 1919 թ.:
 82. Նույն տեղը, 14 դեկտեմբերի 1918 թ.:
 82ա. Геноцид армян..., с. 288.
 83. Նույն տեղը:
 84. Նույն տեղը, էջ 291:
 85. Նույն տեղը, էջ 295:
 86. Armenian reporter 7—14 հունիսի 1984 թ.:
 87. Քայմս, 29 սեպտեմբերի 1915 թ.:
 88. Նոր կյանք, 23 հոկտեմբերի 1986 թ.:
 89. Գ. Եազճյան, Արդու Համիդ II Կարմիր սուլթան, Բելյուսթ, 1980, էջ 768:
 90. ՀՍՍՀ ԳԱ ինֆորմացիոն բյուրոն, 1983, № 5, էջ 18:
 91. Լրաբեր, 13 հոկտեմբերի 1984 թ.:
 92. Լա ռենեսանս, 14 մայիսի 1919 թ.:

ԵՐԻՏՔՈՒՐՔԵՐԻ ԿՈՒՍԱՆՑՈՒԹՅՈՒՆԸ ՑԵՂԱՍՊԱՆՈՒԹՅԱՆ ԿԱԶՄԱԿԵՐՊԻՉ

«... Երբ Անատոլիայի զանազան վայրերում սկսվեց հայերի տեղահանությունը, — իր հուշերում գրում է Թալեաթը, — Պոլսի հայերի շրջանում և մասնավորապես կոմիտեաներում տիրեց արտասովոր տագնապ: Հայկական կոմիտեաների վարչական կենտրոնը Պոլսում էր: Այս քաղաքն էր ամեն տեսակ ուղղման շարժումների կենտրոնը: Հետևաբար, ընդհանուր փութկոտություն դրսևորվեց նախ Պոլսում որևէ ապստամբության հնարավորությունը կանխելու և նեղուցների պաշտպանությունը կազմակերպելու համար: Իրեն ենթակա դերատեսչությունը (ոստիկանության պետը) հրամայեց ձերբակալել և պաշարման շրջանից հեռացնել բոլոր այն անձանց, որոնք առնչություն ունեին կոմիտեի գործողության հետ: Այս հրամանը տալուն պես ոստիկանապետը ինձ տեղեկացրեց: Փնտրվող անձանց մի մասը կովկասցի էր: Նրանք մի գիշերվա ընթացքում ձերբակալվելով ուղարկվեցին Կոնիա: Ավելի ուշ քննիչ հանձնաժողովը պարզեց, որ նրանք Անկարայի ուղղման ատյան տանելու ժամանակ սպանվել են ոստիկանության կողմից...»

Ըստ էության ուղղման նախադրուշական միջոցառումը ան-

խիղճ, անդեմ մարդկանց պատճառով ստացել էր ողբերգական կերպարանք»¹:

Թալեաթը չի թաքցնում իր դիտավորությունը: Նա հայերի ոչնչացումը համարում է ոչ թե ծրագրված պետական քաղաքականություն, այլ «անխիղճ, անդեմ» պաշտոնատարների սխալ գործունեության, հասարակության ստորին խավարածու խավերի մոլեռանդության ու ընչաքաղցության, ինչպես նաև պատերազմի պատճառով ստեղծված ծանր պայմանների՝ սովի և համաճարակի հետևանք:

Պանթուրքիզմի մունետիկները հայտարարում են, — գրել է «Советская Россия» օրաթերթը 1987 թ. փետրվարի 18-ին, — «որ ոչ մի գենոցիդ չի եղել, այլ պատերազմ էր գնում, երկու կողմերն էլ զոհեր էին տալիս, իբր Բուրքերը նույնիսկ ավելի շատ կորուսաներ են տվել»:

Սակայն վավերաբերը, վկայությունները, ապրեր առիթներով երիտթուրքական լիդերների արտահայտած կարծիքները, նրանց հրամանները, հեռագրերն ու ծածկագրերը անառարկելիորեն հաստատում են, որ Օսմանյան կայսրությունում հայերի բնաջնջումը պետական քաղաքականություն էր, որ բխում էր «Միություն և առաջադիմություն» կուսակցության պանթուրքիստական գաղափարախոսությունից:

Ի դեպ, առանձին դեպքերում երիտթուրքական լիդերները ուղղակի կամ անուղղակի ձևով այդ խոստովանել են, նույնիսկ փորձել են այն բացատրել ու հիմնավորել: Ահա մի քանի մեղբերումներ հայերի մասին երիտթուրք գործիչների արտահայտած մտքերից:

Մորգենթաուի հետ հանդիպումներից մեկի ժամանակ Թալեաթը ասել է. «Հայերի դեմ մեր թշնամությունը հիմնված է երեք կետի վրա...»

Առաջին՝ նրանք հարստացել են թուրքերի հաշվին:

Երկրորդ՝ նրանք որոշել են իշխել մեզ վրա և անջատ պետություն հիմնել:

Երրորդ՝ բացահայտորեն քաջալերել են մեր թշնամիներին: Կովկասի մեջ օգնել են ռուսներին, և մեր ձախողումը առավելապես նրանց գործունեությամբ է բացատրվում:

Հետևաբար, մենք չվերանայվող որոշում ենք ընդունել՝ պատերազմի ավարտից առաջ նրանց (հայերին) անզոր դարձնել...

Ես խնդրեցի այստեղ դալ, որպեսզի Ձեզ հաղորդեմ, որ այս

հարցում մեր անելիքը լրիվ որոշված է, և ոչինչ այն փոխել չի կարող: Մենք Անատոլիայում այլևս հայ տեսնել չենք ուզում: Նրանք կարող են միայն անապատում ապրել և ուրիշ ոչ մի այլ տեղ...»²:

Իսկ «Բեռլինի տագեբլատի» թղթակցին Քալեաթն ասաց. «Մեր երեսին շարտում են, որ մենք անմեղ և մեղավոր հայերի միջև տարբերություն չենք դնում: Այդ բանն անել բացարձակապես անհնար է, որովհետև այսօրվա անմեղները, թերևս, վաղվա հանցագործներն են»³:

Երբ հայերը վերաշինեցին Վանը, Քալեաթը գրեց. «Այս իժե-րը կրկին գլուխ են բարձրացնում: Սրանց հաշիվը պետք է վերջ-նականապես մաքրել»:

Քալեաթի խոսքերն են . «Չեզ, հայերիդ, պետք է այնպես ցիր օւ ցան անենք, որ 50 տարի մաքից հանեք բարենորոգում-ների դադափարը»⁴:

«Չեր առարկություններն ավելորդ են,— ասել է Քալեաթը Մորզենթաուին,— հայերի $\frac{3}{4}$ -րդին արդեն ոչնչացրել ենք: Բիթլիսում, Վանում և էրզրումում հայ չի մնացել: Ներկա պահին հայերի ու թուրքերի միջև ատելությունը այնքան ուժեղ է, որ անհրաժեշտ է մեր հաշիվները մաքրել նրանց հետ: Եթե մենք այդ շաննք, նրանք պետք է վրեժխնդիր լինեն...»

Ինչպիսիք է, որ կյանքի ապահովագրության ամերիկյան ըն-կերություններից ստանաք և մեզ ուղարկեք նրանցում ապա-հովագրված հայերի լրիվ անվանացուցակը: Բոլոր հայերը մե-ռել են, և այդ դրամները որպես ժառանգություն ստացողներ չեն մնացել: Անշուշտ, այդ բոլոր դրամները պատկանում են օսման-յան պետությանը»⁵:

«Մրանից հետո ոչ մի հայ մեր բարեկամը չի մնել չի կարող, բայց մենք մեր արածի համար երբեք չենք զղջա,— իր խոսքն ավարտեց Քալեաթը»⁶:

Իզուր չէ, որ Ու. Եկենը երիտթուրքերին անվանել է «անար-դարության և զուլումի պատմություններում Արդուլ Համիդի հա-ջորդներ»:

Քալեաթի հետ մի այլ հանդիպման մասին Ն. Մորզենթաուն գրել է. «Քալեաթը, կարծելով, որ հաղթանակն ու անպատիժ մնալը ապահովված է, ցինիկ կերպով խոստովանում էր, որ պարզապես որոշված էր վերջնականապես բնաջնջել մի ամբողջ ցեղ...»: «Հայկական հարցը լուծելու համար 3 ամսում ես շատ

ավելին արեցի, քան Արդուլ Համիդը՝ 30 տարվա ընթացքում»: «Հայկական հարց այլևս գոյություն չունի»⁷:

Քալեաթը Կ. Պոլսում գերմանական ներկայացուցիչ Յ. Ռանշ-տրոֆի հարցապնդմանը պատասխանեց. «Այլևս հայեր չկան»: Ը. էդիպի «Հուշեր» գլխի (լույս է տեսել Նյու Յորքում 1926-ին) 387-րդ էջում տպված են Քալեաթի հետևյալ խոսքերը. «Ես պատ-րաստ եմ իմ արածի համար մեռնելու և գիտեմ, որ դրա համար ես պիտի մեռնեմ»:

Իսկ էնվերը, Մորզենթաուի այն հարցին, թե դուցե կոտա-վարությունը տեղյակ չէ՞, գուցե դա միայն պաշտոնյաների՞՝ ձեռ-քի գործն է, պատասխանում է. «Լրիվ սխալ եր... մենք այս երկրի բացարձակ տերերն ենք: Ես երբևր նպատակ չունեմ մե-ղադրանքը մեր ստորագրածների վրա գցելու և սպում եմ ստանձնել պատասխանատվությունն այն ամենի, ինչ պատահելու կառավարությունը տարագրությունների հրահանգը ինքն է տվել, և ես համոզված եմ, որ մենք իրավունք ունենք կարծելու, թե հայերը մեր թշնամիներն են: Դեռ ավելին, այստեղի տերերը մենք ենք, և ոչ ոք չէր հանդգնի, առանց մեր հավանության, նման քայլերի դիմել»⁸:

«Կոտորածները,— «Մորնինգ պոստի» թղթակցի հարցին պա-տասխանել է թագաժառանգ Ա. Մեչլիդը,— ամենամանչևելի արատներն են, որոնք նսեմացրին մեր ազգն ու ժողովուրդը: Կոտորածը Քալեաթի ու էնվերի գործն էր: Բնաջնջման գործը սկսելուց առաջ էնվերին հարցրի, թե կոտորածի ծրագրի ունե՞ն է: Նա ուղղակի պատասխանեց, որ այդ մասին վճռական որոշում-ներ կան, որոնք իրենց ծրագրի մասն են կազմում»⁹:

էնվերը Կ. Պոլսում Հոսմի պապի ներկայացուցչին հուշա-բարեց, որ «ինքը կանգ չի առնի, քանի դեռ կա մեկ կենդանի հայ»:

Այսպիսով, «ոչ թե հայերի դավաճանությունը, այլ էլ արե-միառ երիտթուրքերի ազգայնամտական քաղաքականությունն էր այս դրամացի հիմքում»: Երիտթուրքերի զեկավարները «մի տեսակ սոցիալական դարձի՞նք էին բնորոշել, որ նրանց հնա-րավորություն էր բնձնուում գո՞չ լինել իրենց առաջապահ քաղա-քականությունից...»¹⁰:

Հայկական գերմանական հյուպատոս Ոչյուսլերը գրում է. «Փաստերի (չարգրերի եզանակներ) այս կրկնությունը ապա-ցացում է, որ խոսքը պատահականապես պատմությունների մասին չէ, այլ իշխանությունների կողմից նախապես ճշակված քանցվա-

ծային բնաշնչման: Միայն Մեսքենե քաղաքում 55 հազ. հայ էր թաղված»¹¹:

Որ կոտորածները գենոցիդի պետական քաղաքականության հետևանք էին, ավելի պարզորոշ երևում է երիտթուրք լիզերներ-րի հրամաններից, որոշումներից ու հեռագրերից:

1915 թ. ապրիլի 15-ին Քալեաթի, Էնվերի և Նազըմի ստորագրությամբ տեղերը ուղարկված հրահանգում գրված էր. որ-պեսզի պատերազմում պարտության դեպքում Անտանտը չձգտագործի հայերին, նրանց անունից հանդես չգա և նորից հրապարակ չնետվի Հայկական հարցը, «որն ահա ավելի քան կես դար միջազգային հանգամանք է դարձել և սպառնադին խրվել մեր կտրժքը», դրա համար էլ կառավարությունը «խնդիր է առաջադրում՝ օգտվելով այն անկախությունից, որ մեզ ըն-ձեռել է պատերազմը, վերջնականապես վերջ դնել այդ հար-ցին, հայերին թշել արարական անապատները, բնաշնչել այդ տարրը՝ համաձայն մեր տված գաղտնի հրահանգի»:

Կառավարությունն ու երիտթուրքերի կենտկոմը տեղական իշխանություններին «հրամայում էին»․ «... ձեր տրամադրու-թյան տակ եղած բոլոր ուժերով աշակցել «Միության և առաջա-դիմության» տեղական օրգաններին, որոնք ապրիլի 24-ին, արե-վածագի հետ, զաղտնի հրահանգների համաձայն ձեռնամուխ կլինեն այս հրամանի կատարմանը»:

Ամեն մի պաշտոնական կամ մասնավոր անձնավորություն, որը կընդդիմանա այս սրբազան և հայրենասիրական գործին և չի կատարի իր վրա դրված պարտականությունները կամ ինչ-որ եղանակով կփորձի պաշտպանել կամ թաքցնել որևէ հայի, կճանաչվի հայրենիքի ու կրոնի թշնամի և դրան համապատաս-խան կպատժվի»¹²:

Բանակների հրամանատարներին Էնվերի ուղարկած ծած-կագրում մանրամասն շարադրված են հայերի նկատմամբ գոր-ծադրվելիք միջոցները:

«... կայսերական հրամանով որոշված է հայ ցեղի լրիվ ոչըն-չացում: Նրանց նկատմամբ հետևյալ գործողությունները պետք է կիրառվեն․

1. Մինչև 5 տարեկան երեխաներից բացի, օսմանյան հպա-տակ հանդիսացող և հայ անունը կրող բոլոր բաշխողուկները (ոչ զինավորականները) քաղաքներից դուրս հանվելով պետք է սպանվեն:

2. Կայսերական բանակում ծառայող բոլոր հայ անհատնե-րին, առանց որևէ միջադեպի տեղիք տալու, իրենց զորամասե-րից հանելով, ընդհանուրի աչքից հեռու թաքուն վայրերում պետք է գնդակահարել:

3. Բանակում գտնվող հայ սպաները... պետք է բանտարկ-վեն մինչև նրանց մասին նոր հրահանգի ստացվելը»¹³:

Ասված է սպառիչ հստակությամբ: Բայց հասկանալի պատ-ճառներով ամեն ինչ արվեց, որպեսզի ծրագրված ոչնչացման տպավորություն չստեղծվեր:

Թե թուրքական իշխանությունները ինչպես էին հոգ տանում, որ հայերը ոչնչանան «բնական պատճառներով», ցույց է տալիս տարագրության Հայկաի հանձնաժողովի նախագահ Ա. Նուրիի 1916 թ. հունվարի 10-ի հեռագիրը ներքին գործերի մինիստ-րությանը՝ «... բռնագաղթի ենթարկված հայերի միայն 10 տո-կոսն է հասել իրենց համար որոշված վայրերը: Մնացածը մե-ռել են բնական պատճառներով, ինչպիսիք են քաղցն ու հի-վանդությունը»:

Ձեզ տեղեկացնում ենք, որ կաշխատենք նույն արդյունքին հասնել նաև նրանց նկատմամբ, ովքեր դեռ ողջ են մնացել, գործածելով խստագույն միջոցներ»¹⁴:

Մեկ ամիս անց Նուրին հեռագրում է, որ անապատ արտո-րվածների երեք քառորդը ճանապարհին մեռել է բնական պատ-ճառներով: Միջոցների ենք դիմել (անապատ) թշել նաև նրանց, ովքեր զանազան պատճառներով Հայկաում են մնացել»¹⁵: Սվա մի ամիս անց Նուրին կհայտնի. «Ստացված տեղեկությունե-րից իմանում ենք, որ 35 հազար հոգի զանազան պատճառ-ներով մեռել են Պապի և Մեսքենեի մոտակայքում, Հայկաի առաքման վայրում (Գատթ)՝ 10 հազ., Տիբսիի, Արուհաբբարի և Համամի շրջաններում՝ 20 հազ., Ռաս ուլ-Անում՝ 35 հազ., ըն-դամենը 95 հազ. հայ այլևայլ պատճառներով մեռել է»¹⁶:

Բայց թող տպավորություն չստեղծվի, թե բռնագաղթն ու էս-տորածները ամբողջությամբ գտնվում էին կառավարության վե-րահսկողության տակ և տեղերում ճշտորեն իրականացվում էին վերևից ստացված հրամանները: Դա զայրացնում էր Քալեաթին, և նա սպառնալիքներ էր կարդում: Իր հրամանները թերի կա-տարողների հասցեին նա գրում է. «Արդյոք, իսկապես, կար-՞գ են գոյություն ունենալ այսօրինակ տաղտկալի ապուշ ան-հատներ»:

1915 թ. նոյեմբերի 5-ին Թալեաթը հեռագրում է Հալեպի կուսակալին. «Մեզ տեղեկացրել են, որ Սվադի, Մամուրեթ ալ Ազիզի, Գիարբեթի և էրզրումի նահանգներից տարագրված և (ծնողներին կորցրած) հայ երեխաները մի քանի մահմեդական ընտանիքների կողմից որդեգրված և ընդունված են որպես ծառաներ: Տեղեկացնում ենք, որ ձեր գավառի մեջ եղած այս տեսակ բոլոր երեխաներին պետք է հավաքեք և ուղարկեք իրենց համար նախատեսված վայրերը...»¹⁷:

Ընթերցենք Թալեաթի մի այլ հեռագիր. «Որբանոցի կարիք ամենեկին չկա: Ժամանակը չէ ղգացմունքային մղումներով զբաղվելու և որբերին կերակրելու միջոցով նրանց կյանքը երկարացնելու: Նրանց դեպի անապատ քշեք և մեզ տեղեկացրեք»¹⁸:

Եվ ապա Հալեպի կառավարչին. «Իմացել ենք, որ մի շարք տեղերում բացված որբանոցներում ծանոթ անձնավորությունների (հայերի) փոքրիկներին էլ են ընդունում... Կարելի է, որ սա արվել է չգիտակցելով կառավարության իսկական նպատակները և կամ հակառակ նրան գործելով կամ դրանք արհամարհելով: Այս տեսակ փոքրիկներին սնելը, նրանց նկատմամբ ղգացմունքը կամ նրանց կյանքը երկարացնելու որևէ փորձ կառավարությունը համարում է իր առաջադրած նպատակներին բոլորովին հակառակ...»¹⁹, «Հավաքեք և միայն այն որբերին պահեք, որոնք չեն կարող հիշել իրենց ծնողներին հասցված զուլումները»²⁰:

«Նախապես հաղորդել ենք, որ Ճեմիյեթի հրամանով կառավարությունը որոշել է Թուրքիայում ապրող բոլոր հայերին բնաջնջել: Նրանք, ովքեր կհակառակվեն այս որոշմանը, չեն կարող պետական ծառայության մեջ մնալ... որքան ոճրագործ լինեն նրանց (հայերի) նկատմամբ ձեռնարկված միջոցները, առաջադրված նպատակին հասնելու համար պետք է խեղդել խրդճահարության ձայնն ու մարդասիրական ղգացմունքները և վերջ տալ այդ ժողովրդի գոյությանը, առանց խնայելու (նույնիսկ) կանանց, երեխաներին և հիվանդներին»²¹:

1915 թ. սեպտեմբերի 15-ին Հալեպ ուղարկված այս ծածկագրի լուսանկարը տպված է Սազե Ս. Բենեդիկտսենի «Հայերը» գրքի 259-րդ էջում: Գիրքը լույս է տեսել 1925 թ. Կոպենհագենում:

«Հայտնեցեք և տեղեկացրեք այն անձանց, ովքեր ձգտում են բռնագաղթից ազատվել հավատափոխվելով՝ մահմեդական դառնալով, պետք է մահմեդական կրոնն ընդունեն իրենց աքսորավայրերում»²²:

«Պետք է պատժի ենթարկվեն բոլոր նրանք, ովքեր ցանկանում են հայերի գոյությունը ապահովել: Նրանք (հայերը) դարեր շարունակ Թուրքիայի համար մի վնասակար տարր են եղել և վերջին ժամանակներս փորձեցին մեր ողջ երկիրը արյան մեջ ողողել: Այդպիսի խռովարար ժողովրդի համար աքսորավայրը ոչնչացում է»²³:

Հալեպի կուսակալին Թալեաթի 1915 թ. սեպտեմբերի 9-ի հեռագիրը սպառնալիքների մի ամբողջ տարափ է բոլոր նրանց հասցեին, ովքեր բռնագաղթի ու կոտորածների գործում թերանում են. «Թուրքիայի հողի վրա հայերի ապրելու և աշխատելու իրավունքը լրիվ ջնջված է, և այս մասին կառավարությունը, ողջ պատասխանատվությունը ստանձնելով, հրամայել է նույնիսկ օրորոցի երեխաներին շթողնել: Մի քանի նահանգներում այս հրամանի գործադրման արդյունքները նկատելի են... (սակայն), մեզ անհայտ պատճառներով մի շարք անձանց նկատմամբ առանձնահատուկ գործողություններ են կիրառվում և նրանց տարագրության վայրերն ուղարկելու փոխարեն Հալեպում են թողնում, որով կառավարությունը կրկնակի դժվարության է մատնվում:

Առանց նրանց պատճառաբանություններն ընդունելու, կին թե երեխա, բոլորին, նույնիսկ շարժվելու անկարողներին այդ տեղից հանեք և հնարավորություն մի տվեք, որ ժողովուրդը նրանց պաշտպանի... Որովհետև այլ տեղերում անուղղակի ձևով կատարվող բնաջնջման գործողությունները՝ խստություն, արագություն (տարագրության ընթացքում), ճանապարհի նեղություններ, թշվառություն, այգտեղ կարող են ուղղակիորեն իրականացվել, հետևաբար, առանց ժամանակ կորցնելու քրտնաթոր գործեք: Ռազմական նախարարությունից բանակի բոլոր հրամանատարներին հայտնված է, որ զինվորական կայանների հրամանատարները... գաղթականների առաքման գործին չպետք է միջամտեն: Այս գործի համար առանձնացվելիք պաշտոնյաներին հաղորդեք, որ առանց պատասխանատվությունից վախենալու պետք է աշխատեն իրականացնել իսկական նպատ

տակը: Հաճեցեք ձեր գործունեության արդյունքները ամեն շաբաթ ծածկագրով հաղորդել»²⁴:

Մի այլ հեռագրով Թալեաթը իր զայրույթն է թափում նրանց գլխին, ովքեր հայերի նկատմամբ բռնություններ կատարած պաշտոնյաներին դատի են տվել: «Դա,— գրում է Թալեաթը,— որքան էլ ձևական է, այնուամենայնիվ կարող է համանման պաշտոնյաների համարձակությունը նվազեցնել: Այդ պատճառով հրամայում եմ, որ նմանօրինակ քննություններ այլևս չկատարվեն»²⁵: Թալեաթը նաև հանձնարարում է «նկատի շտնել» հայերի բողոքի դիմումները, որովհետև դրանցով զբաղվելը «ոչ միայն նրանց (դեպի անապատ) առաքման դանդաղեցման պատճառ կդառնա, այլ նաև դուռ կբացի մի շարք գործողությունների առաջ, որոնք, հավանաբար, առաջիկայում կարող են ծնել քաղաքական անկայունություն»²⁶: «Բողոքողներին հաղորդեք, որ կորցրած իրավունքներով կարող են զբաղվել տարագրության վայրում»²⁷:

Երբ Թալեաթին հայտնեցին, որ Բաղդադի երկաթուղու շրջանում մեծ թվով հայեր են կուտակվել, նա կատաղության բռնկում ունեցավ: 1916 թվի հունվարի 16-ին նա Հալեպի կուսակալին հեռագրեց. «Լսել եմ, որ Ինթիլի, Այրանի մերձակալքից սկսած մինչև Հալեպ երկարող գծերի ճամփաների երկայնքով 40—50 հազ. հայեր կան, որոնց մեծագույն մասը կանայք ու փոքրեր են: Ամենախստագույն ձևով պետք է պատժվեն այն անձինք, որոնք ուղղական փոխադրումների համար այդ կարևոր դիրքերի վրա թշվառության կենտրոնացման պատճառ են դառնում... անմիջապես այդ հայերին, շրջանցելով Հալեպը, հետիոտն իրենց տարագրության վայրը ուղարկեք»²⁸: Բացառություներ էր արվում միայն երկաթուղու վրա աշխատող հայերի ընտանիքներին: Սակայն մի քանի օր անց Թալեաթը մտադրություններ փոխեց և պահանջեց, որ այդ ընտանիքները ևս թշվեն «տարագրության վայրերը»: «Այդպես էլ եղավ. (երկաթուղայինների) կանայք մի օր հանկարծ ճամփա հանվելով թշվեցին Մեսքենեի անապատը՝ այնտեղից Դեր Զոր ուղարկվելու համար»²⁹:

Բերենք Թալեաթի հեռագրերից ևս մեկը. «Թեև նախապես մտադրված էինք բնաջնջելու հայ տարրը, սակայն հանգամանքները հնարավորություն չէին տալիս իրականացնելու այս սրբազան մտադրությունը: Հիմա բոլոր արգելքները վերացված

են և պատեհ առիթ է մեր հայրենիքը այս վտանգավոր տարրերից փրկելու: Վճռահամապես հանձնարարում ենք՝ պետք չէ գթասիրտ դառնալ նրանց թշվառ ու տառապալի վիճակը տեսնելով: Իրականացնելով նրանց բուրբի ոչնչացումը, ձեր ողջ կարողությամբ ջանացեք Թուրքիայից մեկընդմիջտ վերացնելու հայ անվան հետքը: Հոգ տարեք, որպեսզի այս նպատակը իրագործելուն կոչված պաշտոնյաները հայրենասեր ու վստահելի մարդիկ լինեն»³⁰:

Թուրք գրող Սամիհ Հաֆիզ Թանսունի «Ներկա ժամանակների վարագույրի հետևում» գրքի 297-րդ էջում գրված է՝ Եռգլատի մութեսարիֆ Քեմալ բեյը ներքին գործերի մինիստրությունից հետևյալ ծածկագիրը ստացավ. «Հարկ է 24 ժամվա ընթացքում տարագրել գավառում եղած հայերին: Նրանց բնակատեղին պետք է լինի Սիրիան»*:

1915 թ. հունիսի 2-ին մի խումբ հայեր հետևյալ հեռագիրն ուղարկեցին Թալեաթին. «Ենթե կսկիծով է, որ ձեզ ուղղում ենք այս հեռագիրը, բողոքելու համար մեր բոլոր ուժերով, մեր ողջ կորովով և մեր էություն բովանդակ խորությունով քրդերի ու թուրքերի կողմից և ինչը որ ավելի ծանրակշիռ է, թուրքական կանոնավոր բանակի օժանդակությամբ, հայ ժողովրդի հանդեպ գործված արհավիրքների դեմ:

Ո՞վ կազմակերպեց այս կոտորածները: Ո՞վ է պատասխանատուն այս վայրագությունների, որ նսեմացնում է համիդյան ուժի մի այնքան սոսկալի արհավիրքները: Ո՞վ տարածեց սգո այս քողը ամբողջ Հայաստանի վրա, Կիլիկիայից մինչև Արաքս և Արարատ լեռը: Ո՞վ այս դժբախտ երկիրը վերածեց ավերակների շեղջակույտի, անգթորեն ջարդելով արու բնակչությանը՝ առանց տարիքի խտրության, բռնաբարելով ու հափշտակելով կանանց ու թողնելով միայն ծեծերին ու հիվանդներին՝ լալու միացող ավերակների վրա:

Ո՞վ է հանցավորը: Ամբողջ աշխարհը, և առաջին հերթին ձեր դժբախտ զոհերը, ձեր երեսին բղավում են ձեր ոճիրի մասին... Ձեր քաղաքականությունն էք, որ ստիպեց հայերին խմբեր կազ-

* Երիտթուրքերի լիդերների դատավարության մեղադրական ակտում արձանագրված է. «... Դիարբեքիում կոտորածներն ու գազանությունները կատարվել են Թալեաթի... հրահրմամբ... (Ա. Անտոնյան, «Մեծ ոճիրը», էջ 276):

մել և կովել իրենց ցեղի սիստեմատիկ բնաշնչումների դեմ»³¹։

«Պատերազմը,— գրում է Ու. Չերչիլը,— իրենց (հայերի) վրա բևեռեց շարիքների մի ամբողջ նոր շարք։ Բալկանյան պատերազմից հետո պանթուրքիստները միաժամանակ հրապարակեցին «օսմանացումը» և «թուրքացումը»՝ որպես միջոց իրենց պետությունը վերստեղծելու։ Նրանք իրենց երկրի ոչ թուրք ցեղերին էին մասամբ վերագրում այն աղետները, որոնց ենթակա էր թուրքական կայսրությունը։ Բիրտ, բայց հասկանալի լեզվով նրանք եզրակացրին, թե այս ցեղերը «արժանի չէին նույնիսկ նկատի առնվելու, բեռ ու արգելք էին, թող գրողը տաներ նրանց»։ Այդ վերածնված պետությունը, որ հայրենասեր թուրքերը հույս ունեին մեջտեղ բերել, պետք է կազմված լիներ միայն թուրքերից։ Այս նպատակին կարելի էր հասնել, եթե երբևիցե հասնեին, երկար ու դժվար ճանապարհ կտրելուց հետո միայն։ Հետևաբար, որքան շուտ և որքան շտապ թուրք ժողովուրդը սկսեց այդ ճանապարհը անցնել, այնքան լավ։ Մեծ պատերազմի պայթելը այս հարցերը շարժման մեջ դրեց։

1915 թ. թուրքական կառավարությունը սկսեց ու վայրագորեն գործադրեց Փոքր Ասիայի հայերի ընդհանուր և անարգ ջարդերն ու տեղահանությունը...

Տրամաբանական ոչ մի կասկած չկա, որ ոճիրը ծրագրված ու գործադրված էր քաղաքական պատճառներով։ Առիթը ներկայացել էր թուրքական հողը ազատելու մի քրիստոնյա ցեղից, որը... աշխարհագրականորեն գտնվում էր թուրքական ու կովկասյան իսլամական ժողովուրդների միջև... Պանթուրքիստները շտնում էին, որ եթե Կ. Պոլիսն ընկներ և Թուրքիան պատերազմը տանուլ տար, նույնիսկ այդ դեպքում, հայերի բնաշնչումը ունենալու էր իր հետևանքները և թուրք ցեղի ապագայի համար մշտական առավելություն էր ստեղծելու։

Հայ ժողովուրդը առաջին մեծ պատերազմից դուրս եկավ կոտորված...

Շուրջ 2,5 միլիոնանոց ժողովրդի $\frac{3}{4}$ -ը՝ տղամարդիկ, կանայք և երեխաներ, բնաշնչված էին...»³²։

Արդի թուրք պատմաբան և գրող Ս. Այդեմիրը իր «Իքինգի աղեմ» գրքի 45-րդ էջում (լույս է տեսել 1973 թվականին Ստամբուլում) նազըմ բեյին բնութագրում է որպես իթթիհադական կուսակցության ահաբեկիչ։ Իսկ «Սուլու արայան ադամ» գրքի 273-րդ էջում (հրատարակված 1979 թվականին

Ստամբուլում) գրում է. «Նազըմ բեյը կրում է ամենաարյունահեղ արարքների պատասխանատվությունը և մարմնավորում է մեր կայսրության ամենախավար շրջանի արյունոտ դեպքերը»։

Մի այլ պատմաբան՝ Դոդան Ավլի Օղլուն, իր «Միլլի բուրթուլուզ թարիկի» բազմահատոր գրքի երրորդ հատորի առաջին մասի 125-րդ էջում մեծացնում է պատասխանատուների շրջանակը ու գտնում է, որ այդ անմարդկային արարքների համար պատասխանատու են իթթիհադական կուսակցությունը, բանակը և կառավարական տարբեր պաշտոնյաներ։ Նա գրում է. «Տեղահանությունները կյանքի են կոչվել իթթիհադի վերին մարմիններում Բ. Շաքիրի կողմից։ Նրանց իրականացումը հանձնարարված էր վստահելի իթթիհադականների և հատուկ կազմակերպության»։

Գերմանացի արևելագետ Ե. Մարկվարտը և ֆրանսիացի պատմաբան Ժ. Մորգանը 1919 թ. հանդես եկան մի հայտարարությունով ու պահանջեցին միջազգային դատարանին հանձնել հայերի ցեղասպանության գլխավոր հանցագործներին՝ էնվերին, Թալեաթին և երիտթուրք մյուս լիդերներին։

«Ոչ ոք ի վիճակի չէ,— գրել է Վ. Մետերնիխը 1916 թ. հունիսի 30-ին,— սանձահարելու կոմիտեի հիդրային, ոչ էլ վերջ տալու շովինիզմին ու մոլագարությունը։ Կոմիտեն պահանջում է բնաշնչել վերջին հային, և կառավարությունը պետք է դիջի...»

Երիտթուրքերի «սեկցիաները»... երկրի խորքերի քաղաքներում շարժիչ ուժ են հանդիսանում, նրանց դերը շատ վճռական է դաժան բռնություններ կազմակերպելու և ի կատար ածելու մեջ։ Աքսորների հրամանի իրականացումը վստահել է բանակի ղեկավարներին և վիլայեթների քաղաքացիական գերագույն իշխանություններին»³³։ Ինքը՝ Թալեաթը, ցեղասպանության քաղաքականության իրագործման գլխավոր ուժ ու կազմակերպիչ համարում էր «Միություն և առաջադիմություն» կուսակցության ֆունկցիոներներին, նրա հաստիքային և արտահաստիքային աշխատողներին։ Դրա համար էլ նա հանձնարարում էր. ««Իթթիհադի վե թերաքթի» բոլոր պատգամավորները (կուսակցության ներկայացուցիչները տեղերում) ամեն հնարավոր բան պետք է անեն խնդիրը լուծելու համար»³⁴։

Ֆիլիպ Գրավեսը, որն աշխատել է Անգլիայի ռազմական միջախորհրդային ինֆորմացիայի ծառայությունում (մինչ այդ «Թայմս» թերթի Կոստանդնուպոլսի թղթակիցն էր), 1915 թ.

սեպտեմբերին գրել է Լլոյդ Ջորջին. «Ելնելով իմ փորձից և հաշվի առնելով բոլոր նրանց փորձը, ովքեր շատ թե քիչ ճանաչում են Թուրքիան, կարող եմ ասել, որ այստեղ երբեք ոչ մի կոտորած տեղի չի ունենում, բացառությամբ միայն այն դեպքերի, երբ կառավարությունը ուղղակիորեն ակնարկում է, որ կոտորած է ուզում»³⁵:

Երիտթուրք ղեկավարների դատավարության ժամանակ թուրքական սպա Ահմեդ բեյը ցուցմունք տվեց. «Գիշերն ինձ արթնացրին ինչ-որ զինված մարդիկ: Նրանք ինձ հանձնեցին մի փակ ծրար, որի մեջ հայերին արտաքսելու հրամանն էր: Հրամանը կատարելու համար կցված էր մի քաղաքացիական ծառայող: Ինձ իրավունք էր վերապահվում սպանել նրան, եթե նա ընդդիմանար իմ հրամաններին: Նույնը կարող էին անել նաև ինձ հետ...»³⁶:

Ուրեմն, հայերի ոչնչացման մեջ ներգրավված էին ոչ միայն կուսակցական, այլ նաև զինվորական ու քաղաքացիական պաշտոնյաները:

Տեղահանությունն ու կոտորածները ղեկավարելու համար ներկայացուցիչներ ուղարկվեցին բոլոր գավառները: Նրանց տրամադրեցին ֆինանսական և տրանսպորտային միջոցներ, ծածկագրեր վերձանելու հնարավորություններ, ղենք և զինամթերք: Երիտթուրքերի այս գործակալները հայտնի էին «հատուկ պատվիրակներ» կամ «աքսորումների կոմիսարներ» անունով: 1915 թ. օգոստոսի 10-ին, օրինակ, երիտթուրքերի կոմիտեի անդամներ Շալիլ բեյն ու Ահմադը Ուրֆա ժամանեցին որպես աքսորումների կոմիսարներ:

«Մեկնելով Կ. Պոլսից նրանք անցան ողջ Անատոլիայով և ամենուրեք, որտեղով նրանք անցնում էին, ոչնչացնել էին տալիս հայ տղամարդկանց և երիտասարդներին, աքսորում կանանց ու երեխաներին և բոլոր մնացածներին: Ահմեդը և Շալիլ բեյը նույնիսկ հանդգնություն ունեցան Ուրֆայի իշխանությունների հրամանների սահմաններից դուրս գործել, կարծես իրենք լինեին տեր ու տիրականը»: Այդպես էր ոչ միայն Ուրֆայում, այլև հայաբնակ բոլոր նահանգներում ու գավառներում: «Աքսորների ժամանակ... կոմիտեն իր ձեռքը վերցրեց գավառների կառավարման ղեկավարությունը... նա միջամտեց ոչ միայն կառավարական գործերին, այլև իր ամենահեղինակավոր անդամներին տեղավորեց մինիստրների խորհրդում...»³⁷:

Ռազմական դատարանի նախագահ Ֆերիք Մուստաֆա Նազիմ փաշան 1919 թ. մայիսի 9-ին հարցնում է Անկարայի կուսակալի փոխանորդ Աթիֆ բեյին՝ արդյոք նա տեղյակ է, որ «ընդհանուր կենտրոնի կողմից պատասխանատու պատվիրակներ և պատասխանատու քարտուղարներ էին ուղարկված Անկարա, Կաստամունու, Եոզղատ, Երզնկա, Տրապիզոն, Սեբաստիա և շատ այլ տեղեր, որտեղ նրանք վալիներին, մութեսարիֆներին ինչ-ինչ գաղտնի հրամաններ են հաղորդել»³⁸:

Դատարանը փաստեց, որ պատասխանատու քարտուղարներին իրավունք էր տրված, կենտրոնի հետ համաձայնեցնելով, պաշտոնանկ անել վալուն, մութեսարիֆին, կայմակամին, եթե վերջիններս չհամաձայնվեին կատարել կուսակցության այդ ներկայացուցիչների հրահանգները: Օրինակ, Անկարայի պատասխանատու քարտուղար Նեջաթի բեյը 1915 թ. հուլիսի 20-ին գնում է Եոզղատ և հայերին կոտորելու հրամանը հայտնում մութեսարիֆ Ջեմալ բեյին ու զինվորական հրամանատար Սալիմ բեյին: Վերջիններս համաձայնվում են հայերին տեղահանել, բայց ոչ կոտորել: Այդ մասին Սելեկիայի մութեսարիֆ էդիպ բեյը դատարանին ցուցմունք տվեց. «...մենք իմացանք հայերի աքսորի ու տեղահանության հրամանի լուրը, երբ այս հրամանը գործադրելու համար Եոզղատ էր եկել «Միություն և առաջադիմություն» կուսակցության Անկարայի պատասխանատու քարտուղարը»: Ըստ նրա վկայության Նեջաթի բեյը մութեսարիֆ Ջեմալ բեյին նաև ասել է. «Թեև տրված հրամանը արտաքննապես հայերին աքսորելն է, սակայն կուսակցության կենտկոմի և ներքին գործերի նախարարության իսկական նպատակը հայերին բնաջնջելն է...»³⁹:

Կոտորածների իսկական կազմակերպիչները երիտթուրքերի կուսակցության վերը նշված ներկայացուցիչներն ու պատասխանատու քարտուղարներն էին, ինչպես նաև նահանգներում ու գավառներում կուսակցական ակումբների նախագահները: Այդ առնչությամբ ռազմական դատարանը արձանագրել է. «Երիտթուրքերի պատասխանատու քարտուղարները կատարեցին տեղահանություններ, կոտորածներ, աքսորներ, ավերեցին կալվածքներ և գործեցին գարշելի ոճիրներ»⁴⁰:

Մի շարք վիլայեթներում ու կազաներում բարձրաստիճան պաշտոնյաների կազմում փոփոխություններ կատարվեցին: Աշխատանքից ազատվեցին բոլոր նրանք, ովքեր հայերի ոչնչաց-

ման գործում եռանդ ու նախաձեռնություն չէին դրսևորել: Այսպես, Անկարայի կառավարիչ Մազհար բեյը փորձեց խափանել կոտորածները, բայց պաշտոնանկ արվեց և նրա տեղը նշանակվեց Աֆիթ բեյը: Օգոստոսի 9-ին պաշտոնազրկվեց նաև Սալիմ բեյը:

Ուստի բեյը 1918 թ. դեկտեմբերին պաշտոնապես վկայեց. երբ Մազհար բեյին հարցրեց իր հրաժարականի պատճառը, նա պատասխանեց. «Հայերի տեղահանության առնչությամբ ներքին գործերի նախարարության հրամանները չհասկանալ ձևացրի...»

Վրա հասավ Աֆիթ բեյը և հաղորդեց հայերի տեղահանության, կոտորածի ու բնաջնջման մասին ՆԳ նախարարի բանավոր հրամանը: Ես նրան ասացի. «Ոչ, Աֆիթ բեյ, ես կառավարիչ եմ և ոչ թե շարագործ մարդասպան, իմ աթոռը թողնում եմ, դու տեղս նստիր և գործադրիր կոտորածի հրամանը»⁴¹: Ուստի բեյը նաև վկայում է, որ երբ ինքը Աֆիթ բեյին խնդրեց ներել մի դրամատեր հայի, նա մերժեց, ասելով, որ ինքը վերագասից հրաման է ստացել շթողնել, որ որևէ հայ կենդանի մնա կամ շտեղահանվի:

Ջեմալ բեյը ռազմական ատյանում 1918 թ. դեկտեմբերի 18-ին ցուցմունք տվեց. «Անկարայի «Միություն և առաջադիմություն» կուսակցության պատասխանատու քարտուղար Նեջաթի բեյը Նոզդատ եկավ... և ինձ ցույց տվեց կուսակալ Աֆիթ բեյի կողմից ստորագրված մի նամակ՝ այն պահելով իր ասիների մեջ: Նամակը ինձ հրամայում էր Նեջաթի բեյի հետ խորհրդակցել և ապա կարգադրություն անել տեղահանության համար»: Ջեմալ բեյը հրաժարվում է այդ հանձնարարությունը կատարելուց և մի քանի օր անց պաշտոնանկ է արվում⁴²:

Գիարբեքիի վալի Ռաշիդ բեյը ավազակների միջոցով սպանել տվեց երկու կայմակամի, որոնք տեղահանություն կատարելուց հրաժարվեցին: Հրամանները անտեսող թուրք բնակչության ու զինվորականների դեմ գործադրվում էին բռնություններ: Երբորդ բանակի հրամանատարը հայտարարեց, որ ով հայերին օգնի, իր տան մեջ կսպանվի, իսկ տունն էլ կհրկիզվի: Սթե որևէ պաշտոնատար անձ հայերին օգներ, անմիջապես պաշտոնազրկվում էր և բազմական զատարանի առաջ կանգնում:

Ժանդարմների հրամանատարի օգնական Նումանը, — բազ-

մական դատարանին ցուցմունք տվեց Նոզդատի հաղարապետ Սալիմ բեյը, — «պաշտոն ստացավ Սորկուն գյուղի հայերին կոտորելու համար... Ռիզա Տաուշը՝ Սարայի շրջանի հայերին ջարդելու համար: Զարդավայր նշանակված Քելլեքի կոտորածների պաշտոնները վստահվեցին... (Թվում է) բոլորն էլ իրենց պարտականությունը կատարեցին կատարյալ խղճմտությամբ՝ հնազանդվելով իրենց մեծավորներից ստացած հրամաններին: Չատ, Չագամազ, Թերզլի, Գարա Եագապ և դեռ շատ ուրիշ այլ գյուղերում, որոնց անունները չեմ հիշում, գնդապետ Թեվֆիգը և իր օգնականները գործեցին գարշելի ոճիրներ, մի բան, ոչ երկրի յուրաքանչյուր բնակիչ լավ գիտե: Ժանդարմները շատ ավելի սարսափած իրենց գործած ոճիրներից, քան այն պատիժներից, որոնց ենթակա էին, պահանջեցին, որ հրամանները իրենց գրավոր տրվեն»:

Այսպիսով, «Միություն և առաջադիմություն» կուսակցության անդամները, ինչպես նաև նրանք, ովքեր երազում էին շարաշահումով հարստանալ, հասան իրենց նպատակին և մարդկային պատմության մեջ աննախագեպ ցավալի ոճիրներ գործեցին: Այնպիսի գարշելի արարքներ գործեցին, որ հավատաքննության խժոժությունները սովորի տակ մնացին և արատավորեցին իսլամի պատիվը և Օսմանյան կայսրության պատմությունը»⁴³: Այդպիսիներից էր Նեջաթի բեյը, որին երիտթուրքերի կենտկոմը Բալիկանյան պատերազմի ավարտից հետո նշանակել էր Անկարայի կուսակցական կազմակերպության պատասխանատու քարտուղար: Այս կուսակցական բեյը եռանդ ու սատանայական հնարքներ գործադրեց հայերին ոչնչացնելու համար: Այդ գործում նա մեծ շահագրգռվածություն էր հանդես բերում նաև նրա համար, որ, կոտորելով հայերին, միաժամանակ թալանում էր նրանց ունեցվածքը և կարճ ժամանակում մեծ հարստությունների տեր դարձավ:

Երիտթուրք մի այլ ակտիվիստ՝ Ահմեդ էֆենդին, Նոզդատի քաղաքապետն էր, Նեջաթիի ամենամտերիմ համախոհն ու հայ-

* Այս գործում ևս Թալեաթը իր ստորագրածներին անձնական օրինակ էր ծառայում: Ռազմական դատարանը վավերական համարեց Գեր Զորի կառավարիչ Ա. Սուլաթին նրա ուղարկած ծածկագիրը՝ «Վալիին և նրա թիկնապահ կոմիսար Մեհմետին պետք է մահապատժի ենթարկել»: Պատճառը՝ վալին ոչ մի կերպ չէր համաձայնվել կոտորել հայերին (Ա. Անտոնյան, «ՄԵԺ ու հերք», էջ 276—277):

կական կոտորածների ամենակտիվ մասնակիցը: Հայերի նկատմամբ գործադրած գազանությունների համար ԱՏՄԵԳ էֆենդին «Անկարայի կողմից ճանաչվեց «Միություն և առաջադիմություն» կուսակցության ամենագլխավոր անդամներից մեկը և հաջողացրեց Պոլսի համագումարին մասնակցել»:

Կոտորածների համար նախատեսված վայրերում նախ հայերին կողոպտում էին, խլում նրանց դրամն ու արժեքավոր իրերը, իսկ ապա տրվում էր ջարդի հրամանը, որը, որպես կանոն, ամենուրեք ղեկավարում էին երիտթուրքական կուսակցության ակտիվիստներն ու ֆունկցիոներները: Եվ այդ ամենը կատարվում էր անհոգ տրամադրությամբ, որպես սովորական առօրյա աշխատանք:

Ռազմական դատարանն ապացուցեց, որ Քեմալ բեյը «ամեն իրիկուն... Վեհիբ էֆենդու տունն էր հրավիրում քաղաքապետարանի տնօրեն ԱՏՄԵԳԻՆ, նախկին առաջին քարտուղար Մուստաֆա բեյին, Սայիդ բեյին և ուրիշ գործակիցների, որոնք մի քանի գավաթ կոնծելուց հետո որոշում էին հաջորդ օրվա իրենց անելիքները: Այսպես էր նա իրագործում կոմիտեի ազգային ձգտումները»⁴⁴:

Ղեկավարների կանայք իրենց ամուսիններից հետ շէյն մնում: Օրինակ, Վեհիբի կինը «խուզարկություններ կատարեց քաղաքից դուրս և քննեց տարագրված կանանց մարմինները այն աստիճան, որ խուզարկեց կանանց օրգանների ներսը՝ այնտեղ ոսկի փնտրելու պատրվակով: Այսպիսով, քաղաքացիներն ու գյուղացիները դանակներով, փոքր կացիներով, բիրերով, ոմանք ձիերի վրա սրով և զենքերով արյան հոտն առած սպանդանոցի շների պես սկսեցին վազել և հետևել քարավաններին՝ կոտորածներին մասնակցելու համար: Ես վկայում եմ, որ բարբարոս ու արյունալի արարքները կատարեցին «Միություն և առաջադիմություն» կուսակցության անդամներն ու նրանց պաշտոնյաները...»⁴⁵:

Իսկ Ռատի բեյը դատարանում հայտարարեց. «Նրանք, ովքեր հայերի ջարդած թևերը կապեցին հաստ պարաններով, Անկարայի երեսփոխան Թալիբի փեսա, խորհրդի անդամ Շեյմսէդդին էֆենդու հետ միասին բանտում հավաքել էին հայերի մատանիները, ունեցած դրամները... Ապա թշվառներից կողոպտեցին ֆեսերը, կոշիկները, զգեստների մի մասը և գրեթե մերկ

վիճակում նրանց առավոտ վաղ բանտից հանեցին և 300 հոգու թևերը իրար կապած ուղարկեցին դեսլի սպանդ»⁴⁶:

Ռազմական ապստամբ ընթերցվեցին նաև Քեմալ բեյի նամակները, որոնք Բաթալ գյուղի ժանդարմ Շուբրիին հանձնարարում էին բարեխղճությամբ և մինչև վերջ կատարել իր կողմից ուղարկված երեք տնձանց հանձնարարությունները՝ հայ կանանց ու աղջիկներին հսկողության տակ վերցնել, իսկ նրանց բնեցվածքը բռնազրավել և քաղաք ուղարկել, որ նշանակում էր այդ հայերին ոչնչացնել և նրանց ունեցվածքը քաղաք տեղափոխել:

Ասյանը Քեմալին մահվան դատապարտեց: Բնորոշ է, որ երբ մահապատիժը ի կատար էին ածում, այդ հանցագործը, դիմելով պոլսեցիներին, ոչ թե ժխտեց իրեն ներկայացված մեղադրանքը, այլ հայտարարեց.

«Միրելի ազգակիցներ.

Ես մի թուրք պաշտոնյա եմ, ես գործադրեցի այն հրամանը, ինչ ստացա, իմ պարտականությունը կատարեցի բարեխղճորեն»⁴⁷:

1918 թ. նոյեմբերի 4-ին, երբ օսմանյան պառլամենտում քննվում էր հայերի տեղահանության և կոտորածի հարցը, պառլամենտի աջքի ընկնող անդամներից Ֆուադ բեյը տասը կետից բաղկացած պահանջ-մեղադրանք ներկայացրեց Ս. Հալիմի և Թալեաթ փաշայի կառավարություններին, պահանջելով այդ կառավարությունների անդամներին դատի տալ:

Ֆուադ բեյի ներկայացրած մեղադրանքի 5-րդ կետում ասված էր. «Մարդկային օրենքների և, մասնավորապես, ազգային ժողովի ոգուն հակառակ օրենքներ հրապարակելով երկիրը ոճիրների թատերաբեմ դարձրեցիք»⁴⁸:

1918 թ. դեկտեմբերի 2-ին բացելով օսմանյան պառլամենտի նիստը, պառլամենտի նախագահ, երիտթուրքական կուսակցության հիմնադիրներից ու գաղափարախոսներից մեկը՝ ԱՏՄԵԳ Ռիզան, հրապարակեց մի հայտարարություն. «Սկսած պատերազմին մեր մասնակցությունից մինչև Թալեաթ փաշայի կաբինետի անկումը, կառավարության կողմից գործած սխալների և ոճիրների, ջարդերի, հրապարակային ոճրադրությունների, անձի անապահովության, կալվածքների և շենքերի բռնազրավումների և բոլոր օսմանցիների նկատմամբ նման հարստահարություններ ու ոճիրներ գործած լինելու համար պահանջել եմ,

որ ընդհանուր դատախազությունը հանրային իրավունքների անուկ դատ սկսի և ժամ առաջ ոճրագործները Էրևան հանվեն ու արդարադատությանը հանձնվեն»⁴⁹: «Թասֆիրի էֆքեաթ» թերթը, նկատի ունենալով կառավարության անդամներին և կուսակալներին, գրում է. «Դժվար է հասկանալ, թե ինչու այս անձինք չմտածեցին, որ մի օր հաշիվ էին տալու այն բոլոր ոճիրների համար, որոնք կատարվեցին Թալիաթ փաշայի կառավարության կողմից»⁵⁰:

1919 թ. ապրիլի 11-ին Կ. Պոլսի շովինիստական ուժերը կազմակերպեցին շարդարար Քեմալ բեյի բազմամարդ ու շքեղ թաղումը: Այդ նկատի ունենալով «Ալեմդար» թերթը գրեց. «Բնաշնչման քաղաքականությունը իրագործվեց կոտորածներով ու կողոպուտներով:

Երիտասարդ թուրքերի կուսակցության կենտկոմը և նրա գործադիր մարմինը՝ նախարարների խորհուրդը, ինչպես նաև պաշտոնյաները՝ ամենավերից մինչև ամենավարը, պատասխանատու են: Ոճրագործներին ազատելու փորձերը և այնպիսի մեծագույն սխալները, ինչպիսիք են մի ոճրագործի նկատմամբ համակրանքի ցույցերը, պատշաճ չեն մեր ազգային պատվին և վտանգում են մեր պետության շահերը:

Մեզ համար փրկության միակ միջոցը կոտորածներից հեռու մնալն է, բղավել քաղաքակրթված աշխարհի առջև, թե իսկապես և գործնականորեն արդարությունն ենք կիրառելու բոլոր հանցավորների նկատմամբ:

Եթե Բայազետի հրապարակը մեր ոճրագործների կախաղանները շտեմնի, ապա Փարիզը մեր պետության և ազգի դատապարտման վայր կդառնա»⁵¹:

1918 թ. դեկտեմբերի 23-ին սուլթան Մահմեդ V Վահիդէզդին ընդհանուր ներում է շնորհում պատերազմի հանցագործներին: Նա մի հրովարտակով արգելում է այդ ներումը հայերի տեղահանության և կոտորածների հանցագործների վրա տարածել:

Իսկ ովքե՞ր են այդ շարդարարները: «Սաբահ» թերթը գրեց. «Ասում են, թե բոլոր թուրքերը մասնակցել են միութենականների գործած ոճիրներին և զզվելի պղծումներին. եթե թուրքերն իսկապես այս արարքներին մեղսակից չեն եղել, ապա գոնե արտանց հավանություն են տվել...»⁵²:

Իսկ «Ալեմդարը» գրեց. «Մենք դատապարտված ենք մի ոճի-

րով և վարակված մի անբուժելի հիվանդությամբ, որ ժանտախտից սոսկալի է...»

Մարդկությունը տատամսում է մեղ մոտենալ, մինչ մենք ուղում ենք, որ նա մեզ ձեռք երկարի...»

Եվ ապա. «...Մենք որդեգրեցինք բնաշնչումի քաղաքականությունը, որ գործադրեցինք մեծագույն բռնաբարություններով մյուս տարրերի նկատմամբ և այնպիսի կատաղություններով մյուս տարրերի նկատմամբ և այնպիսի կատաղությամբ հետապնդեցինք այդ քաղաքականությունը, որ ուզեցանք իրագործել տարագրությունով, կոտորածներով ու հափշտակությամբ»⁵³:

«Սաբահ» թերթի խմբագիր Ալի Քեմալը, բանավիճելով «Եէնի Կույնի» թերթի խմբագիր Ծ. Նատի հետ, գրեց. «Աշխարհը գիտե, և սա է ճշմարտությունը, որ հայերի կոտորածները կազմակերպվեցին կենտրոնական կոմիտեի հրամաններով: Այս հրամանները հաղորդվեցին առանձին պատվիրակների միջոցով և գործադրվեցին ավազակների ձեռքով իր իսկ կենտկոմի հրուկողությամբ:

Այդ երևան հանելը մի՞թե թուրքերին ու թրքության դատին ծառայել չէ: Ուզում ես, որ հեռո՞ւ մնանք այս բանն անելուց և մենք էլ նույն ամբաստանության տակ ընկնենք»⁵⁴:

Ալի Քեմալի այս խոսքերը իսկապես իմաստուն են և կարող են պատգամ հանդիսանալ թուրքիայի ժամանակակից պետական գործիչների ու պրոպագանդիստների համար:

Պե՞տք է հիշել 1915 թ. եղբրական իրադարձությունները, թե ոչ: Այս հարցին «Թուրքչե Ստամբուլ» օրաթերթը դեռ 1919 թ. պատասխանել է. «Այս ճշմարտությունները (կոտորածները) շատ բիրտ են, բայց պետք է կրկին ու կրկին վերհիշվեն: Այստեղ չեմ ցանկանում վերամբաստանել միայն միութենականներին: Նրանց անվանեք ինչպես ցանկանում եք, սակայն այն մարդիկ, որոնք տարբեր անունների տակ նույն մտայնությանն են ծառայում և ընթանում են բռնության ուղիով, կարող են լուկ հասնել միևնույն օրհասական արդյունքին...»⁵⁵:

Թուրքիայի արդարադատության նախարարը 1918 թ. նոյեմբերի 25-ին հայտնեց, որ միջոցներ են ձեռնարկված հայկական շարդերն իրականացրած բոլոր անձանց պատժելու համար. «Ներկա կառավարության միակ ելքն է՝ պատժել վախիճներից սկսած ամբողջ կառավարության կազմը»⁵⁶: Հանցագործների թիվը շատ մեծ է և, ինչպես մի երեսփոխան նկատեց, «եթե նրանց անունները մեկ առ մեկ ասեմ, օրը գիշեր կդառնա»⁵⁷:

«Այս մեծ ոճիրին մասնակցած բոլոր պաշտոնյաներին պետք է պատժել»⁵⁸: Այդ նպատակով Կ. Պոլսում ստեղծվեցին երեք, իսկ գավառներում տասը ռազմական դատարաններ:

Սակայն ըստ «Ալեմդար» թերթի, սովորական հասկացողությամբ միայն ռազմական դատարանները բավարար չեն «արդարություն ապահովելու, որովհետև 5—6 տարվա ընթացքում գործված խժոժությունները աներևակայելի են»⁵⁹:

Կ. Պոլսում գերմաներեն հրատարակվող «Վերածնունդ» թերթը գրեց. «Եթե այսօր խժոժությունների համար պատասխանատու հեղինակների նկատմամբ չկիրառենք իրենց արժանի պատիժներ, ապագա սերնդին կխաթարենք ու կապականենք...»: Թերթը թվում է ցեղասպանության հանցավորներին:

«1. Բուն հեղինակներին:

2. Նրանց, ովքեր առաջինների թիկունքում թաքնված գործեցին: «Միություն և առաջադիմություն» կենտրոնի ազդեցիկ անդամներին, նահանգային ակումբներին նախագահներին...

3. Նրանց, ովքեր գաղտնի կազմակերպությունների մեջ էին, որպիսիք են կրտսեր սպաներն ու բանտերից ազատ արձակված սրիկաները:

4. Այն երեսփոխաններին, ովքեր չբողոքեցին, ովքեր հավանություն տվին ոճիրներին և մասնակցեցին կողոպուտին:

5. Հրատարակիչներին, որոնք ողջունեցին բոլոր ոճիրներն ու արարքները..., որոնք հանրային կարծիքը մոլորեցրին ամեն տեսակ խաբեություններով ու ստախոսություններով...

6. Նրանց, ովքեր շահաբեր գործեր հետապնդեցին առևտրի քողի տակ...

7. Մի լեգեոն փաշաներին ու բեյերին, ովքեր շրջապատեցին ավարառուներին և եղան նրանց քծնողներն ու խնկարկունները»⁶⁰:

Սեղբը միայն երիտթուրք լիզերների վրա գցելու միտումով, թուրք հետազոտող Թ. Թունայան գրում է. «Միություն և առաջադիմություն» կուսակցությունը տապալեց Աբդուլ Համիդ սուլթանին, սակայն նրա տեղը հաստատեց իր ընդհանուր կենտրոնի ինքնակալությունը, այնպես որ ո՛չ թագավորը, ո՛չ կուսակցությունը, ո՛չ էլ ներկայացուցչական ժողովն է երկիրը կառավարում: Պետական խորհուրդը կամ վարչությունը այլևս կառուրություն չունեն: Փաստն այն է, որ բոլոր որոշումներն ըն-

դունվում են վարադուրի հետևում: Ութ անձից կազմված ժողովը իր ձեռքն է վերցրել ամեն ինչ, կայսրության ղեկը: Վարադուրի հետևում գտնվող անձանց ձեռքում է երեսփոխաններին շարժելու պարանը: Այս սակավապետությունը ինչը խոսքով չի կարող անել, անում է ղեկը...»⁶¹:

Ըստ դոկտ. Նազըմի, եթե կուսակցության կենտկոմը մարդն է, ապա սուլթանը՝ միայն նրա կնիքը. սահմանադրությունը, ընտրությունը և պառլամենտը բացարձակ դատարկ բաներ են: «Սա քողարկված ինքնակալություն է, սահմանադրական վարչակարգի նման մի բան»:

«Մենք սուլթանին դրեցինք վնաս հասցնելու անկարելիության մեջ: Մենք գահի վրա նրա ներկայության կարիքն ունենք..., որովհետև ձգտում ենք բացարձակապես դեն նետել եվրոպական միջամտությունը: Խալիֆան դեռ ունի բարոյական անսահման հեղինակություն, մենք ուզում ենք, որ նա իր ստորագրությունը դնի մեր որոշումների տակ: Սուլթանը պարզապես մի ուրվական է»⁶²:

«Թուրքի Ստամբուլ» թերթը, նկատի ունենալով օսմանյան պառլամենտի անդամների լուսկյաց համաձայնությունը երիտթուրքերի հայակործան քաղաքականության հետ, գրում է. «Մեր երկրի նախկին ղեկավար ժերակույտականներն ու երեսփոխանները պետք է անապատ քշվեին և այնտեղ քավեին իրենց մեղքերը»:

Անտրամաբանական է խոսել, երբ մարդ պիտի լռի և լուռ մնալ, երբ պիտի խոսի»⁶³:

Պուսի մի այլ թերթ գրեց. «Խորհրդարանն, իր հերթին, եղել է երիտասարդ թուրքերի մեղսակիցն ու գործակիցը»:

Մեղսակից, որ գիտակցաբար լուծություն պահպանեց ամենազգվելի ոճիրների գործադրման ընթացքում, չնայած տեղյակ էր այդ ոճիրների կազմակերպմանը, որոնք տեղի ունեցան իրենց (երեսփոխանների) աչքի առջև:

Գործակից, որովհետև երեսփոխաններից շատերը անձամբ վարեցին կոտորածները: Նրանք քվեարկեցին մի շարք ժամանակավոր, անօրեն, եղենագործ օրենքների օգտին»⁶⁴:

«Տարիներ շարունակ այս երեսփոխանական ժողովը թուլատրեց, որ գործվեն պատմության մեջ աննախադեպ կոտորածներ, կողոպուտներ... և ապօրինությունների մի անհամար շարք»⁶⁵:

Մի ուրիշ թերթ երեսփոխանների վարքագիծը բնութագրեց հետևյալ կերպ.

«Հայերը կոտորվեցին, նրանք ծափահարեցին,
Հուլյները տարագրվեցին, նրանք ծափահարեցին,
Արաբները բնաջնջվեցին, նրանք ծափահարեցին:

...Մի ժողով, որ նշանավոր է ամեն մի առաջարկությանը իր տված հավանությունով, նույնիսկ ներոնի ժամանակներից այսօրին երբևիցե գոյություն ունեցած ամենաոճրագործների առաջարկներին»⁶⁶:

1919 թ. հունվարի 28-ին Թուրքիայի ներքին գործերի մինիստր Քեմալ բեյը «Սաբահ» թերթում գրեց. «4—5 տարի առաջ երկրում գործադրվեց պատմության մեջ եզակի, աշխարհասասան մի ոճիր: Նկատի ունենալով ոճիրի հսկայական չափերն ու ծավալը, պետք է ընդունել, որ նրա հեղինակները հինգ, տասը հոգի չեն, այլ... հարյուր հազարներ: Զարգվածները, եթե 600.000-ի փոխարեն 300.000, նույնիսկ 200.000 կամ 100.000 լինեին, հարյուր, հինգ հարյուր, հազար ոճրագործները չպետք է կարողանային բնաջնջել այսքան մարդ: Արդեն սպացուցված իրողություն է, որ այս եղեռնը ծրագրվեց Իթթիհադի ընդհանուր կենտրոնի որոշումներով ու կարգադրություններով»:

«Սրանք այնպիսի ոճիրներ են,— գրեց թուրքական «Ալեմ-դար» թերթը 1919-ին,— որ բնավ կարիք չունեն առանձին-առանձին քննությունների: Դրանք թե՛ հայտնի են և թե՛ հաստատված: Զիթածիններից շատ քիչ մարդ կա, որ մասնակից չլինի տարագրությանն ու ջարդին: Նրանք հավասարապես ոճրագործ են, որ Իթթիհադի հետ ձեռք ձեռքի մասնակցեցին (հայկական) տարրերի դեմ կատարված եղեռնին, նրանք, որ գործիք դարձան և նրանք, որ պարտավոր էին խոսելու, բայց լռեցին»:

Ոճրագործ են ջարդերի մեծ ու փոքր պաշտոնյաներն ու այդ պաշտոնյաներին հրամայող բորենիները: Խոսքը վերաբերում է մինիստրությանը, պաշտոնեությանը, պառլամենտին ու նրանց գերագույն ղեկավար Իթթիհադին»⁶⁷:

1. Գե Ռեզ գրոսս, հանդես, 1918 թ.:

2. Ն. Մորգենթաու, Դեսպան Մորգենթաուի հիշատակները և հայկական եղեռնի գաղտնիքները, Կ. Պոլիս, 1919, էջ 337:

3. Էյմիածին, 1965, Մ. № 2—3—4:

4. Г. Чалгушян, Красная книга, Ростов-на-Дону, 1919, с. 64.

5. Էյմիածին, 1965, № № 2—3—4:

6. ՀՍՍՀ ԳԱ ինֆորմացիոն բյուրոն, 1984, № 1, էջ 16:

7. Հուլամատեան Մեծ եղեռնի (1915—1965), Բելյութ, 1965, էջ 95:

8. Ն. Մորգենթաու, Դեսպան Մորգենթաուի..., էջ 298:

9. Կառնեսանս, 18 դեկտեմբերի 1918 թ.:

10. Le Crime de silence de Genocide des armeniens, Paris, 1984, p. 46, 72.

11. Նույն տեղը, էջ 133:

12. Ա. Քոչինյան, Կարմիր զրվագներ հերոսներու կյանքեն 1915—1918, Կ. Ա. Բուխարեստ, էջ 63—65:

13. Ա. Անտոնյան, Մեծ ոճիրը, Բելյութ, 1977, էջ 228:

14. Նույն տեղը, էջ 169:

15. Նույն տեղը, էջ 169:

16. Նույն տեղը, էջ 172:

17. Նույն տեղը, էջ 182:

18. Նույն տեղը, էջ 184:

19. Նույն տեղը, էջ 187:

20. Նույն տեղը, էջ 188:

21. Նույն տեղը, էջ 207—208:

22. Նույն տեղը, էջ 210:

23. Հուլամատեան Մեծ եղեռնի..., էջ 528:

24. Ա. Անտոնյան, Մեծ ոճիրը, էջ 50—52:

25. Նույն տեղը, էջ 53:

26. Նույն տեղը, էջ 54:

27. Նույն տեղը, էջ 203:

28. Նույն տեղը, էջ 74:

29. Նույն տեղը, էջ 76:

30. Հուլամատեան Մեծ եղեռնի..., էջ 526:

31. Դրոշակ, 2 հունիսի 1915 թ.:

32. Հուլամատեան Մեծ եղեռնի..., էջ 1040:

33. Le Crime de silence..., p. 138.

34. Հուլամատեան Մեծ եղեռնի..., էջ 528:

35. Le Crime de silence..., p. 78.

36. Կառնեսանս, 1919, № 14:

37. Le Crime de silence..., p. 78.

38. Քաղտիմը Վազայի, № 3772:

39. Գ. Ե. № Մ 534:

40. Քաղտիմը Վազայի, № 3549:

41. Գ. Ե. № 251:

42. Գ. Ե. № Մ 492—494:

43. Գ. Ե. № Մ 574—Մ 577:

44. Նույն տեղը:

45. Նույն տեղը:

46. Գ. Ե. № 251—253:

47. Ճակատամարտ, 23 մարտի 1919 թ.:
48. Ժամանակ, 4 նոյեմբերի 1919 թ.:
49. Ժամանակ, 13 դեկտեմբերի 1918 թ.:
50. Լա ռենեսանս, 15 դեկտեմբերի 1918 թ.:
51. Նույն տեղը, 16 ապրիլի 1919 թ.:
52. Նույն տեղը, 5 հունվարի 1919 թ.:
53. Նույն տեղը, 1 մայիսի 1919 թ.:
54. Նույն տեղը, 15 դեկտեմբերի 1918 թ.:
55. Նույն տեղը, 22 հունիսի 1919 թ.:
56. Ժամանակ, 13 դեկտեմբերի 1918 թ.:
57. Նույն տեղը, 4 սեպտեմբերի 1918 թ.:
58. Նույն տեղը, 27 նոյեմբերի 1918 թ.:
59. Լա ռենեսանս, 12 ապրիլի 1919 թ.:
60. Նույն տեղը, 19 դեկտեմբերի 1918 թ.:
61. Եղբայրի հայասպանության վավերագրական պատմություն, Նյու Յորք, 1980, էջ 106:
62. Նույն տեղը:
63. Լա ռենեսանս, 7 փետրվարի 1919 թ.:
64. Նույն տեղը, 13 դեկտեմբերի 1918 թ.:
65. Նույն տեղը, 24 դեկտեմբերի 1918 թ.:
66. Արքամարտ, 23 դեկտեմբերի 1918 թ.:
67. Ալիք, 28 ապրիլի 1985 թ.:

ԲՈՒՆԱԳԱՂԹԸ ԲՆԱԶՆՁՈՒՄ ԷՐ

Թուրքական ռազմիկի «Հայկական թղթապանակ» հաղորդաշարի 1984 թ. նոյեմբերի 11-ի թողարկման մեջ ասվում է. «Ի՞նչ է նշանակում տեղափոխման հրամանը, որը մեր օրերում սրպես պատրվակ օգտագործում են հայ ահաբեկիչները: Օտար լեզուներում այս դեպքի համար օգտագործվում է «դեպորտեյշն» (վճռել, աքսորել, հեռացնել) բառը: Բայց այս բառն իրականում նշանակում է աքսորել: Իսկ տեղափոխում (թահիր) բառը թուրքերենում հենց բնակչության վայրը փոխելու իմաստ ունի: Օրինակ, Կեպանի ամբարտակը կառուցելու ժամանակ լճի տարածքում բնակվող բնակչությանը այլ շրջաններ, այսինքն՝ նրանց իրենց բնակավայրերից մի այլ տեղ տեղափոխեցին... Սա է տեղափոխման բառի իսկական իմաստը և այն կիրառվեց հայերին այլ վայրեր տեղափոխելու ժամանակ»:

Սա է Հայկական հարցի «ճարտարապետների» օգտագործած «դեպորտեյշն» բառը: Բայց ինչու՞ հայերի նկատմամբ իրականացվեց այդ տեղահանման քաղաքականությունը: Որովհետև, բարբառում է հաղորդման հեղինակը, «չնայած հայերը օսման»

յան քաղաքացիություն ունեին, բայց իրենց այնպես էին պահում, կարծես ռուսներ լինեին...»

Շարունակելով կեղծել պատմական իրադարձությունները, թուրքական ռազմիկ հայտարարում է. «Իսկ ինչ վերաբերում է հայերի տեղափոխմանը, ապա դա ոչ թե նրանց պատժելու, այլ ռազմական գործողությունների շրջաններից հեռացնելու միջոցառում էր... Հայերը ռազմաճակատի թիկունքում մեծ գործունեություն ծավալեցին և օսմանյան ռազմական միավորումներին երկու կրակի մեջ դրեցին: Այդ գործը պետք է դիտվեր որպես դավաճանություն, իսկ դրա կազմակերպիչները պետք է գնդակահարվեին: Բայց օսմանյան կառավարությունը նրանց չպատժեց, այլ հեռացրեց ռազմական գործողությունների շրջաններից՝ նրանց կյանքի և ունեցվածքի անվտանգությունն ապահովելու նպատակով»:

... Ճիշտ է, հայերին տեղափոխելու ժամանակ նրանց ունեցվածքի վրա հարձակումներ եղան, բայց ինչ վերաբերում է նրանց սպանությանը, ապա դա սուտ է: Սուտ է նաև..., որ թուրք բնակչությունն ու բանակը սպանել են հայերին»:

... Բայց հակաթուրքական պրոպագանդա ծավալվեց, որի մեջ զրպարտվում էր, որ հայերը ենթարկվել են ցեղասպանության: Նույնիսկ զրպարտեցին, թե սպանվածների թիվը հասնում է 1 միլիոնի: Այդ թիվը 1915 թ., ըստ նրանց զրպարտությունների, հասնում էր 300 հազար մարդու, սակայն հետազոտյում բազմապատկվեց և 1980 թ. հասավ 2 միլիոնի»:

«Իրականում որոշ մարդիկ սպանվել են տեղափոխությունների ժամանակ, նրանցից ոմանք մահացել են հիվանդությունից, իսկ մյուսները՝ ճանապարհների դժվարության պատճառով: Որոշ մարդիկ էլ սպանվել են 1914—1916 թթ. ըմբոստությունների ժամանակ: Կայսրությունում ծաղիկով ու տիֆով տառապում էին 500—600 հազար մարդ: Անդրանիկի ղեկավարած կամավորական զինվորը 1915—1918 թթ. սպանեցին ավելի քան 600 հազար մարդ: Տեղափոխման ենթարկված հայերից զոհվել են ոչ ավելի քան 100—200 հազար մարդ»:

«Եվ իրոք, որոշ մարդիկ (թուրքեր), որոնք սպանություններ կատարեցին, օսմանյան իշխանությունների կողմից պատրժվեցին: Երանի պատժվեն նաև այն հայերը, որոնք սպանեցին թուրքերին»:

Ահա այսպես. ոչ թե բռնազաղթ, այլ տեղափոխություն, ոչ թե

ոչնչացում, այլ իշխանությունների պաշտպանության ներքո տարագրություն: Իսկ ո՞րն էր իրականությունը, ո՞րն էր երիտթուրքերի նպատակը:

«... Ամբողջ հայ բնակչությունը,— գրում է Յո. Լեփսիուսը,— տեղահանվեց բարձրագույն հրամանով դեպի Միջագետք, անապատի հյուսիսային և արևելյան ծայրերը՝ Գեր Ջոր, Ռակկա, Մեսքենե, Ռաս ուլ-Այն, մինչև Մոսուլ: Տեղահան եղավ մոտավորապես 1,4 միլիոն հայ...»

Ի՞նչ է նշանակում այս: Թալեաթի ստորագրած հրամանագրի մեջ ասված է. «Տեղահանության նպատակը ոչնչացումն է»: Եվ գործը համաձայն այս հրամանագրի առաջ տարվեց. տեղահանված ամբողջ բնակչության միայն 10 տոկոսն աքսորավայր հասավ, մնացած 90 տոկոսը ճանապարհին սպանվեց, կանանց և աղջիկներին առևանգեցին ոստիկաններն ու քրդերը, մնացածը մեռան սովից և ուժասպառությունից: Անապատ հասածները «ոչնչացան մեծ մասամբ սիստեմատիկ սովով ու ջարդերով... Նրանք խումբ-խումբ տարվում էին անապատ ու այնտեղ մորթվում»¹:

Յո. Լեփսիուսի խոսքը ոչ թե զգացմունքային պոռթկում է, այլ կատարվածի ճշգրիտ բնութագիր: Տեղահանությունը զանգվածային ջարդ էր, կոտորած, բռնագաղթը բնաջնջում էր, մի ամբողջ ժողովրդի ոչնչացում, ցեղասպանություն: Ո՞րն էր համիդյան ջարդերի և երիտթուրքական կուսակցության որդեգրած բռնագաղթի տարբերությունը: Համիդյան ջարդերը, որպես կանոն, տևում էին 4—6 օր, ամենաշատը մեկ շաբաթ: Գազազած ամբողջը, հագեցնելով արյան իր ծարավը, ընկնում էր թալանի ու կողոպուտի հետևից, որի շնորհիվ շատերին հաջողվում էր փրկվել:

Այլ բան էր բռնագաղթը. այն նման էր տևական երկրաշարժի, որից ոչ ոք ազատվել չէր կարող: Յուրաքանչյուր հայի համար դա տևում էր այնքան, քանի դեռ նա չէր սպանվել սրով կամ չէր կացնահարվել ու գնդակահարվել, կամ սովից ու ծարավից մեռել, կամ այրվել ու գանակոծվել:

Գերմանական «Ի վեստդեուշե Լանդեսցայտունգ» թիոթը 1921 թ. մարտին գրեց. «Իրականում ի՞նչ է նշանակում 1,4 միլիոն տղամարդկանց, կանանց և երեխաների տարագրումը: Հստ թուրքական կառավարության ցուցմունքների և խոսքերի՝ խաղաղ և օրինական փոխադրում նոր բնակավայր, բայց իրա-

կանում ժողովրդի ողջ ունեցվածքի կողոպուտ, արական սեռի ջարդ, երիտասարդ կանանց և աղջիկների արգելափակում թուրքական հարեմներում և քրդական գյուղերում, երեխաների վաճառք գերիների շուկայում և մնացածների շարատանջ մաս՝ հիվանդությունների ու սովի միջոցով... Մոտավոր հաշվումներով 800 հազար մարդ է զոհվել սիստեմատիկ ջարդերից ու սովից: Քաղցը և հիվանդությունները լրացրին թուրքական զենքի սկսած գործը: Եվ վստահորեն կարելի է ասել, որ այն, ինչ գործադրվեց հայ ժողովրդի դեմ, պատմության անցած դարերում նմանը չի եղել: Մարդուղակի անկարող է հավատալ, որ նույնիսկ XX դարում մեր հողագնդի վրա հնարավոր է մի ամբողջ ժողովրդի ոչնչացում նման զարհուրելի պայմաններում»:

«Օտարերկրացի մի ականատես,— գրում է Ֆ. Նանսենը,— ասել է. «Տեղահանությունը հոմանիչ է սպանությունը»: Իրականում այն անհունորեն ավելի վատթար էր, քան սպանությունը: Բիրտ մահվան փոխարեն զոհերը դատապարտված էին ամենաանմարդկային տանջանքների, և արդարացնելու համար անարդարանալի, բարբարոս և ստոր արարքները, իշխանությունները անպատկառորեն դրանք որակում էին «ազմական անհրաժեշտ միջոցառում»: Հունիս—օգոստոս ամենաշոգ եղջևակին բուրբ վիլայեթներից ու քաղաքներից դեպի հարավ, դեպի անապատ շարժվեցին մահվան թափոնները»²:

Այո, դրանք ոչ թե տարագրության քարավաններ էին, այլ մահվան թափոններ:

Գերմանացի մի ականատեսի վկայությամբ «18 հազար հայ տեղահանվեց Խարբերդից ու Սեբաստիայից, 350 հոգի միայն հասան Հալեպ, 19 հազար հայ տեղահանվեց էրզրումից, 11 հոգի կենդանի մնաց»³:

Լեփսիուսը վկայում է, որ աքսորականների 2/3-ը շնչասպառ ընկավ ճանապարհին, մյուսները՝ կիսամերկ, կմախքացած ուրվականներ, հասան Սիրիա և Միջագետք, անապատ քշվելու և այնտեղ անլուր տանջանքներով մահանալու համար: Դատապարտվածների շարքերը քայլում էին ամիսներ շարունակ և, երբ հասնում էին ճանապարհի ծայրին, կանգ չէին առնում: Նրանք անվերջ քայլում էին: «(Բռնագաղթվածների) ճամբարները անընդատ դատարկվում ու լցվում էին: Կանխամտածված և հոռի դիտավորությամբ դժբախտներին թողնում էին, որպեսզի մեռնեին անօթևան ու քաղցած, եթե չմեռնեին, նրանց կմեռցնեին»:

Տիֆը, այս պարհուրելի հիվանդությունը, սրի դաշնակիցն էր: Դիակները դիզվում էին ճանապարհի երկայնքով և ապականում էին օդը»⁴:

էրգրումում գերմանական հյուպատոս Շոյբները Վանզենհեյմին գրում է. թուրքերը խոստովանում են, որ իրենց նպատակը հայերի բնաջնջումն է: «Եվ որովհետև այդ նպատակին չի կարելի հասնել զանազան բռնությունների միջոցով, այստեղ հույս ունեն, որ մինչև Միջագետք երկարատև ճանապարհի զրկանքներն ու անսովոր կլիման կավարտեն ամեն ինչ: Հայկական հարցի այս «լուծումը» իդեալական է համարվում ծայրահեղ ուղղության բոլոր կողմնակիցների կողմից, որին պատկանում են գրեթե բոլոր ռազմական և կառավարական պաշտոնյաները»⁵:

Կոնիալում բնակվող մի խումբ գերմանացիներ 1915 թ. օգոստոսի 16-ին դիմում են Կ. Պոլսի գերմանական դեսպանին՝ «... Եվ այսպես, ձեռնարկված բոլոր միջոցառումները, հավանաբար, կհանգեցնեն հայերի լրիվ ոչնչացման»:

Այս անմարդկային վերաբերմունքը անջնջելի խայտառակության կնիք է համաշխարհային պատմության մեջ ոչ միայն թուրքերի, այլ նաև մեր՝ գերմանացիներիս համար...»⁶:

Հալեպի գերմանական դպրոցի ուսուցիչները գերմանական կառավարությանը բողոքի դիմում գրեցին հայերի շարժերի դեմ: Այդ դիմումում կան հետևյալ տողերը. «Բռնագաղթի նպատակը հայ ժողովրդի գլխովին ոչնչացումն է: Այս դիտավորությունը հստակ երևում է այնպիսի փաստից, որ կառավարությունը հետևողականորեն դիմադրում է երկրում գտնվող բոլոր այն միսիոներներին, գթության քույրերին և մյուս եվրոպացիներին, որոնք ձգտում են օգնել հայերին: Եվեյցարացի մի ինժեներ դատի տրվեց գաղթվող հայերի քարավանին հաց բաժանելու համար»⁷:

Հալեպի կուսակալ Ջելալ բեյը «Վագիթ» թերթում հայտարարություն տպագրեց, որն արտատպվեց «Լա ռենեսանսի» 1918 թ. դեկտեմբերի 13-ի համարում: Այդ հայտարարության մեջ ասված է. «Հայերի տեղահանությունը սկսվեց ամենուր: Սկզբում մենք Կոնիա ուղարկեցինք այն հայերին, որոնք բոլոր կողմերից (Հալեպ) էին հասնում»:

Իսկույն (Կ. Պոլսից) հրաման ստացանք՝ նրանց Դեր Ջոր ուղարկել:

Խոստովանում եմ, ես չէի հավատում, որ այս հրամաններն

ու գործողությունները հայերին ոչնչացնելու նպատակ էին հետապնդում: Որովհետև չէի կարող ենթադրել, որ մեր կառավարությունը երբեկից կարող կլինի այս ձևով բնաջնջելու իր իսկ հպատակներին...

Եվ այդ պատճառով հեռագիր ուղարկեցի ներքին գործերի նախարարին, Ֆինանսներ խնդրեցի՝ բնակարաններ կառուցելու և նրանցում տեղահանված հայերին տեղավորելու... Կառավարությունում ոչ ոք չուզեց լսել իմ խորհուրդը...

Այս հայտարարությունս կրկնեցի Կոնիայի պատգամավորներին... Դեպուտատներից մեկը մայրաքաղաքից վերադարձին ինձ հաղորդեց կենտրոնական կոմիտեի անդամներից մեկի (Նալմ բեյի) հանձնարարականը, թե այս միջոցառումները որոշվել են կոմիտեի հանգամանալից քննարկումից հետո, որ դրանք չէին կարող որևէ փոփոխության ենթարկվել, հայերի տեղահանությունը մասն է կազմում (թուրքական) ազգային իդեալի. ես ևս պարտավոր էի այս իդեալին դոհել իմ անձնական համոզմունքները»⁸:

«Հատիսաթ» օրաթերթը նույն օրերին գրեց. «Կոտորածների հեղինակները կառավարությանը ստիպեցին պատրաստել և հրատարակել տեղահանության օրենքը և իրականացնել կոտորածի գործը»:

Իսկ «Իսթիքլալը» գրել է. «Առաջին համաշխարհային պատերազմը մեղանում առաջացրեց ամենաբարձր աստիճանի անասնական և անբարոյական ոգի»⁹:

Ենզղատ գավառի Պողազլյան քաղաքի պարևո, գնդապետ Մուստաֆա բեյը Կեսարիայի 15-րդ զորաբաժնի հրամանատար Շեհապեդդին բեյին 1915 թ. հուլիսի 24-ին գրում է, որ Պողազլյանի կայմակամ Քեմալ բեյի հրամանով 300, մի այլ անգամ 1,5 հազար և 3,6 հազար հայ է կոտորվել: Շեհապեդդինը այդ հաղորդագրությունը նույնությամբ հայտնում է 5-րդ բանակի հրամանատար Խալիլ բեյին, իսկ վերջինս՝ էնվիր փաշային: Այս հեռագրերի իսկությունը ամբողջապես հաստատվեց դատավարության ժամանակ: Դատարանում Խալիլ բեյը նույնպես հաստատեց նման հեռագրերի հավաստի լինելը, և ապա ընթերցվեց № 207 հեռագիրը: Ահա այդ հեռագիրը.

«Անկարայի զորաբանակի հրամանատարությանը.

Պատիվ ունեմ հայտնելու, որ Պողազլյանի կայմակամի հրամանով մինչև հիմա Պողազլյանի և շրջակա գյուղերի հայե-

րից 3660 հոգի կոտորված է զինվորական կազմի հրամանատարի հաղորդագրության համաձայն:

23 հուլիսի 1915 թ.»¹⁰,

1915 թ. փետրվարի 19-ին Կեսարիայի զինվորական գնդի հրամանատար Խուլիսի բեյը Եազը Զինի գիշերապահ կայանի հրամանատարին հեռագրում է. «Ձեր իրավասության սահմաններում մատնություն անող մի շարք լրտես հայեր տեղահանված են, այսինքն՝ կոտորածի իմաստով: Իսկ զորաբանակի հրամանատարը մոտավորապես նույն շրջանից դիակները մինչև հաջորդ կեսօր հավաքելու հրաման է տվել: Պողազլյանի կայմակամ բեյի հրամանով հանձնարարվում է դիակները ծածկել ժողովրդի ուժերով»¹¹:

1919 թ. փետրվարի 4-ին ռազմական դատարանի նախագահը Եոզղատի կուսակալին հեռագրեց. «Զինայրերի (ժանդարմների) նախկին հրամանատար Թեվֆիգ բեյը 150 ընտանիքից բաղկացած 6—700 բնակչություն ունեցող Գում Գույու հայկական գյուղի շուրջը վառելանյութ է դիզել տվել ու այնտեղ գտնվող անձերին այրել և այրել է տվել, օրոքոցի մեջ ողջ մնացած մանուկներին կտոր-կտոր է արել և կտոր-կտոր անել է տվել, ինչ-որ հանրածանոթ եղելություն է: Այս պատճառով շատ ենք խնդրում, բարեհաճեք հեռագրով մեզ ուղարկել կատարված քննության փաստաթղթերը...»¹²:

Եոզղատի կառավարիչ Զեմալ բեյը 1918 թ. դեկտեմբերի 18-ին դատարանում հայտարարեց. «Թեև քաղաքացիական իշխանություններին արդեն հրաման ուղարկվել էր հայերի տեղահանության և քրտորի առնչությամբ՝ այդ հրամանը կասկածելի անհատների մասին էր, մինչդեռ զինվորական իշխանությունների հրամանն ընդգրկում էր, առանց խտրության, մանուկների, կանանց ու տղամարդկանց տարագրություն:

... Եոզղատ քաղաքից և շրջակա գյուղերից տեղահանված հայ քարավանները կոտորվեցին ու բնաջնջվեցին ոստիկանների, հրոսակների ու ժողովրդի կողմից»¹³:

1915 թ. հուլիսի 26-ին Եոզղատի 472 հայերի քարավանը տարագրվեց և օգոստոսի 6-ին Սեբաստիայից 4 ժամ հեռավորության վրա գտնվող Գարտաշարի ձորում շարվեց:

Դիակները նետվեցին գետը:

Եոզղատի կառավարիչ Քեմալ բեյի կողմից տեղահանված հա-

յերի մեծ մասը կոտորվեց ու բնաջնջվեց, նրանց ունեցվածքն ու արժեքավոր իրերը կողոպտվեցին»¹⁴:

Եոզղատի հայերի տեղահանության ու կոտորածի դատավարության ժամանակ 1919 թ. փետրվարի 5-ին Քեմալ բեյի ու Թեվֆիգ բեյի փաստաբանները հաստատեցին. «Հայերի աքսորի հրամանը տրված էր նախարարների խորհրդի որոշումով, որը կայսերական իրադեյուվ վավերացված էր, իսկ պաշտոնեություն կենտրոնը այդ հրամանն է, որ գործադրեց»¹⁵:

Նույն դատավարության ժամանակ հաստատվեց, որ Քեմալ բեյը հոխորտացել է. «Մենք հայերին բնաջնջելու բացարձակ հրաման ունենք: Մուամերին (Սեբաստիայի կուսակալ), Ռեշիտին (Տիգրանակերտի կուսակալ) և ինձ բացարձակ հրաման է տրված, և ես որևէ այլ հրաման չեմ ընդունում»¹⁶:

Հայոց կոտորածը, — գրում է տեղահանությունների կազմակերպման անմիջական մասնակից Նայիմ բեյը, — մինչև օրս համաշխարհային պատմության մեջ արձանագրված զարհուրելի դեպքերից ոչ մեկին չի նմանվում: Թուրքիայի լայնարձակ տարածքի որ անկյունում էլ փնտրես, որ ամենամութ խորը խուզարկես, կգտնես ամենամեծ ձեռք խողոված հայերի դիակներ ու կմախքներ: «Հինգ-վեց նահանգների մոտավորապես մեկ միլիոն բնակչությունը տեղահան էր լինում: Մինչև իրենց քսոտրավայրն էին հասնում, յուրաքանչյուր քարավանից հազիվ 100—150 կին ու երեխա էր մնում: Դա ապացույց էր, որ նրանց կոտորելով էին արտաքսում»¹⁷:

«Մի մեծ ազգ իր կանանցով և երեխաներով մահվան էր դատապարտված»¹⁸:

Թալեաթի նախաձեռնությամբ Հալեպի տարագրության վարչության պետ նշանակված Ա. Նուրիի կարծիքով, հայերին բնաջնջելու միջոցներից «լավագույնը հայ գաղթականներին զբրկանքի և ձմռան սառնամանիքների ենթարկելն է, այդ միջոցով նրանց մեռցնելը, որն ապագայում հնարավորություն կտար առաջ մղելու նրանց բնական մահով ոչնչանալու թեզը... 10—15 հազ. հայ գաղթականի մի տեղում կենտրոնացնելով, իհարկե, շուտով նրանք սովի, զրկանքի և հիվանդությունների պետք է ենթարկվեն...»¹⁹:

Սկսվեց համաճարակը, որին կուլ էին գնում ոչ միայն հայերը, այլ նաև Միջագետքի ողջ ազգաբնակչությունը: Եվ երբ այդ կապակցությամբ Նայիմ բեյը անհանգստություն արտա-

հայտեց, Նուրի բեյը պատասխանեց, որ անհանգստանալու հարկ չկա, որովհետև «այդ ձևով միանգամից ոչնչացնում ենք երկու վնասակար տարրերի. հայերի հետ սատկողները արաբները չե՞ն: Մի՞թե դա վատ է: Թուրքերի ապագայի ճամփան է հարթվում»²⁰:

Ռաս ուլ-Այնի կայմակամ Ե. Զիյա բեյի խնդրանքին՝ գաղթականների տեղաշարժը դադարեցնելու մասին, որովհետև ճանապարհին ամեն օր 5—600 մարդ էր մեռնում, ստացվեց հետևյալ պատասխանը. «Առաքումներն արագացրեք, որովհետև այդ դեպքում նրանք, ովքեր անկարող են մեկնել, քաղաքից մի քանի ժամ հեռանալով կրննան, կմեռնեն և գավառակը թե՛ ողջերից, և թե՛ մեռածներից կազատվի»²¹:

Ռաս ուլ-Այնի վրանների տակ պատասպարվել էր 50 հազ. հայ գաղթական: Վանի, Մուշի և Բիթլիսի հայությունը կոտորելուց հետո Զեվդեթ բեյը նշանակվում է Ադանայի կառավարիչ: Ծանապարհին, անցնելով Ռաս ուլ-Այնով, նկատում է վրաններ: Իմանալով, որ դրանք հայերի վրաններն են, Զեվդեթը բղավում է. «Այդ շները դեռ կենդանի՞ են», և հրամայում է բռնորոն ոչնչացնել: Երբ կայմակամը հրաժարվում է այդ հրամանը կատարելուց, Զեվդեթ բեյը բղավում է. «Ուրեմն չգիտե՞ս թե կառավարությունը ինչ ծրագիր է հետապնդում»:

Զիյա բեյը աշխատանքից վտարվեց, և Ռաս ուլ-Այնի նոր կայմակամ նշանակվեց Ք. Ռեֆի բեյը, որն անմիջապես իրագործեց Զեվդեթի հրամանը²²: Այդ հրեշավոր գործի իրականացումը գլխավորելու համար Հալեպից եկել էր բռնագաղթի գրասենյակի ղեկավարներից մեկը՝ Ազիլ բեյը, որը, բռնագաղթվողներին ոչնչացնելուց առաջ, նրանց հիմնավորապես թալանեց և ջարդարարներին ցուցում տվեց. «Զլինի թե թեկուզ մեկ հոգու ողջ թողնեք. փոքրերին, նույնիսկ մինչև 7—8 տարեկաններին, ջարդեք անխնա, որովհետև, եթե ողջ թողնեք, վաղը դրանք կելնեն և մեզանից վրեժ կլուծեն»²³:

Որ բռնագաղթը նշանակում էր հայերի բնաջնջում, վկայում է նաև Պապի կայմակամին Հալեպի դատախազի հետևյալ հեռագիրը. «Նույնիսկ ոճրագործության համար դատապարտված կամ մեղադրված ու ոստիկանության կողմից ձերբակալված հայերին բանտերում մի պահեք, անմիջապես առաջ ուղարկեք», այսինքն՝ տարագրեք²⁴:

Հալեպից ստացված հրամանը ժանդարմներին հանձնարա-

րում էր. «... Ծանապարհների վրա սոված ու ծարավ թողնելով հնարավորին չափ պակասեցնել գաղթականների թիվը»²⁵:

Նուրի բեյը դրան ավելացնում է. «Գաղթականների առաքման կապակցությամբ ձեր կողմից ցուցաբերվող խստությունն ու արագությունը կարող են իրականացնել այն նպատակը, որ հետապնդում ենք: Միայն պետք է ուշադրություն դարձնեք, որ ճանապարհներին դիակներ չմնան... Փոխադրության միջոցներ հայթայթելով մի զբաղվեք: Գաղթականները հետիոտն էլ կարող են գնալ:

Այս օրերին մեզ ուղարկված շաբաթվա (ընթացքում) մահացածների ցուցակը գոհացուցիչ չէ: Նրանից երևում է, որ այդ մարդիկ (հայերը) այդտեղ շատ հանգիստ են ապրում: Գաղթականների առաքումը չպետք է ճանապարհորդության նմանվի: Բողոքին ու ողբին կարևորություն չտաք: Եվ ապա՝ «Պապ գյուղաքաղաքը հայ գաղթականներից պարպելու կապակցությամբ կատարվելիք խստությունները հետապնդման շպետք է ենթարկվեն»²⁶:

Այս հրահանգի համաձայն, ոստիկանությունը 24 ժամվա ընթացքում Պապից դուրս բռնեց հայերին. «Եղանակը ձմեռ, ոտքից գլուխ մերկ. այս վիճակի մեջ ճամփա հանելով (հայերը) ճանապարհների եզրերին ընկնում մեռնում էին: Պապից մինչև Մեսքենե ճանապարհի երկարությամբ արտերը հայերի դիակներով լցվեցին»: Բայց սա էլ Նուրի բեյին քիչ էր թվում:

Մի քանի օր անց նա անձամբ գնաց Պապ, որտեղ «ամենազարհուրելի տեղահանությունը կատարվեց՝ վրանները այրելով և գաղթականների վրա զենք պարպելով: Մեկ օրվա ընթացքում էյուբ բեյը 17,5 հազ. գաղթական բռնեց առանց կառքի, առանց ջորու, հետիոտն, անձրևի տակ: Հարյուրավոր հիվանդներ լեին կարողանում քայլել և ընկան մեռան, և նրանց դիակները մնացին ցեխի մեջ»²⁷:

Մեսքենեում կուտակված հայերի ոչնչացումը կազմակերպելու համար, Նուրի բեյը ողջերթ ասաց Նայիմ բեյին. «Այդ մարդկանց (հայերին) կենդանի չթողնես. հարկ եղած դեպքում քո ձեռքով սպանիր: Նրանց սպանելն էլ զվարճություն է»²⁸:

«Մեսքենեի և Սպուհարրարի միջև գտնվող Տիբսի կողմած կայքը, — գրում է Նայիմ բեյը, — ամենախոշոր եղեռնավայրերից մեկն էր: Մահվան դատապարտվածներն այնտեղ սպանվում և գետն էին նետվում: Մեսքենեի մի ծայրից մյուսը կմախք-

ներով էր լցված: Պարզապես ոսկորների արտի տեսք էր ստացել:

Միայն Հալեպից Ռաս ուլ-Այնի և Մեսքենեի ճանապարհով ուղարկվեց 200 հազ. հայ և այս մեծ թվից միայն 5—6 հազարը կարողացավ ողջ մնալ: Երեխաներին Եփրատը զցելով մեռցրին: Կանայք, զանազան ճանապարհների վրա, ժանդարմների և ժողովրդի խժոժություններով վայրենաբար սվիհենբրով կամ հրազենով սպանվեցին»²⁹:

Երբ տարագրության քարավանների մնացորդները Դեր Զոր հասան, ներքին գործերի մինիստրությունից հեռագիր ստացվեց. «... Նախորդ հրահանգի համաձայն գործել սկսեք և շտապեք»:

Երկու օր անց սկսվեց ջարդը, որին զոհ գնաց 200 հազ. մարդ: Սասունի ջարդարար Զեքի փաշան, որ նոր էր նշանակվել Դեր Զորի կառավարիչ, հայերին քշեց Մարաթի և Սուվարի անապատները, «և որովհետև հնարավոր չէր այդ ողջ բազմությունը սպանելով վերջացնել, ստեղծեց արհեստական սով, որի ընթացքում մարդիկ նախ էշեր, շներ, կատուներ կերան, հետո ձիու և ուղտի դիակներ. ավելի ուշ, երբ այլևս ուտելու բան չմնաց՝ մարդկային դիակներ, առավելապես փոքրիկ տղաների դիակներ: Գրանք արդեն դիվահարների քարավաններ են, որոնցում կարելի է տեսնել սոսկումի այնպիսի տեսարաններ, որոնք իրենց նմանը չունեն մարդկային տարեգրության մեջ»³⁰:

Երիտթուրքերին դատելու համար ստեղծված հետաքննող հանձնաժողովն ու ռազմական դատարանն ապացուցեցին, որ տեղահանությունն ու կոտորածը երիտթուրքերի թե առօրյա խոսակցության մեջ և թե պաշտոնական փաստաթղթերում նույն նշանակությունն ունեին՝ թանջիւր կամ սեվֆիյաթ բառերը նույն իմաստով էին օգտագործվում:

1918 թ. հուլիսի 22-ին Պողազլյանի զորքի հրամանատարը ծածկագիր է հղում Անկարայի 5-րդ զորաբանակի հրամանատար Խալիլ Ռեչայի բեյին. «Պատիվ ունեմ հայտնելու Ձեզ, որ այս գիշեր գյուղերից ու ավաններից ձեռք զցված կասկածելի 14 հայեր ուղարկվեցին իրենց ախտաբանները»: Խալիլը ավելի որոշակի պատասխան է պահանջում: Նույն օրը ստացվում է պատասխանը. «... վերահիշյալ հայերը կասկածելի լինելու համար զինվորական տասնապետ Հ. Ավնիի հոգացությունը ջարդվել են»³¹:

Սազղատի հազարապետ Սալիմ բեյը դատարանում ցուցմունք տվեց. «Հայկական գյուղերի վրա զինվորական վաշտի հրամանատար Թեվֆիզի կատարած արշավանքների ընթացքում բազմաթիվ հայեր սպանվեցին առանց որևէ պատճառի... Սարը Համզե՝ ի դեպքերի ընթացքում 13 հայ սպանվեց և 5 ուրիշներ վիրավորվեցին... (Նա) Չափանլիի մոտ սպանել տվեց այն հայերին, որոնք բանտարկված էին...»

Առաջին քարավանի առաքման ընթացքում 472 տեղահանված հայեր սպանվեցին Սերաստիայի կուսակալ Մուհամեթ բեյի հրամանով... Ինքն իսկ որոշեց ընկերանալ քարավանին և հարկադրեց նրանց (հայերին) հասարակական փոս փորել՝ Ինչե Չայրում տարագրվածներին կոտորելու և թաղելու համար...

Ինքը (Քեմալ բեյը) ու իր արբանյակները գործեցին ս.մ.ն տեսակ խժոժություններ և գարշելի արարքներ: Նրանք ամենուրեք պարծանքով կրկնում էին, թե իրենց ոճիրները ավելի հետոսական ու փառավոր գործեր էին, քան արքայության բնակիչ սուլթան Սելիմ Նավուզի աշխարհակալությունները»³²:

Թուրքական «Հատիսաթը» Տիգրանակերտի կուսակալ Ռեշիդ բեյին մեղադրում էր. «50 հազարից ավելի կանանց, տղամարդկանց, պատանիների, անմեղ ժողովրդի սպանելու, 30 հազար ոսկի և զարդեղեն կողոպտելու մեջ»:

Թուրքիայի ներքին գործերի մինիստր Քեմալ բեյի կարծիքով, «և թե աշխարհի վրա մեր բոլոր թշնամիները միավորվեին մեր դեմ ու ցանկանային մեզ (եղեռնի) նման մեծագույն կորուստ պատճառել, չէին կարողանա: Հանրային հարստության գրեթե քառորդը հայերի ձեռքում էր: Հայերն իրենց ձեռքում էին պահում երկրի վաճառահանություն և արդյունագործության գրեթե կեսը: Բնաջնջել հայերին՝ համագոր էր կայսրության քանդումին»³³:

«Ստամբուլ» թերթը 1919 թ. նոյեմբերի 10-ին տպագրեց հայերին կոտորելու մասին Թալեաթի հեռագիրը, իսկ «Թայմսը»՝ այդ փաստաթղթի լուսանկարը: 1919-ի հունվարի 24-ին պարբերականը գրեց. «Բացահայտ կերպով հաստատվում է, որ կոմիտեի (Իթթիհադի) կառավարությունը ծրագրել էր մի ամբողջ ազգի բնաջնջումը»:

Այի Քեմալը, դիմելով հայերի հասցեին մեղադրանքներ շարժող պառլամենտականներին, գրում է. «Ոչ, հայերը թուրքերի նկատմամբ նման բռնություններ չեն գործադրել, հայ վարչա-

պետները, հայ նախարարները, կուսակալներն ու պաշտոնյաները պաշտոնապես ու կանոնավորապես թուրքերին նահանգից նահանգ շրջեցին և ճանապարհին բարբարոսաբար շսպանեցին»³⁴:

1919 թ. ապրիլի 24-ը Թուրքիայում հայտարարված էր սգո օր:

1919 թ. մայիսի 2-ին «Թայմսը» գրեց. «Ինչ որ ասվեց և ասվում է հայկական սարսափների մասին, ամենևին չափազանցություններ չեն:

Դրանք հիմնված են անգլիական պաշտոնական տվյալների վրա»:

«Սաբահ» թերթը մի քանի հարց մեղադրանք է ներկայացնում երիտթուրքական կառավարության արդարադատության նախարար Ց. Իբրահիմ բեյին. «Երիտասարդ թուրքերի կուսակցության հրոսպետների ժողովատեղում ընդունված որոշման համաձայն չէ՞ր, որ բանտերից ազատ արձակել տվիր ամենից սարսափելի ոճրագործներին միակ նպատակով՝ հայերին իրենց բնակարաններից արտաքսելու համար և հակառակ նրանց բացարձակ անմեղության, բնաջնջել տվիր վայրագությունը:

Մի՞թե դու չէիր, որ կազմակերպեցիր վայրենի հրոսակներ ամենավայրագ ոճրագործներից, որոնք կ. Պոլսի կենտրոնականի գաղտնի կալանավորներն էին, միևնույն ժամանակ հրամաններ հղելով գավառները (բանտերից ոճրագործներին ազատ արձակելու մասին):

Մի՞թե դու չէիր, որ քո տիրոջ՝ Թալեաթի հետ համաձայնվելուց հետո հրամաններ և հրահանգներ տվեցիր անմիջապես պաշտոնազրկելու հայ պաշտոնյաներին այն վայրերում, որտեղ պետք է տարագրվեին և բնաջնջվեին հայերը...

Մի՞թե դու չէիր, որ հրճվում էիր հայ ժողովրդի սպանդի տեսարանի առջև, որ գործադրվում էր կացնի, ուրագի և բրիչի հարվածներով»³⁵:

«Ալեմդարը» 1919-ին գրեց Թալեաթի ու նրա գործընկերների մասին. «Կախեցին, սպանեցին, աքսորեցին, մորթեցին և միևնույն ժամանակ հայերին մորթել, աքսորել և սպանել տվին: Նրանք կրկնակի մարդասպաններ են, որովհետև սպանելու հրաման արձակեցին և սպանեցին»³⁶: Իսկ Յուազ բեյը նրանց հասցեին ասաց. «Երկիրը ոճիրների թատերավայր դարձրին»³⁷:

1918 թ. երիտթուրքերի կառավարությունը հայտարարվեց

օրենքից դուրս, իսկ նրա ղեկավարները դատի տրվեցին երկու գլխավոր մեղադրանքով՝ Թուրքիան պատերազմի մեջ ներքաշելու և հայ ժողովրդին բնաջնջելու համար: Այսինքն՝ թուրքական կառավարությունը պաշտոնապես ճանաչեց եղեռնի փաստը:

Երիտթուրքերի պարագլուխների 1919 թ. դատավարության առթիվ «Թյուրքի Ստամբուլ» թերթը գրեց. «Իթթիհադական պարագլուխների ձեռքակալությունն ամեն կերպ արժանի է գնահատության: Արդարև ի՞նչ կա ավելի ուրախալի, քան տեսնել արդարության ձեռքը հանձնված հայրենիքի այն դավաճաններին, որոնք առաջնորդեցին երկիրը դեպի անկումի խորխորատները, ոտնակոխ արեցին երկրի արժանապատվությունը, բռնաբարեցին պատիվներ, խոշտանգեցին, կողոպտեցին, մի խոսքով գործեցին ամեն տեսակի գազանություններ»^{37ա}:

Այդ նույն ժամանակ «Թասֆիրի իքբեար» թերթը գրեց.

«...Փրանսիացիները իրենց ինդանոթներով, գնդացիներով ու հրացաններով այնքան գերմանացի են սպանել, որքան թուրքերը՝ հայ»³⁸:

1919 թ. դատավարության «ընդհանուր դատախազ» Ֆերուդին բեյի հրապարակած մեղադրական եզրակացությունում կարդում ենք. «Իթթիհադ վե թերաքին» է հեղինակը շարիքների այն շղթայի, որ սկսվում է սահմանադրության հրապարակումից հետո, և որը պարունակում է ջարդի, ավերումի, հափշտակության և թալանի նման սև ու արյունոտ իրողություններ:

Օսմանյան պետությունը շատ ավելի վնասվեց ընդհանուր պատերազմի ընթացքում կատարված ներքին ջարդերից ու շահատակություններից, քան ռազմաճակատում թափված օսմանցի քաջերի արյունից: Զարդի և շահամուլության նման գազանային և ստոր ոճիրները, դժբախտաբար, վերագրվում են Իթթիհադի ընդհանուր կենտրոնին՝ և՛ այդ կուսակցության բոլոր անդամներին, և՛ «Թեշքիլաթը Մախսուսեին», և՛ այն անձանց, որոնք այսօր դատի են կանչված ոչ թե որպես նախարարներ և պաշտոնյաներ, այլ իբրև Իթթիհադի կենտրոնի և ընդհանուր ժողովների անդամներ: Արդարությունն է միայն, որ պետք է կարողանա մաքրել արյունի այն բծերը, որոնք մի սև խարան դարձան օսմանյան ճակատին: Ահա այս բիծը մաքրելու համար է, որ այսօր աշխատում ենք»³⁹:

Տրապիզոնի դատավարության ժամանակ դատախազը ասաց. «Հայերի տարագրության մասին Իթթիհադական կառավարության

որոշումները Տրապիզոնի և նրա շրջաններում գործադրվելու ժամանակ սկզբում տղամարդիկ, ապա կանայք և երեխաներն են տարագրվել: Տղամարդկանց մեծ մասը Դայիրմենդերի կողմերում անգթորեն կոտորվել են: Դրանցից բացի, կանայք և երեխաները նավակներով ծովի խորքերն են տարվել ու ծովը թափվել: Մի մասին էլ, բուժելու պատրվակով, Կարմիր մահիկի հիվանդանոց տարան և այնտեղ թունավորեցին: Դրանցից հետո տարագրվածների գույքն ու գոհարեղենը թալանվեց: Ամբողջ մարդկությունը անեծքով և զզվանքով պիտի հիշի վերոհիշյալ ոճիրները»⁴⁰:

1919 թ. հունվարի 27-ին Կ. Պոլսի դատավարություն ժամանակ հանդես եկավ ազգությունք բուրդ, հրամանատարական բարձր դիրք ունեցող Մուստաֆա Քեմալ փաշան, որը երիտթուրք լիդերների մասին մասնավորապես ասաց. «Նրանք հիմք դրեցին ամեն տեսակ բռնություն, կազմակերպեցին տեղահանություններ և շարդեր, ծնողների ներկայությամբ նավթով այրեցին ծծկեր երեխաներին, բռնաբարեցին կանանց և երիտասարդ ազգիկներին, կապկպեցին, վիրավորեցին և բաժանեցին երիտասարդ ազգիկներին իրենց հայրերից և մայրերից, բռնագրավեցին նրանց շարժական և անշարժ գույքը, ողբալի վիճակով քարոքեցին կանանց մինչև Մոսուլ՝ կատարելով ամեն տեսակ բռնություններ: Նրանք նավերի վրա բարձեցին հազարավոր անմեղների ու ծովը նետեցին»⁴¹:

1920 թ. Աթաթուրք Կ4. Կարաբեքիրին զգուշացնում էր. «Հայերի նոր ցեղասպանություն պետք չէ կազմակերպել»⁴²:

Շվեյցարական ժուռնալիստի հետ հարցազրույցի ժամանակ, որը տպագրվեց «Լոս Անջելես էքզոմինը» օրաթերթի 1926 թ. օգոստոսի 1-ի համարում, նա հայտարարեց. Երիտթուրքական կուսակցությունը «պետք է պատասխան տար մեր միլիոնավոր քրիստոնյա հպատակների կյանքի համար, որոնք անգթորեն, զանգվածաբար քշվեցին իրենց բնակավայրերից և ոչնչացվեցին...»

«Գազետ դը Լոզանը» 1916 թ. փետրվարի 16-ին գրում է. «Ինչ որ այսօր տեղի է ունենում Հայաստանում, վաղուց ի վեր երիտթուրքերի ծրագիրն էր, որոնք պատեհ առթի էին սպասում այն իրագործելու համար: Այս սոսկալի պատերազմը լավագույն շարժառիթը եղավ: Հայկական ակստամբությունը պատրվակ էր...»

Իսկ ամերիկյան «Նյու Ռեպուբլիկը» 1917 թ. հունվարի 27-ին գրում էր. «Երիտթուրքերը որոշել էին օսմանացնել Հայաստանը»:

1919 թ. հունվարի 24-ին «Թայմսը» գրեց. «Բացահայտ կերպով հաստատված է, որ կոմիտեի (Իթթիհադի) կազմակերպությունը ծրագրել էր մեթոդիկ կերպով բնաջնջելու մի ամբողջ ազգ»:

Հոլանդական մի լրտես 1915 թ. նոյեմբերին Կ. Պոլսից վերադառնալուց հետո հայտարարեց, որ Օսմանյան կայսրությունում հայերի բնաջնջումը կրում է սիստեմատիկ բնույթ և շարունակվում է իրականացվել⁴³:

Մեծ վեդիր Ս. Հալիմը 1918 թ. «Մեջլիս մեբուսան զաբիտների ուշունջու մեջլիսի» թերթի № 571 համարում ընդունեց ջարդերի փաստը, տեղահանության միջոցով ոչնչացում իրականացնելու վերաբերյալ գաղտնի հրամանի գոյությունը, ինչպես նաև Հատուկ կազմակերպության մարդասպան առարկությունը:

1916 թ. դեկտեմբերին «Մանչեստր գարդիան» թերթը գրեց. «Մնում է մի բուռ Հայաստան, մի բուռ, որ հիշեցնում է ամենազարհուրելի սարսափը... իր ամբողջ ժողովրդի բնաջնջմամբ հողին հավասարեցված մի երկիր»:

«...առաջին համաշխարհային պատերազմից առաջ Թուրքիայում բնակվող 2 միլիոն հայերից պաշտոնական տվյալներով 1965 թ. մնացել է 33 հազ.»:

«Տխրահոշակ վերաբնակեցումն այլ բան չէր, քան հայերի զանգվածային սպանություն»⁴⁴:

Զորը Հորթները, որ որպես ԱՄՆ-ի հյուպատոս 30 տարի աշխատել էր Թուրքիայում և ականատեսն էր Ադանայի 1909 թ. ջարդերի, առաջին համաշխարհային պատերազմի տարիների և Զմյուռնիայի ջարդերին ու քաղաքի 1922 թ. հրդեհին, գրում է. «...մենք պետք է խոսենք հայ ժողովրդի կործանման, մարդկության պատմության ամենահրեշավոր ոճիրի մասին, որպեսզի մի օր հանցագործը անպայման աշխարհի առաջ զղջա և հատուցում կատարի... Այդ ժողովուրդը քաղաքակիրթ աշխարհին չի կարող պատկանել...»

Ֆրանսիական «Լը Մոնդը» 1935 թ. ապրիլի 26-ին տպագրեց հայտնի հայագետ, պրոֆեսոր Ժան Պիեռ Մահեի հոդվածը, որտեղ գրված է. «Բնաջնջելու թուրքական գործողությունները պատերազմի հետևանքով առաջացած դժբախտությունների արդյունք»

չէին, այլ կանխամտածված քաղաքականություն, ցեղասպանության ոճիր... ցեղասպանությունն այնպիսի ոճիր է, որի ցավալի և ողբերգական հետևանքները դեռ շարունակվում են նույնիսկ երեք սերունդ անց: Այդ երրորդ (սերնդի) երիտասարդությունը այսօր դիմագրավում է իր ինքնությունը սպառնացող մի խորը վտանգի»:

«Ընդհանուր առմամբ երիտթուրքերը, — գրում է Զ. Բրայսը, — իրենց ծրագրի իրականացման գործում պրուսական բժախնդրություն դրին, և բացառություններն ու «ոչ գործնականությունը» քիչ տեղ գրավեց:

...էրզրումի, Բիթլիսի ու վանի վիլայեթներում 1912 թ. ապրում էր 580 հազար հայ... այդ շրջաններում վերապրողների թիվը 12 հազար էր...

Այս պարագայում կրոնական նեղմտությունը շատ մեծ դեր չխաղաց. օրինակի համար, կրոնական նեղմտությամբ հնարավոր չէ բացատրել քրդերի ու չերքեզների վարքագիծը, որոնք սարսափելի արարքներ կատարեցին և որոնց համար նրանց չի կարելի պատասխանատու համարել:

Գյուղացիությունը հայերի վրա երբեք չէր հարձակվի, եթե մեծերը չհրամայեին... Շատ մահմեդական հարգելի քաղաքացիներ իրենց հարևան հայերին բնաջնջել չէին ուզում: Թուրք իշխանությունները խստորեն պատժում էին այն մահմեդականներին, օտարականներին կամ հույներին, որոնք ապաստան էին տալիս հայ զոհերին...

Երիտթուրքական նախարարները, Կ. Պոլսի նրանց գործակիցները (ուղղակիորեն և անձնապես) սկզբից մինչև վերջ պատասխանատու են այս հսկայական ոճիրի համար, որ ավերեց Մերձավոր արևելքը 1915 թ.»⁴⁵:

1919 թ. մարտի 13-ին ներքին գործոց նախարար Զելալը ընդունեց, որ տեղահանությունների ժամանակ 800 հազար հայ շարժվել է: Այդ խոստովանությունը հրապարակեցին «Լը մոնիտոր օրինետալ» և «Ալեմդար» թերթերը: Լուր՝ ցնցեց թուրքերին: «Հատիսաթը» չորս օր հետո հայտարարեց, որ այդ քայլը անվայել է մուսուլմանական ներկայացուցչին: Յ. Բայուրը «Աթաթյուրք հայեթի վե էսերի» գրքում (հրապարակված 1963 թվականին) գայրանալով Զելալի վրա, ասում է. «Նա այդպիսով մեր թշնամուն մատակարարեց հզոր փաստ ու զինք»: Իսկ Թուրքիայի հանրապետության նախկին նախագահ Զ. Բայարը

քննադատելով Զելալին, գրում է, որ դա եղել է ամենատղեղ, անհաճո ու ամենաանտեղի բացահայտումը:

Դժբախտաբար այդ մտայնությունը դեռ «էն գլխից» թուրքական հասարակական կարծիքի վրա գերիշխող դեր ունեւր: Ցեղասպանության կազմակերպիչներն ու վայրագություններ կատարելու մեջ առավել աշքի ընկած անձինք համարվում էին մեծ հայրենասերներ ու հերոսներ:

Թեջրիլաթը Մախսուսեի թափփուկները երիտթուրքերի կառավարության անկումից հետո Կ. Պոլսի մութ թաղերի թաքստոցներից սպառնում էին ոչնչացնել նրանց, ովքեր կփորձեին պատժել հայերի կոտորածների կազմակերպիչներին ու մասնակիցներին:

Հատուկ կազմակերպության ղեկավարներից մեկը՝ էրթյուրքը, դահիճ Քեմալի մասին գրել է. «Թուրք ազգի այս հերոս զավակը... կախաղան հանվեց. նրա հիշատակը պետք է հավիտյան ապրի թուրք ազգի սրտում»⁴⁶:

35 հազար հայ կին ու երեխա ոչնչացնող այդ նույն Քեմալ բեյը կախաղան բարձրացվելուց 12 օր առաջ (1919-ի մարտի 30-ին) գրեց. «Իմ հոգով տոգորված թուրք և իսլամ եղբայրներս պետք է կոթող կանգնեցնեն գերեզմանիս վրա և գրեն հետևյալ տապանագիրը.

«Ազգի ու հայրենիքի համար նահատակված Պողազլյանի կայմական Քեմալի հաղթական ոգուն»⁴⁷:

Դահիճը չէր սխալվում. նա ոչ միայն այն արյունոտ տարիների, այլ նաև մեր օրերի Թուրքիայի ազգային հերոսն է, թուրք ժողովրդի «վաղվա օրվա համար զոհված» հայրենասերը:

Թուրքական պառլամենտի անդամ Սադի Գոչալը 1967 թ. հրատարակեց «Հայերը պատմության մեջ և թուրք-հայկական հարաբերությունները» գիրքը, որտեղ բառացիորեն գրված է. «Այս կառավարական անմեղ պաշտոնյաներից մեկն էր Քեմալ բեյը, Պողազլյանի կայմականը: Նրա վերջին կտակը վկայում է, որ նա ուղիղ մարդ էր և որպես այդպիսին բարի օրինակ ծառայեց բոլորին»⁴⁸:

«Թերջումանը» 1977 թ. մարտի 31-ին գրեց. «Զինադադարից հետո երկու անմեղ կայմականներ՝ Նուսրեթ և Քեմալ բեյերը, Պոլսում կախաղան հանվեցին»:

Ժամանակակից Թուրքիայի քաղաքական գործիչների ու պատ-

մարանների կարծիքով, հանցագործը ոչ թե Քալեաթն ու իր համախոհներն էին, այլ ուղմական դատարանը, որ դատեց նրանց:

1. Գր. Կալգուշյան, Красная книга, Ростов.на.Дону, 1919, с. 64.
2. Յ. Նանսեն, Հայաստանը և Մերձավոր արևելքը, Վերհոտն, 1956, էջ 273:
3. Նույն տեղը, էջ 273:
4. Նույն տեղը, էջ 274—275:
5. Геноцид армян в Османской империи, Е., 1982, с. 295.
6. Նույն տեղը, էջ 299:
7. Նույն տեղը, էջ 327—328:
8. Լա ռենեսանս, 13 դեկտեմբերի 1918 թ.:
9. Նույն տեղը, 13 ապրիլի 1919 թ.:
10. Դ. Ե. № 541:
11. Դ. Ե. № Մ 506:
12. Դ. Ե. Մ Մ 306:
13. Դ. Ե. № Մ 492—494:
14. Նույն տեղը:
15. Ժամանակ, 6 փետրվարի 1919 թ.:
16. Նույն տեղը, 12 փետրվարի 1919 թ.:
17. Ա. Անտոնյան, Մեծ ոճիրը, Բեյրութ, 1977, էջ 31—33:
18. Նույն տեղը, էջ 34:
19. Նույն տեղը, էջ 37:
20. Նույն տեղը, էջ 38:
21. Նույն տեղը, էջ 60:
22. Նույն տեղը, էջ 68:
23. Նույն տեղը, էջ 71:
24. Նույն տեղը, էջ 92:
25. Նույն տեղը, էջ 103:
26. Նույն տեղը, էջ 104:
27. Նույն տեղը, էջ 107:
28. Նույն տեղը, էջ 111:
29. Նույն տեղը, էջ 113—114:
30. Նույն տեղը, էջ 116—117:
31. Դ. Ե. № Մ 511:
32. Դ. Ե. № Մ 574—Մ 577:
33. Լա ռենեսանս, 13 դեկտեմբերի 1918 թ.:
34. Նույն տեղը, 22 հունիսի 1919 թ.:
35. Նույն տեղը, 19 հունվարի 1919 թ.:
36. Լա ռենեսանս, 30 ապրիլի 1919 թ.:
37. Ժամանակ, 5 նոյեմբերի 1918 թ.:
- 37ա. Լա ռենեսանս, 22 հունիսի 1919 թ.:
38. Նույն տեղը, 15 դեկտեմբերի 1918 թ.:

39. Քազուիմը Վազալի, № 8604:

40. Նույն տեղը, № 3771:

41. Paul du Véeu, La Passion de la Cilicie 1919—1922, Paris, 1954.

42. А. Тиркова, Старая Турция и младотурки, Петроград, 1916, с. 71, 80.

43. ՀՍՍՀ ԳԱ ինֆորմացիոն բյուրոն, 1985, էջ 13:

44. Новая история стран зарубежного Востока, т. 2, М., 1952, с. 399.

45. Հուշամատենան ՄԼԺ եղևնի (1915—1965), Բեյրութ, 1965, էջ 1032:

46. Իքի Դեվրին Բերտե Արքար, Կ. Պոլիս, 1964, էջ 301:

47. Ճակատամարտ, 23 մարտի 1919 թ.:

48. Ս. Գոշաս, Քարիխ Բոյունջու էրմենիեր վե թյուրք էրմենի իրիշիեր, Անկարա, 1967, էջ 202:

ՃԵՂԱՍՊԱՆՈՒԹՅՈՒՆԸ ԻՐԱԿԱՆԱՅՎԵՑ ԱՄԵՆԱԴԱԺԱՆ ՈՒ ԱՄԵՆԱՍՈՐ ՄԵԹՈԳՆԵՐՈՎ

Այժմ անդրադառնանք փաստերի, որոնք բնութագրական են ցեղասպանության թուրքական վարվելակերպին:

Ցեղասպանությունը թուրքերն իրականացրեցին ամենաայլանդակ, ամենավայրագ ու անմարդկային միջոցներով: Երբ ծանոթանում ես կատարվածին, դժվարանում ես հավատալ, որ դրանց հեղինակները մարդիկ են:

Ալեքսանդրեաում ԱՄՆ-ի հյուպատոս Բրյուվենտի վկայության մը Հալեպի շրջանի մի վայրում (Կուֆմում) 250 հազար հայի դիակներ թափված էին իրար վրա¹:

«Ժուռնալ դը Ժնևը» 1985 թ. մարտին գրեց. «...Սիրիայի անապատները թշվաճ քարավանները նվազ վայրագ ու բարբարոս չէին, քան նացիստական վարչակարգի մահվան ճամբարներն ու գազախցերը»²:

ԱՄՆ-ի կոնգրեսմեն Մայքլ Ռոսի կարծիքով «...հայերի ցեղասպանությունը մի ավելի ահեղի բան է, քան հրեաների հետ պատահածը...»³:

Մի տեղ երկու երիտթուրք սպաներ վիճեցին, թե ինչ սեռի է իրենց առևանգած հղի կնոջ պտուղը: Վեճի առարկա դժբախտ զոհի արգանդը կտրեցին բացեցին: Մի այլ տեղ բռնաբարեցին փոքրահասակ աղջնակին: Ապա հագնեալով, շարագործները մորթեցին իրենց զոհին և հարկադրեցին նրա մորը՝ բռնել ջրամանը և իրենց ձեռքերին ջուր լցնել: Նրանք վճացվեցին (աղջկա) դեռևս շատած դիակի վրա: Մի երրորդ վայրում փոքր

երեխաներին եփեցին կաթսայի մեջ և մահվան սպառնալիքի տակ նրանց ծնողներին հարկադրեցին ուտելու այդ կերակուրը⁴:

Ականատեսներից մեկը պատմում է. «Իրար կապված կալանավորները մտրակների հարվածների տակ, շրջապատված սվինամերկ ժանդարմներով և կացիններով, սրերով, երկսայրիններով, գերանդիներով և այլ մահացու գործիքներով իրենց հետևող զինված շարդարարների ոհմակով, երկու ժամվա տաժանակիր ֆանապարհորդությունից հետո հասնում և կանգ են առնում ձորի մեջ գտնվող ջրաղացի մոտ: Ատրճանակի կրակի ազդանշանով Ղասրմ բեկը բղավում է. «Ջարդե՛ք այս անհավատներին»: Եվ խուժանը հարձակվելով կապկապված կալանավորների վրա, վայրագորեն հոշոտում է նրանց:

Ձոհների արյունոտ հագուստները ցցերին անցկացրած շարդարարները գլուղ վերադարձան և հրեշային ծիծաղով բղավում էին հայուհիներին. «Տեսե՞ք ձեր ամուսինների հիշատակները, ընդունե՞ք ճշմարիտ կրոնը, ձեզ մեր մեջ բաժանե՞ք... փրկվե՞ք մահից»: Խոսքից գործի անցնելով խուժանը հարձակվում է տների վրա, նախ բռնաբարում է անտեր մնացած հայուհիներին, սպանում է կանանց, աղջիկներին, երեխաներին և հետո թալանում տները:

Մարդուց բացի ամեն ինչի նմանվող վայրենիները... կատաղած գազանների նման շխնայեցին նույնիսկ տասը տարեկանից փոքր աղջիկներին, պղծեցին նրանց, և իրենց կրքերը գոհացնելուց հետո նրանց մերկ մարմինները բզիկ-բզիկ արեցին... ունելիները տաքացնելով մտքին կանանց մերկացրած ստինքների մեջ...»⁵:

Երզնկայի վարժարանի 70 հայ սաների գիշերով տարան և դպրոցի պատի տակ փորված փոսերում կենդանի թաղեցին:

Բաղդադի երկաթուղու շինարարության շրջանում կային մեծ թվով բացարձակ մերկ կանայք, որոնք հարկադրված իրենց մարմնի մերկ մասերը ծածկում էին տերևներով: Մահամեղական տղաները փայտով խփում էին նրանց ձեռքերին, որ նրանք չկարողանան փակել իրենց մերկ մարմինները: Նրանց թշուղ էին անապատով, թույլ շտալով բնակավայրերին մոտենալ: Եվ այսպես մինչև նրանք կմեռնեին:

Դարդանելի շրջանի Սեզարե քաղաքում թուրքերը մի տան մեջ հավաքել էին հայ երեխաների: Հետո այնտեղ բերեցին

նրանց մայրերին և ասացին՝ վերցրե՛ք ձեր երեխաներին: Հենց այդ ժամանակ տան դռները փակեցին ու տունը հրդեհեցին:

Երզնկայում գետինը ծածկված էր դիակներով, կտրված գլուխներով, մարդկային վերջավորություններով, կանանց մազերով: Հայ ամուսինները սպանում էին իրենց կանանց, եղբայրը՝ բրուջը, թշնամու ձեռքը շրնկնելու համար:

Երիտթուրքերի ղեկավարների դատավարությանը ներկայացված մի փաստաթղթում գրված է. «Խարբերդի նահանգի գլխավոր նահանգապետը հայտնում է, որ ճանապարհները լիքն են կանանց ու երեխաների դիակներով, և ինքը ի վիճակի չէ դրանք թաղել»⁶:

Դիակները թաղելու և դրանք օտարերկրացիներից թաքցնելու Թալեաթի պահանջին Ձեմալ փաշան պատասխանեց. «Եփրատը մեր վիլայեթին քիչ է մոտենում, հավանաբար հոսանքով եկող դիակները թշված են էրզրումի ու Խարբերդի վիլայեթներից: Այստեղ ապստամբական շարժման մեջ սպանվածներին պղծում են խոր ու խուլ անդունդները կամ ընդհանրապես այրում են: Դրանք հազվադեպ են թաղվում»: Եփրատի ջրերն այնպիսի քանակությամբ դիակներ էին տանում, որ դրանք տեղ-տեղ կուտակվելով պատնեշ էին ստեղծում և փոխում ջրի ընթացքը: Մեկը Ձորի նահանգապետին հարցնում է. «Ճի՞շտ է, որ դուք ոչնչացրել եք 10 հազար հայ»: Վերջինս պատասխանում է. «Ծառնեմ իմ հպարտությունը: 10 հազարն ի՞նչ է, այդ թիվը մեծացրու...»⁷:

Գերմանացի ականատեսներից մեկը գրում է. «...տղամարդկանց կապելուց հետո գնդակահարել էին քաղաքի (Դիարբեքի) պատերից այն կողմ: Կանանց ու երեխաներին թշել էին մոտակա գլուղերը և տներում հարյուրներով տեղավորելուց հետո կենդանի այրել էին, իսկ մնացածներին էլ նետել էին ջուրը... Ավելի ուշ, փողոցներում կարելի էր տեսնել կանանց ու երեխաների՝ արյունաթաթախ ու ողբալի վիճակում: Ո՞վ կարող է նկարագրել այդ տեսարանը, եթե դրան ավելացնենք նաև հրդեհված տների տեսքն ու այրված դիակների գարշահոտությունը:

Մի շաբաթվա ընթացքում գործը գրեթե ավարտված էր: Սպաներն այժմ պարծենում էին իրենց քաջագործությամբ, որ կարողացել էին բնաջնջել ամբողջ հայ ժողովուրդը: Երեք շաբաթ անց, երբ մենք հեռանում էինք Մուշ քաղաքից, գլուղիբը դեռ վառճում էին...

Զինվորները, որոնք ուղեկցում էին մեզ, հպարտությամբ էին ցույց տալիս, թե որտեղ, ինչպես և որքան կանանց ու երեխաների էին սպանել... Մամուրեա ու Ազիզը վերածվել էր մի մեծ հայկական գերեզմանոցի: Տարբեր նահանգներից բոլոր հայերին բռնի բերել էին այստեղ և նրանք, ովքեր չէին կորել ճանապարհին, հասնում էին Մամուրեա ու Ազիզ, իրենց գերեզմանն այնտեղ գտնելու համար:

Մի այլ սարսափելի բան, որ տեղի ունեցավ Մամուրեա ու Ազիզում. թուրքերը երկու ամիս շարունակ գազանաբար խոշտանգեցին անմեղ ու խաղաղ հայ ընտանիքներին: Մարդկային ոտքեր, ձեռքեր և մարմնի պատռոտված այլ անդամներ մեխել էին տախտակների վրա: Աքցաններով քաշում էին զոհերի մատներն ու եղունգները, մորուքն ու հոնքերը: Զիերի նման գամերով պայտում էին նրանց ոտքերը, իսկ շատերին գլխավար կախում էին արտաքնոցների պատերից...

Բանտերի շուրջը հավաքված խուժանը, ուր կատարվում էին այդ գազանությունները, թմբկահարում էր կամ սուլոցներով լղմուկ բարձրացնում, որպեսզի դրսի բնակչությունը չսի զոհերի մահվան վերջին աղաղակները»⁸:

1915 թ. հուլիսի 13-ին Պոլսի հայոց պատրիարքը գրում է. «...եկեղեցիներն ու վանքերը կողոպտված, քանդված ու սրբապղծված են... Թուրքիայի ամբողջ հայությունը փակված է բերդերում... Վանի ու Բաղեշի շրջակա հայ գյուղերը ջարդված ու կողոպտված են: Շապին-Գարահիսարը այս ամսվա սկզբին անխնա ջարդվեց...»: «Նահատակված քահանաների ու վարդապետների մասին խոսելն ավելորդ է, երբ ժողովրդին լրիվ հեռացրել (աքսորել) են, եկեղեցիներն արդեն կողոպտված են և մզկիթի, ախոռի կամ այլ բաների են վերածված: Պոլսի հրապարակներում սկսել են վաճառվել հայ եկեղեցիների անոթները և այլ գույքեր...

...Իթիհադի նպատակն է բնաջնջել ողջ թուրքահայությունը: Մահավճիռը ստորագրված էր, և հրամանը գործադրվում էր ամենախիստ միջոցներով՝ եվրոպական քաղաքակիրթ և քաղաքակրթ պետությունների աչքի առաջ:

Զորս կողմ օր ու գիշեր մերկություն, սովամահություն, լաց և վայնասուն... Ամբողջ ազգը բնաջնջվելու վրա է, որքանոց չմնաց... Դրամ հասցրեք, Դեր Զորի տասնյակ հազարավոր հայեր սովից ու հիվանդությունից ջարդվում են...»⁹:

«Երզնկայի կառավարիչ Մեմտահ բեյը հայերին կողոպտելով 50 հազար լիրայի տեր դարձավ և հիմա էլ, որպես վարձիր գործած վայրագությունների, Կաստամունուի կուսակալ նշանակվեց... Երզնկայի շրջաններից 30 հազարից ավելի հայեր բնաջնջել են... նույնիսկ կանայք ու երեխաները ողջ-ողջ թաղվեցին: Հարյուրավոր կանայք ու կույսեր Եփրատ գետը նետվեցին:

Մի թուրք կառապան ասում էր. «Խարբերդից Սեբաստիա (տարածքը) ժամերով ու օրերով դիակների հոտից բոլորովին սպառնալից էր, մինչև իսկ ձիերին ջուր տալ չկարողացա...»¹⁰:

Տիգրանակերտի խճուղու վրա Խարբերդի մտավորականության քարավանի ճանապարհը կտրում է ավազակապետ Հաջի Գայան և առաջարկում՝ մզկիթից մեկ ոսկով գաղթականներ վաճառել: Նա 500 ոսկով գնում է քարավանը և ոստիկանության աչքի առաջ բոլորին սպանում և թալանում է:

1915 թ. հուլիսի 15-ին Ռեչեկ լեռան վրա 25 ոստիկաններ մի հայ աղջկա բռնաբարեցին, ապա նրա ոտքերը տարբեր ծառերի կապելով մարմինը երկու մասի բաժանեցին:

Հունիսի 7-ին Ակնում 400 հոգու վզից քարեր կապեցին ու գետի գցեցին»¹¹:

Շապին-Գարահիսարում հայկական եկեղեցին դարձրին հասարակաց տուն: Մշո գյուղերում հանեցին եկեղեցիների զանգերը և նրանց տեղը շներ կախեցին: Առաքելոց վանքի դռները ուղարկեցին Բաղեշ մի մահմեդական հոգևորականի նվիրելու, սակայն գերմանացիները այն վերցրին ու Բեուլին տարան:

Մոսուլի գերմանական հյուպատոսը 1915 թ. հունիսի 10-ին հեռագրեց, թե 614 հայերի՝ ծերերի, կանանց և երեխաների Դիարբեքիում լաստերի վրա լցրին ու խեղդամահ արեցին: Լաստերը Մոսուլ հասան դատարկ... Նման ուրիշ լաստեր էլ պատրաստվեցին: Հունիսի 18-ին էրզրումի գերմանական հյուպատոսը տեղեկագրեց, որ «Երզնկայի մոտ ջարդեր են եղել: Հեծելազորային 86-րդ խումբը իր սպաների հրամանով և քրդերի մասնակցությամբ ավելի քան 20 հազար կանայք և երեխաներ սպանեց Քեմախի կիրճում»¹²:

Թուրքիայում Գերմանիայի զինվորական օրգանները 1915 թ. նկարահանել էին հայկական կոտորածների բազմաթիվ դրվագներ: Մի բանի տարի անց, երբ այս ժապավենները ցուցադրվեցին Անգլիայում, «Քայմա» և «Դեյլի տելեգրաֆ» լրագրերը

դրանց նվիրված մի քանի հողվածներ տպագրեցին: Տպագրվեցին նաև ընթերցողներից ստացված մի շարք բողոքներ այն մասին, որ «կինոխատրոններում այդ ժապավենները հասարակությանը ցույց է տրվել առանց նախապես զգուշացնելու, որ հիվանդներին, ցավագարներին և աճող սերնդին արգելվում է դրանք դիտել»:

Ա. Վեգները՝ գերմանացի այդ առաջադեմ հրապարակախոսն ու գրողը, մարանչոլ հակաֆաշիստը 1915—1916 թթ. որպես զինվորական բժիշկ և թղթակից ծառայել է Միջագետքում: Նա ոչ միայն ականատես էր երիտթուրքերի գազանություններին, այլև դրանք լուսանկարել է: 200 լուսանկար, որ ցուցադրում էր իր բազմաթիվ հրապարակային դասախոսությունների ժամանակ: Ա. Վեգները մի քանի աշխատություն գրեց՝ նվիրված հայ ժողովրդի ողբերգությանը:

Տիգրիսի ափին, — գրում է Ա. Վեգները, — «Մի խումբ հայ աղջիկներ ու կանայք հավաքվեցին գետեզերքի բարձրադիր ցցվածքի վրա... իրար կապված սկսեցին երգելով օրորվել և իրենց զոհաբերության արբեցումից վերացած միասին գահավեժ գետը նետվեցին...»

Մեկ տարի անց Հալեպից Պոլիս վերադառնալիս «տասնյակ հազարավոր տարագիրներից, որոնց... ճամբարներում խոնված էինք տեսել, միայն մի քանի հարյուրն էին մնացել: Անապատի մեջ դիակներ ու դիակներ էին: Երբ գիշերելու համար կանգ էինք առնում իջևանատների առջև, ստիպված էինք նախ մուտքերից տարագիրների ընկած և շորացած կմախքները հեռացնել»¹³:

Պարսիկ հայտնի գրող Մ. Ա. Ջամալզադեն 1916 թվականին Կ. Պոլսից ճամփորդում է Հալեպ, և իր տպավորություններն ամփոփում նոթագրություններում: Ստամբուլից դուրս գալու «առաջին իսկ կայանից հանդիպեցինք հայերի խմբերի, որոնք զինված ժանդարմների և թուրք ձիավորների կողմից... դեպի մահ ու կործանում էին քշվում: Հարյուրավոր հայ կանայք ու տղամարդիկ իրենց երեխաների հետ, ողբով ու հեկեկանքով առաջ էին քշվում: Տղամարդկանց մեջ երիտասարդներ չէին երեվում, որովհետև բոլոր երիտասարդներին կամ ուղղադաշտ էին ուղարկել կամ զգուշության համար սպանել էին:

...Ամենուր տեսնում էինք հայ կանանց ու տղամարդկանց, որոնք ընկել ու մահացել էին խճուղու կողքին կամ մահանալու վրա էին: Հետագայում լսեցինք, որ այդ վայրերի երիտասարդ-

ներից ոմանք չէին քաշվել իրենց կրքերին գոհացում տալ՝ անարգելով մահամերձ կամ մահացած հայ աղջիկների պատիվը:

Եփրատի արևմտյան ափով էր անցնում մեր ճանապարհը... Օր չկար, որ գետում դիակներ շտեպնեինք. ջուրը տանում էր դիակները»¹⁴:

Հունի Բենեդիկտոս XV պապը 1915 թ. սեպտեմբերի 10-ին նամակով դիմեց սուլթան Մուհամմեդին և դատապարտեց հայերի դեմ իրականացվող ցեղասպանության քաղաքականությունը: Ապա պապը հանդես եկավ հոգևոր խորհրդի նիստում և ասաց. «Դժբախտ հայերը գրեթե ամբողջությամբ կոտորված են»:

Ռուսական բանակի կազմում Մուշ և Սասուն մտած հայ կամավոր Ս. Մելիքյանը կոտորածներից անմիջապես հետո գրառել էր իր տեսածներն ու լսածները, որոնք լույս տեսան 1917 թ. Թիֆլիսում՝ «Հայ կամավորի հուշերից» խորագրով:

«Տեղի (Խնուսի) կայմակամի հրամանով թուրքերը 1000 հայ հավաքեցին ու նրանց ուղարկեցին Գյումգյումի ուղղությամբ՝ Խնուսի և Մշո կես ճանապարհին՝ ուղղակի անհրաժեշտության պատրվակով: Բայց քարավանը, որին ուղեկցում էին զորաշուկատներն ու քրդերը, հեռու չգնաց: Հազիվ քաղաքից դուրս եկած մի սրտակեղեք տեսարան տեղի ունեցավ՝ տղամարդկանց անմիջապես անջատեցին կանանցից ու երեխաներից, կողոպտեցին և ապա սպանեցին... Հետո կանանց և երեխաներին գետը թափեցին:

Ես շրջում էի Մուշի մնացորդների մեջ, երբ սլառահեղ լեռներում կոտորածներից ազատված փախստականների... վառարանդի իրենց զյուղերից, անպատսպար, անզգեստ, մտամոլոր, քաղցից ու հոգնությունից մահամերձ, ողբալի դուրս, քաղցից ու հոգնությունից մահամարդ չկար նրանց մեջ, բացի մի քանի ծերերից, որոնց, անշուշտ, արհամարհել էին թուրքերը: Գրեթե մերկ երեխաները կմախքների էին նմանվում, աչքաքան սոսկալիորեն նիհարել էին, որ կարելի էր այդ շորացած փոքրիկ մարմինների ոսկորները համրել...»

Մի հարուստ հայի... նախ կտրեցին ականջները, հետո թիթը, հետո ծոծրակը կտրելով լեզուն հանեցին և գտնելով, որ այդքան տանջանքը բավական չէ, աչքերը հանեցին: Այդ բոլոր նողկալի գազանությունները կատարվեցին վաճառականի խուլ և անդամալույծ մոր, երեխաների և կնոջ ներկայությամբ...»

Մի այլ հայից ոստիկանութունը 1000 ոսկի պահանջեց: Հայը վճարեց: Հետևյալ օրը ժանդարմները դարձյալ եկան, բայց տանտերը փակեց դռները:

Թուրքերը շկարողացան ներս խուժել, կրակին տվին տունը: «Տեղի ունեցավ սոսկալի մի տեսարան... կանայք սրտակեզ աղաղակ էին բարձրացնում և պատուհանից վայր նետվում՝ ընկնելով դահիճների սվինների վրա: Վերջում պատուհաններից մեկին երեկոց մի կին, երեխային գրկած, հագուստն արդեն վառվելիս, աչքերն ահարկու: Նա սարսափելի ճիշով իր ատելությունը թափեց թուրքերի վրա և երեխայի հետ միասին վայր գահավիժեց: Բոլորը կորան կրակի մեջ»:

Մուշից դեպի Սասուն 7—8 կմ հեռավորության վրա գտնվող մի հիմնովին ավերված գյուղում «մտանք ճամփի վրա գտնվող մի տուն, որ լի էր դիակներով ու կմախքներով: Մրանք հարյուրներով էին ընկած...»

Թոնրի մոտ... ընկած էր մոտ 200 մարդ, իրար վրա թափված... թվում էր, թե նրանք դեռևս ցնցվում են վերջին բուսի սոսկումից... Մի քանի քայլ այն կողմ, մի շատ փոքրիկ տնակ նույնպես լի էր ամեն մեծության կմախքներով ու զանգերով՝ կային փոքրեր, մեծեր, միջակներ: Կային ջախջախված գանգեր, կմախքներ՝ երբեմն այնքան այլանդակված, ճգմված և սարսրուազդեցիկ, որ անտանելի էր զսպել արցունքները: Կային դեռատի աղջիկներ... բռնաբարված և ապա սպանված, կային մանավանդ փոքրերի դիակներ, իրենց պստիկ շորերով... հաճախ էինք տեսնում գրկախառնված երկու դիակներ՝ մայրն ու երեխան...»

Մտնելով եկեղեցի, ամենից առաջ խորանի վրա տեսանք մի տասնյակ կտրված ու կարգով շարված զուլաներ: Գետինը ծածկված էր դիակների անհամար բազմությունը և այդ խառնիճազանջից բարձրանում էր մի խիստ սուր ծանր գարշահոտություն»:

«Հրացանազարկ էին արել տասնյակներով, և որովհետև այդ ռազմավորների համար շարժեր փամփուշտ վատնել», անցել են դաշույնի գործածություն... Կրճքերի վրա դաշույնով խաչ են գծագրել, ուրիշների մատներն են կտրել...»

«Հարյուրավոր բնակիչների կոտորեցին Եփրատի ափերին և հետո թափեցին գետը: Քանի մնում էինք այդտեղ, ամեն օր

տեսնում էինք Եփրատի մեջ դիակներ, որոնք թշվում էին հոսանքով»:

Ազգարնակչության մնացորդներին բռնազաղթեցրին: «Հայերին Միջագետք տանելու համար կազմված մահվան քարավանները ոչ այլ ինչ էին, եթե ոչ տանջալից մահվան դատապարտություն, և տեղում սպանելը նրանց ազատած կլիներ շատ տառապանքներից: Հասարակածային այդ շոգ ճանապարհին մեռնում էին քաղցից ու հոգնությունից, շարունակ կողոպտվում և խողտանգվում էին քրդերի կողմից: Կանայք գնում էին հարեմները լցնելու համար, երեխաներին մահմեդական էին դարձնում, և նրանք, որ վերջ ի վերջո խուսափում էին այդ բոլոր արհավիրքներից, Միջագետք հասնելով թողնվում էին իրենց սև բախտին՝ այդ անապաստան ու անսնունդ անապատում»:

«Երբ սկսվեցին ջարդերը, քրդական մի քանի աշիրթություններ ապաստան տվին հայերին: Այժմ նրանք հայերին բերել են թուրքական դիրքերի թիկունքից և մերոնց հետ փոխադարձ համաձայնության գալով՝ ամեն մի հայի փոխարեն մի ոսկի էին ստանում... Բերեցին մի հայուհու, մոտ 30 տարեկան, ազգային տարազով, երեսը հաստ լաշակով ծածկված: Արևահար գույնն ու խորշոմած դեմքը ցույց էին տալիս նրա կրած բոլոր զրկանքները իր երկարատև գերութան ընթացքում:

Դիմելով Միսակին, նա ասաց.

— Այստեղից մի օրվա ճանապարհի վրա գտնվում է իմ գյուղը. կուզեի, որ դու ինձ ընկերակցես այնտեղ գնալու:

Երբ հասան ամառի գյուղին, կինը կանգ առավ մի ավերակ տան առաջ: «Մերազրելով մի անկյունում սկսեց փոքր գետինը: Քիչ անց վայրենի աղաղակ արձակելով, ձեռքում հաղթականորեն ճոճեց մի փոքր քսակ: Ահա,— ասաց նա,— 60 ոսկի է, գիտեմ, որ քիչ է, բայց դա է իմ ամբողջ կարողությունը: Առ այս դրամը և ազատիր մերոնցից նրանց, որոնք գեռ գերի են քրդերի ձեռքում»¹⁵:

Տրապիզոնում ջարդերի կազմակերպիչ Զ. Ազմին երկու օրվա ընթացքում ոչնչացրեց 14 հազար հայ, 600 հոգու նավերը լցրեց ու ծովում խեղդեց: Ապա կանանց, ծերերին ու երեխաներին քաղաքից հանեց և Ջեմիլլիգ գյուղի մոտ գազանային միջոցներով սպանեց¹⁶:

Նարբերդում ամերիկյան հյուպատոսի 1915 թ. հուլիսի 11-ի տեղեկագրում գրված էր. «Հուլիսի առաջին օրերին Կարիճից,

Երզնկայից, Խարբերդից հասան ցնցոտիների մեջ, սովալլուկ, հիվանդ (հայերի) առաջին բարավանները: Նրանք երկու ամիս անցկացրել էին ճանապարհներին՝ գրեթե առանց սննդի ու ջրի: Մայրերը իրենց զավակներին հոժարակամ տալիս էին բոլոր նրանց, ովքեր ուզում էին վերցնել: Հարուստ թուրքերը բժշկական քննության էին ենթարկում երիտասարդ աղջիկներին և ամենագեղեցիկներին տանում էին իրենց հարեմների համար»:

Խարբերդում բռնագաղթը սկսվեց «հազարավոր տղամարդկանց ձերբակալություններով: Գիշերը նրանց տարան մոտակա լեռները և այլևս ոչ ոք չվերադարձավ... հունիսի 5-ին ձերբակալվեց ևս 800 հայ: Հետևյալ օրը նրանց տարան լեռների անապատային մասը, 14 հոգիանոց խմբերով իրար կապեցին... և սրախողտող արեցին: Մերձակա գյուղերում հայերին... արգելափակեցին: Երեք օր առանց ուտելիքի ու ջրի պահելուց հետո նրանց կանգնեցրին մոտակա ժայռերի առաջ ու դնդակահարեցին, ովքեր պատահաբար կենդանի էին մնացել, սվիններով ու դանակներով սպանեցին: Հուլիսի 10-ին հազարավոր հայերի նոր ջարդեր եղան քաղաքից երկու ժամ հեռավորության վրա: Նույնը կատարվեց շրջակա բոլոր գյուղերում...»¹⁷:

1915 թ. հունիսին թուրքական զորամասերը շրջապատեցին Բիթլիս քաղաքն ու նրան հարող գյուղերը, որոնք վերածվեցին սպանդանոցների: Երբ ռուսական բանակը գրավեց քաղաքը, պարզվեց, որ վիլայեթի 180 հազար հայ բնակչությունից կենդանի էին մնացել միայն մահմեդականություն ընդունած 300—400 կանայք ու երեխաներ: Բիթլիսի կառավարիչը պարծենալով, կենտրոնական կառավարությանը հեռագիր տվեց, թե իր վիլայեթում այլևս ոչ մի հայ չկա:

Հատկանշական էր նաև այն, որ երիտթուրքերի լիզերները թուրքերին կոչ էին անում ամբանալ հայերի հողերի վրա, մըշտական բնակություն «հաստատել Արևելյան Անատոլիայում»:

Ժակ Մորգանը գրում է. «Սպանություններ, բռնություններ, կոզոպուտ, ստրկացում, սրանք բնորոշ գծեր են բոլոր թշնամիների գործելակերպի՝ ինչպես տևտոնների, այնպես էլ նրանց հարազատ թուրքերի համար»: Սակայն աշխարհում չկա մի լեզու, որը «բավարար հարուստ և պերճախոս լինի, որպեսզի կարողանա նկարագրել» թուրքերի օգտագործած հրեշավոր մեթոդները, որպեսզի «արտահայտի ֆիզիկական և հոգևոր այն

տառապանքները, որ կրեցին այդ անմեղները մինչև որ» մահը վրա հասավ¹⁸:

Արար քաղաքագետ և հեղինակ Ֆայիզ էլ-Ղոսեյնը, որ 1917 թ. հրատարակեց «Հայկական կոտորածները Օսմանյան կայսրությունում» գիրքը, որպես ականատես գրում է. «Ինչ վերաբերում է Մուշ քաղաքին, ապա հայերի մի մասը փոսերի մեջ բնաջնջվեց, իսկ մի մասը դանակահարվեց ու դնդակահարվեց: Իշխանությունը դահիճներ էր վարձում, յուրաքանչյուրին օրական վճարելով մեկ օսմանյան լիրա... Սվազի վիլայեթի Մարզվան կազալում... դատապարտյալներից տառապան մարդ առանձնացնելով ժանդարմները մեկը մյուսի հետևից հայերին (չորս դահիճների) մոտ էին ուղարկում: Դահիճները հայերին մորթում էին ոշխարների նման: Բժիշկը (ականատես) հայտնում է իր զարմանքը, թե ինչպես էին հայերը մեռնում՝ առանց որևէ խոսք ասելու: Ինչ վերաբերում է կանանց ու երեխաներին, ապա ժանդարմները նրանց կապելով բարձունքից ցած էին գլորում...»¹⁹:

Իշխանությունները քրդերից պահանջում էին հայերին նախ սպանել, ապա թալանել: «Հրամայեցինք նրանց սպանել հայերին, սակայն քրդերը ավելի հակում ունեցան թալանի, քան սպանության», — ասել է Մուշի բարձրաստիճան պաշտոնյաներից մեկը²⁰:

Կարինի հայ ազգաբնակչության բռնագաղթի ականատես, գերմանացի լեյտենանտ Շտանգեն գրում է.

«Բացարձակապես հավաստի է, որ հուսահատված մայրերը իրենց նորածին երեխաներին Եփրատն էին գցում, չկա ռողանալով նրանց կերակրել»²¹:

Տիգրանակերտի յուրաքանչյուր տանը կար մեկից հինգ հասուհի աղախին, նրանց թիվը քաղաքում հասնում էր հինգ հազարի, որոնց մեծամասնությունը Կարինի, Խարբերդի և մյուս վիլայեթների աղջիկներն էին:

Կահիրեում ֆրանսիական դեսպանը գրում է, որ 1916 թ. ապրիլի 15-ին Դամասկոսի հրապարակներից մեկում վաճառվում էր 300—400 հայ աղջիկ ու երիտասարդ կին: Նրանց գինը տատանվում էր 8—23 ֆրանկի միջև: Հալեպի շուկաներում վաճառվեցին հազարավոր հայ կանայք: «Այսպես կոչված մահմեդական աշխարհի ինտելեկտուալները՝ խոջաները, ուկմները, կադերը, մուֆտիները կարողացան արագորեն մեծացնել իրենց

սարուկների թիվը չնչին գումարով, պատճառաբանելով, որ իրենք են նրանց կրոնափոխել. մեծ թիվով մահմեդականացված... կանայք մտցվեցին հարեմները»²²:

«Հայերի հսկա քարավանները զանգվածային բնաշնչման են ենթարկվում սպանությունների ու սովամահության միջոցով կամ հիվանդությունների հետևանքով: Գերմանացի սպաները ևս, որոնք վերջերս Փոքր Ասիայում են եղել, պատմում են այդ վայրերում տեղի ունեցած սրտալիկեր տեսարանների մասին»²³:

Գերմանացի բուժքույրեր Գ. Վեդել-Յարլսբերովը և Ծ. Էլվերսը գրում են, որ իրենց խոհարարուհիին արցունքներն աչքերին պատմում էր, թե ինչպես քրդերին պատժելու անվան տակ կանոնավոր բանակը «սպանում էր կենդանի մնացած հայերին, կանանց ու երեխաների մեծ մասին»: «Երբ մենք ահաբեկված բացականչեցինք, թե «Դուք ինչպե՞ս կարողացաք կրակել կանանց ու երեխաների վրա», հետևեց հետևյալ պատասխանը. «Մենք ի՞նչ կարող էինք անել: Դա հրաման էր»²⁴:

Իթթիհադի ղեկավարներից Ի. Հաբբը Սալոնիկում լույս տեսնող «Բեյան ու Հաբ» թերթում 1918 թ. գրեց. «Խաղաղ ազգաբնակչության դեմ ուղղված հալածանքները բարբարոս են և լուրջ դեմ: Լուս հանդիսատես մնալ նմանօրինակ իրողություններին, նշանակում է մեղսակից լինել:

Ամեն օր հազարավոր հայեր են սպանվում ամենահեռավոր վայրերում»:

Մի այլ թուրք գրող, Մ. Նեդիմը, 1925 թ. լույս տեսած իր «Վկայությունների» 90-րդ էջում գրում է. «Իմ վտիտ գրիչը անուժ է նկարագրելու (հայերի) շարժերը, որոնք աննախադեպ էին մարդկության պատմության մեջ...»

Երկրորդ բանակի հրամանատար Վեհիբ փաշան վկայել է, որ երբ Հալեպում շրրորդ բանակի տրամադրության տակ ուղարկվելու փոխարեն Սվազում գտնվող 2000 հոգուց կազմված հայ զինվորների գունդը շարժվեց թուրքերի կողմից, այդ դեպքը հետաքննելու ընթացքում հայտնի դարձան հայկական կոտորածների ազդակող փաստեր: Նա նկարագրում է Մուշի մտակայքում գտնվող Ջուրիկ գյուղի ողբերգությունը, երբ բազմաթիվ մանուկներ ու կանայք կենդանի այրվել են: «Մարդ չի կարող նման վայրագության ու վայրենության օրինակներ գտնել Խալափի պատմության էջերում»^{24a}: Վենեսուելացի սպա Ռաֆայել դե Նոգալեսը 1926 թ. Լոնդոնում հրատարակված իր հուշերում

(«Չորս տարի կիսալուսնի տակ») նկարագրում է Մուշի շրջանում իր տեսած վայրագությունները, կիսամեռ ու կիսավաճված հայ մանուկների ու կանանց դիակները:

Տարագրվածները, — գրում է Դոսեյնը, — էրզրումից մինչև Սերուլա ողջ ճանապարհն անցել էին ոտքով, «...ժանդարմները նրանց տանում էին անապատային վայրերով, նրանց թողնելով առանց ջրի: Ծննդաբերող կանայք հարկադրված էին նորածին թողնել բախտի քմահաճույթին, անբնակ վայրերում: Ոմանց մայրական սերը թույլ չէր տվել բաժանվել իրենց երեխաներից, և նրանք միասին զոհվեցին անապատում...»²⁵:

«Ճանապարհի երկու կողմերին թափված էին մեծ քանակությամբ դիակներ... (որոնք) արևի տակ ցամաքելով սեպեցել էին ինչպես ածուխը: Մենք որքան մոտենում էինք Սեվերեկին, այնքան շատանում էր դիակների, հատկապես երեխաների դիակների թիվը...»

Ամենուրեք դիակներ են. տղամարդիկ՝ բացված կրծքերով, կանայք՝ հոշոտված մարմնով, կողքին երեխան՝ հավերժական քնով քնած...»

Մենք տեսանք լրիվ այրված դիակներ... Քանի երիտասարդներ և գեղեցիկ աղջիկներ էին... կենդանի այրվել այս վայրում...»²⁶:

Դիարբեքիրում հայերին ցերեկը զգուշացնում էին, որ երեկոյան իրենց ոչնչացնելու են: Նրանց շրջապատման մեջ էին պահում մինչև երեկոյան ժամը 8-ը, որի հետո խումբ-խումբ տանում և գնդակահարում էին: Հաճախ նրանց սպանում էին կացնի հարվածներով...»

Բիթլիսում իշխանությունները հայերին լցրեցին... մեծ մարագի մեջ, դռները ծղոտով փակեցին և հրդեհեցին... Հաճախ նման ձևով միանգամից ոչնչացնում էին մի քանի հարյուր մարդ²⁷:

Ժանդարմները... կանանց ու երեխաներին իրար էին կապում, մեծ բարձրությունից ցած գլորում... Դիարբեքիրում հաճախ նրանց խմբերով զցում էին ջրհորներն ու փոսերը և հողով ծածկում...»²⁸:

Բոնագաղթվածներից մի սովյալ կին, երեխան գրկին, անցորդներից հաց էր մուրում, բայց վախենալով իշխանություններից՝ ոչ ոք չէր համարձակվում նրան հաց տալ: Եվ այդպիսի

երկու օր շարունակ: Երրորդ օրը նա երեխային դրեց շուկայի հրապարակում, իսկ ինքը նետվեց Եփրատի ջրերի մեջ:

Հոսեյնը գրում է, որ մինչև 1915-ի օգոստոսը ոչնչացվել էր 1,2 միլիոն հայ:

«Մենք չգիտենք,— գրում է Ա. Մանդելշտամը,— բարձրագույն իշխանութիան ծրագրերի մեջ մտնում էին փոքր երեխաների ձեռքերը կտրելու, մերկ կանանց անապատում դեգերելու պլանները... Ճանապարհների քարավանների ոչնչացումը սովի, ծարավի և հիվանդությունների միջոցով նախատեսված էր...»^{28ա}:

Հայերի տները,— գրում է Վ. Գորդլևսկին,— եկեղեցիներն ու վանքերը լցված էին դիակներով, շատ դեպքերում դրանք թափված էին ածխացած: «...Ոչ քիչ դեպքերում որովայնները լցված էին ավազով... Բիթլիսից այն կողմ ձգված կրճուկում թափված էին դիակների սարեր...»²⁹:

Հայ զինվորների ոչնչացման մասին Հ. Մորգենթաուն գրում է. «Մերթ ալտեդ, մերթ ալտեդ հավաքում էին 50—100 մարդ, նրանցից շորսական հոգու իրար էին կապում, տանում գլուղերից հեռու» և ոչնչացնում: Նրանք, ովքեր ուղարկվում էին այդ սպանվածների թաղելու, վերջիններիս «գտնում էին ամբողջապես մերկ, որովհետև թուրքերը, որպես կանոն, լրիվ հանում էին նրանց հագուստները... մարդասպանները իրենց զոհերի տանջանքները մեծացնում էին նրանով, որ նրանց հարկադրում էի գնդակահարվելուց առաջ իրենց համար գերիզման փորել»³⁰:

«Մի շարք դեպքերում ժանդարմները հայերի ոտքերն ու ձեռքերը մեխում էին փայտերին, հավանաբար, նկատի ունենալով Քրիստոսի խաչվելը»³¹:

Թուրք պաշտոնատարները չէին հերքում, որ կառավարությունը քաջալերում է խոշտանգումները, որոնց մանրամասները քննվում էին «Միութուն և առաջադիմություն» կուսակցության շտաբի գիշերային նիստերում: Խոշտանգումների յուրաքանչյուր նոր մեթոդ «գնահատվում էր որպես գերադրական հայտնագործություն և ծառայողները մշտապես գլուխ էին ջարդում, որպեսզի հայտնագործեին խոշտանգումների մի նոր տեսակ... Նրանք նույնիսկ դիմում էին իսպանական հավատաքննության հաշվետվություններին...»: «Հաճախ ժանդարմները սվինահարում էին բոլոր նրանց, ովքեր ընկնում էին ճանապարհին»³²:

Տարագրության քարավանները «առաջ ընթանալու հետ միա-

սին իրենց հետևում թողնում էին մի այլ քարավան՝ ծեղերի և կանանց մեռած ու շթաղված դիակների քարավան...»

«Ես համոզված եմ, որ մարդկության ողջ պատմության մեջ չկան այնպիսի սարսափելի փաստեր, ինչպես այս կոտորածը: Անցյալում պատահած մեծ ջարդերն ու հալածանքները, համեմատած 1915 թ. հայ ժողովրդի կրած տանջանքների հետ, թվում են աննշան»³³:

1918 թ. ամերիկյան «The Red Cross» հանդեսում տպագրվեց Հ. Մորգենթաունի «Պատմության ամենասոսկալի եղելությունները» հոդվածը, որ քիչ անց Փարիզում հրատարակվեց առանձին գրքով: Այն արժեքավոր է ոչ միայն նրանով, որ հեղինակը իրադարձություններին քաջատեղյակ անձ է, որ գրված է այդ իրադարձություններից անմիջապես հետո և դրանց թարմ տպավորության տակ, այլ նաև նրանով, որ այն շատ հաջող փորձ է ներկայացնելու դարի առաջին ցեղասպանության բնութագիրը, նրա տեղը պատմական իրադարձությունների շղթայում, նրա պատճառներն ու հետևանքները, նրա միջազգային առնչությունները:

Հ. Մորգենթաուն հոդվածը սկսում է այսպես. «Քիչ երկրներ են այնպիսի խոշտանգման ենթարկվել, ինչպիսին Հայաստանն է: Հարատև դաժանությունները, որոնց նա զոհ գնաց, եղել են այն աստիճանի զարհուրելի, որ մեզանից շատերի համար հենց «Հայաստան» անունը ստացել է նահատակ բառին համազոր նշանակություն»:

«Ինձ համար անսպասելի է,— շարունակում է Հ. Մորգենթաուն,— որ Եվրոպայի ու Ամերիկայի 400 միլիոն քրիստոնյաներ այս անգամ ներեն թուրքական կառավարության գործած այս վայրագությունները: Արդյո՞ք նրանք Կերմանիայի նման կրճենն թուրքի արյունլիվա ձեռքը, կներեն ու կպարզկատրեն նրան, ինչպես այդ արեց Վիլհելմը՝ սուլթանին շնորհելով իր ամենաբարձր պատվի շքանշանները: Արդյո՞ք այս սարսափելի արարքները, դժոխային շարչարանքները, կանանց արգելափակումը հարեմներում, անմեղ երիտասարդ աղջիկների հափշտակումն ու նրանցից շատերին շորս ֆրանկով վաճառելը, հարյուր հազարավոր մարդկային էակների սպանող և այլ հարյուր հազարավոր հայերի աքսորը անապատ, որտեղ նրանք ոչնչացան սովամահությունից, հարյուրավոր քաղաքների ու գյուղերի կործանումը, վերջապես, Թուրքիայի հայ, հույն, սիրիացի

քոնստոնյաներին ոչնչացնելու կանխամտածված ու դժոխային աշխարհագրերի գործադրումը, արդյո՞ք այս բոլոր եղեռնագործությունները, ի վերջո, մնալու են անպատիժ: Մի՞թե թույլ ենք տալու թուրքերին, ինչ եմ ասում, մի՞թե մեր երկչոտությունը բաշխելու ենք նրանց՝ շարունակելու իրենց տիրապետության տակ գտնվող քրիստոնյաների հետ վերաբերվել որպես «անհավատ շնեքի»³⁴:

Մորգենթաուի մտավախությունը անհիմն չէր: Պատմությունը ցույց տվեց, որ Արևմուտքի խոշոր տերությունների, այդ թվում նաև նրա հայրենիքի՝ Միացյալ Նահանգների կառավարությունը գործնականում թուրքիային իրենց հովանավորության տակ առան և մինչև օրս էլ աջակցում են նրա շովինիստական ուժերին, նպատակ ունենալով, հարկ եղած դեպքում, թուրքիային օգտագործելու իրենց ագրեսիվ նպատակների համար:

Այժմ ընթերցողի ուշադրության ենք առաջարկում մարդկության մեծագույն զավակներից մեկի՝ Ֆ. Նանսենի մտքերն ու դիտարկումները՝ թուրքիայում հայերի վիճակի ու Մեծ եղեռնի մասին, որ նա արձանագրել է բազմաթիվ առիթներով, մասնավորապես իր «Հայաստանը և Մերձավոր արևելքը» գրքում:

«Թուրքական գազանությունները իրենց չափերով ու նողկալի զաղրելիությամբ, — գրում է Նանսենը, — գերազանցում են պատմությանը հայտնի բոլոր գազանությունները, և հայ գող-գոթան իր նմանը չունի պատմության մեջ»³⁵:

Մահաբեր ծրագիրը սկսեց գործադրվել մեթոդիկ ձևով: Թուրքերը որոշել էին օգտվել առիթից՝ մեկընդմիջ բնաշնչելու այն ամենը, ինչ հայ է ու հայկական: Քանի որ տղամարդկանց մեծ մասը զորակոչվել էր, ծերերը, կանայք և երեխաները, հիվանդներն ու հաշմանդամները արսորվում էին³⁶:

«Մարդկային դժբախտ էակներից բաղկացած քարավանը ճանապարհ էր ելնում. խուզարկու աչքերից հեռու, ամայի վայրերով, ոստիկանների անտարբերությունը փոխակերպվում, գառնում էր անորակելի բռնություն: Բոլոր տղամարդիկ և պատանիները հավաքվում և անողորմաբար կոտորվում էին: Կանայք, ծերերն ու երեխաները... մեռնում էին սովից ու ծարավից: Նրանք, ովքեր այլևս քայլել չէին կարողանում, մտրակահարվում էին այնքան, մինչև որ կրկնեին, այնուհետև սպանվում էին: Քարավանը հետզհետե նոսրանում էր. քաղցը, ծարավը, հոգնությունը և սպանություններն ավեր էին գործում: Առևանգ-

վում էին կանայք ու աղջիկները և վաճառվում իսլամական շուկաներում: 20 դահեկան արժեք կույս աղջիկը, հինգ դահեկան՝ երիտասարդ կինը կամ այրին, իսկ երեխաները ձրի էին տրվում: Չեթեններն ու քրդերը հաճախ հարձակվում էին հալումաշ քարավանների վրա, բռնաբարում էին կանանց, կողոպտում, սպանում»³⁷:

«1916 թ. հունվարին գրեթե 6000 հայ Այնթափից քշվեց անպատ: Ապրիլին 14 հազար արսորյալներ կոտորվեցին Ռաս ուլ-Այնում: Քաղաքի կայմակամի հրամանով ամեն օր 300—500 մարդ խումբ-խումբ տարվում էին գետափ և այնտեղ հատուկ վարձված շեթենները, ոճրագործները մորթում էին նրանց և նետում գետը:

Հալեպի արևելյան կողմում, Եփրատի ափին գտնվող Մեսքենեում, ըստ թուրքերի հայտարարության, 55 հազար սովամահ հայեր թաղվեցին: 1915 թվականի ընթացքում շուրջ 60 հազար հայ ուղարկվեց Դեր Զոր, որտեղ բոլորը մեռան»³⁸:

1916 թ. ապրիլի 15-ին 19 հազար հայեր անապատով (300 կմ հեռիտուն) ուղարկվեցին Մոսուլ, միայն 2000 հայ այնտեղ հասավ մայիսի 22-ին: Կանանց ու աղջիկների մի մասը ճանապարհին վաճառվեց բեդվիններին, մյուսները մեռան քաղցած ու ծարավ: 1916 թ. հուլիսին Դեր Զորում կար 20 հազար արսորյալ: Ութ շաբաթ անց, ըստ գերմանական սպայի, այնտեղ կային միայն մի քանի հարյուր արհեստավորներ, մյուսների հետքը կորել էր: Չեթենները նրանց խումբ-խումբ կոտորել էին: Սովամահությունը ավելի հոռի էր: Մի ականատես պատմել է, որ 1029 հայ Պապում սովից մեռան երկու և կես օրվա ընթացքում»³⁹:

«Երբ ուշ, 1915-ին, Անատոլիայի խժողությունների մասին Եվրոպայում իմացան, դրանք, նույնիսկ, համաշխարհային պատերազմի արհավիրքների մեջ զայրույթի փոթորիկ առաջացրեցին թուրքերի դեմ, նաև գերմանացիների դեմ, որոնք չեն կարողացել արգելք հանդիսանալ իրենց զաշնակցի ոճիրներին»⁴⁰:

«Երիտթուրքերը հասան իրենց նպատակին, «մաքրեցին» Անատոլիան հայերից և Քալեթ փաշայի հետ կարողացան ասել, որ «այլևս Հայկական հարց գոյություն չունի»: Ոչ մի պետական գործիչ կամ կառավարություն (ամերիկացի թե եվրոպացի) այլևս չի հարցնի, թե այդ երկրում ինչ է կատարվում: Այնպես

է թվում, որ ամերիկացիների ու եվրոպացիների համար ևս «Հայկական հարցը լուծված է», խեղդված արյան մեջ»⁴¹:

Այո, իմպերիալիստական պետությունները հանգիստ խղճով լողանում փակեցին Հայկական հարցը, լորդ Քերզոնի խոսքերով ասած՝ «աշխարհի ամենամեծ գայթակղություններից մեկը»:

1. ՀՍՍՀ ԳԱ ինֆորմացիոն բյուրոսեն, 1985, էջ 19:
2. Նույն տեղը:
3. Հառաչ, 6 նոյեմբերի 1985 թ.:
4. Гр. Чалгушян, Красная Книга, Ростов-на-Дону, 1919, с. 70.
5. Հուլիսյան Մեծ եղեռնի (1915—1965), Բեյրութ, 1965, էջ 323:
6. Ա. Անտոնյան, Մեծ ոճիրը, Բեյրութ, 1977, էջ 284:
7. Նույն տեղը, էջ 285:
8. Геноцид армян в Османской империи, Е., 1982, с. 313—317.
9. Հուլիսյան Մեծ եղեռնի..., էջ 501:
10. Նույն տեղը, էջ 502:
11. Նույն տեղը, էջ 509:
12. Ապագա, 10 հունիսի 1985 թ.:
13. Գործ, 1965 թ. մարտ:
14. Գործ, հանդես, 1971, № 2:
15. Ս. Մելիքյան, Հայ կամավորի հուշերից, Քիֆլիս, 1917, էջ 9, 10, 14, 15, 19, 24—28:
16. Ս. Թեհլերյան, Վերհուշումներ, Կահիրե, 1956, էջ 78:
17. Նույն տեղը:
18. Геноцид армян..., с. 556.
19. ՀՍՍՀ ԳԱ ինֆորմացիոն բյուրոսեն, 1983, № 8, էջ 17—18:
20. Նույն տեղը, էջ 13:
21. Նույն տեղը, 1984, № 1, էջ 17:
22. Նույն տեղը, 1985, էջ 13, 17, 18:
23. Բորսալում Ավստրիայի հյուպատոս Ս. Բալավիշինիի 1915 թ. օգոստոսի 23-ի զեկուցագրերը:
24. Ֆ. Նանսեն, Հայաստանը և Մերձավոր արևելքը, Վերհոտն, 1956, էջ 289: 24ա. Թագուիմը Վազայի, 5 մայիսի 1919 թ.:
25. Геноцид армян..., с. 399.
26. Նույն տեղը, էջ 401:
27. Նույն տեղը, էջ 403:
28. Նույն տեղը, էջ 405:
- 28ա. Նույն տեղը, էջ 506:
29. Նույն տեղը, էջ 508:
30. Նույն տեղը, էջ 542:
31. Նույն տեղը, էջ 544:
32. Նույն տեղը, էջ 545, 550:
33. Նույն տեղը, էջ 553:
34. Էջմիածին, 1965, № № 2—3—4:

35. Մ. Արզումանյան, Նանսենը և Հայաստանը, Ե., 1986, էջ 33:
36. Ֆ. Նանսեն, Հայաստանը և Մերձավոր արևելքը, էջ 272:
37. Նույն տեղը, էջ 273:
38. Նույն տեղը, էջ 276:
39. Նույն տեղը, էջ 278—279:
40. Նույն տեղը, էջ 281—282:
41. Նույն տեղը, էջ 296:

ԱՌԱՋԱԴՆԵՄ ՄԱՐԿԿՈՒԹՅՈՒՆԸ ԴԱՏԱՊԱՐՏՈՒՄ Է

Մեր օրերում սուլթանների ու երիտթուրքերի մարդատյաց քաղաքականությունն արդարացնողների շարքերում միավորված են դանազան քաղաքական գործիչները, նացիոնալ-սոցիալիստական կուսակցության դահլիճներն ու նեոֆաշիստները, ԱՄՆ-ի Կենտրոնական հետախուզական վարչության լրտեսներն ու գանգստերները:

Ահա, օրինակ, ԿՀՎ գեներալ, հայտնի արկածախնդիր Պոլ Հենսը, որ ամեն անգամ թուրքիա այցելելիս իր սլաքաշուն է հասնում դատապարտելու «հայերի հակաթուրքական» գործուսնեությունը: Պրովոկատորը մնում է պրովոկատոր, շովինիստական լարերի ու ատելության կրքերի վրա խաղացող: 1983 թ. Ստամբուլում նա հրապարակավ բացականչում էր. «Հայ ահաբեկիչները գործադրում են ծայրահեղական տեռորիզմ: Պատանդ չէին վերցնում, սպանում էին վիրավորներին... Թուրքերին նրանց ներկայացրած տարածքային պահանջներն անարդարացի էն ու անօրինական»¹: Արևմտագերմանական թերթերից մեկը Պոլ Հենսին ու նրա նմաններին նկատի ունենալով է, որ հարց է տալիս. «Ովքե՞ր են այսօր կրկին խոսում հայերի մասին: Այս հարցը Հիտլերը պետք է տար 1939 թ. հրամակազմի նիստերից մեկի ժամանակ, քանի որ Լեհաստանում նա իր գեներալներին արդեն ներշնչել էր «կենսական տարածություն» գաղափարը, որը պետք է նվաճել և որի միակ բնակիչը պետք է դառնալ:

Այժմ ո՞վ է հիշում հայերի ջարդի մասին»:

Իսկ ցեղասպանության թուրքական քաղաքականությունը ջրնանադատողների թվում են կոմունիստական ու բանվորական շատ կուսակցություններ, դեմոկրատական ու առաջադիմական ուժեր:

Թուրքիայի կոմունիստական կուսակցության օրգան «Ատիլիմ» թերթը գրում է. «Մեր պետության ամենասու էջերից մեկը 1915 թ. է, երբ Գերմանիայի դաշնակիցները՝ Միություն և առաջադիմություն» կոմիտեի ղեկավարները, կազմակերպեցին օս-

մտնյան սահմաններում բնակվող ավելի քան մեկ միլիոն հայերի կոտորած և նրանց բռնություններն այն հողերից, որոնց վրա նրանք ծնվել ու մեծացել էին... 1915 թ. ցեղասպանությունը թուրքական պատմության ամենամառնալի էջերից մեկն է, և կոմունիստները դատապարտում են այն»²:

Ահա և կիբանանի կոմկուսի հայտարարությունը. «Թուրքական հետադիմական բռնակալությունը ցանկացավ բնաջնջել քաղաքի այս ժողովրդին, երբ ձախողվեց հայ ազգային ինքնությունը ձուլելու, նրան իր հողերից հեռացնելու և այդ հողերը յուրացնելու իր քաղաքականությունը:

Բոլոր տվյալները հայկական դատը առաջադրում են որպես քաղաքական դատ, որի կարևորությունը, տեղական ու համաշխարհային շա՛վ սիշներով ծավալվում է հակառակ պատմության նենգափոխումների, որ կատարում են թուրք հետադիմ պատմաբանները՝ համաշխարհային հասարակական կարծիքը թյուրիմացության մեջ գցելու և Հայկական հարցը այլափոխելու համար:

Հայկական դատի համար մղվող պայքարը ենթադրում է դաշնակցային հարաբերություններ թուրքական հետադիմության կողմից ճնշված բոլոր ազգությունների հետ, նախ և առաջ իր ազգային դատի համար պայքարող քուրդ ժողովրդի, ինչպես նաև ֆաշիզմին հակադրվող թուրքական առաջադիմական ուժերի հետ:

Ակնհայտ է, որ ազգային ինքնուրույնության պահպանման և հայկական դատի համար պայքարը զարգանալ և հաջողություն ունենալ չի կարող, եթե նկատի չառնվի Սովետական Հայաստանի գոյությունն ու հարաճուն ուժը: Նա պայծառ ներկա է, որի մեջ չի կարելի շտեմնել բոլոր հայերի ապագայի պատկերը»³:

Քրդստանի ազատագրության կուսակցությունը եղեռնի 70-ամյակի առթիվ դատապարտեց «թուրքական բարբարոս պետության կողմից հայ ժողովրդի դեմ գործադրված հակամարդկային ցեղասպանությունը, ցեղասպանություն, որ հետո սկսեց գործադրվել նաև քուրդ ժողովրդի դեմ... անհրաժեշտ է հայ և քուրդ ժողովուրդների ազգային-ազատագրական պայքարի միասնություն ընդդեմ բռնատեր, հափշտակիչ, ցեղասպան ու ֆաշիստական թուրքական պետությանն ու նրան հովանավորող ամերիկյան և ՆԱՏՕ-ի մյուս իմպերիալիստների»⁴:

Լեո Քյուփոֆ «Ցեղասպանություն» գրքում կարդում ենք. «Մի

շարք ցեղասպանություններին բնորոշ է արագությունը, մյուսներին՝ կազմակերպվածությունը: Իսկ հայկական բնորոշվում է այդ կրկուսի միաձուլմամբ»: «Պատերազմական պայմաններում կատարված բնաջնջումները իշխանությունների կողմից քուղակվում են որպես ռազմական անհրաժեշտություն»:

Հայկական ցեղասպանությունը XX դարի «մոռացված ցեղասպանությունն է, որը գլխավորապես հիշում են միայն հայերը: Բայց դա առաջինն է իշխանությունների կողմից ամենայն սառնասրտությամբ ծրագրված ու գործադրված ցեղասպանություններից»:

«Հայերին, եթե նրանք նույնիսկ անհավատարիմ քաղաքացիներ լինեին, բավարար կարող էր լինել զինաթափումը, բայց երբեք՝ կոտորածը»⁵:

1984 թ. ապրիլի 13—16-ը Սորբոնում տեղի ունեցավ «Ժողովուրդների մշտական տրիբունալ» անունը կրող ոչ կառավարական միջազգային կազմակերպության նստաշրջանը, որի նիստերից մեկը նվիրված էր Հայկական եղեռնին: Տրիբունալը արձանագրեց, որ ելնելով ցեղասպանությունը կանխելու և մեղավորներին պատժելու մասին ՄԱԿ-ի 1948 թ. կոնվենցիայի դրույթներից, բոլոր հիմքերը կան ասելու, որ հայ ժողովրդի բռնի գաղթեցումն ու զանգվածային սպանությունները իսկական ցեղասպանություն են:

Հայերի նկատմամբ իրականացված ցեղասպանությունը միաժամանակ «միջազգային հանցագործություն էր և թուրքական պետությունը պետք է պատասխանատվություն կրի. նա պետք է պաշտոնապես ընդունի ցեղասպանության փաստը և հատուցի հայ ժողովրդին հասցված վնասը»⁶:

Տրիբունալը աշխարհի տարբեր ծայրերից բազմաթիվ նաժաններ ստացավ: Դրանց թվում էր աշխարհահռչակ կինորեմադրիչ, մեծ հայրենասեր, լեզենդար Գյունենու Նա ազգությամբ քուրդ է, իր կյանքի մեծ մասը անց է կացրել թուրքական բանտերում՝ «կոմունիստական պրոպագանդայի համար» Թուրքիայում պարտադիր դարձած մեղադրանքով:

Տրիբունային Գյունեն գրում է. «Այն ժամանակվա թուրքական ղեկավարները, առաջնորդվելով թունավոր նացիոնալիզմով, երազում էին ստեղծել պանթուրքական կայսրություն, որ տարածվելու էր Թուրքիայից մինչև Միջին Ասիայի տափաստանները: Մինչգեռ թուրքերով բնակեցված Թուրքիայի տա-

բաժըր և թուրքական ժողովուրդներով բնակեցված Հյուսիսային Կովկասն ու Միջին Ասիան միմյանցից անջատված էին քրդերով ու հայերով բնակեցված շրջաններով: Որպեսզի հաղթահարվի այդ «խոչընդոտը», «Միություն և առաջադիմություն» կոմիտեի ղեկավարությունը որոշեց ֆիզիկապես ոչնչացնել այդ երկու ժողովուրդներին:

Նազիմ Շիրվանի գրչին են պատկանում հետևյալ տողերը.

«Վառվեցին լույսերը Սուրենի
Եպարեղենի խանութում:

Նա չի մոռացել կոտորածը
հայկական:

Մինչև վերջ, մինչև մահ, գերեզման

Նա չի ների իր հոր սպանողին:

Բայց նա սիրում է թեզ,

Քանզի դու ևս չես ներել նրանց, ովքեր օգնել են,

որ թուրքիայի ճակատին դրվի

այդ խարանն ամթալի»⁷:

Թուրքիայի կոմկուսի II կոնֆերանսում ընդունված «Ազգային և գաղութային հարցեր» բանաձևում ասված է. «Կոմկուսիստները պաշտպանում են հայերի իրավունքները: Ցեղասպանությունը, որ իրականացրին թուրքական շովինիստները թուրքահայաստանում, մարդկության պատմության մեջ երբևիցե կատարված ամենաբարբարոս գազանությունն է: Թուրքիայի շովինիստական կառավարությունը մեկ միլիոն հայերի կյանքից զրկեց և թալանեց նրանց ունեցվածքը: Նրանք, ովքեր փրկվելու հնարավորություն ունեցան, բռնությամբ քշվեցին այն հողերից, որտեղ նրանք ապրել են հազարամյակների ընթացքում... այսօր աշխարհով ցրված 6,5 միլիոն հայերից, որոնց կեսը բնակվում է ՄՍՀՄ-ում, միայն 100 հազարն են Թուրքիայի բնակիչները:

Իրենց հողերից բռնությամբ քշված հայերին պետք է իրավունք տրվի անարգելք վերադառնալու, իսկ պետությունը պարտավոր է ամենայն օգնություն ցույց տալ նրանց, ովքեր ցանկանում են վերադառնալ: Հայերի բոլոր դեմոկրատական իրավունքները պետք է վերականգնվեն: Կոմկուսիստների պարտքն է՝ պաշտպանել հայ փոքրամասնությանը»⁸:

1965 թ. ապրիլի 23-ին «Յուժանիտեն» գրեց.

Բավական է ասել, որ ցեղասպանության հանցագործությունը առաջին անգամ իրականացվել է XX դարի սկզբին, 1914—

1918 թթ. պատերազմի ժամանակ: Եվ այդ հանցագործությունը երբեք չի դատապարտվել: Ահա թե ինչու հայերը, որոնք ուրիշներից ավելի գէտեն խաղաղության արժեքը, չեն կարողանում մոռանալ այդ իրադարձությունը, որ ոչ միայն հիշողություն, այլ նաև պատմական տարեթիվ է, որը սակայն կարող էր դառնալ մի ամբողջ ժողովրդի կործանման տարեթիվ: Հայերը չեն կարող մոռանալ արյան, ձերբակալությունների, աքսորյալների հոսքը դեպի անապատ՝ սովից, համաճարակներից, այլևայլ խոչտանգումներից կործանվելու: Նրանք չեն կարող մոռանալ այդ 1,5 միլիոն զոհերին...»

Հայկական ցեղասպանությունը դատապարտվել է նաև 1965 թ. հուլիսին Հելսինկիում կայացած խաղաղության կողմնակիցների համաշխարհային կոնգրեսում: Նրա երկրորդ ենթահանձնագրի ժողովի ընդունած բանաձևում, որը դատապարտում է դեսպոտիզմը, գաղութատիրությունն ու ցեղասպանությունը, մտցված է հետևյալ կետը. «Այս տարի լրանում է հայկական կոտորածների 50-ամյակը, որ կազմակերպվեց Թուրքիայի կողմից, նպատակ ունենալով ազգային հարցը լուծել մի ամբողջ ժողովրդի ջարդի միջոցով: Այս ցեղասպանությունը խլեց ավելի քան 1,5 միլիոն ազատատենչ հայի կյանք, այսինքն հայ ժողովրդի 2/3-ին»⁹: Բանաձևը միաձայն ընդունվեց կոնգրեսի 1965 թ. հուլիսի 15-ի եզրափակիչ նիստում և արձանագրվեց կոնգրեսի զբոսի մեջ որպես պաշտոնական փաստաթուղթ:

«Միջազգային սոցիալիստական կոնֆերանսը Ցիմերվալդում, — ասված է կոնֆերանսի բանաձևում, — իր ամենախորհամակրանքն է հայտնում պատերազմի բազմաթիվ զոհերին, լեհ և բելգիական ժողովուրդներին, հալածանքների ենթարկված հրեա և հայ ազգերին, բոլոր այն միլիոնավոր մարդկային էակներին, որոնք տառապում են անհամար աղետների ճնշման տակ, ստիպված են կրելու անլուր սարսափներ»¹⁰:

4. Լիբնեխտը դատարանում արտասանած ճառում, խոսելով հայերի կոտորածների կազմակերպման գործում Գերմանիայի դերի մասին, ասաց, որ նա «...այս պատերազմի ժամանակ ևս իր ձեռքերը ներկել է հայերի արյունով, անշափ մեծացնելով իր մեղքը, իրականացնելով տարաբախտ հայ ժողովրդի դժնդակ ջարդը...»¹¹:

Թուրքերը փայփայում են Թուրքիայի ողջ հայ բնակչության բնաջնջման հրեշավոր երազանքը, — գրել է Ս. Մ. Կիրովը, —

«...զուցե հետազայում միայն, հրճ կանգ կառնեն մարդկային արյան գետերը, մի նոր Գանթե կնկարագրի միլիոնավոր մարդկանց անասելի տառապանքների պատկերը»¹²։

«Նոր պատմութեան մեջ քիչ կան այնպիսի ժողովուրդներ, որոնք այնքան զոհեր տված լինեն, որքան հայերը, և քիչ կան այնպիսի երկրներ, որոնցում այնքան արյուն թափված լինի, որքան Հայաստանում»¹³։

Համաշխարհային ճանաչում ունեցող սովետական նշանավոր պատմաբան Տալեյն գրում է.

«Այն, ինչ կատարվեց Թուրքիայում, իր ծավալներով բացահայտի է համաշխարհային պատմութեան մեջ սկսած Զինգիդ խառնի ժամանակներին»¹⁴։

Մ. Գորկու ղեկավարութեամբ հրատարակված «Հայ գրականութեան ժողովածուի» ներածականում գրված է. «Նորից խաղաթղթի վրա է դրվել հայ ժողովրդի ազգային գոյութեան հարցը, իսկ համաշխարհային հրդեհի խիտ մշուշի հետևում դժվար է տեսնել և կոահել ապագան...»¹⁵։

Մոսկվայում լույս տեսնող «Ասիան և Աֆրիկան այսօր» ամսագրի 1985 թ. մարտ—ապրիլ համարներում տպագրվել է «Ցեղասպանություն կամ սանձաղերծ ոճիր» հոդվածը, որտեղ մասնավորապես գրված է. «Ապրիլի 24-ը 70 տարի առաջ Թուրքիայում սկսված հայերի զանգվածային բնաջնջման զոհերի հիշատակի օրն է... Այն ժամանակ կառավարող երիտթուրքական կառավարութեան հետադիմական ղեկավարությունը Ստամբուլից մինչև Կենտրոնական Ասիա ընկած ընդարձակ տարածքի վրա Թուրքական կայսրություն ստեղծելու ցեղամուլական ծրագրեր էր փայտիցում։ Աշակցություն գտնելով գերմանական իմպերիալիստներին, երիտթուրքերն օգտագործում էին անզուսպ շովինիզմի քաղաքականություն։ Նրանք ցանկանում էին երկրի երեսից ընդհանրապես ջնջել հայ ազգն իր հնագույն մշակույթով, որ զարգացել էր հազարամյակների ընթացքում։ Նույնիսկ «Հայաստան» և «հայ» բառերը պիտի ընդմիջտ մոռացվեին։ Ամբողջ հայ ազգի վրա կախվել էր բնաջնջման սպառնալիքը։

Այդ ժամանակվա Թուրքական կառավարութեան վարած ցեղասպանութեան քաղաքականութեան հետևանքը եղավ ավելի քան մեկ միլիոն հայերի ջարդը... Արևմտյան Հայաստանն ամայացավ, իսկ սակավաթիվ փրկված հայերին քրդացրին կամ Թուրքացրին»։ «...Հայ ժողովրդի պատմութեան ողբերգական էջը

երբեք չպետք է մոռացվի, որպեսզի կանխվի՝ լինի դա հայերի, սլավոնների, կամպուչիացիների, թե պաղեստինյան աղաքների կամ էլ երկրագնդի որևէ այլ ժողովրդի ցեղասպանություն»։

«Իզվեստիա» թերթի 1985 թվի նոյեմբերի 18-ի համարում տպագրված «Զայնակցում եմ հետադիմութեանը» հոդվածում կարդում ենք. 1915 թվի իրագործությունները «ցեղասպանության խորոշագույն և դաժան ակտ էին»։

ՄԱԿ-ի մարդու իրավունքների հանձնաժողովի ազգային փոքրամասնությունների նկատմամբ խտրականության կանխման և նրանց պաշտպանության ենթակոմիտեում ՍՍՀՄ ներկայացուցիչը հայտարարեց. «Թուրքիայի այն ժամանակվա կառավարողների կողմից հայերի դեմ կատարված հրեշավոր ցեղասպանությունը ոչնչով չի կարող արդարացվել»¹⁶։

* * *

1915 թ. դեկտեմբերի 1-ին «Նյու Յորք Ֆայմսը» տպագրեց ԱՄՆ-ի նախկին պրեզիդենտ Ք. Ռուզվելտի նամակը, որտեղ նա ասում էր, որ Միացյալ Նահանգները քիչ քան էին «անում վայրագութեամբ ու ծավալով աննախընթաց այն ոճիրի առթիվ, ինչպիսին հայկական կոտորածներն էին»։

Ամերիկյան «Միթի» ամսագրում 1980 թ. ապրիլին գետեղված «Հայերը» հոդվածում կարդում ենք. «Թուրքերի կողմից 1915 թվականին իրագործված հայ ժողովրդի զենոցիդը, որի հետևանքով զոհվեց ավելի քան 1,5 միլիոն մարդ, մինչև այժմ պաշտոնապես չի ճանաչված որոշ կառավարությունների, այդ թվում և մեր կառավարության կողմից։ Բայց փաստը մնում է փաստ՝ մինչև առաջին համաշխարհային պատերազմը Թուրքիայի արևելյան շրջաններում և Արարատ լեռան մերձակայքում բնակվող հայերի թիվը երկու միլիոնից ավելի էր։ Այժմ այստեղ իրականում հայեր չկան։ Ո՛ւր են նրանք անհետացել»։

«Պարզվա» թերթն այդ հարցին պատասխանել է դեռ 1918-ին. «Մեկ միլիոն հայեր իրենց կանանց և երեխաների հետ սրի քաշվեցին միայն այն բանի համար, որ նրանք հայեր էին»։

1. Թուրքական հեռուստատեսություն, 21 հոկտեմբերի 1983 թ.։

2. Հառաչ, 27—29 սեպտեմբերի 1983 թ.։

3. Ազգային մշակույթ, 28 ապրիլի 1985 թ.։

4. Նույն տեղը։

5. Այիբ, 10 ապրիլի 1985 թ.
 6. Լուսթյան ոճիր (Le Crime de silanse...), Փարիզ, 1984, էջ 345—346:
 7. Н. Хикмет, Избранное, М., 1953, с. 226.
 8. Գրական թերթ, 8 հունիսի 1934 թ.:
 9. Էջմիածին, 1965, № № 2—3—4,
 10. Լենինյան ուղիով, 1984, № 4:
 11. К. Либкнехт, Мой процесс по документам. Петроград, 1918, с. 54.
 12. Թերթ, 14 փետրվարի 1916 թ.:
 13. Г. Орджоникидзе, Статьи и речи, т. I, М., 1956, с. 412.
 14. Геноцид армян в Османской империи, Е., 1982, с. 588.
 15. Հուշամատենան Մեծ եղեռնի (1915—1965), Բեյրութ, 1965, էջ 56:
 16. Известия. 18 ноября 1985.

ՌՈՎԱՆԿՈՒԹՅՈՒՆ

Ինքու՜ն են կեղծու՜մ ՊԱՏՄՈՒԹՅՈՒՆԸ (ներածության փոխարեն) 3

Մ ա ա ա ա ա շ ի ն

ՕՍՄԱՆՅԱՆ ԿԱՌԱՎԱՐՈՒԹՅԱՆ ՀԱՅՆԱԿԱՆ ՔԱՂԱՔԱԿԱՆՈՒԹՅԱՆ ՍԱՄՏՎԱՅՈՒՄԸ

Հայկական հալածանքները օսմանյան կայսրությունում մինչև 1877—1878 թթ. 59

Բեռլինի կոնգրեսը և Հայկական հարցը 84

Զուլումի տարիներ 102

Բրդերի միջոցով 139

Ազատագրական գաղափարների տարածումը, Ինքնապաշտպանություն, Հայդուկներ 170

Սասունի գոյամարտն ու կոտորածները 203

1895—1896 թվականների զանգվածային կոտորածները, Ինքնապաշտպանական կռիվներ 238

Մ ա ա ե ռ կ ո ո ղ

ՀԱՅՈՑ ՑԵՂԱՍՊԱՆՈՒԹՅԱՆ ՊԱՏՄՈՒԹՅԱՆ ԿԵՂՄԱՐԱՐՆԵՐԸ

Անպարարություն 267

Ո՞ւմ շահերին են ծառայում 295

Ուժացում և քաղաքական հալածանքներ: Պատմության և մշակույթի կողպուտ 308

Հայկական ցեղասպանություն, թե՞ հայկական ահաբեկչություն 326

Պատմամանիզմից մինչև պանթուրքիզմ 349

Ցեղասպանություն 365

Երիթթուրքերի կուսակցությունը ցեղասպանության կազմակերպիչ 412

Բան ուզողը մնալն չու՜մ էր 436

Ցեղասպանությունը իրականացվեց ամենադաժան ու ամենաստոր մեթոդներով 455

Աւաշաղիմ մարդկությունը դատապարտում է 473

**Ստեփան Կարապետի Պողոսյան
 ԳՈՑԱՏԵՎՄԱՆ ՊԱՅՔԱՐԻ ՔԱՌՈՒՂԻՆԵՐՈՒՄ**

Տեփան Կարապետով Պոգոսյան
ՈՒ ՔԵՐԵՍՄՈՒՄԻ ԲՈՐԵՒԿՆԵՐ ԶԱ ՏՄԵՍՏՎՈՒՄԸ
 (Ու արմանկոմ լոսկոմ)
 Երեւան «Այաստան» 1988

Հրատ. խմբագիր՝ է. Վ. Պետրոսյան
 Նկարիչ՝ Յ. Գ. Աբրիկյան
 Գծչ. խմբագիր՝ Ս. Ս. Մկրտչյան
 Տեխն. խմբագիր՝ Ռ. Ս. Ասատրյան
 Վերստուգող սրբագրիչ՝ Կ. Ա. Տոնոյան

ԻԲ 3606

Տպագրվել է 1988 թ. մատրիցայից:
 Ցորմատ 84×108¹/₃₂: Թուղթ՝ տպ. № 2: Տառատեսակ՝ «Գրքի սովորական»:
 Տպագրություն՝ բարձր: 25,2 պայմ. տպագր. մամ.: Լրացուցիչ տպարանակ՝
 20.000: Պատվեր՝ 1595: Գինը՝ 1 ու. 80 կոպ.:

«Հայաստան» հրատարակչություն, Երևան—9, Ավ. Իսահակյան 28:
 Издательство «Айастан», Ереван-9, ул. Исаакяна, 28.

ՀՍՍՀ հրատարակչությունների, պոլիգրաֆիայի և գրքի առևտրի գործերի պե-
 տական կոմիտեի № 1 տպարան, Երևան—10, Ալավերդյան փող. № 65:
 Типография № 1 Госкомитета Арм. ССР по делам издательств, поли-
 графии и книжной торговли. Ереван-10, ул. Алавердяна, 65.